

সংক্ষিপ্ত  
ভাষা-প্রকাশ বাঙ্গালা ব্যাকরণ

সুনীতি কুমার চট্টোপাধ্যায়

বৈষ্ণৱগীত

[boierhut.com/group](http://boierhut.com/group)

সংক্ষিপ্ত

# ভাষা-প্রকাশ বাঙ্গালা ব্যাকরণ

কলিকাতা বিশ্ববিদ্যালয়ের ভারতীয় ভাষাতত্ত্বের অধ্যাপক

শ্রীসুনীতি কুমার চট্টোপাধ্যায়

এম-এ, পি-আব-এম ( কলিকাতা ), ডি-লিট ( লণ্ডন ), এফ-আব-এ-এস-বি

প্রণত

বেঙ্গল পাব্লিশাস'

১৪ বঙ্কিম চাট্টোপাধ্যায় স্ট্রীট, কলিকাতা

বেঙ্গল পাব্‌লিশাসের পক্ষে প্রকাশক  
শ্রীশচীন্দ্রনাথ মুখোপাধ্যায় বি. এ,  
১৪ বঙ্কিম চাট্‌জো ষ্ট্রীট, কলিকাতা

প্রথম সংস্করণ  
কলিকাতা, শ্রাবণ ১৩৫২ ( আগষ্ট ১৯৪৫ )  
মূল্য ২৫০ মাত্র

B11467



মুদ্রাপক—শ্রীকালীশঙ্কর বাক্‌চি, এম্-এস্-সি  
ইণ্ডিয়ান ডাইরেক্টরী প্রেস,  
পি, এম, বাক্‌চি এণ্ড কোং লিঃ  
৩৮এ মস্‌জিদ বাগ্‌চী ষ্ট্রীট, কলিকাতা

## ভূমিকা

মংপ্রণীত “ভাষা-প্রকাশ বাঙ্গালা ব্যাকরণ” ১৯৩৯ খ্রীষ্টাব্দে কলিকাতা বিশ্ববিদ্যালয় কর্তৃক প্রথম প্রকাশিত হয়, এবং ঐ বৎসর হইতে পুস্তকখানি প্রবেশিকা-পরীক্ষার্থী ছাত্র-ছাত্রীদের পাঠ্য-রূপে চলিয়া আসিতেছে। বইখানির সম্বন্ধে বহু শিক্ষক ও ছাত্রের নিকট হইতে লিখিত ও মৌখিক অনুরোধ পাওয়াই—এখানি প্রবেশিকা পরীক্ষার পক্ষে নিতান্ত বৃহৎ। প্রবেশিকা-পরীক্ষার্থী ইস্কুলের বালক-বালিকাদের উপযোগী ইহার একটী লঘু সংস্করণ প্রকাশ করিবার জন্ত এই কয় বৎসর ধরিয়া অনুরুদ্ধ হইতেছি। তদনুসারে, প্রবেশিকা শ্রেণীর ও তৎপূর্ব শ্রেণীর ছাত্রছাত্রীদের সুবিধার জন্ত, এই “সংক্ষিপ্ত ভাষা-প্রকাশ বাঙ্গালা ব্যাকরণ” প্রকাশিত হইল। পাঠের সহায়তার জন্ত আলোচিত প্রত্যেক বিষয়ের অন্তে প্রশময় অনুলীলনীও এই সংক্ষিপ্ত সংস্করণে প্রদত্ত হইয়াছে। মূল পুস্তকখানিকে আরও একটু বড় করিয়া, এবং বাঙ্গালা ধ্বনি ও রূপাবলীর ব্যুৎপত্তি আংশিক-ভাবে ইহার অন্তর্ভুক্ত করিয়া, কলেজের ছাত্র-ছাত্রীদের পাঠের জন্ত নূতন করিয়া প্রকাশ করিবার ইচ্ছা রহিল। আশা করি এই সংক্ষিপ্ত আকারের “ভাষা প্রকাশ বাঙ্গালা ব্যাকরণ” প্রবেশিকা-পরীক্ষার্থীদের পক্ষে অধিকতর কার্যকর বলিয়া বিবেচিত হইবে। ইতি আঘাট সংক্রান্তি, বঙ্গাব্দ ১৩৫২।

কলিকাতা  
বিশ্ববিদ্যালয়

}

শ্রীশ্রীমতী কুমার চট্টোপাধ্যায়



## সূচীপত্র

বিষয়	পৃষ্ঠা
<b>প্রবেশক</b> ... ..	১—১৯
<b>ধ্বনিভঙ্গ</b> ... ..	২০—৮৯
(ক) বাঙ্গালা ধ্বনি, বর্ণ ও উচ্চারণ ... ..	২০—৫৫
(খ) বাঙ্গালা উচ্চারণের ও ধ্বনি-পরিবর্তনের কয়েকটি বিশেষ রীতি	৫৫—৬৭
(গ) তৎসম বা সংস্কৃত শব্দ সম্বন্ধে বিশেষ রীতি—গত-বিধান, ষত্ব-বিধান, সন্ধি। বাঙ্গালা—সন্ধি, ছন্দ ... ..	৬৮—৮৯
<b>রূপভঙ্গ</b> ... ..	৯০—৩৩২
(ক) শব্দের গঠন-মূলক ও অর্থ-মূলক শ্রেণী-বিভাগ—বিভিন্ন প্রকারের শব্দ ... ..	৯০—১০০
(খ) শব্দ-গঠন—কৃত, তদ্ধিত, উপসর্গ ... ..	১০০—১৪৬
(গ) সমাস ও দ্বিরুক্ত শব্দ ... ..	১৭৭—১৭৩
(ঘ) শব্দরূপ—বিশেষ্য, শ্রেণী, লিঙ্গ, বচন-কারক ... ..	১৭৩—২২৯
(ঙ) বিশেষণ, ক্রিয়া-বিশেষণ সংখ্যা-বাচক শব্দ ... ..	২২৯—২৪৪
(চ) সর্বনাম ... ..	২৪৫—২৬১
(ছ) ক্রিয়া-পর্যায় ... ..	২৬১—৩২৮
(জ) অব্যয় ... ..	৩২৮—৩৩২
<b>বাক্য-রীতি</b> ... ..	৩৩৩—৩৪৮
<b>পরিশিষ্ট</b> ... ..	৩৪৯—৩৭৪
(ক) ছন্দ—কবিতার ভাষা ... ..	৩৪৯—৩৬৬
(খ) বাঙ্গালার আগত সংস্কৃত-ধাতুজ তৎসম শব্দ ... ..	৩৬৭—৩৭৪

সংক্ষিপ্ত  
ভাষা-প্রকাশ  
বঙ্গালা ব্যাকরণ

প্রবেশক  
ভাষা

মানুষের মনে যে ভাবের উদয় হয়, তাহা প্রকাশ করি, নান্দিকা, এবং মুখের ভিতরে অবস্থিত জিহ্বা প্রভৃতি বাগ্-যন্ত্রের সাহায্যে উচ্চারিত ধ্বনির দ্বারা প্রকাশিত হয়। এক বা একাধিক ধ্বনির যোগে, বিশেষ-ভাব-প্রকাশক, অর্থ-যুক্ত এক-একটী শব্দ (Word) বা পদ (Inflected Word) হয়।

ভিন্ন-ভিন্ন মানব-সমাজে, এক-ই ভাব বা অর্থ জানাইবার জন্য, 'বহিঃ প্রকারের ধ্বনি- বা ধ্বনিনমষ্ট-যোগে নিম্ন শব্দ বা পদ প্রযুক্ত হইয়া থাকে; যেমন, বঙ্গালা « ঐ » (—'ইহা'—একমাত্র ধ্বনিনময় শব্দ), « পা »,—[ প্ + আ ]—'চরণ'-অর্থে ত্রি-ধ্বনি-নিম্ন শব্দ), ইংরেজী this ('এই' বা 'ইহা'-অর্থে -th + i + s [ দ্. + ই + স্ ]—তিন-ধ্বনিময় পদ), foot ('চরণ'-অর্থে—f + oo + t [ ফ্. + উ + ট্. ]—তিন-ধ্বনিময় শব্দ)।

বিশেষ কোনও মানব-সমাজে ব্যবহৃত এইরূপ শব্দের বা পদের সমষ্টি লইয়া, সেই সমাজের ভাষা গঠিত হইয়া থাকে। বঙ্গালা দেশে বঙ্গালা জন-সমাজে ব্যবহৃত শব্দ লইয়া, বঙ্গভাষা বা বঙ্গালা ভাষা গঠিত।

ভাষার সংজ্ঞা

মনের ভাব-প্রকাশের জন্য, বাগ্-যন্ত্রের সাহায্যে উচ্চারিত ধ্বনির দ্বারা নিম্নরূপ, কোনও বিশেষ জন-সমাজে ব্যবহৃত, স্বতন্ত্র-ভাবে অবস্থিত, তথা বাক্যে প্রযুক্ত, শব্দ-সমষ্টিকে ভাষা বলে। দেশ-, কাল- ও সমাজ-ভেদে, ভাষার রূপ-ভেদ দেখা যায়।

## ভাষা লিখন

কানে যে ভাষা শোনা যায়, সেই শোনা ভাষাকে চোখের সামনে প্রকাশ করার নাম লেখা। লেখার কার্যে, উচ্চারিত ও শ্রুত ধ্বনিগুলির প্রতীক (Symbol)-রূপে কতকগুলি চিহ্ন (Sign) ব্যবহার করা হয়।

যেমন-যেমন ধ্বনিগুলি উচ্চারিত হয়, সাধারণতঃ তেমন-তেমন তাহাদের প্রতীকগুলিও পর-পর লিখিত হয়; যথা, বাঙ্গালা « হাত » (= [ হ্ + ত্ = আ + ত = ত্ ]), ইংরেজী hand « হান্ড্ » (= h + a + n + d, [ হ্ + অ্যা + ন্ + ড্ ] )।

কখনও-কখনও এইরূপ হইয়া থাকে যে, কোনও ভাষার ধ্বনি-লিখনে, এক-ই চিহ্ন-দ্বারা একাধিক ধ্বনির প্রকাশ করা হইয়া থাকে; যেমন, বাঙ্গালায় « স্ব » শব্দে, সংযুক্ত বর্ণ « স্ + ব্ »-দ্বারা « শ্ »-এর ধ্বনি; « ক্ষমা » শব্দে, « ক্ষ » অর্থাৎ « ক্ + ব্ »-দ্বারা কেবলমাত্র « থ »-এর ধ্বনি; ইত্যাদি। এরূপ হওয়ায় কারণ এই যে, প্রাচীন উচ্চারণ ক্রমাগত পরিবর্তিত হইতেছে, কিন্তু উচ্চারণ-অনুযায়ী বানানের পরিবর্তন সহজে করা হয় না, সুতরাং কাল-ক্রমে একটা অসঙ্গতি ঘটিয়া যায়।

আবার কখনও-কখনও এইরূপ হয় যে, দুইটা বিভিন্ন ধ্বনির বিভিন্ন চিহ্ন আছে বটে, কিন্তু ধ্বনি দুইটা পাশাপাশি আসিলে, নূতন চিহ্ন-দ্বারা তাহাদের মিলিত বা সংযুক্ত অবস্থান দেখানো হয়; যেমন, বাঙ্গালায় « ক্ » + « উ » মিলিয়া « ক্উ » না হইয়া, হইল « কু »; « হ্ » ও « ম » একত্র থাকিলে হইয়া যায় « ক্ষ »; « ক্ » ও « ত » মিলিত হইয়া দাঁড়াইল « ক্ত »; « ক্ » ও « য » মিলিয়া « ক্ষ »। এইরূপ ব্যত্যয়ের কারণ—কোথাও-বা প্রাচীন সংযুক্ত বর্ণের বিকৃতি (যেমন, « ক্ষ », « ক্ত », « ক্ষ » প্রভৃতিতে—« ক্ত »-এ « ক »-এর ঝাঁকড়ী ও « ত »-এর পূর্ণ রূপ দেখা যাইতেছে, « ক্ষ » এবং « ক্ষ »-এর প্রাচীন রূপ আলোচনা করিলে, « হ্ » ও « ম » এবং « ক্ » ও « য » পৃথক্-পৃথক্ ধরা যায়); আর কোথাও-বা, মূলে অক্ষর-সৃষ্টি-কালেই, মিলিত-বর্ণের স্থলে নূতন বর্ণ সৃষ্ট হইয়াছিল, সংযোগ করিয়া হয় নাই।

## সাহিত্যের ভাষা ও কথিত ভাষা

যে-সমস্ত জন-সমাজে, প্রাচীন কাল হইতেই, সেই সমাজে ব্যবহৃত ভাষার চর্চা আছে ও সেই ভাষাতে কাব্যাদি রচিত হয়, প্রায়ই তাহাদের ভাষার দুইটা রূপ পাওয়া যায়; একটা, তাহার লিখিত (অথবা মুখে-মুখে প্রচারিত) সাহিত্যের

রূপ ; এবং আর একটা, তাহার মৌখিক ( অথবা দৈনন্দিন জীবন-যাত্রার কথোপ-  
কথনের ) রূপ । স্থান-ভেদে এবং সমাজের শিক্ষিত-অশিক্ষিত ও উচ্চ-নীচ স্তর-  
ভেদে, ভাষার মৌখিক রূপের মধ্যেও আবার অল্প-বিস্তর পার্থক্য দেখা যায় ।

সাহিত্যের ভাষা সাধারণতঃ একটু প্রাচীন-পন্থী হইয়া থাকে ; ভাষার প্রাচীন  
অবস্থায় ব্যবহৃত শব্দ-ও রূপ প্রভৃতি ইহাতে একটু বেশী করিয়া রক্ষিত হইয়া  
থাকে । অনেক ক্ষেত্রে, একাধিক প্রাদেশিক ভাষার প্রভাবও সাহিত্যের  
ভাষায় দেখা যায় । এতদ্বিন্ন, বহু স্থলে একরূপ হইয়া থাকে যে, সাহিত্যের ভাষা  
যদি অধিক মাত্রায় প্রাচীনতার পক্ষপাতী হয় এবং মৌখিক ভাষা হইতে দূরে  
গিয়া পড়ে, তাহা হইলে ভঙ্গ-সমাজের মৌখিক ভাষাকে অবলম্বন করিয়া আবার  
নূতন একটা সাহিত্যের ভাষা গড়িয়া উঠে ।

### বাঙ্গালা সাধু-ভাষা ও চলিত-ভাষা

সাধারণ গল্প-সাহিত্যে ব্যবহৃত বাঙ্গালা ভাষাকে **সাধু-ভাষা** বলে । সমগ্র  
বঙ্গদেশে গল্প-লেখায়, চিঠি-পত্রাদিতে প্রায়শঃ এই ভাষাই ব্যবহৃত হয় ।

জেলা- এবং বহু স্থলে মহকুমা-ভেদে, বাঙ্গালা মৌখিক ভাষারও নানা  
রূপ আছে ।

তন্মধ্যে, দক্ষিণ-পশ্চিম বঙ্গে, ভাগীরথী নদীর তীরবর্তী স্থানের ভঙ্গ ও  
শিক্ষিত সমাজে ব্যবহৃত মৌখিক ভাষা, সমগ্র বাঙ্গালা দেশের শিক্ষিত সমাজ-  
কর্তৃক শ্রেষ্ঠ মৌখিক ভাষা বলিয়া গৃহীত হইয়াছে । ভাগীরথী নদীর তীরে  
অবস্থিত নবদ্বীপ-নগরী বাঙ্গালী জাতির সংস্কৃতির প্রাচীন কেন্দ্র-স্থান ছিল বলিয়া,  
এবং কলিকাতা-নগরী বঙ্গদেশের ( ও ১৯১২ সালের শেষ পর্য্যন্ত সমগ্র ভারতের )  
রাজধানী থাকায় ও সমগ্র বাঙ্গালী জাতির শিক্ষার ও মানসিক উৎকর্ষের কেন্দ্র  
হওয়ার, এইরূপ ঘটিয়াছে । এই মৌখিক ভাষাকে বিশেষ-ভাবে **চলিত-ভাষা**  
বা **চলুতি ভাষা** বলা হয় ; এবং অবুনা, সাহিত্যে সাধু-ভাষার পার্শ্বে, এই  
মৌখিক বা চলিত-ভাষার আধারের উপরে স্থাপিত আর একটা সাহিত্যিক



ভাষা বিশেষ স্থান পাইয়াছে ; সেই নূতন সাহিত্যিক ভাষাকেও চলিত-ভাষা বলা হয়।

অতএব, আজকালকার সাহিত্যে ব্যবহৃত বাঙ্গালা ভাষার দুইটি রূপ : [১] সাধু-ভাষা ও [২] চলিত-ভাষা। আধুনিক বাঙ্গালার মুদ্রিত পুস্তক-পত্রিকাদি, গল্প ও পঞ্চ, পড়িয়া বৃদ্ধিতে হইলে, এই দুই প্রকারেরই ভাষা-সমন্বয়ে জ্ঞান থাকা আবশ্যিক।

সাধু-ভাষা সমগ্র বাঙ্গালা দেশের সম্পত্তি, ইহার আলোচনার একটা রীতি-মত প্রয়াস সর্বত্র প্রচলিত থাকায়, ইহাতেই লেখা এখন সকল বাঙ্গালীর পক্ষে সহজ। এই ভাষার ব্যাকরণের রূপগুলি ( বিশেষতঃ ক্রিয়াপদে ) প্রাচীন বাঙ্গালার—তিন-চার শত বৎসর পূর্বেকার বাঙ্গালার—রূপ ; এই-সমস্ত রূপ সর্বত্র মৌখিক ভাষায় আর ব্যবহৃত হয় না। আবার এই ভাষা মুখ্যতঃ পশ্চিম-বঙ্গের প্রাচীন মৌখিক ভাষার উপরে প্রতিষ্ঠিত হইলেও, পূর্ব-বঙ্গের ও বহু রূপ এবং বৈশিষ্ট্যের প্রভাব ইহার উপর পড়িয়াছে। সাধু-ভাষায়, সমস্ত প্রাদেশিকতার উদ্দেশ্য অবস্থিত, সর্বজন-বোধ্য সংস্কৃত শব্দই বেশী করিয়া প্রযুক্ত হয়। ইহার বাক্য-রীতি ও কতকটা নিয়ম-নিবন্ধ ও কৃত্রিম। মোটের উপর, সাধু-ভাষার যে একটা সহজ গাভীর্য্য, আভিজাত্য এবং সৌম্য আছে, তাহা স্বীকার করিতে হয়।

চলিত-ভাষা কিন্তু ভাগীরথীর তীরবর্তী স্থান-সমূহের মৌখিক ভাষার রূপান্তর বলিয়া, ইহার সহিত ঐ অঞ্চলের একটা বিশেষ যোগ আছে—সে-রূপ যোগ অন্ত অঞ্চলের মৌখিক ভাষার সহিত ততটা নাই। ইহাতে ব্যবহৃত প্রাদেশিক শব্দাবলী, ইহার চটুল গতি, ইহার বিশিষ্ট বাক্য-ভঙ্গী—সমস্তই জীবন্ত ; সুতরাং লেখায় ও কথোপকথনে ভাল-রূপে এই ভাষার প্রয়োগ করা, বাঙ্গালা দেশের অন্ত অঞ্চলের লোকের পক্ষে অনেক সময়ে শিক্ষা-সাপেক্ষ হইয়া থাকে।

সাহিত্যে বা কথোপকথনে, এই দুই ভাষার মিশ্রণ সম্পূর্ণ-রূপে বর্জনীয় ; বিশেষ করিয়া রচনা-কার্য্যে, হয় বিশুদ্ধ সাধু-ভাষার প্রয়োগ করা উচিত, না হয়

অন্ত স্থানের প্রাদেশিক বা গ্রাম্য শব্দ, তথা সাধু-ভাষার বিশিষ্ট রূপ, এই উভয়েরই সহিত অ-বিমিশ্রিত ভাগীরথী-তীরের মৌখিক ভাষার ব্যাকরণ-সম্মত ও বাক্য-ভঙ্গীর অল্পমোদিত চলিত-ভাষা প্রয়োগ করা উচিত।

## বাক্সালা সাধু, চলিত ও প্রাদেশিক ভাষার নিদর্শন

**সাধু-ভাষা**—এক ব্যক্তির দুইটা পুত্র ছিল। তন্মধ্যে কনিষ্ঠ পুত্র পিতাকে বলিল (বা কহিল), “পিতঃ, আপনার সম্পত্তির মধ্যে আমার প্রাপ্য অংশ আমাকে দিউন (বা দিন)।” তাহাতে তাহাদিগের (বা তাহাদের) পিতা নিজ সম্পত্তি তাহাদিগের মধ্যে বিভাগ (বন্টন) করিয়া দিলেন।

**চলিত-ভাষা**—একজন লোকের দুটা ছেলে ছিল। তাদের মধ্যে ছোটোটা বাপকে বললে, “বাবা, আপনার বিষয়ের মধ্যে যে অংশ আমি পাবো, তা আমাকে দিন।” তাতে তাদের বাপ নিজের বিষয়-আশয় তাদের মধ্যে ভাগ-ক’রে (বঁটে) দিলেন।

**প্রাদেশিক ভাষা—ঢাকা (মাণিকগঞ্জ)**—একজনের দুইডি ছাওয়াল আছিলো। তাগো মৈকে ছোটডি তার বাপেরে কৈলো, “বাবা, আমার ভাগে যে বিত্তি-বেসাদ পরে, তা আমারে দেও।” তাতে তাগো বাপে তান বিষয়-সোম্পত্তি তাগো মৈকে বাইটা দিল্যান।

**প্রাদেশিক ভাষা—মানভূম**—এক লোকের দুটা বেটা ছিল। তাদের মধ্যে ছোট বেটা তার বাপকে বলেক, “বাপ হে, তোমার দৌলতের যা হিসসা আমি পাবো, তা আমাকে দাও।” এতে তাদের বাপ আপন দৌলৎ তাদের মধ্যে বাখরা-ক’রে দিলেক্।

**প্রাদেশিক ভাষা—চট্টগ্রাম**—ঔগ্গোয়া মাইনুয়ে দুয়া পোয়া আছিল্। তার মৈকে ছোটুয়া তার ব’রে কইল, “বা-জি, ঔওনর্ সম্পত্তির মৈকে যেই অংশ ঔই পাইয়র্, হেইইন্ ঔারে দেওক্।” তঅন্ তারার বাপ তারার মৈকে নিজের সম্পত্তি ভাগ করি দিল্।

**প্রাদেশিক ভাষা—কোচবিহার**—একজনা মান্‌সির দুই-কোনা বেটা আছিল্। তার মকে ছোট জন উয়ার বাপোক্ কইল্, “বা, সম্পত্তির যে হিস্তা মুই পাইম্, তাক্ মোক্ দেন।” তাতে ঔয় ঔার মাল-মাত্তা দোনো বেটাক্ বাট্টিয়া-চিরিয়া দিল্।

বাক্সালা দেশের জন-সাধারণ-মধ্যে ব্যবহৃত ভাষা বলিয়া এই ভাষার নাম ‘বাক্সালা ভাষা’, সংক্ষেপে ‘বুঙ্গালা’। এই নামটির নিম্ন-লিখিত বিভিন্ন বানান দেখা যায়—

দেশ-অর্থে	ভাষা-অর্থে	জাতি-অর্থে
বাঙ্গালা	বাঙ্গালা	(১) বাঙ্গালী, বাঙালী
বাঙ্গলা	বাঙ্গলা	= সাধারণ-ভাবে বঙ্গবাসী
বাংলা	বাংলা	(২) বাঙ্গাল, বাঙাল = বিশেষ-ভাবে
বাঙলা ( বাঙ্‌লা )	বাঙলা ( বাঙ্‌লা )	বঙ্গদেশ অর্থাৎ পূর্ববঙ্গ-বাসী

‘বাঙ্গালা, বাঙ্গলা, বাংলা, বাঙলা (বাঙ্‌লা)’; কোন্ বানান ঠিক? শব্দটির মূল হইতেছে সংস্কৃতে প্রাপ্ত শব্দ ‘বঙ্গ’; প্রাচীন কালে ইহার দ্বারা কেবল পূর্ব-বঙ্গকে বুঝাইত, এখনকার মত ব্যাপক-ভাবে সমগ্র বাঙ্গালা দেশকে বুঝাইত না। ‘বঙ্গদেশ’ বা পূর্ব-বঙ্গের সহিত পার্থক্য জানাইবার জন্য, পশ্চিম-বঙ্গকে ‘গৌড়দেশ’ বলা হইত; সারা বাঙ্গালার ‘গৌড়-বঙ্গ’ এই যুগ্ম বা মিলিত নাম প্রচলিত ছিল; বাঙ্গালী-অর্থে ‘গৌড়িয়া’ শব্দের ব্যবহার প্রাচীন বঙ্গভাষায় আছে; ‘গৌড়জন’, ‘গৌড়ীয় ভাষা’ এই শব্দদ্বয়ও প্রযুক্ত হইত।

‘বঙ্গ’ শব্দের উত্তর, অধিবাসী-অর্থে ‘আল’ প্রত্যয়-যোগে ‘বঙ্গাল’-শব্দ পূর্ব-বঙ্গের অধিবাসিগণকে উল্লেখ করিতে ব্যবহৃত হইত। পশ্চিম-বঙ্গে ‘ঙ্গ’ অর্থাৎ ‘ঙ + গ’-এর ‘গ’-কে বহু স্থলে উচ্চারণ করা হয় না, তাই পশ্চিম-বঙ্গে এই শব্দের রূপ দাঁড়াইল ‘বাঙাল’; গৌড় (পশ্চিম-বঙ্গ) ও পরে বঙ্গ (পূর্ব-বঙ্গ) ক্রমে তুর্কীদের দ্বারা বিজিত হইল। তুর্কীরা এ দেশে রাজকাৰ্য্যে ফারসী ভাষা ব্যবহার করিত, ফারসীতে ‘ব-ঙ্গাল-ল’ শব্দটি ‘বঙ্গালহ ( বা বঙ্গালা )’ রূপ ধারণ করে। বাঙ্গালী জনসাধারণের নিকট, বিদেশীর দেওয়া এই নাম স্বীকৃত হইল, এবং দেশবাসীর মুখে ইহার রূপ দাঁড়াইল ‘বাঙ্গালা’। ‘বাঙ্গালা’ শব্দকে সাধু-ভাষার রূপ বলা যাইতে পারে। মৌখিক ভাষায় আত্ম অক্ষরে বল বা ঝাঁকের ফলে দ্বিতীয় অক্ষর দুর্বল হইয়া পড়িয়া, অবশেষে তাহার আ-কার ধ্বনিকে হারাষ্টল, তাহার ফলে ‘বাঙ্গলা’ বা ‘বাঙ্গ্‌লা’। ইহাই আজকালকার কথিত রূপ। পশ্চিম-বঙ্গে ‘ঙ্গ’ অর্থাৎ ‘ঙ + গ’-এর ‘গ’ লোপ পাওয়ায়, ‘বাঙ্‌লা’ এই রূপের উদ্ভব; এবং অনুস্বরের ধ্বনি বাঙ্গালা ভাষায় ‘ঙ’-এর উচ্চারণের সহিত অভিন্ন হইয়া দাঁড়ানোর ফলে, ‘বাঙ্‌লা’ শব্দকে ‘বাংলা’ রূপে লেখা হয়। কিন্তু ‘বাঙাল—বাঙালী’, এই শব্দদ্বয়ে অনুস্বার লেখা অসম্ভব। সুতরাং এগুলির সহিত সঙ্গতি রাখিবার জন্য, অনুস্বার দিয়া ‘বাংলা’ না লিখিয়া, চলিত-ভাষায় ‘বাঙলা ( বা বাঙ্‌লা )’ লেখাই ভাল।

### ব্যাকরণ

যে বিষ্ণার দ্বারা কোন ভাষাকে বিশ্লেষণ করিয়া তাহার স্বরূপটি আলোচিত হয়, এবং সেই ভাষার পঠনে, লিখনে, ও কথোপকথনে, শুদ্ধ-রূপে তাহার প্রয়োগ করা যায়, সেই বিষ্ণাকে সেই ভাষার ব্যাকরণ (Grammar) বলে।

বাঙ্গালা ভাষার ব্যাকরণ বলিলে, যে ব্যাকরণের সাহায্যে এই ভাষার স্বরূপটী সব দিক্ দিয়া আলোচনা করিয়া বুঝিতে পারা যায়, এবং শুদ্ধ-রূপে ( অর্থাৎ ভদ্র ও শিক্ষিত সমাজে যে রূপ প্রচলিত সেই রূপে ) ইহা পড়িতে ও লিখিতে ও ইহাতে বাক্যালাপ করিতে পারা যায়, সেইরূপ ব্যাকরণ বুঝায়।

'ব্যাকরণ' শব্দের ব্যুৎপত্তি-গত অর্থ হইতেছে 'বিপ্লেষণ' ( বি+আ+কৃ বা কৰ্+অন, অর্থাৎ 'বিশেষ এবং সমাক্-রূপে বিপ্লেষণ করা' )। ব্যাকরণ বিদ্যার পুস্তক-অর্থে, কেবল 'ব্যাকরণ'-শব্দ সাধারণতঃ প্রযুক্ত হইয়া থাকে। ইংরেজী Grammar শব্দ, গ্রীক ভাষা হইতে উদ্ভূত, ইহার অর্থ 'শব্দ-শাস্ত্র'। ভারতবর্ষে অতি প্রাচীন কাল হইতে ব্যাকরণের চর্চা হইয়া আসিতেছে; সংস্কৃত ভাষার ব্যাকরণ-রচনায়, প্রাচীন ভারতীয় পণ্ডিতগণ অপূর্ব চিন্তা, বিজ্ঞান ও গবেষণার পরিচয় দিয়াছেন। প্রাচীন ভারতের কথিত ভাষার উপরে প্রতিষ্ঠিত, সাহিত্যে ব্যবহৃত প্রাকৃত ভাষাগুলির ব্যাকরণও বিশেষ পাণ্ডিত্যের সহিত রচিত হইয়াছিল। কিন্তু পরবর্তী যুগে, মৌরিক ও অর্বাচীন ভাষা বলিয়া, বাঙ্গালা প্রভৃতি আধুনিক ভাষার আলোচনায় ভারতীয় পণ্ডিতেরা অবহিত হইয়েন নাই।

বাঙ্গালা ভাষার ব্যাকরণ সর্ব-প্রথম লেখেন একজন বিদেশীয়—পোতু গীস পাদ্রি মানোএল-দা-আসুম্প্-সাম ( Manoel da Assumpcam ), ১৭৩৪ খ্রীষ্টাব্দে, এখন হইতে দুইশত বৎসরের অধিক কাল পূর্বে; ১৭৪৩ খ্রীষ্টাব্দে পোতু গালের রাজধানী লিস্বোআ বা লিস্বব্ নগরীতে, রোমান অক্ষরে এই গ্রন্থ মুদ্রিত হয়—তখন ছাপিব্যার জন্ম বাঙ্গালা অক্ষর তৈয়ারী হয় নাই। এই বইয়ে, ঢাকার ভাওয়াল-অঞ্চলে তখনকার দিনে প্রচলিত বাঙ্গালা ভাষার কিঞ্চিৎ পরিচয় আছে। পরে ১৭৭৮ খ্রীষ্টাব্দে ইংরেজ বিদ্বান্ নাথানিএল্ ব্রাসি হাল্হেড্ ( Nathaniel Brassey Halhed ), হুগলী হইতে ইংরেজী ভাষায় তাঁহার বাঙ্গালা সাধু-ভাষার ব্যাকরণ প্রকাশ করেন; এই বইয়ে বাঙ্গালা অক্ষরে প্রথম মুদ্রণ-কার্য হইয়াছিল। হাল্হেড্-এর পরে অনেক ব্যাকরণ লেখা হয়। বাঙ্গালীদের মধ্যে প্রথমে মনীষী রাজা রামমোহন রায় ইংরেজী ভাষায় তাঁহার ব্যাকরণ লেখেন ( ১৮২৬ খ্রীষ্টাব্দে এই বই প্রকাশিত হয়, এবং তাঁহার মৃত্যুর পরে ১৮৩৩ খ্রীষ্টাব্দে ইহার বাঙ্গালা অক্ষর-প্রকাশিত হয় )।

## বাঙ্গালা ভাষার শব্দাবলী

বাঙ্গালা ভাষায় যে-সকল শব্দ ব্যবহৃত হয়, সেগুলি নিম্নে আলোচিত বিভিন্ন পর্যায় বা শ্রেণীতে পড়ে।

[ ১ ] বাঙ্গালা ভাষার নিজস্ব শব্দ—যেগুলিকে লইয়াই এই ভাষার



বৈশিষ্ট্য—ইহার ‘বাঙ্গালা-ত’। এই শব্দগুলি, বাঙ্গালা ভাষার সৃষ্টির সময় হইতেই এই ভাষায় বিদ্যমান আছে। ভারতের সুপ্রাচীন কালে আৰ্য্য-জাতি যে ভাষায় কথা বলিত, ভারতীয় সেই ‘আদি-আৰ্য্যভাষা’ (‘বৈদিক’, বা ‘সংস্কৃত’) বংশ-পরম্পরা-ক্রমে লোক-মুখে বিকৃত বা পরিবর্তিত হইয়া, ‘প্রাকৃত’ রূপ ধারণ করিল; (আদি-আৰ্য্য-যুগের শব্দাবলী, তাহাদের পূর্ব বিশুদ্ধি বা পূর্ণতা রক্ষা করিতে না পারিয়া, পরিবর্তিত হইয়া গেল; এইরূপ পরিবর্তিত বা বিকৃত শব্দকে **তদ্ভব** শব্দ বলে; « তদ্ভব বা তদ্-ভব », অর্থাৎ « তৎ » (‘তাহা,’ অর্থাৎ মূল আৰ্য্য-ভাষা সংস্কৃত যাহার প্রকৃষ্ট রূপ) হইতে « ভব » ( অর্থাৎ ‘উৎপত্তি’) যাহার—« তদ্ভব », অর্থাৎ আদি-আৰ্য্যভাষা হইতে উৎপন্ন শব্দ। যেমন সংস্কৃত « কৃষ্ণ » হইতে প্রাকৃতে পরিবর্তিত শব্দ « কণ্‌হ », « আবিশতি » হইতে « আবিসদি, আইসই », « কার্য্য » হইতে « করা, কজ্জ », « হস্ত » হইতে « হথ » ইত্যাদি। এই রূপ আৰ্য্য-শব্দ ব্যতীত, (প্রাকৃত ভাষাতে বহু অনার্য্য শব্দ ও অজ্ঞাত-মূল শব্দ আসিয়া গেল,—এইরূপ শব্দকে **দেশী** শব্দ বলা হয়; যথা, « পোট » = ‘পেট’, « চঙ্গ » = ‘ভান’, « চুগচ » = ‘অশ্বেষণ’, « গোডড » = ‘পা’ ইত্যাদি।) প্রাচীন ভারতে, বিদেশীয়দের সঙ্গে পরিচয়ের কালে, দুই-দশটা বিদেশী শব্দও, গ্রীক, প্রাচীন-পারসীক প্রভৃতি ভাষা হইতে, প্রাকৃতে প্রবেশ লাভ করিল; যথা, « দ্রাক » বা « দক্ষ » (=‘মুদ্রা-বিশেষ’; প্রাচীন-গ্রীক drakhme [ড্রাখ্‌মে] হইতে), « মোচিঅ » (=‘চমকান’, প্রাচীন-পারসীক mocak [মোচক্] হইতে, mocak অর্থে ‘পাদত্রাণ, বুট-জুতা’) ইত্যাদি।

প্রাকৃতির এই সমস্ত « তদ্ভব », « দেশী » ও « বিদেশী » শব্দ, কাল-ক্রমে আরও পরিবর্তিত হইয়া, খ্রীষ্টীয় প্রথম সহস্রকের শেষের দিকে, বাঙ্গালা শব্দে পরিণত হইল; এবং তখন বাঙ্গালা ভাষার উদ্ভব ঘটিল; যেমন, সংস্কৃত « কৃষ্ণ » হইতে প্রাকৃত « কণ্‌হ » তাহা হইতে প্রাচীন-বাঙ্গালা « কান্‌হ », মধ্য-যুগের বাঙ্গালা « কান », আদরে «-উ » এবং «-আই»-প্রত্যয়-যোগে « কান্‌হু, কানাই »; সংস্কৃত

« আবিশতি » হইতে প্রাকৃত « আইসই », তাহা হইতে বাঙ্গালা « আইসে, আসে » ; সংস্কৃত « কার্য্য » হইতে প্রাকৃত « কয়া, কজ্জ », তাহা হইতে বাঙ্গালা « কাজ » ; সংস্কৃত « হস্ত » হইতে প্রাকৃত « হখ », তাহা হইতে প্রাচীন-বাঙ্গালা « হাথ », আধুনিক বাঙ্গালা « হাত » ; « পোট্ট » = বাঙ্গালা « পেট » ; « চঙ্গ » হইতে প্রাদেশিক বাঙ্গালা « চাঙ্গা » ; « চুণ্ড » হইতে বাঙ্গালা « চুঁড » = 'খোঁজা' ; « দম্ব » হইতে বাঙ্গালা « দাম », 'মূল্য'-অর্থে ; « মোচিস্ম » হইতে বাঙ্গালা « মুচি » ।

এইরূপ শব্দ হইতেছে খাঁটি বাঙ্গালা বা বাঙ্গালা ভাষার নিজস্ব শব্দ, এবং ( প্রাকৃতের 'দেশী' ও 'বিদেশী' শ্রেণীর শব্দ বাদে ) এই শব্দগুলিকে বাঙ্গালা ভাষা প্রাকৃতের মধ্য দিয়া উত্তরাধিকার-সূত্রে প্রাচীন-আর্য্যভাষার নিকট হইতে পাইয়াছে । এগুলিকে বাদ দিলে, বাঙ্গালা ভাষা চলে না, বা থাকে না । দৈনন্দিন জীবনে ব্যবহৃত অধিকাংশ সাধারণ বাঙ্গালা শব্দ এই প্রকারের, এবং প্রায় সমস্ত বাঙ্গালা প্রত্যয়, কৃৎ, তদ্ধিত ও বিভক্তি, এই-রূপে প্রাকৃতের মধ্য দিয়া আসিয়াছে । সংস্কৃত বা আদি-আর্য্য-ভাষা হইতে প্রাকৃত বা মধ্যযুগীয় আর্য্য-ভাষা, প্রাকৃত হইতে নব্য আর্য্য-ভাষা বাঙ্গালা—ভাষার এইরূপ পরিবর্তনের স্রোতে বাঙ্গালায় যে উপাদান ( শব্দ ও প্রত্যয়াদি ) আসিয়াছে, তাহাকেই আমরা « খাঁটি বা মৌলিক বাঙ্গালা » বলিতে পারি । প্রাকৃত হইতে লক্ষ সমস্ত « তদ্ভব » শব্দ ভো বটেই, প্রাকৃত হইতে প্রাপ্ত « দেশী » এবং « বিদেশী » শব্দ-গুলিকেও এই পর্য্যায়ের অন্তর্ভুক্ত করিতে হয় । এতদ্ভিন্ন, প্রাকৃত হইতে লক্ষ শব্দ ও খাঁটি বাঙ্গালা প্রত্যয়, উভয়ে মিলিয়া বাঙ্গালা ভাষায় যে-সকল শব্দ সৃষ্টি করে, সেগুলিকেও এই পর্য্যায়ের অন্তর্ভুক্ত করিতে হয় ।

বাঙ্গালা ভাষার এইরূপ শব্দের নাম-করণ করা যায়—প্রাকৃত-জ শব্দ । আমাদের 'ঘরোয়া' এবং 'গাঁউয়া' বা 'গেঁয়ো' শব্দ—মানব-দেহের অংশ, ও সমাজ, সম্পর্ক, বৃত্তি, এবং সাধারণ দৃশ্যমাণ প্রাকৃতিক বস্তু, পশু ও পক্ষী, তথা নিত্য-ব্যবহার্য্য বস্তু প্রভৃতির নাম, সাধারণ গুণ-বাচক বিশেষণ, সংখ্যা-বাচক শব্দ,

সর্বনাম, সাধারণ ক্রিয়া, সাধারণ অব্যয়, এবং প্রত্যয়, বিভক্তি প্রভৃতি শব্দ ও শব্দাংশ, প্রায়শঃ প্রাকৃত হইতে প্রাপ্ত—প্রাকৃত-জ শব্দ ; যথা—

বাঙ্গালা      মূল সংস্কৃত      বাঙ্গালা      মূল সংস্কৃত

### মানব-দেহের অঙ্গাদি

গা	গাত্র	পা	পাদ
হাত	হস্ত	কান	কর্ণ
চোখ	চক্ষু	মাথা	মস্তক-

### সমাজ, সম্পর্ক, বৃত্তি

মা	মাতা	বিয়া	বিবাহ
ভাই	ভ্রাতৃ বা ভ্রাতা	ঘর	গৃহ (প্রাকৃত * গর্হ, ঘর)
বোন	ভগিনী (প্রাকৃত বহির্গী)	বামুন	ব্রাহ্মণ
দেওর	দেবর	সাঁওতাল	সামন্তপাল
কামার	কর্মকার	কুমার	কুস্তকার
ভাতী	ভিত্তিক	জেলে, জালিয়া	জালিক-

### প্রাকৃতিক বস্তু প্রভৃতি

ভূঁই	ভূমি	গাছ	গচ্ছ
সায়র	সাগর	তেল	তৈল ( প্রাকৃত তেল )
চাঁদ	চন্দ্র	বাঘ	ব্যাত্র
তার	তারকা	হাতী	হস্তিন্
বাজ	বজ্র	বাঁড়	বণ্ড
তামা	তাম্র-	গাই	গাবী
লোহা	লৌহ-	তিতির	তিত্তিরী

### নিত্য-ব্যবহার্য জব্যাদি

কাপড়	কর্পট	ভাঁড়	ভাণ্ড
পাখা	পক্ষ-	দিয়াশলাই	দীপশলাকা
ঝড়া	যট-	খাট, পালং	খটু, পর্যাক

সাধারণ গুণ-বাচক বিশেষণ

উঁচু	উচ্চ-	হ'লুদে	হরিত্রা-
কালো	কালক	মিছা	মিথ্যা-
ভালো	ভদ্রক	মিঠা	মিষ্ট-

সংখ্যা-বাচক শব্দ

« এক, দুই, তিন, চারি, পাঁচ » ইত্যাদি

আধ	অর্ধ'	সাড়ে	সাধ'-
----	-------	-------	-------

সর্বনাম

মুই	ময়া	এ	এতদ্
আমি	অস্মে	আপন	আত্মনঃ
তুই	ত্বয়া	কোন্	কঃ পুনঃ

সাধারণ ক্রিয়া

করে	করোতি	থায়	থাদতি
চলে	চলতি	পুছে	পৃচ্ছতি
বইসে, বসে	উপবিশতি	শুনে	শৃণোতি

সাধারণ অব্যয়

আর	অপর	না	ন ; নাম
ও	উত	পর	উপর

বাক্যলার প্রায় সমস্ত প্রাথমিক ও মৌলিক শব্দ প্রাকৃত-জ শ্রেণীতে পড়ে। মূলে আদি-আর্য্য-ভাষা (বা সংস্কৃত) হইতে জাত হইলেও, এগুলির রূপ-পরিবর্তন লক্ষণীয়; এবং মধাকার প্রাকৃত রূপগুলি না দেখিলে, এই পরিবর্তন-ধর্ম'প্রথমে অনুধাবন করা যায় না। এই-সকল পরিবর্তন সব ক্ষেত্রেই বিশেষ নিয়ম অনুসারে ঘটিয়াছে। সেই-সব নিয়ম বাক্যলা ভাষাতত্ত্বের আলোচ্য। আবার বহু সরল শব্দে বিশেষ লক্ষণীয় কোনও পরিবর্তন হয় নাই; যেমন, « জল, ফল, কাল ( = সময় ), জন, মানুষ, বল, চরণ, চলন, করণ » ইত্যাদি।

[ ২ ] সংস্কৃত উপাদান। আদি-আর্য্য ভাষা ভাঙ্গিয়া গিয়া মধ্য-আর্য্য বা প্রাকৃত ভাষায় পরিবর্তিত হইলেও, আদি-আর্য্য ভাষার এক সাহিত্যিক রূপ



সংস্কৃতের চর্চা বিশেষ প্রবল ছিল। সংস্কৃত প্রাচীন ভারতের ধর্ম ও সাহিত্যের বাহন—ভারতীয় সংস্কৃতির বাহন; প্রাচীন কাল হইতেই প্রাকৃত ভাষা আবশ্যিক হইলে সংস্কৃত হইতে শব্দ গ্রহণ করিয়া আসিতেছে। বাঙ্গালা ভাষাও তাহার উৎপত্তি-কাল হইতেই তদ্রূপ সংস্কৃতের শব্দ-ভাণ্ডার হইতে আবশ্যিক-মত শব্দ গ্রহণ করিয়া আসিতেছে। আধুনিক কালেও এই ব্যাপার চলিতেছে। সংস্কৃত হইতে আগত বহু বহু শব্দ বাঙ্গালায় আছে। « প্রাকৃত-জ » শব্দ হইতে এই শব্দগুলির পার্থক্য এই যে, প্রাচীন কাল হইতে বহু শতাব্দী ধরিয়া, ভাষার পরিবর্তন-শীল গতির মধ্য দিয়া বাহিত হইয়া, সংস্কৃত হইতে বদলাইয়া, প্রাকৃত-জ শব্দ বাঙ্গালা হইয়া দাঁড়াইয়াছে; আর এই-সকল সংস্কৃত শব্দ, সরাসরি সংস্কৃত ভাষার অভিধান বা অন্ত পুস্তক হইতে বাঙ্গালায় গৃহীত হইয়াছে। সংস্কৃত হইতে প্রাকৃতের পরিবর্তনের রীতি-অমুখ্যায়ী পরিবর্তন এগুলিকে স্পর্শ করে নাই, এবং প্রাকৃত শব্দ যে রীতিতে পরিবর্তিত হইয়া বাঙ্গালা হইয়াছে, সেই রীতিও আবার এগুলির মন্যে কার্যকর হইতে পারে নাই।

বাঙ্গালা ভাষায় আগত ও ব্যবহৃত সংস্কৃত শব্দ কিন্তু সর্বত্র অবিকৃত নাই। বাঙ্গালা ভাষার প্রাচীন বা আধুনিক উচ্চারণ ধরিয়া, বহু স্থানে এগুলি ঐৎ বা বহুল পরিমাণে বিকৃত হইয়াছে; যেমন, সংস্কৃত « কৃষ্ণ » শব্দ, অবিকৃত রূপে ( অন্ততঃ লেখায় ) বাঙ্গালায় পাওয়া যায়। প্রাচীন বাঙ্গালায় « কৃষ্ণ » শব্দের একটা উচ্চারণ ছিল [ ক্রেষ্ঠ ] ; এই উচ্চারণ অবলম্বন করিয়া, « কৃষ্ণ »-শব্দের বাঙ্গালায় প্রচলিত একটা রূপ দাঁড়াইয়াছে « কেষ্ঠ »। ঐতিহাসিক ক্রম-লব্ধ প্রাকৃত-জ রূপ « কান, কানু, কানাই » ( « কৃষ্ণ > কণ্ > কাণ্ > কান »), এবং বাঙ্গালা ভাষায় সংস্কৃতের বিকৃত উচ্চারণ-জাত রূপ « কেষ্ঠ »—এই দুইটাই, মূল সংস্কৃত শব্দ « কৃষ্ণ » হইতে উদ্ভূত হইলেও, উভয়ে একেবারে পৃথক্—প্রথমটী ( « কান- » ) বাঙ্গালা ভাষার প্রাচীন স্তরের প্রাকৃত-জ শব্দ, দ্বিতীয়টী ( « কেষ্ঠ » ) অর্বাচীন—সংস্কৃত হইতে ধার-করা শব্দের বিকৃত রূপ।

উচ্চারণে যাহাই হউক না কেন, (অবিকৃত বানানে সংস্কৃত শব্দকে তৎসম্ভ

শব্দ বলা হয় (« তৎসম », অর্থাৎ « তৎ » কিনা 'তাহা', অর্থাৎ সংস্কৃতের « সম » বা 'সমান' ) ; এবং বিকৃত-সংস্কৃত বা বিকৃত-তৎসম শব্দকে অর্ধ-তৎসম শব্দ বলা হইয়া থাকে । « কৃষ্ণ » তৎসম শব্দ, « কেষ্ঠ » অর্ধ-তৎসম শব্দ ।

বাঙ্গালায় আগত বহু সংস্কৃত তৎসম শব্দ এইরূপে বিকৃত হইয়া, অর্ধ-তৎসম শব্দে পরিণত হইয়াছে । সংস্কৃত « গৃহিণী » হইতে, প্রাকৃতের মধ্য দিয়া তদ্ভব বা প্রাকৃত-জ শব্দ « ঘরনী » হইয়াছে ; ইহার পাশে শুক তৎসম শব্দ « গৃহিণী »-ও বিত্তগান ; এবং « গৃহিণী » শব্দের উচ্চারণ-বিকারে « গিবৃহিণী, \*গিবৃহনী, \*গিবৃনী » এবং পরে « গিন্নী, গিন্নি » শব্দ, বাঙ্গালায় প্রচলিত অর্ধ-তৎসম ।

বহু-প্রচলিত এবং দৈনন্দিন জীবন-সংশ্লিষ্ট সংস্কৃত শব্দ অনেক স্থলে অর্ধ-তৎসমে পরিবর্তিত হইয়াছে ; যথা, « চন্দ্র ( চন্দ্র ; প্রাকৃত-জ—চাঁদ ), সূর্য ( সূর্য ; প্রাকৃত-জ রূপ—সূজ—প্রা-বাং-তে পাওয়া যায় ) ; নেমস্তম্ব ( নিমস্তম্ব ;—সংস্কৃত 'নিমস্ত' হইতে প্রাকৃত-জ রূপ 'নেওতা', প্রাদেশিক-বাঙ্গালাতে মিলে ) ; ছেরাদ ( শ্রাক ) ; থিদে ( ক্ষুধা ) ; পরশ ( স্পর্শ ) ; বহুম ( বৈষ্ণব ) ; মোচ্ছব ( মহোৎসব ) ; নাগ্গি ( মহাঘা ) ; যজ্জি ( যজ্ঞ ) ; পুর্ত ( পুরোহিত ) ; ভকতি ( ভক্তি ) ; পিরীতি ( প্রীতি ) » ইত্যাদি । কধোপকথনের ভাষায় এইরূপ অর্ধ-তৎসম শব্দ খুবই ব্যবহৃত হয় ; বাঙ্গালা কাব্যের ভাষায় সংস্কৃতের সংযুক্ত বর্ণকে ভাঙ্গিয়া লইয়া কোমল করিবার রীতি থাকায়, « মুগ্ধ ( মুগ্ধ ), মরম ( মর্ম ), ধৈবজ ( ধৈর্য ), রতন ( রত্ন ), যতন ( যত্ন ), জোছনা ( জোৎস্না ) » প্রভৃতি অর্ধ-তৎসম রূপ কবিতায় বেশী করিয়া আইসে ।

উচ্চ ভাব বা বিষয় অবলম্বন করিয়া কিছু লিখিতে বা বলিতে গেলে, তৎসম বা বিত্তক সংস্কৃত শব্দ অপরিহার্য হইয়া পড়ে । সাধু-ভাষায় এই শ্রেণীর শব্দ-ই অধিক ব্যবহৃত হয় ।

[ ৩ ] বিদেশী উপাদান । বাঙ্গালা ভাষার উৎপত্তির পরে, অন্যান্য ভাষা হইতে যে-সব শব্দ এই ভাষায় আসিয়া গিয়াছে, সেগুলি হইতেছে বাঙ্গালার বিদেশী উপাদান ।

বাঙ্গালা ভাষায় যে-সকল বিদেশী শব্দ পাওয়া যায়, তন্মধ্যে প্রথম স্থান হইতেছে ফারসী শব্দগুলির । খ্রীষ্টীয় ত্রয়োদশ শতকের প্রারম্ভে, তুর্কী-বিজয়ের পর হইতে, বাঙ্গালার ফারসী শব্দের প্রবেশের দ্বার উন্মুক্ত হয় । ষোড়শ শতকের শেষ হইতে, বাঙ্গালা দেশ দিল্লীর মোগল সম্রাট-কর্তৃক বিজিত হইয়া মোগল-

সাম্রাজ্য-ভুক্ত হইবার পরে, ফারসী শব্দ খুব বেশী করিয়া বাঙ্গালায় আসিতে থাকে। এখন প্রায় আড়াই হাজার ফারসী শব্দ বাঙ্গালা-ভাষায় পাওয়া যায়। ফারসী-ভাষাতে বিস্তর আরবী শব্দ আছে, এবং কিছু তুর্কী শব্দও আছে; ফারসীর মারফৎ এগুলিরও কিছু-কিছু বাঙ্গালায় আসিয়াছে, এবং কার্যতঃ এগুলিকে ফারসী শব্দ বলিয়াই ধরিতে হয়। ফারসী শব্দের দৃষ্টান্ত—

রাজ-দরবার, যুদ্ধ ও শিকার-সংক্রান্ত শব্দ :—« আমীর, ওমরা, উজীর, দরবার, দৌলৎ, নকীব, বাদশা, মালিক, হজুর; সোদার, সেপাই, কুচ, কাওরাজ, কাবু, তাঁবু, ভোপ; শিকার, বাজ, হিন্দৎ » ইত্যাদি।

আইন-আদালৎ, রাজস্ব ও শাসন-সংক্রান্ত শব্দ :—« আদম-শুমারী, আবাদ, আসামী, এস্তিন্নার, ওরাসীল, খাজনা, খারিজ, গোমস্তা, জমা, জমী, তহসীল, তালুক, দারোগা, দপ্তর, নাজির, পিয়াদা, মহকুমা, মোহর, রায়ৎ, শহর, সন, সরকার, হদ্দ, হিসাব, হিসসা; আইন, আদালত, উকীল, এজাহার, ওজর, কহর, কানুন, ক্রোক, জবানবন্দী, জব, জারী, জেরা, ডকরার, তামিল, দলীল, দস্তখত, নাবালক, নালিশ, পেশা, ফেরার, বাজেয়াপ্ত, মোকদ্দমা, মুনসেফ, রদ, রায়, রজু, শনাজ, সালিস, হক, হাকিম, হেফাজৎ » ইত্যাদি।

মুসলমান-ধর্ম-সম্বন্ধীয় শব্দ :—« আলা, ইঞ্জিল, ইমান, ঈদ, কবর, কামের, কাবা, কোরবানী, খোদা, গাজী, জবাই (জবেহ), জেহাদ, জুম্মা, তোবা, দরগা, দরবেশ, দান, দোয়া, নবী, নমাজ, নিকাহ, পয়গম্বর, ফেরেতা, বুজরগ, মসজিদ, মোহরম, মোমিন, মোল্লা, শরিয়ৎ, শহীদ, শিরনী, শিয়া, হদীস, হালাল, হরী » ইত্যাদি।

মানসিক সংস্কৃতি, শিক্ষা, সাহিত্য ও কলা-সংক্রান্ত শব্দ :—  
« আদব, আলেম, এলেম, কেছা, খৎ, গজল, মুনশী, বয়েৎ, শাগরেদ, সেতার, হরফ » ইত্যাদি।

সাধারণ সত্যতার অঙ্গ-স্বরূপ বিষয়ক শব্দ :—« আরনা, আচকান, আঙ্গুর, আভর, আতশবাজী, আরক, কাগজ, কুলুপ, কিংখাপ, কিশমিশ, কসাই, কাঁচী, খরমুজ, খাতা, খানসামা, খাসী, গজ, গোলাপ, চরখা, চশমা, চাপকান, চাবুক, চিক, জরী, জামা, জীন, তাপ্তা, ডকমা, ডাকিয়া, দালান, দস্তানা, দূরবীন, দোরাভ, পরদা, পাজামা, পোলাও, ফরাশ, ফানুস, বরফ, বরফী, ব্যুগিচা, বাদাম, বারকোশ, বুলবুল, মখমল, ময়দা, মলম, মশলা, মিছরী, মীনা, মুছরী, মেজ, রিফ, রমাল, রেকাব, রেশম, শানাই, শাল, শিপি, সিলুক, সোরাই, হাউই, হালুয়া, হাঁকা, হোজ » ইত্যাদি।

বিদেশী জাতির নাম :—« আরব, আরমানী, ইংরেজ, ইহুদী, হাবশী » ইত্যাদি।  
« হিন্দু » নামটীও ফারসী ( সংস্কৃত « সিন্ধু » শব্দের প্রাচীন পারসীক বিকার-জাত ) ।

প্রাকৃতিক-বস্তু-বিষয়ক ও দৈনন্দিন-জীবন সম্পৃক্ত শব্দ :—  
« অন্দর, আওয়াজ, আব-হাওয়া, আসমান, আসল, ইয়ার, ওজন, কদম, কম, কারদা, কারখানা,  
কোমর, খবর, খোরাক, গরম, গুজরান, চাঁদা, চাকর, জলদী, জানোয়ার, জাহাজ, জিদ, তল্লাশ,  
তাজা, দখল, দম, দরকার, দরুন, দাগা, দানা, দোকান, নগদ, নমুনা, নেহাৎ, পেশা, পছন্দ,  
পরী, ফুরসৎ, বজ্জাত, বন্দোবস্ত, বাহবা, বেকুব, মজবুত, মিয়ান, মোরগ, মুলুক, রকম, রোশনাই,  
সাদা, সাফ, হপ্তা, হাজার, হজম, হাশিয়ার, হুজুগ » ইত্যাদি ।

তুর্কী শব্দ :—« আলখারা, উদু, কাঁচী, কাবু, কোর্মা, খাতুন, -খা, খাগুম, গালিচা,  
চকমকি, চিক, চাকু, ভবক, তুর্ক, দারোগা, বকশী, বাবুর্চী, বাহাহুর, বিবি, বেগম, মুচলকা,  
লাশ, সওগাৎ » ইত্যাদি ।

ফারসীর পরে, খ্রীষ্টীয় ষোড়শ শতক হইতে পোতুগীস-ভাষী 'ফিরাক্সী'-গণের বাণিজ্য-উপলক্ষ্যে বঙ্গ-  
দেশে আগমন ও হুগলী, ঢাকা ও চট্টগ্রাম-অঞ্চলে ইহাদের বাসের ফলে, বাঙ্গালা ভাষায় পোতুগীস  
ভাষার কতকগুলি শব্দ প্রবেশ-লাভ করে। অষ্টাদশ শতকের মধ্য-ভাগে পোতুগীস ভাষার প্রভাব  
কমিয়া যায়। বাঙ্গালাতে প্রায় এক শত পোতুগীস শব্দ আছে; যথা, « ক্রুশ, গরাদিয়া, চাবি,  
জানেলা, তোয়ালিয়া, নিলাম, নোনা, পাঁউ-কটী, পেঁপে, বালুতি, বিস্তি, বোতাম, মিস্তি, যীশু,  
সাবান » প্রভৃতি। খ্রীষ্টীয় অষ্টাদশ শতকে, বাণিজ্য-হেতু, বঙ্গদেশে আগত ফ্রেন্স বা ফরাসী ও ডচ বা  
ওলন্দাজদের ভাষারও কতকগুলি শব্দ বাঙ্গালার আসিয়া গিয়াছে; যথা—ফরাসী, « কাভুর্জ,  
মেটে-ফিরাক্সী, ওলন্দাজ, দিনেমার, কুপন » ইত্যাদি; ওসমান্দাজ ভাষার—« ইকুপ, বোম  
( ঘোড়ার গাড়ীর ), ক্রুপ বা তুরুপ, হরতন, রইতন, ইন্সাবন ('চি'ড়িতন'. 'চি'ড়িয়া' বা 'ছি'ড়িমার'  
শব্দটী কিন্তু দেশীয়) » ।

এতদ্ভিন্ন, বিদেশী ভাষার মধ্যে ইংরেজীর প্রভাব এখন বাঙ্গালার বিশেষ প্রবল—বিস্তার ইংরেজী  
শব্দ বাঙ্গালা ভাষার অন্তর্ভুক্ত হইয়াছে ও হইতেছে, এবং আরও হইবে; জীবন-মাত্রার ও চিন্তা-  
জগতের সমস্ত দিক্ সংক্রান্ত ইংরেজী শব্দ, এখন ভারতীয় জীবনে প্রবর্তমান ইউরোপীয় প্রভাবের  
সঙ্গে-সঙ্গে, বাঙ্গালা তথা অন্ত ভারতীয় ভাষাতে আসিতেছে। এতদ্ভিন্ন, ইউরোপ, এশিয়া, আফ্রিকা,  
আমেরিকা ও অস্ট্রেলিয়ার নানা ভাষার শব্দ, প্রথম ইংরেজীতে গৃহীত হইয়া, পরে ইংরেজী শব্দ রূপেই  
বাঙ্গালাতে আসিতেছে; যথা, « জেরা » ( দক্ষিণ-আফ্রিকার ), « কান্সার » ( অস্ট্রেলিয়ার ),  
« কুইনাইন » ( পেরু—দক্ষিণ-আমেরিকার ) « হারাকিরি, রিক্শা » ( জাপানী ), « গুদাম,

ক্রিস্ বা কিরিচ্ » ( মালাই ), « ন্যাজেটা » ( ইতালীয় ), « লামা » ( তিব্বতী ), « বলশেভিক » ( রুশ ) ইত্যাদি ।

ভারতের অস্থান্য প্রাদেশিক ভাষার শব্দও বাঙ্গালা ভাষায় পাওয়া যায় । ইহাদের কতকগুলি সরাসরি মূল ভাষা হইতে গৃহীত, কতকগুলি আবার ইংরেজী বা অন্য ভাষার সংবাদ-পত্র বা পুস্তকের ভিতর দিয়া আসিয়াছে ; যথা, « বরগী » ( মারাঠি ), « বানী » ( হিন্দী ), « তব্‌লী, হরতাল » ( গুজরাটী ), « চেট্রি » ( তামিল ), « বোঙ্গা, হাঁড়িয়া » ( সাওতালী-কোল-শ্রেণীর ভাষা ), « লামা, যাক্ » ( ভোট বা তিব্বতী ) « ফুঙ্গী, নাপ্পি » ( বর্মা ) । বাঙ্গালায় বিদেশী শব্দগুলি, বহু স্থলে বিকৃত, বা বাঙ্গালার উচ্চারণ-অনুসারে পরিবর্তিত হইয়া গিয়াছে । তদনুসারে বিদেশী শব্দগুলিকে দুইটি শ্রেণীতে যেনা যায়—‘শুদ্ধ’ ও ‘পরিবর্তিত’ । « লাট, ডাক্তার, হাঁসপাতাল, বাক্স, কৌশলি » (=lord, doctor, hospital, box, counsel), পরিবর্তিত ইংরেজী শব্দের নিদর্শন ; তদ্রূপ, মূল ফারসী « খরীদার » স্থলে « খদ্দের », « মজ্-দুর » স্থলে « মজুর », « আলা হিদা » স্থলে « আলাদা », « জ.মীন্ » স্থলে « জমি », পরিবর্তিত ফারসী শব্দের নিদর্শন ।

[ ৪ ] এতদ্ভিন্ন, পূর্বোক্ত তিন প্রকারের শব্দের সংযোগে (compounded), বা এক শ্রেণীর শব্দের সহিত অন্য শ্রেণীর প্রত্যয়াদির মিশ্রণে (affixed) সৃষ্ট, যে সমস্ত-পদ বা অন্য শব্দ বাঙ্গালাতে মিলে, সেগুলিকে বাঙ্গালা ভাষার মিশ্র শব্দ (Hybrid Words, বা Hybrids) বলা যায় । উদাহরণ যথা—

সমস্ত-পদ :—দেশী + বিদেশী—« রাজা-উজীর, হাট-বাজার, ধন-দৌলত, গোরা-বাজার, শাক-সবজী » ; বিদেশী + দেশী—« পাঁচ-রুটী, মাষ্টার-মশাই, ডাক্তার-বাবু, হেড-পণ্ডিত » ; বিদেশী + বিদেশী—« হেড-মৌলবী, পুলিশ-সাহেব, উকিল-ব্যারিষ্টার » । বিদেশী শব্দ + প্রাকৃত-জ প্রত্যয় :—« বাজার + -ইয়া = বাজারিয়া, বাজারে’ ; মাষ্টার + -ঈ = মাষ্টারী » ; তৎসম শব্দ + বিদেশী প্রত্যয়—« পণ্ডিত + -গিরি = পণ্ডিতগিরি ; নস্ত + -দান = নস্তদান » ; বিদেশী শব্দ + তৎসম প্রত্যয়—« হিন্দু + -দ = হিন্দুদ ; স-বুট পদাঘাত ; নিকাহ্ + -ইতা = নিকাহিতা বিবি ; শহর বা সহর + -ইক ( ক ) = সাহরিক ( নাগরিক-এর অনুরূপে, রবীন্দ্রনাথ-কর্তৃক ব্যবহৃত ) » ; অধ-তৎসম শব্দ + প্রাকৃত-জ প্রত্যয়—« গৃহিণী < গিন্নী + -পনা = গিন্নীপনা : বৈষ্ণব < বোষ্টম + -ঈ স্ত্রীলিঙ্গে = বোষ্টমী » ; বিদেশী শব্দ + বিদেশী ( অন্য ভাষার ) উপসর্গ বা প্রত্যয়—« বে- ( ফারসী ) + টাইম ( ইংরেজী ) = বে-টাইম ; বে- ( ফারসী ) + হেড ( ইংরেজী ) = বে-হেড ; ডেপুটি-গিরি » ইত্যাদি ।

বাঙ্গালা সাধু-ভাষায় তৎসম শব্দের সংখ্যা খুবই বেশী—শতকরা প্রায় ৪৫টি শব্দ এই শ্রেণীর । প্রাকৃত-জ ও অধ-তৎসম শব্দ সাধারণ ভাব লইয়া ; কিন্তু শ্রেষ্ঠ চিন্তা ও ভাবের যত শব্দ বাঙ্গালার

আছে, সেগুলির প্রায় সমস্তই তৎসম শব্দ। প্রাকৃত-জ, এবং বহু প্রাচীন বিদেশী শব্দের উৎপত্তি ও ইতিহাস, ভাল করিয়া আলোচিত হয় নাই, এবং এইগুলির সম্বন্ধে সকলে অবহিতও নহেন। অর্ধ-তৎসম শব্দ যে সংস্কৃত শব্দের বিকৃত রূপ, তাহা দর্শন-মাত্রই বুঝা যায়।

সংস্কৃত ভাষা গত তিন হাজার বৎসরের অধিক কাল ধরিয়া ভারতবর্ষের চিন্তা ও সভ্যতার সহিত একাঙ্গীভূত হইয়া আছে। প্রায় সমস্ত আধুনিক ভারতীয় ভাষা সংস্কৃত হইতে শব্দ গ্রহণ করিয়া, এবং আবশ্যক হইলে সংস্কৃত বাতু ও প্রত্যয়ের সাহায্যে নূতন শব্দ সৃষ্টি করিয়া, পুষ্টলাভ করিয়াছে। নূতন যুগের নূতন ভাব, নূতন চিন্তাধারা, গভীর জ্ঞান, বিজ্ঞান, দর্শন প্রভৃতির কথা—এ-সব বিষয়ে কিছু বলিতে হইলেই, যেখানে পূর্ণভাব-স্রোতক শব্দের আবশ্যকতা ঘটে, ভাষায় প্রচলিত প্রাকৃত-জ শব্দের সাহায্যে সেই আবশ্যকতা পূর্ণ করা সুসূত্র-সাধ্য হয় না—প্রাকৃত-জ শব্দগুলি নূতন ভাব-প্রকাশের উপযোগী হয় না; এবং অপরিচিত বলিয়া বিদেশী শব্দও বহু স্থলে লোকে ব্যবহার করিতে চাহে না। এই জন্য, আধুনিক ভারতীয় আৰ্য্য ভাষাগুলির মূল-স্থানীয় সংস্কৃতের আশ্রয় গ্রহণ করাই স্বাভাবিক। সংস্কৃতের অক্ষয় ও অনন্ত ভাণ্ডার, বাঙ্গালা, হিন্দুস্থানী ( হিন্দী ), পাঞ্জাবী, মারাঠী, গুজরাটী, এবং তেলুগু, কানাড়ী, তামিল, মালয়ালম্ প্রভৃতি আৰ্য্য ও অনার্য্য ভারতীয় ভাষা-সমূহের জন্য উন্মুক্ত রহিয়াছে। দেশের লোকের মনে যতই নূতন ভাব-সম্পৎ আসিতেছে, ভাষায় সংস্কৃত শব্দের প্রয়োজনীয়তা ততই বেশী করিয়া অনুভূত হইতেছে। একে তো ভারতের প্রাচীন ভাষা বলিয়া, ভারতবর্ষের প্রাচীন সভ্যতার ও ধর্মের বাহন বলিয়া, সংস্কৃত ভাষার প্রতিষ্ঠা সংস্কৃত শব্দাবলীর সঙ্গে জড়িত হইয়া আছে; তদুপরি, সংস্কৃত ব্যাকরণের কল্যাণে এগুলির ব্যুৎপত্তি-ও সুনির্দিষ্ট, এবং এই ভাষার শব্দ-দ্বারা মানুষের মনের তাবৎ চিন্তা অতি সুচারু-রূপে প্রকাশিত হইতে পারে; এই হেতু, কালোপযোগী ভাব-সমূহের প্রকাশের পক্ষে বিশেষ সহায়ক বলিয়া, সকলেই সংস্কৃত শব্দাবলীর অত্যাৱশ্যকতা এবং অপরিহার্য্যতা স্বীকার করেন। মাতৃভাষার আলোচনা-কারী বাঙ্গালীর কাছে, প্রাকৃত-জ, অর্ধ-তৎসম ও ভাষাগত বিদেশীয় শব্দের

প্রয়োগ সুপরিচিত ; কিন্তু উচ্চভাব-গোতক সংস্কৃত শব্দের প্রয়োগ ও সাধন, তাহার কাছে বহু করিয়া আলোচনা করিবার বস্তু । সংস্কৃত ব্যাকরণ সুনিয়ন্ত্রিত বলিয়া, সেই ব্যাকরণ-অনুসারে সিদ্ধ সংস্কৃত শব্দকে অন্ত-রূপে লিখিলে বা প্রয়োগ করিলে, ভাব-প্রকাশে বা অর্থ-গ্রহণে নানা অসুবিধা ঘটিতে পারে ; এই জন্ত এখানে নিয়মানুবর্তিতার অত্যন্ত আবশ্যিকতা আছে । এই-সব কারণে, এবং বাঙ্গালা ভাষার তৎসম শব্দাবলীর সংখ্যা-বাহুল্য ও সেগুলির প্রাধান্তের কথা চিন্তা করিয়া, বাঙ্গালা ভাষার আলোচনায়, তৎসম শব্দগুলির সাধন- ও প্রয়োগ-বিষয়ে বিশেষ দৃষ্টি দেওয়া হইয়া থাকে । এই-সকল শব্দের বর্ণ-বিন্যাস-রীতি, এগুলির স্বর-বর্ণ ও ব্যঞ্জন-বর্ণের পরিবর্তন, এগুলির ব্যুৎপত্তি, দাতু, রুৎ ও তদ্ধিত-প্রত্যয়,—সমস্তই সংস্কৃত ব্যাকরণের নিয়মানুসারে হইলেও, সেই-সকল নিয়ম বাঙ্গালা ব্যাকরণের অঙ্গীভূত বলিয়া ধরা হয় ।

এই ব্যাকরণে, বাঙ্গালার নিজস্ব উচ্চারণ-রীতি ও ধ্বনি-তত্ত্ব, রূপ-তত্ত্ব এবং বাক্য-রীতি আলোচিত হইয়াছে,—যে-সমস্ত রীতি ও তত্ত্ব, প্রাকৃত-জ, তৎসম, অব-তৎসম, বিদেশী ও মিশ্র নির্বিশেষে, সমস্ত বাঙ্গালা শব্দ-সম্বন্ধে প্রযোজ্য ; এতদ্ভিন্ন, সঙ্গে-সঙ্গে বিশেষ-ভাবে বাঙ্গালায় ব্যবহৃত তৎসম শব্দাবলীর সংস্কৃত ব্যাকরণানুযায়ী সাধন ও প্রয়োগ-ও সন্নিবেশিত হইয়াছে ।

## অনুশীলনী

- ১। ভূমি কাকে বলে ? ব্যাকরণ কাকে বলে ? বাঙ্গালা ভাষার ব্যাকরণ বলিতে কি বুঝায় ? বাঙ্গালা ভাষার ব্যাকরণ প্রথম কে রচনা করেন ?
- ২। 'সাহিত্যের ভাষা' ও 'কথিত ভাষা' বলিতে কি বুঝায় ? বাঙ্গালা 'সাধু-ভাষা' ও 'চলিত-ভাষা'র পার্থক্য কি ?
- ৩। বাঙ্গালা ভাষায় ব্যবহৃত শব্দগুলিকে কয়টি শ্রেণীতে ফেলা যায় ? উদাহরণ-সহ বাঙ্গালা শব্দ-ভাণ্ডারের শ্রেণী-বিভাগ কর ।

৪। 'মিশ্র শব্দ' কাহাকে বলে? উদাহরণ দাও।

৫। নিম্নলিখিত শব্দগুলির প্রত্যেকটির শ্রেণী নির্দেশ কর :—

« চাঁদ, নেমস্তন্ন, শুনে, আদালত, চন্দর, হ'ল্‌দে, সব্‌জ, মসজিদ, জমি, ইশ্বাবন, লাট, ভোট, স্নেহা, সোভিয়েট, কুইনাইন, মাঠারী, মজুরনী, খাঁ, বেকার, বে-টাইম »।

## ব্যাকরণের বিভাগ

ব্যাকরণে নিম্নলিখিত বিষয়গুলির আলোচনা হইয়া থাকে—

✍ [ ১ ] ভাষার ধ্বনি (Sounds) সম্পর্কীয় নিয়ম অবলম্বন করিয়া, ভাষার ধ্বনিতত্ত্ব (Phonology)। ধ্বনিতত্ত্বের আলোচ্য বিষয় :—ভাষার ধ্বনিগুলির উচ্চারণ; ধ্বনিগুলির ক্রিয়া; ভদ্র বা শিষ্ট সমাজে প্রচলিত উচ্চারণ; ছন্দো-বিধি; এবং লিখিবার সময়ে শুদ্ধ বর্ণবিন্যাস ও যতিচ্ছেদের নিয়ম।

✍ [ ২ ] ভাষার শব্দের রূপ (Forms) সম্পর্কীয় নিয়ম অবলম্বন করিয়া ভাষার রূপতত্ত্ব (Morphology)। শব্দ ও পদ-সাধনে কৃৎ ও তদ্ধিত প্রত্যয়, সমাস, স্থপ-তিঙ্, অব্যয় বা নিপাত—এই-সমস্ত বিষয়ের আলোচনা রূপতত্ত্বের অন্তর্গত।

✍ [ ৩ ] বাক্য-রীতি—ভাষার বাক্য-গত শব্দের ক্রম (Word-Order, Syntax); বাক্য-বিশ্লেষ (Analysis of Sentences) ইহার অন্তর্গত।



## [১] ধ্বনিতত্ত্ব

উচ্চারণ-তত্ত্ব (Phonetics)—বাক্যের উচ্চারণ (Pronunciation), শুদ্ধ বর্ণ-বিন্যাস (Orthography) ও বাক্যের সাধু উচ্চারণ (Orthoëpy).

### বাক্যের বর্ণমালা ও উচ্চারণ

কোনও ভাষার উচ্চারিত শব্দকে (Word-কে) বিশ্লেষণ করিলে, আমরা কতকগুলি **ধ্বনি** (Sound) পাই।

যে ধ্বনি অন্য ধ্বনির সাহায্য ব্যতিরেকে স্বয়ং পূর্ণ ও পরিষ্কৃত-ভাবে উচ্চারিত হয়, এবং যাহাকে আশ্রয় করিয়া অন্য ধ্বনি প্রকাশিত হয়, তাহাকে **স্বর-ধ্বনি** (Vowel Sound) বলে; যেমন, « আ, আ, এ, ও »।

যে ধ্বনি স্বর-ধ্বনির সাহায্য ব্যতীত স্পষ্ট-রূপে উচ্চারিত হইতে পারে না, এবং সাধারণতঃ যে ধ্বনি অপর ধ্বনিকে আশ্রয় করিয়া উচ্চারিত হইয়া থাকে, তাহাকে **ব্যঞ্জন-ধ্বনি** (Consonant Sound) বলে; যেমন, « ক, চ, ড, শ » ইত্যাদি। এগুলিকে শ্রুতি-যোগ্য করিয়া প্রকৃষ্ট-রূপে উচ্চারণ করিতে হইলে, স্বর-ধ্বনির আশ্রয় লইতে হয়; যেমন, « ক » (= ক + অ), « কা » (ক + আ), « অক্ », « কি » (ক + ই), « ইশ্ », « চি » (চ + ই), « এচ্ », « আড়্ » ইত্যাদি।

ধ্বনি-নির্দেশক চিহ্নকে **বর্ণ** (Letter) বলে; যেমন, « অ, ই, ক, শ, ল » ইত্যাদি। স্বরধ্বনি-স্বতন্ত্র চিহ্নকে **স্বর-বর্ণ** (Vowel Letter) ও ব্যঞ্জনধ্বনি-স্বতন্ত্র চিহ্নকে **ব্যঞ্জন-বর্ণ** (Consonant Letter) বলে।

কোনও ভাষায় ব্যবহৃত বর্ণগুলির সমষ্টিকে সেই ভাষার **বর্ণমালা** (Alphabet) বলা হয়।

## বাঙ্গালা বর্ণমালা

বাঙ্গালা বর্ণমালায় নিম্নে প্রদত্ত সরল বা বিযুক্ত বর্ণগুলি আছে—

স্বর-বর্ণ—অ, আ, ই, ঐ, ঋ, ( ঋ, ঌ ), এ, ঐ, ও, ঔ ।

ব্যঞ্জন-বর্ণ—ক, খ, গ, ঘ, ঙ ; চ, ছ, জ, ঝ, ঞ ; ট, ঠ, ড, ঢ, ণ ;  
ত, থ, দ, ধ, ন ; প, ফ, ব, ভ, ম ; য, র, ল, ব ; শ, ষ, স, হ ; ঙ, ঙ,  
য় ; ং, ঃ ।

## বাঙ্গালা স্বর-বর্ণের উচ্চারণ

ব্যঞ্জন-বর্ণের পরে থাকিলে, স্বর-বর্ণের সংক্ষিপ্ত রূপ ব্যঞ্জনের সঙ্গে যুক্ত হয় । কেবল অ-কারের জন্ত কোনও বিশেষ সংক্ষিপ্ত রূপ নাই—অ-কার ব্যঞ্জন-বর্ণের গাত্ৰের মধ্যে যেন নিলীন থাকে ; এবং « ্ » চিহ্ন ব্যঞ্জন-বর্ণের নিম্নে বসাইলে, এই অ-কারের লোপ বিজ্ঞাপিত হয় ; « ্ » চিহ্নের নাম হসন্ত বা বিবাস ।

অন্ত স্বর-বর্ণের সংক্ষিপ্ত রূপ—« আ = ৷ ; ই = ি ; ঐ = িী ; উ = ু, ৩, ০ » ;  
উ = ূ, ৭ ; ঋ = ৃ ; ঌ = ৃ ; ঌ = ৳ ; এ = ে ; ঐ = ৈ, ও = েী ; ঔ = ৌ » ।

অ—« অ »-কারের দুই প্রকার উচ্চারণ বাঙ্গালায় পাওয়া যায় ;  
[১] সাধারণ উচ্চারণ—অনেকটা ইংরেজী law, all, caught-এর স্বর-ধ্বনির মত ; যেমন, « কথা, চলা, অধীর » ইত্যাদি ; ইহাই বাঙ্গালা « অ »-এর স্বকীয় উচ্চারণ ;  
[২] ঔ-কারবৎ উচ্চারণ—সাধারণতঃ পরবর্তী অক্ষরে « ই » বা « উ » ধ্বনি থাকিলে, বা য-ফলা বা « ঋ » ( বাঙ্গালা উচ্চারণে [ খ্য ] ) থাকিলে, অ-কার ঔ-কারবৎ উচ্চারিত হয় ; যেমন, « অতি [ = ওতি ], বসু [ = বোশু ] » ; « সে করে », কিন্তু « আমি করি [ = কোরি ] »—ই-কার থাকায়, এখানে অ-এর ঔ-ধ্বনি ; « চলুক [ = চোলুক ] » ; « তাৎপর্য্য [ = তাৎপোরুজো ] » ইত্যাদি ।

বাঙ্গালায় অ-কার, একাক্ষর শব্দে দীর্ঘ-রূপেও উচ্চারিত হয় ; যথা—« জল = জ—ন্ ( কিন্তু জ—লা ) ; কর = ক—বৃ ( কিন্তু ক—রা ) » ।

যেখানে « অ- » বা « অন- », 'না' এই অর্থে শব্দের আদিতে ব্যবহৃত হয়, সেখানে কিন্তু পরে

« ই » বা « উ » ধ্বনি থাকিলেও, ইহার ও-উচ্চারণ হয় না; যেমন, « অ-স্থির, অ-ধীর, অ-নিভা, অ-কুল, অলুচিত, অনৃত, অ-তুল » (শেষোক্ত শব্দটী ব্যক্তি-বিশেষের নাম-রূপে ব্যবহৃত হইলে, উচ্চারণে [ওতুল] হয়); তুলনীয়—« অস্থির অঙ্গারের অ-স্থির ফুলিঙ্গ » (= [ওস্থির অঙ্গারের অস্থির ফুলিঙ্গ], অর্থাৎ 'হাড়ের কয়লার চঞ্চল ফিন্কি')। এই প্রকার, 'সহিত'-অর্থে অথবা 'সম্পূর্ণ'-অর্থে, শব্দের আদিতে « স- » বা « সম্ » আসিলে, ইহার অন্তর্গত অ-কারের উচ্চারণ « অ »-ই থাকে, « ও » হয় না; যথা—« সবিনয়, সমুদ্র, সমূলক, সমৃদ্ধ, সম্পূর্ণ, সম্প্রীতি »।

কতকগুলি পদের অন্তর্স্থিত অ-কার সাধারণতঃ ও-কার-রূপে উচ্চারিত হয়; যেমন, « ভাল, কাল, বড়, ছোট » = [ ভালো, কালো, বড়ো, ছোটো ] »। বাঙ্গালা ভাষায় শব্দ যদি দীর্ঘ হয়, তাহা হইলে উচ্চারণের সুবিধার জন্ত তাহাকে ছোট (সাধারণতঃ দুই অক্ষর-ময়) অক্ষর-সমষ্টিতে ভাঙ্গিয়া লওয়া হয়, এবং এইরূপ অক্ষর-সমষ্টির শেষ অক্ষরে « অ » থাকিলে, সেই « অ »-এর ধ্বনি ও-কারবৎ হয়; যেমন, « অনবরত » = [ অনো-বরো-তো ] »। শব্দে দুই অক্ষরের শেষের অক্ষরে « অ » থাকিলে, তাহা ও-বৎ উচ্চারিত হয়; « অনল » = [ অনোল্ ] », ইংরেজী number « নম্বর » = [ নম্বোর্ ] », « পিতল » = [ পিতোল, পেতোল ] » ইত্যাদি। এতদ্ভিন্ন, কতকগুলি ণ- বা ন-কারান্ত একাক্ষর শব্দে « অ »-এর উচ্চারণ ও-কার হয়; যেমন, পূর্ণ (= পরিমাণ), মন, বন, ধন, জন »; কিন্তু « পণ (প্রতিজ্ঞা), রণ, গণ, শণ, সন »-এর বেলায় শুদ্ধ « অ » হয়।

### বাঙ্গালা অন্ত্য « অ »-কার

আধুনিক বাঙ্গালার শব্দের অন্তের « অ »-কার (যাহা ব্যঞ্জন-বর্ণের গাত্রে লীন হইয়া অদৃশ্য-রূপে থাকে তাহা) বহুশ: অনুচ্চারিত থাকে—শেষ বর্ণটী হসন্ত-রূপে উচ্চারিত হয়; যথা, « রাম, হাত, কান, ধান, কাল, সলিল, মাতুল » ইত্যাদি। প্রাকৃত-জ, অধ-তৎসম এবং বিদেশী শব্দে আজকাল অনেক লেখক ও-কারের স্থায় উচ্চারিত অন্ত্য « অ »-কারকে পূর্ণাপুরি ও-কার (ও) রূপে লিখিয়া, ইহার অন্তিম প্রদর্শন করিতেছেন; যেমন « কাল [ = কাল্ ] (সময়), কাল = কালো (কৃষ্ণবর্ণ); বার [ = বার্ ] (দিন, সময়), বার = বারো (ছাদশ) ('কাল রবিবার যখন সন্ধ্যাকাল, কালো কাকটা তখন বারো বার এসেছিল' »); « পাঠান (তিনি প্রেরণ করেন), পাঠান (আফগান-জাতীয়), পাঠানো (প্রেরিত) » ইত্যাদি। প্রাকৃত-জ, অধ-তৎসম ও বিদেশী শব্দে, আমাদের সহজ ভাষাজ্ঞানের উপর নির্ভর করিয়া আমরা ঠিক-মতন উচ্চারণ করিয়া যাই—বানানে ও-কার না লিখিয়া « অ »-কার রাখিয়া দিলেও, বিশেষ কিছু আসিয়া যায় না—যদিও ও-কার লিখিলে নিশ্চিত-রূপে উচ্চারণটা ধরা যায়।

বাহ্যাব্য প্রারম্ভ-ক শব্দ বা পদে, কতকগুলি বিশেষ স্থলে ও প্রত্যয়ে, অন্ত্য «-অ»-কার উচ্চারিত হয়; যথা, [১] কতকগুলি বিশেষণে: «ভাল, বড়, ছোট, পাট, কাল, ধল» ইত্যাদি; সর্বনাম-স্রাট বিশেষণে: «এত, অত, তত, যত কত: হেন, যেন, কেন»; [২] «মত» (-মন্ত প্রত্যয় হইতে); [৩] সংখ্যা-বাচক শব্দে: «এগার, বার, তের, পনের, ষোল, সতের, আঠার»; [৪] «-অন»-প্রত্যয়ে: «করান, বা করানো»; [৫] দ্বিকৃত বিশেষণে এবং অন্তকার-শব্দে: «মর-মর, কাদ-কাদ, ঝর-ঝর, ছল-ছল (ঝর-ঝর, ছল-ছল ইত্যাদির পার্শ্বে)»; [৬] ক্রিয়ায়: অতীতে «-ঈল» বা «-ল», ভবিষ্যতে «ইব, -ব», নিত্যবৃত্ত অতীতে «-ইত, -ত», অনুজ্ঞায় «-অ»।

তৎসম শব্দে অনেক সময়ে সন্ধেহ থাকে। তৎসম শব্দের অন্ত্য «-অ»-কারের উচ্চারণ সম্বন্ধে কতকগুলি নিয়ম দেওয়া গেল—

তৎসম শব্দে সাধারণতঃ অন্ত্য «অ»-কারের লোপ হয়; যেমন, «বিচার, বিচরণ, বধন, ধীর, প্রবীর, অনুপম, অমর» ইত্যাদি। কিন্তু -

[১] অন্ত্য অক্ষরে সংযুক্ত বর্ণ (অর্থাৎ দুইটি বা দুইয়ের অধিক ব্যঞ্জন) একত্র থাকিলে, «অ»-কারের লোপ হয় না; যেমন, «ভক্ত, চিহ্ন, স্মাধা, সূর্য্য, চন্দ্র, ধর্ম, পূর্ব, বিজ্ঞ, অমৃত» ইত্যাদি। অন্ত্য অক্ষরের পূর্বে স্তম্ভস্বর বা বিনর্গ থাকিলেও «অ»-কার সংরক্ষিত হয়; যথা, «হংস, বংশ, দুঃখ»।

[২] ই-কার ও এ-কারের পরে «য়» থাকিলে, সেই «য়»-র অ-কার লুপ্ত হয় না। যথা— «প্রিয়, দেয়, পেয়, বিধেয়, নির্ণেয়; মৈত্রেয়, আত্রেয়» (কিন্তু «বিষয়, স্মায়, উপায়, বিনয়»)।

[৩] বিশেষণ শব্দের শেষ অক্ষরে «ঢ, হ» থাকিলে, অন্ত্য «অ»-কারের লোপ হয় না; যথা, «দৃঢ়, গাঢ়, মুঢ়; দেহ, শ্বেত, বিবাহ, অনুগ্রহ» ইত্যাদি।

[৪] «-ত» ও «-ইত»-প্রত্যয়ান্ত বিশেষণ পদে «অ»-কার লোপ পায় না; «পুলকিত, গভ, নত, মত, রত, অনুদিত, অনুবাদিত, বাখাত, গীত, নীত, রক্ষিত, পীত» ইত্যাদি। এইরূপ শব্দ বিশেষ্য-রূপে ব্যহৃত হইলে কিন্তু «-অ»-কারের লোপ হয়; যথা, «গীত, মত, বিহিত, নিশ্চিত, পালিত (পদবী--কিন্তু 'পালিত পুত্র'), রক্ষিত (পদবী)»। দুই-এক স্থলে কিন্তু এই নিয়মের ব্যত্যয় বিকল্পে ঘটিতে দেখা যায়, যথা, «গর্হিত বা গর্হিত্; বর্জিত বা বর্জিত্»।

[৫] «-তর, -তম»-প্রত্যয়-যুক্ত বিশেষণ পদে, বহু স্থলে «অ»-কার লুপ্ত হয় না; «উচ্চতর, নিম্নতর» (কিন্তু «উত্তর, উত্তম, প্রিয়তম» প্রভৃতিতে অনুচ্চারিত)।

সাধারণ ভাবে, যে-সকল তৎসম শব্দ কথোপকথনের ভাষায় তেমন বেশী কঠিন ব্যবহৃত হয় না,

সেগুলির অন্ত্য « -অ » লোপ পায় না; যেমন, « নগ, নব ( কিন্তু যব্, রব্ ), তব, মম, শম, দম, ত্রোণ, ব্রণ ( ব্রণ্ ), বৃষ, কৃশ, তৃণ ( তৃণ্ ), মৃগ » ইত্যাদি। শব্দের প্রথম অক্ষরে « ঐ » ও « ঔ » থাকিলে, যদি এই দুই স্বর-ধ্বনিকে একাক্ষর করিয়া উচ্চারণ করা হয়, তাহা হইলে অন্ত্য « অ »-কারের লোপ হয় না; যথা, « তৈ-ল, শৈ-ল, মৌ-ন, গৌ-ণ », অ-কারান্ত; কিন্তু « ঐ, ঔ »-কে ভাঙ্গিয়া দুই অক্ষর « অ ই, অ উ » করিয়া লইলে, « অ »-কারের লোপ হয়; যথা, « ত-ইল, শ-ইল, ম-উন, গ-উণ্ » ইত্যাদি।

সমাস-নিবন্ধ পদে, প্রথম শব্দের অন্ত্য « অ »-কার, সাধারণতঃ উচ্চারিত হয়; যেমন, « পদ-সেবা, রণ-তরী, জন-সমাজ, গণ-তন্ত্র, চিকুর-ভার, দান-বোর, গীত-গোবিন্দ, ভার-বাহী ( বিকল্পে দান-বীর গীত-গোবিন্দ, ভার-বাহী ) » ইত্যাদি।

« নিজ » শব্দ, চলিত-ভাষার অ-কারান্ত [ নিজ্ অ ]; কিন্তু বহু স্থলে, বিশেষতঃ পূর্ব-বঙ্গে, ইহা হসন্ত [ নিজ্ ]-রূপে উচ্চারিত হয়।

**লুপ্ত অ-কার**—সংস্কৃতে বহু স্থলে সন্ধি বা দুইটি শব্দের ধ্বনির মিলন হইলে, অ-কারের লোপ হয়। এই লুপ্ত অ-কারের জন্ম একটা অক্ষর আছে—« ঙ »; পাঠ-কালে ইহা উচ্চারিত হয় না; তবে ইহার অবস্থানের দ্বারা, পূর্বে যে একটা অ-কার ছিল তাহা জানানো হয়; যথা, « ততঃ + অধিক = ততোঃধিক », উচ্চারণে [ ততোধিক ]।

**আ**—ইহার উচ্চারণ-অনেকটা ইংরেজী father, calm শব্দের a-র মত। বাঙ্গালায় বহু শব্দে « আ » হ্রস্ব করিয়া উচ্চারিত হয়; যেমন, « .রাম [ রা—ম্ ] »—এখানে আ-কার দীর্ঘ; « রামা »—এখানে আ-কার অপেক্ষাকৃত হ্রস্ব।

**ই, ঐ**—হ্রস্ব ও দীর্ঘ—« দিন-দিন » এবং « দিন » ও « দীন » শব্দের মত। [ নিম্নে ' হ্রস্ব ও দীর্ঘ স্বর ' শীর্ষক অংশ দ্রষ্টব্য। ]

**উ, ঊ**—হ্রস্ব ও দীর্ঘ—যথাক্রমে « রূপা » ও « রূপ » শব্দের « উ »-ধ্বনির মত। [ নিম্নে ' হ্রস্ব ও দীর্ঘ স্বর ' শীর্ষক অংশ দ্রষ্টব্য। ]

**ঋ, ঌ, ৐**—বাঙ্গালায় এই তিনটি বর্ণের উচ্চারণ [ রি, রী, লি ]। বাঙ্গালায় এগুলিকে ঠিক স্বর-ধ্বনি বলা চলে না, কারণ বাঙ্গালায় এগুলি হইতেছে, র-ল-এর সহিত সংযুক্ত ই-ঐ-ঊ-র ধ্বনি। সংস্কৃতে এগুলি স্বর-ধ্বনি রূপে উচ্চারিত

হইত, [ব্, ল্] রূপে; ই-কার বা অন্ত কোনও স্বর এগুলিতে আসিত না; সংস্কৃত প্রয়োগ অনুসারেই বাঙ্গালা বর্ণমালায় এগুলি স্বরবর্ণ-সমূহের মধ্যে রক্ষিত হইয়াছে। বাঙ্গালায় ঝ-র ব্যবহার নাই।

« ঞ, ঞ্ » বাঙ্গালায় সাধারণতঃ তৎসম শব্দের বানানেই মিলে—যেমন, « ঞষি, ঞণ, ঞগ্বেদ, পিতৃবা, ঞকৃতি, ভ্রাতৃশ্বেহ, পিতৃণ, ক্-প্ত » ইত্যাদি; এবং সময়ে-সময়ে বিদেশী শব্দে, লিখন-সংক্ষেপের জন্ত « রি » ( অর্থাৎ ঝ-ফলার পরে ই-কার ) না লিখিয়া, কেবল « ঞ »-দ্বারা কাজ চালানো হয়; যেমন, « মৃজা=ম্রিজা বা মীরজা; বৃটিশ=ব্রিটিশ; খৃষ্ট=খ্রীষ্ট বা খ্রিষ্ট »। এই ভাবে বিদেশী শব্দে « ঞ » ব্যবহার করা অনুচিত, « রি » বা ঝ-ফলা ব্যবহার করাই উচিত; এই জন্ত « ব্রিটিশ, খ্রীষ্ট, প্রিন্সি-কাউন্সিল, ক্রিকেট », প্রকৃষ্ট বর্ণ-বিশ্বাস; « বৃটিশ, খৃষ্ট, প্ৰিন্সি-কাউন্সিল, ক্রিকেট » প্রভৃতি সর্বথা বর্জনীয়।

এ—এই বর্ণের দুইটা উচ্চারণ—[১] ইহার নিজ উচ্চারণ, যেমন, « দেশ, মেঘ, অবশেষ » ইত্যাদি; ইহাই এই বর্ণের মূল ধ্বনি। [২] বিকৃত উচ্চারণ—« 'অ্যা' », ইংরেজী cat, bat-এর a-র মত; যেমন, « এক, একা, দেখেন=[ অ্যাক্, অ্যাকা, জ্ঞাখেন ] » ইত্যাদি। এ-কারের এই বিকৃত উচ্চারণ কেবল শব্দের আদিতে পাওয়া যায়।

ঐ—এটা একটা যৌগিক স্বর-ধ্বনি বা সঙ্ক্যঙ্কর (Diphthong) : বাঙ্গালায় ইহা যেন « ও » এবং « ই » এই দুই ধ্বনির পর-পর দ্রুত উচ্চারণের ফল; যথা, « ঐক্য, চৈতন্য, ধৈর্য, বৈদেশিক=[ ওইকো, চোইতোনো, ধোইরুজো, বোইদেশিক ] »।

সংস্কৃতে কিন্তু ইহার উচ্চারণ ছিল « আ+ই=আই »। এই জন্ত সংস্কৃতে « নৈ+অক » হইতে « নায়ক », অর্থাৎ « নাই+অক=নাইঅক, নায়অক, নায়ক »।

প্রাকৃত-জ ও বিদেশী শব্দের « অই, অয় » বা « ওই » কে সংক্ষেপের জন্ত অনেক সময়ে « ঐ » লেখা হয়; যথা, « ঐ, ঐ, ঐ-মাছ, ঐয়ারী, ঐসর-এ-হিন্দ » ইত্যাদি।

ঔ—ইংরেজী robe, boat প্রভৃতি শব্দের o, oa-র সহিত ইহার উচ্চারণের মিল আছে; যথা, « রোগ, রোগা, শোক, পুরোহিত, ভোগ, যোগ, বিয়োগ, বোন্ » ইত্যাদি।

ঔ—এটাও একটা যৌগিক স্বর-ধ্বনি (Diphthong) ; ইহার বাঙ্গালা উচ্চারণ « ও+উ » ; যথা, « যৌবন, কোঁরব, সৌরভ, দৌড় » ।

সংস্কৃতে ইহার উচ্চারণ কিন্তু ছিল « আ+উ=আউ » ; এই জন্ত সংস্কৃতে « গৌ+ঈ=গাবী, অর্থাৎ গাউ+ঈ=গাউঈ=গাবী ( এখানে ব হইতেছে অন্তঃস্থ ব, সংস্কৃত উচ্চারণ মত w ) » ।

প্রাকৃত-জ ও বিদেশী শব্দের « অউ, অও » বা « ওউ »-কে সংক্ষেপে বহু স্থলে « ঔ » কাব দিয়া লেখা হয় : « বৌ=বউ, মৌ=মউ, জৌ=জউ, নৌ-রোজ, সৌগীন (=শৌকীন) » ইত্যাদি ।

বাঙ্গালা বর্ণমালায় স্বর-বর্ণের সংখ্যা তেরটা, কিন্তু সাধু ও চলিত বাঙ্গালার বিভিন্ন ও বিশিষ্ট স্বর-ধ্বনি ( কলিকাতা-অঞ্চলের ভদ্র ভাষায় ) মাত্র এই সাতটা [ অ, আ, ই, উ, এ, 'অ্যা', ও ] ।

### বাঙ্গালা সম্বন্ধস্বর

এই স্বর-ধ্বনিগুলির সমবায়ে বা মিলনে, নানা সম্বন্ধস্বর, বা যৌগিক-ধ্বনির (Diphthong-এর) উদ্ভব হয় ; তন্মধ্যে মাত্র দুইটির জন্ত বর্ণ, বাঙ্গালা বর্ণমালায় মিলে : « ঐ=[ঔই], ঔ=[ঔউ] » । অবশিষ্ট যৌগিক স্বর-ধ্বনির জন্ত পৃথক বর্ণ নাই, এগুলির মৌলিক বর্ণগুলিকে ( একক, অথবা য-কারের সহিত যুক্ত করিয়া ) পাশাপাশি লিখিগা, এগুলিকে প্রকাশ করা হয় ।

চলিত-ভাষায় একরূপ ২৫টা যৌগিক স্বর-ধ্বনি আছে ; যথা—

« ইে, ইএ—নিয়ে ; ইআ, ইয়া—ইয়ার ; ইও, ইয়ো—দিও, প্রিয় ; ইউ—পিউ, মিউ-মিউ , এই—লেই, খেই ; এআ, এয়া—খেয়া, কেয়া ; ঐও—চেও=চাহিও ; ঐউ—কেউ, যেউ-যেউ ; অ্যাএ, অ্যায়—দ্যায় ; অ্যাও—ম্যাও ; আই—যাই, খাই ; আএ, আয়—খায়, নায় ; আও—যাও, খাও ; আউ—দাউ-দাউ ; অএ=অয়—হয়, নয় ; অআ—সওয়া=সআ ; অও—হও, কও, নও ; ওই—কই, ঐ ; ওএ=ওয়—ক'য়ে, ধোয ; ওআ, ওয়া—ধোয়া, রোয়া ; ওউ=ও বউ, জৌ ; উই—ছুই ; উএ=উয়ে—দুয়ে=দুহিয়া ; উআ=উয়া—জুয়া ; উও, উয়ো—কুয়ো । »

মুন্দ উচ্চারণে, পূর্বোক্ত স্বর-ধ্বনিগুলি যৌগিক স্বর-ধ্বনি হইয়া যায় ; আবার ধীরে উচ্চারণ করিলে, দুইটা পৃথক স্বর রূপেই প্রতিষ্ঠাত হয় ।

তিনটা স্বর-ধ্বনির মিশ্র বা যৌগিক স্বর ধ্বনিও (Triphthongs) বাঙ্গালায় সম্ভব ; যথা, তিনটা স্বর-ধ্বনির : « ইয়েই ; ইয়েও ; ইয়াএ, ইয়ায় ; এইয়ে ; এইও, এইয়ো ; এয়াও ; এওই ; এউও ;

আয়েই ; আওই ; আইয়ে ; আইও ; আয়েই ; আওই ; আউই ; অয়েই ; অওই ; অএও, অয়ও, অয়েও ; ওইয়ে ; ওয়েই ; ওয়েও ; ওয়াই ; ওআএ, ওয়ায় ; ওউই ; উইয়ে ; উইও ; উয়েই ; উয়েও ; উআএ, উয়ায় ; উয়াও ; উওএ, উওয় » ।

একটি স্বর, অবিকৃত বা অমিলিত ভাবে, পর পর দুইবার বাঙ্গালার ব্যবহৃত হয় ; যথা, « ই-ই » -- « নিইই—আমি তো নিই-ই » ; « ও-ও » — « ধোও, ধোও » ; « এএ » — « পেয়ে [ পেএ ] = খাইয়া » ।

### অক্ষর ( Syllable )

বাগ্‌যন্ত্রের স্বল্পতম প্রয়াসে উচ্চারিত ধ্বনিকে **অক্ষর** (Syllable) বলে । এক বা একাদিক ধ্বনি লইয়া অক্ষর গঠিত হয় । প্রত্যেক অক্ষরে একটি স্বর-ধ্বনি ( সরল বা যৌগিক, অথবা স্বর-রূপে ব্যবহৃত ব্যঞ্জন ) থাকে । অক্ষর স্বরান্ত ( Open ) বা ব্যঞ্জনান্ত ( Closed ) হয় । স্বরান্ত অক্ষর যথা, « এ ; ও ; স্ত্রী ; কে ; মা-লা, পি-তা » ; ব্যঞ্জনান্ত অক্ষর, « কার্ ; ত্যাগ্ ; এক্-টা ; ধর্ম = ধর্-ম ; চন্দ্র = চন্-দ্র » ইত্যাদি । সন্ধ্যাক্ষরাত্মক অক্ষরকে বিকল্পে ব্যঞ্জনান্ত অক্ষর রূপে গ্রহণ করা যায় ;—যথা, « ভাই, ওই, কেউ, কএ = কয়, দাও ( ই, উ, এ, ও—ব্যঞ্জন-ধ্বনির স্থায় প্রযুক্ত ) » ।

### সানুনাসিক স্বর (Nasalised Vowels)

সাধু বাঙ্গালার সাতটি স্বর-ধ্বনি ও বিভিন্ন যৌগিক স্বর বা সন্ধ্যাক্ষর, সানুনাসিক করিয়া উচ্চারণ করা যায়—অর্থাৎ উচ্চারণের সময়ে মুখ ও নাসিকা উভয় পথ দিয়া বায়ুকে নির্গত করা যায় বলিয়া, এগুলি 'নাক্রী' সুরেও উচ্চারিত হয় । বাঙ্গালায়, « ̃ » ( চন্দ্রবিন্দু ) এই চিহ্ন-দ্বারা স্বর-বর্ণের সানুনাসিক ভাব প্রদর্শিত হয় ; যথা, « আ—আ̃ ; পাক—পাঁক ; তাহার—তাঁহার » ইত্যাদি ।

বাঙ্গালা-দেশের কোনও-কোনও প্রান্তে সানুনাসিক উচ্চারণ জ্ঞাত ; চন্দ্রবিন্দু-যোগে সানুনাসিক উচ্চারণ প্রদর্শন ও উচ্চারণ করণ সম্বন্ধে সেই-সমস্ত প্রান্তের ছাত্রদের অবহিত হওয়া উচিত, কারণ



সানুনাসিক হইলে শব্দের অর্থের পরিবর্তন ঘটে; যথ—« কাটা, কাটা; পাক, পাক; ভাত, ভাত » ইত্যাদি।

শব্দ-মধ্যে « ঙ, ঞ, ণ, ন, ম, ৮ » প্রভৃতি নাসিক্য ধ্বনি থাকিলে, নিকটবর্তী স্বর-ধ্বনিও বাঙ্গালায় উচ্চারণে অনুনাসিক-ভাব-গ্রস্ত হয়; যথা, « মা »—বাঙ্গালা উচ্চারণে [ ম্—আ ] নহে, [ ম্—আঁ, মঁ ] ; « নান » = [ ন্—আম্ ] নহে, [ ন্—আঁম, নঁম্ ]—ইত্যাদি।

### হ্রস্ব ও দীর্ঘ স্বর (Short and Long Vowels)

স্বর-ধ্বনির হ্রস্বতা- বা দীর্ঘতা-সম্বন্ধে বাঙ্গালা উচ্চারণে কতকগুলি বিশেষ নিয়ম আছে। Monosyllabic অর্থাৎ একাক্ষর পদ, সাধারণতঃ বাঙ্গালায় দীর্ঘ করিয়া উচ্চারিত হয় : « দিন (‘দিবস’), দীন (‘দরিদ্র’), দিন (=‘দিউন, আপনি দান করুন’), দীন (‘মুসলমান ধর্ম’) »—এই চারিটা একাক্ষর শব্দের উচ্চারণ এক প্রকারের—একক অবস্থিত বা উচ্চারিত হইলে, চারিটাই দীর্ঘ করিয়া উচ্চারিত হয়; কিন্তু একাধিক অক্ষরের পদে, অথবা এক নিঃশ্বাসে উচ্চারিত বাক্যে আসিলে, এই কয়টা শব্দের ই-ধ্বনি, দীর্ঘ হইতে হ্রস্ব হইয়া দাঁড়ায়; যথা, « দিন-কাল; দীন-দুঃখী; বইটা আমায় দিন্ তো; দীন-দুনিয়ার মালিক »।


[ক] ই (ঈ)-কারের উচ্চারণে জিহ্বা আগাইয়া আইসে, ও উচ্চ অগ্র-তালুর কঠিনাংশের কাছাকাছি পড়ছে। এ-কারের উচ্চারণে জিহ্বার অবস্থান, ই-কারের মত সম্মুখে, কিন্তু একটু নীচে; ‘অ্যা’-কারের বেলায় আরও নীচে। [ই (ঈ), এ, ‘অ্যা’]—এগুলির উচ্চারণে জিহ্বা আগাইয়া সম্মুখ ভাগে (দেহের দিকে) চলিয়া আইসে বলিয়া, এগুলিকে ‘সম্মুখস্থ স্বর-ধ্বনি’ (Front Vowels) বলা হয়। ই (ঈ)-কারের বেলায় জিহ্বা উচ্চে থাকে; অতএব ইহাকে ‘উচ্চাবস্থিত সম্মুখস্থ স্বর-ধ্বনি’ (High Front Vowel) বলা চলে; [এ] তদ্রূপ ‘মধ্যাবস্থিত’ (Mid Front Vowel), এবং [‘অ্যা’] ‘নিম্নাবস্থিত সম্মুখস্থ স্বর-ধ্বনি’ (Low Front Vowel)।

[খ] উ (উ)-কারের উচ্চারণে জিহ্বা পিছাইয়া আইসে, ও পশ্চাত্তালুর কোমল অংশের কাছাকাছি উঠে। ও-কারের উচ্চারণে জিহ্বা আরও একটু নিম্নে আইসে, এবং অ-কারের বেলায় আরও নিম্নে। মুখের পশ্চাৎ বা অভ্যন্তর ভাগে জিহ্বার আগমনের কারণ, এই ধ্বনিত্রয়কে ‘পশ্চাত্তাগস্থ স্বর-ধ্বনি’ (Back Vowels) বলে। এই ‘পশ্চাত্তাগস্থ’ স্বর-ধ্বনিগুলির মধ্যে,


বাঙালী স্বর-বর্ণের উচ্চারণে মুখের অভ্যন্তরে জিহ্বাদি বাগ-  
 মস্তুর সমাবেশ (Position of the Vocal Organs in pronouncing the Bengali  
 Vowels), এবং বাঙালী স্বর-ধ্বনির শ্রেণী-বিভাগ (Classification of the

Bengali Vowel Sounds)।

মাধু-বাঙ্গালীর ও চলিত-বাঙ্গালীর সাতটি স্বর-ধ্বনি 'অ', 'আ', 'ই', 'উ', 'এ', 'আ', 'ও'—এগুলির উচ্চারণের সময়ে মুখাভ্যন্তরে জিহ্বার  
 অবস্থান, নিয়ে প্রদত্ত চিত্রে প্রদর্শিত হইল।



জিহ্বা সমুখভাগে দন্তের দিকে প্রযুক্ত করিয়া উচ্চারিত ধ্বনি—  
 [ই, এ, 'আ', 'আ'—i, e, æ a]



জিহ্বা পশ্চাতে কণ্ঠের দিকে আকর্ষিত করিয়া উচ্চারিত ধ্বনি—  
 [আ, অ, ও, উ—ɑ, ɔ, o, u]

[ উ (উ) ] 'উচ্চাবস্থিত' (High Back), [ ও ] 'মধ্যাবস্থিত' (Mid Back), এবং  
[ অ ] 'নিম্নাবস্থিত' (Low Back)।


[গ] বাঙ্গালা আ-কারের উচ্চারণে জিহ্বা সাধারণ ভাবে শায়িত অবস্থায় থাকে, বরং একটু কণ্ঠের দিকে আকৃষ্ট হয়। ইহা একটা 'নিম্নাবস্থিত' (Low) স্বর-ধ্বনি; এবং মুখের সম্মুখ ও পশ্চাৎ অংশের মাঝামাঝি ( অথবা কেন্দ্রস্থানীয় ) অংশেই অবস্থিত থাকে বলিয়া, ইহাকে 'কেন্দ্রীয় নিম্নাবস্থিত' (Low Central) স্বর-ধ্বনি বলা হয়। মুখ-বিবর উন্মুক্ত বা বিবৃত থাকে বলিয়া, ইহাকে 'বিবৃত' (Open) ধ্বনিও বলা হয়।

[খ] এই 'কেন্দ্রীয়' আ-কার ভিন্ন, বাঙ্গালার প্রাদেশিক উচ্চারণে আর এক প্রকার সম্মুখে বা মুখাগ্রভাগে উচ্চারিত 'আ' ধ্বনি আছে, ইহাকে 'তালব্য আ' (Palatal a) বলা যায়; 'কলা' অর্থে « কাইল, কা'ল [কাল] », 'প্রহার' অর্থে « মাইর, মা'র [ মার ] » প্রভৃতি শব্দে এই তালব্য আ-কার মিলে; কিন্তু কণ্ঠ-আ-কার-যুক্ত « কাল » শব্দের অর্থ 'নয়, মৃত্যু', « মার » শব্দের অর্থ 'মদন' বা 'পাপ-পুরুষ'।

### বাঙ্গালা স্বর-ধ্বনির উচ্চারণ-সঙ্গত বর্ণীকরণ

	সম্মুখাবস্থিত Front (প্রসৃত Spread অধরোষ্ঠ)	কেন্দ্রীয় Central (বিবৃত Open অধরোষ্ঠ)	পশ্চাদবস্থিত Back (বতুল Rounded অধরোষ্ঠ)
উচ্চ High	ই (ঈ)		উ (উ)
উচ্চ-মধ্য High-Mid	এ		ও
নিম্ন-মধ্য Low-Mid	'অ্যা'		অ
নিম্ন Low	[ আ', অী ] ( প্রাদেশিক ভাষায় )	আ	

পূর্বে ২৯ পৃষ্ঠায় প্রদত্ত মুখাভ্যন্তরের দুইটি চিত্রে, বাঙ্গালা স্বর-ধ্বনির উচ্চারণে মুখের ভিতরে জিহ্বার আপেক্ষিক অবস্থান, পর পৃষ্ঠে প্রদত্ত চিত্রের দ্বারা প্রণিধান করা সহজ হইবে, এবং উচ্চারণ-সঙ্গত বর্ণীকরণ বুঝা যাইবে।



### বাক্সালা ব্যঞ্জন-বর্ণের উচ্চারণ

« ক » হইতে « ম » পর্য্যন্ত পঁচিশটি বর্ণকে স্পর্শ-বর্ণ (Stops, Occlusives) বলে ; এগুলির উচ্চারণে, জিহ্বার কোনও অংশের সহিত কণ্ঠ, তালু বা দন্তের, কিংবা ওষ্ঠে ও অধরে স্পর্শ হয় ।

স্পর্শবর্ণগুলি আবার উচ্চারণ-স্থান (অর্থাৎ স্পর্শের স্থান) অনুসারে পাঁচটি বর্ণ বা শ্রেণীতে পড়ে । মুখের ভিতর হইতে ধরিলে, উচ্চারণ-স্থান এইগুলি—কণ্ঠ, তালু, মূর্ধা, দন্ত, ওষ্ঠ ।

✓ [১] ক-বর্ণ বা কণ্ঠ্য বর্ণ (Gutturals, Velars)—« ক, খ, গ, ঘ, ঙ » ;

✓ [২] চ-বর্ণ বা তালব্য বর্ণ (Palatals)—« চ, ছ, জ, ঝ, ঞ » ;

✓ [৩] ট-বর্ণ বা মূর্ধা বর্ণ (Cerebrals, Cacuminals বা Retroflex Sounds)—« ট, ঠ, ড, ঢ, ণ » ;

✓ [৪] ত-বর্ণ বা দন্ত্য বর্ণ (Dentals)—« ত, থ, দ, ধ, ন » ; এবং

✓ [৫] প-বর্ণ বা ওষ্ঠ্য বর্ণ (Labials)—« প, ফ, ব, ভ, ম » ।

প্রত্যেক বর্ণে পাঁচটি করিয়া বর্ণ বা ধ্বনি । এগুলির মধ্যে, বর্ণের শেষ বর্ণ-কয়টি ( ঙ, ঞ, ণ, ন, ম ) নাসিক্য-ধ্বনি । স্পর্শবর্ণের উচ্চারণ-কালে,

মুখের অভ্যন্তরে বা ঠোঁটে-ঠোঁটে স্পর্শ ঘটিয়া থাকে, কিন্তু উপরস্থ নাসিক্য-বর্ণের বেলায় নাসিকা দিয়া বায়ু বহির্গত হয়, মুখ-বিবর দিয়া নহে।

প্রতি বর্ণের প্রথম চারিটি বর্ণের মধ্যে, দ্বিতীয় ও চতুর্থটি যথাক্রমে প্রথম ও তৃতীয়তে প্রাণ- বা নিঃশ্বাস (অর্থাৎ হ-কার-জাতীয় ধ্বনি)-যোগে সৃষ্ট হয়; এই জন্ত এগুলিকে মহাপ্রাণ (Aspirate) ধ্বনি বলে; যথা—« খ, ঘ; ছ, ঝ; ঠ, ঢ; থ, ধ; ফ, ভ »। « খ, ঘ; ছ, ঝ; ঠ, ঢ; থ, ধ; ফ, ভ »-কে যেন « ক্‌হ, গ্‌হ; চ্‌হ, জ্‌হ; ট্‌হ, ড্‌হ; ঙ্‌হ, দ্‌হ; প্‌হ, ব্‌হ »-রূপে বিশ্লিষ্ট করা যায়। বর্ণের প্রথম ও তৃতীয় ধ্বনিগুলিতে এই প্রাণ (Aspiration) নাই, এ জন্ত এগুলিকে অপ্রাণ (Unaspirated) ধ্বনি বলে; যথা—« ক, গ; চ, জ; ট, ড; ত, দ; প, ব »। বর্ণের প্রথম ও দ্বিতীয় বর্ণের উচ্চারণ মৃদু ও গাভীর্ষ্য-হীন, কিন্তু তৃতীয় ও চতুর্থ বর্ণের এবং পঞ্চম বর্ণের উচ্চারণ গভীর; এই জন্ত প্রথম ও দ্বিতীয় বর্ণকে অঘোষ-বর্ণ (Voiceless বা Unvoiced Sounds) অথবা শ্বাস-বর্ণ (Breath Sounds, Hard Sounds, Tenues) বলে; এবং তৃতীয়, চতুর্থ ও পঞ্চম বর্ণকে ঘোষ-বর্ণ (Voiced Sounds) বা নাদ-বর্ণ (Soft Sounds বা Mediae) বলে।

উচ্চারণ- স্থান	অঘোষ Voiceless		ঘোষ Voiced		
	(১)	(২)	(৩)	(৪)	(৫)
	অপ্রাণ	মহাপ্রাণ	অপ্রাণ	মহাপ্রাণ	নাসিক্য
কণ্ঠ	ক [k]	খ [kh]	গ [g]	ঘ [gh]	ঙ [ŋ]
জালু	চ [c]	ছ [ch]	জ [j]	ঝ [jh]	ঞ [ñ]
মূর্ধা	ট [t]	ঠ [th]	ড [d]	ঢ [dh]	ণ [ɳ]
দন্ত	ত [t]	থ [th]	দ [d]	ধ [dh]	ন [n]
ওষ্ঠ	প [p]	ফ [ph]	ব [b]	ভ [bh]	ম [m]

« য, র, ল, ব »—স্পর্শ-বর্ণ ও উষ্ম-বর্ণের 'অন্তঃ' বা অন্তরে ( মাঝে ) আছে বলিয়া এগুলিকে অন্তঃস্ব-বর্ণ বলে। এগুলির ইংরেজী নাম Semivowels অর্থাৎ অর্ধ-স্বর (য = y, ব = র = w), ও Liquids অর্থাৎ তরল-স্বর (র, ল); এই অক্ষরগুলির অন্তর্নিহিত অ-কারকে বাদ দিলে যথাক্রমে স্বরধ্বনি « ই (= য ), ঋ (= র ), ৳ (= ল ), উ (= র, w) » মিলিবে।

« শ, ষ, স, হ »—এগুলিকে উষ্ম-বর্ণ বলে। 'উষ্ম' শব্দের অর্থ 'নিঃশ্বাস'—যতক্ষণ শ্বাস থাকে, ততক্ষণ এগুলির উচ্চারণ প্রলম্বিত করা যায়; যেমন—« ইশ্শ্শ্শ্শ্শ্শ্..... »; কিন্তু নাসিক্য ভিন্ন, অন্ত স্পর্শবর্ণগুলিকে একরূপে প্রলম্বিত করা যায় না; যেমন—« ইক্ ; ইট্ ; ইব্ »। উষ্ম-বর্ণের ইংরেজী নাম Spirant অর্থাৎ 'নিঃশ্বাসিত' বা 'নিঃশ্বাসাশ্রয়ী'।

কলিকাতা-অঞ্চলের উচ্চারণে, সাধু-ও চলিত-বাক্যের শব্দের মধ্যে বা শেষে অবস্থিত মহাপ্রাণ বর্ণগুলির অল্পপ্রাণ-রূপে উচ্চারিত করিবার দিকে একটা প্রবণতা আছে; যথা— মুগ্ - মুক্, দেপ্তে - দেক্তে, রথযাত্রা - রত্‌যাত্রা, বাঁধা--বাঁধা, মাথা--মাতা, বাঘ--বাগ, দৃঢ়-দৃড়ো, পাঁঠা পাঁটা, হঠাৎ--হটাৎ « ইত্যাদি।

পূর্ব-বঙ্গের কথিত ভাষায়, বোধ মহাপ্রাণ-ধ্বনির উচ্চারণ বিশুদ্ধ-ভাবে করা হয় না— « ঘ, ঝ, ঢ, ধ, ভ »-এর উচ্চারণে, « গ, জ, ড, দ, ব »-এর পবে প্রাণ বা হ-কার যোগ করা হয় না (হ-কারের নিজস্ব ধ্বনিও পূর্ব-বঙ্গে অজ্ঞাত); মহাপ্রাণ বর্ণের স্থানে, পূর্ব-বঙ্গের কথা ভাষায় সাধারণতঃ কণ্ঠের অভ্যন্তরস্থ glottal passage বা শ্বাস-নালী বা শ্বাস-পথকে চাপিয়া বা বন্ধ করিয়া « গ, জ, ড, দ, ব » উচ্চারণ করা হয় (pronounced with glottal closure, 'শ্বাস-নালী'- বা 'কণ্ঠনালী-স্পর্শ-মিশ্র')। এই হেতু, পশ্চিম-বঙ্গের অধিবাসীদের কানে পূর্ব-বঙ্গবাসীর উচ্চারিত « ঘ, ঝ, ঢ, ধ, ভ » কতকটা যেন বিকৃত « গ, জ, ড, দ, ব »-এর মত লাগে। কেবল পূর্ব-বঙ্গের কথা ভাষার ব্যবহারে যাঁহারা অভ্যস্ত, তাঁহাদের পক্ষে বিশুদ্ধ মহাপ্রাণ উচ্চারণ-শিক্ষা-সাপেক্ষ।

বাক্যের বিভিন্ন বাঞ্জন-বর্ণের উচ্চারণ-আলোচনা—

ক-বর্গ—« ক, খ, গ, ঘ, ঙ »। জিহ্বার মূল-বা পশ্চাদ্ভাগ-দ্বারা কণ্ঠের দিকে তালুর কোমল অংশে স্পর্শ করিয়া, এই বর্ণের ধ্বনিগুলি উচ্চারিত হয়।

ঙ বর্ণের উচ্চারণ ইংরেজী sing শব্দের ng-র মত।

**চ-বর্গ**—« চ, ছ, জ, ঝ, ঞ » । জিহ্বার মধ্য-ভাগ-দ্বারা তালুর সম্মুখ বা কঠিন অংশে স্পর্শ করিয়া, এই ধ্বনিগুলির উচ্চারণ করা হয় ।

বাঙ্গালা « চ, ছ, জ, ঝ »-এর উচ্চারণ ইংরেজী ch বা tch, ch-h বা tch-h, f বা dg, ও jh বা dge-h-এর মত । চ বর্গের এইরূপ উচ্চারণ এখন ভারতবর্ষের অধিকাংশ ভাষায় প্রচলিত । কিন্তু পূর্ব- ও উত্তর-বঙ্গে, এই বর্ণগুলির উচ্চারণ একেবারে পৃথক্ । « চ »-এর উচ্চারণ ইংরেজী ch বা tch-এর মত না হইয়া, ইংরেজী ts এর মত হয় ; « ছ », মহাপ্রাণ « চ » অর্থাৎ « চ্ছ » বা ch-h না হইয়া, ইংরেজীর s-এর ধ্বনিতে পরিবর্তিত হয় ( অর্থাৎ ইহা স্পর্শ মহাপ্রাণ হইতে উন্নত ধ্বনিতে পরিণত হইয়াছে ) ; « জ » তদ্রূপ ইংরেজীর j-র মত না হইয়া, dz বা z-এর মত হয় ; এবং « ঝ », j-h-এর মত না হইয়া, চাপা গলায় উচ্চারিত dz-এর মত হয় । পূর্ব-বঙ্গের ছাত্রগণের পক্ষে বাঙ্গালা সাধু-ভাষায় ব্যবহৃত চ-বর্গের উচ্চারণ বিশেষ যত্ন করিয়া আয়ত্ত করা উচিত : কারণ এই প্রাদেশিক উচ্চারণ অনেক সময়ে সংস্কৃত ধারসী ইংরেজী প্রভৃতি অল্প ভাষা শিক্ষা কালে সেগুলিতে সংক্রামিত হইয়া থাকে—যেমন ইংরেজী watch-কে [wats], church-কে [tsarts], college-কে [kōledz] বা [kōlez], judge-কে [zaz] বলা হয়, এবং এই প্রকার কদুচ্চারণ খুবই ওনা যায় ।

চ-বর্গের এবং ঘোষ মহাপ্রাণ বর্ণগুলির পশ্চিম-বঙ্গে ও প্রায় সমগ্র ভারতে প্রচলিত উচ্চারণ, বাঙ্গালা ভাষার পক্ষে ভদ্র ও শিক্ষিত উচ্চারণ বলিয়া পরিগণিত হওয়ায়, এ বিষয়ে সকলের অবহিত হওয়া আবশ্যিক ।

« ঞ »-র উচ্চারণ সান্ন্যাসিক « ঞ্ » অর্থাৎ « ইঁঞ »-র মত ; এই জন্ত এই বর্ণের নাম « ইঁঞ » । এই বর্ণ সাধারণতঃ চ-বর্গের বর্ণগুলির পূর্বে অবস্থান করে ; তখন বাঙ্গালায় উচ্চারণ দন্ত্য-ন-কারবৎ হয় ; যেমন—« পঞ্চ = [পন্চ], অঞ্জলি = [অন্জোলি], বাঞ্ছা = [বান্ছা], ঝঞ্ঝা = [ঝন্ঝা] » । অন্ততঃ « ঞ্ »-র মত উচ্চারণ : « মিঞ = মিঞা » । সংস্কৃত « যাচ্ঞা » শব্দের প্রাচীন বাঙ্গালা উচ্চারণ [জাচ্ঞা], আধুনিক [জাচ্ঞা] ।

« জ্ + ঞ = জ্ঞ »-এর উচ্চারণ বাঙ্গালায় [গাঁ] ।

**ট-বর্গ**—« ট, ঠ, ড, ঢ, ণ \* : এগুলির উচ্চারণে জিহ্বার অগ্রভাগকে প্রতিবেষ্টিত করিয়া ( অর্থাৎ উল্টাইয়া ), মুখের অর্থাৎ তালুর শীর্ষদেশের সন্নিকটে ( সাধারণ বাঙ্গালা উচ্চারণে, আরও একটু নিচে ), তালুর কঠিন অংশে

স্পর্শ করিতে হয়। মূর্ধন বা মূর্ধা প্রদেশে স্পর্শ হয় বলিয়া এগুলিকে মূর্ধন্য বর্ণ (Cerebrals) বলে; জিহ্বাগ্রকে উল্টাইয়া লইয়া উচ্চারণ করা, মূর্ধন্য বর্ণগুলির বিশিষ্ট লক্ষণ; এই জন্ত ইহাদিগকে Retroflex বা প্রতিবেষ্টিত ধ্বনি বলা হয়।

ইংরেজীর t, d ধ্বনি ঠিক আমাদের মূর্ধন্য « ট, ড » নহে; ইংরেজীর ধ্বনি দুইটি আমাদের কানে আমাদের মূর্ধন্য « ট, ড »-র মত লাগিলেও, t, d তিনটি বিষয়ে মূর্ধন্য বর্ণ হইতে পৃথক; ইংরেজী t, d-তে [১] জিহ্বার অগ্রভাগ উল্টানো হয় না, [২] স্পর্শস্থান মূর্ধা নহে, মূর্ধার বহু নিম্নে দন্তমূলের উপরিভাগে (Alveolum বা Teeth-ridge-এ); এবং [৩] জিহ্বাগ্রকে স্পর্শকার করিয়া, বিস্তৃত না করিয়া, দন্তমূলের উপরে স্পর্শ করিতে হয়। বস্তুতঃ, কানে আমাদের « ট, ড »-এর মত শুনাইলেও, ইংরেজীর দন্তমূলীয় t, d আমাদের « ত, দ »-এর সহিত সগোত্র, « ট, ড »-এর সহিত নহে।

শব্দের মধ্য-ভাগে ও অন্তে « ড, ঢ » বাঙ্গালায় « ড়, ঢ় » হইয়া যায়। সংস্কৃতে « পীড়া », « মূঢ় » প্রভৃতি শব্দের উচ্চারণ ছিল [পী-ড়া, মূ-ঢ়]। আধুনিক ভাষার এই পরিবর্তিত উচ্চারণ, « ড, ঢ » এ বিন্দু যোগ করিয়া ছোঁতিত হয়। বিন্দু-যুক্ত « ড়, ঢ় » বর্ণদ্বয় বাঙ্গালায় নূতন, প্রাচীন বাঙ্গালার বা তৎ-পূর্বকার বর্ণমালায় নাই।

« ড় »-এর উচ্চারণে, জিহ্বাগ্রের অধোভাগ-দ্বারা দন্তমূলে (উপরের দন্ত-পঙ্ক্তির পশ্চাত্তাগে স্থিত উচ্চ বা স্কীত অংশে) তাড়ন বা আঘাত করিতে হয়। « ড় » ক্ষণিক ধ্বনি। জিহ্বার অধোভাগ-দ্বারা দন্তমূলে-তাড়ন হইতে উৎপন্ন বলিয়া, এই ধ্বনিকে তাড়ন-জাত (Flapped) ধ্বনি বলা যায়। ইহার মহাপ্রাণ রূপ হইতেছে « ঢ় »

পূর্ব-বঙ্গে সাধারণতঃ, এবং পশ্চিম-বঙ্গের কোনও-কোনও স্থলে, « ড় », র-এর মত উচ্চারিত হয়। ইহার ফলে অনেক সময়ে লেখায় « ড় » ও « র »-এর বিপর্যয় ঘটিয়া থাকে—« ঘর ভাড়া » স্থলে « ঘড় ভারা » লেখা দেখা যায়। « পড়া—পরা; কড়া—করা; বাড়ী (বাড়ি)—বাগ্নি; তাড়া—তার; হাড়—হার; নড়—নর » প্রভৃতি শব্দ-মধ্যে, « ড় » বা « র »-এর পরিবর্তনে অর্থের পরিবর্তন হয়। বাঁহাদের প্রাদেশিক উচ্চারণে « ড় »-এর বিপুল ধ্বনি নাই,



মাধুভাষাত্মকাদিত « ড »-এর উচ্চারণ এবং বানান-বিষয়ে তাঁহাদের বিশেষ যত্নবান্ হওয়া উচিত।

মুখস্থ « ণ »-এর ধ্বনি এখন বাঙ্গালায় লুপ্ত—সংস্কৃত শব্দে, এবং কচিৎ প্রাকৃত-জ ও বিদেশী শব্দে « ণ » লিখিত হইলেও, বাঙ্গালায় ইহার উচ্চারণ দন্ত্য « ন »-র উচ্চারণ হইতে অভিন্ন ; যথা—« রণ, চরণ, পুরাণ, করুণা ; কাণ, পাণ, বাণান, সোণা ( কান, পান, বানান, সোনা ) ; কোরাণ, ফর্মাণ, নির্মাণ, রিপণ, জামে'ণী ( কোরান্ বা কুর্'আন্, ফর্মান, নরমান্, রিপন, জর্মানি ) » ইত্যাদি। কেবল « ট, ঠ, ড, ঢ »-র পূর্বে, ণ-কারের কিঞ্চিৎ আভাস পাওয়া যায়—« ণ্ট, ণ্ঠ, ণ্ড, ণঢ »-তে জিহ্বা উল্টাইয়া মুখস্থ-স্থানে মুখস্থ ণ-কার ধ্বনিত হয়, কিন্তু বাঙ্গালীর কানে তাহা দন্ত্য ন-কারের মত শোনায। বিশুদ্ধ মুখস্থ ণ-এর ধ্বনি কানে কতকটা [ড']-এর মত শোনায।

তৎসম বা সংস্কৃত শব্দে অবস্থিত « মুখস্থ ণ »-সম্বন্ধে অবহিত হওয়া উচিত—এ সম্বন্ধে বিশেষ নিয়ম আছে—নিম্নে 'গত-বিধান' দ্রষ্টব্য।

**ত-বর্গ**—« ত, থ, দ, ধ, ন »। ইহার অগ্রভাগকে পাথার মত প্রসারিত করিয়া, তদ্বারা উপরের দন্ত-পঙ্ক্তির পাদিককে নিম্নভাগে স্পর্শ করিয়া ত-বর্গের উচ্চারণ হয়। দন্ত স্পর্শ করিয়া উচ্চারণ হয় বলিয়া, এগুলির নাম দন্ত্য বর্গ (Dentals)। কেবল দন্ত্য ন-র উচ্চারণে সাধারণতঃ জিহ্বাগ্রভাগ দন্ত-পঙ্ক্তির একটু উর্ধ্ব কোণে স্থানে ঠেকে, কিন্তু « ত, থ, দ, ধ »-এর পূর্বে থাকিলে ( « স্ত, শ্চ, ন্দ, ক »-তে ), ন-কারের উচ্চারণে একেবারে দাঁতের উপরে জিহ্বা ঠেকে।

**প-বর্গ**—« প, ফ, ব, ভ, ম »। এগুলির উচ্চারণে ওষ্ঠ ও অধর পরস্পরের দ্বারা স্পৃষ্ট হয়, এই জন্য এগুলিকে ওষ্ঠ্য বর্গ (Labials) বলে।

মহাপ্রাণ « ফ » ও « ভ »-এর বিশুদ্ধ উচ্চারণ « প্+হ, ব্+হ »—ইংরেজীর loop-hole, club-house-এর p-h ও b-h-এর মত। « প্রফুল্ল, প্রভা » প্রভৃতি শব্দের শুদ্ধ উচ্চারণ যেন—[ প্রপ্‌হুল্ল, প্রব্‌হা ]। বাঙ্গালাতে কিন্তু « ফ » ও « ভ » আর বিশুদ্ধ মহাপ্রাণ স্পৃষ্ট ধ্বনি নাই, Spirant বা উষ্ম ধ্বনিতে পরিবর্তিত হইয়া গিয়াছে, কতকটা ইংরেজী f ও v-র মত। এইরূপ উষ্ম উচ্চারণ বাঙ্গালায় খুবই শোনা যায় বলিয়া, ইংরেজীতে বাঙ্গালা নাম ও শব্দ লিখিবার কালে, « ফ, ভ » স্থলে ph, bh না লিখিয়া, অনেকে f, v লেখেন ; « ফণী, ফটিক, প্রফুল্ল, প্রভাত, মভা, শোভ » = Fani, Fotic, Profullo, Provat, Sava বা Sova, Shova

( এগুলির স্থলে Phani, Phatik, Praphulla, Prabhat, Sabha, Sobha বা Shobha লেখাই ঠিক—ইহাতে সংস্কৃতের তথা ভারতের অস্ম প্রদেশের সহিত যোগ থাকে, বাঙ্গালার মত উচ্চারণেও ব্যাঘাত হয় না; তদ্রূপ, সোভান « সোভান=সুব্‌হান » =Subhan, Shovan নহে ) ।

**অন্তঃস্থ বর্ণ**—« য, র, ল, ব » ।

« য »—এখন এই বর্ণ উচ্চারণে বাঙ্গালায় « জ » হইতে অভিন্ন । ইহার প্রাচীন সংস্কৃত উচ্চারণ ছিল « ইঅ » ; প্রাকৃতে ও তদনুসারে বাঙ্গালায় ইহা দাঁড়াইয়াছে « জ » । য-কারের প্রাচীন উচ্চারণ « ইঅ »-কে জানাইবার জন্ত, আধুনিক যুগে বাঙ্গালায় বিন্দু-যুক্ত « য » অক্ষরের সৃষ্টি হইয়াছে ।

— তৎসম শব্দের বানানে « জ, য »-এর পার্থক্য সাবধানতার সহিত রক্ষা করা উচিত ।

কোনও ব্যঞ্জনবর্ণের পরে বসিলে, « য » (বা « য ») নিজ রূপ পরিবর্তিত করিয়া « য় » (য-ফলা) রূপ ধারণ করে; যথা—« সত্-য=সত্য, বাক্-য়=বাক্য » । বাঙ্গালায় ব্যঞ্জনের পরে য-ফলা আসিলে, ফলা-যুক্ত ব্যঞ্জন-ধ্বনির 'দীর্ঘ উচ্চারণ' বা দ্বি-ভাব হয়, এবং য-ফলা-যুক্ত অক্ষরের পূর্ব অক্ষরে অ-কার থাকিলে, উচ্চারণে সেই অ-কার ও-কার হইয়া যায়; যথা—« পথা=[পোত্থো], হত্যা=[হোৎত্যা] » ইত্যাদি । ( এতদ্ভিন্ন, প্রাচীন বাঙ্গালায় ও পূর্ব-বঙ্গের ভাষায় য-ফলার উচ্চারণ-সম্পর্কে, নিম্নে 'অপিনিহিতি' দৃষ্টব্য ) ।

« র »—জিহ্বার অগ্রভাগকে কম্পিত করিয়া, তদ্বারা দন্তমূলে একাধিক বার দ্রুত আঘাত করিয়া, « র »-ধ্বনির উৎপত্তি হয় । জিহ্বাগ্রকে কম্পিত করা হয় বলিয়া এই ধ্বনিকে **কম্পন-জাত** (Trilled) ধ্বনি বলা যায় । ( ইংরেজীর r, বাঙ্গালা « র » হইতে বিশেষ পৃথক ) ।

« ল »—জিহ্বাগ্রভাগকে মুখের মাঝামাঝি দন্তমূলে ঠেকাইয়া রাখিয়া, জিহ্বার দুই পাশ দিয়া মুখ-বিবর হইতে বায়ু নিকাশিত করিয়া, ল-কারের উচ্চারণ হয় । দুই পাশ দিয়া বায়ু নিকাশিত হয় বলিয়া ইহাকে **পার্শ্বিক** (Lateral) ধ্বনি বলা চলে ।

ল-কারের পরেই « ত, থ, দ, ধ » বা « ট, ঠ, ড, ঢ » আসিলে, পরবর্তী দন্ত্য বা মূর্ধন্য বর্ণের প্রভাবে, এগুলির উচ্চারণ-স্থান একটু পরিবর্তিত হয়; যেমন—« আলতা (=আলতা), হ'ল্দে » শব্দে ল-কার দন্তে উচ্চারিত হয়; আবার «উল্টা, পাল্টা, লাল ডাক-গাড়া » প্রভৃতি শব্দে বা শব্দ-সমষ্টিতে, ইহা মূর্ধন্য-ল-রূপে উচ্চারিত হয় ।

« ব »—এই বর্ণ (অন্তঃস্থ ব), ও বর্গীয় « ব », বাঙ্গালার আকৃতিতে ও উচ্চারণে এক্ষণে অভিন্ন ; কিন্তু প্রাচীন কালে ও দুইটির রূপ ও ধ্বনি উভয়ই পৃথক ছিল। বর্গীয় ব = ব = চ, অন্তঃস্থ ব বা ব = উঅ, w । সংযুক্ত-বর্ণে বাঙ্গানের পুরে ব-কলা-রূপে সাধারণতঃ এই অন্তঃস্থ ব-ই আসে ; ব-কলা বাঙ্গালায় উচ্চারিত হয় না, কেবল পূর্বস্থিত ব্যঞ্জনের দ্বিত্ব-ভাব ঘটায় ; আন্তঃস্থ ব-কলা থাকিলে তাহার উচ্চারণ-ই হয় না ; যথা—« পক = [পক্ক], অদয় = [অদদয়] ; স্বত্ব = [শত], দ্বিত্ব = [দিত্ব] » ইত্যাদি । « জিহ্বা, আহ্বান, বিহ্বল = [জিউহা, আওহান, বিউহল] » = এখানে অন্তঃস্থ ব-এর w-বৎ উচ্চারণের কিঞ্চিৎ নিদর্শন পাওয়া যায় ; এই প্রকার শব্দের আবার [ জিব্ভা, আব্ভান্, বিবভল্ ] উচ্চারণও আছে—সে উচ্চারণ প্রাচীন বাঙ্গালার বা প্রাকৃতের অনুরূপ ।

অন্তঃস্থ ব বা w-এর জন্ত বিশেষ বর্ণ বাঙ্গালা বর্ণমালায় না থাকিলেও, ধ্বনিটা বাঙ্গালা ভাষায় আছে, এবং এই ধ্বনি বাঙ্গালায় « ওয় »-রূপে ( প্রাকৃত-জ ও বিদেশী শব্দে ) লিখিত হয় ; যথা—« পাওয়া » = pāwā, « রেলওয়ে » = railway, « এডওয়ার্ড » = Edward, « ওয়াকিফ হাল » = wākiḥ-hāl, « নাম-কে-ওয়ান্তে » = nām-kē-wāntē ইত্যাদি । কখনও কখনও ভাষাতত্ত্বের আলোচনার সুবিধার জন্ত আসামী র = w বাঙ্গালাতেও অন্তঃস্থ ব-য়ের জন্ত লিখিত হয় ।

**উষ্ম-বর্ণ « শ, ষ, স, হ » ।**

« শ, ষ, স »—এই তিনটা ধ্বনির উচ্চারণ এখন বাঙ্গালায় এক—ইংরেজীর sh-এর মত । শিশ্-দেওয়ার ধ্বনির সহিত এগুলির সাদৃশ্য আছে বলিয়া, এগুলিকে Sibilant বা শিশ্-ধ্বনি বলা যায় । প্রাচীন কালে এগুলির পৃথক পৃথক উচ্চারণ ছিল ।

« সবিশেষ » শব্দটা বাঙ্গালীর মুখে এখন shō-bi-shesh : প্রাচীন সংস্কৃত উচ্চারণে sa-wi-s'ē-sha ছিল । এখন কেবল « ত, থ, ন, র, ল »-এর পূর্বে আসিলে, « শ, স »-এর দন্ত্য-স (s)-ধ্বনি বাঙ্গালায় শোনা যায় ; যথা—« শ্রী »-উচ্চারণে sri (shri নহে), শ্লীল = slil (shlil নহে) স্নান = snān (shnān নহে), সমস্ত = sho-mo-sto (shomoshto নহে) » ।

« শ, ষ, স »-র শুদ্ধ বাঙ্গালা উচ্চারণ ইংরেজীর sh-এর মত, কদাচ এগুলি ইংরেজীর s-এর মত বাঙ্গালা ভাষাতে করা উচিত নহে ।

« হ »—কণ্ঠনালীতে উৎপন্ন হ-কার, উন্ন ঘোষবর্ণ; যতক্ষণ শ্বাস থাকে, ততক্ষণ « শ, ব, স »-এর মত ইহাকেও প্রলম্বিত করা যায় : « হ্ হ্ হ্ হ্... » ।

পূর্ব-বঙ্গে উন্ন উচ্চারণের স্থানে হ-কার কণ্ঠনালীর স্পৃষ্ট ধ্বনিরূপে উচ্চারিত হয়, যথা—« হাত » স্থলে [ 'আং ], « হয় » স্থলে [ 'অয়্ ], « হরি » স্থলে [ 'অরি ], « হালি » স্থলে [ 'আইল্ ] « হিন্দু » স্থলে [ 'ইন্দু ] ইত্যাদি। সাধু-বা চলিত-ভাষার ব্যবহার-কালে পূর্ব-বঙ্গের এই প্রাদেশিক উচ্চারণ বর্জন করিয়া, শুদ্ধ « হ » বলা উচিত।

**অনুস্বার**—« ং » । সংস্কৃতে, ইহা যে স্বরবর্ণের আশ্রয়ে ( বা পরে ) আসিয়া বসিত, সেই স্বর-বর্ণকে এই বর্ণ আংশিক-ভাবে সানুনাসিক করিত। বাঙ্গালায় কিন্তু অনুস্বারের উচ্চারণ দাঁড়াইয়াছে « ঙ্ » । বাঙ্গালার « ং » ও « ঙ্ » উচ্চারণে অভিন্ন হইয়া যাওয়ায়, একের বদলে অন্নের ব্যবহার খুবই সাধারণ, যথা—« বাংলা—বাঙলা ; রং, রঙ—রঙের ; ভাং—ভাঙড় » ইত্যাদি।

**বিসর্গ**—« ঃ » । ইহা এক প্রকার « হ্ »-এর ধ্বনি। সাধারণ « হ্ » হইতেছে ঘোষ ধ্বনি, « ঃ » তাহার অনুরূপ অঘোষ ধ্বনি। এই ধ্বনি সংস্কৃত শব্দে প্রায়ই মিলে, আর বাঙ্গালা ভাষায় একমাত্র বিশ্বয়াদি-প্রকাশক অব্যয়েই বিসর্গের ধ্বনি শোনা যায় ; যথা—« আঃ, উঃ, ওঃ » ইত্যাদি। সাধারণ বাঙ্গালা উচ্চারণে, পদের অন্তে থাকিলে, বিসর্গ প্রায়ই অনুচ্চারিত থাকে ; যেমন—« বিশেষতঃ । » পদের মধ্যে থাকিলে, বিসর্গ পরবর্তী ব্যঞ্জনকে দ্বিভ্র করিয়া দেয় ; যেমন—« ছুঃখ = [ ছু্খ্খ ] », ইত্যাদি। এই হেতু, ব্যঞ্জন-বর্ণের দ্বিভ্র-ভাব কখনও কখনও বিসর্গ দিয়া লেখা হয় ; যথা—« মক্‌সুল = মক্ঃসুল বা মক্ঃসুল » ।

**চন্দ্রবিন্দু**—« ̣ » । এই চিহ্ন স্বর-ধ্বনির সানুনাসিকতার ছোতনা করে : « আ—আ̣, পাক—পাক̣ » ইত্যাদি।

## ব্যঞ্জন-বর্ণের দ্বিভ্র-ভাব বা দীর্ঘীকরণ

(Doubling or Lengthening of Consonant Sounds)

বাঙ্গালা ভাষায় ব্যঞ্জনধ্বনিগুলি দীর্ঘ করিয়া উচ্চারণ করা যায়। এই দীর্ঘ উচ্চারণ ( অর্থাৎ দীর্ঘকাল ধরিয়া উচ্চারণ-স্থানে জিহ্বাদি বাগ্‌যন্ত্র স্থাপিত

করিয়া রাখা ), সাধারণতঃ ‘দ্বিত্ব উচ্চারণ’ বলিয়া বিবেচিত হয়, এবং ধ্বনি-জ্যোতক বর্ণটিকে দুই বার লিখিয়া, এই দীর্ঘ উচ্চারণ প্রদর্শিত হয়। বস্তুতঃ, ধ্বনিটীর দুই বার উচ্চারণ হয় না। « মত্ » শব্দে, বাস্তবিক পক্ষে « মত্ ত » বা « মত্—ত » এইরূপ দ্বিত্ব-ভাবে বা পৃথক্-রূপে উচ্চারিত দুইটী ত-কার নাই—দন্তে জিহ্বাগ্র বেশী ক্ষণ ধরিয়া লগাইয়া রাখিয়াই এই « ত্ »-এর উচ্চারণ হয়, এবং ইহা দীর্ঘ « ত »-এর উচ্চারণ। তদ্রূপ « অশ্ = [ অশ্ শ ] »—এখানে দীর্ঘকাল ধরিয়া তালু-স্থানে জিহ্বার অবস্থানের কালে দীর্ঘ [ শ্ শ্ ] ধ্বনি—[ অশ্—অ ] ; « ফুল্ল = [ ফুল্—অ ] »—এখানেও তাহাই।

বাঙ্গালায় স্বর-বর্ণের দীর্ঘ উচ্চারণ স্বয়ংসিদ্ধ এবং স্বতন্ত্র নহে, শব্দের দৈর্ঘ্য, এবং বাক্যের মধ্যে শব্দের অবস্থান প্রভৃতি বিষয়ের উপরে, বাঙ্গালায় স্বর-ধ্বনির দৈর্ঘ্য নির্ভর করে। বাঙ্গালায় ব্যঞ্জন-বর্ণের দৈর্ঘ্যের কিন্তু স্বতন্ত্রতা আছে। ব্যঞ্জনধ্বনি দীর্ঘ বা হ্রস্ব হওয়ার উপরে ( অর্থাৎ দ্বিত্ব বা একক থাকার উপরে ), শব্দের অর্থ নির্ভর করে ; যথা—« মালা », একক বা হ্রস্ব « ল », অর্থ ‘ফুলের হার’ ( বা ‘নারিকেল মালা’ ), কিন্তু « মাল্লা », দীর্ঘ « ল » বা দ্বিত্ব « ল », অর্থ ‘নৌকার মাঝী-মাল্লা’ ; « আটা »—হ্রস্ব « ট », অর্থ ‘গোধূম-চূর্ণ’, « আট্টা » দীর্ঘ « ট্ট », অর্থ ‘অষ্ট খণ্ড’, বা ‘আট ঘটিকা’ ; « কাঁচা » = ‘অপক’, « কাঁচা » = ‘তৌল বা পরিমাপ-বিশেষ’ ; « ফুলো »—‘ক্ষীত’, « ফুল্ল, ফুল্ল » = ‘প্রফুল্ল’, অথবা ‘ক্ষীত হইল’ ইত্যাদি।

বাঙ্গালায় বিশেষ জোর বলিতে হইলে, কচিং শব্দ-স্থিত ব্যঞ্জন-ধ্বনিকে দীর্ঘ বা দ্বিত্ব করিয়া উচ্চারণ করা হয় ; যথা—« সকলে—সক্‌কলে, সক্‌কলে ; সবাই—সব্বাই ; তখনি—তক্ষনি (= তক্‌খনি ) ; জলে একেবারে জলময়—জলে একে-বারে জলময় ; কিছু না—কিছু না » ; ইত্যাদি।

বাঙ্গালা ভাষার ( চলিত-ভাষার উচ্চারণে ) ধ্বনি-সমূহ—

ক] উচ্চারণ-স্থান-অনুসারে—

[১] কণ্ঠ্য—ঃ, হ [ h, h ] ;

- [২] জিহ্বামূলীয় বা পশ্চাত্তালু-জাত—ক, খ, গ, ঘ, ঙ [k, kh, g, gh, ŋ ] ;
- [৩] তালব্য বা অগ্রতালু-জাত—চ, ছ, জ, ঝ, শ [ c, ch, j, jh, f ] ; অন্তঃস্থ য = y [ç] ;
- [৪] মূর্ধন্য ( বা প্রতিবেষ্টিত )—ট, ঠ, ড, ঢ [ t̪, t̪h, d̪, d̪h ] ;
- [৫] মূর্ধন্য ও দন্তমূলীয়—ড়, ঢ় [ r̪, r̪h ] ;
- [৬] দন্তমূলীয়—র, ল, স (s), জ. (z), ন [r, l, s, z, n] ;
- [৭] দন্ত্য—ত, থ, দ, ধ [t, th, d, dh] ;
- [৮] ওষ্ঠ্য—প, ফ, ব, ভ, ম [p, ph, b, bh, m] ; ফ., ভ. (f, v -জাতীয় ধ্বনি) ; অন্তঃস্থ ব = ওয়্ = w[ò] ।

[খ] উচ্চারণ-রীতি-অনুসারে—

- [১] স্পৃষ্ট :—  
 অল্পপ্রাণ—ক গ, ট ড, ত দ, প, ব  
 মহাপ্রাণ—খ ঘ, ঠ ঢ, থ ধ, ফ, ভ ;
- [২] ঘৃষ্ট :—অল্পপ্রাণ—চ জ ; মহাপ্রাণ—ছ ঝ ;
- [৩] নাসিক্য—ঙ, ন, ম ;
- [৪] পার্শ্বিক—ল ;
- [৫] কম্পন-জাত—র ;
- [৬] তাড়ন-জাত—অল্পপ্রাণ ড়, মহাপ্রাণ ঢ় ;
- [৭] উয়—( তালব্য ও দন্ত্য ) শ ( স ), জ. (=z) ; ( ওষ্ঠ্য ) ফ., ভ. [ f, v ] ; ( কণ্ঠ্য ) হ, ঃ ( h, ḥ ) ;
- [৮] অর্ধ-স্বর—য়, ওয়্ (y, w) ।

## ব্যঞ্জনবর্ণের উচ্চারণ স্থান (Places of Articulation for Consonants)

উচ্চারণের রীতি (Manner of Articulation)	কণ্ঠনালী	কণ্ঠ (কোমল তালু) ও জিহ্বা-মূল	কঠিন তালু ও উর্ধ্বভাগ ও জিহ্বা-মধ্য	মূর্ধা বা তালুর শিরোভাগ উল্টানো জিহ্বা-প্র	দন্তমূল ও জিহ্বা-প্রভাগ	দন্ত ও জিহ্বা-প্রভাগ	দন্ত ও ষষ্ঠ (অধর)	ওষ্ঠদ্বয়
স্বর-সংলগ্ন	অস্বাভ	ক	চ	ট		ত		প
	স্বাভ	গ	জ	ড		দ		ব
	অস্বাভ	খ	ছ	ঠ		থ		ফ
	স্বাভ	ঘ	ঝ	ঢ		ধ		ভ
কম্পনজাত (স্বাভ)	নাসিক্য (স্বাভ)	ঙ	ঞ	ণ				ম
	পার্শ্বিক (স্বাভ)				ন			
স্বর-সংলগ্ন	অস্বাভ			ড				
	স্বাভ			ঢ				
স্বর-সংলগ্ন	অস্বাভ							
	স্বাভ							
	শিশ্নু-স্থানি (অস্বাভ)		শ	ষ	স			
অস্বাভ		য় = (y)			জ = z (স্বাভ)			অস্বাভ ব w (ওম)

### সংযুক্ত ব্যঞ্জন-বর্ণ (Conjunct Consonants)

দুইটি বা ততোহদিক ব্যঞ্জন-ধ্বনির মধ্যে স্বর-ধ্বনি না থাকিলে, বাঙ্গালায় ঐ ব্যঞ্জন-বর্ণ দুইটিকে জুড়িয়া, একত্র লেখা হয়; যেমন—« আপ্ত »—এখানে « প »-এর নীচে « ত » লিখিয়া সংযুক্ত-বর্ণ « প্ত »-এর সৃষ্টি করা হইয়াছে; হসন্ত চিহ্ন দিয়া « আপ্ত »-ও লেখা যাইত; কিন্তু সুপ্রাচীন কাল হইতে, হসন্ত দিয়া না লিখিয়া, সংযুক্ত করিয়া লিখিবার রীতিই প্রচলিত আছে। অধুনা-প্রচলিত কতকগুলি বাঙ্গালা সংযুক্ত-বর্ণের সহিত মূল বর্ণের কোনও সাদৃশ্য দেখা যায় না; বহু শত বৎসর ধরিয়া এই সংযুক্ত অক্ষরগুলি লিপিত হইয়া আসার কালে এইরূপ হইয়াছে।

« ক্ষ » ও « জ্ঞ », এই দুইটি সংযুক্ত-বর্ণ সম্বন্ধে একটু বিশেষ মন্তব্য আবশ্যিক। « ক্ষ »—মূলে এটি « ক্ » ও « ষ্ »-এর সংযোগে জাত; ইহার প্রাচীন ( সংস্কৃত যুগে ) উচ্চারণ ছিল [ক্‌ষ] : « লক্ষ = [লক্‌ষ], রক্ষা = [রক্‌ষা] » । বাঙ্গালায় কিন্তু ইহার উচ্চারণ হয় [খ্য]—« লক্ষ = লখ্য = [লোক্‌খো] ( পশ্চিম-বঙ্গে ), [লইক্‌খ] ( পূর্ব-বঙ্গে ), রক্ষা = রখ্যা = [রোক্‌খ্যা] ( পশ্চিম-বঙ্গে ), [রইক্‌খা] ( পূর্ব-বঙ্গে ) » ইত্যাদি। « জ্ঞ »—মূলে এটি « জ্ » ও « ঞ্ » যোগে গঠিত সংযুক্ত-বর্ণ, প্রাচীন উচ্চারণ ছিল [জ্‌ঞ]। এখন বাঙ্গালায় ইহার উচ্চারণ [গ্য] : « বিজ্ঞ = বিগ্য = [বিগ্‌গ্য]; জ্ঞান = [গ্যান]; আজ্ঞা = [আগ্য] = পশ্চিম-বঙ্গে [আগ্‌গ্যা, আগ্‌গে], পূর্ব-বঙ্গে [আইগ্‌গ্যা] » ইত্যাদি।

সংযুক্ত-বর্ণের প্রথমে বর্ণের প্রথম, দ্বিতীয়, তৃতীয় বা চতুর্থ বর্ণ, অথবা « শ, ষ, স » থাকিলে এবং শেষে ম-কার থাকিলে, ঐ ম-কার চন্দ্রবিন্দুবৎ উচ্চারিত হয়, ও পূর্বের ব্যঞ্জনের দ্বিত্ব হয় ( কচিৎ ম-কারের পূরাপূরি লোপও হয় ) : যথা = « রুক্মিণী = [রুক্কি<sup>ণী</sup>নি ], মহাত্মা = [মহাৎত<sup>া</sup>], ( [মহাৎমা উচ্চারণ ইংরেজী বা হিন্দীর অনুরোধে, ইহা খাটা বাঙ্গালা উচ্চারণ নহে ), পদ্ম = [পদ্দ] বা [পদ্দো], ভীষ্ম = [ভীশ্শ<sup>ম</sup>], শশান = [শ্শ<sup>ান</sup>] বা [শশান], অকস্মাৎ = [অকোশ্শ<sup>াৎ</sup>] » ইত্যাদি।



বর্ণের পরে « র » আসিলে; এই « র » তাহার পায়ের তলায় বসিয়া « ্ » ( র-ফলা ) রূপ ধরে ; পূর্বে আসিলে, « ʼ » ( রেক ) রূপ ধারণ করিয়া, মাথার উপরে চড়ে । রেকের পরে « শ, ধ, স, হ » ব্যতীত কতকগুলি বর্ণের বানানে দ্বিত্ব হয়, কিন্তু উচ্চারণে নহে ; যথা—« ধর্ম = [ ধর্-ম ] ; কার্য = কার্-য = [ কার্-জ ], উর্ধ্ব = [ উর্-ধ্ব, উর্-ধ ] » ইত্যাদি । য-ফলার পূর্বেকার ব্যঞ্জন উচ্চারণে কিন্তু দ্বিত্ব হয়, যদিও এ ক্ষেত্রে লেখায় তাহার কোনও আভাস থাকে না : যথা—« বিক্রয় = [ বিক্-ক্রয় ], অপ্রতুল = [ অপ্-প্রোতুল ], নম্র = [ নম্-ম্র ] » ইত্যাদি । ল-কারের পূর্বেকার ব্যঞ্জনেরও তদ্রূপ দ্বিত্ব-উচ্চারণ হয় : যথা—« অম্ল = [ অম্-ম্ল ] ; শুরু = [ শুক্-রু ] » ইত্যাদি ।

দুইটা মহাপ্রাণ বর্ণ দ্বিত্ব করিলে সংযুক্ত বর্ণ হয় না—মহাপ্রাণের অন্নপ্রাণ রূপই উচ্চারণ ও লেখা উভয়েই আইসে : যথা—« বর্ধমান » শব্দে « ধʼ »-কে দ্বিত্ব করা হয়, « ধ্-ধ » লিখিয়া নহে, কিন্তু « র্ধ » অর্থাৎ « দ্-ধ » লিখিয়া ; « সখা, পথ্য »—উচ্চারণে [ সোখ্-থ, পোখ্-থ ] নহে, কিন্তু [ সোক্-থ, পোত্-থ ] ; « হুঃখ », উচ্চারণে [ হুক্-থ ], [ হুখ্-থ ] নহে ।

দুইয়ের অধিক বর্ণেও মিলিয়া সংযুক্ত-ব্যঞ্জন সৃষ্টি করে । আ-কার ই-কার উ-কার প্রভৃতি স্বর-ধ্বনি, সরল বর্ণের মত যথারীতি সংযুক্ত-বর্ণেও যুক্ত হয় । যেখানে সংযুক্ত-বর্ণ লেখার সুবিধা হয় না বা ছাপার হরফে পাওয়া যায় না, সেখানে হসন্ত-চিহ্ন দিয়া কাজ চালাইতে বাধা নাই ।

আত্ম-অক্ষর-অনুসারে বাঙ্গালা বর্ণমালার সংযুক্ত-ব্যঞ্জন :—

ক : ক্ ক্খ ক্ ক্ত ক্ত্য ক্ত্ব ক্ত্ব, ক্ ক্ব ক্য ক্র ক্ ক্ব ক্ব ক্ব ক্ব ক্ব ক্ব ;

খ : খ্য খ্ব ;

গ : গ্ গদ গ্ গ্ব ( গ্+ণ, গ্+ন—বাঙ্গালায় এই দুইটির রূপ এক, উচ্চারণও এক ; সংস্কৃত-মতে « ভগ্ন » শব্দে দন্ত্য ন, « রুগ্ন » শব্দে মূর্ধন্ত্য গ )  
গ্ গ্য গ্র্য গ্র য্ য ;

ঘ : ঘ্ ঘ্য ঘ্য ঘ্ব ঘ্ব, ঘ্ব ;

ঙ : ঙ্ ঙ্য ঙ্ ঙ্য ;

চ : চ্চ চ্চ্চ, চ্চ্চ চ্চ চ্চ চ্চ ;

ছ : ছা ছ্ছ, ছ্ছ ;

জ : জ্জ জ্জ জ্জ জ্জ জ্জ জ্জ জ্জ ;

ঝ : ঝা ;

ঞ : ঞ্ ঞ্ ঞ্ ঞ্ ;

ট : ট্ ট্ ট্ ট্ ট্ ট্ ট্ ;

ঠ : ঠা

ড : ডা ডা ডা ডা ডা ডা ;

ঢ : ঢা ঢা ;

ণ : ণ্ ণ্ ণ্ ণ্ ণ্ ণ্ ণ্ ;

ত : ত্ ত্ ত্ ত্ ত্ ত্ ত্ ত্ ত্ ত্ ত্ ত্ ত্ ত্ ত্ ;

থ : থা থা থা ;

দ : দা দা দা দা দা দা দা দা দা দা দা দা দা দা ;

ধ : ধা ধা ধা ধা ধা ( ধব ) ;

ন : না না না না না না না না না না না না না না না ;

প : পা পা পা পা পা পা পা পা পা পা ;

ফ : ফা ফা ;

ব : বা বা বা বা বা বা বা বা বা বা বা বা বা বা বা ( =বর্গীয় ব+বর্গীয় ব ) ভা ভা ভা ভা ভা ভা ( =বর্গীয়

ব+অন্তঃস্থ ব ) ;

ভ : ভা ভা ভা ভা ;

য : যা যা যা যা যা যা যা যা যা যা ;

র : রা রা ;

র : ক ( ক্ ) ক্ষ ( ক্ ) ঝ ( ঝ্ ) ঞ ( ঞ্ ) চ ( চ্ ) ছ ( ছ্ ) জ ( জ্ ) ঙ ( ঙ্ )  
 ণ ( ণ্ ) ত ( ত্ ) থ ( থ্ ) দ ( দ্ ) ধ ( ধ্ ) ন ( ন্ ) প ( প্ ) ফ ( ফ্ ) ব ( ব্ ) ভ ( ভ্ )  
 ম ( ম্ ) য ( য্ ) ল ( ল্ ) ব ( ব্ ) শ ( শ্ ) ষ ( ষ্ ) হ ( হ্ ) (এগুলি আবার য-কলা যুক্ত হইতে পারে) ;

ল : ল্ ল্ট ল্ল ল্ব (=ল + বর্গীয় ব) - ল্ন লা ল্ব (=ল + অন্তঃস্থ ব) ;

ব : ব্য ব্র ব্ল ব্ব ; (= অন্তঃস্থ ব + অন্তঃস্থ ব) ;

শ : শ্ শ্ছ শ্ম শ্ম শ্ম শ্ম শ্ব ;

ষ : ষ্ট ষ্ট্যা ষ্ট্ঠ ষ্ট্ঠ্যা ষ্ট্ঠ্ঠ ষ্ট্ঠ্ঠ্যা ষ্ণ (প্রাচীন বাঙ্গালা উচ্চারণে ছিল « ষ্ট » এফ্রণে « ষ্ণ » বা [শ্ন] ) ষ্ণ ষ্ণ্ ষ্ণ ষ্ণ ;

স : স্ম স্ম স্ত স্ত স্প স্প স্ম স্ম স্ম স্ম স্ম স্ম ; ( স্ট = স্ + ট—নূতন সংযুক্ত-বর্ণ ) ।

হ : হ্ হ্ হ্ হ্ হ্ হ্ ( হ্ ) হ্ ( « হ্ » — [জ্] ) ; অন্তত্বে হ্-কার উচ্চারণে ব্যঞ্জন-ধ্বনির পরে আইসে ; হ্ = [ ল্হ ], হ্ = [ ম্হ ] ) ।

— সংযুক্ত-বর্ণ-সম্বন্ধে অবহিত হওয়া উচিত । বর্ণগুলির কোন্টী কোন্টীর পবে আসে, তাহা বিচার করিয়া, সংযুক্ত-বর্ণের উপযুক্ত ব্যবহার করিতে হয় । সাধারণতঃ ছাত্রগণ « ক্ষ » ও « ক্ষ », « ক্র » ও « ক্র » (= ত্ + র্ + উ ), « ক্ », « স্ক » ও « ক্স », « গ্ম » ও « জ্ম », « হ্ » ও « হ্ »—এইগুলির মধ্যে গোলমাল করিয়া ফেলে ।

## বাঙ্গালা নামের ইংরেজী প্রতিবর্ণী-করণের এবং ইংরেজী উচ্চারণের বাঙ্গালা ভাষায় অনুকরণ

— বাঙ্গালা বা অশ্রু ভারতীয় ভাষার নাম বা শব্দগুলির ইংরেজী বানান বা ক্রত্চারণের অনুকরণে, বাঙ্গালা ভাষায় কথোপকথনকালে বিকৃত করিয়া বলা, অথবা লিখন-কালে বিকৃত বানানে খেলা, অতি অবশ্য পরিহৃতব্য । ইংরেজেরা আমাদের দেশের নাম বা শব্দের উচ্চারণ ঠিক-মত করিতে পারে না ; এবং অনেক সময়ে যথাযথ বাঙ্গালা বানানের প্রতিবর্ণীকরণও ঠিক হয় নাই । অনেকে অনবধানতা-বশতঃ, অথবা অশ্রু ইংরেজী শব্দের সহযোগে, ইংরেজী-রূপ-গ্রন্থ সেই সকল বাঙ্গালা নাম বা শব্দ ইংরেজীরই অনুকরণ করিয়া বলেন ও লেখেন । এরূপ করা, বাঙ্গালা ভাষার উপর অত্যাচার ; এবং ইহা মাতৃভাষা-সম্বন্ধে শিষ্টতার অভাবের পরিচায়কও বটে । « কলিকাতা » শব্দের চলিত-ভাষার রূপ « কলকাতা [কোল্কাতা, কোল্কেতা] » অথবা আদেশিক ভাষার রূপ [কইল্কাতা] না বলিয়া, Calcutta [কাল্কাটা] ( পূর্ব-বঙ্গে আবার ইহা বহুশঃ [ ক্যাল্কাডা ] ইহা দাঁড়ায় ! ) ; « কাঁধি » না বলিয়া, বা না লিখিয়া, ইহার ইংরেজী অনুকরণ Contai-এর বাঙ্গালা প্রতিবর্ণীকরণ

করিয়া, [কণ্টাই] লেখা ও বলা; « শক্তিগড় »-স্থলে তদ্রূপ Saktigarh [সাক্টিগার] বা [সাক্টি] বলা; « চট্টগ্রাম বা চাট্টিগাঁ অথবা চাট্টিগাঁ »-স্থলে Chittagong [চিট্টাগঙ্] বলা বা লেখা; « বনগাঁ »-স্থলে, Bongong [বঙ্গঙ্]; « মেদিনীপুর »-স্থলে Midnapore [মিড্‌ন্যাপোর]; « বালেশ্বর »-স্থলে Balasore [ব্যালাসোর]; « কটক »-স্থলে Cuttack [কাটাক্]; « বোম্বাই »-স্থলে Bombay [বম্বে], « মাদ্রাজ »-স্থলে [ম্যাড্‌রাস্]; « কম্বাকুমারী »-স্থলে Comorin [কমোরিন্]; « হরিদ্বার »-স্থলে Hardwar [হার্ডোয়ার্]; « বর্ধমান »-স্থলে Burdwan [বার্ডোয়ান্]; « সংস্কৃত »-স্থলে Sanskrit [স্যান্‌স্ক্রিট্] (অথবা কলিকাতার ছাত্রদের মুখে শ্রুত [শ্ৰীয়েস্‌কীট্]!)», « আরবী »-স্থলে Arabic [অ্যারেবিক্] (বিদেশী নামের মধ্যে « রুশদেশ » স্থলে Russia [রাশ্চা], « চীন »-স্থলে China [চায়না], « পারস্য »-স্থলে Persia [পার্শিয়া] প্রভৃতি)—কখন ও লিখন, উভয় ক্ষেত্রেই এইরূপ বর্ধরতা-নম্বন্ধে অবহিত হওয়া কত'ব্য।

নিম্নলিখিত উপাধিগুলির প্রয়োগ-কালেও, মূল বাঙ্গালা রূপের ইংরেজী কহুচ্চারণ অথবা ইংরেজী বানানের বাঙ্গালা প্রতিলিপি, লিখন ও কথোপকথন উভয়-ক্ষেত্রেই সর্বথা বর্জনীয়:—

« চট্টোপাধ্যায়, মুখোপাধ্যায়, বন্দ্যোপাধ্যায়, গঙ্গোপাধ্যায় »—সামু-ভাষার সংস্কৃতীকৃত রূপ (সংক্ষেপে « চট্ট, মুখো, বন্দ্য, গঙ্গো »); প্রাচীন বাঙ্গালা রূপ, « চাটুর্জ্যা, মুখুর্জ্যা, বাঁড়ুর্জ্যা, গাঙ্গুলী », চলিত-ভাষায় « চাটুজ্যো, মুখুজ্যো, বাঁড়ুজ্যো (চাটুর্জ্যো, মুখুর্জ্যো, বাঁড়ুর্জ্যো), গাঙ্গুলি » রূপে প্রচলিত; এগুলির ইংরেজী অনুকরণ Chatterji (বা Chatterjee, Chatarji, Chatterjea প্রভৃতি), Mukherji (বা Mookerjee, Mukharji, Mukerjea ইত্যাদি), Banerji (Banerjee, Banarji, Banerjea ইত্যাদি, ও Gangooly; বাঙ্গালা ভাষায় পুরা সংস্কৃত রূপ « চট্টোপাধ্যায় মুখোপাধ্যায়, বন্দ্যোপাধ্যায়, গঙ্গোপাধ্যায় » লেখার অম্ববিধা হইলে, চলিত-ভাষার রূপ « চাটুজ্যো, মুখুজ্যো, বাঁড়ুজ্যো, গাঙ্গুলি » ব্যবহার করা উচিত—বাঙ্গালা ভাষায় কথা-বাতায় বা লেখায় [চাট্টার্জি বা চাট্টার্জি, মুখার্জি, ব্যানার্জি, গ্যাঙ্গোলী] প্রভৃতি ইংরেজী অনুকরণ, ভাষা-গত বর্ধরতা বা অশিষ্টতা বিধায়, সর্বতোভাবে বর্জনীয়। তদ্রূপ—«ঠাকুর» স্থলে ইংরেজী Tagore-এর নকলে বাঙ্গালায় [টেগোর], « মিত্র » স্থলে Mitter [মিটার], « বসু বা বোস » স্থলে Basu [বাসু, বাসু] (যথা—« ইনি হচ্ছেন মিস্টার বাসু »), « দাঁ » স্থলে Dawn [ডন্], « পাল » স্থলে Paul [পল], « রায় » Ray স্থলে Roy [রয়], অথবা Ray-এর ইংরেজী উচ্চারণে [রে], « নন্দী » স্থলে Nandy [ন্যান্ডি], « দত্ত » স্থলে Dutt [ডাট্] বা Datta [ড্যাটা] প্রভৃতি উচ্চারণ বা বানান পরিত্যাজ্য।

### ঝোঁক বা শ্বাসাঘাত বা বল (Stress, Respiratory Accent)

কোনও ভাষার Sentence বা বাক্যের উচ্চারণ-কালে, সেই বাক্যের অন্তর্গত পদ-সমূহের মধ্যে কতকগুলি পদ প্রকট বিশেষ জোরের সহিত উচ্চারিত হয়। এই জোর, পদের কোনও একটি Syllable বা অক্ষরকে অবলম্বন করিয়া থাকে। এই জোরকে ঝোঁক, বল অথবা শ্বাসাঘাত (Stress বা Respiratory Accent) বলা হয়। (নিম্নে প্রদত্ত উদাহরণগুলিতে, যে অক্ষরে বল পড়ে, সেই অক্ষর মোটা হরকে মুদ্রিত হইয়াছে, এবং অক্ষরটির পূর্বে « ' » চিহ্ন দেওয়া হইয়াছে।) বাঙ্গালার সাধু-ভাষায়, এবং বিশেষ করিয়া চলিত-ভাষায় এই জোর পদের আত্ম অক্ষরেই সাধারণতঃ পড়িয়া থাকে; যেমন—«'আছে (আ'ছে নহে); 'গোসাঁই (হিন্দীতে ঝোঁক দ্বিতীয় অক্ষরে—গু'সাঁই); 'দেবতা বা 'দেবতা; 'ক'রুছে; 'স্বাধীন; 'অবলম্বন; 'খরিদার; 'রেলগাড়ী» ইত্যাদি। বাঙ্গালা ভাষায় শব্দগুলি স্বতন্ত্র-ভাবে অবস্থান করিলে, এই আত্ম অক্ষরের উপরে শ্বাসাঘাত পড়ে। কিন্তু বাক্যে প্রযুক্ত হইলে, শব্দের স্বকীয় বল বহুশঃ খর্ব হইয়া যায়।

বাঙ্গালা ভাষায়, এক নিঃশ্বাসে উচ্চার্য পূর্ণার্থ ক্ষুদ্র-ক্ষুদ্র কতকগুলি খণ্ডে, ইংরেজীতে যাহাকে Breath Group অর্থাৎ একনিঃশ্বাসময় পর্ব বা শ্বাস-পর্ব, অথবা Sense Group অর্থাৎ পূর্ণার্থক পর্ব বা অর্থ-পর্ব বলে, এইরূপ খণ্ডে বাক্য বিভক্ত হইয়া থাকে। এইরূপ এক-একটি খণ্ডে—শ্বাস-পর্বে বা অর্থ-পর্বে—একাধিক শব্দ বা পদ থাকে। পর্বান্তর্গত এই শব্দ বা পদগুলিতে, এগুলির নিজস্ব শ্বাসাঘাত অব্যাহত থাকে না। বাক্য-খণ্ডে বা পর্বে, আত্ম শব্দের আত্ম অক্ষরে বল বা শ্বাসাঘাত পড়ে; পর্বস্থিত অন্য শব্দের শ্বাসাঘাত লোপ পায়—মাত্র আত্ম শব্দে একটি শ্বাসাঘাত সমগ্র শ্বাস- বা অর্থ-পর্ব-মধ্যে মিলে; যেমন এই বাক্যটি—« আমাদের সঙ্গে আরো অনেক যাত্রী মন্দিরের মধ্যে প্রবেশ ক'রেছিল »। পৃথক্-পৃথক্ ধরিলে, এই বাক্যের প্রত্যেকটি শব্দের আত্ম অক্ষরে শ্বাসাঘাত বিद्यমান; কিন্তু বাক্যের মধ্যে প্রযুক্ত হওয়ায়, কতকগুলি শব্দ,

অবস্থা-গতিকে পড়িয়া, নিজ-নিজ স্বাসাঘাত বর্জন করিয়াছে ; ঐ বাক্যটি নিম্ন-লিপিত কয়টি বাক্য-খণ্ডে বা পর্বে স্বাভাবিক ভাবেই বিভক্ত হয়, এবং প্রত্যেক বাক্য-খণ্ডের প্রথম বিশিষ্টার্থ শব্দের আত্ম অক্ষরে মাত্র বোঁক পড়ে ; যথা—  
« 'আমাদের সঙ্গে । 'আরো অনেক যাত্রী । 'মন্দিরের মধ্যে । 'প্রবেশ ক'রেছিল । » ।

ইংরেজীর স্বাসাঘাত-পদ্ধতির সহিত বাঙ্গালার এ বিষয়ে বিশেষ পার্থক্য দেখা যায়—ইংরেজীর Particle ও Preposition, অর্থাৎ অব্যয়, নিপাত ও কর্মপ্রবচনীয় ব্যতীত, অল্প শব্দগুলিতে সাধারণতঃ আত্ম অক্ষরে বোঁক পড়ে : এবং বাক্যে ব্যবহৃত হইলেও, প্রত্যেক শব্দটির স্বকীয় স্বাসাঘাত অব্যাহত থাকে : যেমন উপরের বাঙ্গালা বাক্যের ইংবেঙ্গী অনুবাদ করিলে, দেখা যাইবে যে প্রায় সমস্ত বিশিষ্টার্থ শব্দেই বল বিদ্যমান—'Many 'other 'pilgrims 'entered the 'temple ('came in 'side the 'temple) with 'us । চলিত-বাঙ্গালায় « হাওয়া » শব্দ এবং « উত্তুরে » শব্দ স্বতন্ত্র-ভাবে উচ্চারিত হইলে, প্রত্যেকটির প্রথম অক্ষরে বোঁক পড়ে—« 'হাওয়া ; 'উত্তুরে » ; কিন্তু একত্র করিয়া বলিলে, এই দুইটি শব্দে মিলিয়া একটা বাক্য-খণ্ড হয়, « 'উত্তুরে হাওয়া », এবং এই বাক্য-খণ্ডে একবার মাত্র, প্রথম শব্দের প্রথম অক্ষরে মাত্র, স্বাসাঘাত হয় ; দুইটি শব্দেই স্বাসাঘাত দিলে—যেমন « 'উত্তুরে 'হাওয়া »—বাক্য-খণ্ডটি বাঙ্গালীর কানে বিসদৃশ ঠেকিবে । কিন্তু ইংরেজীর 'North ও 'Wind উভয় শব্দের স্বাসাঘাত, শব্দদ্বয়কে মিলিত করিয়া the 'North 'Wind বলিলেও, লোপ পায় না ।

বাঙ্গালা স্বাসাঘাত-সম্বন্ধে সাধারণ নিয়ম এই :—

[১] স্বতন্ত্র-ভাবে উচ্চারিত শব্দের আত্ম অক্ষরে বল বা বোঁক পড়ে ।

[২] বাঙ্গালা বাক্য, এক- বা একাধিক-শব্দ-যুক্ত বাক্যাংশে ( পর্বে ) বিভক্ত হয় ; সাধারণতঃ প্রতি পর্বের অর্থ সম্পূর্ণ, এবং এক-নিঃস্বাসে ইহা উচ্চার্য্য ; এইরূপ প্রত্যেক পর্বে মাত্র একটা করিয়া স্বাসাঘাত পাওয়া যায় ; এই স্বাসাঘাত, বাক্য-খণ্ডের প্রথম বিশিষ্টার্থক শব্দের আত্ম অক্ষরের উপরই হইয়া থাকে, এবং বাক্য-খণ্ডের অন্তর্গত অল্প শব্দ তাহাদের নিজ-নিজ পৃথক স্বাসাঘাত হারায় ।

স্বাসাঘাত বিশেষ প্রবল করিবার চেষ্টায়, কচিং অক্ষরস্থ স্বর-ধ্বনির পরের ব্যঞ্জন স্থিত করা হয় ; যথা—« কখনও না—'ককখনও না ( 'ককনো না ) ; সবাই—'সব্বাই ; জলময়—'জলময় » ইত্যাদি ।

## বাক্যের সুর বা উদাত্তাদি সুর ( Pitch Accent, Musical, Accent বা Intonation)

পূর্বোক্ত বল বা স্বাসাঘাত, বাক্য-উচ্চারণ-কালে অক্ষর-বিশেষের উপরে শক্তি-প্রয়োগের ফল। এইরূপ স্বাসাঘাত ভিন্ন, ভাষায় আর এক প্রকার উচ্চারণ-বৈশিষ্ট্য আছে—কণ্ঠ-স্বরের উচ্চ বা নিম্ন গতিকে অবলম্বন করিয়া এই বৈশিষ্ট্য। প্রাচীন সংস্কৃত বা বৈদিক ভাষায় এই-রূপ কথার সুর বিশেষভাবে লক্ষণীয় ছিল—শব্দের অক্ষর-বিশেষ, উঁচু বা বড় সুরে বলা হইত। বৈদিক ভাষায় কণ্ঠ-স্বর সাধারণতঃ তিন প্রকারের উঁচু-নীচু সুরে কিরিত—[১] উঁচু সুর বা আরোহী সুর—ইহার নাম ছিল **উদাত্ত সুর** ; [২] নিম্ন সুর—ইহার নাম ছিল **অনুদাত্ত সুর** ; এবং [৩] উচ্চ হইতে নিম্নগামী সুর বা অবরোহী সুর—ইহার নাম ছিল **স্বরিত সুর**।

বাঙ্গালা ভাষায় এই প্রকারের সুর বা উদাত্তাদি সুর, অথবা কণ্ঠ-স্বরের উন্নয়ন ও অবনমন, সাধারণতঃ একক শব্দ বা অক্ষরকে অবলম্বন করিয়া হয় না—কেবল মাত্র সমগ্র বাক্যই সার্থক-ভাবে ব্যবহৃত হয়। ঝাঁকের বদলে সুর দিয়া যদি বাঙ্গালা শব্দ উচ্চারণ করা যায়, তাহা হইলে তাহা বড়ই হাস্যকর লাগিবে : « তুমি »—এই শব্দে « তু » এই অক্ষরের উপরে স্বাভাবিক ঝাঁক না দিয়া, যদি এই অক্ষরকে উদাত্ত সুরে বলা যায়—তাহা হইলে « তু মি » এইরূপ উঁচু হইতে নীচু সুরে উচ্চারণ করিলে, ঠিক বাঙ্গালার মত উচ্চারণ হয় না। সমগ্র বাক্যকে অবলম্বন করিয়া কিন্তু সুরের প্রয়োগ আছে ; যেমন—সাধারণ অনুজ্ঞা-বাচক বাক্য, « তুমি যাবে »।—এখানে সুরের বৈচিত্র্য নাই ; কিন্তু প্রশ্ন-সূচক বাক্য, « তুমি যা বে ? »—এখানে « তুমি » শব্দটি উঁচু সুরে বলা হয়, « যাবে »-র « যা- » অক্ষর পূর্ব নীচু সুরে বলা হয়, আবার « -বে » অক্ষরের বেলায় সুর বেশ উঁচুতে উঠে। চিত্রের দ্বারা এই দুই বাক্যের সুর-সমাবেশ দেখাইতে পারা যায়—

\* \* \* \* —এখানে « তু-» হইতে আরম্ভ করিয়া সুরের ক্রমিক অবনমন।

তু মি যা বে।

\* \* \* \* বা \* \* \* \* —এখানে « মি » হইতে « যা- »-তে অবনমন,  
পরে আবার « -বে » তে উন্নয়ন।

তুমি যা বে ? তু মি যা বে ?

সাধারণ বাক্য, প্রশ্ন-সূচক বাক্য, হর্ষ-বিস্ময়াদি-ছোঁতক বাক্য—এই রূপ বিবিধ প্রকারের বাক্য-সমূহে, বাক্য-গত উদাত্তাদি স্বর, একটা বিশেষ আলোচ্য বিষয়। স্বর-অনুসারে বাক্য উচ্চারণ করার উপরে, অভিপ্রেত অর্থের প্রকাশ নির্ভর করে; যথা—

\* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*  
\* \* \* \*

তো মা র মা কি 'দে বে ন ?

\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*

তো মা র মা 'কি দে বে ন ?

\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*

তো মা র 'মা কি দে বে ন ?

\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*  
\* \* \* \* \* \* \* \*

তো মা র 'মা 'কি দে বে ন ?

দুই-একটা অব্যয়-শব্দে স্বর যোগ করিষা, বাক্যের সুরের স্থায় সার্থকতা আনা হয়; যথা—অব্যয় শব্দ [ম্], ইহাকে « উ̣ » কাপেও লেখা হয়; স্বর-অনুসারে ইহার অর্থ পরিবর্তিত হয়; যথা—

- « উ̣ »—উচ্চ হইতে উন্নয়মান সুর = প্রশ্নে;
- « উ̣̣ »—উচ্চ হইতে অবনয়মান সুর—'তা বটে' এই অর্থে;
- « ) উ̣̣ »—নিম্ন হইতে অবনয়মান ও প্রলম্বিত সুর—'বেশ, দেখা যাবে'; অথবা—'বটে, দেখে নেবো' এই অর্থে;
- « ˆ উ̣̣ »—উচ্চ হইতে ঈষৎ অবনমন ও পুনরায় উন্নয়ন—'বটে, কিন্তু—' এই অর্থে;
- « উ̣̣̣ ( বা উ̣̣̣̣ ) »—আকস্মিক দ্রুত উচ্চারণ—আপত্তি-বা বিরক্তি-ব্যঞ্জক;
- তদ্রূপ, « হ̣̣ »—উচ্চ হইতে উন্নয়মান = বিস্ময়-সূচক প্রশ্নে;
- হ̣̣ »—উচ্চ সমরেখ সুর = স্বীকারে;
- « হ̣̣̣ ( বা হ̣̣̣̣ ) »—আকস্মিক দ্রুত উচ্চারণ = অনাদর।



## যতিচ্ছেদ-বিধি (Punctuation)

লিখিত ভাষা হইতেছে মুখ-নিঃসৃত কথিত ভাষার প্রতিক্রম। কথিত ভাষায় বোঁক ও সুরের দ্বারা, উচ্চারিত বাক্যের অর্থ-বৈচিত্র্য প্রকাশিত হয়। এতদ্ভিন্ন, কথোপকথনে বক্তার স্বল্প- বা দীর্ঘ-কাল-ব্যাপী বিশ্রান্তিও, বক্তব্যকে সুস্পষ্ট করিতে সাহায্য করে। সাধারণতঃ লেখায় বোঁক ও সুরের নির্দেশ করা হয় না—কিন্তু প্রশ্ন এবং হর্ষ-বিশ্ময়াদি বিশেষ ভাব, যেখানে কণ্ঠস্বর বা সুরের পরিবর্তন সাতিশয় প্রবল (এইরূপ কণ্ঠস্বরের পরিবর্তনকে « কাকু » বলে), তাহা জানাইবার জন্ত, লেখায় দুই-একটি চিহ্ন ব্যবহৃত হয়; এবং স্বল্প বা দীর্ঘ বিশ্রান্তিও, অর্থ-গ্রহণের সুবিধার জন্ত, ছেদ-চিহ্ন-দ্বারা জানানো হয়।

আজকাল বাঙ্গালা লেখায় নিম্নে-প্রদত্ত চিহ্নগুলি, যতি অথবা বাক্য-মধ্যে বিরাম প্রভৃতি জানাইবার জন্ত প্রযুক্ত হইয়া থাকে। এই চিহ্ন-মধ্যে প্রায় সবগুলিই ইংরেজী হইতে গৃহীত। প্রাচীন বাঙ্গালা পুঁথিতে কেবল এক দাঁড়ি « । » ও দুই দাঁড়ি « ॥ » ব্যবহৃত হইত, অল্প কোনও ছেদের রেওয়াজ ছিল না। বাক্যস্থ শব্দাবলীর মধ্যেও সব সময়ে ফাঁক রাখিয়া লেখা হইত না, একটানা লিখিয়া যাওয়া হইত।

« মহাভারতের কথা—অমৃত-সমান।

কাশীরাম দাস কহে, শুনে পুণ্যবান্ ॥ »

এই পয়ারটি প্রাচীন পুঁথিতে সাধারণতঃ এইরূপেই লিখিত হইত :—

« মহাভারতেরকথাঅমৃতসমানাকাশীরামদাসকহেশুনেপুণ্যবান্ ॥ »

আধুনিক বাঙ্গালা যতি-চিহ্ন—

« , »--কমা (Comma) বা পাদচ্ছেদ : পাঠ-কালে যেখানে স্বল্প বিশ্রাম আবশ্যক, সেখানে এই চিহ্ন দেওয়া হয়।

« ; »—সেমিকোলন (Semi-colon) বা অর্ধচ্ছেদ : যেখানে কমা অপেক্ষা একটু অধিক বিশ্রান্তি আবশ্যিক, সেখানে এই চিহ্ন ব্যবহৃত হয়।

« : »—কোলন (Colon) বা ছেদ-চিহ্ন : অল্প বিশ্রান্তির পরেই, বিষয়ান্তরের অবতারণা জানাইবার জন্ত, বা পূর্ব প্রস্তাবের পরিণতি-অথবা তাহার দৃষ্টান্ত-প্রদর্শনের জন্ত, এই চিহ্ন ব্যবহৃত হয়।

« | »—দাঁড়ি বা পূর্ণচ্ছেদ : যেখানে একটা পূর্ণ বাক্য বা প্রসঙ্গ শেষ হয়, সেখানে দাঁড়ি দেওয়া হয়। কবিতার পয়ারাদি ছন্দে শ্লোক বা স্তবকের প্রথম ছত্রের শেষে দাঁড়ি বসানো হয়।

« || »—দুইদাঁড়ি : ছন্দোবিশেষে যে ছত্রে অন্ত্যানুপ্রাসের পূর্তি থাকে, সেখানে ব্যবহৃত হয়।

« ? »—প্রশ্ন-চিহ্ন : যেখানে প্রশ্ন করা হয়, সেখানে বাক্য-শেষে এই চিহ্ন লেখা হইয়া থাকে।

« ! »—বিস্ময়- বা ভাব-ছোতক চিহ্ন : বিস্ময়, আনন্দ, শোক, ভয় প্রভৃতি চিত্তের আবেগ প্রদর্শন করিবার জন্ত, বাক্য-শেষে এই চিহ্ন ব্যবহৃত হয়। সন্দোধান করিতে হইলেও, যাহাকে সন্দোধান করা হইতেছে তাহার নামের বা তাহার উদ্দেশ্যে ব্যবহৃত পদের পরে, এই চিহ্নও প্রযুক্ত হইয়া থাকে।

« — »—ড্যাশ্ (Dash) বা বাক্য-সঙ্গতি চিহ্ন : বক্তব্যকে বিশদ করিবার জন্ত, ব্যাখ্যাত করিবার জন্ত, এই চিহ্ন ব্যবহৃত হয়।

« - »—হাইফেন (Hyphen) অর্থাৎ পদ-সংযোগ বা শব্দ-বিশ্লেষ চিহ্ন : শব্দের অংশগুলি বিশ্লেষ করিয়া দেখাইবার জন্ত, অথবা একাধিক পদ যেখানে মিলিয়া একটা শব্দ সৃষ্টি করে, সেখানে পদগুলির সংযোজন দেখাইবার জন্ত, « - » হাইফেন ব্যবহৃত হয়।

« :— »—কোলন-ড্যাশ্ : প্রসঙ্গের দৃষ্টান্তের অবতারণার জন্ত ব্যবহৃত হয়।

« ' ' », বা « " " »—উদ্ধার-চিহ্ন : অন্তের উক্ত বাক্য, অথবা কোনও বিশিষ্ট শব্দের প্রতি, পাঠকের বিশেষ দৃষ্টি আকর্ষণের জন্ত প্রযুক্ত হয়।

« [ ], ( ), { } »—ব্রাকেট (Brackets) বা বন্ধনী : বক্তব্যের মধ্যে প্রসঙ্গান্তরের অবতারণা, কিংবা বিরোধী বা বিকল্পে কোনও উক্তি, অথবা শব্দান্তর, বন্ধনী-চিহ্নের মধ্যে লিখিয়া, বাক্যের প্রবাহ হইতে এগুলিকে বিচ্ছিন্ন করিয়া দেখানো হয়।

« ... », « \* \* \* »—বর্জন-চিহ্ন : উক্তির মধ্যে কোনও শব্দ ও বাক্য বাদ দিলে, কিংবা অল্পলিপিত রাখিলে, একাধিক বিন্দু বা তারকা-চিহ্ন ব্যবহার করা হয়।

« ' »—উপরে-লেখা কমা বা 'ইলেক' : শব্দের কোনও অংশ বর্জিত হইলে, বর্জন-স্থানে এই চিহ্ন দেওয়া হয়। অন্ত্য অ-কার উচ্চারিত হইলে, অনেকে এই চিহ্নও ব্যবহার করেন; যথা—« যাবে ত' ? »।

যতিচ্ছেদ চিহ্ন ব্যতীত, অল্প বহু সংকেত-চিহ্ন আছে। সবগুলির উল্লেখ এ ক্ষেত্রে নিম্নয়োজন। তবে নিম্নের এই কয়টি প্রয়োজনীয়।

« > »—পরিণতি-ছোতক বা পরবর্তি-রূপ-ছোতক চিহ্ন : ইহাকে « হইতে » বা « পরে » বলিয়া পড়া যাইতে পারে। « রাখিয়া > রাইখ্যা > রেখে » ( « রাখিয়া » হইতে . « রাইখ্যা », তাহা হইতে « রেখে » ; কিংবা « রাখিয়া », পরে « রাইখ্যা », পরে « রেখে » )।

« < »—উৎপত্তি-ছোতক বা পূর্ববর্তি-রূপ-ছোতক চিহ্ন : « পূর্ব-রূপ », « পূর্বে », বা « তৎপূর্বে » বলিয়া পড়া যাইতে পারে। « রেখে < রাইখ্যা < রাখিয়া »—( « রেখে »-র পূর্ব-রূপ « রাইখ্যা », তাহার পূর্ব-রূপ « রাখিয়া » ; কিংবা « রেখে », পূর্বে বা তৎপূর্বে « রাইখ্যা », তৎপূর্বে « রাখিয়া » )।

« √ »—ধাতু-ছোতক : « করু ধাতু—√ করু » ; তদ্রূপ « √ থা, √ দে, √ নে, √ বল »।

« ১৭, ৭ »—অঁজি বা গর্গেশের ঝাঁকুড়ী—এটা একটি প্রাচীন চিহ্ন, অধুনা অনেকটা অপ্রচলিত। এই চিহ্ন দিয়া পত্রাদি আরম্ভ হইত—ইহা ঙ্গ-কারের অথবা একমাত্র ঙ্গের প্রতীক (৭ = দেবনাগরীর १ = ১)। কাহারও কাহারও মতে ইহা গণেশ-দেবতার প্রতীক, গণেশের হস্তিমুণ্ডের সংক্ষিপ্ত রূপ, « ৭ » ; কিন্তু এই মত ঠিক মনে হয় না।

## অনুশীলনী

- ১। 'ধ্বনি' কাহাকে বলে ? স্বর-ধ্বনি ও ব্যঞ্জন-ধ্বনির পার্থক্য কি ?
- ২। 'বর্ণ' কাহাকে বলে ? বাঙ্গালা 'বর্ণমালা' বলিতে কি বুঝায় ?
- ৩। 'যৌগিক স্বরধ্বনি' কাহাকে বলে ? উদাহরণ দাও।
- ৪। 'অক্ষর' শব্দের অর্থ কি ? স্বরান্ত ও ব্যঞ্জনান্ত অক্ষরের উদাহরণ দাও।
- ৫। উচ্চারণ-স্থানভেদে বাঙ্গালা-ভাষার ব্যঞ্জনবর্ণগুলির শ্রেণীবিভাগ কর।
- ৬। যে-কোনও তিনটির উচ্চারণ-স্থান নির্ণয় কর :—ঝ, ঙ, ঞ, ভ, স, হ। (C. U. 1944)
- ৭। যে-কোনও তিনটির উচ্চারণ-স্থান নির্ণয় কর :—অ, ষ, ভ, স, ঙ, ক্ষ। (C. U. 1943)
- ৮। 'র, র-ফলা, রেফ' এগুলির উচ্চারণ বিষয়ে লিখ।
- ৯। 'স্বাসাঘাত' কাহাকে বলে ? বাঙ্গালায় 'স্বাসাঘাত' কি ভাবে প্রযুক্ত হয় ?

## ধ্বনি-তত্ত্ব-ধ্বনি-সমূহের ক্রিয়া

(Phonology—Behaviour of Sounds)

## বাঙ্গালা উচ্চারণের ও ধ্বনি-পরিবর্তনের কতকগুলি বিশেষ রীতি

নিম্নে বাঙ্গালা ভাষার কতকগুলি বিশেষ উচ্চারণ-রীতির আলোচনা করা যাইতেছে। সাধু-ভাষা ও চলিত-ভাষায় সম্বন্ধ বুঝিতে হইলে, নিম্নে আলোচিত কয়েকটি উচ্চারণ-রীতির প্রণিধান আবশ্যিক।

- [১] স্বরভক্তি বা বিপ্রকর্ষ; [২] শব্দের অন্তে, সংযুক্ত ব্যঞ্জন-ধ্বনির পরে স্বর-বর্ণ-যোজনা; [৩] স্বর-সঙ্গতি; [৪] অপিনিহিতি; [৫] অভিশ্রুতি; [৬] য-শ্রুতি ও ব-শ্রুতি; [৭] শব্দের অভ্যন্তরস্থ র-কার ও হ-কারের লোপ-বিষয়ে প্রবণতা।

### [১] স্বর-ভক্তি বা বিপ্রকর্ষ

(Anaptyxis বা Vowel Insertion)

উচ্চারণ-সৌকর্যার্থ, সংযুক্ত বাঞ্জনকে ভাঙ্গিয়া উচ্চাদের মধ্যে স্বরধ্বনি আনয়ন করাকে স্বরভক্তি বা বিপ্রকর্ষ বলে। প্রাচীন বাঙ্গালায় এই প্রকার স্বর-ভক্তি বা বিপ্রকর্ষের রীতি সাতিশয় প্রবল ছিল। বাঙ্গালা কবিতার ভাষায় এইরূপ বিপ্রকর্ষের বহুল প্রচার আছে। গ্রাম্য উচ্চারণেও বিপ্রকর্ষ-রীতি বিশেষ প্রবল। প্রায়ই সংস্কৃত ও বিদেশী শব্দের সংযুক্ত বাঞ্জন ধ্বনিকে এই-রূপে ভাঙ্গিয়া লওয়া হয়।

স্বর-ভক্তি বা বিপ্রকর্ষে বিভিন্ন স্বর, বর্ণের, আগম হয়।

অ-কারের আগম—« রত্ন—রতন; কম্ বগ্ মগ্—করম, ধরম, মরম; চন্দ্র—চন্দর; সূর্য—সুরজ, দৈর্য—দৈরজ; চক্র—চকর ( চলিত-ভাষায় ); জন্ম—জনম; লুক্—লুবধ; মুগ্ধ—মুগধ; ভক্তি—ভকতি; মূর্তি—মুরতি; পূর্ব—পুরব; গর্জে—গরজে; নির্মিল—নিরমিল; স্তব্ধ—স্তবধ, তবধ »; বিদেশী শব্দ—ফারসী « shahr শহ্-রু—শহর [shöhör], zakhm জ.খ্-ম্—জখম [jökhom]; sharm শম্—সরম ( শরম = 'লজ্জা' ); hazm হজ্-ম্—হজম [höjöm]; chashm চশ-ম্—চশম [chöshöm]; mard মর্দ্—মরদ [möröd] » ইত্যাদি; ইংরেজী « mutton = [ mätn, .ম্যাট্ন্ ]—মটন; guard গারদ »; ইত্যাদি।

ই-কার : « শ্রী—ছুরিা; হর্ষ—হরিষ; বর্ষণ—বরিষণ; প্রীতি—পিরীতি, পিরীত; স্নান—সিনান; মিত্র—মিত্তির, ইন্দ্র—ইন্দির ( চলিত-ভাষায় ) »

ইত্যাদি ; কারসী—« fikr ফিক্—ফিকির ; zikr জিক্—জিকির, জিগির ; nirkh নির্খ্—নিরিখ » ইত্যাদি ; ইংরেজী film, clip—চলিত উচ্চারণে « ফিলিম্, ফিলিপ্ » ।

**উ-কার :** « দুর্যোগ—দুর্যোগ, দুর্জোগ ; পদ্মিনী—পদ্মিনী ; মুঞ্চ, লুক্—মুগ্ধ, লুব্ধ ; রাজপুত্র—রাজপুত্র, শূদ্—শূদ্, জ্—জ্ ( চলিত-ভাষায় ) ; মুক্তা—মুক্তা ; শুক্রবার—শুকুব্বার ( চলিত-ভাষায় ) » ইত্যাদি । কারসী—« burj বর্জ্—বর্জ্জ ; mulk মুক্—মুল্ক ; Turk তুর্ক্—তুরক ; qufl কুফ্—\*কুলুফ্—কুলুপ » ; ইংরেজী « flute ফ্লুট্—ফ্লুট্, brush ব্রাশ্—ব্রাশ্, blue ব্লু—ব্লু » ।

**এ-কার :** « গ্রাম—গেরাম ; শ্রীক—ছেরাদ » ; কারসী « sirf সিক্—সেরেক » ; পোতুগীস « prego প্রেগু—পেরেক » , ইংরেজী « glass গ্লাস—গেলাস » ।

**ও-কার—**« শ্লোক—শোলোক » ; কারসী « murgh মূর্গ্—মোরোগ, মোরগ » ।

বাক্সালায় ঋ-কার ( অর্থাৎ 'রি' ) ব্যঞ্জন-বর্ণের পরে আসিলে ( র-কলা ও হ্রস্ব-ই যুক্ত) সংযুক্ত-বর্ণের মত উহা উচ্চারিত হয়—এখানেও বিপ্রকর্ষ দেখা যায় ; যথা—« তৃপ্ত—তিরপিত ; কৃপা—কিরিপা ; সৃজিল—সিরুজিল » ইত্যাদি ।

## [২] শব্দের অন্তে সংযুক্ত ব্যঞ্জন-ধ্বনির

### পরে স্বর-বর্ণ-যোজনা

বাক্সালা ভাষার অন্তে দুইটি ব্যঞ্জন-ধ্বনি থাকে না ; হয় উহাদিগকে ভাঙ্গিয়া লইয়া বিপ্রকর্ষ করিতে হয়, না হয় উহাদের শেষে একটি স্বর-ধ্বনি যোগ করিতে হয় ।

« ধর্ম, চল্ল, সূর্য, [dharm, chandr, suryy] » প্রভৃতি হিন্দীর মত উচ্চারণ বাক্সালায় অজাত : হয় « ধর্ম, চল্ল, সূর্য [dhörmo, chöndro, shurjo] », না হয় « ধরম্, চল্লব, »

স্বরজ »—ইহাই বাঙ্গালার রীতি । এই জন্ত ইংরেজীর bench, desk, list, box, বা ফারসীর narm, garm, pasand, shinākht প্রভৃতি, বাঙ্গালায় অন্ত্য স্বর-যোগে অথবা বিপ্রকর্ষ-দ্বারা দাঁড়াইয়াছে « বেন্চি [benchi], ডেস্ক [deshko], বাক্স [baksho], লিষ্ট [lishti], নরম [nōrom], গরম [gōrom], পছন্দ [pōchhondo], শনাক্ত [shōnakto] » ।

### [৩] স্বর-সঙ্গতি (Vowel Harmony)

কখনও-কখনও সাদু-ভাষায়, এবং বিশেষ করিয়া চলিত-ভাষায়, পরের বা পূর্বের স্বর-ধ্বনির প্রভাবে, পদ-স্থিত অন্ত অক্ষরের স্বর-ধ্বনির উচ্চারণ-স্থান পরিবর্তিত হইয়া যায়। উচ্চারণ-গত এই বৈশিষ্ট্যকে বাঙ্গালা ভাষার স্বর-সঙ্গতি বলা হয়।

এই সকল পরিবর্তনের মূল কথা এই—‘উচ্চ’ স্বর-ধ্বনির প্রভাবে, ‘নিম্ন’ ও ‘মধ্য’ স্বর-ধ্বনি, এক দাপ করিয়া উপরে উঠিয়া আসে; এবং তদনুরূপ ‘নিম্ন’ ও ‘মধ্য’ স্বর-ধ্বনির প্রভাবে, ‘উচ্চ’ স্বর-ধ্বনি এক দাপ নীচে নাগিয়া আসে। (পূর্বে ২৯ পৃষ্ঠায় প্রদত্ত চিত্রে, উচ্চ-মধ্য-নিম্ন ও সম্মুখাবস্থিত-কেন্দ্রীয়-পশ্চাদবস্থিত নির্বিশেষে স্বর-ধ্বনির পারস্পরিক সমাবেশ দ্রষ্টব্য)।

বাঙ্গালা ভাষায় স্বর-সঙ্গতির উদাহরণ—

#### [ক] পরবর্তী স্বরের সহিত সঙ্গতি

[১] পরবর্তী syllable বা অক্ষরে « ই » বা « উ », বা « য-কলা », কিংবা « জ্জ, ক্ষ [ = গ্যা, খ্যা ] » থাকিলে, পূর্ববর্তী অ-কারের উচ্চারণ [ ও ] হইয়া যায়; [ ও ]-তে উচ্চারণের এই পরিবর্তন কিন্তু বানানে ধরা হয় না, « অ »-ই লিপিত হইয়া থাকে; যথা— « অতি [ = ওতি ], অমুক [ ওমুক ], বসু [ বোশু ], বসুক [ বোশুক ], চলি [ চোলি ] ( কিন্তু « চলে, চলা » প্রভৃতি রূপে অ-কারের উচ্চারণ অবিকৃত থাকে ), চলুন [ চোলুন ], সগীর [ শোমির ], গফুর [ গোফুর ], কবুল [ কোবুল ], পথ্য [ পোংথ্য ], হত্যা [ হোংত্যা ], দৈবজ্ঞ [ দোইবোংগ ], লক্ষ [ লোক্শ ] » ইত্যাদি।

কিন্তু যেখানে শব্দের আদিতে 'না' অর্থে « অ » বা « অন্-», এবং সহিত-অর্থে অথবা 'সম্পূর্ণ' অর্থে « স » বা « সম্-» বসে, সেখানে এই অ-কার, ও-কারে পরিবর্তিত হয় না ; যেমন—« অদীর, অসুখ, অন্তায়, অঞ্জ, অক্ষম, অনিশ্চিত, অনিয়ম, অনুচিত, অনৃত, সসীগ, সধূন, সবিনয়, সম্প্রীতি সপিণ্ড, সমূলক, সমিদ্ধ, সমুদ্ধ » ইত্যাদি। এগুলি কখনও [ ওদীর, ওশুখ্, ওন্ডায়্, ওঞ্জগৌ, ওক্খোম্, ওনিওম্, ওন্ডিত্তো, শোশিম্, শোধুম্, শোবিনয়্, শোম্প্রিত্তি ] প্রভৃতি রূপে উচ্চারিত হয় না )।

[২] পরবর্তী syllable বা অক্ষরে « আ, এ, ও, অ » থাকিলে, পূর্ববর্তী অক্ষরের ই-কার উচ্চারণে [এ] হইয়া যায় ; যথা—« গিল্ » ধাতু—« গিল্+আ » > « গিলা » > « গেলা », « গিল্+এ » > « গিলে » > « গেলে » ; কিন্তু « গিল্+ই » > « গিলি », « গিল্+উক্ » > « গিলুক্ » ; তদ্রূপ « মিশ্ » ধাতু—« মেশে, মেশা ; মিশি, মিশুক্ » ; « লিখ্ » ধাতু—« লেখে ; লিখি » ইত্যাদি।

[৩] পরবর্তী অক্ষরে « আ, এ, ও, অ » থাকিলে, পূর্ববর্তী উ-কারের উচ্চারণ [ও] হইয়া যায় ; যেমন—« শুন্ » ধাতু : « শুন্+আ » > « শুনা » > « শোনা », « শুন্+এ » > « শুনে » « শোনে », « শুন্+ও » > « শোনো » ; কিন্তু « শুন্+ই » > « শুনি », « শুন্+উক্ » > « শুনুক্ » ইত্যাদি।

[৪] পরবর্তী অক্ষরে « আ, এ, ও, অ » থাকিলে, পূর্ববর্তী এ-কারের উচ্চারণ "বাক্য এ" অর্থাৎ [অ্যা] হইয়া যায় ; কিন্তু পরে « ই, উ » থাকিলে, এ-কারের নিজস্ব উচ্চারণ অবিকৃত থাকে ; যথা—« দেখ্ » ধাতু—« দেখ্+আ » > দেখা [দ্যাখা], দেখ্+এ=দেখে [দ্যাখে, ], দেখ্+ও বা অ=দেখো, দেখ [দ্যাখো] » ; কিন্তু « দেখ্+ই=দেখি, দেখ্+উক্=দেখুক্ » ; « এক= [অ্যাক্], একা [অ্যাকা], একটা [অ্যাক্টা] », কিন্তু « একা, একটু »-তে ই- ও উ- থাকায়, এ-র ধ্বনি অবিকৃত।



[৪ক] কিন্তু সাধারণতঃ দেখা যায় যে, পরবর্তী অক্ষরে « ই » বা « উ » থাকিলে, পূর্বের এ-কারকে টানিয়া ই-কারের উচ্চারণে উন্নীত করা হয়; যেন—« দে ( ধাতু ) » + « এ » = « দেএ, দেয় » = [দায়] ; « দে + ও » > « দেও » > [ছাও], পরে « দাও » ; কিন্তু « দে + ই » > « দেই », পরে « দিই, দি' » ; « দেশী » > « দিশি » ; « দিয়াছিল > দিয়েছিল > দিয়িছিল, দিছিল > দিছল » ( শেযুক্ত উচ্চারণটী অতি আধুনিক ) ; « মেশামেশি > মেশামিশি » ; « গিয়াছি > গিয়েছি > গিইছি > গিছি ( 'গেছি' রূপও শোনা যায় ) » ইত্যাদি।

[৫] পরবর্তী অক্ষরে « আ, এ, ও, অ » থাকিলে, পূর্ববর্তী ও-কারের উচ্চারণ অবিকৃত থাকে ; কিন্তু « ই, উ » থাকিলে, ও-কার উ-কারে পরিবর্তিত হয় ; যথা—« শো » ধাতু—« শো + আ > শোয়া ; শো + এ > শোএ, শোয় ; শো + ও > শোও » ; কিন্তু « শো + ই > শোই > শুই, শো + উ > শুউ > শু'ক » ; « ঘোড়া + স্ত্রী-প্রত্যয় -ঐ » > « ঘোড়ী »-স্থলে « যুড়ী » ; « গোলা + ক্ষুদ্র-বাচক প্রত্যয় -ঐ » > « গোলী »-স্থলে « গুলি » ; তদ্রূপ—« পোখা—পুখী, কোড়া—কুড়ী, নোড়া—নুড়ী » ; « পুরোহিত > পুরহিত > পুরহ » ; « আমোদ + -ইয়া > আমোদিয়া > আমুদে' » ; « নিয়োগী > নেওগী > নেউগী » (কলিকাতা অঞ্চলের চলিত উচ্চারণে) ; ইত্যাদি। পরে য-ফলায় অন্তর্নিহিত ই-কারের প্রভাবে আগের অক্ষরের ও-কারও উ-কারে পরিবর্তিত হয়—বিশেষ করিয়া চলিত-ভাষায় ; যথা—« যোগা = যোগ্‌ইয় > যুগি [জুগুগি] ; পোয় = পোয়্‌ইয় > পুয়ি [পুশ্‌শি] » ইত্যাদি।

[৬] তিন বা তিনের অধিক অক্ষরের শব্দে যদি শেষে « ই, ঐ » থাকে, তাহা হইলে পদ-মধ্যস্থিত « অ » বা « আ », « উ »-তে পরিবর্তিত হয় ; যথা—« এখন + ই > এখনি > এখোনি > এখনি ; আঠ-পহরিয়া > আটপহোরে' আট-পউরে' ; উড়ানী > উড়োনী > উড়ুনি ; কুড়ালী > কুড়ুল ; সংস্কৃত ছাদনিকা > প্রাকৃত ছাননিআ > ছাননী > ছাউনী ; ঠকুরানী > ঠাকুরোনী > ঠাকুরইন >

ঠাকরন; প্রাচীন বাঙ্গালা ভেস্তলী > পূর্ব-বঙ্গে ভেস্তইল, চলিত-ভাষায় তেঁতুল ; নাটক + -ইয়া > নাটকিয়া > নাটুকে' ; নগর, শহর + -ইয়া > নগরিয়া, শহরিয়া > নগুরে', শহুরে' » ; ইত্যাদি, ইত্যাদি ।

বাঙ্গালা চলিত-ভাষার লক্ষণীয় বৈশিষ্ট্য এই অভিশ্রুতি । এই রীতি-অনুসারে সৃষ্ট বহু শব্দ ও পদ, চলিত-ভাষা হইতে এখন অল্পে-অল্পে সাধু-ভাষাতেও গৃহীত হইতেছে ; যথা— সাধু-ভাষার অনুমোদিত রূপ « থাকিয়া, চাহিয়া মাইয়া, ছালিয়া, » স্থলে « থেকে, চেয়ে মেয়ে, ছেলে, » ইত্যাদি ।

### [খ] পূর্ববর্তী স্বরের সহিত সঙ্গতি ।

[১] শব্দ-মধ্যে প্রথমে « ই » থাকিলে, পরের অক্ষরের আ-কার, ই-কারের প্রভাবে এ-কারের উচ্চারণ-স্থানে আকৃষ্ট হইয়া, এ-তে পরিবর্তিত হয় ; যথা— « ইচ্ছা—ইচ্ছে ; মিথ্যা—মিথো ; চিন্তা—চিন্তে ; মিছা—মিছে ; ভিক্ষা—ভিক্ষে ; পিসা—পিসে ; মিঠা—মিঠে ; আজিকার, কালিকার > আজকের, কালকের ; দিলাম—দিলেম ; ছিলাম—ছিলেম ; করিতাম—করিতেম, করিতেম ; করিনা—করিনে ; হিসাব—হিসেব ; বিলাত—বিলেত ; পোতুগীস pipoa, পিপা—পিপে, fita কিতা—কিতে » ইত্যাদি ।

[২] আগে উ-কার বা ঊ-কার থাকিলে, শেষের « আ », ও-কার হইয়া যায় ; যথা— « পূজা—পূজো ; তূলা—তুলো ; রূপা—রূপো ; মূলা—মূলো ; ধূলা—ধুলো ; খুড়া—খুড়ো ; চূড়া—চূড়ো ; শুখা—শুখো ; ছুয়ার—ছুয়োর—দোর ; শুয়ার—শুওর—শোর ; জুয়া—জুও—জো ; হুঁকা—হুঁকো ; ইত্যাদি ।

দ্রষ্টব্য—কলিকাতা-অঞ্চলের ভাষায় প্রচলিত উচ্চারণে « টা—টো—টে » লক্ষণীয় :— « একটা [= অ্যাক্টা ]— একটা [= এক্টি ] ; ( দুইটা—দুটা— ) দুটো ; ( তিনটা—তিনটা— ) তিনটে ; ( চারিটা—চারিটা— ) চারটে » ।

[৩] দুই অক্ষরের শব্দে, দ্বিতীয় অক্ষরে অ-কার থাকিলে, চলিত-ভাষায় এই « অ » সাধারণতঃ পূর্ণ ও-কার রূপে, বা ঈষৎ ও-কারবৎ উচ্চারিত হয় ; যথা— « রতন, কহল, গরব, অর্জন, সকল, বরণ, বর্জন, ভারত, কাঁদন, মঙ্গল, নিয়ম, বিষম, সূজন, পূরণ, বৃহৎ, বেদন, কৈতব, মোহন, গোবর, লোটন,

সৌরভ, গৌরব; ডজন, বোতল, মোরগ, ডবল, গজল, নম্বর, মোটর (=মটোর) » ইত্যাদি।

### [৪] অপিনিহিতি (Epenthesis)

শব্দের মধ্যে « ই » বা « উ » থাকিলে, সেই « ই » বা « উ »-কে আগে হইতেই উচ্চারণ করিয়া ফেলিবার রীতি বাঙ্গালার একটা বৈশিষ্ট্য। এই রীতির নাম-করণ হইয়াছে অপিনিহিতি। (য-কলায় যে ই-ধ্বনি আছে, তাহাও প্রকট ই-কার হইয়া, এই রীতি-অনুসারে পূর্বে আইসে।) অপিনিহিতি এক সময়ে সমগ্র বঙ্গদেশে বিद्यমান ছিল, এখনও পূর্ব-বঙ্গের ভাষায় ইহা প্রায় পূর্ণভাবে সংরক্ষিত আছে। পশ্চিম-বঙ্গের ভাষায় অপিনিহিতি এখন আর শোনা যায় না; হয় অপিনিহিত « ই » বা « উ » লুপ্ত হইয়াছে, না হয় এই « ই » ও « উ »-কে অবলম্বন করিয়া পশ্চিম-বঙ্গের উচ্চারণে আর একটা নূতন উচ্চারণ-রীতি, অভিশ্রুতি, আসিয়া গিয়াছে (অভিশ্রুতি-সম্বন্ধে নিম্নে দ্রষ্টব্য)।

অপিনিহিতি কিন্তু সাধু-ভাষার প্রকৃতি-বিরুদ্ধ। অপিনিহিতির দৃষ্টান্ত—

**ই-কারের অপিনিহিতি :** « রাখিয়া = রাখ-ই-য়া > রাইখ-ই-য়া (খ-এর পূর্বে অবস্থিত ই-কারের, খ-এর আগেই উচ্চারণ) > রাইখ্যা (পুরাতন-বাঙ্গালায় ও আধুনিক পূর্ব-বঙ্গে) > রেখ্যা, রেখ্যে > রেখে » ; « আলিপনা > আইল্পনা - আল'পনা » ; « কাল + -ইয়া = কালিয়া > কাইলিয়া > কাইল্যা > কলে » ; « আজি, কালি > আইজ্, কাইল্ < আ'জ, কা'ল » ; « রাতি > রাইত > রা'ত, রাইতের বেলা > রেতের বেলা » ; (কলিকাতা-অঞ্চলে) « গাঁঠি > গাঁইঠ্ > গাঁঠ, গাঁইঠের কড়ি > গাঁইঠের কড়ি » ; « জালিয়া > জাইল্যা > জেলে » ; ইত্যাদি।

**উ-কারের অপিনিহিতি :** উ-কার সাধারণতঃ পরে ই-কারে পরিবর্তিত হইয়া যায় : « সাখ্ + -উয়া > সাখুয়া > সাউখুআ > সাইখুআ > সেখো » ; « জলুয়া > জউলুয়া > জইলুয়া > জ'লো [ জোলো ] » ; « দড় > প্রাকৃত দদু >

দাহু > দাউদ > দা'দ » ; « সাধু > সাউধ > সাইধ্—সাধুয়ের > সাউধের > সাইধের > সেধের » ; « মাঝুয়া > মাউঝুয়া > মাইঝুয়া > মেঝো, মেজো » ; ইত্যাদি ।

য-কলার অন্তর্নিহিত ই-কারের অপিনিহিতি এখন পূর্ব-বঙ্গের উচ্চারণে বিশেষরূপে বিদ্যমান : « সতা, কন্না, কাব্য, যোগ্য, কার্য বা কার্য্য », অর্থাৎ [ সংতির, কন্নিয়া, কাব্‌বিয়, যোগ্‌গিয়, কার্‌ইয় বা কার্‌জিয় ], পূর্ব-বঙ্গের উচ্চারণে [ শইত্র, কইন্না, কাইন্স, জোইগ্‌গ, কাইর্জ ] । সংযুক্ত বর্ণদ্বয় « ক্ষ, জ্ঞ » উচ্চারণে [ খা, গা ] বলিয়া, ইহাদের বেলাতেও ই-কারের অপিনিহিতি হয় : « লক্ষ = লখ্য [ লইক্‌খ ] ; যজ্ঞ = জর্গ্য [ জইগ্‌গ ] » ।

— অপিনিহিতি ঠিক ই-কার বা উ-কারের আগম নহে—অনেকাক্ষর শব্দে এই স্বর-বর্ণ স্থানস্থানেই থাকে, এবং সঙ্গে-সঙ্গে পূর্ব হইতেই যেন ইহার আবাহন ঘটিয়া, অধিকতর পূর্বের অক্ষরে ই-কার বা উ-কারের প্রতিষ্ঠা ঘটে । একাক্ষর শব্দে এই স্বর-বর্ণের স্থান হইতে পূর্বে আনয়ন ঘটে ।

### [৫] অভিপ্রতি (Umlaut, Vowel Mutation)

« ই » এবং « উ » ( বা « উ » হইতে জাত « ই » ), অপিনিহিত হইলে, পূর্ব-বঙ্গের কথ্য ভাষায় এখনও বিদ্যমান থাকে, কিন্তু পশ্চিম-বঙ্গে ( বিশেষতঃ চলিত-ভাষায় ) এই « ই » ধ্বনি, একাক্ষর শব্দে সাধারণতঃ লোপ পাইয়া থাকে, এবং একাধিক অক্ষরময় শব্দে পূর্ব-স্থিত স্বর-ধ্বনিকে প্রভাবান্বিত করিয়া, উহাকে পরিবর্তিত করিয়া দেয় । এইরূপ পরিবর্তনকে এক প্রকার 'আভ্যন্তর সন্ধি' বলা যাইতে পারে ; যেমন—সাধু-ভাষার « রাখিয়া » শব্দ : এই রূপটী ছিল প্রাচীন বাঙ্গালার ; অপিনিহিতির ফলে « রাখিয়া » হইল « রাইখিয়া », পরে « রাইখ্যা »—« রাইখ্যা » পূর্ব-বঙ্গে এখন প্রচলিত, প্রাচীন কালে পশ্চিম-বঙ্গেও প্রচলিত ছিল ; পরে পশ্চিম-বঙ্গে « আ+ই »-র সন্ধি-হইয়া « রেখ্যা, রেখে » রূপের মধ্য দিয়া « রেখে » রূপে, « রাখিয়া » পদের শেষ পরিণতি দাঁড়াইল । « রাখিয়া » > « রাইখ্যা » (অপিনিহিতি) > « রেখে » (অভিপ্রতি) । « আ+ই+আ »—এইরূপ স্বর-সমাবেশ, সংক্ষিপ্ত হইয়া দাঁড়াইয়া গেল « এ+

এ »-তে : এই প্রকার অপিনিহিত ই-কারের প্রভাবে, পূর্ব-স্থিত স্বরের পরি-  
বর্তন অথবা পূর্ব-স্থিত স্বর-বর্ণের নব-রূপ-ধারণকে **অভিশ্রুতি** নাম দেওয়া  
হইয়াছে।

অভিশ্রুতি নানা ভাষায় দেখা যায়। ইংরেজী, ও ইংরেজীর সহিত সম্পৃক্ত জার্মান, সুইডীয়,  
ওলন্দাজ প্রভৃতি অস্ফাশ্র কতকগুলি ভাষাতে মিলে। প্রাচীনতম ইংরেজী যুগে man (mann)  
শব্দের বহুবচন ছিল \*mann-iz, পরে \*mann-i : এই \*mann-i শব্দের বিকারে, বহুবচনে  
menn (men) রূপ দাঁড়াইয়াছে ; অপিনিহিত i বা ই-কারের প্রভাবে, a বা আ-কারের e  
বা এ-কারে পরিবর্তন ঘটয়াছে। \*mann-i > \*mainn > menn, men ; তুলনীয় বাঙ্গালা  
« গ্রস্থি > গাি ঠ > গাি ঠি > গাি ঠই > গেঠ, গেট » )।

### অভিশ্রুতির উদাহরণ

[১] « অ+ই+অ » > « অ' = ও+ও » : « চলিল > \*চইল্ল > চ'ল্ল =  
[চোল্লো] ; নড়িল > নইড়ল > ন'ড়ল [নোড়লো] ; বলিব > বইল্ব > ব'ল্ব,  
ব'ল্বো [বোল্বো] ; ধরিব > ধ'রবো ; সত্য = সৎতিয় > (উচ্চারণে) [শোভো] ;  
লক্ষ = লখ্য = লক্খিয় > (উচ্চারণে) [লোক্খো] » ইত্যাদি।

[২] « অ+ই+আ, বা এ » > « অ' = ও+এ » : « চলিয়া > চইল্যা >  
চ'লে = [চোলে] ; করিয়া > কইর্যা > ক'রে = [কোরে] ; করিবা > কইরবা  
> ক'রবে [কোরবে] ; ধরিলে > ধইরলে > ধ'রলে [ধোরলে] ; অভ্যাস =  
অব ভিয়াস = (উচ্চারণে) [ওবুভেশ্] » ; ইত্যাদি।

[৩] « আ+ই+অ, বা ও » > « এ+ও » : « রাখিহ > রাখিঅ, রাখিও  
রাইখো > রেখো ; থাইহ > থেয়ো, থেও » । সাধু-ভাষার প্রভাবে, « বাসিল  
> বাসল, নাচিব > নাচ'ব » প্রভৃতি স্থলে আ-কার সংরক্ষিত হইয়াছে।

[৪] « আ+ই+আ » > « এ+এ » : « রাখিয়া > রাইখ্যা > রেখে ;  
আসিয়া > আইস্থা > এসে ; বাছিয়া > বেছে ; পানিহাটী > \*পাইন্থাটী,  
\*পাইনাটী > পেনেটী ; কাঁদিহাটী > কেঁদেটী » ইত্যাদি। « রাখিলা > রাখ'লে »  
—এইরূপ ক্ষেত্রে সাধু-ভাষার প্রভাবে আ-কার রক্ষিত হইয়াছে।

[৫] « অ, আ, ই, উ, এ, বা ও+আই+আ » > যথাক্রমে « অ' = ও, আ, ই, উ, ই, উ+ই+এ » : « বলাইয়া > ব'লিয়ে [বোলিয়ে] ; নাচাইয়া > নাচিয়ে' ; ডিঙ্গাইয়া > ডিঙিয়ে' ; শুখাইয়া > শুখিয়ে' ; দেওয়াইয়া (= দেআইয়া) দিইয়ে' ; শোয়াইয়া > শুইয়ে' » ।

[৬] « অ+ইআ+ই » > « অ' = ও+এ+ই » : « করিয়াছি > ক'রেছি [কোরেচি] ; বসিয়াছিল > ব'সেছিল » ।

[৭] « অ, আ, আই, ই, উ, এ, ও+অ+ইআ » > যথাক্রমে « অ' = ও, আ, এ, ই, উ, ই, উ+উ+এ » : « নগরিয়া > ন'গুরে, নগুরে' [নোগুরে] ; শহরিয়া > শহুরে' ; চন্দ্র = চন্দর, চন্দরিয়া > চন্দুরে' [চোন্দুরে] ; কান্দনিয়া > কাঁতুনে' ; বাইগনিয়া > বেগুনে' ; শিখনিয়া > শিখুনে' ; জুডনিয়া > জুড়ুনে' ; দেঅনিয়া > দিউনে ; কোন্দলিয়া > কুঁতুলে' » ।

[৮] « অ+উ+আ » > « অ' = ও+ও » : « জলুয়া > জ'লো [জোলো] ; পটুয়া > প'টো [পোটো] » ইত্যাদি ।

[৯] « আ+উ+আ » > « এ+ও » : « সাথুয়া > সাউথুআ > সাইথুআ > সেথো ; গাছুয়া > গেছো ; মাছুয়া > মেছো ; তারা—তারুয়া (অনাদরে) > তেরো ; চারু—চারুআ (অনাদরে) > চেরো ; মাদব—মাধু+আ (অনাদরে) > মেশো » ইত্যাদি ।

দেখা যাইতেছে যে, চলিত ভাষায় অপিনিহিত ই-কারের প্রভাবে পূর্ববর্তী অ-কার ও-কার হইয়া যায়, আ-কার এ-কার হইয়া যায়, এবং অপিনিহিত ই-কারের-ও লোপ হয়। অভিশ্রুতির ফলে সৃষ্ট চলিত-ভাষার এই সব রূপে, যেখানে অ-কার ও-কার হইয়া গিয়াছে, সেখানে লুপ্ত অ-কারের চিহ্ন-স্বরূপ [']-চিহ্নকে পরিবর্তিত অক্ষরের শীর্ষদেশে বসাইয়া বর্ণ-বিচ্ছাদন করাই বাঙ্গালা ধ্বনির ইতিহাসের অনুযায়ী হইবে ; যেমন—« চলিয়া > চইল্যা, চল্যা > চলৈ » ( « চোলে, চলৈ' » বা শুধু « চলৈ » নহে) । « রাখিয়া > রাইখ্যা > রেখে, রেখে' » ; এখানে [']-চিহ্ন না দিলে-ও চলৈ ।

## [৫] য-শ্রুতি ও (অন্তঃস্থ-) ব-শ্রুতি

(Insertion of Euphonic Glides—« y » and « w » )

বাঙ্গালার শব্দের অভ্যন্তরে পাশাপাশি দুইটি স্বর-ধ্বনি থাকিলে, যদি এই দুইটি স্বর মিলিয়া একটা যৌগিক স্বরে বা সন্ধাক্ষরে পরিণত না হয়, তাহা হইলে এই দুইটি স্বরের মধ্যে ব্যঞ্জনের অভাব-জনিত ফাঁকটুকুতে, উচ্চারণ-সৌকর্যার্থে অন্তঃস্থ য (y) বা অন্তঃস্থ ব ( ব = w = ওয়, ও )-এর আগম হয়। শ্রুতিসুখকরত্বের জন্য এই অপ্রধান ব্যঞ্জন-ধ্বনির আগমকে য-শ্রুতি ও ব-শ্রুতি ( অন্তঃস্থ-ব-শ্রুতি ) বলা হয়। « মা আমার »—এই বাক্যাংশটিতে, দুইটি পদ পাশাপাশি বসায় দুইটি আ-কার পর-পর আসিয়াছে; সাধারণতঃ বাঙ্গালীর মুখে এখানে য-শ্রুতি হয়—« মা-য়-আমার »। বাঙ্গালায় গান করিবার কালে, এই শ্রুত্যাগম বিশেষ-ভাবে কর্ণগোচর হয়; যথা—« সকল অহঙ্কার হে আমার ডুবাও চক্ষের জলে = [সকলো-য়-অহঙ্কারো হে-য়-আমার] » ইত্যাদি।

য-শ্রুতি য-বর্ণ-দ্বারা নির্দিষ্ট হয়; ব-শ্রুতি-সম্বন্ধে কিন্তু লিখন বিষয়ে বাঙ্গালা ভাষা উদাসীন—« ওয়, ও, বা য » এই তিনটাই ব্যবহৃত হয়; যথা—« রাখিয়া—রাখিয়া; খাওয়া—খাওয়া; ধোওয়া—ধোওয়া [dhowā]; মোওয়া—মোওয়া [mowā]; মালপুওয়া—মালপুওয়া [puwā]; পিয়ানো (piano)—পিয়ানো; নাহা—নাহা—নাওয়া [nāwā]; কেআরী—কেয়ারী; কেআড়া—কেওড়া »। য-কার ও ব-কারের অদল-বদলও দেখা যায়; যথা—দেআল [deāl] > দেওয়াল [dewāl], দেয়াল [deyāl]; ছায়া [chāyā]—ছাওয়া [chāwā]।

## [৬] শব্দের অভ্যন্তরস্থ র-কার ও হ-কারের লোপ-প্রবণতা (Tendency to drop internal « r » and « h »)

বাঙ্গালা উচ্চারণের ইহা আর একটা বৈশিষ্ট্য। বহু সংস্কৃত ও বিদেশী এবং প্রাকৃত-জ শব্দ এই বৈশিষ্ট্যের ফলে বাঙ্গালায় রূপ বদলাইয়া ফেলিয়াছে। শব্দের অভ্যন্তরে অন্ত ব্যঞ্জনের পূর্বে র-কার ( রেফ ) থাকিলে, সেই রেফ, চলিত-বাঙ্গালা উচ্চারণে বহুস্থলে লুপ্ত হয়; এবং দুই স্বরের মধ্যবস্থিত হ-কার-ও সহজেই লুপ্ত হইয়া যায়। অন্ত্য হ-কার-ও লোপ-প্রবণ বর্ণ। যথা—

[১] র-এর লোপ : « করিতে > ক'রুতে > ক'ত্তে [কোত্তে] ; তর্ক > তর্ক ; ধর্ম > ধর্ম ; অর্ধ > অর্ধ ; সূর্য্য > সূর্য্য ; ক'রছি > ক'ছি ; মারিল = মারুল, মারলে > [মারুলে] ; করিলাম = ক'রলুম > ক'ললাম, ক'ল্লুম ; ( কারসী ) শীরীনী > শিরুনী > শিরী ; গৃহিণী\* > গিরুহিণী > গিরুনী > গিরী ; নৃত্য > নেত' > নেত্র ; চর্বা > [চোকা] » ইত্যাদি ।

কিন্তু ক্রিয়া-পদে, ব-য়ের পূর্বস্থিত র-কারের লোপ হয় না ; যথা—« করিবার > ক'রবার ( 'ক'বার' নহে ) ; ধরিবার > ধ'রবার ; হারিবে > হ'রবে » । কতকগুলি বিদেশী শব্দে র-লোপ হয় না, যথা—« সরকার, দরবার ( কিন্তু সব্দার > সদ্দার ) ; কুরনিশ্ ; সার্কুলার ( কিন্তু 'রিপোর্ট' স্থলে 'রিপোর্ট' শুনা যায় ), চার্জ, পার্‌সেন্ট » ইত্যাদি । সংস্কৃত শব্দে র-লোপ করা না-করা, বক্তার শিক্ষার উপরে নির্ভর করে ; সংস্কৃত ও অন্ত শব্দের বানানে এই জন্ত র-লোপ করা হয় না ।

[২] হ-লোপ : « ফলাহার > \*ফলাআর > ফলার ; পুরোহিত > \*পুরুইত > পুরুত ; গাহিলাম > গাইলাম ; কহে > কয় ; চাহে > চায় ; সিপাহী > সেপাই ; সুরহী > সোরাই ; মহোৎসব > মোচ্ছব ; মহার্ঘ্য > মাগ্গি ( র ও হ—উভয়ের লোপ ) ; পন্নরহ > পনের ; সাধু > সাহ > সাহ, সাহা বা সা ; ( আরবী > কারসী ) অল্লাহ্ > আল্লা ; আলাহিদা > আলাদা ; ( কারসী ) শাহ্ > শা, শাহা » ।

## অনুশীলনী

১। উদাহরণসহ নিম্নলিখিত সংজ্ঞাগুলির ব্যাখ্যা কর :—

বিপ্রকর্ষ ( C. U. 1942 ), অপিনিহিতি, স্বরসঙ্গতি, অভিশ্রুতি ।

২। নিম্নলিখিত শব্দগুলির উপর টীকা লিখ :—

ভকতি, নিলিতি, রেখে, মেলে, দেখে, দেখে', জ'লো, মেঝো, পেনেট, খাওয়া, গিন্নী, ফলার, ঠাকরন ।

৩। যে কোন তিনটির উচ্চারণস্থান নির্ণয় কর :—

ঈ ; ঐ , ও ; চ ; ফ ; শ । ( C. U. 1945 )



## তৎসম বা সংস্কৃত শব্দ-সম্বন্ধে কতকগুলি বিধি

### ✓ [১] গত-বিধান ও স্বত-বিধান

#### [১ক] গত-বিধান

খাঁটি বাঙ্গালা অর্থাৎ প্রাকৃত-জ শব্দের বানানে মূর্ধন্ত « গ »-য়ের ব্যবহার ক্চিৎ দেখা যায়—কিন্তু বাঙ্গালায় মূর্ধন্ত « গ »-য়ের বিশিষ্ট উচ্চারণ এখন অজ্ঞাত ; এই সকল প্রাকৃত-জ শব্দে দন্ত্য « ন » লিখিলে কোনও ক্ষতি নাই—দন্ত্য « ন » লেখাই বরং ভাল ; প্রাকৃত-জ শব্দে কেবল মাত্র দন্ত্য « ন »,—এই রীতি স্বীকার করিয়া লওয়া উচিত । প্রাকৃত-জ শব্দে যে মূর্ধন্ত « গ » লেখা হয়, তাহা, হয় মূল সংস্কৃত শব্দের প্রভাবে, না হয় অমূরূপ সংস্কৃত শব্দের অমূকরণে ঘটয়া থাকে । কতকগুলি শব্দে মূর্ধন্ত « গ » ও দন্ত্য « ন » দুই-ই ব্যবহৃত হয় ; যথ—« রাণী—রানী ; ঠাকুরাণী, ঠাকরণ—ঠাকুরানী, ঠাকরন ; কাণ—কান ; সোণা—সোনা ; ঝরণা—ঝরনা ; পুরাণ—পুরানো ; হারাণ—হারানো, হারান ; বাণান—বানান ; পরণ—পরন » ইত্যাদি । বিদেশী শব্দেও কখনও কখনও সংস্কৃত শব্দের বানানের অমূকরণে « গ » লেখা হয় ( সাধারণতঃ শব্দের শেষে ), কিন্তু এ ক্ষেত্রেও দন্ত্য « ন » লেখাই সমীচীন ; যথা—« কোরাণ ( ‘পুরাণ’ শব্দের দেখাদেখি )—কোরান ; দূরবীণ—দূরবীন ; কুর্গিশ—কুবুনিশ্ ; ইরাণ, তুরাণ—ঈরান, তুরান ; ট্রেণ—ট্রেন ; রিপণ—রিপন ; নর্মাণ—নর্মান ; জার্মাণী—জর্মানি » ইত্যাদি ।

সংস্কৃত শব্দে কিন্তু যেখানে মূর্ধন্ত « গ » আছে, সেখানে এই বর্ণকে যথাযথ-ভাবে রক্ষা করা উচিত । সংস্কৃত ভাষায় দন্ত্য-ন-এর মূর্ধন্ত গ-য়ে পরিবর্তনের নিয়মকে গত-বিধান বলে । গত-বিধান, যথা—

[১] ট-বর্ণের পূর্বে গ হয় : « বণ্টন, কণ্টক, লুণ্ঠন, অবগুণ্ঠন, চণ্ড, ধণ্ড, দণ্ড, ভাণ্ড » ।

[২] « ঋ, ঌ, র, ষ » এই কয় বর্ণের পরে পদ-মধ্যবর্তী দন্ত্য-ন মুধুক্ত-ণ হইয়া যায় : যথা—« ঋণ, পিতৃণ ( পিতৃ + ঋণ ), ঘৃণা, কৃষ্ণ, বর্ণ, বিষ্ণু, পূর্ণ » ইত্যাদি ।

[৩] « ঋ, ৱ, ষ্ »-এর পরে স্বর-বর্ণ, ক-বর্ণ প-বর্ণ, ষ, ব, হ, অথবা অমুস্বার থাকিয়া, তাহার পরে দন্ত্য-ন থাকিলে, উহা মূদ্ধর্ণ-ণ হয় । যথা—« করণ ( < √ কৃ, কর + অন ), দর্পণ ( √ দৃপ্, দর্প্ + অন ), শ্রবণ ( √ শ্ৰ, শ্রব্ + অন ) ; হরিণ, বক্ষ্যমাণ, কৃষ্ণিণী, বিষয়িণী, পাষণ, স্কন্ধী, বিষাণ, নির্বাণ, রূপণ, রেণু, লক্ষণ, লক্ষণ » ইত্যাদি ।

কিন্তু « ঋ, র, ষ » ও পরবর্তী দন্ত্য-ন-য়ের মধ্যে অন্ত বর্ণের ব্যবধান থাকিলে, ণ-ত্ব হয় না ; যেমন—« মর্দন, দর্শন, প্রার্থনা, কর্তন, অর্চনা, বর্ণনা, রচনা, রঞ্জন » ইত্যাদি । পদের অন্তে দন্ত্য-ন ( অর্থাৎ হসন্ত-যুক্ত দন্ত্য-ন ) মুধুক্ত-ণ হয় না—পূর্বেকার অক্ষরের « ঋ, র, ষ »-র পরে, স্বর-বর্ণ, ক-বর্ণ, প-বর্ণ ষ-, ব-, হ-কার ও অমুস্বার থাকিলেও ; যেমন—« ব্রহ্মন্, শ্রীমান্ » ।

যেখানে দুইটা পদ মিলিয়া একটি শব্দ, সেখানে উপরের [২] ও [৩]-এর নিয়ম কার্যকর হয় না, যথা—« দুর্নাম ( 'দুর্ + নাম'—'দুর্গাম' নহে ), হরিণাম ( 'হরিণাম' নহে ), ত্রিনয়ন, বারিনিধি » ইত্যাদি । « সুর্প + নখ + আ = সুর্পণখা ( 'যাহার কুলার মত নখ এমন নারী' ) »—এই শব্দ ব্যক্তি-বিশেষের ( রাজসুরাজ বাবণের ভগিনীর ) নাম হইল বলিয়া, এক-পদ-রূপে বিবেচ্য ; সেই জন্ত এখানে পূর্বেক নিয়ম প্রযুক্তি-বিধান হইল ; কিন্তু « তাম্রনখ ( 'তাম্র মত অর্থাৎ লাল নখ যাহার' ) »-শব্দ কাহারও নাম নহে, ইহাতে দুইটা পদের অর্থ বিলিষ্ট আছে, তাই এখানে « ণ » হইল না । তদ্রূপ « ত্রি + হায়ন, চতুর্ + হায়ন » এই দুই শব্দ 'তিন বৎসরের বা চারি বৎসরের শিশু' বুঝাইলে এক-পদ-রূপে ব্যবহৃত হয়, সেখানে মুধুক্ত-ণ,—« ত্রিহায়ণ, চতুর্হায়ণ » ; কিন্তু 'তিন বৎসর', 'চারি বৎসর' অর্থে পদদ্বয়ের অর্থ পৃথক, সেখানে দন্ত্য-ন-ই থাকে ; তুলনীয়—মাসের নাম « অগ্রহায়ণ » ।

[৪] উপরের দুইটি নিয়ম-অনুসারে, « প্র, পরা, পরি, নিবু » এই চারিটি উপসর্গের ও « অন্তবু »-শব্দের পরস্থিত « নদ, নম্, নশ্, নহ্, নী, হৃদ, অন্, হন » এই কয়টি ধাতুর দন্ত্য-ন মূর্ধন্ত্ব-ণ হয়; যথা—« নমে » কিন্তু « প্রণমে » ; « নষ্ট—প্রণষ্ট ; নীত—প্রণীত ; নতি—প্রণতি, পরিণতি ; হনন—প্রহণন » ইত্যাদি। « প্র, পরি » ইত্যাদির পরে « নি » উপসর্গ থাকিলে তাহা « নি » হয়; যথা—« নিধান—প্রণিধান ; নিপাত—প্রণিপাত » ইত্যাদি। « পরায়ণ, পারায়ণ, উত্তরায়ণ, চান্দ্রায়ণ, নারায়ণ » শব্দের ণ-ও এই কারণে ( « পর, পার, উত্তর, চান্দ্র, নার + অয়ন » )।

এতদ্ভিন্ন, অল্প কতকগুলি শব্দ-সম্বন্ধে বিশেষ নিয়ম আছে, বাঙ্গালার পক্ষে সেগুলি তত আবশ্যিক নহে। নিম্নলিখিত শব্দগুলি দ্রষ্টব্য :—

« অহন—অহু » শব্দ ( দন্ত্য-ন ) : « আহিক, মধ্যাহ্ন, সায়াহ্ন »-তে দন্ত্য-ন ; « প্রাহ্ন, পূর্বাহ্ন, অপরাহ্ন »—এখানে মূর্ধন্ত্ব-ণ।

« প্রকম্পন, পরিগমন »—এখানে মূর্ধন্ত্ব-ণ হয় না ( নিয়মের প্রতিকূল )।

« আশ্রবণ, শরবণ, ইক্ষুবণ » ইত্যাদি কতকগুলি শব্দে « বন »-শব্দের দন্ত্য-ন-স্থানে মূর্ধন্ত্ব-ণ হয়—বিশেষ নিয়ম-অনুসারে; বাঙ্গালায় কিন্তু সাধারণতঃ « আশ্র-বন, শর-বন, ইক্ষু-বন » প্রভৃতি লেখা হয়।

দ্রষ্টব্য :—বাঙ্গালায় প্রচলিত কয়েকটি সংস্কৃত শব্দে স্বভাবতঃই 'ণ' ব্যবহৃত হয়—

অণু, আপণ ( 'দোকান' অর্থে ), কঙ্কণ, কণা, কঙ্কোণি, কল্যাণ, গণ, গুণ, গোণ, ঘুণ, চিকণ, পণ্য, পানি, পুণ্য, ফণা, ফণী, বণিক, বাণ, মণি, লবণ, লাবণ্য ইত্যাদি।

### [১খ] ষড়-বিধান

খাঁটি বাঙ্গালা আর্থাৎ প্রাকৃত-জ শব্দে কখনও-কখনও সংস্কৃত বানানের অনুকরণে মূর্ধন্ত্ব লিপিত হইয়া থাকে; যেমন « ভয়ষা ঘী ( 'মহিষ' শব্দের প্রভাবে ), আঁষ ( 'আমিষ' শব্দের প্রভাবে ), ঘষা ( √ ঘর্ষ ), নিষুতি ( < নিষুপ্তিক ), উড়িষ্যা ( < উড়ীবিষয়- ), আউষ ( < আ-বৃষ ) » ইত্যাদি। বিদেশী শব্দেও তদ্রূপ « স » বা « শ »-স্থলে কচিৎ « ষ » মিলে; যথা—« মুষলমান ( 'মুসল-

মান'-স্থলে), কানখুক্ষি ('খুশ্'কি' স্থলে), জিনিষ (=জিনিস), বারকোষ (=কোশ), বালাপোষ, তক্তপোষ, খরগোষ (সর্বত্র 'শ'-স্থলে 'ষ'-ই সাধারণ); বুরুয (brush ব্রাশ্) » ইত্যাদি। কতকগুলি প্রাকৃত-জ শব্দে «ষ» এক রকম সুদৃঢ়-ভাবেই বাঙ্গালা বানানে গৃহীত হইয়া গিয়াছে। কিন্তু বিদেশী শব্দে «ষ» না লিপিয়া, উচ্চারণ-অনুসারে «স» বা «শ» লেখাই উচিত।

সংস্কৃতে «ট»-এর পূর্বে কেবল «ষ» ব্যবহৃত হয়—«ষ্ট» ; সেই জন্য ইংরেজী শব্দে st অর্থাৎ [স্ট] থাকিলে, «স্ট» না লিপিয়া সাধারণতঃ «ষ্ট» লেখা হয় : «ষ্টেশন, খ্রীষ্ট» ।

### ষত্ব-বিধানের নিয়ম

[১] ঋ-কারের পরে «ষ» হয়; যথা—«ঋষি, বৃষ, ঋষভ, বৃষ্টি» ইত্যাদি।

[২] «অ, আ» ভিন্ন স্বর, এবং «ক» ও «র»—এই কয়টি বর্ণের পরে প্রত্যয়াদির দন্ত্য-স আসিলে, তাহা মূর্ধন্ত-ষ-য়ে পরিবর্তিত হয়; যথা—«কল্যাণীয়েষু (কিন্তু খ্রীলিঙ্গে 'কল্যাণীয়াসু'), মূর্ধু, মূর্ধু, চিকীর্ষা» ইত্যাদি।

ব্যত্যয়ঃ—কিন্তু 'সাৎ' প্রত্যয়ের 'স', মূর্ধন্ত 'ষ' হয় না—'ভূমিসাৎ', অগ্নিসাৎ'।

উপসর্গের ই-কার ও উ-কারের পরস্থিত কতকগুলি ধাতুর দন্ত্য-স মূর্ধন্ত-ষ হয়; যথা—«অভি + √সিচ্ >সেক্ + অ = অভিষেক; স্থা + অন = স্থান, কিন্তু অধি + স্থান = অধিষ্ঠান, অনু + স্থান = অনুষ্ঠান, প্রতি + স্থিত = প্রতিষ্ঠিত; নি + স্নাত = নিকাত; সিদ্ধ—কিন্তু নিষিদ্ধ, নিষেধ; সন্ন—নিষন্ন» ইত্যাদি। কতকগুলি ধাতুতে কখনও-কখনও «স» এইরূপে «ষ» হয়, কিন্তু সর্বত্র নয়; যথা—«অনুসন্ধান, বিসর্গ, অনুস্মার» ইত্যাদি।

[৩] দুইটি পদ সমাস-যুক্ত হইয়া একটি শব্দ হইয়া গেলে, প্রথম পদের শেষে «ই, উ, ঋ, ও» থাকিলে, পরবর্তী পদের আশ্রয় «স», «ষ»-য়ে পরিবর্তিত হয়; যথা—«যুধি + স্থির = যুধিষ্ঠির; অগ্নি + স্তোম = অগ্নিষ্টোম; সূ + সূ = সূচু; মাতৃ + স্বসা = মাতৃষসা; পিতৃ + স্বসা = পিতৃষসা; গো + স্থ = গোষ্ঠ; হরি +

সেন—হরিশেণ; সু+সমা = সুসমা; সু+সেন = সুসেন; বি+সম = বিষম »  
ইত্যাদি।

দ্রষ্টব্য :- সংস্কৃত হইতে গৃহীত কয়েকটি শব্দে স্বভাবতঃই 'ব' ব্যবহৃত হয় :-

« আবাঢ়, ঈষৎ, ঈর্ষা (ঈর্ষ্যা), উষা (উষা), উষর, উষ, ইষ্ ধাতু, ওষধি, ওষধ, কোষ, কর্ষণ, গণ্ডুষ, গ্রীষ্ম, ঘর্ষণ, তুষার, তুষ, তুষ্ ধাতু, দুষ্ ধাতু, নিকষ, পরুষ, পুরুষ, পুষ্প, প্রতুষ (প্রতুষ), প্রদোষ, পাষণ, পুষ্ ধাতু, পৌষ, ভীষ্ম, ভূষণ, ভাষা, ভীষক্, মেঘ, মহিষ, মহিষী, মুষিক (মুযীক), যুষ, রোষ, বিশেষ, বিশেষণ, বিষ, বিষাণ, বর্ষণ, শেষ, শোষ, শ্লেষ, শ্লেষ্মা, ঘট, মোডশ, ষণ্ড, সর্ষণ, হর্ষ » ইত্যাদি।

## [২] সন্ধি (Liaison বা Assimilation)

দুইটি ( বা কচিং দুইটির অধিক ) ধ্বনি একই পদে বা দুইটি বিভিন্ন পদে পাশাপাশি অবস্থান করিলে, দ্রুত উচ্চারণের কালে সেই দুইটির মধ্যে আংশিক বা পূর্ণ-ভাবে মিলন হয়, কিংবা একটির লোপ হয়, অথবা একটা অপরটির প্রভাবে পরিবর্তিত হয়। এইরূপ মিলন বা লোপ বা পরিবর্তনকে সন্ধি বলে।

সকল ভাষাতেই এইরূপ সন্ধি আছে, তবে সে সন্ধির নিয়ম ভাষাভেদে পৃথক্ হইয়া থাকে। সংস্কৃত ভাষায় উচ্চারণে যে পরিবর্তন ঘটিত, বানানে তাহা সম্পূর্ণরূপে প্রদর্শিত হইত। কিন্তু অনেক ভাষায় আবার সন্ধি-জাত মিলন বা লোপ অথবা উচ্চারণের পরিবর্তন, লেখায় দেখানো-ই হয় না।

বাঙ্গালা সন্ধির দৃষ্টান্ত : কলিকাতার চলিত-ভাষায়, « দেই > দিই ( দর-সঙ্গতি ) > দি ( দুইটি ই-কারে মিলিয়া একটা ই-কারে পরিবর্তন ) : জুয়া > জুও > জো ( দর-সঙ্গতি এবং তৎপরে সন্ধিতে উ-কার লোপ ) : বিয়া > বিয়ে > বো > বে ; দিয়া > দিয়ে > ছো > দে ; কোথা যাবে > [ কোজ্জাবে ] ( থা-এব আ-কারের লোপ, পরে পরবর্তী য-কারের প্রভাবে থ-এব পরিবর্তন ) পাঁচ সের ( উচ্চারণে [ শের ] ) > [ পাঁশ-শের ] ( শ-এর প্রভাবে চ-এর পরিবর্তন ) : বড়-ঠাকুর > বড়-ঠাকুর ( ড-কারের অ-লোপ, পরে ঠ-এর প্রভাবে ড-এর ট-তে পরিবর্তন ) : পাঁচ জন > [ পাঁজন ] ✓ হাত-ধরা > [ হাকরা ] ; মেথ করেছে > [ মেকোরেছে ] ইত্যাদি উচ্চারণ আমরা সর্বদা কানে শুনি, কিন্তু লেখায় কখনও প্রদর্শন করি না। ইংরেজী সন্ধির দৃষ্টান্ত : extraordinary—উচ্চারণে

[ikstrordinari] ( a এবং o-র সন্ধিতে প্রথম স্বর-ধ্বনির লোপ ) ; drawers—উচ্চারণে [drōz] ( draw-শব্দের অ-ধ্বনি ও -ers প্রত্যয়ের স্বর-ধ্বনির সন্ধি ) ; five pence [faiv + pens]—উচ্চারণে [faif pens], p-র প্রভাবে পূর্বের v-র f-এ পরিবর্তন ; begged—উচ্চারণে [begd = বেগ্‌ড], -ed প্রত্যয়ের d-র ঘোষ-ধ্বনি, g বা গ-এর ঘোষ-ধ্বনির সাহায্যে এখানে অবিকৃত ; কিন্তু locked উচ্চারণে [lukt = লুক্‌ট]—এখানে অঘোষ k-র প্রভাবে -ed-র d-ধ্বনির অঘোষ t-তে পরিবর্তন ; horse + shoe—উচ্চারণে [hōrs-shu] না হইয়া [hōrshshu, hōshshu] « হস্‌ শু » স্থানে « হর্শ্‌ শু » বা « হশ্‌ শু » ।

খাঁটি বাঙ্গালা সন্ধিরও নিয়ম আছে ; বাঙ্গালা উচ্চারণ-রীতি, পূর্বে যাহা আলোচিত হইয়াছে, তাহার সহিত বাঙ্গালার সন্ধির নিয়ম জড়িত । কিন্তু বাঙ্গালা শব্দের উচ্চারণে যে সন্ধি আসিয়া যায়, সাধারণতঃ বানানে তাহা লেখা হয় না । খাঁটি বাঙ্গালা সন্ধি-তত্ত্ব এখনও কতকটা আলোচনা ও গবেষণার বাত্পার হইয়া আছে । তবে এইটুকু প্রণিধান করা আবশ্যিক—বাঙ্গালার উচ্চারণ-রীতি, সংস্কৃতের উচ্চারণ-রীতি হইতে নানা বিষয়ে পৃথক বলিয়া, সংস্কৃত সন্ধির নিয়ম বাঙ্গালার পক্ষে খাটে না—বাঙ্গালা সন্ধির অন্ত নিয়ম আছে । এগুলি পরে উল্লিখিত হইয়াছে ( ‘সন্ধির পরিশিষ্ট’ অংশে ) ।

বাঙ্গালা ভাষায় সংস্কৃত শব্দ একক পাওয়া যায়, আবার অস্থ শব্দের সহিত সমস্ত বা মিলিত অবস্থাতেও পাওয়া যায় । এই মিলিত রূপে, সন্ধি-হেতু মূল শব্দগুলির ধ্বনি ও তদবলধনে সেগুলির বানান অনেক সময়ে বদলাইয়া যায় বলিখ ( এবং ভাষায় আগত সংস্কৃত শব্দের সংযোগে আবশ্যিক-মত নূতন শব্দ-সৃষ্টি হইলে, সংস্কৃতের নিয়ম-অনুসারে তাহাদের সন্ধি হয় বলিয়া ), বাঙ্গালা ভাষায় প্রবিষ্ট সংস্কৃত শব্দের আলোচনায় তাহাদের সন্ধির নিয়মও জানা আবশ্যিক ; যেমন—সংস্কৃত « অতি » ও « আচার » এই দুইটা শব্দ পৃথক্ ভাবে বাঙ্গালায় পাওয়া যায় ; কিন্তু « অতি » ও « আচার » [ati + āchāra] মিলিয়া হইল « অত্যাচার » ; প্রাচীনকালে « অত্যাচার »-এর উচ্চারণ ছিল কতকটা যেন [ অৎ-ইয়া-চার, at-iā-chā-ra, at-yā-chā-ra ], কিন্তু এখন বাঙ্গালায় ইহার উচ্চারণ দাঁড়াইয়াছে [ ওৎ-ত্যা-চার, ot-tā-char ] (পূর্ব-বঙ্গে [ অইত্যাচার, oit-ta-tsar ] ) । « অত্যাচার » শব্দের গঠন বুঝিতে হইলে, সংস্কৃতে « ই » ও « আ » পর-পর আসিলে মিলিয়া যে « য়া » হয়, এবং এই « য়া », য-ফলার রূপ ধারণ করিয়া পূর্ব বাঙ্গলার সহিত যুক্ত হয়, এই সন্ধি-নিয়ম জানিতে হইবে । « উপরি + উপরি [= upari + upari > upary-upari, uparyy-

[upari] », বানানে « উপযুপরি, উপযুপরি », আধুনিক উচ্চারণে পশ্চিম বঙ্গের সাধু-ভাষায় [uporjupori], পূর্ব-বঙ্গে [upoirdzupori]। এইরূপে এখন প্রাচীন সংস্কৃত ধরণে উচ্চারণ করা হয় না বলিয়া, সন্ধির সার্থকতা সহজে বোঝা যায় না এবং নিয়মগুলি কিছু কষ্ট-সহকারে মনে রাখিতে হয়। প্রাচীন উচ্চারণ ধরিয়া জিনিসটী আলোচনা করিলে, সন্ধি-প্রকরণ অতি সহজ-বোধ্য হইয়া যায়। অশ্ব উদাহরণ—« বধু+আগমন (wadhū+āgamana)=বধ্বাগমন », প্রাচীন উচ্চারণে [বধ্বাগমন]=[wadhvāgamana]; এখন বাঙ্গালায় ইহার উচ্চারণ দাঁড়াইয়াছে [বোধধাগমোন]=[boddhagōmon]; « নৌ=ইক » হইতে « নাবিক » [nāu+ika=nāwika], এখনকার বাঙ্গালার উচ্চারণে আর অন্তঃস্থ ব-কার নাই—বর্গীয়-ব হইয়াছে, [nābik]; « সাধু+ঈ=সাধ্বী » [sādhu+i=sādhwi], এখন বাঙ্গালা উচ্চারণে [shāddhi]; « তৎ+শক্তি=তচ্ছক্তি »; « মনঃ+গত>মনোগত » ইত্যাদি। ভাষায় আগত সংস্কৃত শব্দের সন্ধির উদাহরণ—Cape of Good Hope-এর অনুবাদ, « উত্তম-আশা অন্তরীপ—উত্তমাশা অন্তরীপ »; « ভারত+ঈশ্বরী=ভারতেশ্বরী; বঙ্গেশ্বর; বিচার+আলয়=বিচারালয় » ইত্যাদি।

! স্বর-বর্ণে স্বর-বর্ণে মিলিয়া যে সন্ধি হয় তাহার নাম স্বর-সন্ধি; ব্যঞ্জন-বর্ণে এবং ব্যঞ্জন-বর্ণে বা স্বর-বর্ণে মিলিয়া যে সন্ধি হয়, তাহার নাম ব্যঞ্জন-সন্ধি।

### [২ক] স্বর-সন্ধির নিয়ম

এখানে মনে রাখিতে হইবে যে, সংস্কৃতে বাঙ্গালার মত দুইটা স্বর-ধ্বনি পাশাপাশি থাকিতে পারে না—পাশাপাশি আসিলেই তাহাদের সংযোগে একটা অক্ষরের সৃষ্টি হয়। « এ, ও » মূলে ছিল « অই, অউ » এবং « ঐ, ঔ » ছিল « আই, আউ »—সন্ধিতেই এই চারিটা বর্ণের এই প্রকৃতি প্রকট হয়।

! কেবল দুই-চারিটা বিশেষ স্থলে সংস্কৃত ভাষায় দুইটা স্বর পাশাপাশি থাকিলেও সন্ধি করা হয় না। এইরূপ স্বরকে প্রাগৃহ বলে; যথা—« কবী+এতৌ=কবী এতৌ; সাধু+ইমৌ=সাধু ইমৌ »।

[১] দুইটা পদে বা পদাংশে, একই স্বর-বর্ণ, হ্রস্ব-ভাবেই হউক বা দীর্ঘ-ভাবেই হউক, পর-পর বা পাশাপাশি অবস্থান করিলে, এই উভয় অবস্থান মিলিয়া উক্ত স্বর-বর্ণের দীর্ঘ-রূপে পরিণতি হয়, এবং এই দীর্ঘ স্বরে পদ বা পদাংশ দুইটা মিলিত হয়; যথা—

অ + অ = আ : বেদ + অস্ত > বেদাস্ত ; ধর্ম + অধর্ম > ধর্মধর্ম ; অন্ত + অন্ত > অন্তান্ত ; অপর + অপর > অপরাপর ; বর + অভয় > বরাভয় ; নব + অন্ন > নবান্ন ; নর + অধম > নরাধম ; ইত্যাদি ।

অ + আ = আ : দেব + আলয় > দেবালয় ; জল + আশয় > জলাশয় ; হিম + আলয় > হিমালয় ; ঈশ্বর + আদেশ > ঈশ্বরাদেশ ; চন্দ্র + আনন > চন্দ্রানন ; পুস্তক + আগার > পুস্তকাগার ; ইত্যাদি ।

আ + অ = আ : আশা + অতিরিক্ত > আশাতিরিক্ত ; আজ্ঞা + অধীন > আজ্ঞাধীন ; বিজ্ঞা + অলঙ্কার > বিজ্ঞালঙ্কার ; মহা + অর্ণব > মহার্ণব ; নিন্দা + অর্হ > নিন্দার্হ ; হত্যা + অপরাধ > হত্যাপরাধ ।

আ + আ = আ : দয়া + আর্দ্র > দয়ার্দ্র ; মহা + আশয় > মহাশয় ; বিজ্ঞা + আলয় > বিজ্ঞালয় ; শিলা + আসীন > শিলাসীন ; মাত্রা + আধিক্য > মাত্রাধিক্য ; আশা + আনন্দ > আশানন্দ ।

ই + ই = ঐ : গিরি + ইন্দ্র > গিরীন্দ্র ; অতি + ইষ্ট > অতীষ্ট ; অতি + ইত > অতীত ; মুক্তি + ইচ্ছা > মুক্তীচ্ছা ।

ই + ঐ = ঐ : ক্ষিতি + ঐশ > ক্ষিতীশ ; প্রতি + ঐক্ষা > প্রতিক্ষা ; অধি + ঐশ্বর > অধীশ্বর ।

ঐ + ই = ঐ : শচী + ইন্দ্র > শচীন্দ্র ; মহী + ইন্দ্র > মহীন্দ্র ।

ঐ + ঐ = ঐ : সতী + ইশ > সতীশ ; রজনী + ঐশ > রজনীশ ।

উ + উ = উ : সূ + উক্ত > সূক্ত ; ভাসু + উদয় > ভানুদয় ; গুরু + উপদেশ > গুরুপদেশ ; সাধু + উত্তম > সাধুত্তম ।

উ + উ = উ : লঘু + উর্মি > লঘূর্মি ।

উ + উ = উ : ভূ + উর্ধ্ব > ভূর্ধ্ব ।

ঋ + ঋ = ঋ : পিতৃ + ঋণ > পিতৃণ ।

[২] « অ » বা « আ » পূর্বে থাকিলে, পরবর্তী স্বর যদি « ই » বা « ঐ » হয়, তাহা হইলে উভয়ে মিলিয়া « এ » হয় ; যদি « উ » বা « ঊ » হয়, তাহা



হইলে উভয়ে মিলিয়া « ও » হয় ; « ঋ » হইলে, « অব্ » হয় ; « ঞ » হইলে, « অন্ » ; এবং « এ » বা « ঐ » হইলে, « ঐ » হয় ; এবং « ও » বা « ঔ » হইলে, « ঔ » হয় ; যথা—

অ + ই, ঐ = এ : দেব + ইন্দ্র > দেবেন্দ্র ; রাজ + ইন্দ্র > রাজেন্দ্র ; পূর্ণ + ইন্দু > পূর্ণেন্দু ; গণ + ইশ > গণেশ ; পরম + ঈশ্বর > পরমেশ্বর ।

আ + ই, ঐ = এ ; যথা + ইষ্ট > যথেষ্ট ; উমা + ঈশ > উমেশ ; রমা + ঈশ > রমেশ ।

অ + উ, উ = ও : হিত + উপদেশ > হিতোপদেশ ; সূর্য + উদয় > সূর্যোদয় ; পর্বত + উর্ধ্ব > পর্বতোর্ধ্ব ; এক + উনবিংশতি > একোনিবিংশতি ।

আ + উ, উ = ও : মহা + উদয় > মহোদয় ; মহা + উৎসব > মহোৎসব ; মহা + উর্মি > মহোর্মি ।

অ + ঋ = অব্ : দেব + ঋষি > দেবর্ষি ।

আ + ঋ = অব্ : মহা + ঋষি > মহর্ষি ।

এই নিয়মের ব্যত্যয় : « পরম—ঋত—পরমত »—« অ+ঋ—অব্ » ; কিন্তু « শীত+ঋত—শীতাত্, ক্ষুধা+ঋত—ক্ষুধাত্ »—এই দুইটা শব্দে, 'শীত বা ক্ষুধার দ্বারা কাতর ( ঋত )', এই অর্থে তৃতীয়া-তৎপুরুষ সমাস হওয়ার কারণে, বিশেষ-ভাবে এই দুই শব্দে « অ, আ+ঋ »—« অব্ » না হইয়া, বৃদ্ধি হইয়া « আর্ » হয় । ]

অ + এ, ঐ = ঐ : এক + এক > একৈক্য ; তিত + এষী > তিতৈষী ; রাজ + ঐশ্বর্য > রাজৈশ্বর্য ; গত + ঐক্য > গতেক্য ।

আ + এ, ঐ = ঐ : সদা + এব > সদৈব ; মহা + ঐশ্বর্য > মহৈশ্বর্য ।

অ + ও, ঔ = ঔ : মাংস + ওদন > মাংসৌদন ; দিব্য + ঔষধ > দিব্যৌষধ ।

আ + ও, ঔ = ঔ ; মহা + ঔষধ > মহৌষধ ।

[৩] পূর্বে যদি « ই ঐ, উ উ, বা ঋ » থাকে, এবং পরে যদি অন্ত স্বর-বর্ণ আসে, তাহা হইলে « ই ঐ » স্থানে « য ( য-কলা ) », « উ উ » স্থানে « ব ( = অন্তঃস্থ র, ব-কলা ) », এবং « ঋ » স্থানে « র

( র-কলা ) » হয় ; এই « য, ব, র » ( কলা-রূপে ) পূর্ববর্তী ব্যঞ্জনের সহিত যুক্ত হয় । যথা—

ই, ঈ+অ, আ, উ, উ, ঋ, এ, ঐ, ও, ঔ : অতি+অন্ত>অত্যন্ত ; অতি+আচার>অত্যাচার ; উপরি+উপরি>উপর্যুপরি ( অর্থাৎ উপর্যুপরি ) ; প্রতি+উত্তর>প্রত্যুত্তর ; অতি+উর্ধ্ব>অতুর্ধ্ব ; প্রতি+এক>প্রত্যেক ; অতি+ঐশ্বর্য>অতৈশ্বর্য ; ইতি+ওম্>ইতোম ; নদী+অনু>নগ্নু ; নদী+উপকণ্ঠ>নহ্যপকণ্ঠ ; ইত্যাদি ।

উ, উ+অ, আ, ই, ঈ, ঋ, এ, ঐ, ও, ঔ : অহু+অয় > অহয় ; সু+আগত > স্বাগত ; অহু+ইত > অহিত ; বহু+ঋচ=বহুচ ; অহু+এষণ > অহেষণ ; পশু+অধয় > পশ্বধম ; বধু+আনয়ন > বধ্বানয়ন ; ইত্যাদি ।

ঋ+অ, আ, ই, ঈ, উ, উ, এ, ঐ, ও, ঔ : পিতৃ+অহুমতি>পিত্রহুমতি ; পিতৃ+আলয়>পিত্রালয় ; মাতৃ+উপদেশ>মাত্রপদেশ ; ইত্যাদি ।

[৪] পূর্বে « এ ঐ, ও ঔ » থাকিলে, পরবর্তী যে-কোন স্বরের যোগে « এ ঐ ( অর্থাৎ সন্ধাক্ষর অই, আই ) » স্থলে « অয়, আয়্ » এবং « ও ঔ ( অর্থাৎ সন্ধাক্ষর অউ, আউ ) » স্থলে « অব্, আব্ ( অর্, আর্ ) » হয় । এইরূপ সন্ধি, বাঙ্গালায় দুইটা বিভিন্ন পদের মিলনে হয় না—পদ-মধ্যে ধাতুর সহিত প্রত্যয়ের যোগে সৃষ্ট শব্দে এইরূপ সন্ধি পাওয়া যায় । যথা—« নে+অন>নয়ন ( অর্থাৎ নী ধাতুর গুণ—নই, সংক্ষেপে নে ; নে=নই+অন=নইঅন=নয়ন ) ; শে+অন=শয়ন ( শী ধাতুর গুণ—শে=শই+অন=শয়ন ) ; নৈ+অক>নায়ক ( নী ধাতুর বৃদ্ধি—নী=নাই ; নাই+অক=নায়ক ) ; গৈ+অক=(গাইঅক=গায়ক ; শ্রো+অন=শ্রবণ ( শ্র ধাতু হইতে শ্রউ বা শ্রর্+অন>শ্রবণ, শ্রবণ ) ; পো+অন>পবন ( পূ ধাতু>পো বা পউ—পউ+অন=পর্+অন>পবন ) ; গো+এষণা>গবেষণা ( গো=গউ বা গব্+এষণা=গবেষণা ) ; পৌ+অক>পাবক ( পূ—পৌ বা পাউ+অক>পার্+অক>পাবক, পাবক ) ; নৌ+

ইক > নাবিক ( নো = নাউ + ইক = নাউইক, নার্-ইক, নাবিক ) ; ভৌ + উক  
ভাবুক ( ভৌ = ভাউ + উক > ভার্ + উক, ভাবুক ) » ইত্যাদি ।

### স্বর-সন্ধির নিয়মের ব্যত্যয় ।

উপরের নিয়ম কয়টি, সংস্কৃতের স্বর-সন্ধির সাধারণ নিয়ম । এতদ্ভিন্ন, ঐ সকল নিয়মের প্রতিকূল  
সন্ধি কতকগুলি স্থলে দেখা যায় । ইহাদের কতকগুলির সম্বন্ধে সংস্কৃত ব্যাকরণকারগণ পৃথক্ নিয়ম  
উল্লেখ করিয়া গিয়াছেন ; আবার কতকগুলির সম্বন্ধে তাঁহারা বলিয়া গিয়াছেন যে এইকপ সন্ধি  
« নিপাতনে সিদ্ধ », অর্থাৎ নিয়ম-বহির্ভূত । সন্ধির ব্যত্যয়-কালে উদ্ভূত এইরূপ কতকগুলি শব্দ  
( বাঙ্গালায় যেগুলির ব্যবহার আছে ) নিম্নে প্রদত্ত হইল ।

ওষ্ঠ = বিদ্বোষ্ঠ » ( নিয়মাত্মসারে ), এতদ্ভিন্ন নিপাতনে « বিদ্বোষ্ঠ » ; তদ্রূপ  
« রক্তোষ্ঠ, রক্তোষ্ঠ » ; « শুক্ + ওদন > শুক্কোদন » ; স্ব + ঈর > স্বৈর ( স্ত্রীলিঙ্গে  
স্বৈরিণী ) ; অক্ষ + উহিণী > অক্ষোহিণী ; অন্ত + অন্ত > অন্তান্ত, এবং অন্তোন্ত ;  
প্র + উচ > প্রৌচ ; সার + অঙ্গ > সারঙ্গ ; প্র + এষণ > প্রেষণ ; মনস্ + ঈষা >  
মনীষা ; গো + ঈশ্বর = গউ + ঈশ্বর - গর + ঈশ্বর = গবীশ্বর, অধিকন্তু নিয়মা-  
তিরিক্ত গবেশ্বর ; তদ্রূপ, গো + ইন্দ্র > গবেন্দ্র, গো + অক্ষ > গবাক্ষ » ।

### [২খ] ব্যঞ্জন-সন্ধি

[১] অঘোষ স্পর্শ-বর্ণের ঘোষ-বর্ণে পরিণতি—

[[ক] স্বর-বর্ণ পরে থাকিলে, পূর্বে অবস্থিত অঘোষ-বর্ণ « ক চ ট ত প »,  
যথাক্রমে ঘোষ-বর্ণ « গ জ ড (ড়) দ ব »-তে পরিণত হয় ; যথা—« বাক্ + ঈশ >  
বাগীশ ; দিক্ + অন্ত > দিগন্ত ; গিচ্ + অন্ত > গিজন্ত ; ক্ষট্ + আনন > ষড়ানন ;  
জগৎ + ঈশ্বর > জগদীশ্বর ; সুপ্ + অন্ত > সুবন্ত ; ষট্ + ঋতু > ষড়্ ঋতু, ষড়্ ঋতু »  
ইত্যাদি । কিন্তু « যাচ্ + অক > যাচক », « যাজক » নহে—এখানে এই  
নিয়মের ব্যত্যয় হইয়াছে ।

[খ] বর্ণের ঘোষ-বর্ণ ( তৃতীয় ও চতুর্থ বর্ণ—« গ ঘ ; জ ঝ ; উ চ ; দ ধ ;  
ব ভ » ) অথবা অন্তঃস্থ বর্ণ ( « য = ষ, র, ল, ব » ) পরে থাকিলে, « ক চ

ট ত প » ঘোষ-বর্ণে পরিণত হয় ; যথা—» দিক্+গজ>দিগ্গজ, দিগ্গজ ;  
বাক্+জাল বাগ্জাল ; প্রাক্+জ্যোতিষ>প্রাগ্জ্যোতিষ ; শ্রক্+ধরা>  
শ্রধরা ; ষট্+দর্শন>ষড়্দর্শন ; জগৎ+বকু>জগদ্বকু ; উৎ+ঘাটন>উদঘাটন ;  
উৎ+ভব>উদ্ভব ; মৃৎ+ভাণ্ড>মৃদ্ভাণ্ড ; অপ্+জ>অজ ; অপ্+ধি>অধি ;  
বৃহৎ+রথ>বৃহদ্রথ ; উৎ+যোগ>উদযোগ, উদ্যোগ ; উৎ+যম>উদ্যম ;  
ভরৎ+বাজ>ভরদ্বাজ ; বাক্+লোপ>বাগ্লোপ ; ষট্+বর্গ ষড়্‌বর্গ »  
ইত্যাদি ।

এই সম্পর্কে নিয়ে প্রদত্ত [ ৩ ক, খ, গ ] নিয়ম দ্রষ্টব্য ।

[গ] বর্ণের পঞ্চম বর্ণ অর্থাৎ নাসিক্য-বর্ণ « ঙ ঞ ণ ন ম » পরে থাকিলে,  
পূর্বাবস্থিত অঘোষ-বর্ণ « ক চ ট ত প » ঘোষ-বর্ণ « গ জ ড (ড়) দ ব »-তে  
পরিণত হয় ; অথবা বিকল্পে, স্বকীয় বর্ণের নাসিক্য বর্ণের সহিত সাক্ষ্য প্রাপ্ত হয় ;  
যথা—» দিক্+নাগ>দিগ্‌নাগ, অথবা দিঙ্‌নাগ ; দিক্+নির্ঘয়>দিগ্‌নির্ঘয়,  
দিঙ্‌নির্ঘয় ; ষট্+মাস>ষড়্‌মাস, ষণ্মাস ; জগৎ+নাথ>জগন্নাথ বা জগদনাথ ;  
পরিষদ্ বা পরিষৎ+মন্দির>পরিষদমন্দির, পরিষন্দির ; তদ্ বা তৎ+মধ্য  
>তদমধ্য, তন্মধ্য » ইত্যাদি । « -ময় » -প্রত্যয়ের ও « মাত্র » শব্দের পূর্বে কিন্তু  
কেবল পঞ্চম বর্ণ হয় ; যথা—» বাঙ্‌ময় ; মন্ময় ; চিন্ময় ; এতন্মাত্র » ইত্যাদি ।

পদের অন্তে স্থিত ত্-এর পরে « হ » থাকিলে, ত্-স্থানে « দ্ » ও হ-স্থানে  
« ধ » হয় ; যথা—» পৎ+হতি>পদ্ধতি ; উৎ+হত>উদ্ধত » ইত্যাদি ।

[২] ঘোষ স্পর্শ-বর্ণের অঘোষ-বর্ণে পরিণতি—

বর্ণের প্রথম বা দ্বিতীয় বর্ণ, কিংবা « স », পরে থাকিলে, বর্ণের তৃতীয় ও  
চতুর্থ বর্ণের স্থলে প্রথম বর্ণ হয় । বিশেষতঃ ত-বর্গ সম্পর্কে । যথা—» তদ্+  
কাল>তৎকাল ; তদ্+ত্ব>তৎত্ব = তত্ত্ব ; তদ্+পর>তৎপর ; তদ্+ফল  
>তৎফল ; তদ্+সম>তৎসম ; তদ্+সহিত>তৎসহিত ; ক্ষুধ্+পিপাসা>  
ক্ষুৎপিপাসা » ইত্যাদি ।

[৩] পরবর্তী বর্ণের সহিত সাক্ষ্য বা সাগোত্র্য লাভ—

[ক] ত-বর্গীয় বর্ণের চ-বর্ণের বর্ণের সহিত সাক্ষর্য বা সাগোত্র্য লাভ হয়। « চ বা ছ » পরে থাকিলে, « ত্ ও দ্ »-স্থলে « চ্ » হয় ; যথা—« সং + চরিত্র > সচ্চরিত্র ; বিপদ্ + চয় > বিপচ্চয় ; উৎ + ছেদ > উচ্ছেদ ; বিপদ্ + চিন্তা > বিপচ্চিন্তা »। « জ বা ঝ » পরে থাকিলে, « ত্ ও দ্ »-স্থানে « জ্ » হয় ; যথা—« উৎ + জল > উজ্জল, উজ্জল ; জগৎ + জন > জগজ্জন ; যাবৎ + জীবন > যাবজ্জীবন ; সং + জন > সজ্জন ; তদ্ + জন্ম > তজ্জন্ম ; কুৎ + ঝটিকা > কুজ্জটিকা ; পদ্ + ঝটিকা > পজ্জটিকা »। তালব্য-শ পরে থাকিলে, ক-বর্ণের বর্ণের স্থানে « চ্ » হয়, এবং « চ্ » ও তালব্য-শ, « চ্ছ »-য়ে পরিণত হয় ; যথা—« উৎ + শঙ্খল > উচ্ছ্খল ; চলৎ + শক্তি > চলচ্ছক্তি ; তদ্ + শক্তি > তচ্ছক্তি ; উৎ + শ্বাস > উচ্ছ্বাস » ইত্যাদি। চ-বর্ণের পরে « ন » থাকিলে, তাহা « ঞ » হইয়া যায় ; যথা—« যাচ্ + না > যাঞ্ছা ; রাজ্ + নী > রাজ্ছী » ; কিন্তু পূর্বে তালব্য-শ থাকিলে, এই দন্ত্য-ন পরিবর্তিত হয় না ; যথা—« প্রশ্ন » ।

[খ] ত-বর্গীয় বর্ণের ট-বর্ণে পরিবর্তন :—

ত-বর্গ ট-বর্ণের পূর্বে আসিলে, ট-বর্ণে পরিণত হয় ; যথা—« উৎ + টলন > উটলন ; উৎ + ডীন > উড্ডীন ; বৃহৎ + ঢকা > বৃহড্ঢকা ; তদ্ + টীকা > তট্টীকা » ইত্যাদি। যুক্ত ষ-এর পরে ত-বর্গ আসিলে, ট-বর্ণে পরিণত হয় ; যথা—« আ + কৃষ্ + ত > আকৃষ্ট ; দৃশ্ = দৃষ্ + তি > দৃষ্টি ; ষষ্ + থ > যষ্ঠ ; সৃজ্ = সৃষ্ + তা > সৃষ্টা ; প্র-বিশ্ = প্রবিষ্ + ত > প্রবিষ্ট » ইত্যাদি।

[গ] « ল » পরে থাকিলে, পূর্ববর্তী « ত্ » ও « দ্ », ল-এর সহিত সাক্ষর্য লাভ করে :—« উৎ + লেখ > উল্লেখ ; উৎ + লক্ষ > উল্লক্ষ ; তদ্ + লোক > তল্লোক ; সম্পদ্ + লাভ > সম্পল্লাভ » ইত্যাদি। দন্ত্য-ন-ও « ল » হইয়া যায়, কিন্তু ইহার অনুনাসিকত্ব একেবারে যায় না, উহা চন্দ্রবিন্দু-তে পরিণত হয় ; যথা—« বিদ্বান্ + লোক > বিদ্বাল্লোক » ।

[৪] নাসিকা ও অনুস্বার—

[ক] স্পর্শ-বর্ণ পরে থাকিলে, পদের অন্তস্থিত « ম্ », যে বর্ণের বর্ণ পরে থাকে সেই বর্ণের পঞ্চম বা নাসিক্য বর্ণে পরিণত হয় ; বিকল্পে এই নাসিক্য বর্ণকে অম্মস্বার-রূপেও লেখা যায় ; যথা—« সম্+কলন > সঙ্কলন, সংকলন ; সম্+গীত > সঙ্গীত = সঙ্গীত, বা সংগীত ; সম+ঘাত > সঙ্ঘাত, সংঘাত ; বরম্+চ > বরঞ্চ ; সম্+চয় > সঞ্চয় ; কিম্+চিং > কিঞ্চিং ; সম্+তাপ > সন্তাপ ; বসুম্+ধরা > বসুধরা ; সম্+ধান > সঙ্ধান ; সম্+শ্রাসী > সশ্রাসী ; কিম্+নর > কিন্নর ; কিম্+পুরুষ > কিম্পুরুষ, কিংপুরুষ ; কিম্+ভূত > কিস্তৃত, কিংভূত ; সম্+মান > সন্মান » ইত্যাদি ।

পদের মধ্যো ত-এর পূর্বে ম্-স্থানে এইরূপে « ন্ » হয়, যথা—« গম্+তবা > গম্ভব্য ; শম্=শাম্+ত > শান্ত ; কিম্+তু > কিস্তু ; পরম্+তু > পরস্তু ; নি+য়ম্+তা ( তু ) > নিয়ন্তা » ইত্যাদি ।

[খ] অন্তঃস্থ- বা উষ্ম-বর্ণ ( « য, র, ল, ব ; শ, ষ, স ; হ » ) পরে থাকিলে, পদের অন্তস্থিত ম্-স্থানে অম্মস্বার হয় ; যথা—« সম্+যোগ > সংযোগ ; সম্+রক্ত > সংরক্ত ; সম্+লগ্ন > সংলগ্ন ; সম্+শয় > সংশয় ; সর্বম্+সহা > সর্বংসহা ; সম্+হার > সংহার » ইত্যাদি । [ কেবল « সম্+√রাজ্ »—এইখানে এই নিয়মের ব্যত্যয় হয়—« সংরাজ্ » না হইয়া « সম্রাজ্ » হয়, ম্-কার অবিকৃত থাকে । ]

এই নিয়ম-অনুসারে, অন্তঃস্থ-ব (w)-এর পূর্বে অম্মস্বার হওয়া উচিত : « সংবাদ, কিংবা, প্রিয়বদা, বশবদ, স্বয়ংবরা, সংবরণ » ইত্যাদি শব্দ, প্রাচীন সংস্কৃত উচ্চারণে ও লিখনে অম্মস্বার যুক্ত হইত । কিন্তু বাঙ্গালায় অন্তঃস্থ-ব-এর প্রাচীন w ( বা. v ) ধ্বনি পরিবর্তিত হইয়া, ওষ্ঠ্য বর্ণানু-ব বা b হইয়া গিয়াছে, এবং এই b-এর প্রভাবে পড়িয়া পূর্ববর্তী অম্মস্বার ওষ্ঠ্যবর্ণ ম্-হইয়া গিয়াছে—এবং তদনুসারে বাঙ্গালী অক্ষরে বানানোও বহুশঃ « সম্বাদ, কিংবা, প্রিয়বদা, বশবদ, স্বয়ংবরা, সংবরণ » দৃষ্ট হয় । « ংব » স্থলে « ষ » লেখার কারণ—এই উচ্চারণের পরিবর্তন । কিন্তু এ ক্ষেত্রে এখনও বাঙ্গালার সংস্কৃত-ভাষার রীতি-অনুসারে « ংব » দিয়া এই-রূপ শব্দ লেখা অধিকতর শিষ্ট-রীতি-সম্মত বলিয়া বিবেচিত হওয়ার, « ংব » লেখাই ভাল ।

[গ] দন্ত্য-ন-এর পরে উষ্ম-বর্ণ « য, র, ল, ব, শ, ষ, স, হ » থাকিলে, এই « ন্ » অম্মস্বার

হইয়া যায় ; যথা—« $\sqrt{\text{দনশ}} > \text{দংশ}$  ;  $\sqrt{\text{শনস্}} > \text{শস্}$ —প্রশংসা ;  $\sqrt{\text{জিঘানস্}}$ —  
জিঘাংস ;  $\text{বনহিত} > \text{বুংহিত}$  » ইত্যাদি ।

[৫] স্বর-বর্ণের পরে « ছ » আসিলে, ছ-স্থানে « চ্ছ » হয় ; যথা—« পরি  
+ ছেদ > পরিচ্ছেদ ; বৃক্ষ, তরু, বট + ছায়া > বৃক্ষছায়া, তরুছায়া, বটছায়া ;  
অব + ছেদ > অবচ্ছেদ ; বি + ছেদ > বিচ্ছেদ ; পরি + ছেদ = পরিচ্ছেদ ; মধু +  
ছন্দস্ > মধুচ্ছন্দাঃ ( ব্যক্তির নাম ) ; গায়ত্রী + ছন্দস্ = গায়ত্রীচ্ছন্দঃ ; ভাষা +  
ছন্দস্ > ভাষাচ্ছন্দঃ » ইত্যাদি ।

[৬] উৎ-উপসর্গের পরে স্থা-ধাতু ও স্তনভ-ধাতুর স-কার লোপ হয় ; যথা—  
« উৎ + স্থান > উথান ; উৎ + স্থাপন > উথাপন ; উৎ + স্তনভ > উস্তনভ » ।

[৭] « সম্ » ও « পরি » উপসর্গদ্বয়ের পরে ক্র-ধাতু আসিলে, ধাতুর পূর্বে  
স-কারের আগম হয় ; যথা—« সম্ + কৃত > সংস্কৃত ; সম্ + কার > সংস্কার ;  
পরি + কার > পরিস্-কার পরিষ্কার ( ষত্ব-বিধান-অনুসারে দন্ত্য-স-স্থানে মূর্ধন্ত্ব-ধ—  
পূর্বে দ্রষ্টব্য ) » ইত্যাদি ।

[৮] হ-কারের পূর্বে « ত্ » থাকিলে, « ত্ »-স্থানে « দ » হয়, « দ্ »  
অবিকৃত থাকে, এবং হ-কার, ধ-য়ে পরিবর্তিত হয় ; যথা—« ৎ + হ, দ্ + হ  
ক্ষ : উৎ + হত > উদ্ধত ; তদ্ + হিত > তদ্বিত » ।

[৯] পদের মধ্যে « ঘ ( হ-কারের সহিত সংযুক্ত ), « ধ » এবং « ভ »-য়ের  
পরে ত-কার আসিলে, « ঘত ( হত ), ধত, ভত » যথাক্রমে « গ্ধ ( ক্ষ ),  
ম্ধ ( ক্ধ ), ব্ধ ( ক্ধ ) »-তে পরিণত হয় ; যথা—« হৃহ্ + ত > হৃঘ্ + ত > হৃধ্ধ ;  
দহ্ + ত > দঘ্ + ত > দধ্ধ ; বৃধ্ + ত > বৃধ্ধ ; লভ্ + ত > লধ্ধ » ইত্যাদি ।

[১০] বিসর্গ-সংক্রান্ত সন্ধি—

[ক] পদের অন্ত্যস্থিত « ব্ » ও « স্ ( ষ ) »-স্থানে সংস্কৃতে বিসর্গ হয় ;  
যথা—« অহন, অহব্—অহঃ ; অন্তব্—অন্তঃ ; মনস্—মনঃ ; বয়স্—বয়ঃ ; আশিস্,  
আশিব্—আশীঃ, আশীব্ » । র-স্থানে যে বিসর্গ হয়, তাহাকে র-জাত বিসর্গ,  
ও স-স্থানে যে বিসর্গ হয়, তাহাকে স-জাত বিসর্গ বলে । বাঙ্গালায় এই

অন্ত্য বিসর্গ উচ্চারিত হয় না। ( কিন্তু « বয়স = বয়ঃ » শব্দের স-কারকে অ-কারান্ত-বৎ করিয়া, বাঙ্গলায় « বয়স » শব্দ গঠিত হইয়াছে। )

[খ] বিসর্গ-যোগে অ-কারের ও-কারে পরিবর্তন—

(/০) অ-কারের পরে বিসর্গ থাকিলে এবং অ-কার পরে থাকিলে, পূর্ব অ-কার ও বিসর্গ উভয়ে মিলিয়া ও-কার হয়, ও-কার পূর্ববর্ণে যুক্ত হয়, এবং পরবর্তী অ-কারের লোপ হয়; এই লুপ্ত অ-কার কখনও কখনও « হ » অক্ষর দ্বারা প্রদর্শিত হয়; যথা—« বয়ঃ + অধিক > বয়োহধিক, বয়োধিক; ততঃ + অধিক > ততোহধিক, ততোধিক; যশঃ + অভিলাষ > যশোহভিলাষ, যশোভিলাষ » ইত্যাদি।

(২) বর্ণের তৃতীয়, চতুর্থ ও পঞ্চম বর্ণ কিংবা « য, র, ল, ব, হ » পরে থাকিলে, অ-কার ও অ-কারের পরস্থিত বিসর্গ, উভয়ের স্থানে ও-কার হয়, ও-কার পূর্ববর্ণে যুক্ত হয়; যথা—« মনঃ + গত > মনোগত; মনঃ + মোহন > মনোমোহন; মনঃ + যোগ > মনোযোগ; অধঃ + মুখ > অধোমুখ; পুরঃ + হিত > পুরোহিত; মনঃ + রম > মনোরম; সন্ধ্যঃ + জাত > সন্ধ্যোজাত; মনঃ + জ > মনোজ; সরঃ + জ > সরোজ; সরঃ + বর > সরোবর » ইত্যাদি।

[গ] বিসর্গ ও « র »—

(/০) স্বরবর্ণ, বর্ণের তৃতীয় চতুর্থ ও পঞ্চম বর্ণ, অথবা « য, র, ল, ব, হ » পরে থাকিলে, « অ, আ » ভিন্ন স্বরের পরস্থিত বিসর্গ-স্থানে « র্ » হয়; « র্ » পরবর্তী স্বরে যুক্ত হয়, কিংবা রেফ-রূপে পরবর্তী ব্যঞ্জনের সহিত সংযুক্ত হয়; যথা—« নিঃ + অবধি > নিরবধি; নিঃ + আকার > নিরাকার; হৃঃ + আত্মা > হুরাত্মা; হৃঃ + অপনেয় > হুরপনেয়; চক্ষুঃ + উন্মীলন > চক্ষুর্ন্মীলন; বহিঃ + গমন > বহির্গমন; নিঃ + গত > নির্গত; হৃঃ + গতি > হৃর্গতি; নিঃ + ঘোষ > নির্ঘোষ; নিঃ + ঝর > নির্ঝর; নিঃ + জল > নির্জল; হৃঃ + দম > হৃর্দম;



হুঃ+বোধ > হুবোধ ; আবিঃ+ভাব > আবির্ভাব ; প্রাহুঃ+ভাব > প্রাহুর্ভাব ; হুঃ+যোগ > হুর্যোগ ; আশীঃ+বাদ, বচন > আশীর্বাদ, আশীর্বচন ; হুঃ+অবস্থা > হুরবস্থা ; জ্যোতিঃ+ইন্দ্র > জ্যোতিরিন্দ্র ; মুহুঃ+মুহুঃ > মুহুর্মুহুঃ ; চতুঃ+ভুজ, হস্ত > চতুর্ভুজ, চতুর্হস্ত » ইত্যাদি ।

(৯০) স্বরবর্ণ, বর্ণের তৃতীয়, চতুর্থ ও পঞ্চম বর্ণ, অথবা « ষ, র, ল, ব, হ » পরে থাকিলে, অ-কারের পরস্থিত র-জাত বিসর্গ নিজ মূল রূপ অর্থাৎ বু-ভাব ফিরিয়া পায়, এবং এই র-কার পরবর্তী স্বরে যুক্ত হয় ; যথা—« পুনর্ = পুনঃ + আগত > পুনরাগত, পুনঃ + অপি > পুনরপি ; প্রাতব = প্রাতঃ + আশ > প্রাতরাশ ; অন্তর্ = অন্তঃ + ধান > অন্তর্ধান ; পুনঃ + বার > পুনর্বার » ইত্যাদি ।

[ঘ] বিসর্গের « শ, ষ, স »-তে পরিবর্তন—

(১০) « চ » কিংবা « ছ » পরে থাকিলে, পূর্ববর্তী বিসর্গ-স্থানে তালব্য « শ » হয় ; যথা—« হুঃ + চরিত্র > হুশ্চরিত্র ; নিঃ + চয় > নিশ্চয় ; শিরঃ + ছেদ > শিরশ্ছেদ ; হুঃ + চিকিৎসু > হুশ্চিকিৎসু » ইত্যাদি ।

(২০) « ট » কিংবা « ঠ » পরে থাকিলে, পূর্ববর্তী বিসর্গ-স্থানে মূর্ধন্ত « ষ » হয় ; যথা—« ধহুঃ + টকার > ধহুষ্টকার ; নিঃ + ঠুর > নিষ্ঠুর » ইত্যাদি ।

(৩০) « ত » কিংবা « থ » পরে থাকিলে, পূর্ববর্তী বিসর্গ-স্থানে দন্ত্য « স » হয় ; যথা—« ইতঃ + ততঃ > ইতস্ততঃ ; নিঃ + তেজ > নিস্তেজ ; মনঃ + তাপ > মনস্তাপ » ইত্যাদি ।

(৪০) « ক খ, প ফ, » পরে থাকিলে, অ-কার বা আ-কারের পরস্থিত বিসর্গ, দন্ত্য « স » হয় এবং « অ, আ » ভিন্ন অন্ত স্বরের পরস্থিত বিসর্গ, মূর্ধন্ত « ষ » হয় ; যথা—« নমঃ + কার > নম্কার ; পুরঃ + কার > পুর্কার ; তিরঃ + কার > তির্কার ; শ্রেয়ঃ + কর >

শ্রেয়স্কর ; মনঃ+কামনা > মনস্কামনা ; অয়ঃ+কান্ত > অয়স্কান্ত ;  
 ভাঃ+কর > ভাস্কর ; বাচঃ+পতি > বাচস্পতি ; যশঃ+কর >  
 যশস্কর ; ভ্রাতুঃ+পুত্র > ভ্রাতৃপুত্র ; নিঃ+কলঙ্ক > নিষ্কলঙ্ক ;  
 ধনুঃ+পাণি > ধনুস্পাণি ; নিঃ+কর্মান্ > নিষ্কর্মা ; আবিঃ+  
 কার > আবিষ্কার ; নিঃ+কৃতি > নিষ্কৃতি ; চতুঃ+কোণ >  
 চতুষ্কোণ ; চতুঃ+তয় > \*চতুষ্তয় > চতুষ্টয় ; বহিঃ+কৃত >  
 বহিষ্কৃত » ইত্যাদি ।

কিন্তু কহু শব্দে এই নিয়ম পালিত হয় না—বিসর্গ অবিকৃত থাকে ( বিশেষতঃ  
 « ক, প »-এর পূর্বে ) ; যথা—« মনঃকল্পিত, শিরঃকম্পন, শিরঃপীড়া, অন্তঃকরণ  
 তেজঃপুঞ্জ, অধঃপাত, পয়ঃপ্রণালী, নভঃপ্রদেশ, হুঃখ » ইত্যাদি ।

(৩৮) « শ, ষ, স » পরে থাকিলে, বিসর্গ অবিকৃত থাকে, বা বিকল্পে  
 পরবর্তী sibilant বা শিশ-ধ্বনিটির সহিত সারূপ্য লাভ করে  
 ( বাঙ্গালায় অবিকৃত বিসর্গ-ই প্রচলিত ) ; যথা—« নমঃ+শিবায় >  
 নমঃ শিবায় ( বা নমশ শিবায় ) ; মনঃ+শান্তি > মনঃশান্তি ( বা  
 মনশ শান্তি ) ; তপঃসাধন ; মনঃসংযম » ইত্যাদি ।

[ঙ] বিসর্গ-লোপ—

(৩৯) অ-কার ভিন্ন স্বর পরে থাকিলে, পূর্ববর্তী অ-কারের পরস্থিত  
 বিসর্গের লোপ হয়, লোপের পর আর সন্ধি হয় না ( এই সম্পর্কে পূর্বে  
 দত্ত [খ] (৩০) নিয়ম দ্রষ্টব্য ) ; যথা—« অতঃ+এব > অতএব ;  
 তপঃ+আধিক্য > তপআধিক্য ; শিরঃ+উপরি > শিরউপরি ;  
 যশঃ+ইচ্ছা > যশইচ্ছা » ইত্যাদি ।

(৪০) র-কার পরে থাকিলে, পূর্ববর্তী বিসর্গ-স্থানে যে « র » হয়,  
 তাহার লোপ হয়, এবং পূর্ব স্বর দীর্ঘ হয় . যথা—« নিঃ+রোগ >  
 নীরোগ ; নিঃ+রস > নীরস ; নিঃ+রব > নীরব ; চক্ষু+রোগ  
 > চক্ষুরোগ » ইত্যাদি ।

- (১০) « স্ত, স্থ বা স্প » পরে থাকিলে, বিকল্পে বিসর্গের লোপ হয় ;  
যথা—« নিঃ+স্ক্র > নিঃস্ক্র বা নিস্ক্র , অন্তঃস্থ, অন্তস্থ ; বক্ষঃস্থল,  
বক্ষস্থল ; হ্রঃস্থ, হ্রস্থ ; মনঃস্থ, মনস্থ ; নিঃস্পন্দ, নিস্পন্দ » ইত্যাদি ।
- (১০) সম্বোধন-সূচক সংস্কৃত অব্যয় « ভোঃ », স্বর-বর্ণ, বর্ণের তৃতীয় চতুর্থ  
পঞ্চম বর্ণ অথবা « য, র, ল, ব, হ »-এর পূর্বে আসিলে, ইহার  
বিসর্গের লোপ হয় ; যথা—« ভোঃ রাজন্ > ভো রাজন্ ! ; ভোঃ  
অবনীপতে ! > ভো অবনীপতে ! » ইত্যাদি ।

### নিয়ম-বহিভূত সন্ধি

উপর্যুক্ত নিয়মাবলীর বহিভূত কতকগুলি সন্ধির উদাহরণ লক্ষণীয়—

« গীঃ+পতি > গীপতি (‘গীর্পতি, গীঃপতি’ রূপ-ও হয়) ; অহন শব্দের ন-স্থানে র হইয়া  
অহন+অহন=অহরহঃ, অহন+নিশ > অহনিশ, অহঃ+রাত্র > অহোত্র, অহঃ+কর >  
অহকর, অহঃ+পতি > অহপতি বা অহর্পতি ; হরি+চন্দ্র > হরিশচন্দ্র ; গো+পদ > গোপদ ;  
বৃহৎ+পতি > বৃহপতি ; বন+পতি > বনপতি ; পুংস্+লিঙ্গ > পুংলিঙ্গ, পুংস্+জাতি >  
পুংজাতি ; তদ+কর > তদকর ; আ+পদ > আপদ ; আ+চর্য > আচর্য ; ষ (মট)+দশ >  
ষোড়শ ; দিব্+লোক, দিব্+মণি > দ্বালোক, দ্বামণি ; পতৎ+অঞ্জলি > পতঞ্জলি ; পশ্চাৎ  
+অধ’ > পশ্চাধ’ » ।

সংস্কৃতে আরও বহু ধ্বনি-পরিবর্তনের উদাহরণ আছে, সেগুলির মধ্যে কতকগুলি নিয়ম-সিদ্ধ,  
কতকগুলি আপাত-দৃষ্টিতে নিয়ম-বহিভূত, কিন্তু বাঙ্গালার আগত সেই-রূপ ধ্বনি বা বর্ণপরিবর্তন-  
যুক্ত শব্দ তত বেশী নাই এবং যেখানে সেই-রূপ শব্দ পাওয়া যায়, সেখানে বিশেষ বা উৎপত্তির দিকে  
লক্ষ্য না রাখিয়া পুরা শব্দটী আদৃত করাই সহজ । এই হেতু, সেই প্রকার শব্দের সন্ধির আলোচনা  
বাঙ্গালার পক্ষে বাহুল্য ।

### সন্ধি-সম্বন্ধে কতকগুলি সাধারণ কথা

পূর্বেই বলা হইয়াছে, খাটী বাঙ্গালার সন্ধির নিয়ম ও সংস্কৃতের সন্ধির নিয়ম সম্পূর্ণ-রূপে পৃথক ;  
সুতরাং বাঙ্গালার অ-সংস্কৃত অর্থাৎ প্রাকৃত-জ, অধ’-তৎসম ও বিদেশী শব্দে উপরি-লিখিত সংস্কৃতের  
সন্ধির নিয়মাবলী প্রযোজ্য নহে—অ-সংস্কৃত শব্দে ঐ সকল নিয়মের প্রয়োগ করিলে, ভাষার প্রকৃতির  
বিরোধী হয় । « তুমি আমার উপর অসন্তুষ্ট »-কে, « তুম্যারোপরাসন্তুষ্ট » বলিলে বা লিখিলে,

বাক্যলাভ হয় না। বাক্যলাভ দুইটী স্বর-বর্ণ মিলিত না হইয়া পাশাপাশি অবস্থান করিয়া থাকে ; সংস্কৃতের অ-কারান্ত শব্দ সাধারণতঃ হসন্ত হইয়া বাক্যলাভ উচ্চারিত হয় ; এই হিসাবে সন্ধি করিয়া লিখিলে, বরং « তুমি আমারপরসম্বন্ধে » লেখা যায়—কিন্তু তাহাও বাক্যলাভ রীতি-বিরুদ্ধ। « চিতোর + উদ্ধার » সন্ধি করিয়া « চিতোরোদ্ধার » লিখিলে, না-বাক্যলাভ না-সংস্কৃত, কিছুই হইল না : « চিতোর » বাক্যলাভ হসন্ত শব্দ—[ চিতোর ] : « চিতোর + উদ্ধার = চিতোরুদ্ধার »-ই হওয়া উচিত ; কিন্তু সন্ধি করিয়া এ-রূপে লেখা অপেক্ষা, শব্দগুলি বাক্যলাভ পৃথক রাখাই উচিত।

কিন্তু সাধারণতঃ অ-সংস্কৃত শব্দের মধ্যে বা সংস্কৃত ও অ-সংস্কৃত শব্দের মধ্যে সন্ধি না করিলেও, সন্ধি-গ্রথিত বড় বড় পদ সাধু-বাক্যলাভ বাক্যের মধ্যে সংস্কৃত ভাষার আভিজাত্য বহন করিয়া থাকে বলিয়া, সংস্কৃত পদের অনুকরণে অ-সংস্কৃত ( বিশেষতঃ বিদেশী ) শব্দের সহিত সংস্কৃত শব্দের সন্ধি সাধু-ভাষায় বহু স্থলে মিলে ) যথা—« দিল্লীখর, ইংলণ্ডাধিপতি, ব্রিটনেখরী ( 'ভারতেশ্বরী'-র অনুকরণে), আইনানুসারে ( 'নিয়মানুসারে'র দেখাদেখি ), হিসাবাদি, কোটাবৃত, গ্যাসালোক, জাহাজোপরি » ইত্যাদি। এ-রূপ স্থলে সন্ধি না করিয়া, কেবল পদ-সংযোজক চিহ্ন দ্বারা সমাস-যুক্ত করিয়া দিলেই যথেষ্ট হয়, বুঝিবার পক্ষেও সহায়তা হয় ; যথা—« আইন-অনুসারে, হিসাব-আদি, কোট-আবৃত, গ্যাস-আলোক, জাহাজ-উপরি » ইত্যাদি। কিন্তু এই-রূপ সন্ধি-দ্বারা গ্রথিত কতকগুলি মিশ্র-শব্দ বাক্যলাভ চলিয়া গিয়াছে : « দিল্লীখর, ব্রিটনেখরী, আইনানুসারে » ইত্যাদি বহুশঃ ব্যবহৃত হয়।

প্রাকৃত-জ ও সংস্কৃত শব্দেরও সমাস- বা সংযোগ-কালে, কচিৎ সংস্কৃতের অনুকরণে সন্ধি দেখা যায় ; যথা—« বক্ষোমাক্ষে, মনোমাক্ষে » ; আবার সংস্কৃত হইতে ভাঙ্গিয়া বাক্যলাভ পদ তৈয়ার করিয়া সংস্কৃতের ধরণেও সন্ধি করিতে দেখা যায় ; যথা—« মনান্তর ( সংস্কৃত 'মনস্' হইতে উদ্ভূত বাক্যলাভ 'মন' শব্দ + 'অন্তর' শব্দ : সংস্কৃত রীতিতে 'মনঃ + অন্তর > 'মনোহন্তর' হওয়া উচিত, এবং খাটী বাক্যলাভ রীতিতে 'মন্ + অন্তর = মনান্তর' ) ; যশাকাজ্ঞা ( সংস্কৃত 'যশস্' হইতে বাক্যলাভ 'যশ্' + 'আকাজ্ঞা' ) ; প্রাণাগতা ( সংস্কৃত 'প্রাণঃ' হইতে বাক্যলাভ 'প্রাণ্' + 'আতা' ) ; পাহাড়োপরি ( 'পর্বতোপরি'র দেখাদেখি ) ; মনাগুন ( মন্ + আগুন ) ; ঢাকেশ্বরী ; দিল্লীখর ; মক্বেশ্বর ; বাঁড়েশ্বর ( সংস্কৃতের 'জগবন্ধু, জগন্মোহন, জগজ্জন' প্রভৃতির বিকারে বাক্যলাভ ) জগবন্ধু, জগন্মোহন, জগজন » ইত্যাদি। « জ্যোতিঃ + ঈশ, জ্যোতিঃ + ইন্দ্র, তেজঃ + ইন্দ্র », বাক্যলাভ বহুশঃ বিসর্গের দিকে দৃষ্টি না রাখায়, « জ্যোতীশ, জ্যোতীন্দ্র, তেজেন্দ্র » প্রভৃতি অশুদ্ধ রূপে মিলে ( শুদ্ধ রূপ—'জ্যোতির্ঈশ, জ্যোতির্ইন্দ্র, তেজসিন্দ্র' )।

সংস্কৃতের পদ-মধ্যস্থিত ধাতু ও প্রত্যয়ের এবং উপসর্গ ও ধাতুর সন্ধি বুঝিয়া লইলে, অনেক সময়ে সংস্কৃত শব্দের আলোচনা সহজ হয়। কিন্তু এইরূপ শব্দ বাক্যলাভ ভাষায় সম্পূর্ণাঙ্গ শব্দ-হিসাবে

আসিয়াছে, বাঙ্গালা ভাষার পক্ষে এগুলি যেন স্বয়ংসিদ্ধ ; যথা—« মুগ্ধ, সংসদ, পরিষদ, বহিষ্কার, নয়ন, পাচক, প্রাপ্তি, অত্যাচর, উড্ডীন, উথান » ইত্যাদি। এগুলির সন্ধি-বিশ্লেষ বাঙ্গালার জন্ত তাদৃশ আবশ্যিক নহে।

সংস্কৃত সমাসময় পদ একটি পূর্ণ-শব্দ-রূপে যেখানে ব্যবহৃত হয়, সেখানে লেখায় শব্দের ভিতরকার সন্ধি অব্যাহত রাখা কত'ব্য : « বিদ্যালয়, প্রাতরাশ, সায়মাস, ভূম্যধিকারী, অন্তরাস্ত্রা, সরোবর, জাতুপুত্র, শিরশ্ছেদ, বাগ্‌রোধ » ইত্যাদি। কিন্তু সংস্কৃত সন্ধি-যুক্ত সমস্ত-পদের অংশীভূত পদ, বাঙ্গালা ভাষায় যেখানে পৃথক্ বা স্বাধীন পদ-রূপে ব্যবহৃত হয়, সেখানে, বাঙ্গালা গড়ে বা পড়ে, ভাষার লালিত্যের বা ছন্দোগতির অমুরোধে, সন্ধি ভাঙ্গিয়া পৃথক্ শব্দ-রূপে যথেষ্ট বলিতে বা লিখিতে পারা যায় ; যথা—« নয়ন-অমৃত নদী প্রবাহিত হয় যদি ; একদা ভাতের গঙ্গা তরঙ্গ-উচ্ছ্বাসে ; নিশাশেষে ঝরে পড় বহুধা-উপরে, সিউলি হুন্দরি ! ; নুপুর মঞ্জরি' যাও আকুল-অঞ্চলা, বিদ্যৎ-চঞ্চলা ; কনক-আসনে বসে দশানন বলা ; হৈমলঙ্কা-অলঙ্কার বীরবাহু-সহ ; কনক-উদয়াচলে' দিনমণি যেন ; কমল-আলয় সরঃ ; তোমার দূতীরা আঁকে ভূষণ-অঙ্গনে আলিম্পনা ; প্রদীপ-আলোকে এস' ধীরে-ধীরে ; সন্ধ্যা-আকাশে স্বর্গ-আলোক পড়িবে ঢাকা » ইত্যাদি, ইত্যাদি। বিশেষতঃ, যেখানে মিলিত পদ দুইটির নিজ-নিজ অর্থ অব্যাহত থাকে, সেখানে সন্ধি করিলে যদি শ্রুতি-কটু বা দুর্লভার্থ্য হয়, সেরূপ স্থলে বাঙ্গালা ভাষায় প্রায় সন্ধি করা হয় না ; যথা—« সন্ধ্যা-আহ্নিক ; ঈশ্বর-ইচ্ছায় ; যথা-অভিরুচি ; পিতৃ-আজ্ঞা ; স্ত্রী-আচার ; শ্রীতি-উপহার ; দেশ-উদ্ধার ; দৃষ্টি-আকর্ষণ ; শ্রীঅঙ্গ ; বাহু-আবেষ্টন ; নাম-উচ্চারণ ; শরৎ-চন্দ্র ; শ্রীঈশ্বরচন্দ্র » ইত্যাদি, ইত্যাদি।

### ছন্দঃ (Prosody, Metrics)

কবিত্বশক্তি প্রভাবে মানুষ যখন কল্পনা ও সৌন্দর্য্যবোধকে ভাষায় প্রকাশ করিতে যায়, তখন সাধারণ গতের ভাষায় তাহার কুলায় না। রসবস্তুকে প্রকাশ করিতে গিয়া তাহার ভাষা একটি সুধমামণ্ডিত স্পন্দনে, একটি শ্রুতিমধুর নৃত্য বা তাল-ভঙ্গীতে নিয়ন্ত্রিত হইয়া থাকে। ভাষার এই সুধমাময় স্পন্দন বা গতি-মাধুর্য্যকে ছন্দঃ বা ছন্দ বলে। কোনও ভাষার ছন্দ, সেই ভাষার স্বাভাবিক উচ্চারণ-পদ্ধতির সহিত বিশেষ-ভাবে জড়িত ; ভাষার স্বাভাবিক উচ্চারণ-রীতির বিরুদ্ধে গমন করিলে, বা উহাকে বিকৃত বা পরিবর্তিত করিলে, ছন্দঃসৃষ্টি হইতে পারে না।

## অনুশীলনী

- ১। উদাহরণ দিয়া ব্যাখ্যা কর :—গত্ববিধান ( C. U. 1943 ), বত্ববিধান ( C. U. 1944 )
- ২। ছয়টি পদের সন্ধি বিচ্ছেদ কর :— কুখাত, অক্ষৌহিণী, প্রোচ, উচ্ছাস, প্রাতরাশ, তরুচ্ছায়া, সম্রাট, কাল্লা, মনোরন, মনান্তর। ( C. U, 1942 )
- ৩। নিম্নলিখিত পদগুলির সন্ধি-বিশ্লেষ কর ও সন্ধির নিয়ম বল :— নীরস, হুশ্চিন্তা, বয়োবৃদ্ধ, ভাস্কর, ভোগোহধিক, কিংবা, সংযোগ, বনচ্ছায়া, বনস্পতি, ইতস্ততঃ।
- ৪। সন্ধির ভুল সংশোধন কর :— মনমোহন, হুরাদৃষ্ট, জ্যোতীন্দ্র, পর্য্যটন, নিরব, অধঃমুখ, মনকামনা, সৎচিদানন্দ, তৎভব, বৃক্ষচ্ছায়া, পঞ্চাধম, জগবন্ধু, উত্তমার্গ, বিপৎজাল, বাকরোধ, শরৎচন্দ্র, সৎভাব।
- ৫। দুইটি সংস্কৃত শব্দ পাশাপাশি থাকিলেও বাঙ্গলায় সন্ধি করা যেখানে উচিত নহে এইরূপ পাঁচটি উদাহরণ দাও।
- ৬। নিয়ম দেখাইয়া নিম্নলিখিত পদগুলির বা ধাতু ও প্রত্যয়গুলির সন্ধি কর :—অভি+ঈষ্+ত ; নৌ+ইক ; দিক্+বধু ; <sup>স্বয়</sup>গৌ+ঈ ; দুঃ+শীল ; দুঃ+বার ; প্রতি+আশা ; মনঃ+রম ; যাচ্+না ; পুনঃ+আগত ; উৎ+হত ; উৎ+লেখ ; মনঃ+তাপ ; নিঃ+রস।
- ৭। ছন্দ কাহাকে বলে ?

✓R-

## [২] রূপতত্ত্ব

### শব্দ—মৌলিক শব্দ ও সঞ্চিত শব্দ

একটি Sound অর্থাৎ ধ্বনি, অথবা একাধিক ধ্বনির সমষ্টি, যখন কোন বস্তু বা ভাবকে প্রকাশ করে, তখন সেই ধ্বনি বা ধ্বনি-সমষ্টিকে শব্দ (Word) বলে; যথা—« এ, ও, কে, মা, ভাই, মানুষ » ইত্যাদি।

বাক্যের মধ্যে কতকগুলি শব্দ থাকে। যেমন—« গাছে অনেক ফুল ফুটিয়াছে »; এখানে, « গাছে », « অনেক », « ফুল » ও « ফুটিয়াছে », এই চারটি শব্দ আছে। বাক্যের মধ্যে ব্যবহৃত এই-সমস্ত শব্দকে পদ (Inflected Word) বলা হয়। এক বা একাধিক পদের সমষ্টি যখন একটি ভাবকে সম্পূর্ণরূপে প্রকাশ করে, তখন উহাকে বাক্য (Sentence) বলে।

সাধারণতঃ একাধিক পদ লইয়া বাক্য গঠিত হয়। যেমন—« সূর্য্য উঠিয়াছে। আকাশে পাখী উড়িতেছে »। কখনও-কখনও শুধু একটি পদ লইয়া বাক্য হইতে পারে—তখন অল্প পদ উহা থাকে। যেমন—« চূপ », অর্থাৎ 'তোমরা চূপ কর'; « দেখ », অর্থাৎ 'তুমি বা তোমরা ইহা দেখ' (অনুজ্ঞা বা আদেশ অর্থে); « তোমার হাতে কি »—« বই », অর্থাৎ 'বই আছে' (এখানে 'আছে'-পদ উহা থাকিলেও, শুধু 'বই' এই একটি পদ-দ্বারা ভাব পূর্ণভাবে প্রকাশিত হইয়াছে)।

পদের দুইটি অংশ আছে। একটি অংশ শব্দ (Word) বা ধাতু (Root); অপর অংশ বিভক্তি (Termination)। যথা—« ছেলেরা পিতামাতাকে ভক্তি করে », এই বাক্যের পদ চারটিকে এইভাবে ভাঙ্গা যায়—

« ছেলেরা »—« ছেলে » শব্দ + « -রা » বিভক্তি;

« পিতামাতাকে »—« পিতামাতা » শব্দ + « -কে » বিভক্তি;

‘ভক্তি’—« ভক্তি » শব্দ + « ০ » বা শূন্য বিভক্তি ( বিভক্তি-জ্ঞাপক কোন চিহ্ন যোগ করা হয় নাই ) ;

« করে »—« কর্ » ধাতু + « -এ » বিভক্তি

এখানে « ছেলে », « পিতামাতা », « ভক্তি » এবং « কর » এইগুলি শব্দ বা ধাতু ; এবং « -রা », « -কে », « -এ », এইগুলি বিভক্তি । অনেক সময় বিভক্তির কোন চিহ্ন থাকে না । « ভক্তি » পদটীতে বিভক্তি আছে বটে, কিন্তু তাহার কোন চিহ্ন নাই । এইরূপ « শিশু দুগ্ধ পান করে » এই বাক্যে, « শিশু », « দুগ্ধ », এবং « পান », এই তিনটি পদে বিভক্তির কোন চিহ্ন নাই ।

শব্দ দুই প্রকারের : [১] মৌলিক বা স্বয়ংসিদ্ধ (Simple Words বা Root Words) ; এবং [২] সাধিত (Derived Words বা Composed Words ) ।

[১] যে শব্দকে বিশ্লেষণ করিতে পারা যায় না, যাহা কোনও পদার্থের অভিধা বা নাম, এবং যাহার প্রকাশিত অর্থই চরম—যে শব্দকে ভাঙ্গিয়া বা বিশ্লেষণ করিয়া দেখিবার চেষ্টা করিলে, হয় যে ভাষার শব্দ সেই ভাষায় তাহার বিশ্লেষণ সম্ভব হয় না, না হয় তাহার ভগ্ন বা বিশ্লিষ্ট অংশের কোনও অর্থ হয় না—সেইরূপ শব্দকে মৌলিক বা স্বয়ংসিদ্ধ শব্দ বলা যায় ; যেমন—  
« মা ; ভাই ; হাত ; পা ; চাঁদ ; ঘোড়া ; উট ; ছা ; বউ ; নাক ; রঙ » ইত্যাদি ।

অন্য ভাষা হইতে গৃহীত শব্দ, সেই ভাষার মৌলিক বা মূল শব্দ না হইলেও, বাঙ্গালা ভাষায় যদি সেগুলির বিশ্লেষণ এবং বিশ্লেষণ অনুযায়ী সেগুলির ভগ্ন অংশের অর্থগ্রহ না হয়, তাহা হইলে বাঙ্গালার পক্ষে সেগুলি মৌলিক শব্দ বলিয়া গণ্য হইবার যোগ্য ; যেমন—« হস্ত, চরণ, চন্দ্র, হস্তী, মনুষ্য, গতি, ভক্তি, আদিত্য ; জামীন, নাজির, বাজেয়াগু, মঞ্জুর, মহকুমা, প্রিন্টার, রোমান্টিক, পিজবোর্ড, ইয়ারিং, লাটিন, ভোট » ইত্যাদি ।

[২] যে শব্দকে বিশ্লেষণ করিতে পারা যায়, এবং বিশ্লেষণ করিয়া যে শব্দের পূর্ণ অর্থ বঝিতে পারা যায়, তাহাকে সাধিত শব্দ বলে । সাধিত শব্দ দুই প্রকারের :



[ক] প্রত্যয়-নিষ্পন্ন (Inflected Words); এবং [খ] সমস্ত (Compound Words)।

[ক] যে-সকল শব্দ বিশ্লেষ করিলে, তাহাদের মধ্যে মৌলিকভাব-ছোটক একটা অংশ পাওয়া যায়, এবং ঐ মৌলিক ভাবটির প্রসারণ, সঙ্কোচন ও অন্তবিধ পরিবর্তন নির্দেশ করে এমন আর একটা অংশ (এই অংশটিকে প্রত্যয় বলে) পাওয়া যায়, সেই-সকল শব্দকে প্রত্যয়-নিষ্পন্ন শব্দ বলে; যেমন—  
 « অজানা » শব্দ : « জান্ »—এই অংশ হইতেছে শব্দটির মূল বা ধাতু, জ্ঞানার্থক; তাহাতে « আ »-প্রত্যয়যোগে হইল « জানা »—আ-য়ের প্রয়োগ হয়, ক্রিয়া হইতে বিশেষ্য-ভাব প্রকাশ করিতে; এবং 'না'-অর্থে শব্দের পূর্বে বসিয়াছে « -অ »-প্রত্যয় : « অ-জান্-আ > অজানা »। « রাখালি »—মূল অংশ « রাখ্ » = 'রক্ষা করা'; 'যে করে' এই অর্থে « -আল » (প্রাচীন-বাঙ্গালা -ওআল) » প্রত্যয় : « রাখ্ + -আল্ » = « রাখাল », তাহার ভাব বা কার্য্য অর্থে « -ই (-ঈ) » প্রত্যয়—« রাখ্ + -আল + -ই = রাখালি »।

[খ] যে-সকল শব্দ বিশ্লেষ করিলে, একাধিক মৌলিক অথবা প্রত্যয়-নিষ্পন্ন শব্দ পাওয়া যায়, সেগুলিকে সমস্ত (অর্থাৎ সমাস-যুক্ত বা মিলিত) শব্দ বলা হয়; যথা—« পা-গাড়ি, হাত-পাখা, জল-পথ, চাঁদ-মুখ, কমল-জাঁখি, দিন-রাত, অশ্ব-শালা, বর্ষ-ব্যাপী » ইত্যাদি।

### প্রকৃতি বা ধাতু ; প্রাতিপদিক ; পদ

ভাষায় যাহার বিশ্লেষ সম্ভব হয় না, এমন মৌলিক শব্দকে প্রকৃতি বলে। যখন এই প্রকৃতি-দ্বারা কোনও দ্রব্য জাতি বা গুণ, অথবা অন্য পদার্থ ছোঁতিতে হয়, তখন তাহাকে নাম-প্রকৃতি বা সংজ্ঞা-প্রকৃতি বলা যায়।

প্রত্যয়-নিষ্পন্ন শব্দের বিশ্লেষে, মৌলিক ভাব-ছোটক যে অংশটুকু পাওয়া যায়, তাহা যখন কোনও দ্রব্য বা জাতি বা গুণ না বুঝাইয়া, কোনও প্রকারের

ক্রিয়া বুঝায়, তাহাকে ক্রিয়া-প্রকৃতি বা ধাতু-প্রকৃতি, অথবা সংক্ষেপে ধাতু বলে।

যেমন—« মা, ছা, চাঁদ, হাত, হাক, নাট, কাঠ »—এগুলি নাম-প্রকৃতি; « জান্, রাখ্, খা, যা, ধো »—এগুলি ক্রিয়া-প্রকৃতি বা ধাতু। বাক্যে ব্যবহৃত ক্রিয়াপদের প্রত্যয় ও বিভক্তি বাদ দিলে, যে মূল অংশ পাওয়া যায়, তাহাও ধাতু; যথা—« চলা, চলে, চলিল, চলুক, চলিতে, চলায়, চলাইবে » প্রভৃতি ক্রিয়াপদ এবং « চলন্ত, চলন, অচল, চাল, বেচাল, চালানো, চলকানো, চালনি » প্রভৃতি বিশেষ্য ও বিশেষণ পদের মধ্যে, একই চল্-ধাতু বিদ্যমান। এই চল্-ধাতুতেই প্রত্যয় ও বিভক্তি যোগ করিয়া, তাহার পরিবর্তন ও পরিবর্ধন করিয়া, এই-সব পদের সৃষ্টি।

শব্দ বা ধাতুতে বিভক্তি যোগ করিলে পদ হয়, তখন তাহা বাক্যে ব্যবহার করা চলে। পদ না হইলেও শব্দের ব্যবহার হইতে পারে। সুমাস-যুক্ত শব্দের প্রথম অংশ সাধারণত বিভক্তি-হীন হইয়া থাকে। যেমন—« জগৎ-সংসারে এমনটা দেখা যায় না »—এই বাক্যে, « জগৎ-সংসারে » পদটিতে « জগৎ » হইতেছে শব্দ, পদ নহে। বিভক্তিহীন ধাতুর কিন্তু একেবারেই প্রয়োগ নাই।

বিভক্তি-বিহীন নাম-প্রকৃতি, এবং বিভক্তি-হীন ধাতু-প্রকৃতি বা ধাতু—প্রত্যয়-যুক্ত হইলে এই উভয়কে প্রাতিপদিক (Base, Word-base) বলে—নাম-প্রাতিপদিক ও ক্রিয়া-প্রাতিপদিক। (প্রত্যয় এবং বিভক্তির পার্থক্য নিম্নে দ্রষ্টব্য।) প্রাতিপদিকের পরে বিভক্তি-যুক্ত হইয়া তবে বাক্যে প্রযুক্ত পদ (Inflected Word) হয়। « মা, হাত, চলন, বই, পড়া = 'পাঠ-ক্রিয়া' »—এগুলি হইল বিভক্তি-হীন নাম-প্রাতিপদিক (Noun-base); এইগুলি হইতে জাত বিভক্ত্যন্ত পদ—« মায়ের, হাতে, চলনের, বইয়ে, পড়াতে » ইত্যাদি। « রাখ্ » ধাতু + « -ইল » -প্রত্যয় = « রাখিল » « চল্ + -ইব-প্রত্যয় = চলিব » « থাক্ + ইত-প্রত্যয় », এগুলি ক্রিয়ার প্রাতিপদিক (Verb-base): « রাখিলাম, চলিবার, থাকিতে »—« -আম, -আর, -এ » বিভক্তি-যোগে ক্রিয়া-পদ সৃষ্ট হইয়াছে। বিভক্তিগুলি সাধারণতঃ সুস্পষ্ট-ভাবে শব্দের বা ধাতুর সহিত সংলগ্ন হয়; আবার কখনও বা, শব্দ বা ধাতুর সহিত মিলিয়া যায়, বা লুপ্ত হইয়া যায়, অথবা উহা থাকে।

এই দেখা যাইতেছে যে, ভাষা-গত পদ বিশ্লেষ করিলে, আমরা পাই—

[১] নাম-প্রকৃতি বা সংজ্ঞা-প্রকৃতি (Noun Root);

[২] ক্রিয়া-প্রকৃতি বা ধাতু (Verb Root)।

এগুলির অর্থ স্মৃষ্টি ও বিশিষ্ট করিয়া দিবার জন্ত, ইহাদের সহিত বর্ণ বা বর্ণসমষ্টি যোগ হয়—

[৩] প্রত্যয় (Affix) : প্রত্যয়-দ্বারা ক্রিয়া-প্রকৃতি অস্ত্র ধাতু বা শব্দ সৃষ্টি করে। প্রত্যয়ান্ত পদকে প্রাতিপদিক (Word-base) বলে।

[৪] বিভক্তি (Inflexion বা Termination) : এগুলির যোগে, শব্দ ও ধাতু, পদে পরিণত হইয়া বাক্যে প্রযুক্ত হয়। বিভক্তি-যোগের পরে শব্দে আর কিছু যোগ হয় না।

### প্রত্যয় (Formative Affixes)—

#### [১] কৃৎ ও [২] তদ্ধিত

ধাতুর উত্তর যে-সকল প্রত্যয় যোগ হয়, সেগুলিকে কৃৎ বলে; এবং শব্দের উত্তর যে সকল প্রত্যয় যোগ হয় সেগুলিকে তদ্ধিত বলে।

কৃৎ-প্রত্যয়ের দৃষ্টান্ত :- «  $\sqrt{\text{দেখ}} + \text{অন} = \text{দেখন}$ ;  $\sqrt{\text{খা}} + \text{আ} = \text{খাআ}$ , খাওয়া;  $\sqrt{\text{চল}} + \text{অস্ত} = \text{চলস্ত}$ ;  $\sqrt{\text{চাল}} + \text{অ} = \text{চালু}$  » ইত্যাদি। সংস্কৃত কৃৎ—«  $\sqrt{\text{দৃশ}} = \text{দর্শ} + \text{অন} = \text{দর্শন}$ ;  $\sqrt{\text{মন্}} = \text{ম} + \text{তি} = \text{মতি}$ ;  $\sqrt{\text{কৃ}} = \text{কর} + \text{অ} = \text{কর}$ ;  $\sqrt{\text{ভী}} = \text{ভয়} + \text{অ} = \text{ভয়}$ ;  $\sqrt{\text{জাগৃ}} = \text{জাগর} + \text{উক} = \text{জাগরুক}$  » ইত্যাদি। কৃৎ-প্রত্যয়-সিদ্ধ পদকে কৃৎ বলে।

কতকগুলি কৃৎ-প্রত্যয়-দ্বারা মূল ধাতু হইতে অস্ত্র ধাতু গঠন করা হয়; এইরূপ কৃৎ-প্রত্যয়কে ধাতু-প্রত্যয় বলে; যেমন—«  $\sqrt{\text{দেখ}} + \text{আ} = \text{দেখা}$  » (যথা—« সে দেখে, আমি দেখি কিন্তু « সে দেখায়, আমি দেখাই », গিজন্ত রূপ)। শব্দের সহিতও যে প্রত্যয় যোগ করিয়া, নূতন ধাতু গঠিত হয়, তাহাও ধাতু-প্রত্যয়, অতএব তাহাও কৃৎ-প্রত্যয়ের মধ্যে গণ্য; যথা—« দাগ + -আ > দাগা (-দাগ দেওয়া); দমক + -আ > দমকা »।

তদ্ধিত প্রত্যয়ের দৃষ্টান্ত :—« মিঠা + -আই = মিঠাই ; ঢাকা + ঐ = ঢাকাই ; হিন্দু + ত্ব = হিন্দুত্ব ; সাধু + -তা = সাধুতা ; জেঠা + -আমি = জেঠামি » ইত্যাদি।

কর্মী = স্বন + কর্ম (আই) = কর্ম (ই) কর্মী।  
**বিভক্তি (Inflexions)**

### [১] শব্দবিভক্তি ও [২] ক্রিয়াবিভক্তি

শব্দ-বিভক্তি যুক্ত হইলে, শব্দ বিশেষ্য বা সর্বনাম পদে পরিণত হয়। বিশেষ্য ও সর্বনাম পদের বচন ও কারক বিভক্তি দ্বারা প্রকাশিত হয়; যথা— « মায়েরা, তাদের, তাঁদের, সকলকার, ঘরে, বাড়ীতে, হাতে, আমার, তাঁকে » ইত্যাদি। সংস্কৃত ব্যাকরণে ব্যবহৃত শব্দ-বিভক্তির একটা নাম হইতেছে সুপ ; বিভক্তি-যুক্ত নাম বা সর্বনাম পদকে এই জন্ত সুবস্ত ( সুপ + অস্ত ) পদ বলে।

ক্রিয়া-বিভক্তি, ধাতুতে যুক্ত হইয়া, ক্রিয়া-পদের সৃষ্টি করে। ক্রিয়া-বিভক্তির একটা সংস্কৃত নাম তিঙ্ ; এই হেতু বিভক্ত্যন্ত ক্রিয়া-পদকে তিঙস্ত ( তিঙ্ + অস্ত ) পদ বলে। ধাতুর উত্তর কাল-বাচক প্রত্যয়, ও তাহার উত্তর বিভক্তি, সমস্ত মিলিয়া ক্রিয়া-পদ হয় ; যথা—« কর্ ধাতু + ইল্-প্রত্যয় = করিল-প্রাতিপদিক + -আম-বিভক্তি = করিলাম পদ ; খা + ইব্ = খাইব্ + এন = খাইবেন » । বর্তমানের ক্রিয়ার কিন্তু কাল-বাচক বিশেষ রূপ বাঙ্গালায় বিভক্ত হয় না—ইহাতে মাত্র বিভক্তি-দ্বারাই কাল ও পুরুষ উভয়ই ব্যক্ত হয় ; যথা—« করে, করি, করিস = কর্ + -এ, -ই, -ইস্ » ইত্যাদি।

ধ্বংস ও প্রত্যয়-দ্বারা কেবল অসংলগ্ন শব্দ-সৃষ্টি হয় মাত্র। বিভক্তি দ্বারাই ইহাদের পরস্পরের সংযোগ বা সম্বন্ধ সুস্পষ্ট হয়, পূর্ণ অর্থের প্রকাশ হয়। যেখানে বিভক্তির অভাব, সেখানে বাক্যে ব্যবহৃত বিভক্তি-হীন শব্দগুলির অবস্থান সুনির্দিষ্ট থাকে, শব্দের ক্রম ( Word Order ) দ্বারা সেখানে বিভক্তির অভাব পূরিত হয়। « বাঘ » ও « মানুষ » এই দুইটা শব্দ ; « মার » একটি ধাতু ; বিভক্তি-যুক্ত পদ « বাঘে », বিভক্তি-যুক্ত অথবা বিভক্তি যাহাতে উহা আছে এমন পদ « মানুষকে » বা « মানুষ » এবং বিভক্তি-যুক্ত ক্রিয়া-পদ « মারে » ;—তিনে মিলিয়া বাক্য হইল,

« বাঘে মানুষকে মারে » বা « বাঘে মানুষ মারে » । বাক্যটির কর্তার ও কর্মে বিভক্তি থাকায়, বাক্যগত শব্দ ক্রম একটু উল্টাইয়া দিলে, অর্থ-বিকৃতি হয় না ; যেমন—« মানুষকে বাঘে মারে » । কিন্তু যেখানে কর্তার বা কর্মে, কোথাও প্রকৃতি-রূপে বিভক্তি থাকে না, সেখানে—প্রথম কর্তা, পরে কর্ম, শেষে ক্রিয়া—এই ক্রম পরিবর্তিত করিয়া দিলে, অর্থ-স্বকট ঘটে ; যথা—« বাঘ মানুষ মারে » ;—কিন্তু « মানুষ বাঘ মারে », এই-রূপে কর্তা ও কর্মের অবস্থান উল্টাইয়া দিলে অর্থ অশুভ রূপ হইয়া যায় ।

বাঙ্গালার ধাতুর বা শব্দের উত্তর বিভক্তি যোগ না করিলে, অর্থগ্রহই হয় না ; যথা—« বাঘ মানুষ মার » । বিভক্তির কার্য—সম্বন্ধ-ব্যঞ্জনা ; প্রত্যয়ের কার্য—ধাতু বা প্রতিপদিকের প্রকার-ব্যঞ্জনা ; এবং মৌলিক শব্দ বা ধাতুর কার্য—মৌলিক-পদার্থ-ব্যঞ্জনা ।

### ১. শব্দের অর্থ-মূলক শ্রেণী-বিভাগ (Semantic Classification of Words)

উপরে, সাধন বা গঠনের দিক দিয়া শব্দ-বিচার করা হইল । অর্থের দিক দিয়া বিচার করিলে, মৌলিক তথা প্রত্যয়-নিম্পন্ন এবং সমস্ত বা সমাস-যুক্ত শব্দকে এই কয় শ্রেণীতে ফেলা যায় :—

১. [১] যৌগিক বা যোগ শব্দ (Words of Derivative Sense) :  
প্রকৃতি ও প্রত্যয়ের যোগে, বা একাধিক শব্দের সংযোগে, যে অর্থ হওয়া উচিত, এই-সকল শব্দে সেই অর্থই প্রকাশিত হয় ; যথা—« রাখাল (‘যে রাখে বা রক্ষা করে’, বিশেষ করিয়া ‘যে গোকুল রক্ষা করে’) ; মিতালি (‘মিতা বা বকুর ভাব’) ; দাতা (‘যিনি দান করেন’) ; অণ্ডজ (‘ডিম হইতে যে জীবের উৎপত্তি’) ; পিতৃহীন, রাজপুরুষ, মালগাড়ী » ইত্যাদি ।

২. [২] রূঢ় বা রূঢ়ি শব্দ (Derived Word of Specialised Sense) :  
প্রকৃতি ও প্রত্যয়ের অস্বাভাবিক অর্থ না হইয়া, যেখানে শব্দের দ্বারা সত্য কিছু বিশেষ পদার্থ বঝাইয়া থাকে, তাদশ শব্দকে রূঢ় বা রূঢ়ি শব্দ বলে ; যথা—  
« জেঠাম (মূল-গত অর্থ—‘জেঠার মত কাজ’ ; রূঢ়ি অর্থ—‘চাপলা’) ; শত্রু (ধাতু ও প্রত্যয়-গত অর্থ—‘যে ধ্বংস করে’, রূঢ়ি অর্থ—‘যে বিরোধী হয়’) ;

সন্ধেশ (‘মিষ্টান্ন’-অর্থে; মূল অর্থ, ‘সংবাদ’); পাজাবী (‘এক প্রকারের জামা’-অর্থে); হস্তী, করী (মূল-গত অর্থ—‘যাহার হাত আছে’, কিন্তু পশু-বিশেষ ‘হাতী’-অর্থে রুটি); কুশল (ধাতু-প্রত্যয়-গত অর্থ—‘যে কুশ তুলিতে পারে’, কিন্তু প্রচলিত রুটি অর্থ ‘দক্ষ’ ) » ইত্যাদি।

✓ [৩] যোগরূঢ় শব্দ (Compounded Words of Specialised Sense): একাধিক শব্দ বা ধাতুর যোগে নিষ্পন্ন, অথবা সমাস-যুক্ত শব্দ, যেখানে অপেক্ষিত অর্থে ব্যবহৃত না হইয়া, বিশেষ কোনও অর্থে ব্যবহৃত হয় (যেমন, সমগ্র জাতিকে না বুঝাইয়া, সেই জাতির অন্তর্গত কোনও বিশেষ ব্যক্তি বা বস্তুকে বুঝায়), তদ্রূপ শব্দকে যোগরূঢ় শব্দ বলে; « সরোজ (‘যাহা সরোবরে জন্মায়’—সরঃ+জ, ‘পদ্ম’-অর্থে রুটি); জলদ (জল-দ=‘যাহা জল দেয়’—বিশেষ অর্থ, ‘মেঘ’); সুহৃৎ (সু-হৃৎ=‘সুন্দর হৃদয় যার’—বিশেষ অর্থ ‘বন্ধু’); রা’জপুত (‘রাজার পুত্র’—বিশেষ অর্থে, ‘ক্ষত্রিয় বা যোদ্ধা-জাতি-বিশেষ’) » ইত্যাদি।

### বিভিন্ন প্রকারের পদ (Parts of Speech)

পদ পাঁচ শ্রেণীর :—[১] নাম বা বিশেষ্য; [২] বিশেষণ; [৩] সর্বনাম বা প্রতিনাম; [৪] ক্রিয়া; এবং [৫] অব্যয় ও অব্যয়-স্থানীয়।

#### [১] নাম, সংজ্ঞা বা বিশেষ্য (Noun)

যে পদ বা শব্দ কোনও বস্তু, সংজ্ঞা, জাতি, সমষ্টি, কার্য অথবা ভাব বা গুণ বুঝায়, তাহাকে নাম অথবা বিশেষ্য বলে। যেমন—« বই, কাগজ, ফুল, মাটি, টাকা » ইত্যাদি শব্দ, বিশেষ-বিশেষ বস্তু বুঝায়; « রাম, কলিকাতা, আগরা, হিমালয়, গঙ্গা, পারশু, রামায়ণ, গীতা, বাইবেল, কোরান » ইত্যাদি শব্দ, সংজ্ঞা অর্থাৎ বিশেষ ব্যক্তি অথবা স্থান, দেশ, পর্বত, নদী, গ্রন্থ ইত্যাদির নাম বুঝায়; « গোকুল, মহিষ, গাছ, ব্রাহ্মণ, শূদ্র, বাঙ্গালী, ইংরেজ » ইত্যাদি শব্দ, বিশেষ-বিশেষ প্রাণী বা জাতি বুঝায়; « সাধুতা, মহত্ব, আলস্য, শৈশব, দুঃখ » ইত্যাদি

শব্দ, কোন বস্তু না বুঝাইয়া, বিশেষ-বিশেষ ভাব বা গুণকে নির্দেশ করে ; « শয়ন, গমন, পড়া, বলা » ইত্যাদি শব্দ, বিশেষ কোন কার্য বুঝায় ; এবং « সভা, সমিতি, দল, জনতা, পল্টন, বাঁক » ইত্যাদি শব্দ, সমষ্টি বুঝায় ।

### [২] বিশেষণ (Adjective)

যে শব্দের দ্বারা নামের, বা ক্রিয়ার, বা অন্য কোনও বিশেষণের, গুণ, ধর্ম, কার্য বা অবস্থা প্রকাশিত হয়, তাহাকে বিশেষণ বলে ; যেমন—« পাঁচ হাত ; লম্বা দাড়ী ; উঁচু নজর ; খুব ভাল লোক ; অতি নিরীহ মানুষ ; বেশ গায় ; চমৎকার নাচে » ইত্যাদি । সম্বন্ধ-বাচক ষষ্ঠী বিভক্তির নাম-পদও বিশেষণ-স্থানীয় : « ভাতের হাঁড়ি, সোনার দাঁত, মামার বাড়ী » । অসমাপিকা ও অন্য ক্রিয়া-পদও বিশেষণ-রূপে প্রযুক্ত হয় : « নাচিয়া নাচিয়া চলে ; গেল বৎসর ; আস্ছে কাল » ।

### [৩] সর্বনাম (Pronoun)

যে পদ কোন বিশেষ্য-পদের স্থানে ব্যবহৃত হয়, তাহাকে সর্বনাম বা প্রতিনাম বলে । যথা—« রাম-বাবুর বাড়ী গিয়াছিলাম, শুনিলাম তিনি বাড়ী নাই » ; এখানে « তিনি » পদটী, « রাম-বাবু » এই নামের পরিবর্তে ব্যবহৃত হইয়াছে । « আমি বলিয়াছিলাম যে তোমার সঙ্গে একত্র যাইব »—এখানে, « আমি » বক্তার, ও « তোমার » যাহাকে বলা হইতেছে তাহার পরিবর্তে ব্যবহৃত হইয়াছে । « কে যায় ? »—এখানে « কে » শব্দ কোন অজ্ঞাত ও অমুল্লিখিত-পূর্ব ব্যক্তির স্থানে ব্যবহৃত হইয়াছে ।

সর্বনাম-পদ ব্যবহারের দ্বারা একই নাম-শব্দকে বার-বার উল্লেখ করার প্রয়োজন হয় না ।

### [৪] ক্রিয়াপদ বা আখ্যাত (Verb)

যে পদ-দ্বারা, বাক্য-স্থিত কোনও পদার্থের অবস্থান-সম্বন্ধে, বা তৎসংক্রান্ত কোনও-কিছু করণ বা ঘটন-সম্বন্ধে—এবং এই অবস্থান, করণ বা ঘটনের কাল ও রীতি-সম্বন্ধে—পূর্ণ বোধ জন্মে, তাহাকে ক্রিয়া বলে ।

পদার্থ বা বিশেষ্যের অবস্থা অথবা কার্য-সম্বন্ধে বিশেষ করিয়া ব্যাখ্যা করে বলিয়া, ক্রিয়া-পদের দ্বারা একটি নাম আশ্রিত।

ক্রিয়া-পদের দৃষ্টান্ত—« রাম যায় ; শীত পড়িয়াছে ; খাওয়া শেষ হইল ; লোভ ত্যাগ করিবে ; স্ত্রায়-ধর্ম ই রাজ্য রক্ষা করে ; আমি কাল সকালে দেখা করিব ; মা ছেলেকে দুধ খাওয়াইতেছেন » ইত্যাদি। এই-সকল বাক্যে, পদার্থের অবস্থান, বা তাহাদের দ্বারা কৃত কর্ম, অথবা তাহাদের সম্বন্ধে কোনও কিছু ঘটন—এই সব ব্যাপারের পূর্ণ পরিচয় পাইতেছি, এবং বাক্যস্থ বিষয়টির কাল-সম্বন্ধে এই ক্রিয়া-পদের দ্বারাই আমাদের পূর্ণ বোধ ঘটিতেছে।

« সে করিবে »—« করিবে » ক্রিয়াপদ, ভবিষ্যৎ বাচক, ইহাতে কোনও সন্দেহ নাই ; কিন্তু বিভক্তি-বিহীন প্রাপ্তিপদিক রূপ « করিব » হইতে যে ক্রিয়া-দ্যোতক নাম-শব্দ সৃষ্ট হইয়াছে ( যেমন « করিবা »- যথা, « করিবা-র, করিবা-মাত্র » ), তাহা হইতে কাল-বিষয়ে, অথবা উদ্দেশ্য- বা বিশেষ্য-বিষয়ে, অথবা কর্তার বিষয়ে, কোনও স্পষ্ট ধারণা হয় না।

### [৫] অব্যয় ও অব্যয়-স্থানীয় পদ

(Indeclinables—Conjunctions, Interjections etc.)

বাক্য-গত উক্তিকে এবং বাক্যস্থ অন্যান্য পদগুলির পরস্পরের সম্বন্ধকে, স্থান, কাল, পাত্র ও প্রকার-বিষয়ে সুপরিষ্কৃত করিয়া দেয়, এমন পদকে অব্যয় বলে।

সংস্কৃত ভাষায় এইরূপ পদ, বিশেষ্য, বিশেষণ, সর্বনাম ও ক্রিয়া-পদের স্থায়, লিঙ্গ, বচন, কারক, এবং কাল-ও পুরুষ-বাচক প্রত্যয়-বিভক্তি গ্রহণ করিত না ; বিভক্তি-যোগে ইহাদের মূল রূপের অথবা অর্থের কোনও ব্যয় অর্থাৎ 'ক্ষয় বা সঙ্কোচ বা পরিবর্তন' হইত না,—এই জন্ত এগুলিকে অ-ব্যয় বলা হইত ; যথা—« অপি ; চ ; তথা ; উত ; তু ; ননু » ইত্যাদি। বাঙ্গালায় এইরূপ বিকার-হীন অব্যয় শব্দ আছে ; যথা—« আর ; না ; ও ; তো » ইত্যাদি। এতদ্বিন্ন, সংস্কৃত ও অ-সংস্কৃত উভয় প্রকারের বহু বিভক্তি-যুক্ত বিশেষ্য, বিশেষণ, সর্বনাম ও ক্রিয়া-পদ, এবং উক্ত-প্রকার পদের সংযোগে সৃষ্ট বাক্যাংশ, বাঙ্গালা-ভাষায় অব্যয়-রূপে ব্যবহৃত হয় ; যথা—« বরং ; কিন্তু ; অর্থাৎ ; বলিয়া ; তাহা-হইলে » ; এগুলি অব্যয়-পর্ধ্যায়ই পড়ে। অব্যয়ের আলোচনা-কালে এগুলির বিচার করা হইবে।



## অনুশীলনী

- ১। এই সংজ্ঞাগুলির অর্থ কি?—শব্দ, পদ, বাক্য, কৃৎ, তদ্ধিত।
- ২। 'যোগিক, রুঢ়ি, ও যোগরুঢ় শব্দ' কাহাকে বলে? দুইটা করিয়া উদাহরণ দাও।
- ৩। পদ কয় প্রকারের? বিভিন্ন প্রকারের পদের সংজ্ঞা লিখিয়া উদাহরণ দাও।

### শব্দ-গঠন-কৃৎ ও তদ্ধিত-প্রত্যয়

(Word Formation : Affixes—Primary and Secondary)

### বাঙ্গালা (প্রাকৃত-জ) কৃৎ-প্রত্যয়

পূর্বেই বলা হইয়াছে, ক্রিয়া-প্রকৃতি বা ধাতুতে যে প্রত্যয় যুক্ত হয়, তাহাকে কৃৎ বলে। বাঙ্গালা ভাষার কৃৎ-প্রত্যয়গুলি সাধারণতঃ প্রাকৃত প্রত্যয় বা শব্দ হইতে লক্ষ্য। এতদ্ভিন্ন, সংস্কৃত বা তৎসম শব্দে, সংস্কৃতির বিশেষ কৃৎ-প্রত্যয় পাওয়া যায়—এগুলির দুই-একটা আবার বাঙ্গালা বা প্রাকৃত-জ ধাতুর সহিতও ব্যবহৃত হয়।

নিম্নলিখিত প্রাকৃত-জ কৃৎ-প্রত্যয়গুলি বাঙ্গালায় মিলে; প্রাকৃত-জ ধাতুর সঙ্গেই ইহাদের প্রয়োগ, বাঙ্গালায় আগত তৎসম ধাতুর সহিত এগুলি প্রায় যুক্ত হয় না।

[১] «-অ» প্রত্যয়। আধুনিক বাঙ্গালার উচ্চারণে এই প্রত্যয় এখন লুপ্ত। ধাতুর উত্তর এই প্রত্যয়-যোগে, ধাতু-গত ক্রিয়া-বাচক নাম-শব্দের সৃষ্টি হয়; যথা—« ধর-পাকড়, ভাঙ্গ-গড়, ভাঙ্গ-চুর, পাক ধরা, কাট ধরা, চল নাই, কাট-ছাঁট, ছাড়-পত্র, বাড়-বাড়ন্ত, জিত » ইত্যাদি। সকল ধাতুর উত্তর এই প্রত্যয় হয় না; বিশেষতঃ স্বরাস্ত ধাতুর উত্তর এই প্রত্যয় মিলে না। বাঙ্গালায় এই অ-প্রত্যয়-যুক্ত শব্দগুলি ক্রিয়া-গোতক বিশেষ হইয়া থাকে।

[২] «-অ» প্রত্যয় : এই «-অ» উচ্চারিত, এবং ইহা অনুরূপ প্রত্যয় «-ও» বা «-উ» হইতে অভিন্ন। 'প্রায় এইরূপ, পূর্ণভাবে এইরূপ নহে'—এই অর্থে, ধাতুর উত্তর এই প্রত্যয় হয়; যথা—« কাঁদ-কাঁদ (কাঁদো-কাঁদো), মরো-মরো, পাকো-পাকো, উড়-উড়, নিবো-নিবো বা নিবু-নিবু, ডুবু-ডুবু,

দাউ-দাউ করিয়া জলা, হবু-জামাই « ইত্যাদি। এই প্রত্যয়ের সাহায্যে গঠিত পদের সাধারণতঃ দ্বিভূ হয়—এবং এগুলি বিশেষণ-শব্দ।

[৩] «-অন», বিকারে স্বর-বর্ণের পরে «-ওন»: ক্রিয়া-বাচক বিশেষ্য সৃষ্টি করে, এবং অর্থ বহুশঃ ক্রিয়া-বাচক হইতে বস্তু-বাচক হইয়া যায়; যথা—  
 « √খা—খা-অন > খাওন; √হ—হ-অন > হওন; √থাক্—থাকন;  
 √নাচ্—নাচন; দেখন, বিধন (বেঁধন), ঝুলন; √উজা—উজান; শুনন,  
 কলন, কাঁদন »। « মরণ (= মরন), করণ (= করন), ধব্—ধরণ (= ধরন),  
 ধাব্—ধারণ (= ধারন) » ইত্যাদি কতকগুলি শব্দে সংস্কৃতের «-অন», এই  
 মূর্ধন্ত-ন-যুক্ত রূপে পাওয়া যায়। বস্তু-বাচক—« √ঝাড়্—ঝাড়ন (= ‘ধূলা প্রভৃতি  
 ঝাড়া’, এবং ‘ধূলা ঝাড়িবার বস্ত্রখণ্ড’), √ফুড়্—ফোড়্—ফোড়ন, √ঢাক্—  
 ঢাকন » ইত্যাদি।

ক্রিয়া-বাচক প্রত্যয়-হিসাবে, «-অন»-এর ব্যবহার এখন চলিত-ভাষায় ও  
 সাধু-ভাষায় কিছু কম।

«-অন»-প্রত্যয়ের প্রসার—

[৩ক] «-অন+ -আ->-অনা, -ওনা», এবং দ্বিমাত্রিকতা-হেতু অ-কার-  
 লোপে «-না»; যথা—ক্রিয়া-বাচক—« √কান্—কানন+ -আ > কাননা >  
 কাননা, কান্না; √দে+ -অন+ -আ > দেনা; √পা+ -অন+ -আ >  
 পাওনা; √রাক্+ -অন+ -আ > রাকনা, রান্না > রান্না » ইত্যাদি। বস্তু-  
 বাচক—« √কুট্—কুটনা (= ‘খণ্ডে খণ্ডে কাটা শাক-শব্জী’); √বাট্—  
 বাটনা; √ঢাক্—ঢাকনা; √বাজ্—বাজনা »। বিশেষ্য ও বিশেষণ—  
 « √মান্—মানন, মান্না; √শুখা—শুখানা, শুখনা »। দুই-এক স্থলে  
 ধাতুর দেখাদেখি, নাম-প্রকৃতিতেও এই প্রত্যয় যুক্ত হয়: « ছা (< শাবক্)—  
 ছানা; পো (< পোঅ< পোত)—পোনা; পক্ষ > পাখ—পাখনা »।

[৩খ] «-অন+ -ঐ, -ই > -অনী (-অনি)», স্বর-সঙ্গতির কলে  
 «-উনী, -উনি», ও পরে দ্বিমাত্রিকতার কারণ «-উ-» লোপে «-নী, -নি»।

স্বল্পতা-ছোটক, ক্রিয়া অর্থে, ও ক্ষুদ্র বস্তু অর্থে; এবং 'সে এই কার্য করে' এই অর্থে; যথা—« নাচনী (= 'নত'ন', তথা 'নত'কী'); কাঁচনী; বাঁধন—বাঁধনী; ঢাকন—ঢাকনা, ঢাকনী, ঢাকুনি; ছাউনী; করণী—করণী (করণি—ঘর-করণি = 'যে ঘর করে'); √মহ্—মহনী—মউনি (ঘোল-মউনি); বিননী, বিহনী; রাঁধনী (যে রাঁধে); পোড়ন—পোড়নী, জলন—জলনী (চলিত-ভাষায় জলুনি-পড়ুনি) » ইত্যাদি।

[৪] « -অস্ত » স্থলিঙ্গে « -অস্তী, -অস্তি (স্বর-সঙ্গতির প্রভাবে, উত্তি) »। বাঙ্গালার শতৃ-শানচ-বাচক প্রত্যয় (Participial Adjective): 'এইরূপ করিতেছে, এইরূপ অবস্থায় আছে',—এই অর্থে, এই প্রত্যয় বিশেষণ এবং বিশেষ্য গঠন করে; যথা—« √জী+ -অস্ত > জীয়স্ত, জ্যাস্ত; (সংস্কৃত ধাতু) জীব্—জীবস্ত; চলস্ত, ভাসস্ত, ঘুমস্ত, বাড়স্ত, উঠস্ত, হাসস্ত, নাচুস্তি, দেখুস্তি » ইত্যাদি। এই প্রত্যয় এখন বাঙ্গালায় আর জীয়স্ত নহে—সকল ধাতুর সহিত জুড়িয়া ইহার ব্যবহার করাও যায় না, মাত্র কতকগুলি ধাতুর সহিত ইহা মিলে।

এই « -অস্ত »-প্রত্যয়েরই রূপ-ভেদ ও উহার সহিত অনেকটা একার্থক—

✓[৫] « -অত » প্রত্যয়, প্রসারে « -অতা, -অতী (-অতি), -তা, -তি »: « √কির্—কিরত > কেরত, কিরতী, বিলাত-কেরত, বিলাত-কেরতা; √চল্—চলতী ভাষা; উঠতি বরস; বহতা নদী; সব-জান্তা (হিন্দীর প্রভাবে); পারত-পক্ষে » ইত্যাদি। « আমার জানত (=জানতো) লোক; করত, করতঃ (= [করতো], অর্থ, 'করিবার পর') »—এই দুই শব্দে অ-কারান্ত অ-প্রত্যয়-ই বিদ্যমান।

এই প্রত্যয়ের প্রসার-জাত « -অতী, -অতি, -তি »-প্রত্যয়, ক্রিয়া এবং বস্তু জানাইতেও ব্যবহৃত হয়; যথা—« কম্‌তি (ফারসী কম্ শব্দ, ধাতু-রূপে ব্যবহৃত)'; গুণতি (গুন্তি), ভরতি, বাড়তি, ঘাটতি, বড়তি-পড়তি » ইত্যাদি। (সংস্কৃত « -তি »-প্রত্যয়ের প্রভাব এ স্থলে কিছু আসিয়াছে বলিয়া মনে হয়

—« ভক্তি, মুক্তি, যুক্তি, মতি, গতি, নতি » প্রভৃতি -তি-প্রত্যয়ান্ত বহু শব্দের বাঙ্গালায় ব্যবহারের ফলে । )

আরবী « ওকালৎ, গাফিলৎ »-এর প্রসারে « ওকালতি, গাফিলতি », এবং ইহার দেখাদেখি ইংরেজী « জজ » শব্দ হইতে « জজিয়ৎ—জজিয়তি » ।

[৬] « -আ » : নিষ্ঠা, অর্থাৎ কর্ম-বাচ্যের অতীত-কাল-শ্রোতক বিশেষণ (Passive বা Past Participle) এবং ক্রিয়া-বাচক বা ভাব-বাচক বিশেষ্য (Verbal Noun) জানাইতে, ধাতুর উত্তর « -আ » -প্রত্যয় হয় : যথা « √ কর—করা » : (১) নিষ্ঠা = 'কৃত' অর্থে, যথা « করা কাজ » ; (২) ক্রিয়া-বাচক বিশেষ্য—« করা » = 'করণ-ক্রিয়া' । তদ্রূপ « চলা, বলা, খাওয়া, দেখা, দেওয়া, জানা, রাখা » ইত্যাদি ।

[৭] « -আ » : এই আ-প্রত্যয়, উৎপত্তির দিক্ হইতে দেখিলে, (৬)-সংখ্যক প্রত্যয় « -আ » -প্রত্যয় হইতে ভিন্ন—(৬)-সংখ্যক নিষ্ঠা « -আ » -প্রত্যয় আসিয়াছে সংস্কৃত « -ইত » বা « -ত » প্রত্যয় হইতে, এবং এই [৭] « -আ » প্রত্যয় আসিয়াছে « -অক » ( বা « -আক » ) প্রত্যয় হইতে । তদ্বিত « -আ » দ্রষ্টব্য ।

ধাতুর উত্তর এই প্রত্যয় বসাইয়া যে শব্দের সৃষ্টি হয়, তাহা একক ব্যবহৃত হয় না, অল্প শব্দের সহিত মিলিত বা সমস্ত হইয়া তবে ব্যবহৃত হয় ; এবং কতী, করণ বা অধিকরণ অর্থে এই সমস্ত-পদ প্রযুক্ত হয় ; যথা—« ভাত-রাঁধা হাঁড়ী ( করণ ) ; ভাত-রাঁধা বামুন ( কতী ) ; গলা-কাটা নাম ( অধিকরণ বা করণ ) , গলা-কাটা দোকানদার ( কতী ) ; কাপড়-কাচা সাবান ; পাঁঠা-কাটা খাঁড়া ; ইট-বহা মজুর ; বুক-ভাঙ্গা ছুংখ ; পাথ-মারা ; বাঘ-মারা ; মুখ-ধোওয়া জল ( 'মুখ ধুইবার জল', ও 'যে জলে মুখ ধোয়া হইয়াছে' ) ; আখ-মাড়া কল » ইত্যাদি ।

এই নিষ্ঠা আ-প্রত্যয়-যুক্ত শব্দের সহিত অন্ত শব্দের সমাস করা যায়, এবং বহুশঃ সেইরূপ সমস্ত-পদ যে বিশেষ্যের বিশেষণ, সেই বিশেষ্য-শব্দ সমস্ত-পদস্থ ক্রিয়ার কর্মস্থানীয় হইয়া থাকে ; যথা—« ঘরে-পাতা দই ; পায়ে-চলা পথ ; সুর-বাঁধা বীণা ; ঢেঁকি-ছাঁটা চাউল ; কুয়া-তোলা জল ; বাহুড়-চোষা আম » ইত্যাদি ।

[৮] «-আ» : শিভস্ত ক্রিয়ার ( অর্থাৎ অণ্ডের দ্বারা করানো ক্রিয়ার ), নাম-ধাতুর ( অর্থাৎ নাম বা বিশেষ্য হইতে সৃষ্ট ধাতুর ) এবং কর্ম-বাচ্যের ক্রিয়ার প্রত্যয় । ( ধাতুর অংশবৎ ব্যবহৃত হয় বলিয়া এই প্রত্যয়কে ধাতুবয়ব বলা হয় ) । যথা—« √করু+আ>√করা—করায় ; √জান্+আ>√জানা—জানায় ; √চাখ্+আ>√চাখা ; √ধো+আ>√ধোয়া ; √শো—শোয়া ; √খা—√খাওয়া ; রাক্ষা = রক্তবর্ণ+আ>√রাক্ষা—রাক্ষায় ( = ‘রক্তবর্ণে রঞ্জিত করে’, নাম-ধাতু ) ; চড়-শব্দ = ‘চপেটাঘাত’>√চড়া নাম-ধাতু ; বিষ—√বিষা ( নাম-ধাতু ) ; শাণ—√শাণা ; √বিঁধ্—√বেঁধা ( যথা—‘কান বেঁধায়’ ) ; √শুন্—√শোনা (‘কথাটা ভাল শোনায় না’—কর্ম-বাচ্যে) ; √কহ—√কহা ( কর্ম-বাচ্যে : ‘সে লোক ভালো কহায় বটে, কিন্তু আসলে সে মানুষ ভালো নয়’ ) » ইত্যাদি ।

[৯] «-আই» : ভাব-বাচক ক্রিয়া-ছোটক (এবং কচিং ভাব- হইতে বস্তু-ছোটক) । ধাতু ও শব্দ, উভয়ের উত্তর এই প্রত্যয় আইসে : « যাচাই, বাছাই, খোদাই, ঢালাই, লড়াই, (কাঠ-)ফাড়াই ; বামনাই, বড়াই, লম্বাই, চোড়াই (চওড়াই) ; দোলাই, মিঠাই ; ভালাই, পাল্টাই, চোরাই ; সাকাই (ফারসী ‘সাক’ হইতে) » । ( « চড়াই, উৎরাই, সেলাই, ধোলাই, চোলাই »—এই -আই-প্রত্যয়ান্ত শব্দগুলি হিন্দুস্থানী হইতে গৃহীত ; এবং হিন্দুস্থানী « বনাই » শব্দের বিকারে আমাদের « বানী » শব্দ—‘সেকরার পারিশ্রমিক’ অর্থে ) ।

[১০] «-আইৎ», চলিত-ভাষায় «-আৎ», স্ত্রীলিঙ্গে «-আতী» : ধাতুর উত্তর (এবং শব্দের উত্তর) শত্ব-বাচক প্রত্যয়, অথবা ‘তাহার আছে’ এই অর্থ-ছোটক প্রত্যয় ; যথা—« √ডাক—ডাকাইত, ডাকাত ; বাইতি (‘যে বাজায়’—প্রাচীন বাঙ্গলা « √ব্রা » = ‘বাজানো’) » ; শব্দের উত্তরে—« সেবা—সেবাইত ; সঙ্গ—সঙ্গাইত, সঙ্গাত ; পো—পোহাইতী, পোয়াতী = ‘সন্তানবতী, শিশুর মাতা’ » ।

[১০ক] এই প্রত্যয়ে, ভাবার্থে «-ঈ বা -ই » যোগ করিয়া «-আইতী,

-আতি » প্রত্যয় পাওয়া যায়—« ডাকাইত—ডাকাইতী, ডাকাতি; সাক্ষাতী » ।

[১১] « -আও » : ধাতুর উত্তর ভাবার্থে এই প্রত্যয় হয় : « চড়াও, ঘেরাও, ছাড়াও, বনিবনাও » । ( হিন্দুস্থানীতে এই প্রত্যয়ের রূপ « আর » : হিন্দুস্থানী « কৈলার » হইতে বাংলা « কয়লাও, কালাও »—‘প্রসার’ অর্থে ) ।

[১২] « -আন্, -আন (-আনো) » : এই প্রত্যয়-যোগে গিজস্ত ক্রিয়া হইতে ক্রিয়া-বাচক ও তাহার অর্থ-পরিবর্তনে কচিৎ বস্তু-বাচক বিশেষ্য সৃষ্ট হয় ; যথা—« আঁচানো ; জানান্ (‘জানান্ দিয়া যাওয়া’), জানানো (‘তাকে জানানো না-জানানো দুই-ই সমান’) ; চালান্ (‘মাল চালান্ দেওয়া’—‘ইটের গাড়ীর চালান্’), চালানো (‘এ কাজ চালানো আমার দ্বারা সম্ভব নয়’) ; মানান্ (‘মানান্-সহি’), মানানো ; শোনানো » ইত্যাদি । নাম-ধাতু হইতে—« জুতা—জুতান্, জুতানো ; যোগ—যোগান্, যোগানো ; ঠক—ঠকান্, ঠকানো ; হাত—হাতানো ; কম—কমানো ; জমা—জমানো » ইত্যাদি ।

বিশেষার্থে « -আন্ », সামান্তার্থে « -আনো » প্রত্যয় হয় । এই « আন্, আনো » -প্রত্যয়ের প্রসার—

[১২ক] « -আনি, -আনী », ও তাহার বিকারে « -অনী, -অনি, -ওনী, -উনী, -উনি » : ভাব-বাচক ক্রিয়া জানাইতে ব্যবহৃত হয় : কচিৎ বস্তু-বাচক নাম-রূপেও ব্যবহৃত হয় ; যথা—« শুনানী, শোনানী ; পারানী, দেখানী, ঝাঁকানী ; নিড়ানী ; উড়ানী, উড়ানি, উড়নি, উড়নি ; জালানি ; ঝাঁকানি, ঝাঁকনি, ঝাঁকুনি ; শেজ-তোলানী, শেজ-তুলনি » ।

[১৩] « -আন (-আনো) »—গিজস্ত বা নাম-ধাতুর নিষ্ঠা অর্থে, [৬] « -আ » দ্রষ্টব্য ; যথা—« করানো, দেখানো, হওয়ানো » ইত্যাদি ।

[১৪] « -ই » : কতকগুলি ধাতুতে « -ই » -প্রত্যয় পাওয়া যায়—ভাব-বাচ্যে ; এই « -ই » চলিত ভাষায় লুপ্ত হয়, কিন্তু অপিনিহিত অবস্থায় পূর্ব-বঙ্গের কথ্য ভাষায় ইহা বিদ্যমান থাকে ; যথা, « মারি—(মাইব)—মার ;

হাসি—( হাইস্ )—হাস ( চলিত-ভাষায় হাঁসি ); মারি-ধরি > মাইর্-ধইর্—  
চলিত-ভাষায় মার-ধোরু ; হারি—( হাইর্ )—হার্ » ইত্যাদি ।

[১৫] « -ইত- », চলিত-ভাষায় আনুষঙ্গিক ই-কারের লোপের ফলে  
« -ত- » ( অভিশ্রুতি-হেতু পূর্ববর্তী অ-কারের উচ্চারণ ও-কার হয় ) । ইহা  
বাঙ্গালা ভাষার শত্-প্রত্যয়, সাধারণতঃ পদটীতে দ্বিত্ব করিয়া ব্যবহৃত হয় ;  
[ ৪, ৫ ] « -অন্ত, -অত » -প্রত্যয়-দ্বয়ের সহিত সম-মূল ; যথা—« √ কর্ +  
-ইত- + -এ = করিতে ( করিতে-করিতে ), চলিত-ভাষায় ক'রতে [ = কোরতে ] ;  
চাইতে = চাহিতে = √ চাহ্ + -ইত্- + -এ » ইত্যাদি ।

[১৬] « -ইব- », চলিত-ভাষায় « -ব- » ( আনুষঙ্গিক ই-লোপ এবং  
তদনন্তর অ-কারের অভিশ্রুতিতে ও -কারে পরিবর্তন ) ; ভবিষ্যৎ কালের  
ক্রিয়ার প্রাতিপদিক রূপ এই প্রত্যয়-দ্বারা সাধিত হয় ; যথা—« √ কর্ + -ইব্- =  
করিব্- = করিব্ + -অ = করিব, করিব্- + এন্ = করিবেন ; চলিব্-, খাইব্-,  
যাইব্-, দেখিব্- » ইত্যাদি ।

[১৭] « -ইবা » ; এই প্রত্যয়ের যোগে ক্রিয়া-বা ভাব-বাচক বিশেষ্য হয় ;  
যথা—« করিবা-মাত্র, দিবা-র জন্ম » । এই « -ইবা » -প্রত্যয়, চলিত-ভাষায় ই-কার  
লোপে « -বা » হয়, কিন্তু এ ক্ষেত্রে, ধাতুতে অ-কার থাকিলে, অভিশ্রুতি-দ্বারা  
ও-তে তাহার পরিবর্তন ঘটে না—যথা « করিবা-মাত্র > করুবা-মাত্র »,  
উচ্চারণে [ কোরুবা-মাত্র ] নহে ।

[১৮] « -ইয়া » ; অসমাপিকা ক্রিয়ার প্রত্যয়, চলিত-ভাষায় « -এ, -য়ে »  
( অভিশ্রুতি সহ ) ; যথা—« করিয়া—ক'রে, বহিয়া—ব'য়ে, খাইয়া—খেয়ে,  
চাহিয়া—চাইয়া > চেয়ে » ইত্যাদি ।

[১৯] « -ইয়া » ; কতকগুলি ধাতুর উত্তর, 'সেই বিষয়ে প্রবীণ বা  
নিপুণ' অর্থে, চলিত-ভাষায় এই প্রত্যয় মিলে ; যথা—« খাইয়ে', গাইয়ে',  
বাজিয়ে', চলিয়ে', বলিয়ে' » ইত্যাদি ।

[২০] « -ইল্- », অতীত কালের ক্রিয়ার প্রাতিপদিক রূপ এই প্রত্যয়-

যোগে হয় ; ( চলিত-ভাষায় « - ল্ », সঙ্গে-সঙ্গে ই-কার-লোপ, এবং অ-কারের অভিশ্রুতি-জাত ও-কারে পরিবর্তন ; এবং চলিত-ভাষায় ধাতুর « আ + ই » মিলিয়া এ-কারে পরিবর্তিত হয়—কিন্তু মূলে ধাতুতে « হ্ » থাকিলে, এই হ-লোপের পরে অবশিষ্ট « আ + ই » মিলিয়া « এ » হয় না, « আই » থাকে ) ; যথা—« চলিল্-, খাইল্- (চলিত-ভাষায় খেল্-), যাইল্-, বলিল্-; চাহিল্ (>চাইল্), নাহিল্- (>নাইল্-) » ইত্যাদি। ইহার-ই প্রসারে—

[২০ক] « - ইলে » প্রত্যয়—অসমাপিকা-ক্রিয়া-গোতক, [২০] সংখ্যক প্রত্যয়ের অনুরূপ ; চলিত-ভাষায় « - লে » ; « চলিলে—চলিল্লে, বহিলে—বইলে, খাইলে—খেলে, চাহিলে—চাইলে (‘চেলে’ নহে), রহিলে—রইলে » ইত্যাদি।

[২১] « - উয়া ( - উয়া ) » (চলিত-ভাষায় « - ও » — আনুষঙ্গিক অভিশ্রুতি সহ) ; ‘সে করে’ এই অর্থে : « √ পঢ় > পড় = ‘পাঠ করা’—পড়িয়া > পড়ো ( = ‘ছাত্র’ ) ; √ খা—খাওয়া, খেয়ো ; √ পড়্ ( = পত্নিত হওয়া ) —পড়িয়া > পড়ো ( ‘পড়ো বাড়ী’ ) » ইত্যাদি। প্রত্যয়টি অন্ত শব্দের সঙ্গে-ও প্রযুক্ত হয়, এবং সম্পর্ক জানায় ; যথা—« সাথ—সাথুয়া, সাথুয়া > সেথো ; জল—জলুয়া > জলো » ইত্যাদি।

[২২] « - উক » ; —প্রসারে « - উক + -আ = -উকা » ; স্বভাব প্রকাশ করে ; যথা—« √ খা—খাউকা—খেকো ; √ মিশ্—মিশুক » । নাম-পদের সহিতও যুক্ত হয় ; যথা—« পেট—পেটুক ; মিথ্যা—মিথুক ; হিংসা—হিংসুক » ।

[২৩] « - ক » ; —প্রসারে « - কা, - কী, -কি » ; স্বার্থে, এবং সংযোগ জানাইতে এই প্রত্যয় ব্যবহৃত হয় ; যথা—« √ মুড়্—মোড়ক ; √ টান্—টনক ; √ চড়্—চড়ক ; √ ছন্—ছনক ; √ কাট্—কাটক, কটক ; সড়ক, সড়কী ; মড়ক (< মড়া ) ; ( √ চ্— > ) চুক ; পটকা ; √ চল্—চলকা ; √ বৈঠ্—বৈঠক ; হেঁচকা, হেঁচকী ; হুড়কা » ইত্যাদি। « - ক »-প্রত্যয় নাম-পদের সহিতও ব্যবহৃত হয়।



এতদ্ভিন্ন, ধাতুর প্রসারক কতকগুলি কৃৎ-প্রত্যয় বাঙ্গালায় পাওয়া যায়। এগুলির দ্বারা ধাতুর অর্থ ঈষৎ পরিবর্তিত, পরিবর্তিত অথবা সঙ্কচিত হইয়া থাকে। এগুলি যথা—

[ক] « -ক- » ; √কুঁচ্—কৌঁচকা; খিঁচকা; টপকা; √থাম্—থমকা; ঠমকা; √নড়্—নড়কা; ভড়কা; √বহ্—বহকা, বখা, বকা; জমকা; সটকা; √মূচ্—মূচকা; √চল্—চলকা » ইত্যাদি।

[খ] « -ট- » ; « কষটা; কছটা; ঘষটা; চিপটা; জাপটা; পাশটা; দাপটা; লপটা » ইত্যাদি।

[গ] « -ড়- » ; « ঘষড়া; ঘেঁষড়া; দাবড়া; হেঁচড়া; আঁচড়া; খেদড়া; খিঁচড়া; চুমড়া; তাকড়া; থাবড়া; নিকড়া; দৌড়া ( সংস্কৃত √ক্র—দ্রব + -ড- ) ; হুমড়া; হাঁকড়া; হাতড়া » ইত্যাদি।

[ঘ] « -র- » ; « ঠাহরা, চুমরা, কাঁকরা, হাঁকরা, ডুকরা, ফুকরা » ।

[ঙ] « -ল- » ; « আগলা, খোসলা, ছোবলা, খেঁতলা, দাঁদলা, পিকলা, ফুসলা, বাওলা, হামলা » ইত্যাদি।

[চ] « -স-, -চ- » ; « গুমসা, চকসা, বলসা; ধামসা, বালসা; ভাপসা ( < ভাপ = বাষ্প ) ; লেঙ্গাচা, ভাঙ্গাচা, ভেঙ্গাচা ( < ভুঙ্গ = মুখভঙ্গী ) » ইত্যাদি।

### সংস্কৃত কৃৎ-প্রত্যয়

বাঙ্গালায় বহু সংস্কৃত কৃৎ-প্রত্যয় শব্দ ব্যবহৃত হয়। এই-সকল শব্দের আলোচনা সংস্কৃত ব্যাকরণেরই অন্তর্ভুক্ত—সংস্কৃত ধাতু ও সংস্কৃত প্রত্যয় যোগে কি করিয়া সেগুলি গঠিত হইল। কিন্তু বাঙ্গালা ভাষায় এই প্রকার শব্দের বিশেষ আধিক্য হেতু, এগুলির আলোচনা বাঙ্গালা ব্যাকরণেরই অংশ বলিয়া বিবেচিত হয়। কখনও-কখনও সংস্কৃত ধাতু ও প্রত্যয়, বাঙ্গালা ধাতু ও প্রত্যয়ের সঙ্গে সমান; এবং যেখানে পার্থক্য থাকে, সাধারণতঃ সেখানেও এই দুইয়ের যোগ বোঝা কঠিন হয় না। সংস্কৃতের সহিত তুল্য রূপ বাঙ্গালা ধাতু ও প্রত্যয়, যথা—« √চল্ +

অন = চলন ;  $\sqrt{\text{ম}}$ —মব্—মব্ + অন = সংস্কৃত মরণ, বাঙ্গালা মরন ;  $\sqrt{\text{ক}}$ —কব্—  
—কব্ + অন = সংস্কৃত করণ, বাঙ্গালা করন » । সংস্কৃত হইতে ঈবৎ পরিবর্তিত  
রূপে বাঙ্গালার প্রাকৃত-জ ধাতু—« ( সংস্কৃত ) পঠ্—পঠন, ( বাঙ্গালা ) পঢ়্ >  
পড়্—পড়ন ; ( সংস্কৃত ) খাদ্—খাদন, ( বাঙ্গালা ) খা—খাওন » ; ইত্যাদি ।

সংস্কৃতে কৃৎ ( এবং তদ্ধিত ) প্রত্যয় যুক্ত হইলে, 'গুণ', 'বৃদ্ধি' ও 'সম্প্রসারণ' ( অর্থাৎ সংস্কৃতির  
স্বরধ্বনির পরিবর্তনের কতকগুলি বিশেষ নিয়ম ) হেতু, ধাতুর মধ্যস্থ স্বরধ্বনির বহুশঃ পরিবর্তন  
হইয়া যায় । এতদ্ভিন্ন, ধাতুর স্বর- বা ব্যঞ্জন-বর্ণের বিলোপও হইতে পারে । প্রত্যয়-রূপে প্রযুক্ত  
অক্ষরটি হয় তো এক ; কিন্তু এই এক প্রত্যয়-ই, বিভিন্ন অবস্থায় ভিন্ন ভিন্ন ধাতুতে, অর্থের  
পরিবর্তনের সঙ্গে-সঙ্গে, ধাতুর রূপেরও নানা প্রকারের পরিবর্তন আনয়ন করে ; যেমন—  
বিশেষ পদ-ছোতক « -অ » -প্রত্যয় ; ইহার যোগে ধাতুতে নানা প্রকারের পরিবর্তন দেখা যায় ;  
যথা—«  $\sqrt{\text{বুধ্}}$  ( = বুধা, জানা ) + অ = বুধ » ( 'যে বুঝে বা জানে, পণ্ডিত',—এখানে ধাতুতে  
কোনও পরিবর্তন নাই ) ; «  $\sqrt{\text{বদ}}$  + অ = বদ » ( 'যে বলে' ; যথা—« বশংবদ, প্রিয়ংবদ »,  
এখানেও ধাতুতে কোনও পরিবর্তন নাই ) ; কিন্তু «  $\sqrt{\text{বদ}}$  + অ = বাদ » ( 'বলা, বলার ভাব',  
এখানে ধাতুতে 'বৃদ্ধি' হইল, অ-কার আ-তে পরিবর্তিত হইল ) ; « অন্ব +  $\sqrt{\text{জন্}}$  + অ = অন্ব-জ »  
( এখানে জন্-ধাতুর ন-কারের ও অ-কারের লোপ হইয়া, তবে অ-প্রত্যয় যুক্ত হইল ) ; «  $\sqrt{\text{জি}}$  +  
অ = জই-অ = জয় » ( এখানে ধাতুর স্বর-ধ্বনির 'গুণ' হইয়াছে ) ।

প্রত্যয়গুলির শক্তি, এবং প্রত্যয়-যোগে ধাতুর রূপের পরিবর্তন লক্ষ্য করিয়া, পাণিনি-প্রমুখ  
সংস্কৃত ব্যাকরণকারগণ প্রত্যয়গুলির এমন ভাবে নাম-করণ করিয়াছেন, যাহাতে নাম দর্শন-মাত্রেই  
সেগুলির কার্য পূরাপূরি বুঝিতে পারা যায় । মূল প্রত্যয়টিকে ( অর্থাৎ যে একটা বা একাধিক অক্ষর  
প্রত্যয়ের কাজ করে সেটিকে ) ধরিয়া, তাহার অগ্রে ও পশ্চাতে অল্প কতকগুলি অক্ষর জুড়িয়া  
দিয়াছেন ; অক্ষরগুলি বিশেষ-বিশেষ অর্থের অথবা বিশেষ-বিশেষ পরিবর্তনের নির্দেশক ; যেমন—  
«  $\sqrt{\text{বুধ্}}$  + অ = বুধ » ; এ ক্ষেত্রে, এই « -অ »-প্রত্যয়কে, মাত্র « অ » না বলিয়া, ইহাতে « ক্ »  
বর্ণ জুড়িয়া দিয়া, ইহার নামকরণ হইয়াছে « ক্ + অ » = « ক » -প্রত্যয়, « ক্ » -ধারা পাণিনির  
ব্যাখ্যা-মতে এইটুকু ছোতিত হয় যে, যে ধাতুর সঙ্গে এই « ক » ( বা « অ » ) -প্রত্যয় যুক্ত হয়,  
তাহার স্বর-ধ্বনি « ই, উ, ঋ, ঌ »—এই কয়টির একটা, এবং ইহার দ্বারা 'সে করে' এই অর্থ  
ছোতিত হয় ; এবং এই অর্থে, « জা, জী ও ক্ », দীর্ঘ-স্বর-যুক্ত এই তিনটা ধাতুর পরে যে « অ »  
আইসে, তাহাকেও « ক » -নামে অভিহিত করা হয় । «  $\sqrt{\text{বদ}}$  + অ » = « বাদ », এখানে « অ »-  
প্রত্যয়ের পূর্বে « ষ্ »-বর্ণ ও পরে « ঞ্ »-বর্ণ জুড়িয়া দিয়া, ইহার নাম করা হইয়াছে « ষ্ ঞ্ »—

« ষ্ + অ + ঞ্ » ;—« ঞ্ »-এর অর্থ এই যে, ধাতুতে যদি হ্রস্ব স্বর থাকে, এবং হ্রস্ব স্বরের পরে যদি অক্ষর ধ্বনি থাকে, তাহা হইলে এই হ্রস্ব স্বরের গুণ হয় ; আর যদি ধাতুতে স্বর-ধ্বনির পরে ব্যঞ্জন না থাকে, তাহা হইলে এই স্বর-ধ্বনির বৃদ্ধি হয় ; এবং যদি ধাতুতে অ-কার থাকে, তাহা হইলে অ-কারের বৃদ্ধি হইয়া আ-কার হয় ; এবং « ষ্ »-দ্বারা হইয়াই জোতিত হয় যে, সৃষ্ট শব্দটী কতৃ-বাচক হয় না,—কর্ম, করণ, সম্প্রদান, অপাদান, অধিকরণ, ভাব ইত্যাদি বাচক হয় ; « ষঞ্ » নামে পরিচিত এই « অ »-প্রত্যয়-দ্বারা ভাব-বাচ্যের বা কর্ম-বাচ্যের ক্রিয়া-বাচক নাম-শব্দ সৃষ্ট হয় । « অনূ-জ » শব্দে যে « অ »-প্রত্যয় আছে, তাহার নাম দেওয়া হইয়াছে « ড » ( « ড্ + অ » ), এবং এই « ড্ »-দ্বারা ইহা সূচিত হয় যে, স্বরান্ত ধাতু হইলে ইহার স্বরবর্ণ, এবং ব্যঞ্জনান্ত ধাতু হইলে ইহার স্বর ও অন্ত্য ব্যঞ্জন উভয়ই, লুপ্ত হয় ; যেমন —« অনূ + √ জন্ + অ » — এখানে « জন্ ( জ্ অন্ ) »-ধাতুর স্বর « অ » ও অন্তিম ব্যঞ্জন « ন্ » দুইয়েরই লোপ হইল, ধাতুর মাত্র « জ্ » অবশিষ্ট রহিল, এবং এই « জ্ »-এ « অ »-প্রত্যয় যোগ হওয়ায়, প্রত্যয়ান্ত ধাতুর রূপ হইল « জ »—« অনূ + √ জন্ + অ > অনূ + জ্ অন্ + অ > অনূ + জ্ + অ, অনূজ » ।

সংস্কৃত ব্যাকরণে এইরূপে প্রত্যয়ের নাম-করণের জন্ম, সেগুলির কার্য-বাচক যে ধ্বনি বা বর্ণ যোগ করা হয়, সেই বর্ণ গুলিকে অনুবন্ধ বলে । অনুবন্ধের বর্ণকে বাদ দিয়া ( সংস্কৃত ব্যাকরণের ভাষায়, আগত এই-সব বর্ণকে হ্রীৎ অর্থাৎ লোপ করিয়া ) যেটুকু অবশিষ্ট থাকে, সেই টুকুই হইতেছে সত্যকার প্রত্যয় ।

নীচে বাঙ্গালায় আগত সাধারণ সংস্কৃত শব্দে প্রাপ্ত আবশ্যিক সংস্কৃত কৃৎ-প্রত্যয়ের তালিকা প্রদত্ত হইল—তালিকায় প্রথমতঃ প্রত্যয়ের অক্ষরটী, ও পরে অনুবন্ধ-বর্ণ-যুক্ত প্রত্যয়ের নাম দেওয়া হইল ।

[১] **শূণ্য প্রত্যয়**—যেখানে ধাতুর উত্তর কোনও প্রত্যয় যুক্ত হয় না, মূল ধাতুই শব্দ-রূপে ব্যবহৃত হয় ;—এই-রূপ শব্দকে যুগপৎ ধাতু-প্রকৃতি ও নাম-প্রকৃতি বলা যায় । কতৃ-বাচ্যে ও ভাবে, উভয়বিধ অর্থে, প্রত্যয়-হীন ধাতু এই-রূপে নাম বা শব্দের কার্য করে ;—কেবল, যেখানে ধাতু হ্রস্ব-স্বরান্ত, সেখানে ধাতুর পরে একটী « ত্ ( ৎ ) » বসে ; যথা—« উদ্ + √ ভিদ্ = উদ্ভিদ্ ( 'যাহা ভেদ করিয়া উপরে উঠে' ) ; সেনা + √ নী = সেনানী ( 'যিনি সেনাকে চালান' ) ; ভাষা + √ বিদ্ = ভাষাবিদ্ ( 'যিনি ভাষা জানেন' : সংস্কৃতের প্রথমার একবচনের রূপ ধরিয়া, ত্-কারান্ত 'ভাষাবিং' রূপই বাঙ্গালায় সাধারণ ) ; তদ্রূপ, ধম-বিৎ, ব্রহ্ম-বিৎ, তত্ত্ব-বিৎ, ভূগোল-বিৎ ইত্যাদি ; পরি + √ সদ্ = পরিষৎ,

পরিষদ (‘সভা’) ; উপ + নি + √সদ = উপনিষৎ, উপনিষদ (‘যাহার জন্ম গুরু  
কাছে বসে, তত্ত্বজ্ঞান, ব্রহ্মজ্ঞানের শাস্ত্র’) ; সভা + √সদ = সভাসদ (‘সভায়  
বসে যে’) ; স্বয়ম্ + √ভূ = স্বয়ম্ভূ ; ইন্দ্র + √জি = ইন্দ্রজিৎ (ত-কারের আগম,—  
‘ইন্দ্রকে যে জয় করিয়াছে’) ; বি + √পদ্ = বিপদ্ ; তদ্রূপ আপদ্, সম্পদ্ ;  
√চিৎ = চিৎ (‘জ্ঞান’) ; সম্ + √বিদ্ = সংবিৎ ; আ + √শাস্ = আশিষ্,  
আশীঃ ; বি + √হ্য (বা হ্যৎ) = বিহ্যৎ ; ব্রহ্ম + √হন = ব্রহ্মহন, ব্রহ্মহা ; সম +  
√হা = সংহা ; বীর + √স্ব = বীরস্ব ; অগ্র + √নী = অগ্রনী ; স্ব + √রাজ্ =  
স্বরাজ্ (‘স্বরাট্’—সংস্কৃতের প্রথমার একবচনের এই রূপই বেনী প্রচলিত ;  
‘স্বাধীন রাজ্য’-অর্থে বাঙ্গালা ‘স্বরাজ’ শব্দ কিন্তু সংস্কৃত ‘স্বরাজ্য’ হইতে জাত) ;  
সম্ + √রাজ্ = সম্রাট্ (সংস্কৃতের প্রথমার একবচনের রূপ) ; দুঃখ +  
√ভজ্ = দুঃখভাক্ » ; ইত্যাদি । সংস্কৃতে এই শূত্র প্রত্যয়ের « ক্রিপ্, ক্রিন্ »  
প্রভৃতি কতকগুলি নাম আছে ।

[২] «-অ» প্রত্যয় । কর্তার, অথবা ভাবের প্রকাশ করিবার জন্ম,  
এই প্রত্যয়টী ব্যবহৃত হয়—এটা সংস্কৃতের একটা বহুল-প্রযুক্ত প্রত্যয় । এই  
প্রত্যয়ের কার্য অবস্থা-গতিকে বিভিন্ন হয় ; এবং অনুবন্ধ-সমূহ যোগ করিয়া,  
এই সকল বিভিন্নতা প্রদর্শিত হয় । তদনুসারে, এই « অ »-প্রত্যয়ের বিভিন্ন  
রূপ হয় ; ইহার এই কয়টা বিভিন্ন রূপ লক্ষণীয় :—

[২ক] « অ = অ » : অন্ত-প্রত্যয়-যুক্ত ধাতুতে, তথা ব্যঞ্জনান্ত দীর্ঘ-স্বর-  
যুক্ত ধাতুতে, এই « অ » যোগ করিয়া, ভাববাচী সংজ্ঞা বা নাম সৃষ্টি করা হয় ;  
নব-সৃষ্ট এই-রূপ ভাব-বাচক শব্দ, সংস্কৃতে স্ত্রীলিঙ্গের শব্দ হয় বলিয়া, এগুলিতে  
উপরন্ত «-আ»-প্রত্যয়ও যুক্ত হইতে হয় ; যথা—‘করা’-অর্থে কৃ-ধাতু, তাহাতে  
ইচ্ছা-গোতক « সন্ »-নামে প্রত্যয় যোগ করিয়া, « √কৃ + সন্ » মিলিয়া  
হইল « চিকীর্ষ » (সন্-প্রত্যয়ে ধাতুতে « স্ » যোগ হয়, ধাতুর অভ্যাস বা  
দ্বিত্ব-ভাব হয়, এবং ধাতুর আভ্যাসের পরিবর্তনও হয়—« √কৃ + স্ » = « কীর্ +  
স্ » = অভ্যাস-দ্বারা « \* কিকীর্ + স্ » স্থানে « চিকীর্ + স্ », স্ব-বিধানে

« চিকীর্ষ্ » ); তাহাতে এই « অ »-যোগে « চিকীর্ষ্ » + « -অ » = « চিকীর্ষ » ; তদন্তর স্ত্রীলিঙ্গে « -আ ( = টাপ্ ) » -প্রত্যয় যোগ করিয়া « চিকীর্ষা », অর্থ, 'করিবার ইচ্ছা' ; তদ্রূপ « √পা + সন্ » = « পিপাস্ » + « -অ » = « পিপাস » + « -আ » = « পিপাসা » = 'পান করিবার ইচ্ছা' ; তদ্রূপ, « দিদৃক্ষা ( √দৃশ্ ) », জিজ্ঞাসা ( √জা ) » ইত্যাদি ; « √ঈহ্ ( ব্যঞ্জনান্ত দীর্ঘ-স্বর-যুক্ত ধাতু ) + অ + আ = ঈহা ( = 'ইচ্ছা' ) » ; তদ্বৎ « উহা ( = তর্ক ) ; বাধা, শিক্ষা, পীড়া, হিংসা, লজ্জা, অসূয়া, সেবা, ভিক্ষা, দীক্ষা, রক্ষা, প্রশংসা » ।

[২খ] « অ = অঙ্ » : « ভিদ্ » প্রভৃতি কতকগুলি ধাতু, যেগুলি প্রত্যয়ান্ত নহে, এবং যেগুলিতে দীর্ঘ স্বর-ধ্বনিও নাই, সেগুলি হইতে পূর্ববৎ স্ত্রীলিঙ্গময় ভাব-বাচক সংজ্ঞা সৃষ্টি করিতে, এই « অঙ্ = অ » -প্রত্যয় যুক্ত হয় ; যথা— « √ভিদ্ + অঙ্ ( = অ ) + আ ( টাপ্ ) » = « ভিদা », অর্থ 'ভেদ' ; « শ্রদ্ বা শ্রৎ » + « √ধা » + « অঙ্ ( = অ ) + আ ( = টাপ্ ) » = « শ্রদ্ধা » ; √রূপ্ + অ ( = অঙ্ ) + আ ( = টাপ্ ) = রূপা » ; √চিস্ত্ + অঙ্ + « আ » = « চিস্তা » ; « √জ্ + অঙ্ + টাপ্ = জরা » ।

[২গ] « অ = অচ » : « পচ » প্রভৃতি কতকগুলিতে ধাতুর উত্তর এই প্রত্যয় যোগে কত্ব-বাচ্যে ( অর্থাৎ 'এই কার্য্য সে করে' এই অর্থে ) সংজ্ঞা সৃষ্টি হয় ; যথা— « নন্দ ( = 'যে আনন্দ করে' ), চর ( 'যে চরে বা ঘুরিয়া বেড়ায়' ) ; √চূষ্—চোর ; অর্হ ( = যোগ্য ) ; চরাচর, চলাচল ; গ্রহ ( = 'যে গ্রহণ করে বা ধরে' ) » ইত্যাদি ।

ই-কারান্ত এবং অন্ত কতকগুলি ধাতুতে, এই « অচ্ »-প্রত্যয়-যোগে ভাব-বাচক নাম সৃষ্টি হয় ; যথা— « √জি + অচ্—জয় ; √নী—নয়, প্রণয়, বিনয় ; √ভী—ভয় ; √চি—চয়, সমুচ্চয়, নিচয় ; √স্ত—স্তব ; √বৃষ্—বর্ষ ( = 'বর্ষণ-কার্য্য' ) ; গুহা + √শী + অচ্ = গুহাশয় ; তদ্রূপ পার্শ্বশয় » ইত্যাদি ।

[২ঘ] « অ = অণ্ » : পূর্বে কর্ম-পদের কোনও শব্দ যুক্ত হইলে, পরবর্তী ধাতুতে যে « অ »-প্রত্যয় আইসে, তাহাকে « অণ্ » বলে ; যথা— « কুণ্ডকার

= « কুন্ত + √কৃ + অণ্ = অ » ; তদ্রূপ « গ্রন্থকার, শাস্ত্রকার, চাটুকার ; তন্তুবায় ( তন্তু + √বে + অণ্ ) ; দ্বারপাল » ।

[২৬] « অ = অণ্ » : বিশেষ করিয়া দীর্ঘ ঙ্গ-কারান্ত ও উ-উ-কারান্ত ধাতু হইতে এই প্রত্যয়ের যোগে ভাব-বাচক সংজ্ঞা গঠিত হয় ; যথা—« আ + √দৃ + অণ্ = আদর ; বি + √সৃ + অণ্ = বিস্তর ; √ভূ + অণ্ = ভব ; √জপ্ + অণ্ = জপ » । তদ্রূপ « স্বন, যম, সংযম, নিকণ » ইত্যাদি ।

[ এতৎসম্পর্কে নিম্নে দত্ত « ঘঞ্ » -প্রত্যয় দ্রষ্টব্য—[২৪] « অ = ঘঞ্ » । ]

[২৫] « অ = ক » : ব্যঞ্জনান্ত ধাতুর স্বর-ধ্বনি যদি « ই, উ, ঋ, ঌ » থাকে ( অথবা, যদি « উপধা »-বর্ণ অর্থাৎ, শেষ ধ্বনি বা বর্ণ, « ই, উ, ঋ, ঌ » এই করটীর একটা হয় ), তাহা হইলে কর্তৃ-বাচক ( 'সে করে' এই অর্থে ) সংজ্ঞা-শব্দ এই « অ = ক »-প্রত্যয়-যোগে নিম্পন্ন হয় ; যথা—« √বুধ্ + ক = বুধ ; √লিখ্ + ক = লিখ ; √মিল্ + ক = মিল » ইত্যাদি ।

« √জ্ঞা, √প্রী, √কৃ » , এবং দীর্ঘ-আ-কারান্ত ধাতুর উত্তরও এই অর্থে « ক »-প্রত্যয় যুক্ত হয় ; যথা—« √প্রী + ক = অ > প্রিয় ; √জ্ঞা + ক = জ্ঞ—বি-জ্ঞ, প্রা-জ্ঞ, অ-জ্ঞ ; নৃ + √পা + ক = নৃপ ; স্র + √স্বা + ক = স্রস্ব, স্ব + √স্বা + ক = স্বস্ব ; √হন্ ( = ঘন্ ) + ক = হ্র—শক্রহ, ব্রহ্মহ, কৃতহ ; √দা + ক = দ—জলদ, বরদ, করদ » ইত্যাদি ।

[২৬] « অ = কঞ্ » : কতকগুলি সর্বনাম-শব্দের পরে, জ্ঞানার্থক দৃশ্-ধাতুর উত্তর কর্ম-বাচ্যে এই প্রত্যয় হয় : « তাদৃশ, মাদৃশ, সদৃশ, কীদৃশ, ঈদৃশ » ।

[২৭] « অ = খচ » : ধাতুর পূর্বে কর্ম-পদ থাকিলে, এবং সেই কর্ম-পদে « ম্ »-বিভক্তি যুক্ত হইলে, যে « অ »-প্রত্যয় ধাতুতে সংযুক্ত হয়; তাহাকে « খচ্ » বলে। 'সে করে' এই অর্থে ইহার প্রয়োগ। যথা—« প্রিয় + √বদ্ + খচ্ » = « প্রিয়ম্-বদ-অ > প্রিয়ংবদ » ; « বশংবদ » ; « ভয় + √কৃ + খচ্ » = « ভয়কর > ভয়ঙ্কর » ; « তুর + √গম্ + খচ্ » = « তুরগম » ; তদ্বৎ, « পরস্তপ,

সর্বসহ, ধুরন্ধর, যুগন্ধর, সর্বন্ধর, বসুন্ধরা, ক্ষেমন্ধর, মৃত্যুঞ্জয়, ধনঞ্জয়, শুভন্ধর, বিশ্বম্ভর, বাচংঘম, শত্রুঞ্জয় » ইত্যাদি।

[২৫] « অ = খল » : ধাতুর উপসর্গ « সু » বা « ছুঃ (ছব্, ছর্) » হইলে, বিশেষণ-অর্থে « খল = অ » প্রত্যয় হয়; যথা—« সুকর (‘সহজে যাহা করা যায়’), ছুর্কর; সুগম, ছুর্গম »।

[২৬] « অ = খশ »—পূর্বে কর্মপদ থাকিলে, « তুদ, তপ্, মন্ » প্রভৃতি কতকগুলি ধাতুর উত্তর ‘সে করে’ এই অর্থে এই « খশ = অ » প্রত্যয় হয়; এবং এই কর্মপদের « ম্ »-এর আগমও হয়; যথা—« অরুন্তদ (=‘মমস্থলে কষ্ট প্রদানকারী’); ললাটস্থপ; পণ্ডিতম্ভ (‘যে নিজেকে পণ্ডিত বলিয়া মনে করে’); ইরম্ভদ (=‘হস্তী—ইরা বা জল দ্বারা যে প্রমত্ত হয়’); জনমেজয় (‘জনম্ + এজয়—‘জন বা লোককে যিনি কম্পান্বিত করেন’); স্তনকর (‘স্তনম্ + √ধে—‘স্তনপায়ী’); অভংলিহ; অস্থ্যাম্পশা (‘স্ত্রীলিঙ্গে -আ’) »।

[২৭] « অ = ঘ » : ধাতুর উত্তর করণ-বাচ্যে বা অধিকরণ-বাচ্যে এই প্রত্যয় যোগ করিয়া, সংজ্ঞা বা নাম-পদ হয়; যথা—« দন্তুচ্ছদ (=‘ওষ্ঠ, যদ্বারা দন্ত আচ্ছাদিত হয়’), প্রচ্ছদ (‘যদ্বারা কিছু আচ্ছাদিত হয়’); কর (‘যদ্বারা কিছু করা যায়—হস্ত’); আকর (‘যেখানে ধাতুদ্রব্য আকীর্ণ থাকে’—√কৃ); শর (‘যাহার দ্বারা হিংসা করা যায়’—√শৃ); আলয়, নিলয় (‘যেখানে অধিষ্ঠান করা যায়—√লী’); পরিসর (√স্ব = ‘যাওয়া’) »।

[২৮] « অ = ঘঞ »—এই প্রত্যয়ে, ধাতুর স্বর-ধ্বনির ‘গুণ’ বা ‘বন্ধি’ হয়, ধাতুর শেষে « চ, জ » থাকিলে এই « চ, জ » যথাক্রমে « ক, গ » হইয়া যায়, এবং ঘঞ-প্রত্যয়-যোগে যে শব্দ সৃষ্ট হয়, তাহা ভাব, কর্ম, করণ, সম্প্রদান, অপাদান বা অধিকরণ প্রকাশ করে, কর্তাকে কখনও প্রকাশ করে না; যথা—« √পচ্ + ঘঞ = পাক, √ভূ—ভাব, √বৃধ্—বোধ, √ভজ্—ভাগ, √যজ্—যাগ, √ভূজ্—ভোগ, √পঠ্—পাঠ, √পদ্—পাদ, √দা—দায়, √লভ্—লাভ, √লুভ্—লোভ » ইত্যাদি।

**দ্রষ্টব্য**—« বিস্তর = বি + √ স্থ + অপ »; কিন্তু « বিস্তার = বি + √ স্থ + ঘঞ »; « √ হ্‌স্ + অপ = হ্‌স্, হ্‌স্ + ঘঞ = হ্‌স »; তদ্রূপ « √ যম্—যম, যাম » ।

[২৬] « অ = ট »—পূর্বে অধিকরণ-বাচক শব্দ থাকিলে, চব্দ-ধাতুর উত্তর এবং « দিবা » প্রভৃতি শব্দ-যুক্ত কৃ-ধাতুর উত্তর « ট = অ »-প্রত্যয়, কতৃ-বাচ্যে প্রযুক্ত হয়; যথা—« খেচর, ভূচর, জলচর, বনচর; দিবাকর, নিশাকর, প্রভাকর » । তদ্রূপ « পুরঃসর, পুষ্টিকর, যশস্কর, অর্থকর, কর্মকর, কিস্কর » ইত্যাদি ।

[২৭] « অ = টক্ »—কর্মকারক পূর্বে থাকিলে, উপসর্গ-বিহীন « গা (গৈ) » ও « পা » ধাতুর উত্তর কতৃ-বাচ্যে « টক্ »-প্রত্যয় হয় : « সামগ, মধুপ » । « বাতন্ন (তৈল), জায়ন্ন »—এই দুই শব্দেও « টক্ »-প্রত্যয় ।

[২৮] « অ = টচ »—« রাজন (রাজা), অহঃ, সখি (সখা) »—এই কয়টি শব্দে, সমাস-বিশেষে « টচ = অ »-প্রত্যয় হয়; যথা—« মহারাজ, ধর্মরাজ; বিবুধসখ (ষষ্ঠীতৎপুরুষ; বহুব্রীহিতে 'বিবুধসখি') » ।

[২৯] « অ = ড »—গম্-ধাতুর পূর্বে অন্ত-প্রভৃতি কতকগুলি শব্দ আসিলে, কতৃ-বাচ্যে « ড »-প্রত্যয় হয়—« ড »-এর অর্থ, ধাতুর স্বরের লোপ হইয়া তাহার স্থানে « অ » হয়; যথা—« পারগ, সর্বগ, উরগ, বিহগ, স্নগ, হুর্গ; গিরিশ ( 'গিরিতে শয়ন করেন' এই অর্থে গিরি + √ শী + ড; এই শব্দের অন্ত ব্যুৎপত্তি আছে—'গিরি আছে যার', গিরি + 'আছে' অর্থে তদ্ধিত শ-প্রত্যয়), তুরগ »; ইত্যাদি । অন্ত ধাতুর যোগেও এই প্রত্যয় হয়—« পঙ্কজ, অমুজ; শোকাপহ; নগ; শক্রহ, দস্যহ » ইত্যাদি ।

[৩০] « অ = ণ »—জন্-প্রভৃতি কতকগুলি ধাতুর উত্তর কতৃ-বাচ্যে এই প্রত্যয় হয়; যথা—« জাল ( 'যে জলে' ), চাল ( 'যাহা চলে' ), রাম, তান, লেহ ( অবলেহ ), শ্লেষ, ব্যাধ, ভাব, গ্রাহ, শ্বাস » ইত্যাদি ।

[৩১] « অ = শ »—কতৃ-বাচ্যে : « গোবিন্দ ( √ বিদ্ + শ, 'যিনি গো



অর্থাৎ জীবাত্মাকে জানেন’); অরবিন্দ (‘অর বা চক্রাকার দল যে ফুল পাইয়াছে, পদ্ম’) » ।

[৩] «-অক (=বু)»-প্রত্যয়, কতৃ-বাচ্যে । অমুভব-যোগে ইহারও রূপ-ভেদ আছে; যথা—

[৩ক] « অক=ধূল্ ( ৭-বু-ল্ ) » : « √নী—নারক, √শ্র—শ্রাবক, √পঠ্—পাঠক, √নশ্—নাশক, √কৃ—কারক, √তৃ—তারক, √শ্ব—স্মারক, √পচ্—পাচক (‘যে রাঁধে’), √জন্—জনক, √গা (গৈ)—গায়ক, √পালি—পালক, √রিচ্—রেচক » ইত্যাদি ।

[৩খ] « অক=বুঞ্ » : « √নিদ্—নিদক, √হিংস্—হিংসক » ।

[৩গ] « অক=বুন্ » : এখানে ধাতুর পরিবর্তন হয় না : « √জীব্—জীবক, √নন্দ্—নন্দক » ।

[৩ঘ] « অক=ষুন্ ( ষ্-বুন্ ) »—‘শিল্পী’ অর্থে, « √নৃৎ—নর্তক, √খন্—খনক, √রঞ্জ্—রজক » ।

[৪] «-অন্ত্, -অৎ »-প্রত্যয়; ‘করিতেছে, বা করিয়া থাকে’ অর্থে; এই প্রত্যয়ের একটি বিশেষ নাম আছে—শত্-প্রত্যয় । পুংলিঙ্গে একবচনে (কতৃ-কারকে) এই প্রত্যয় «-অন্» হয়, স্ত্রীলিঙ্গে «-অন্তী» বা «-অন্তী», ক্লীবলিঙ্গে «-অৎ»; সমাসে ইহার প্রাতিপদিক রূপ হয় «-অৎ»; যথা—  
« √অন্+শত্=সন্ত্—সন্, সন্তী, সৎ [ বাঙ্গালায় যে ‘সৎ’ শব্দ পুংলিঙ্গ ও স্ত্রীলিঙ্গে ব্যবহৃত হয়, তাহা প্রাকৃত ‘সন্ত—সত্ত’ রূপ হইতে উদ্ভূত; সংস্কৃতের এই ‘সন্’ বাঙ্গালায় অপ্রচলিত ]; √মহ্+শত্=মহন্ত্—মহান্, মহন্তী, মহৎ; √ভৃ—ভবান্, ভবন্তী, ভবৎ » । বাঙ্গালায় সমাস-যুক্ত পদেই এই প্রত্যয়ান্ত পদের বেশী প্রয়োগ হইয়া থাকে; যথা—« চলৎ+শক্তি=চলচ্ছক্তি; ভবৎসকাশে; জলদর্চি=জলৎ+অর্চি; ভরদ্বাজ=ভরৎ+বাজ (‘যিনি বাজ অর্থাৎ অন্ন বহন করেন’); জমদগ্নি=জমৎ+অগ্নি (‘যিনি অগ্নিকে আহার করেন’) » ইত্যাদি ।

[৫] «-অন (=মু)», কতৃ-বাচ্যে ও ভাব-বাচ্যে, ক্রিয়া বা বস্তু-ছোটক প্রত্যয় ।

[৫ক] « অন=খুন্ (=খ্-যুন্) » : « প্রিয়+√কৃ+অন=প্রিয়ংকরণ » ।

[৫খ] « অন = যুচ্ » : ক্রোধার্থ এবং ভূষার্থ, তথা চলনার্থক ও শব্দ-করণার্থক ধাতুর উত্তর, এবং « স্ম, হুঃ » যোগে, কতৃবাচ্যে, 'শীল স্বভাব' আদি বুঝাইতে এই প্রত্যয় যুক্ত হয়; যথা— « √ক্রুধ্—ক্রোধন; √কুপ্—কোপন; √মণ্ড্—মণ্ডন; অলম্+√কৃ—অলঙ্করণ; চলন, বেষ্টন, কমুন; সুদর্শন, হুঃশাসন » ইত্যাদি।

এই « অন = যুচ্ »-প্রত্যয়ের প্রসারে, স্ত্রীলিঙ্গে আ-যোগে, « অনা »—ভাবার্থে : « √অর্চ্—অর্চন, অর্চনা; √গণ্—গণন, গণনা; √কুপ্—কল্পনা; √ধৃ—ধারণা; √যজ্—যজ্ঞা; √বিদ্—বেদনা; √বন্দ্—বন্দনা » ইত্যাদি।

[৫গ] « অন = ল্যা », কতৃবাচ্যে; « √নন্দ্—নন্দন, √মদ্—মদন, √সাধ্—সাধন, √বধ্—বধন, √রম্—রমণ, √ভীষ্—ভীষণ, √নাশ্—নাশন, √সহ্—সহন, √দম্—দমন, √তপ্—তপন » ইত্যাদি।

[৫ঘ] « অন = ল্যুট্ » : করণ-অর্থে, 'যদ্বারা কার্য নিম্পন্ন হয়' এই অর্থে : « √নী—নয়ন ('যদ্বারা লোকে নীত বা চালিত হয়—চক্ষু') ; √চব্—চরণ; √সাধ্—সাধন; √কৃ—করণ; √যা—যান ('যদ্বারা যাওয়া যায়'), √বহ্—বাহন; √শী—শয়ন ('শয্যা' অর্থে); √হা—হান; √ভূ—ভবন; √ভূষ্—ভূষণ » ইত্যাদি। কতৃবাচ্যে ও ভাববাচ্যে : « √শী—শয়ন; √ঈক্ষ্—ঈক্ষণ; √পত্—পতন; √গর্জ্—গর্জন; √তৃপ্—তর্পণ; √মন্—মনন; √দা—দান; √ভ্রা—ভ্রাণ; √জ্ঞা—জ্ঞান; √শ্ৰ্—শ্রবণ; অধি+ √ই—অধ্যয়ন; √দৃশ্—দর্শন; √নৃত্—নর্তন; √রুদ্—রোদন; √মৃ—মরণ; √চি—চয়ন; √স্না—স্নান »; ইত্যাদি। ভাব-বাচ্যে : « √গম্—গমন, √পী—পান, √কৃ—করণ, √চল্—চলন, √শুভ্—শোভন » ইত্যাদি।

[৬] « অনীয় = অনীয়র্ » ; কর্মবাচ্যে ও ভাববাচ্যে, 'যোগ্য অথবা কতৃব্য' এই অর্থে; যথা—« √পা—পানীয়; √কৃ—করণীয়, √স্ব—স্বরণীয়, √রক্ষ্—রক্ষণীয়, √মন্—মননীয়, √ছিদ্—ছেদনীয়; রমণীয়, সেবনীয়, দর্শনীয়, পূজনীয়, পালনীয় » ইত্যাদি।

[৭] «-আন»-প্রত্যয়; «আন=শানচ্»—সংস্কৃতের আত্মনেপদ ধাতুর উত্তর, শত্-স্থলে এই «শানচ্»-প্রত্যয় হয়। যথা, «অদীয়ান, শয়ান, আসীন»।

[৭ক] «আন=কানচ্»; যথা—«অনূচান, যুযুধান»।

( নিম্নে [৩১] - সংখ্যক «মান, মাণ»-প্রত্যয় দ্রষ্টব্য। )

[৮] «-আলু=আলুচ্»-প্রত্যয়, শীলার্থে; «নিদ্রালু, শ্রদ্ধালু, দয়ালু, তন্দ্রালু»।

[৯] «-ই»-প্রত্যয়—

[৯ক] «ই=ইক্»; «কৃষি, গিরি»।

[৯খ] «ই=ইন্»; «আয়ত্তরি»।

[৯গ] «ই=কি»; ভাবে—বিধি, নিধি, সন্ধি, আধি»; কর্মে ও অধিকরণে—«জলধি, পয়োধি, বারিধি»।

[১০] «-ইত্র»; «অরিত্র, খনিত্র, পবিত্র (=কুশ)»।

[১১] «-ইন্»-প্রত্যয়; কর্তৃবাচ্যে, ব্রত, শীল ও পৌনঃপুন্য বুঝাইতে প্রযুক্ত হয়। এই প্রত্যয়-যোগে, পুংলিঙ্গে কর্তৃবাচকে একবচনে «-ঐ» হয়, স্ত্রীলিঙ্গে «-ইনী», ক্লীবলিঙ্গে «-ই»: বাঙ্গালায় সাধারণতঃ এই দীর্ঘ-ঐ-ধুক্ত রূপই প্রযুক্ত হয়, স্ত্রীলিঙ্গের «-ইনী»-প্রত্যয়ান্ত রূপও বহুস্থলে ব্যবহৃত হয়। সমাসে «-ইন্»-প্রত্যয়ান্ত পুংলিঙ্গ শব্দ, «ই»-রূপ গ্রহণ করে, এবং বাঙ্গালায় তদনুসারে এই «-ই»-যুক্ত রূপ ব্যবহৃত হইয়া থাকে; যথা—«মানী, মানিনী: মানিজন; গুণিগণ, ধনিজন» ইত্যাদি।

[১১ক] «ইন্=ইনি»—«জয়ী, শ্রমী, প্রসবী, ক্ষমী, শমী, দোষী, দমী যোগী»।

[১১খ] «ইন্=গিনি»; পুংলিঙ্গে «-ঐ», স্ত্রীলিঙ্গে «-ইনী»-রূপ গ্রহণ করে। ঐ-কারান্ত রূপই বাঙ্গালায় অধিক প্রচলিত; যথা, «মন্ত্রী, উৎসাহী,

অপরাদী, সত্যবাদী, হায়ী প্রবাসী, অধিবাসী, প্রতিরোধী, বিদ্রোহী, অধিকারী, মাংসভোজী, মণ্ডপায়ী, মিথ্যাবাদী, কলহকারী, মিত্রদ্রোহী, অনুগামী, সোমযাজী, শক্রঘাতী, ত্যাগী, ভোগী, অমুরাগী, বিবেকী » ইত্যাদি ।

[১১গ] « ইন্ = ঘিগ্ন্ » : « পরিত্যাগী, দুঃখভাগী, বিবেকী » ।

[১২] « ইচ্ = ইচ্চ্ »—‘শীল, ধর্ম, এবং সম্যক-রূপে করা’ অর্থে : « সহিষ্ণু, বর্ষিষ্ণু প্রভবিষ্ণু » ।

[১৩] « -ঈর » -প্রত্যয়—« গভীর, শরীর » ।

[১৪] « -উ » -প্রত্যয়—

[১৪ক] « উ = উ » ; « পিপাসু, চিকীষু, লিপু, বৃভুক্ষু, ঈপু » ।

[১৪খ] « উ = ডু » ; কহু বাচে— « বিভু, প্রভু » ।

[১৫] « -উক » ; শীলার্থে—কামুক, যাতুক » ।

[১৬] « -ত, -ইত, -ন, -ণ » -প্রত্যয় ; ‘হইয়াছে’, এই অর্থে, ধাতুর উত্তর কর্ম বাচে বিশেষণ-সৃষ্টি করে । সংস্কৃতে এই প্রত্যাহের ও [১৭]-সংখ্যক « তবৎ » প্রত্যয়ের মিলিত-ভাবে এই দুইটির একটি নাম আছে—নিষ্ঠা ।

« ত = ক্ত » ; যথা— « ক্ত, খ্যাত, জ্ঞাত, ভ্রাত, প্রীত, স্থিত, যুক্ত, মুক্ত, লিপ্ত স্থিত, তপ্ত, লুপ্ত, গুপ্ত » ইত্যাদি । এই « ত » -প্রত্যয়, ধাতুস্থ ব্যঞ্জনের সহিত মিলিত হইয়া « ট, ধ, ঢ (ঢ) » রূপও ধারণ করে ; যথা—« √সৃজ্—সৃষ্ট, দিশ্—দিষ্ট, প্রচ্ছ্ (পৃষ্)—পৃষ্ট, কৃষ্—কৃষ্ট, ছৃষ্—ছৃষ্ট, শ্লিষ্—শ্লিষ্ট ; লভ্—লব্ধ, দহ্—দধ্, স্নিহ্—স্নিহ্, বৃহ্—বৃহ্ ; কৃহ্—কৃঢ়, বহ্—উঢ়, লিহ্—লীঢ় » ইত্যাদি ।

কতকগুলি ধাতুর উত্তরে « -ত » না হইয়া, « -ইত » হয় ; যথা—« চলিত, চর্চিত, ঘটত, পঠিত, পতিত, গ্রথিত, অচিত, লিখিত, লজ্জিত, রাজিত, যাচিত, চেষ্টিত, ক্রীড়িত, ঘূর্ণিত, ব্যাধিত, নিন্দিত, মুদিত, বাধিত, স্পর্ধিত, কুপিত, চূষিত, স্তিমিত, ক্ষরিত, ত্বরিত, মিলিত, মীলিত, স্থলিত, রক্ষিত, শিক্ষিত » ইত্যাদি ।

নিষ্ঠা পরে থাকিলে, ধাতুর অন্তে, ও কতকগুলি ধাতুর মধ্যে, « ন্ » বা « ম্ » থাকিলে, বহুশঃ তাহাদের লোপ হয় ; কচিৎ ধাতুর স্বর দীর্ঘ হয় ;

যথা— « √গম্—গত, রম্—রত, মন্—মত, হন্—হত, নন্—নত, তন্—তত, খন্—খাত, জন্—জাত ; দন্শ্—দষ্ট ; √রন্জ্—রক্ত, সন্জ্—সক্ত ; √মন্স্থ্—মথিত, গ্রন্স্থ্—গ্রথিত ; √শন্স্—শস্ত, √স্তন্ভ্—স্তরু ; ধবন্স্—ধবস্ত ; √বক্—বক্ক » ইত্যাদি ।

কতকগুলি ধাতুর উত্তর « -ত » ও « -ইত » উভয়ই হয় ; যথা—« বম্—বাস্ত, বমিত ; শম্—শাস্ত, শমিত ; হৃষ্—হৃষ্ট, হৃষিত ; কৃষ্—কৃষ্ট, কৃষিত ; ষম্—বি-ষস্ত, বি-ষসিত ; ছদ্—ছন্ন, ছাদিত » ইত্যাদি ।

কোনওকোনও ধাতুর উত্তর « ক্ত=ত » -প্রত্যয় যুক্ত হইলে, « ত » না হইয়া, « ন ( ৭ ) » হয় । যথা, « ভিন্ন ( √ভিদ্+ন ), লীন, লূন, পূর্ণ, আ-পন্ন, ক্ষুন্ন, ক্লিন্ন, ভগ্ন, মগ্ন, উড্ডীন ( উৎ+√ডী ), ক্ষীণ, চূর্ণ, কীর্ণ, জীর্ণ, দীর্ণ, তীর্ণ, শীর্ণ, গ্নান, শ্লান » ইত্যাদি ।

[১৭] « -তবৎ=ক্তবত্ » প্রত্যয়, কত্ববাচ্যে, 'করিয়াছে' এই অর্থে । প্রথমার একবচনে এই প্রত্যয়ের রূপ—পুংলিঙ্গে « তবান্ », স্ত্রীলিঙ্গে « তবতী », ক্লীবলিঙ্গে « তবৎ » । পূর্বোক্ত « ত » -প্রত্যয়ের স্থায় এই প্রত্যয়টীরও নাম নির্ণয় । « ত ( ক্ত ) » -এ « বৎ » ( বান্, বতী, বৎ ) যোগ করিয়া এই প্রত্যয় গঠিত । বাঙ্গলায় তবৎ-প্রত্যয়-যুক্ত শব্দের ব্যবহার বিরল ; « ক্তবান্—ক্তবতী » ।

[১৮] « -তব্য=তব্যৎ » ; কর্ম- ও ভাব-বাচ্যে, 'ইহা করা হইবে, বা করা উচিত' এই অর্থে । যথা, « দাতব্য, কত্বব্য, স্বাতব্য, শ্রোতব্য, গন্তব্য, দ্রষ্টব্য, মন্তব্য, হস্তব্য, আলোচিতব্য, নিদিধ্যাসিতব্য, চিন্তিতব্য, অধ্যোতব্য » ইত্যাদি ।

« বন্ » ও « কহ্ », এই দুই বাঙ্গালা প্রাকৃত-জ ধাতুর সহিত যুক্ত করিয়া « বলতব্য, কহতব্য » শব্দদ্বয় শুনা যায় বটে, কিন্তু সংসাহিত্যে এই দুই শব্দ প্রযোজ্য নহে ।

[১৯] « -তি=ক্তিন্, ক্তিচ্ » ; ভাব-বাচ্যে—'তাহার ভাব', এই অর্থে বিশেষ্য-সৃষ্টি করে । ধাতুর উত্তর « ত » -প্রত্যয়ে যে-রূপ পদ সৃষ্টি হয়, « তি » -প্রত্যয়েও তদ্রূপ, কেবল « ত » -স্থানে « তি » হয় ; যথা—« কৃতি, খ্যাতি, জ্ঞাতি, প্রীতি, যুক্তি, মুক্তি, গতি, নতি, ধৃতি, শাস্তি ( √শম্ ) » ।

[২০] « তু=তুন্ »—সংজ্ঞা-গঠন-কারক প্রত্যয় ; « বস্ত্র, ক্রতু, সেতু, জন্তু, সজ্জু (শজ্জু)-  
তন্তু, ধাতু » ।

[২১] « তু=তুম্ »—কেবল সমাসে পাওয়া যায়—‘করিতে’ বা ‘করিবার জন্তু’ এই অর্থে ;  
যথা—« শোতুকাম, রোদিতুকাম, শিক্ষিতুকাম » ইত্যাদি ।

[২২] « তু (=তুচ্, এবং তূন্) »—এই প্রত্যয় সংস্কৃতের একটা বিশেষ  
লক্ষণীয় প্রত্যয়—ইহার দ্বারা কতৃবাচ্যে ‘সে করে’ এই অর্থে সংজ্ঞা-সৃষ্টি হয় ।  
প্রত্যয়টির প্রথমার একবচনে পুংলিঙ্গে « -তা » হয়, স্ত্রীলিঙ্গে « -ত্ৰী » এবং  
ক্লীবলিঙ্গে « -ত্ব » ; সমাসেও « -ত্ব » হয় । বাঙ্গালায় পুংলিঙ্গ « -তা » ও  
স্ত্রীলিঙ্গ « -ত্ৰী » রূপেই এই প্রত্যয় সমধিক প্রচলিত ; যথা—« পিতা, মাতা,  
ভ্রাতা ; দাতা—দাত্ৰী, ধাতা—ধাত্ৰী ; বিধাতৃ-চরণে ; যোদ্ধা, যোদ্ধবোশ ; পিতৃ-  
দেব ; কর্তা, কতৃকারক, কতৃবাচ্য ; ভর্তা, ভতৃদারিকা ; নেতা, নেত্ৰী,  
নেতৃগণ ; হর্তা ; হোতা, হোতৃগণ ; আহ্বাতা » ইত্যাদি ।

[২২ক] কতকগুলি ধাতুর উত্তর « ত্ব »-স্থলে « ইত্ব (ইতা, ইত্ৰী, ইত্ব) » ব্যবহৃত হয় ; যথা—  
« ভবিতা, কারয়িতা, সবিতা, স্তোতা ( =স্তবিতা) » ইত্যাদি ।

[২৩] « ত্র=ত্ৰিন্ » : কতৃবাচ্যে ; যথা—« নেত্র, শস্ত্র, শাস্ত্র, পত্র, গাত্র, বস্ত্র, শ্রোত্র, সস্ত্র,  
স্তোত্র, রাষ্ট্র, ক্ষত্র, ক্ষেত্র, মূত্র, নক্ষত্র » । ধাতু-বিশেষে এই প্রত্যয় « ইত্র » রূপে মিলে ; যথা—  
« পবিত্র, খনিত্র, চরিত্র, অরিত্র, বহিত্র » ।

[২৩ক] « ত্র »-এর প্রসারে « ত্রি »—যথা—« রাত্রি ; কৃত্রিম » ( = √কৃ+ত্রি+তদ্ধিত  
প্রত্যয় « ম » ) ।

[২৩খ] « ত্র »-এর প্রসারে « ত্র » ; যথা—« শত্রু » ।

[২৪] « থ=ক্থন্ » : রথ, কাষ্ঠ » ;

« থ=ধক্ » : « উক্থ, নিশীথ, তীর্থ » ;

« থ=থন্ » : « ওষ্ঠ, গাথা, অর্থ » ।

[২৫] « ন=নঙ্ » : « যত্ত্ব, যজ্ঞ ( √যজ্+ন ), প্রয়, যাচ্ছা ( √যাচ্+ন+আ ), তৃষ্ণ » ;

« ন=নক্ » : « উর্ণা, ফেন, মীন, কৃষ্ণ » ;

« ন=নন্ » : « স্বপ্ন » ।

[২৬] « নি=নিৎ » : « মানি, হানি, শ্রেণি, শ্রোণি » ।

[২৭] « স্ = ক্ » : « গৃধ্, ধৃক্ » ।

[২৮] « ভ = অভচ্ » : « বৃষভ, করভ, গদভ, রাসভ, শরভ » ।

[২৯] « ম = মন্ » : « ঘম', স্তোম, তিগ্ম, ধম' » ।

[৩০] « মন্ = মনিন্ » : « আয়ন্ (আয়া), উয়ন্ (উয়া), বয়ন্ (বয়া), জয়ন্ (জয়া) » ।

[৩১] « -মান, -মাণ »—‘শানচ’-প্রত্যয়ের রূপভেদ, [৭]-সংখ্যক « আন » -প্রত্যয় দ্রষ্টব্য । কতকগুলি ধাতুর উত্তর ( কতৃবাচ্যে ভাদি, দিবাди ও তুদাদি গণীয় ধাতুর উত্তর, এবং কর্মবাচ্যে সমস্ত ধাতুর উত্তর ) এই প্রত্যয় হয় ।

[৩১ক] « মান, মাণ = শানচ্ »—« সেবমান, বর্তমান, বর্ধমান, বিত্তমান, দীপ্যমান, ত্রিয়মাণ, ( সংস্কৃত অর্থ—‘যে মরিতেছে’, কিন্তু বাঙ্গালায়, ‘মনমরা’ ) জায়মান, ত্রিয়মাণ, দীযমান, ভ্রাগ্যমাণ, সৃজ্যমান, সেব্যমান, নীযমান, ক্রিয়মাণ » ইত্যাদি ।

[৩১খ] « মান = শানন্ »—« যজমান, পবমান » ।

[৩২] « য = ক্যপ্ » : « শিষ্য, ইত্যা, ব্রজ্যা, ভৃত্য, কৃত্য » ;

« য = গ্যৎ » ; « কার্য্য, ধার্য্য, বাক্য, বাচ্য, ভোগ্য, ভোজ্য, ত্যাজ্য, বোধ্য, হাশ্য, বাহ্য » ।

( অর্থানুসারে, ধাতুর উত্তর « ক » স্থানে « চ » এবং « গ » স্থানে « জ » হয় ) ।

« য = যৎ » : « গচ্ছ, ভব্য, দেয়, জ্জয়, শক্য, সহ্য, লভ্য, রমা » ।

« য = যপ্ » : « ব্রহ্মোচ্ছ ( ব্রহ্ম-উচ্ছ = ব্রহ্ম-বদ্-য় ), রাজসূয় » ।

« য = শ » : « ক্রিয়া, পরিচর্যা » ।

[৩৩] « য = যঙ্ » : পৌনঃপুস্তে ধাতুর উত্তর এই য-প্রত্যয় বসে ও ধাতুর অভ্যাস হয়, অর্থাৎ আচ্ছ বর্ণের দ্বিভঙ্গ হয় ; যথা—« √চল্—চাঙ্কলা, √দীপ্—দেদীপ্যমান, √জ্বল্—জ্বালমান » ।

[৩৪] « য় »—« দহ্য, মল্ল্য, » ।

[৩৫] « র »—শীলাদি অর্থে, কতকগুলি ধাতুর উত্তর কতৃবাচ্যে « র » হয় ; যথা—« নম্র, হিংস্র, কপ্প, কম্র, অজস্র, দীপ্র, ভদ্র, শক্র, স্মের, অগ্র, শূর, বজ্র, বীর, বিপ্র, গৃধ্র, ছিপ্র, রক্ত ; খার, সুরা » ইত্যাদি ।

« র = ক্রন্ »—« সুর, ধীর » ।

« র = রক্ »—« নীর, গুক্র, কুদ্র, ক্ষিপ্র » ।

[৩৬] « ক = ক্র » — « ভীক » ;

« ক = ক » — « মেক, শক্র, দাক » ।

[৩৭] « ল = ল » — « গুরু, তরল, পাল » ।

[৩৮] « ব » — « ধ্রুব, উর্ধ্ব, পক, সচিব » ।

[৩৯] « বর = করপ্ » — « নথর, জিহ্বর, গহ্বর » ।

« বর = বরচ্ » — « ঈথর, ভাস্বর, স্থাথর, যাযাবর » ।

« বর = ধরচ্ » — « বর্ধর, চত্বর » ।

[৪০] « স = সন্ » — অভিলাষ-প্রকাশনার্থে । এই প্রত্যয় আসিলে, ধাতুর আন্ত-ধ্বনির অভ্যাস হয় । এই প্রত্যয়ের পরে « আ » এবং « উ » যুক্ত পদ বাঙ্গালার ব্যবহৃত হয় : যথা—« পিপাসা, বুভুক্ষা, লিপ্সা, চিকীর্ষা ( সন্ + আ ) ; পিপাসু, জিজ্ঞাসু, বুভুক্ষু, লিপ্সু, জিগীষু, ভিক্ষু ( সন্ + উ ) » ইত্যাদি ।

[৪১] « ষ » — « ভীষ্, কৃৎস, জ্যোৎস্না » ।

[৪২] « স্ন = গ্ স্ন » — « জিষ্, স্থাস্ন » ।

[৪৩] « স্তমান » — ভবিষ্যৎ কর্মবাচ্য, « বক্ষ্যমাণ, ধক্ষ্যমাণ, করিস্তমাণ » ইত্যাদি ।

এতদ্ভিন্ন, সংস্কৃত ব্যাকরণে উণাদি-প্রত্যয় নামে কতকগুলি স্ত-প্রত্যয় ধরা হয় । এইগুলি বিশেষ কতকগুলি বিশেষ বা বিশেষণের সাধনের জন্য ব্যাকরণকার-কর্তৃক স্থিরীকৃত হইয়াছে ; যেমন—« √ অঙ্গ্ + উণাদি উলিচ্ = অঙ্গুলি ; √ অঞ্জ্ + অলিচ্ = অঞ্জলি ; অম্ + ক্ত = অম্ব ; √ অন্ + ইলচ্ = অনিল ; √ সল্ + ইলচ্ = সলিল ; √ কব্ + ওতচ্ = কপোত ; √ চট্ + ঞ্ণ্ = চাটু, √ তণ্ + উলচ্ = তণুল ; √ ধে + হ্র = ধেহ্র ; √ দৃ + উরচ্ = দহ্র ; √ ক্ষায়্ + নক্ = ক্ষেন » ইত্যাদি, ইত্যাদি ।

### সংস্কৃত রূদন্ত শব্দের বাঙ্গালায় অপপ্রয়োগ

বাঙ্গালা ভাষায় সংস্কৃত রূদন্ত শব্দ, বহু স্থলে উহাদের ব্যুৎপত্তি-অনুসারে প্রযুক্ত হয় না—কার্যাতঃ, বিশেষ্য বিশেষণ-রূপে বা ক্রিয়া-রূপে ব্যবহৃত হয় ; যথা—« তিনি এই পুস্তক প্রকাশ করিয়াছেন » ( = « প্রকাশিত করিয়াছেন » ; কিন্তু « প্রকাশ-করা »—মিলিত ভাবে যেন একটা ধাতু রূপে ব্যবহৃত হয় ) ; দেবী অন্তর্ধান ( = অন্তর্হিত ) হইলেন ; পিণ্ডানে প্রেত উদ্ধার হইয়া গেল ( = উদ্ধার-প্রাপ্ত হইল ) ; তিনি মৌন ( = মৌনী ) রহিলেন ; গল্প শেষ হইল ; ভাষায়



ইহা অপ্রচল ( = অপ্রচলিত ) হইয়াছে ; শুভকার্য্য নিৰ্বাহ ( = নিৰ্বাহিত ) হইয়াছে ; এই অর্থে শব্দটি ব্যবহার ( = ব্যবহৃত ) হয় না ; তাঁহার বংশ লোপ ( = লুপ্ত ) হইল—তাঁহার বংশ-লোপ হইল ; আমার বক্তব্য শ্রবণ কর ; ধাতুতে প্রত্যয় যোগ ( = যুক্ত ) হইলে শব্দ হয় ; 'প্রণাম হই, ঠাকুর মহাশয় !' » ইত্যাদি । বাঙ্গালা ভাষার রীতি-অনুসারে « হ, কর্ » প্রভৃতি ক্রিয়া-যোগে বিশেষ্য-পদ ক্রিয়ায় প্রাপ্ত হয় বলিয়া, এই-রূপ ঘটয়া থাকে ; এবং সমাস-যুক্ত শব্দ বাঙ্গালা উচ্চারণে ও লেখায় পৃথক্-পৃথক্ করিয়া ধরা হয় বলিয়া, আপাত-দৃষ্টিতে এই প্রকার অপপ্রয়োগ সম্ভব হয় ; যেমন—« তিনি এই পুস্তক প্রকাশ করিয়াছেন »—এইরূপ বাক্য দুই প্রকারে ব্যাখ্যাত হইতে পারে : (১) « তিনি এই-পুস্তককে প্রকাশ-করিয়াছেন » ; ও (২) « তিনি এই-পুস্তক-প্রকাশ-রূপ কার্য্য করিয়াছেন » । প্রথমোক্ত রীতির অনুযায়ী ব্যাখ্যাই বাঙ্গালা ভাষার প্রকৃতি-অনুযায়ী । ( নিম্নে সমাস-পর্য্যয়ে 'অলগ্ন-সমাস—সংস্কৃত সমস্ত-পদের পৃথক্ লিখন' দ্রষ্টব্য, এতদ্ভিন্ন 'ক্রিয়া'-পর্য্যয়ের অন্তর্গত 'ধাতু'-ধণ্ডে, 'সংযোগ-মূলক ধাতু'-অংশও দ্রষ্টব্য ) ।

### বাঙ্গালা তদ্ধিত-প্রত্যয়

শব্দ বা নাম-প্রকৃতির উত্তর তদ্ধিত -প্রত্যয় হয় । একাদিক তদ্ধিত প্রত্যয় পর পর বসিতে পারে । নিম্নে বাঙ্গালা ভাষায় প্রচলিত প্রাকৃত-জ তদ্ধিত প্রত্যয় প্রদত্ত হইল ।

[১] « অ » বা « ও » : স্বার্থে বা অনাদরে ; যথা—« কাল ( = কাল্, যেমন কাল্-শিরা, কাল্-সাপ ), কাল ( = কালো ) » ( « কাল = কালো »—তদ্ধিত প্রত্যয় [৩] দ্রষ্টব্য ) । প্রাচীন বাঙ্গালায় ব্যক্তির নামে এই প্রত্যয় খুব মিলে : « শিবো, রুদো = রুদ্র, সিধো = সিদ্ধেশ্বর, বিভো, জনো = জনার্দীন, পিথো = পৃথ্বীধর » ইত্যাদি ।

[২] « অট-ট » ; প্রসারে—« অটা-টা (> টো, টে—স্বর-সঙ্গতির

ফলে ), অটী—টি ; অটিয়া, আটিয়া—টে, আটে' »। স্বার্থে বা সাদৃশ্যে, ভাবার্থে বা শীলার্থে, বিশেষ্য-ও বিশেষণ-ছোটক ; যথা—« দাপ—দাপট ; মাপট (<মর্প—গতি-অর্থে) ; ঝাপট ; আঙ্গট (পাতা)—আঙ্গটা ; মাথা—মাথট ; চিপ্ বা চাপ্—চেপটা ; ঘষ্—ঘষটা ; শুখা—শুখটা, শুকটা, শুঁকটা, (বর্ণব্যত্যয়ে) শুঁটকী ( মাছ ) ; নান্দটা, লাঙটা ; পাশ—পাশুটা, পাশুটিয়া > পাশুটে' ; নেহ (=নেহ)—নেহটা, নেওটা, নেওটো ; ছিপ—ছিপটা ; ধোয়াট ; ভরাট ; জমাট ; ঘোলাট ; আমিষ > আইষ—আইষটিয়া—আইষটে' ; ভাড়া—ভাড়াটিয়া, ভাড়াটে' ; ঘোলা—ঘোলাটিয়া, ঘোলাটে' ; ধোয়াটে' ; ভামাটে' ; ঝগড়াটে' ; রোগাটে' » ইত্যাদি। « এক—একটা, দুই—দুইটা, দুটা, দুটো ; তিন—তিনটা, তিনটে » ইত্যাদি সংখ্যা-বাচক « -টা, টো, টে » -প্রত্যয়ও এই শ্রেণীতে পড়ে।

[২]-সংখ্যক « -অট » প্রত্যয়ের মূল, সংস্কৃত বা আদি-আর্য ভাষার শব্দ « বৃত্ত »—« স্নেহবৃত্ত > নেহবট > নেহটা > নেওটো » ।

দৃষ্টব্য :—« লেঙ্গট, মলাট, কষটী (পাথর), »—এইরূপ কতকগুলি শব্দে এই « অট—ট » প্রত্যয় পাই না, এই শব্দগুলির ব্যুৎপত্তি অন্য প্রকারের—এগুলির মূলে « পট্ট, পট্টিকা » শব্দ : « লিঙ্গপট্ট—লেঙ্গট ; মলপট্ট—মলাট, কর্ণপট্টিকা » « উলট-পালট » = « পালট < পর্যাস্ত », « উলট » অনুকারী শব্দ—কষটী » ।

[৩] « আ » ( স্বরসঙ্গতি-হেতু « এ » বা « ও » হয় ) : স্বার্থে, অথবা নিন্দায়, এবং সম্বন্ধ বা বৈশিষ্ট্য, বিশেষণ-ভাব, অথবা ( সমাসে ) কর্তৃভাব বা করণভাব প্রকাশ করিতে ব্যবহৃত হয় ; যথা—« [ স্বার্থে ]—ঘোড়—ঘোড়া ( ঘোড়-দৌড়, ঘোড়-গাড়ী : মূল শব্দ 'ঘোড়', স্বার্থে আ-প্রত্যয় যোগে 'ঘোড়া' ) ; তরুপ, কাঁচ ( যথা, কাঁচ-কলা )—কাঁচা ; গল—গলা ( তুলনীয়—কণ্ঠ, কণ্ঠা ) ; চাঁদ—চাঁদা ; গোপাল > গোআল—গোআলা—গোয়লা ; চোর—চোরা ; পাত—পাতা ; [ নিন্দায়, বৃহৎ অথবা স্থূল অর্থে ]—কেষ্ট—কেষ্টা ; রাখাল—রাখালা > রাখ্লা ; আজল—আজলা ; গোপাল—গোপলা ; বাঘ—বাঘা ;

পাগল—পাগলা ; বামুন—বামুনা—বাম্না । [ সম্বন্ধে ]—পশ্চিম—পশ্চিমা ; ডাহিন > ডাহিনা, ডাইনে' ( চলিত-ভাষায়, স্বরসঙ্গতি-অনুসারে ) ; লোন বা লন—লোনা ( নোনা ), চাঁদ—চাঁদা ( চাঁদা মাছ ), তেল—তেলা । [ বৈশিষ্ট্যে ]—থাল—থালী ; গাছ—গাছা ; বঙ্গ—বঙ্গাল > বাঙ্গাল—বাঙ্গালা ( বাঙলা ) ; রঙ্গ—রাঙ্গা , রাঙা ; এক—একা ; কাল—কালী ( = 'কৃষ্ণবর্ণ ব্যক্তি-বিশেষ—শ্রীকৃষ্ণ' ) ; হাত—হাতা ; জল—জলা » ।

« [ বিশেষণ-ভাব ]—মিঠ—মিঠা ; মুখ > মুহ—মুহা ( যথা, চৌমুহা ; প্রাচীন-বাঙ্গালা—পোড়ামুহা > পোড়া-র-মুয়ো ) ; পশ্চিম—পশ্চিমা ; টিম্টিম্ করিয়া যাহা জলে তাহা 'টিম্টিমা' আলোক ; গোক—চৌগৌপা বা চৌগৌপা পুরুষ ; একহারা, দোহারা ( গড়ন ) ; পাত > পাত-ল—পাতলা ; জঙ্গল—জঙ্গলা ; ফুল—তোলা কাপড় ; হাত-কাটা জামা ; তে-পায়া ( আসন বা পাত্র ) ; ফুল-কাটা বাটী » ।

« [ বিশেষণ সমস্ত-পদে, বিশেষণীয় নামের কর্তৃ-ভাব বা কারণ ভাব ]—কলম-কাটা ছুরী ; চাল-ধোয়া চুবড়ী ; কাপড়-কাচা সাবান , গায়ে-পড়া মাছুষ » ইত্যাদি ।

[৪] « আই »—আদরে, নামের পূর্ণ বা সংক্ষিপ্ত রূপের সঙ্গে : « কৃষ্ণ > কণ্ঠ > কান্ঠ > কান, কানাই ; বলরাম, বলদেব—বলাই ; জগৎ—জগাই ; মাধব—মাধাই ; জনার্দন—জনাই, দনাই ; ধনপতি—ধনাই ; লক্ষ্মীকর বা লক্ষ্মীন্দ্র—লখাই ; শ্রীমন্ত—ছিরাই ; গণেশ—গণাই » ইত্যাদি ।

[৫] « আউআ, ওয়া »—প্রত্যয়-যোগে বিশেষণ হয়—« ঘর—ঘরাউআ > ঘুরোয়া ; লাগ—লাগাউআ > লাগোয়া ( = সন্নিকট ) » ।

[৬] « আন, আনো » : নাম-ধাতুর নিষ্ঠা-গোতক : « জুতা—জুতানো, পেঁচ—পেঁচানো, লাথি—লাথানো, জমা—জমানো » ।

[৭] « আনি »—'জল বা জলীয় ভাব' অর্থে : « নখানি, নাকানি, ডুবানি, চোবানি, চোখানি, আমামি » । [ মূল রূপ—« পানীয় > পানী » । ]

[৮] « আম—ম ; আম (আমো)—ম' ; প্রসারে, আমি, ওমি, উমি,

মি » : 'ভাব, কার্য বা অনুকরণ' অর্থে : « ঠক—ঠকাম' ; পাকা—পাকাম', পাকামি ; নেকা—নেকাম', নেকামি ; ছেলে—ছেলেম' ( < ছালিয়াম ), ছেলেমি ; বুড়াম' ; জেঠামো ; বড়াম, বড়াম্, বড়াং ; গিন্নেম, গিন্নিম ; পাজি—পেজোমো, পেজোমি ; ঘরামী ( = 'যে ঘর তৈয়ারীর কাজ করে' ) » ইত্যাদি ।  
[ মূল—« কাম- < কৰ্ম' » । ]

[৯] « আর » (১) : কতৃ-বোধক প্রত্যয়, 'ব্যবসায়ী' বা 'কর্মী' বুঝায় [ < সংস্কৃত « কার » ] । ইহার প্রসারে—« -আর+আ » > « -আরা », « আর+ঈ » > « আরী, আরি, ( স্বর-সঙ্গতির প্রভাবে ) ; ইরি, ওরি, উরি » ; যথা—« চাম—চামার ; গোয়ার ( = গাওঁয়ার, গ্রাম > গাঁও+আর ) ; কুমার ( < কুম্ভকার ) ; দোহার ; কাঁসারী ; পুজারী ; শাখারী ; প্রাচীন-বাঙ্গালা বাণিজ্যর ; চুনারী ; সেকরা ( < সেকারা ) ; পিয়ার, পিয়ারী ; ধুনারী ( ধুনোরি, ধুয়রি ), ডুবারী ( ডুবুরি ) ; ছুতার ; ভিখারী ( ভিখিরি ) ; জুয়ারী ( জুয়াড়ী ), দিশারী » ইত্যাদি । কতৃ-বাচকে—« আর » + « উ » = « আরু », যথা « দিশারু, বাগারু, বন্দারু, ডুবারু, খোঁজারু ( = চর ) » ।

[১০] « আরু » (২) : স্বার্থে, হ্রস্ব-ভাব অথবা সংযোগ অর্থে [ « আকার » শব্দ হইতে ] : প্রসারে « আরী » ; যথা—« পয়ার ( < পদাকার ) ; বিয়ারী ; বহয়ারী ( বহু+আরী ; কিন্তু বোহারী = ব্যবহারিকা ), মাঝার, মাঝারী ; » ।

[১১] « আরু » (৩)—'স্থান' অর্থে [ « আগার » শব্দ হইতে ] ; প্রসারে « আর+ঈ » = « আরী » ; যথা—« ভাগার, ভাঁড়ার ( = ভাণ্ডাগার ) কাণ্ডার, কাঁড়ার ; মেহার, সভার ( স্থানের নাম = মহাগার, সভাগার ) » । .

[১২] « আল ( আল ), আলো » : চলিত ভাষায় « অল, ওল »-রূপে কখন-কখনও শোনা যায় । গুণ, সম্বন্ধ, শীল অথবা সংযোগ জানাইতে ব্যবহৃত হয় ; যথা—« বাঙ্গাল, বাঙাল ( < বঙ্গ, সম্বন্ধ-অর্থে বঙ্গ-জাতি- বা বঙ্গদেশ-সম্বন্ধীয় ব্যক্তি ) ; পাকাল ; ধারাল ; ছুধাল ; দাঁতাল ; মাখাল, মাখালো ; মাতাল ( মত্ত- > মাতা-, তদ্রূপ শীল যাহার ) ; আড়াল ( < আড় ) ;

পেঁচাল; ভেজাল; বাচাল; ভাটায়াল (ভাটা); পাইকাল (পাইক বা সিপাহীর শীল—বীরত্ব) » ইত্যাদি। « বাঙ্গাল (বা বঙ্গাল) » হইতে ফারসী নাম \* বঙ্গালা » (দেশ), তাহাতে সম্বন্ধে « ঙ্গ » -প্রত্যয় ([১৩] সংখ্যার বাঙ্গালা তদ্ধিত) যোগে « বাঙ্গালী »। প্রসারে—« আলী », চলিত ভাষায় « উলী » : (ভাব-বাচক) —« নাগরালী, ঠাকুরালী, মিতালী, সূতালী (সূত বা রথ-চালকের কার্য), মেয়েলী (<মাইয়া+আলী) »; (কর্তৃ-বাচক, বিশেষণ ও বিশেষ্য)—« সোনালী, রূপালী, সূতালী »।

[১৩] « আল, আলা; ওয়াল, ওয়ালী », স্ত্রীলিঙ্গে « আলী, ওয়ালী »। « ওয়াল, ওয়ালী, ওয়ালী » হিন্দুস্থানী প্রত্যয়, ইহাদের বাঙ্গালা বিকৃতি « ওলা (<ওয়াল), উলী (<ওয়ালী) »। (« পাল, পালক »-শব্দ হইতে)। সম্বন্ধ, দেশ, ব্যবসায় বুঝাইতে ব্যবহৃত হয়; যথা—« (কোটপাল >) কোটাল, ঘাটওয়াল (ঘাটাল), ঘড়ীওয়াল (চলিত-ভাষায়—ঘড়েল), রাখাল (প্রাচীন বাঙ্গালা 'রাখওয়াল'); ঘোষাল (=ঘোষ-গ্রামে বাড়ী যাহার), কাজিলাল (কাজিবির > কাজিইল > কাজিল গ্রামে বাড়ী যাহার), কাশীওয়াল (চলিত ভাষায় 'কেশল'), গয়াল (গয়ালী—গয়ীবাসী ব্রাহ্মণ), আগরওয়াল (<অগ্রবাল=আগ্রাবাসী বৈশ্য); গোরালী (গোপাল, গো বা গোরু লইয়া যাহার ব্যবসায়); কাপড়আলা ('কাপড়ওয়াল' = হিন্দুস্থানী রূপ; 'কাপড়ওলা' = হিন্দুস্থানী রূপের বাঙ্গালা রিকার); বাড়ীআলা ('বাড়ীওয়াল' = হিন্দুস্থানী রূপ; 'বাড়ীওলা'—তদ্বিকার-জাত বাঙ্গালা রূপ); পাহারালী ('পাহারাওয়াল, পাহারোলী'); গাড়ীআলা ('গাড়ীওয়াল, গাড়ীওলা') »। এই প্রত্যয়ের অন্তর্গত « মাতোয়ারা » (কবিতায় প্রযুক্ত শব্দ), হিন্দুস্থানী « মতরালা » হইতে, ইহার খাটা বাঙ্গালা প্রতিরূপ « মাতাল »।

প্রসারে—« আলী, ওয়ালী, উলী », স্ত্রীলিঙ্গে ও ভাবার্থে; যথা—« বাড়ীআলী, বাড়ীউলি; বাসনালী, বাসনউলি; মুড়িউলি; রাখালী; ঘাটওয়ালী »।

[১৪] « ই, ই » (১): সম্বন্ধ, সংযোগ, শীল, ধর্ম, ব্যবসায় বা আজীবিকা বুঝাইতে বিশেষ্য ও বিশেষণে এই ই-করির প্রয়োগ হয়; যথা—« ভারী, দাগী, গুণী (তৎসম 'গুণিন' রূপেও ধরা যায়), নাকী, বেগুনী (=বাইগন+ই), গোলাপী, হিসাবী, মরমী, আলাপী, দরদী, দেশী, বিলাতী (চলিত ভাষায়—'বিলিতি'), তেলী, কাগজী, জমীদারী ('জমীদারী চাল'); রাঢ়ী, কানাড়ী (কানাড়া বা কর্ণাট-দেশের), মারহাটী (মারহাটা-দেশের), গুজরাটী, কটকী (কটক-নগরের), বনারসী বা বেনারসী, বৃন্দাবনী, ঢাকাই, কলকাতাই; হাড়ী, কেরানী, শুঁড়ী, রাঁধনী বা রাঁধুনী (—যে রাঁধে, পাচক) »

[১৫] « ই, ই » (২): স্ত্রী-বাচক এই প্রত্যয় বাঙ্গালায় বিশেষ্যে প্রযুক্ত হয়। স্ত্রী-প্রত্যয় ভিন্ন, ইহার দ্বারা উদ্দিষ্ট বস্তু বা অন্ত বিশেষ্যের ব্রহ্মতা বা স্বল্পতা, এবং আদরও বুঝায়; যথা—« কাকা—কাকী; মামী; বুড়ী; পাগলী; বামনী; বোষ্টমী. ঘোড়া—স্ত্রীলিঙ্গে ঘোড়ী > ঘুড়ী; মাটী; ঝোলা—ঝুলী; প্রাচীন-বাঙ্গালা পোখা ('বড বই')—পুখী, পুঁথি; ছোরা—ছুরী, ছুরি; লাঠি; ছাতা—ছাতি; ধুতি; জাঁতি, যাঁতি » ইত্যাদি।

[১৬] « ই, ই » (৩): এই প্রত্যয় দ্বারা ভাব-বাচক বিশেষ্য সাধিত হয়; যথা—« বড়-মানুষী, পণ্ডিতী, ডাকাতী, মাষ্টারী, রাখালী » ইত্যাদি।

**মন্তব্য:** এই প্রত্যয় ([১৫] ও [১৬]), বাঙ্গালা ভাষার নিজস্ব স্ত্রী-প্রত্যয়: সংস্কৃতের স্ত্রীলিঙ্গ « আ »-প্রত্যয়ের স্থলে, বহু বাঙ্গালা শব্দে এই প্রত্যয় ব্যবহৃত হয়; যথা—« সুনয়নী; অপসরী; স্বজনী, মজনী; ধনী; রূপসী » ইত্যাদি। আধুনিক বাঙ্গালায় « ইনি, ইনী, নী, নি »-প্রত্যয় ইহার স্থান অনেকটা অধিকার করিয়াছে; [২৯]-সংখ্যক তদ্বিত দ্রষ্টব্য।

[১৭] « ইয়া », চলিত-ভাষায় « এ' » ( অভিশ্রুতি-জাত স্বর-পরিবর্তন-সহ ): এই প্রত্যয়, সম্বন্ধ-বাচক বা কত্ব-বাচক বিশেষ্য ও বিশেষণ গঠন করে; যথা—« হলুদ—হলুদিয়া > হ'লুদে; বাইগন, বাইগনিয়া > বেগুনে'; জালিয়া—জেলে; নগরিয়া—নগরে'; শহরিয়া—শহরে'; উত্তরিয়া—উত্তরে'; মাটিয়া—

মেটে ; পাড়া-গাঁ + ইয়া—পাড়াগোঁয়ে ; কান্দনিয়া—কাঁদুনে' ; মিছ-কহনিয়া—  
মিছ-কউনে' ; জাগনিয়া—জাগানে' ; কালিয়া—কেলে ; ইত্যাদি।

[১৮] « উ »—আদরে ; হুস্বার্থে—সাধারণতঃ ব্যক্তির নামের সঙ্গে প্রযুক্ত  
হয় ; যথা—« পঞ্চানন—পঞ্চু ; পাঁচকড়ি—পাঁচু ; নরেন্দ্র, নরপতি—নরু ;  
হরনাথ—হরু ; রাধানাথ—রাধু ; বলরাম—বলু ; নূর-মোহম্মদ = নুরু ; খোকা—  
খুকু ( হুস্বার্থে, পরে শিশু-কল্পা অর্থে ) ; ছুষ্ঠ—ছুষ্ঠু, ধূত—ধুতু ; বড়—বড়ু »  
ইত্যাদি।

[১৯] « উয়া », চলিত-ভাষায় « ও » ( অভিশ্রুতি-সহিত ) : সম্বন্ধে ও  
সংযোগ জানাইতে প্রযুক্ত হয় ; এবং তুচ্ছতা, নিন্দা ও জুগুপ্সা অর্থে, ব্যক্তি-  
বাচক নামের সহিতও ব্যবহৃত হয় ; যথা—« ঘরুয়া—ঘ'রো, জলুয়া—জ'লো,  
হাটুয়া—হেটো, জরুয়া—জ'রো, ধামুয়া—ধেনো ( মদ, জমী ), কাঠুয়া—কেঠো,  
দামুয়া—দেনো ( যথা, 'দেনো জিনিস' ), টাকুয়া—টেকো ( 'তকলী' শব্দ  
গুজরাটী ) ; মাউসী (= মাসী)—মাউসুয়া, মাউসা > মেসো ; রাম—রামুয়া >  
রেমো, শ্যাম—শেমো, মধু—ম'ধো, মাদব—মাধুয়া > মেধো, রাধানাথ—  
রাধুয়া > রেধো » ইত্যাদি।

[২০] « ক », প্রসারে « কা, কী » এবং « কিয়া, কুয়া » ( চলিত  
ভাষায় « কে, কো »—অভিশ্রুতি-সহ ) : স্বার্থে, সম্বন্ধে ও সম্পর্কে প্রযুক্ত হয় ;  
যথা—« ঢোল—ঢোলক ; ধমু—ধমুক ; দম—দমক, দমকা ; কলা—কলক,  
বড়—বড়কী ( বড়-ভাইয়ের স্ত্রী ; তদ্রূপ, 'মেজকী, সেজকী, ছোটকী' ) ; পণ—  
পণকিয়া, প'ণকে, পুনকে ; কড়া—কড়াকিয়া, কড়াকে' ; গণ্ডা—গণ্ডাকিয়া,  
শত—শতকিয়া, শ'তকে, শ'টকে ; মন—মনকিয়া, মনকে ; কাঠ—কাঠকুয়া  
কেঠকো ( কাঠপাত্র-বিশেষ ) » । « মড়ক, সড়ক, চড়ক » এইরূপে « ক »-  
প্রত্যয়-নিষ্পন্ন ( « মড়া, সড়া, চড়া » হইতে ) ।

[২১] « জা »—পুত্র বা বংশ-জাত অর্থে : « ঘোষ—ঘোষজা, বসু—  
বোসজা ; মিত্রজা » ।

[২২] « জাত » : অন্তর্ভুক্ত অর্থে : « পকেট-জাত, অভিধান-জাত »।

[২৩] « ড় », প্রসারে « ড়া, ড়ী » (১) : স্বার্থে বা সাদৃশ্যে । « রাজা—রাজড়া, গাছ—গাছড়া, কাঠ—কাঠড়া, পাতা—পাতড়া, শাশ (—স্বশ্রু ; তুলনীয়, মাস-শাশ, পিশ-শাশ )—শাশড়ী, শাশুড়ী ; ঝাঁক—ঝাঁকড়ী ; চাম—চামড়া ; খড়া > খাগ—খাগড়া ; ঝি—ঝিউড়ী ; মুখ > মুহ—মুহড়া, মোহড়া, মহড়া ; কেতক- > কেয়া—কেওড়া ।

এই প্রত্যয়, « র »-রূপেও কচিৎ পাওয়া যায় : « কাঠরা, গাঁঠরী, টুকরা, ছোকরা, চাকড়া—চাকরী, পেটক > পেঁড়া—পেটরা, বাশ—বাশরী, ভাই—ভায়রা ( ভায়রা-ভাই ) » ।

[২৪] « ড় বা আড় », প্রসারে « ড়া, ড়ী, ড়িয়া (চলিত-ভাষায় -ড়ে) » (২) : সম্বন্ধ, ব্যবসায়, শীল বুঝাইতে প্রযুক্ত হয় । « ভাঙ্গড় (= 'যে ভাঙ্গ যায়' ), ( তীক্ষ্ণ > তিক্ণ > ) তুখড় ; তেন্ডড় বা তাঁদড় ( দুষ্টবুদ্ধিযুক্ত ) ; ফাঁসড়িয়া > ফাঁসুড়ে' ( 'যে ফাঁস দেয়' ), যোগাড় ( < যোগ ) ; বাসাড়ে', যোগাড়ে', হাতুড়ে ( হাতড়িয়া—হাত + ড়- 'যে হাতড়াইয়া অর্থাৎ অজ্ঞানতা-হেতু অনিশ্চিততার মধ্যে চিকিৎসা করে, এমন বৈজ্ঞ' ) ; ধাঁউড়—ধাঁউড়ে' ( 'যে খুব দৌড়ায়'—বুদ্ধি-জীবী অর্থে ) ; ঘাসিয়াড়া, ঘেসেড়া ; খেলোয়াড় ; জুয়াড়ী » ।

[২৫] « ড়, ড়া, ড়ী »—স্থান-বাচক নামে (৩) : « আখড়া ( < অক্ষবাট- ), গোয়াড়ী ( < গোপবাটিকা ), ভাগাড় ( < ভগ্নবাট ) » ।

[২৬] « ত, তী, তি » (১)—ভাবগোতক ক্রিয়া-পদ প্রকাশ করিতে এই প্রত্যয় ব্যবহৃত হইত । « = আইহত ( অবিধবদ্ব ) এওৎ ; জজিয়তী » ।

[২৭] « ত, তা, তী, তি » (২)—পত্র-জাতীয় বস্তু বুঝাইতে ; যথা— « নামতা, রাঙ্গতা, চাকতি, করাত » ।

[২৮] « ত, তা, তুতা » (চলিত-ভাষায় -তো) : পুত্র-অর্থে— « জেঠা > জেঠাত, জেঠুতা, জেঠুতা ; খুড়ুতা, খুড়ুতা ; মাসুতা, পিসুতা মামাত', চাচাত', খালাত' » ।



[২৯] « ন » প্রসারে « নী, নি, অনী, আনী, ইনি, উনি, উন্, ন্ » : স্ত্রী-বাচক প্রত্যয় । « ( সপত্নী > সরন্তি > সতি > ) সং + ইনী > সতিন, সতিনী ; বেহাইন্, বেয়ান, ব্যান্ ; ঠাকুরাণী, ঠাকরণ, ঠাকরন, ঠান্ ; নাতিনী, নাতিন্ ; ( মিত্র > মিত্ > ) মিতিন ; বহিন্, বোন্ ; কামারনী, কুমারনী ; মেথরনী, মেথরানী ; চৌধুরানী ; ডাক্তারনী, মাষ্টারনী ; সেকরানী ; ধোবানী ; চোর—চুরনী ; ডোমনী—ডুমনী ; চাঁড়ালনী ; সোহাগিনী ; ননদিনী ; পাগলিনী ; গোস্বালিনী, গয়লানী ; রজকিনী ; বাঘিনী, সিংহিনী, সাপিনী ; বিহঙ্গিনী, চাতকিনী ; প্রেতিনী > পেত্নী ; পণ্ডিতানী ; অনাথিনী, হতভাগিনী ; নাপিতানী > নাপ্তিনী » ইত্যাদি ।

[৩০] « পনা » : ভাব-বাচক প্রত্যয় ; « টীট ( ধৃষ্ট )—টীটপনা ; গিন্নীপনা » ।

[৩১] « পানা » : সাদৃশ্যার্থে : « চাঁদপানা, কুলা ( > কুলো )-পানা, লাল-পানা, লম্বা-পানা » ।

[৩২] « পারা » : সাদৃশ্যার্থে : « চাঁদপারা » ।

[৩৩] « ভর, ভরা »—পরিমাণার্থে, বিশেষ পরিমাণের 'এক'-মাত্রা অর্থে ; যথা—« তোলা-ভর ( = 'এক তোলা পরিমাণ ওজন যাহার' ), দিন-ভর ( = 'একটি পূরা দিন ব্যাপিরা' ), রাত-ভর, সের-ভর, ক্রোশ-ভর ; মুঠা-ভরা টাকা, বাটা-ভরা পান, গাল-ভরা কথা » ।

[৩৪] « মস্ত, মত » : 'যুক্ত' অর্থে : « শ্রীমস্ত, পয় ( < পদ )-মস্ত ; লক্ষ্মীমস্ত ; এমস্ত > এমন, জেমস্ত > যেমন, তেমস্ত > তেমন, তেমত » ।

[৩৫] « রু, রু, উর »—স্বার্থে, সাদৃশ্যে « রূপ » হইতে : « গোক, সাজারু, বাছুর ( < বাছরু ), প্রাদেশিক বাঙ্গালা গাভুর ( < গাভরু = গর্তরুপ ) » ইত্যাদি ।

[৩৬] « ল »—সম্বন্ধে, স্বার্থে, সাদৃশ্যে, ঈষদর্থে, গুণার্থে । প্রসারে—« লা, লী, আলিয়া ( চলিত-ভাষায় -লে' ) » ; যথা—« আদল ; ছাওয়াল,

ছাওয়ালিয়া > ছালিয়া, ছেলে; দীঘল; পাকল; হাঁড়ল; পাতল, পাতলা;  
(নব > নও >) নহলী; বিজুলী (বিহ্যং—বিজ্জু—) বিজলী; সুখী > সুহী—  
সুহীলা, সহেলা, সয়লা; মাতল; ধকল; হাতল; ফাঁদল; মাদল; কাতলা » ।

[৩৭] « স, সা, ছা, চা »; প্রসারে—« সী, সিয়া (> চলিত-ভাষায়  
সে, চে' ) » : সাদৃশ্যার্থে : যথা—« মুখস; √তাড়া—তাড়স; রূপসী; আলি-সা  
> আ'ল্‌সে ('ছাত্তের আলিনা বা আলির মত'); পানিসা > পা'ন্‌সে;  
চামসা; করসা; ঝাপসা : জাবছা ('আভ অর্থাৎ অভ্র বা মেঘের মত');  
ভাপছা, ভেংচা ('মুখ-ভঙ্গী করা'); কোরাসা (প্রাকৃত কুহা = কোয়া + সা);  
লাকাসিয়া > লাকাসে', ফাঁকাসে', ফাঁকাসে', ফাকাসে' (হিন্দুস্থানী 'কক'  
—বাপ্পালা 'দাদা হওয়া'); লালসিয়া > লাল্‌চে'; ঘুমসী, ঘুনসী, ঘুংসী » ।

[৩৮] « স, আস, আসিয়া, আস্তা (চলিত-ভাষায় 'আসে') »—  
নাম-বাচক : « সাতাসে', আটাসে' : বারাস্তা বা বারমাস্তা » ।

[৩৯] « সহী »—পর্যায় অর্থে; « জনসহী, বুকসহী, দশাসহী (= 'পুরা দশ  
পর্যায়, সুপূর্ণ') » ।

[৪০] পিছু—'প্রত্যেক' অর্থে : « টাকা-পিছু, মাথা-পিছু, জন-পিছু,  
ঘর-পিছু » ইত্যাদি ।

### সংস্কৃত তদ্ধিত-প্রত্যয়

[১] « অ » (১) [উচ্] : « একাদশ, দ্বাদশ, চত্বরিংশ » প্রভৃতি ক্রম-বাচক সংখ্যাপদে এই  
প্রত্যয় বিদ্যমান ।

« অ » (২) [ষ] : « দ্বিমুখ', ত্রিমুখ' (মুখ'ন' শব্দ) » প্রভৃতি সমাসান্ত পদে ।

« অ » (৩) [অচ্] : অন্ত্যার্থে—« পাপ (পাপী অর্থে), পুণ্য (পুণ্য-যুক্ত অর্থে) » ।

« অ » (৪) [টচ্] : সমাস-যুক্ত পদে—« মহারাজ ( 'মহারাজা' নহে ),  
প্রিয়সখ ( 'প্রিয়সখা' নহে ) » ।

« অ » (৫) [অপ্] : সমাস-যুক্ত পদে : « বৈমাত্র, সৌভ্রাত্র ( মাতৃ—  
মাতা, ভ্রাতৃ—ভ্রাতা হইতে ) » ।

« অ » (৬) [ অণ্ ] : অপত্য, অথবা ভক্ত অর্থে : « গাঙ্গ, রাঘব, মানব, বাসুদেব, শৈব » ইত্যাদি ।

« অ » (৭) [ অঞ্ ] : « পৌত্র, দৌহিত্র » ;

[২] « অক » [ বৃন্ ] : « শিক্ষক, ক্রমক, পদক, মীমাংসক ; আর্দ্রক, মূলক, বাসুদেবক » ।

[৩] « অঠ » [ অঠচ্ ] : « কর্মঠ » ।

[৪] « অতম » [ উতমচ্ ]—পূরণার্থে : « কতম, একতম » ;

[৫] « অতর » [ উতর ]—তুলনায় : « কতর, একতর » ।

[৬] « অতস্ » [ অভস্চ্ ] : « দক্ষিণতঃ, উত্তরতঃ » ।

[৭] « অন্ » [ অনিচ্ ] : সমাসান্ত পদে—« সমানধম্ ন্ > সমান-ধর্ম । » ।

[৮] « অয় » [ অয়চ্ ] : « দ্বয়, ত্রয় » ( সমাসান্ত ) ।

[৯] « অস্ » [ অসি ] : « পুরঃ, অধঃ ।

[১০] « অস্ » [ অসিচ্ ] : সমাসান্ত পদে—« স্মমেধস্ = স্মমেধাঃ » ।

[১১] « আকিন্ » [ আকিনিচ্ ] : « একাকিন্ = একাকী » ।

[১২] « আমিন্ » [ আমিনিচ্ ] : « স্বামিন্ = স্বামী » ।

[১৩] « আয়ন » [ ফক্ ] ; « দ্বৈপায়ন, বাদরায়ণ, রামায়ণ, কৃষ্ণায়ণ » ।

[১৪] « আল » [ আলচ্ ] : « রসাল, বাচাল » ।

[১৫] « ই » (১) [ ইং ] : সমাসান্ত—« সুগন্ধি, সুরভিগন্ধি » ।

« ই » (২) [ ইচ্ ] : সমাসান্ত—« কেশাকেশি » ।

« ই » (৩) [ ইঞ্ ] : « দাশরথি, সৌমিত্রি » ।

[১৬] « ইক » (১) [ ঈন্ ] : « কুসীদিক » ।

« ইক » (২) [ ঐঠ ] : « কাশিক, বৈদিক ; পারমার্থিক মৌখিক, ধার্মিক, যৌগিক, বৈয়ক্তিক ( < ব্যক্তি ) » ।

« ইক » (৩) [ ঐঞ্, ঐন্ ] : « মাসিক, বাৎসরিক, দৈনিক, নাবিক, মাহারাজিক, চৈনিক ( < চীন ), সৈনিক, নৈতিক, ঔদরিক, পারিপার্শ্বিক » ।

আধুনিক কালে, বিদেশী শব্দ হইতে—« ঐক্সামিক (< ইসলাম ), সাহরিক ( সহর বা শহর—রবীন্দ্রনাথ কর্তৃক ব্যবহৃত, 'নাগরিক' শব্দের অল্পকরণে ) » ।

[১৭] « ইন্-ঈ » [ ইনি ] : « তপস্বী, সাক্ষী, গুণী, ধনী, সুখী, হস্তী, পুষ্করিণী » ।

[১৮] « ইম » [ ডিমচ্ ] : « অগ্রিম, পশ্চিম, আদিম » ।

[১৯] « ইমন্ ( -ইমা ) » [ ইমনিচ্ ] : « ভূমা, গরিমা, নীলিমা » ।

[২০] « ইষ » [ য ] : « ক্ষত্রিয়, রাষ্ট্রিয় » ।

[২১] « ইল » [ ইলচ্ ] : « পিচ্ছিল, কেনিল, পঙ্কিল » ।

[২২] « ইষ্ঠ » [ ইষ্ঠন্ ] : « গরিষ্ঠ, শ্রেষ্ঠ, বলিষ্ঠ, জ্যেষ্ঠ, ভূয়িষ্ঠ » ।

[২৩] « ঈ » (১) [ ঙীপ্, ঙীষ্ ] : স্ত্রী-প্রত্যয় : « দেবী, কত্রী, ব্রাহ্মণী, রজকী » ।

« ঈ » [ ঙীন ] : « পুল্লী, শাক্ষরবী, গোতমী ; নারী ( নর-শব্দের স্বরের বৃদ্ধি ) » ।

[২৪] « ঈ » [ চি ] : অভূত-তদ্ভবার্থে, অর্থাৎ 'আগে ছিল না, পরে হইয়াছে' এই অর্থে, « অঙ্গীকার, স্বী-কার, সমী-করণ, হৃষী-করণ, দীর্ঘী-করণ » ইত্যাদি ।

[২৫] « ঈন » (১) [ খ ] : « কুল > কুলীন ; সর্বজনীন, বিশ্বজনীন » ।

« ঈন » (২) [ খণ্ড ] : « সার্বজনীন, বৈশ্বজনীন » ।

[২৬] « ঈয় » [ ছ ] : « পরকীয়, রাজকীয়, রাষ্ট্রীয় » । বিদেশী শব্দে, « কষীয়, ঈরানীয়, পোলীয়, চীনীয়, ইটালীয়, নরউইজীয় » ।

[২৭] « ঈয়স্ ( ঈয়ান্, স্ত্রীলিঙ্গে ঈয়সী ) » [ ঈয়সুন্ ] : « গরীয়ান্, লঘীয়ান্, বলীয়ান্, জ্যায়ান্ » ।

[২৮] « উক » [ উকণ্ ] : « কামুক » ।

[২৯] « উর » [ উরচ্ ] : « দস্তুর, মেছুর » ।

[৩০] « এয় » (১) [ ঢক্ ] : অপত্যার্থে—« গাভেয়, বৈনতেয়, কোস্তেয় » ।

« এয় » (২) [ ঢুক ] : « গাভেয়, আগ্নেয়, বৈমাত্রেয়, ভাগিনেয় » ।

[৩১] « ক » [ কন্ ]—স্বার্থে, হৃদ্বার্থে, নিন্দার্থে : « পঞ্চক, শূদ্রক, পুত্রক » ।

[৩২] « কল্প » [ কল্পপ্ ] : ঈষদার্থে : « আচার্য্য-কল্প, গুরু-কল্প, অমুজ-কল্প, অগ্রজ-কল্প » ।

[৩৩] « মিন্ » [ মিনি ] : « বাক্—বাগ্মী » ।

[৩৪] « চুঞ্চ » [ চুঞ্চপ্ ] : « বিদ্যাচুঞ্চ, অশুচুঞ্চ » ।

[৩৫] « তন » [ টা, টাল্ ] : « পুরাতন, সনাতন, অধুনাতন, চিরন্তন » ।

[৩৬] « তম » (১) [ তমট্ ] : ক্রম-সংখ্যা-প্রকাশার্থে : « বিংশতিতম, পঞ্চাশত্তম, একষষ্টিতম » ।

« তম » (২) [ তমপ্ ] : প্রকর্ষার্থে : « গোতম, গুরুতম, প্রিয়তম, দীর্ঘতম » ।

[৩৭] « তয় » [ তয়প্ ] : « চতুষ্টয়, দ্বিতয়, ত্রিতয় » ।

[৩৮] « তর » [ টরচ্ ] : « অশতর, বৎসতরী ( স্ত্রীলিঙ্গে ট্র ) » ।

[৩৯] « তস্ » (১) [ তসি ] : « সর্বতঃ, উভয়তঃ » ।

« তস্ » (২) [ তসিল্ ] : « অতঃ, ইতঃ, ততঃ » ।

[৪০] « তা » [ তল্ ] : ভাবার্থে—« সাধুতা, জনতা ( জনসমূহ-অর্থে ), বন্ধুতা, গ্রাম্যতা, সহায়তা, চঞ্চলতা বুদ্ধিহীনতা, বিলাসিতা, প্রতিযোগিতা » ;  
বাঙ্গালা শব্দে—« সততা ( সন্ত > সত্ত > সত, সং + তা ) » ।

[৪১] « তিক, তিকা » [ তিকন্ ] : « মৃত্তিকা » ।

[৪২] « ত্য » (১) [ ত্যপ্ ] : « তত্রত্য, অত্রত্য » ।

« ত্য » (২) [ ত্যক্ ] : « দাক্ষিণাত্য, পাশ্চাত্য » ।

[৪৩] « ত্যক » [ ত্যকন্ ] : « উপত্যকা, অধিত্যকা » ।

[৪৪] « ত্র » (১) [ ত্রল্ ] : « যত্র, তত্র, কত্র, সর্বত্র » ।

« ত্র » (২) [ ত্রন্ ] : « ছত্র » ।

[৪৫] « ত্রিম » ( কৃৎ-প্রত্যয় « ত্রি [ = ত্রি ] » + তদ্ধিত « মপ্ » ) : « কৃত্রিম » ।

[৪৬] « ত্ত » : ভাবার্থে—« দ্বিত্ত, কবিত্ত, গত্ত, ষত্ত, সত্ত, তত্ত, লঘুত্ত, গুরুত্ত, পশুত্ত, মনুষ্যত্ত, প্রাচীনত্ত »। বাঙ্গালা শব্দে—« ( সন্ত > সত, সং + ত্ত > সতী > ) সতীত্ত, আমিত্ত, নোতুনত্ত, হিন্দুত্ত, মুসলমানত্ত »।

[৪৭] « থ » [ থক্ ] : « চতুর্থ, ষষ্ঠ »।

[৪৮] « থা » [ থাল্ ] : « যথা, তথা, সর্বথা »।

[৪৯] « দা » : « একদা, সদা »।

[৫০] « দা » : « বিদা, ত্রিদা »।

[৫১] « ন » [ নঞ্ ] : « স্ত্রী > স্ত্রৈণ »।

[৫২] « ম » [ মট্ ] : « পঞ্চম, সপ্তম, দশম »।

[৫৩] « মন্ ( মন্, মন্তী ) » [ মতুপ্ ] : « মধুমান্, মতিমান্, শ্রীমান্, বুদ্ধিমান্ ; জ্ঞানবান্, বশস্বান্, লক্ষ্মীবান্ »।

[৫৪] « ময় » [ ময়ট্ ] : « বাস্ময়, মৃন্ময়, অন্নময়, জলময়, গোময় »।

[৫৫] « য় » (১) [ য়া ] : « সায়াজা, পাণ্ডা, কোঁরবা »।

« য় » (২) [ য়ঞ্ ] : « চাতুর্ভগ্য, সৈন্ত »।

« য় » (৩) [ যক্ ] : « প্রাজাপত্য, পৌরোহিত্য »।

« য় » (৪) [ যং ] : « ব্রাহ্মণ্য, মনুষ্য, গ্রাম্য, দিব্য, স্মাধ্য »।

[৫৬] « র » : ‘আছে’, এই অর্থে—« শ্রীর, শিখর ( শেখর ), মধুর, ধূত্র »।

[৫৭] « ল » : অস্ত্যার্থে—« বৎসল, মাংসল »।

[৫৮] « বৎ » (১) [ বতি ] : তুল্যার্থে—« লোকবৎ, তদ্বৎ, দেববৎ, মনুষ্যবৎ »।

« বৎ » (২) [ বতুপ্ ] : « ষাবৎ, তাবৎ, এতাবৎ, কিয়ৎ, ইয়ৎ »।

[৫৯] « বল » [ বলচ্ ] : « শাহল, কুবীবল ( = কুবক ) »।

[৬০] « বিধ » [ বিধল্ ] : « নানাবিধ, বহুবিধ »।

[৬১] « ব্য » (১) [ ব্যাৎ ] : « পিতৃব্য »।

« ব্য » (২) [ ব্যান্ ] : « ভ্রাতৃব্য »।

- [৬২] « শ » : « রোমশ, লোমশ, কর্কশ .. ।  
 [৬৩] « শঃ » : « বহুশঃ, প্রায়শঃ, ক্রমশঃ » ।  
 [৬৪] « সাং » [ সান্তি ] : « পাত্রসাং, অগ্নিসাং, আয়সাং » ।

### তদ্ধিত-রূপে ব্যবহৃত সংস্কৃত শব্দ

কতকগুলি সংস্কৃত শব্দ বাঙ্গালায় তদ্ধিতের মত ব্যবহৃত হয় ; যথা—

[১] « জাত »—« গৃহ-জাত » = 'গৃহে উৎপন্ন' ; « পকেট-জাত, অভিধান-জাত » = 'রক্ষিত' অর্থে। ( « দ্রব্য-জাত »—এখানে « জাত » শব্দ, সমূহ-অর্থে প্রযুক্ত—কারসী «-জাং » -প্রত্যয়, যথা—« মেওয়াজাং » = 'কলসমূহ, বিভিন্ন প্রকারের কল',—ইহার সহিত সম্পৃক্ত নহে ) ।

- [২] « শুদ্ধ »—« আমি-শুদ্ধ, সে-শুদ্ধ সাজ-শুদ্ধ, ঢাকী-শুদ্ধ বিসর্জন » ।  
 [৩] « সহ »—« কাপড় সহ » ।  
 [৪] « স্থ »—« লেন-স্থ, বহুবাজার-স্থ, লণ্ডনস্থ সংবাদদাতা » ।

### বিদেশী তদ্ধিত

বাঙ্গালায় আগত বিদেশী শব্দে ( যথা, কারসী শব্দে ) সেই ভাষার তদ্ধিত পাওয়া যায়। অনেকগুলি বিদেশী শব্দে একই তদ্ধিত পাওয়া গেলে, সেই তদ্ধিতের অর্থটা সুপরিষ্কৃত হইয়া থাকে, সাধারণ অশিক্ষিত জনও সেই তদ্ধিতের বিশেষ অর্থ অনুমান করিয়া লইতে সমর্থ হয়। পরে সেই তদ্ধিত, ভাষার নিজস্ব শব্দেও যুক্ত হয়, এবং ইহা ভাষার অঙ্গীভূত হইয়া পড়ে। কতকগুলি কারসী তদ্ধিত-প্রত্যয় এইরূপে বাঙ্গালায় প্রবেশলাভ করিয়াছে। সমাসাগত কতকগুলি শব্দও এইরূপে তদ্ধিতের আকারে বাঙ্গালা ভাষায় আশ্রয় লাভ করিয়াছে।

কোনও ভাষার নিজস্ব শব্দের সহিত বিদেশী ভাষা হইতে প্রাপ্ত তদ্ধিত-প্রত্যয় বা অন্য শব্দ যুক্ত হইলে, তদ্রূপ মিশ্র শব্দকে **সঙ্কর-শব্দ** ( Hybrid Word বা Hybrid ) বলে।

[১] « আন্, ওয়ান্ »—‘তাহার আছে’, এই অর্থে; যথা—« গাড়ী—গাড়োয়ান্; ( দব্ = দ্বার )—দরওয়ান; কোচওয়ান্ ( ইংরেজী coachman-এর সঙ্গে অনেকে এই শব্দকে সংযুক্ত করেন ) »; স্বার্থে বা একই অর্থে: « বাগওয়ান = বাগ বা উগানের কর্মী » হইতে « বাগান » শব্দ।

[২] « আনা ( যানা ) »—‘অভাস’ বা ‘শীল’ অর্থে; প্রসারে « আনী, আনি » : « সাহেবীআনা; বাবুয়ানা, বাবুয়ানী; হিন্দুয়ানা, হিন্দুয়ানী, হিঁদুয়ানী; বিবিয়ানা, বিবীয়ানি; বড়-ঘরানা » ইত্যাদি।

[৩] « খানা »—‘স্থান’, ‘দোকান’ অর্থে: « কেতাবখানা, পিলখানা ( = হাতীশাল ), কবুতরখানা; শুঁড়ীখানা, মুদীখানা, ডাক্তারখানা, ছাপা-খানা; বৈঠকখানা »।

[৪] « খোর »—‘যে সেবন করে’ এই অর্থে: « চশমখোর, গাঁজাখোর, ঘুঘখোর, আকিমখোর, চণ্ডুখোর, গুলিখোর »।

[৫] « গর »—‘যে করে, অথবা গড়ে’ এই অর্থে: « কারিগর, বাজিগর »।

[৬] « গিরি ( গীরী ) »—ব্যবসায় বা শীল অর্থে: « মুটিয়াগিরি, কেন্নানী-গিরি, বাবুগিরি, মুচিগিরি, পাণ্ডাগিরি, পণ্ডিতগিরি, রাজাগিরি »।

[৭] « চা, চী, চি »—আধার অর্থে; অথবা, ক্ষুদ্র অর্থে: « বাগিচা, নলিচা, নইচা, ধূনাচী, পাতম্‌চি বা পাতঞ্চি »। ব্যবসায়ী বা কর্মী অর্থে « চী »—« বাবুচী, মশালচী, খাজাঞ্চী, কলমচী ( ব্যঙ্গার্থে ) »।

[৮] « তর, তরো »—প্রকার অর্থে: « এমনতর, কেমনতর, যেমনতর, গুরুতর, বহুতর » ( দ্রষ্টব্য—« তর-বেতর » )।

[৯] « দান, দানী »—আধার অর্থে: « কলমদান, আতরদান, শামাদান, পিকদানী, নশুদান »।

[১০] « দার »—‘দারক’ বা কর্তা অর্থে: « বাজনদার ( প্রসারে বাজন-দারিয়া > চলিত-ভাষায় বাজন্দরে, বাজুনহুরে ), চৌকীদার, চড়নদার, ফাড়ীদার, ছড়িদার, সমঝদার, অংশীদার, ভাগীদার, মজাদার, মজুমদার,



জোয়ার্দার, শুমার-দার > সমাদ্দার, জমীন-দার > জমীদার, চাকলাদার, জমাদার, হাবিলদার, ওহদেদার > হুদাদার ; খবরদার, খবরদারী » ।

[১১] « নবিশ »—অর্থ, 'লেখক' : « নকল-নবিশ » । ( ইংরেজী novice শব্দের প্রভাবে—« শিক্ষানবিশ » ) । লেখা, পেশা বা ব্যবসায় অর্থে—« নবিশি » শব্দ প্রচলিত ।

[১২] « বন্দ », প্রসারে « বন্দী » : 'বন্ধ বা গৃহীত' অর্থে : « পেটরা-বন্দী, বাঝ-বন্দী, চিঠা-বন্দী ; বাঘব-ন্দী খেলা » ।

[১৩] « বাজ »—'অভ্যস্ত' এই অর্থে ; প্রসারে, শীল-অর্থে « বাজী » : « দড়ীবাজ, দোঁখাবাজ, চালবাজ ; গলাবাজী, ফেরেববাজী » ।

[১৪] « সহি, সই [ < শহীহ্ ] »—যোগ্য বা উপযুক্ত অর্থে : « মানান্-সহি, প্রমাণসহি, মাপসই, দশাসই, টেকসই, চলনসই, লাগসই » ।

'দেশ' অর্থে, কারসী « অস্তান, ইস্তান, সিতান, স্তান » শব্দ, বাঙ্গালায় ইহার সংস্কৃত প্রতিক্রম « স্তান »—এ রূপান্তরিত হইয়া গিয়াছে : « হিন্দুস্তান = হিন্দু-স্থান ; তদ্রূপ—আকগানিস্তান, তুর্কীস্থান, বেলুচীস্থান, সীস্থান, বাল্‌তীস্থান ; রাজস্থান » । কারসী « মনন্ » বাঙ্গালায় « মন্ত »—প্রত্যয়ের সহিত মিশিয়া গিয়াছে : « দৌলতমন্ত, আক্কেলমন্ত » তুলনীয়, শুদ্ধ বাঙ্গালা শব্দ « শ্রীমন্ত, পয়মন্ত » ) ।

### উপসর্গ

কতকগুলি অব্যয়-পদ আছে, যেগুলিতে কোনও প্রত্যয় যুক্ত হয় না, সেগুলি কেবল অন্ত ধাতুর বা শব্দের পূর্বে বসিয়া তাহাদের অর্থের বিশিষ্টতা সম্পাদন করে । এইরূপ অব্যয়-পদকে উপসর্গ বলে । ধাতু-প্রত্যয়-নিম্পন্ন সংস্কৃত শব্দে এই সকল সংস্কৃত উপসর্গ আইসে । সংস্কৃত উপসর্গের তালিকা পরে প্রদত্ত হইল ।

খাটা বাঙ্গালার স্বকীয় ( অর্থাৎ প্রাকৃত-জ ) উপসর্গ অতি অল্প । এই উপসর্গগুলিকে বাঙ্গালা ভাষার « শব্দের আদিতে অবস্থিত প্রত্যয় » বলা চলে ।

[১] বাঙ্গালা উপসর্গ—

(১) « আ-, অনা- অ- »—‘না’ অর্থে, অথবা মন্দ অর্থে : « আলনি, আনোরা, আকাড়া, আবুদ্ধিয়া ; আবেলা, অবেলা ; অজানা, আজান (‘আজান গাছ’ = অজ্ঞাত বিদেশী বৃক্ষ) ; অনামা ; অবন্তি, অবনিবনা ; অশুধ (= অশুদ্ধ, কলিকাতা অঞ্চলে [ওষুধ] রূপে উচ্চারিত) ; অবিস্ত (= অবিবাহিত) ; আঘাট ; অহিন্দু, অমুসলমান ; অহিসাবী, অখুশী ; অনামুখ ; অনামুষ্টি বা অনাচ্ছিষ্টি » ।

(২) « আ-, অ- »—প্রকৃষ্ট অর্থে, স্বার্থে, সাদৃশ্যার্থে : « অঘোর (= ঘোর) নিদা, আকাঠ (= কাঠের মত), আভাজা ; আরঙ্গ বা অরঙ্গ (= রঙ্গীন ) » ।

(৩) « কু- »—নিন্দনীয় অর্থে : « কুকাজ, কুনজর, কুদিন, কুচাল, কুকোচ্ছা » ।

(৪) « দর- »—অল্প বা ঈষৎ অর্থে : « দর-কাঁচা, দর-পাকা, দর-পোক্ত (= অর্ধ-পক ) » ।

(৫) « নি-, নিরু-, নিশ্- »—‘না’ অর্থে : « নিখুঁত, নিখোঁজ, নিদয়, নিভরসা, নিলাজ, নিরাম, নিরাবণ, নিকরণ, নির্জোশ (= খাটী, ‘জোশ’ অর্থাৎ উজ্জ্বল্য-বিহীন ; ‘নিষাস’ রূপে বহুশঃ বানান করা হয়) ; ‘নিশ্চিপি বোতল’ » ।

(৬) « পাতি- »—ক্ষুদ্র অর্থে : « পাতি-হায়া বা পাতকো, পাতি-ভাঁড়, পাতি-হাঁস, পাতি-কাক, পাতি-মোড় ( বা পাত-মোড় ) » ইত্যাদি ।

(৭) « বি-, বে- »—‘না’ অর্থে, নিন্দার্থে : « বিজোড়, বিভুঁই, বিকাল, বে-টাইম, বে-হেড » ।

(৮) « ভর-, ভরা- »—পূর্ণ অর্থে : « ভর-সাঁঝ, ভর-দিন, ভর-পেট, ভর-বা ভরা-যৌবন » ।

(৯) « স- »—সহিত অর্থে : « সকাল, সজোরে স-বুট পদাঘাত, সতৃষ্ণ দৃষ্টি » ; স্বার্থে : « সক্ষম, সঠিক » ।

(১০) « সু- »—প্রশস্ত্য অর্থে : « সুজন, সুছাঁদ, সুমন, সুভোল, সুদিন, সুনাম, সুখবর, সুনজর » ।

(১১) « হা- »—হত্যাৰ্থে বা বিগতার্থে : « হাপুত ; হাঘরিয়া, হাঘ'রে ; হাভাতিয়া, হাভাতে' » ।

## [২] সংস্কৃত উপসর্গ—

(১) « অতি »—‘অতিক্রমণ, অতিরিক্ত, অতিক্রান্ত’ ইত্যাদি অর্থে : « অতিশয়, অতীত, অত্যাচার, অতিবৃষ্টি, অতিভক্তি » । ( এই উপসর্গটি বিশেষ্য ও বিশেষণ রূপেও বাঙ্গালায় ব্যবহৃত হয় ; যথা—« কোনও কিছুর অতি ভাল নহে; তাহার অতি বাড় বাড়িয়াছে » ) ।

(২) « অধি »—‘উপরে, অথবা মধ্যে’ অর্থে : « অধিকার, অধিগত, অধিপতি, অধীশ্বর, অধিবাসী » ।

(৩) « অন্তু »—‘পরে, বা কোনও কিছুর দিকে’, এই অর্থে : « অন্তুগত, অন্তুলিখন ( = নকল ), অন্তুবাদ, অন্তুনয়, অন্তুরোধ, অন্তুজ » ।

(৪) « অন্তর, অন্তঃ »—‘মধ্যে বা ভিতরে’ অর্থে : « অন্তর্গত, অন্তর্ধান, অন্তর্জলী, অন্তঃপুর, অন্তঃসলিলা » । ( « অন্তর » শব্দ « অন্তর » রূপে বিশেষ্যবৎ বাঙ্গালায় ব্যবহৃত হয় ! )

(৫) « অপ »—‘দূরে, মধ্য হইতে’ অর্থে : « অপক্রান্ত, অপগত, অপমান, অপব্রষ্ট ; অপশ্রুতি » ।

(৬) « অপি »—‘ভিতরে, উপরে, সন্নিহিতে’ অর্থে ; « অপি » সংক্ষেপে « পি » রূপে সংস্কৃতে মিলে : « পিনক, অপিনিধান ; অপিনিহিতি » ।

(৭) « অভি »—‘প্রতি, উপরে, দিকে, চতুর্দিকে’ অর্থে : « অভিভাষণ, অভিসন্ধি, অভিভূত, অভিমান, অভিশ্রুতি, অভিনিবেশ, অভিব্যক্তি » ।

(৮) « অব »—‘নিম্নে বা নিম্নদিকে’, এই অর্থে : « অবগাহন, অবমান, অবরোধ, অবনমন, অবনয়ন » ।

(৯) « আ »—‘প্রতি, উপরে, ঈষৎ অথবা সম্যক্’ অর্থে : « আগমন, আয়াস, আক্রমণ, আস্থা, আভাস, আহ্লাদ » ।

(১০) « উদ্ »—‘উপরে, উপরের দিকে, বাহিরে’ : « উদগ্রীব, উদ্বোধন, উদ্দাম, উদ্দেশ, উদ্ধার, উদয় » ।

(১১) « উপ »—‘দিকে, প্রতি, সন্নিহিত’ : « উপবেশন, উপস্থিত, উপকার, উপহার, উপনিবেশ » ।

(১২) « দুঃ, দুর্, দুষ্ »—‘মন্দ বা কু’ অর্থে : « দুঃশীল, দুঃস্থ বা দুহু, দুর্দৃষ্ট, দুর্গত, দুর্নাম, দুঃপ্রাপ্য, দুর্মানাঃ » ।

(১৩) « নি »—‘নিম্নে, ভিতরে, মধ্যে, পূর্ণরূপে’ : « নিপাত, নিরুষ্ঠ, নিবাস, নিপীড়িত, নিশ্চয় » ।

(১৪) « নিঃ ( নিব্, নিষ্ ) »—‘বহির্গত’, বা ‘নাই’ অর্থে : « নিধন, নিষ্করণ, নিঃসন্দেহ, নিঃসন্দ, নিমগ্নিত, নির্বিকল্প, নিরপরাধ, নিরাবরণ, নিরাভরণ » ।

(১৫) « পরা »—‘দূরে, বাহিরে’, অর্থে : « পরাজিত, পরাভব, পরাবর্তিত » । ( « পরাকাষ্ঠা » শব্দ কিন্তু বস্তুতঃ « পরা কাষ্ঠা », সমাসে « পরাকাষ্ঠা », অর্থাৎ ‘চরম সীমা’ ; কিন্তু বাঙ্গালায় এই দুইটি পদ মিলিত হইয়া একপদ-রূপে প্রযুক্ত হয় । )

(১৬) « পরি »—‘চতুর্দিকে, অথবা ব্যাপক-ভাবে’, এই অর্থে : « পরিক্রমা, পরিচালনা, পরিভ্রমণ, পরিবেষ্টন, পরিপ্রশ্ন, পরিবেষণ » ।

(১৭) « প্র »—‘সম্মুখে, পুরতঃ, শ্রেষ্ঠ’ : « প্রগতি, প্রণাম, প্রকৃষ্ট, প্রয়োগ, প্রভাব, প্রতাপ » ।

(১৮) « প্রতি »—‘বিপরীত ভাবে, বিরুদ্ধে, প্রত্যুত্তরে’ : « প্রতিদান ; প্রতিষেধক ; প্রতিরোধ ; প্রতিশব্দ ( =synonym, equivalent word),

( শব্দ প্রভৃতির ) প্রতিক্রম ( = equivalent cognate form ); প্রত্যক্ষর, প্রতিবর্ণ ( = transliteration ), প্রতিবাদ, প্রতিনৈতিক, প্রতিনমস্কার, » ।

( ১২ ) « বি »—‘বিদুরে, বিল্লিষ্ট, বাহিরে’ : « বিগত, বিনয়, বিহিত, বিধান, বিবরণ, বিচার, বিহার » ।

( ১৩ ) « সম্, স »—‘সহিত বা একত্র’ অর্থে : « সংলাপ, সংবাদ, সম্ভতি, সংহতি, সন্ধান, সঙ্গোহন » ।

( ১৪ ) « স্ম »—‘স্মল, ভদ্র, উৎকৃষ্ট বা উৎকর্ষ’ অর্থে : « স্মবিচার, স্মজাতা, স্মচিন্তিত, স্মদৃঢ়, স্মনাঃ বা স্মনস্ » ইত্যাদি ।

পর-পর একাধিক উপসর্গ একই শব্দে বসিতে পারে; যথা—« অভ্যাস, জুঃসংবাদ, ছরপনেয়, প্রতু্যপকার, অত্যাচার, অধ্যবসায়, প্রতুত্তর, প্রণিপাত অভিনিবেশ, নিঃসঙ্কোচ, সম্প্রদান, সুসংস্কৃত, পরিব্যাপ্তি, অতু্যৎকৃষ্ট » ইত্যাদি ।  
খাঁটি বাঙ্গালা ও বিদেশী উপসর্গ কিন্তু একই শব্দে একটীর বেশী ব্যবহৃত হয় না ।

উপসর্গের মত আরও কতকগুলি অব্যয় আছে, এগুলিও ধাতুর সহিত যথেষ্ট-রূপে ব্যবহৃত হয় । এগুলিকে গতি বলে : যথা—

( ১ ) « আবিঃ »—দৃষ্টিগোচরে, বাহিরে : « আবির্ভাব, আবিষ্কার » ।

( ২ ) « তিরঃ »—বাঁকা, আড়াআড়ি ভাবে, বা অদৃশ্য হওন : « তিরস্কার, তিরোভাব, তিরোধান » ।

( ৩ ) « পুরঃ »—সমক্ষে, সামনে : « পুরস্কার, পুরোহিত, পুরোধাঃ » ।

( ৪ ) « প্রাহুঃ »—দৃষ্টিগোচরে : « প্রাহুর্ভাব » ।

( ৫ ) « বহিঃ »—বাহিরে : « বহিস্কার, বহির্ভারত, বহির্জগৎ, বহিরঙ্গ » ।

( ৬ ) « অলম্ »—সম্যক-রূপে : « অলঙ্কার » ।

( ৭ ) « সাক্ষাৎ »—« সাক্ষাৎকার, সাক্ষাৎদর্শন » ।

[ ৩ ] বিদেশী উপসর্গ—

কতকগুলি কারসী শব্দ ও অব্যয়, বাঙ্গালা শব্দে উপসর্গ বা আচ্ছবস্থিত উদ্ধিত-রূপে ব্যবহৃত হয়; যথা—

- [১] « গর »—‘না’ অর্থে : « গর-মিল, গর-হাজির » ।
- [২] « দর »—নিষ্কৃত অর্থে : « দর-পত্তনী » ।
- [৩] « না »—নঞার্থে : « না-হক, না-লায়েক, না-পাখামানে, না-টক, না-মিষ্টি » ।
- [৪] « ফি ( ফী ) »—‘প্রত্যেক’ অর্থে : « ফি-লোক, ফি-জন, ফি-হাত, ফি-দিন » ।
- [৫] « বদ »—নিন্দায় : « বদলোক, বদরোগী, বদমেজাজী, বদ-রীত, বদ-গন্ধ » ।
- [৬] « বে- »—‘না’ অর্থে, নিন্দার অর্থে : ( বাঙ্গালা ও সংস্কৃত « বি-» দ্রষ্টব্য ) : « বেচাল, বে-রসিক, বে-হাত, বেণামী, বে-হেড, বে-টাইম, বে-ধোরে, বে-মক্কা ( < বে-মোক্কা ), বে-বন্দোবস্ত, বেবাক ( < বে+বাকী = ‘সমগ্র’ ) » ।
- [৭] « হর »—‘প্রত্যেক’ বা ‘সর্ব’ অর্থে : « হর-বোলা, হর-দিন, হর-রোজ, হর-ঘড়ী » ।  
এতদতিবিলম্ব দুই একটি ইংরেজী শব্দও উপসর্গবৎ ব্যবহৃত হয় ; যথা--
- [১] « সব, সাব- ( =sub- ) »—অধীন অর্থে : « সব-ডেপুটী, সব-রেজিষ্টার, সব-জজ, সব-আপিস » । কেবল ইংরেজী শব্দেই ব্যবহৃত হয় ।
- [২] « হেড, হেড ( =head ) »—উর্ধ্বতন অর্থে : « হেড-মাষ্টার, হেড-ম্যান, হেড-পণ্ডিত, হেড-মোলবী, হেড-আপিস, হেড-মুহুরী, হেড-চাপরাশি, হেড-জমাদার » ।

## অনুশীলনী

- ১। ‘কৃৎপ্রত্যয়’ কাহাকে বলে ? কৃৎপ্রত্যয়ের মধ্যে কতকগুলি বিশেষ্য- এবং বিশেষণ-গঠনকারী কৃৎ, দৃষ্টান্ত-সহ বল ।
- ২। ‘তদ্ধিত’ কাহাকে বলে । কতকগুলি বিশেষ্য- এবং বিশেষণ-গঠনকারী তদ্ধিত দৃষ্টান্ত-সহ বল । ( C. U. 1942, 1943 )
- ৩। ব্যুৎপত্তি বল, এবং কি বিশেষ অর্থে প্রয়োগ হয় বল :—« শনানি, দেনা, ঝরণা, ছাউনী, যাচাই, বানাই, ছোড়ান, চালান, ডুবুরী, প’ড়ো, নির্বাচক, দ্বিজ, বিজ্ঞাপন » ।
- ৪। এক শব্দে পরিণত কর :—« রঙ্গ আছে যাহাতে ; হাতের সদৃশ ; দক্ষিণ হইতে আগত ; চাব ইহার জীবিকা ; হাতড়ান যার অভ্যাস ; চাঁদের সদৃশ ; চৌকী দেয় যে ; পাতা যায় যাহা ; মনুর সন্তান ; কবির কার্য্য ; মাসে প্রকাশ হয় যে পত্রিকা ; বিজ্ঞান জানে যে ; পথের সম্বল ; বধের ষোগ্য ; স্থপতির কার্য্য » ।
- ৫। এই শব্দগুলি কিরূপে গঠিত হইয়াছে এবং কি কি অর্থে প্রযুক্ত হয় তাহা বল :—« ভাতা, ঝরামি, বাঙ্গালী, দেউল, পোর, সভ্য, ব্রাহ্ম, বৈমানিক, সাংবাদিক, নিরস্ত্রীকরণ » ।

- ৬। নিম্নলিখিত প্রত্যয়গুলির প্রত্যেকটির যোগে উদ্ভূত পাঁচটি করিয়া শব্দ লিখ :—
- (ক) বাঙ্গালা প্রত্যয় ; ঙ্গ, ইয়া, আটিয়া ( টে ), গিরি, আই, আমি, মি, অন্ত, আ।
- খ) সংস্কৃত প্রত্যয় ; অ ( যঞ্ ), অন ( ল্যাট ), অ ( অচ্ ), তি ( ত্তিন্ ), অক ( বুন্ ), ইন্ ( নিণ ), তা ( ত্ ), অন ( খচ্ ), তব্য, ব (ণ্যৎ), ত ( ত্ত ), তা ( তল্ ), ইক ( ঞ্ঠ ), ইত ঙ্গ ( ছ ), মান্ ( মতুপ্ ), শঃ, মান ( শানচ্ )।
- ৭। 'উপসর্গ' কহাকে বলে ? উপসর্গ ধাতুর সঙ্গে যুক্ত হইয়া কি কি পরিবর্তন ঘটায়, দৃষ্টান্ত সহ তাহা দেখাও।
- ৮। বাঙ্গালা শব্দে ব্যবহৃত পাঁচটি বিদেশী উপসর্গের উদাহরণ দাও।

## সমাস

( Compounds )

পরস্পরের সহিত অর্থ-সম্বন্ধ-যুক্ত একাধিক পদ, মিলিত হইয়া একটা পদে পরিণত হইলে, এই মিলনকে **সমাস** বলে। এই প্রকারের সমাস হইতে জাত শব্দ বা পদকে **সমস্ত-পদ** বলে। যে পদগুলির সমাস হয় তাহাদের প্রত্যেকটিকে **সমস্তমান পদ** বলে। সমস্তমান পদগুলির পরস্পরের সহিত সম্বন্ধ যে বাক্যের সাহায্যে বিশ্লেষ করিয়া ( অর্থাৎ 'সমাস ভাঙ্গিয়া' ) দেখানো হয়, সেই বাক্যকে **ব্যাস-বাক্য**, **বিগ্রহ-বাক্য** বা **সমাস-বাক্য** বলে ; যেমন—« চাঁদ » ও « মুখ » এই দুই সমস্তমান পদ একত্র করিয়া সমস্ত-পদ « চাঁদ-মুখ » গঠিত হইল,—এই « চাঁদ-মুখ » পদের ব্যাস-বাক্য হইতেছে « চাঁদের মত মুখ », অথবা « চাঁদের মত মুখ যাহার »। সমাস-বদ্ধ হইলেও, যেখানে অস্বয়-জ্ঞাপক বিভক্তির লোপ হয় না, সেই সমাসকে **অলুক-সমাস** বলে ; যথা—« ঘোড়ার-গাড়ী, মামার-বাড়ী, মুখে-মধু, তালের-বড়া » ; এরূপ ক্ষেত্রে অনেক সময়ে সমস্ত-পদ না বলিলেও চলে, যদিও শব্দ দুইটা একত্র বসিয়া সন্মিলিত-পদের ভাব প্রকাশ করে।

বাঙ্গালা ভাষায় সকল প্রকারের শব্দের পরস্পরের সহিত সংযোগ-দ্বারা সমস্ত-পদের সৃষ্টি হইতে পারে—কি প্রাকৃত-জ, কি দেশী, কি তৎসম, কি অধ-তৎসম, কি বিদেশী। অনেকে শুদ্ধ সংস্কৃত

শব্দের সহিত অন্ত শ্রেণীর শব্দের মিশ্রণ পছন্দ করেন না, এবং স্থলে-স্থলে বিভিন্ন শ্রেণীর পদের মধ্যে সমাস প্রতিকটু হয় বটে; এইরূপ বিভিন্ন শ্রেণীর পদের সমাদকে ব্যঙ্গ করিয়া «মড়-নাহ, শব-পোড়া» সমাস বা ভাষা বলা হয়। বাঙ্গালা সমাসের দৃষ্টান্ত : « হাত-পা, ঠাকুর-বাড়ী » ( প্রাকৃত-জ + প্রাকৃত-জ ); « দো-ঠেঙা » ( প্রাকৃত-জ + দেশী ), « গোড়-মুড় » ( দেশী + প্রাকৃত-জ ); « ঢেঁকী-ছাঁটা » ( দেশী + দেশী ); « চাঁদ-মুপ ( প্রাকৃত-জ + সংস্কৃত বা তৎসম ); « যশুর-বাড়ী » ( তৎসম + প্রাকৃত-জ ), « রাজ্য-চ্যুত » ( তৎসম + তৎসম ); « গিল্লী-মা » ( অধ-তৎসম + প্রাকৃত-জ ), « গুর-মশাই » ( তৎসম + অধ-তৎসম ); « হাট-বাজার, বড়-লাট » ( প্রাকৃত-জ + বিদেশী ); « হেড-পণ্ডিত » ( বিদেশী + তৎসম ); « খাঁ-সাহেব, হেড-মাষ্টার » ( বিদেশী + বিদেশী—ফারসী অথবা ইংরেজী, এক ভাষার ), « লাট-বাহাদুর » ( বিদেশী + বিদেশী—বিভিন্ন ভাষায়—ইংরেজী + ফারসী )।

বাঙ্গালার সাধারণত: দুইটির বেশী শব্দ জুড়িয়া সমাস করা হয় না। আবার কতকগুলি সমাসের উত্তর বাঙ্গালায় একটা বিশেষণ-বাচক প্রত্যয় আইসে ( যথা—« ঙ্গ, ইয়া » )। বহু সংস্কৃত সমস্ত-পদ বাঙ্গালা ভাষায় আসিয়া গিয়াছে,—এই-সকল সংস্কৃত সমাসের সাধন, সংস্কৃত-ব্যাকরণের নিয়ম-অনুসারেই হইয়াছে। সংস্কৃতের অতি প্রাচীন অবস্থা বৈদিক ভাষাতে, বাঙ্গালারই মতন, দুইটির অধিক পদকে জুড়িয়া সমাস-গঠন করিবার রীতি ছিল না, কিন্তু সাধারণ সংস্কৃতে দুইয়ের অধিক পদ-যোগে সমাস প্রচুর পরিমাণে হইয়া থাকে। এইরূপ বহুপদময় সমাস বাঙ্গালায়, বিশেষত: সাধু-ভাষায়, সংস্কৃত হইতে বহুল পরিমাণে আসিয়া গিয়াছে, এবং বহুশ: এইরূপ নূতন সমাস সৃষ্টও হইতেছে; যথা—« বাঁত্যাহত-কদলী-ছায়; অসমাপিকা-ক্রিয়া-প্রকরণ; বঙ্গভাষা-প্রবেশিকা; গলিত-নখ-দন্ত; নিখিল-ভারত-রাজনৈতিক-মহাসম্মেলন; সকল-নীতিশাস্ত্র-তত্ত্বজ্ঞ; সেন-কমল-কুল-ভাস্কর; শুভ্রজ্যোৎস্না-পুলকিত-যামিনী; ভুবন-মনোমোহিনী; নির্নিমেষ-নয়নে; জনগণ-মন-অধিনায়ক; অতীতগৌরব-বাহিনী; অন্তাচলচুড়াবলম্বী » ইত্যাদি।

সমাস মোটামুটি তিনটি প্রধান বিভাগে পড়ে—

[ ১ ] সংযোগ-মূলক বা দ্বন্দ্ব-সমাস :

( Copulative বা Collective Compounds )

এই প্রকার সমাসে সমশ্রমণ পদসমূহ-দ্বারা দুই বা তদধিক পদার্থের ( বস্তুর বা ভাবের ) সংযোগ বা সন্নিহন প্রকাশিত হয়। মিলিত পদগুলির মধ্যে কেহ কাহারও অধীন থাকে না।



[ ক ] **দ্বন্দ্ব-সমাস** ।

[ খ ] বাঙ্গালার বিশিষ্ট দ্বন্দ্বস্থানীয় সমাস ।

[ ২ ] **ব্যাখ্যান-মূলক বা আশ্রয়-মূলক সমাস :**  
( Determinative Compounds )

এই প্রকারের সমাসে, প্রথম শব্দটি দ্বিতীয় শব্দটিকে সীমাবদ্ধ করিয়া দেয়, কিংবা উহার বিশেষণ-রূপে বসে—তাহাকে যেন আশ্রয় করিয়া থাকে ।

ব্যাখ্যান-মূলক সমাস এই কয় প্রকারের—

[ ক ] **তৎপুরুষ**—উপপদ, অলুক-তৎপুরুষ, নঞ-তৎপুরুষ, প্রাদিসমাস, নিত্য-সমাস, অব্যয়ীভাব, স্তৃপ্-স্তৃপা ।

[ খ ] **কর্ম্মধারয়**—রূপক, উপমিত, উপমান, মধ্যপদলোপী ।

[ গ ] **দ্বিগু** ।

[ ৩ ] **বর্ণনা-মূলক সমাস :**

( Possessive, Relative বা Descriptive Compounds )

এইরূপ সমাসে সমস্তমান পদগুলি মিলিয়া যে অর্থ প্রকাশিত করে, উহার দ্বারা অপর কোনও পদার্থের বর্ণনা হয় । এইরূপ সমস্ত-পদ মূলতঃ বিশেষণ পর্যায়ের ; এবং ব্যাখ্যান-মূলক সমস্ত বিশেষ্য-পদকে বিশেষণ করিলে, এই বর্ণনামূলক বিভাগের মধ্যে ফেলা যায় ।

বর্ণনা-মূলক সমাস **বহুব্রীহি** নামে অভিহিত হয় । বহুব্রীহি চারি প্রকারের ; যথা—ব্যধিকরণ বহুব্রীহি, সমানাধিকরণ বহুব্রীহি, ব্যতিহার বহুব্রীহি (Reciprocal) এবং মধ্যপদলোপী বহুব্রীহি ।

[১] **সংযোগ-মূলক সমাস**

[ ক ] **দ্বন্দ্ব-সমাস :**

« দ্বন্দ্ব » শব্দের অর্থ 'জোড়া' । সংযোজক অব্যয়ের দ্বারা যুক্ত দুই বা তদধিক পদের সমাস হইলে দ্বন্দ্ব-সমাস বলে । দ্বন্দ্ব-সমাসে সমস্তমান পদগুলির অর্থ সমান-ভাবে প্রধান থাকে, কেহ কাহারও অধীন হয় না ।

এই সমাসে যে পদটী বানানে বা উচ্চারণে অপেক্ষাকৃত ছোট, সাধারণতঃ সেইটী প্রথমে বসে ; কিন্তু এই নিয়মের ব্যত্যয়ও দেখা যায়—যে পদটীর অর্থ অপেক্ষাকৃত গৌরব-বোধক বলিয়া বিবেচিত হয়, সে পদটী, অন্তটীর অপেক্ষা দীর্ঘ হইলেও, প্রথমে বসিতে পারে ।

« ও, এবং, আর, তথা » ইত্যাদি সংযোগার্থক অব্যয়ের সাহায্যে, দ্বন্দ্ব-সমাসের ব্যাস করিতে হয় ।

« মা ও বাপ = মা-বাপ ; বাপ ও মা = বাপ-মা ; মা- মেঘে ; মা-বোন ; ভাই-বোন ; ছেলে-মেয়ে ; বী ( = কন্যা ) ও জামাই = বী-জামাই ; স্ব-ওর-জামাই ; শাশুড়ী-বউ ; বৌ-কী ; বৌ-বেটা, বেটা-বৌ ; হাত-পা ; হাত-মুখ ; দাল-ভাত ; দুধ-ভাত ; পথ-ঘাট ; কানা-খোঁড়া ; গাড়ী-ঘোড়া ; গাড়ী-পালকী ; মিঠা-কড়া ; কেনা-বেচা ; লেন-দেন ; রাত-দিন, দিন-রাত ; সকাল-সাঁঝ, সাঁঝ-সকাল ; ইট-কাঠ ; হাড়ী-কুঁড়ী ( হাড়ী ও কুণ্ডী = 'বড় পাত্র' ) ; লেপ-কাঁথা ; কাপড়-চোপড় ( = বস্ত্র ও পেটিকা—চোপড় = 'বড় চুপড়ী বা পেটাবী' ) ; মশা-মাছি ; মুড়ি-মুড়কি ; সন্দেশ-রসগোল্লা ; দুধ-দই, দুধ-ক্ষীর ; হাঁচি-টিকটিকি ; আজ-কাল ; ঝই-কাতলা, কই-মাগুর ; গোরু-বাছুর, গাই-বলদ, ছাগল-ভেড়া ; দশ-বিশ, সাত-পাঁচ ; ভাল-মন্দ ; আসা-যাওয়া, আনা-গোনা ( = আগমন-গমন ) ; হয়-নয় » ।

« দেব-দ্বিজ ; গুরু-পুরোহিত বা গুরু-পুত্র ; পিতা-মাতা, মাতা-পিতা ; স্বামি-স্ত্রী ; দাস-দাসী ; দিবা-রাত্র, দিবা-নিশি, অহর্নিশি ; রাজা-প্রজা ; দোল-দুর্গোৎসব ; লাভালাভ ; দীন-দুঃখী ; সদসৎ ( সৎ-অসৎ ) ; শত্রু-মিত্র ; গণ্য-মাণ্য ; ইতর-ভদ্র, ভদ্রেতর ; বাহ্যভাস্তর ; ইষ্ট-কুটুম্ব, জ্ঞাতি-গোষ্ঠী, আত্মীয়-বন্ধু ; পাত্র-মিত্র ; চল্ল-সুখ্য » ।

« রাজা-উজীর , লাভ-লোকমান ; হাট-বাজার ; হাট-হদ্দ ( হদ্দ = সীমা ) ; বী-চাকর, বামুন-চাকর ; চুন-স্বরগী ; বাস-পেটরা ; কোচমান-সহিস ; উকীল-ব্যারিষ্টার, উকীল-মোস্তার ; থানা-পুলিস ; রেল-স্টীমার ( রেল-ইষ্টিমার ) ; জজ-মাজিষ্টার ; ডাক্তার-বৈদ্য ; আইন-কানুন ; কেতাব-পত্র ; রোজা-নামাজ ; বাদশা-বেগম ; লোক-লস্কর ; পাইক-পেয়াদা ; সেপাই-সান্ত্রী , খুন-থারাপী » ইত্যাদি ।

### সংস্কৃতের কতকগুলি বিশিষ্ট দ্বন্দ্ব-সমাসময় পদ—

সংস্কৃত ভাষা হইতে গৃহীত কতকগুলি দ্বন্দ্ব-সমাস-নিম্পন্ন পদে, সংস্কৃত-ব্যাকরণানুযায়ী সন্ধি প্রভৃতির নিয়ম-অনুসারে একটু বৈশিষ্ট্য দেখা যায় ।

১। ঋ-কারান্ত শব্দ । সমান-গোত্রীয় হইলে, কিংবা « পুত্র » শব্দ পরে থাকিলে, ঋ-কারান্ত শব্দ যদি আগে আইসে, তাহা হইলে তাহাতে « ঋ » স্থানে « আ » হয় ; অন্যথা « ঋ »-ই থাকে ;

যথা—« মাতা ( মাতৃ-শব্দ ) ও পিতা ( পিতৃ-শব্দ ) = মাতা-পিতা ( সমান-গোত্রীয় ) ; মাতা ও পুত্র = মাতা-পুত্র ; তদ্রূপ পিতা-পুত্র ; মাতার পিতা = মাতৃ-পিতা ; জামাতা এবং পুত্র = জামাতৃ-পুত্র ( কিন্তু 'জামাতার পুত্র' অর্থে জামাতা-পুত্র ) ; দাতা ও ভোক্তা = দাতৃ-ভোক্তা » । « পিতৃমাতৃহীন »—এই শব্দ বাঙ্গালায় 'যাহার পিতা ও মাতা নাই' এই অর্থে ব্যবহৃত হয় ; সংস্কৃত মতে এই অর্থ অশুদ্ধ—« পিতৃমাতৃহীন » শব্দের সংস্কৃত-ব্যাকরণ-সঙ্গত অর্থ, 'যাহার পিতার মাতা অর্থাৎ পিতামহী বা ঠাকুর-মা নাই' ; 'মা ও বাপ যাহার নাই'—এই অর্থে শুদ্ধ সমাস, « মাতাপিতৃহীন » ।

২। 'জায়া ও পতি'—এই অর্থে দ্বি-বচনান্ত « জায়াপতী » শব্দ স্বাভাবিক, কিন্তু « দম্পতী ও জম্পতী » শব্দদ্বয়, 'স্বামী ও স্ত্রী' অর্থে সংস্কৃতে ব্যবহৃত হয় ; এবং বাঙ্গালায় « দম্পতী » শব্দ « দম্পতি »-রূপেও লিখিত হয় । « দ্যোঃ ( স্বর্গ ) ও পৃথিবী = দ্যাৱা-পৃথিবী ; কুশ ও লব = কুশীলব ; অহঃ + রাত্রি = অহোরাত্র » ।

তুইয়ের অধিক পদের মিলনে সৃষ্ট দ্বন্দ্ব-সমাস বাঙ্গালায় কিছু-কিছু পাওয়া যায় ; যথা—« হাতী-ঘোড়া-গাড়ী-পাল্কী ; পাইক-পেয়াদা-সিপাহী-সাজী ; দুধ-দই-ক্ষীর-সর ; ইট-কাঠ-চুন-সুরখী ; হাত-পা-নাক-কান ; বার-ত্রত-দোল-দুর্গোৎসব ; তেল-নুন-লকড়ী » । সাধারণতঃ পৃথক্ শব্দ-রূপে, সমাস-বদ্ধ না করিয়া, এই প্রকারের দ্বন্দ্ব-সমাস লিখিত হয় । সংস্কৃত ভাষায় কিন্তু বহুপদময় দ্বন্দ্ব প্রচুর পরিমাণে পাওয়া যায় । বাঙ্গালায় একরূপ শব্দ সাধুভাষায় যথেষ্ট পরিমাণে মিলে ; যথা—« রূপ-রস-গন্ধ-শব্দ-স্পর্শ ; কাম-ক্রোধ-লোভ-মদ-মোহ-মাৎসর্য ; দেৱাসুর-গন্ধর্ব-যক্ষ-রক্ষঃ ; রাম-লক্ষ্মণ-ভরত-শত্রু » ইত্যাদি ।

### [ খ ] অলুক-দ্বন্দ্ব—

বাঙ্গালা বিভক্তি-যুক্ত পদের দ্বন্দ্ব প্রচুর ; এগুলিকে 'বাঙ্গালার 'অলুক-দ্বন্দ্ব' বলা যায় ; যথা —« আগে-পাছে বা পিছে ; বৃকে-পিঠে ; হাতে-পায়ে ; পথে-ঘাটে, গোঠে-মাঠে, হাটে-বাটে ; জলে-কাদায় ; দুধে-ভাতে ; ঝোপে-ঝাড়ে, বনে-বাদাড়ে ; হাতে-ভাতে ; ঠারে-ঠোরে » ইত্যাদি ।

### [ গ ] 'ইত্যাদি' অর্থে দ্বন্দ্ব-সমাস—

সহচর বা তদ্রূপ শব্দের সহিত সমাস-দ্বারা, অনুরূপ বস্তু এই ভাব-প্রকাশের জন্য, একপ্রকারের দ্বন্দ্ব-সমাস বাঙ্গালায় প্রচলিত আছে ; যথা—

সহচর-শব্দের সহিত সমাস—« জন-মানব, ছেলে-ছোকরা, গা-গতর, চুরি-চামারি » ।

অনুচর-শব্দের সহিত সমাস—« কাপড়-চোপড়, আলাপ-সালাপ, দোকান-পাট, হাড়ী-কুঁড়ী, সন্ধান-স্বরূথ, খাল-বিল, চুনা-পুঁঠি » ।

প্রতিচর-শব্দের সহিত সমাস—« দিন-রাত, রাজা-উজির, মেঘে-পুরুষ, বামন-বষ্টম, গুরু-শিষ্য, পীর-মুরিদ, বিকি-কিনি, হিন্দু-মুসলমান, জজ-ব্যারিষ্টার » ।

বিকার-শব্দের সহিত—« ঠাকুর-ঠুকুর, ঠিকি-ঠুকি, জারি-জুরি, দোকান-সাকান » ।

অনুকার বা পরোক্ষ-শব্দের সহিত—« বাসন-কোসন, চাকর-বাকর, তেল-টেল, হাতী-টাটী, কাজ-কাজ আশ-পাশ, উলট-পালট » ।

### [ ঘ ] সমার্থক দ্বন্দ্ব—

কতকগুলি দ্বন্দ্ব-সমাসে সমার্থক এক বা বিভিন্ন ভাষার পদ পাওয়া যায়—বহু স্থলে এইরূপ দ্বন্দ্ব-সমাস-দ্বারা বিভিন্ন বস্তুর সংযোগ না বুঝাইয়া, ‘অনুকূপ বস্তুর সমষ্টি’ বুঝায়, যথা—« কাগজ-পত্র » —কারসী « কাগজ » + সংস্কৃত « পত্র », অর্থ—‘কোনও বিশেষ বিষয়-সম্পৃক্ত দলিল প্রভৃতি, documents’; « রাজা-বাদশা »—‘রাজা-শ্রেণীর ব্যক্তি-সমূহ’; « ডাক্তার-বৈদ্য »—‘বিভিন্ন প্রকারের চিকিৎসকসমূহ’, « ঠাট্টা-মস্করা »—‘রসিকতার কথা’; « ভাগ-বাঁটোয়ারা »; ইত্যাদি। এই প্রকার দ্বন্দ্বকে সমার্থক দ্বন্দ্ব বলা চলে।

### [২] ল্যাংখান-মূলক বা আশ্রয়-মূলক সমাস

এই বিভাগের সমাসগুলিকে তিনটী শ্রেণীতে কেলা যায়; যথা—

[ ক ] তৎপুরুষ; [ খ ] কর্মধারয়; [ গ ] দ্বিগু।

[ ক ] তৎপুরুষ

যে সমাসে দ্বিতীয় পদটী প্রথম পদের লুপ্ত কারকের হেতু স্বরূপ, তাহাকে তৎপুরুষ সমাস বলে। ইহাতে পরস্পরের সহিত অস্থিত দুইটী পদ থাকে; দুইটীই বিশেষ্য পদ হইতে পারে, তন্মধ্যে প্রথমটী দ্বিতীয়টির অর্থকে সীমাবদ্ধ করিয়া দেয়। দ্বিতীয় পদটির অর্থই প্রধান অর্থ হইয়া থাকে; যথা—« সাহায্য-প্রাপ্ত ( কর্ম ), মন-গড়া ( করণ ), ঘী-ভাত, জল-সাগু ( যোগ ), বুদ্ধি-হীন

(অভাব), ব্রাহ্মণোৎসৃষ্ট (সম্প্রদান), জীৱন-কাঠি (জন্তু), অতিথি-শালা (নিমিত্ত), বিলাত-কেরত, পদচ্যুত (অপাদান), ঠাকুর-ঘর (সম্বন্ধ), ব্রাহ্মণগণ (সমূহ), গাছ-পাকা (অধিকরণ) » । ব্যাস-বাক্যে বিশ্লেষ করিতে হইলে, প্রথম পদটীতে কর্ম, করণ প্রভৃতি বিভিন্ন কারকের বিভক্তি বোঝ করিতে হয়; যথা—« সাহায্যকে প্রাপ্ত (কর্ম-কারক—দ্বিতীয়া বিভক্তি), মনের দ্বারা গড়া (করণ-কারক—তৃতীয়া বিভক্তি), পদ হইতে চ্যুত (অপাদান-কারক—পঞ্চমী), ঠাকুরের ঘর (সম্বন্ধ—ষষ্ঠী), গাছে পাকা (অধিকরণ—সপ্তমী) » ।

« তৎপুরুষ » শব্দের অর্থ—‘তাহার সম্পর্কীয় পুরুষ’; এই সমস্ত-পদটীকে, অনুরূপ সমস্ত-পদের প্রতীক-বা নাম-স্বরূপ ব্যবহার করা হয়। সংস্কৃত কতৃ-কারক ব্যতীত পাঁচটী কারক এবং ‘সম্বন্ধ-পদ’ আছে; এই ছয়টির জন্তু এক এক শ্রেণীর বিভক্তি নির্দিষ্ট আছে, তদনুসারে সংস্কৃতে তৎপুরুষ-সমাস, « দ্বিতীয়া-তৎপুরুষ, তৃতীয়া-তৎপুরুষ, চতুর্থী-তৎপুরুষ, পঞ্চমী-তৎপুরুষ, ষষ্ঠী-তৎপুরুষ ও সপ্তমী-তৎপুরুষ »—এক ছয় উপশ্রেণীতে পড়ে। ইহার বাঙ্গালায় অতিরিক্ত « প্রথমা-তৎপুরুষ » -ও ধরা যায়, যথা—

(১) কতৃ-বাচক-প্রথমা-তৎপুরুষ : « দাগ-লাগা (যথা—কাপড়ের এইখানটায় দাগ-লাগা); হাতী-কাঁদা (রাস্তা—যে রাস্তায় চলিতে হাতীও কাঁদে); বাজ-পড়া, ঘর-চাপা (যথা—বাজ-পড়ায় ও ঘর-চাপায় চারজন লোক নারা গিয়াছে) » । (ষষ্ঠী-তৎপুরুষ-রূপেও এই শ্রেণীর তৎপুরুষের বিশ্লেষ করা চলে) ।

(২) কর্ম-বাচক-দ্বিতীয়া-তৎপুরুষ : « জল-খাওয়া (= জলপান ক্রিয়া); দুধ-দোহা; ভাত-রাঁধার হাঁড়ী; গা-ধোয়াতে অসুখ হইবে না; হাতে হাঁড়ী-ভাঙ্গা; ফুল-তোলা; মাথা-গোঁজা; চোখ-মটকানো; হাত-গোপা; গাট-কাটার (পকেট-মারার) অপরাধে শাস্তি হইয়াছে; ঘর-ধোয়া, বাসন-মাজা, জল-তোলা আর কাপড়-কাচার জন্তু চাকর দরকার; নথ-নাড়া; উঠান-চষা; কাঠি-কাটা; রুখ-দেখা, কুলা-রেচা; ভুঁই-কোড় » ইত্যাদি ।

সংস্কৃত শব্দ মিলিয়া দ্বিতীয়া-তৎপুরুষ—« সাহায্য-প্রাপ্ত; বিশ্বাস্যপন্ন, খাত্যাপন্ন; দেবাস্থিত, দুর্গাস্থিত; লোকাস্থিত; পাদানুধ্যাত; গৃহ-প্রবিষ্ট; ধর্ম-সংক্রান্ত; তদগত » ।

সমাসের প্রথম পদ, কাল-অথবা অবস্থা-জ্ঞাপক বিশেষণ বা ক্রিয়া-বিশেষণরূপে প্রযুক্ত হইলে, সমস্ত-পদটী দ্বিতীয়া-তৎপুরুষের অধীনেই ধরা হয়; যথা—« চিরশক্র, মাসাশৌচ, কণহায়ী, ক্রতগামী-

ধীরগামী, দৃঢ়বদ্ধ, ঘন-সন্নিবিষ্ট, অধর্জীবিত, নিমেষহত » । তক্রপ « নিম-খুন (= অধর্হত ), নিম-রাজী, নিম-দাগী, আধ-পাকা, আধ-খোলা » ।

(৩) করণ-বাচক—তৃতীয়া-তৎপুরুষ : প্রথম পদের অধ্বয়, করণ-, যোগ- অথবা অভাব-বাচক ; যথা—« মন-গড়া, হাত-গড়া, চেঁকি-ছাঁটা, কালি-মাথানো, হাত-তোলা, বাহুড়-চোষা, ঘী-ভাত, পাতা-ছাওয়া, দুধ-সাবু, ঝাঁটা-পেটা, পোয়া-কম, বুদ্ধি-হারা, মা-হারা, দিশা-হারা, মধু-মাথা, হুন-মাথা » ।

সংস্কৃত শব্দ—« শ্রীযুত, শ্রীযুক্ত, গুণ-সম্পন্ন, পদ-দলিত, ঘর্মীকৃত, রক্তাক্ত, যষ্টি-তাড়িত, অসিচ্ছিন্ন, হস্ত-চালিত, শ্রম-লব্ধ, মোহাক্ত, শোকাকুল, সর্প-দষ্ট, কীট-দষ্ট, ছায়া-শীতল, বাতাহত, সখ্যলভ্য, বাগ্‌দত্তা, বিনয়াবনত, বিশ্বয়বিহ্বল, ইচ্ছালব্ধ, মৎকৃত, রজ্জুবদ্ধ, গুণহীন, বুদ্ধিহীন, ক্রিয়াহীন, ক্ষমাহীন, বায়ুপূর্ণ, কণ্টকাকীর্ণ, জনশূন্য, বিবেক-রহিত, মাতৃহীন, ইন্দ্রিয়-বিকল, রোগ-পীড়িত » ইত্যাদি ।

(৪) উদ্দেশ্য-বাচক—চতুর্থী-তৎপুরুষ : প্রথম পদের অধ্বয়, নিমিত্ত- অথবা সম্প্রদান-অর্থে ; যথা—« জীবন-কাঠি, মরণ-কাঠি ; শোষ-কাগজ ; মড়া-কারা ; বিয়ে-পাগলা ; ডাক-মাণ্ডল, রেল-মাণ্ডল ; ধান-জমী ; ব্রহ্মোত্তর, দেবোত্তর, পীরোত্তর ( এই তিনটি শব্দে, 'নিষ্কর জমী' অর্থে, মূল সংস্কৃত শব্দ « ব্রহ্মত্র » হইতে 'উত্তর' এই নব-সৃষ্ট বাঙ্গালা পদটি বিচ্যমান ) ; হিন্দু-স্কুল ; মাল-গুদাম ; বালিকা-বিদ্যালয় ; গো-ব্রাহ্মণ-হিত (=গো অর্থাৎ গৃহ-সম্পত্তি ও ব্রাহ্মণ অর্থাৎ ধর্মেপদেষ্টা, ইহাদের অর্থাৎ ঐহিক ও পারলৌকিক বিষয়ে মঙ্গলকারী নারায়ণ ) ; শিশু-বিভাগ সুপ-কাঠ ; দেবোৎসব ; দস্ত-কাঠ » ;

(৫) অপাদান-বাচক—পঞ্চমী-তৎপুরুষ : 'হইতে'—এই অর্থে, পূর্ব পদের সহিত অধ্বয় হয় ; যথা—« ঘর-ছাড়া, গাঁ-ছাড়া, পাল-ছাড়া, ঘর-পালানো, আণা-গোড়া, থলিয়া ( থ'লে )-ঝাড়া ; মিত্তির-জা বা মিত্র-জা, ঘোষ-জা, দত্ত-জা » ।

সংস্কৃত শব্দ—« পাশ-মুক্ত, অগ্নি-ভয়, চৌর-ভয়, স্বর্গ-ভ্রষ্ট, পদচ্যুত, পদ স্থলন, আদৃষ্ট, বিদেশাগত, বিপদভূর্তীর্ণ, ভুক্তাবশেষ, তন্তিন্ন, তন্তব, গৃহ-নির্গত, দুষ্ক-জাত ; স্নাতকোত্তর ( = Post-graduate ), যুদ্ধোত্তর ( = Post-war ) » ।

মিশ্র পদ—« জেল-খালাস, বিলাত-কেরত ।

(৬) সম্বন্ধ-বাচক—ষষ্ঠী-তৎপুরুষ : সম্বন্ধ-ছোতক অধ্বয়ে ষষ্ঠী-তৎপুরুষ হয় ; যথা—« বামুন-পাড়া, ঠাকুর-বাড়ী, বড়তলা বা বটতলা, ধানক্ষেত, চাঁদপাল-ঘাট, টেঁক-ঘড়ি, হাত-ঘড়ি, বেগুন-বাড়ী, তালপাতা, মোচাক, পুখুর-ঘাট, তালগাছ, বাদর-নাচ, ঠাকুরপো, ঠাকুরঝী » ইত্যাদি ।

মিশ্র শব্দ—« জেল-দারোগা, জাহাজ-ঘাট, গোরা-বারিক, ফুল-বাগান, রাজা-বাজার, মৌলবী-

বাজার, সাহেব-বাপান, চা-বাগান, হিন্দুস্থান, তুর্কীস্থান, খ্রীষ্ট-ধর্ম, রেল-কুলী, বিল-সরকার, গিনি-সোনা, পুলিশ-সাহেব, পণ্ডিত-মহল, ইংলণ্ডের, দিল্লীখর » ।

সংস্কৃত শব্দ—« গঙ্গাজল, গুরুপদেশ, রাজবংশ, রাজস্থান, যমলোক, সংসঙ্গ, অতিথিসেবা, কাশী-নরেশ, মনোযোগ, শিশুগণ, ধনিগণ » ইত্যাদি । কতকগুলি অন্তর্গত সংস্কৃত রূপও বাঙ্গালার 'চলে ; যথা—« চক্ষুজ্জা, জগবন্ধু » ।

### সংস্কৃত ভাষার বিশেষ নিয়মে স্ফট ষষ্ঠী-তৎপুরুষ সমাস—

(ক) « সমূহ »-স্বাচক পদের যোগ যেখানে ঘটে, সেখানেও ষষ্ঠী-তৎপুরুষ হয় ; যথা—« ধেনুকুল, বিশ্বজ্ঞান, পণ্ডিতগণ, রত্নরাজি, বৃক্ষসমূহ » ইত্যাদি । সংস্কৃত-ভাষার শব্দের প্রথমার একবচনই বাঙ্গালা ভাষায় মূল-শব্দ-রূপে গৃহীত হয়, কিন্তু সংস্কৃত-ভাষায় সমাসে সেই সকল শব্দের প্রাতিপদিক বা বিভক্তি-হীন রূপই ব্যবহৃত হইয়া থাকে । সংস্কৃত নিয়মে সমাস করিতে গেলে, সেই হেতু প্রাতিপদিকের রূপ ধরিয়া করিতে হয় ; যথা—« রাজন্ » শব্দ—প্রথমার একবচনে « রাজা », প্রাতিপদিক রূপ « রাজ » : « রাজা + গণ » = « রাজা-গণ », বাঙ্গালা ভাষার প্রকৃতি-অনুসারে সমর্থিত হইতে পারে, কিন্তু সংস্কৃত নিয়ম-অনুসারে « রাজগণ » হওয়া উচিত ; তদ্রূপ « ধনিগণ ( « ধনিন্ » শব্দ—প্রাতিপদিক রূপ « ধনি », প্রথমার একবচনে « ধনী » ), « যুব-সমূহ » ( বাঙ্গালা রীতিতে « যুবা-সকল » ) ; « ভ্রাতৃসম » ( বাঙ্গালা রীতিতে « ভ্রাতা-সম » ) ; « দাতৃ-গণ, শ্রোতৃগণ » ( « দাতা-গণ, শ্রোতা-গণ »—বাঙ্গালা রীতিতে ) ; ভ্রাতৃচতুষ্টয় » ( কিন্তু বাঙ্গালা রীতিতে « ভ্রাতা বা ভাই চারজন » ), « মাতৃগ্ৰেহ » ( বাঙ্গালা রীতিতে এই পদ অপ্রচলিত—« মাতা-গ্ৰেহ » চলে না ) ।

এই প্রকার সমাসে, যেখানে দুইটা পদই সংস্কৃত-ভাষার, সেখানে শুদ্ধ সংস্কৃত রূপ ব্যবহার করা, বাঙ্গালার পক্ষে শিষ্ট প্রয়োগ-সঙ্গত ।

(খ) কতকগুলি শব্দে, স্ত্রীলিঙ্গের পরিবর্তে 'সেগুলির সাধারণ রূপই সমাসে ব্যবহৃত হয় ; যথা—« মুগশিশু ( 'মুগীশিশু' নহে ), ছাগছক্ক, মেঘশাবক, হংসাণ্ড, কুকুটাণ্ড » ।

(গ) কতকগুলি বিশেষ সংস্কৃত সমস্ত-পদ লক্ষণীয় : « কালিদাস, দেবিদাস, যন্তিদাস, চণ্ডিদাস ( বিকল্পে চণ্ডীদাস ) »—এই কয়টা শব্দের দীর্ঘ « ঙ্গ », হ্রস্ব হয় ; « বিশ্বামিত্র »—ঋষি-বিশেষের নাম-অর্থে বৈদিক সমাস, এখানে « বিশ্ব » শব্দের পরে « আ » আইসে ( 'বিশেষ মিত্র' অর্থে 'বিশ্বামিত্র' ) ; « বৃহস্পতি, বনস্পতি », এই দুই শব্দে, স-কারের আগম হয় ; « ভ্রুকুটি », বিকল্পে « ভুকুটি » ; « রাজহংস, রাজপথ »—এখানে শ্রেষ্ঠার্থ-বোধক « রাজন্ »-শব্দের পূর্ব-নিপাত ( « হংস-রাজ, পথরাজ » হওয়া উচিত ছিল ) ; তদ্রূপ, « পূর্বরাত্র » ।

(৭) স্থান-কাল-বাচক—সপ্তমী-তৎপুরুষ : পূর্বপদের অধিকরণ-কারকে অন্বয় হয় : যথা—« গাছ-পাকা, ঘর-বাস, বুড়ী-ভরতী, মাথা-ব্যথা, কোল-কুঁজা, সাঁঝ-ঘুমানী, পাড়া-বেড়ানী, ঘর-পোড়া, পুঁথি-গত, গোলা-ভরা ধান বাটা-ভরা পান, গাল-ভরা কথা », ইত্যাদি ।

সংস্কৃত শব্দ—« গৃহবাস, অরণ্যবাস, বন-জাত, জল-জাত, কাশীবাসী, কার্য্য-কুশল, রণ-ধীর, সছোজাত, নরাধম, লোক-বিশ্রুত, আকাশ-বাণী আকাশগঙ্গা, বিশ্ববিখ্যাত, দক্ষিণাপথ, দক্ষিণানুখ, পুরুষোত্তম, জলমগ্ন, রথারূঢ়, অস্বারূঢ়, দুষ্ক্রিয়াসক্ত » ইত্যাদি । « পূর্ব » শব্দের পর-নিপাত বা পরে আগমন হয় ; যথা—« শ্রুতপূর্ব, দৃষ্টপূর্ব, ভূতপূর্ব » ।

মিশ্র-শব্দজাত-সমাস—« বায়-বন্দী, ইংরেজী-শিক্ষিত, পকেট-জাত, তালিকাভুক্ত, লিষ্ট-ভুক্ত » ।

### ( ৮ ) উপপদ-তৎপুরুষ ।

সংস্কৃত কৃৎ-প্রত্যয়-যুক্ত পদের পূর্বে, উপসর্গ বসে, এবং অন্য শব্দও বসে । উপসর্গ ভিন্ন শব্দকে উপপদ বলে । এইরূপ উপপদের সহিত পরবর্তী পদের বিভিন্ন কারকের অন্বয় ধরিত্তা সমাস হয় বলিয়া, এই সমাসকে উপপদ-তৎপুরুষ বলে । যেমন—« কুম্ভকার ( কন্মের অন্বয় ), বিহঙ্গম, আত্মস্তরি, পঙ্কজ, মধুপ, ইন্দ্রজিৎ, দেবজিৎ, ব্রহ্মবিৎ, খেচর, মনসিজ, করদ, গৃহস্থ, স্বয়ম্ভু, ধনঞ্জয়, রিপুঞ্জয়, শক্রঞ্জয় ; জলচর, ভূচর, হিতৈষী, গিরিশ, ( ‘গিরৌ শেতে—গিরিতে যিনি অবস্থান করেন—শিব’ ), পাদপ, বিম্বস্কারী, সত্যবাদী, চিরস্থায়ী, স্বল্পভাবী, অলঙ্কার, স্বীকার » ইত্যাদি ।

খাঁটী বাঙ্গালায় উপপদ পৃথক্ ভাবে ধরিবার প্রয়োজন নাই, কারণ « -আ » বা অন্য কৃৎ-প্রত্যয়ান্ত পদগুলি বাঙ্গালায় অন্য সাধারণ পদ-রূপেই ব্যবহৃত হয় ; তবে ঐ তৎপুরুষ বাঙ্গালা সমস্ত-পদকে উপপদ বলা যায়, কারণ কৃৎ-প্রত্যয়ান্ত দ্বিতীয় অংশের শব্দ-হিসাবে পৃথক্ অস্তিত্ব নাই ; যথা—« মনোলোভা, বর্ণচোরা, বাজীকর, হালুইকর, কারকর » ইত্যাদি ।

( ৯ ) নঞ-তৎপুরুষ : ‘না’, ‘নাই’, অথবা ‘নয়’ অর্থে সংস্কৃতে একটী প্রত্যয় আছে, সেটির নাম « নঞ » ; এই নঞ-প্রত্যয়, শব্দের আদিতে বসে—ব্যঞ্জনবর্ণের পূর্বে এই প্রত্যয় « অ- »-তে রূপান্তরিত হইয়া যায়, স্বরাদিক শব্দের পূর্বে « অন্- »-তে পরিবর্তিত হয় ; এবং কখনও-কখনও « ন »-রূপেও



এই প্রত্যয় মিলে। খাটী বাঙ্গালার এই প্রত্যয়, « আ-, অ-, বা অনা- » রূপে মিলে।

নঞ-তৎপুরুষ সমাসের উদাহরণ--« অধর্ম' অসাধু, অধীর, অস্থির, অমুখ, অকাতর, অকর্তব্য ; অনেক, অনাদর, অনভ্যাস, অনভিজ্ঞ, অনন্য ; নাতিদীর্ঘ, নপুংসক, নাতিশীতোষ্ণ, নাতিবৃহৎ » ইত্যাদি। তদ্রূপ, « আলুনি, আভাগিয়া বা অভাগিয়া, অমিল, অফুরন্ত, আরক্ষন বা অরক্ষন, অনাছিষ্টি ( অনাসৃষ্টি ), অনামুখ » ইত্যাদি।

( ১০ ) **অলুক্-তৎপুরুষ**। সমাসে প্রথম পদের বিভক্তির লোপ হওয়াই নিয়ম, কিন্তু কোনও-কোনও স্থলে তাহা হয় না। সমাসে পূর্বপদের বিভক্তির লোপ না হইলে, তাহাকে **অলুক্** বা **অলুক্-তৎপুরুষ** বলে ; যথা—  
বিশুদ্ধ বাঙ্গালা অলুক্-তৎপুরুষ—« গায়ে-পড়া, মাথায়-পাগড়ী, পায়ের-পড়া, গায়ে-হলুদ, গোরুর-গাড়ী, মামার-বাড়ী, বানে-ভাসা, ছিপে-গাঁথা, হাতে-কাটা ( সূতা ), হাতে-গরম, পাথরের-বাটী » ইত্যাদি। সংস্কৃত অলুক্-সমাস—  
« পরশ্শৈপদ, আত্মনেপদ, যুধিষ্ঠির, অশ্বেষাসী, ভ্রাতৃপুত্র, মনসিজ, খেচর, পরাংপর, সারাংসার, বাচস্পতি » ইত্যাদি।

( ১১ ) **প্রাদি-সমাস**। ইহা তৎপুরুষের রূপান্তর, এবং এক হিসাবে ইহাকে নিত্য সমাসের অন্তর্গত করা যায় ( ১২-সংখ্যক সমাস—নিম্নে দ্রষ্টব্য )। প্রথমে উপসর্গ ও পরে কৃদন্ত পদ-যোগে, এবং অব্যয়ের সহিত নামপদ-যোগে, প্রাদি-সমাস গঠিত হয়। যথা—« প্রভাত ( প্র = প্রকৃতভাবে ভাত বা জ্যোতিঃ-যুক্ত ), অভিমুখ, অমুতাপ ( অমু = পশ্চাৎ + তাপ ), সূপুরুষ ( = সূদৃশ পুরুষ ) অতি-প্রাকৃত, অতিমানব, অতিগিরি, স্বয়ংসিদ্ধ, উদ্বেল, উচ্ছৃঙ্খল, অধিজ্য, উন্মিত্র » ইত্যাদি।

**অব্যয়ীভাব-সমাস**, প্রাদি-পর্যায়েরই আইসে। সংস্কৃতে এইরূপ পদ, ক্রিয়ার-বিশেষণ রূপে ব্যবহৃত হয়। ইহাদের প্রথম অংশে সাধারণতঃ অব্যয়-পদ থাকে ; যথা—« যথাসক্তি, যথাকাল, যথাসাধ্য, আজীবন, আকর্ণ, আকর্ষণ, অমুক্ষণ, যথানাম, আবালবৃদ্ধবনিতা, প্রত্যাঘ, অপরূপ, উপকূল, প্রত্যক্ষ »

ইত্যাদি। বিশুদ্ধ বাঙ্গালা অব্যয়ীভাব—« জনাকি, জন-কে-জন, মাঠ-কে-মাঠ, ঘর-পিছু, জন-প্রতি ; হর-রোজ, দিন-ভর, যা-পারি, ভর-পেট » ইত্যাদি।

অব্যয়ীভাব-সমাসান্ত পদ বাঙ্গালায় সামীপ্য, বীপ্সা (‘পুনঃপুনঃ’ অর্থে), অতিক্রম, পর্যাস্ত, যোগ্যতা, অভাব, অথবা অধিকরণ বুঝাইতে ব্যবহৃত হয়।

বহু স্থলে আবার দ্বিত্ব করিয়া বীপ্সা বা পৌনঃপুন্য অর্থ প্রকাশিত হয় ; যথা—« চলিতে-চলিতে, দেখিতে-দেখিতে, দিন-দিন ; চকিত-চকিত ; পিছু-পিছু ; পর-পর ; ঘর-ঘর ; প্রীত-প্রীত ; বছর-বছর ; গালাগালি ; বাড়ী-বাড়ী ; রাতারাতি » ইত্যাদি। (এরূপ স্থলে ‘সমাস’ না বলিয়া ‘শব্দ-দ্বৈত’ বলাও চলে।)

অব্যয়-যুক্ত বহু সমাস-সিদ্ধ পদ বাঙ্গালায় নাম-পদ-রূপে পরিণত হইয়া গিয়াছে ; যথা—« উপদ্বীপ, দুর্ভিক্ষ, নির্বিঘ্ন, নিরামিষ, প্রত্যক্ষ (= দর্শন ) » ইত্যাদি।

( ১২ ) **নিত্য-সমাস**। যেখানে সমশ্রুমান পদগুলি পাশাপাশি অবস্থান-দ্বারাই সমাস হইয়া যায়, সেইরূপ ক্ষেত্রে সমাসকে **নিত্য-সমাস** বলে। অনেক সময়ে প্রথম অংশ প্রাতিপদিক-রূপেই থাকে ; যথা—« কেবল দর্শন = দর্শনমাত্র ; ঈষৎ পিঙ্গল = আপিঙ্গল ; তাহা মাত্র ( অর্থাৎ কেবল তাহা ) = তন্মাত্র ( তদেবমাত্রম্ ) ; চিন্মাত্র ; অন্তগ্রাম = গ্রামান্তর ; গৃহান্তর » প্রভৃতি। « নিভ, সন্নিভ, সঙ্কাশ » প্রভৃতি তুল্যার্থ-বোধক পদের সহিতও নিত্য-সমাস হয় ; যথা—« দুগ্ধফেন-নিভ, অনল-সঙ্কাশ, বজ্র-সন্নিভ » ইত্যাদি। ( বাঙ্গালায় « মাত্র »-শব্দের পৃথক্ প্রয়োগ হয়, সংস্কৃতে তাহা হয় না ; কিন্তু « নিভ, সঙ্কাশ » ইত্যাদি শব্দ, বাঙ্গালা ও সংস্কৃত উভয় ভাষায়, স্বাধীন শব্দ-রূপে প্রচলিত নহে।)

( ১৩ ) তৎপুরুষ শ্রেণীর মধ্যে পড়ে এইরূপ আর এক প্রকার সমাস, পানিনি-প্রমুখ সংস্কৃত বৈয়াকরণগণ-কর্তৃক নির্দিষ্ট হইয়াছে ; ইহার নাম **সহস্রুপা** বা **সুপ্-সুপা**। « সুপ্-সুপা, সহস্রুপা » অর্থে, সুপ অর্থাৎ বিভক্তি-যুক্ত একটা নাম পদের সহিত আর একটা সুপ্ বা বিভক্তি-যুক্ত পদের সমাস যেখানে আছে ; এবং ব্যাপক অর্থ বিচার করিলে, তাবৎ সমাসকেই সহস্রুপা বা সুপ্-সুপা-পর্যায়

ফেলিতে হয়; কিন্তু বিশেষ বা সঙ্কুচিত অর্থে, এই শ্রেণীর সমাসকে মাত্র ব্যাখ্যান- বা আশ্রয়-মূলক সমাস-গোষ্ঠীর অন্তর্ভুক্ত করা হয়। সুপ্-সুপা, যথা— « ভূতপূর্ব (= পূর্বম্, দ্বিতীয়া-বিভক্তির পদ + ভূতঃ, প্রথমা বিভক্তি ); প্রত্যক্ষভূত ( প্রত্যক্ষম্ + ভূতঃ ); নাতিশীতোষ্ণ; পরমপূজ্য ( পরমম্ + পূজাঃ ); শিষ্যভূত ( শিষ্যঃ + ভূতঃ ); পূর্বরাত্র; পূর্বকায় » ইত্যাদি।

উপরের সমস্ত পদগুলিকে তৎপুরুষ অথবা কর্মধারয় শ্রেণীতেও ফেলা যায়।

### [খ] কর্মধারয়—

এই শ্রেণীর সমাসে, প্রথম পদটী দ্বিতীয়টির বিশেষণ-রূপে অবস্থান করে, এবং দ্বিতীয় পদের অর্থই বলবৎ থাকে। বিশেষণ ও বিশেষ্য, বিশেষ্য ও বিশেষণ, বিশেষণ ও বিশেষণ, বিশেষ্য ও বিশেষ্য—সকল প্রকারের শব্দযোগে কর্মধারয় সমাস হয়। « কর্মধারয় » শব্দের অর্থ, 'কর্ম' বা বৃত্তি ধারণকাবী।

(১) সাধারণ কর্মধারয় সমাসকে এই কয় শ্রেণীতে ফেলা যায় —

(১০) বিশেষণ-পূর্বপদ—« কাল-পেঁচা, কাল-সাপ, হারা-মণি, কাঁচ-কলা, নীলমাণিক, কাণা-কড়ি, লাল-টুপৌ, খাস-তালুক, খাস-মহল, কালা-পন্টন, মহারানী, ভাঙ্গা-হাট, ভুনি-খিচুড়ী, হেড-মাষ্টার (= প্রধান মাষ্টার ), হেড-পণ্ডিত, থার্ড-পণ্ডিত »; সংস্কৃত শব্দের বাঙ্গালা প্রয়োগে—« সতী-রমণী, সতী-সাক্ষী »। সংস্কৃত শব্দ—« রক্তাশোক, হতশ্রদ্ধা, ছুঁটমতি, মহাষ্টমী, মহাকাল, পরমেশ্বর, উষেদক, নবপল্লব, নীলমণি, পরমাত্মা, মধুরবচন, পূর্বরাত্র, স্বেতবস্ম, নীলোৎপল, সর্বগুণ, পুণ্যভূমি, মহর্ষি, মোহনভোগ, মহাজন, বিশ্বমানব, পূর্বাহ্ন, মধ্যাহ্ন, অপরাহ্ন, সায়াহ্ন, দীর্ঘরাত্র, মধ্যরাত্র, দশগুণ » ইত্যাদি।

(২০) বিশেষণোত্তর পদ—« ঘনশ্যাম, ঘননীল, হলুদ-বাটা, গোলাপ-লাল » ইত্যাদি।

(৩০) বিশেষণোভয়পদ—« চালাক-চতুর, কাঁচা-মিঠা, আধ-ফোটা,

সাড়ে-পাঁচ, টাটকা-ভাজা, তাজা-মরা, লাল-কাল, কিকা-লাল » ইত্যাদি। সংস্কৃত শব্দ—« শীতোষ্ণ, হৃষ্টপুষ্ট, নীল-লোহিত, বিরাট-বিশাল, মধুর-ভীষণ, কঠিন-কোমল, হিংস্র-কুটিল, ক্রুদ্ধ-কুণ্ঠিত, রুদ্র-সুন্দর, শ্বেত-কৃষ্ণ, ঈষত্তিক্ত, স্নিগ্ধ-বিশ্বস্ত, দত্তাপহৃত, সুপ্তোখিত » ইত্যাদি।

(১০) বিশেষোভয়পদ—« ঠাকুরদাদা, ঠাকুরমা, সাহেবলোক, খাঁ-সাহেব, পণ্ডিত-মহাশয়, ব্রাহ্মণ-পণ্ডিত, মৌলবী-সাহেব, ওস্তাদজী, কিশেণজী, পিতাঠাকুর, লাট-সাহেব, সর্দার-পড়ুয়া, আম-আদা, মা-ঠাকরুন, ঠাকুর-মশাই, গোলাপফুল, রাজা-বাহাহুর, ইংরাজ-রাজ, মা-গোসাঁই, রাজপুত-বীর »। শব্দ সংস্কৃত শব্দ—« দেবর্ষি, সাধুসজ্জন, পিতৃদেব, ভুলোক, ছালোক, আশ্রবক্ষ, গণ্ডদেশ, তালতরু, কামরিপু, অবন্তীনগরী, গঙ্গানদী, মথুরাপুরী, অশোক-পুষ্প, আকাশ-মণ্ডল, ললাট-ভাগ, পণ্ডিতাখ্যা, তমাললতা, পণ্ডিতজন » ইত্যাদি।

(১১) অবধারণা-পূর্বপদ—যে কর্মধারয়-সমাসে প্রথম পদটির অর্থের সম্বন্ধে অবধারণা অর্থাৎ অর্থের প্রতি বিশেষ কোঁক দেওয়া হয়, তাহাকে « অবধারণা-পূর্বপদ-কর্মধারয় » বলা হয় ; যথা—« কালসর্প, কালসাপ ( কাল বা কৃষ্ণবর্ণ হইয়াছে যে সর্প ), বিঘাসর্বস্ব ( বিঘাই সর্বস্ব ), কালকূট »।

(১২) সর্বনাম, অব্যয়, উৎসর্গ ও গতি-দ্বারা, এবং সংখ্যা-বাচক শব্দ-দ্বারা বিশেষিত সমস্ত-পদ, কর্মধারয়-শ্রেণীতে পড়ে ; যথা—বান্ধালা পদগ্রথিত, « এখন, তখন সেজন ; বিভূঁই ; কুনজর, সুনজর ; রেয়ারাম ( = বে+আরাম ), গর-হাজির, বে-সুর, বে-নাম ; ছু-জন, ছু-শ, ছু-তালা, তে-তালা, চার-তালা » ইত্যাদি। সংস্কৃত শব্দ—« অনিন্দ্য, অসহ, অকর্ম, অদৃষ্ট, .

সুজাত, দুশ্চরিত, স্বয়ংকৃত, অলংকৃত, বিদেশ, সপ্তর্ষি, একোন-  
বিংশতি, কদাচার, কাপুরুষ, জাগ্রৎস্বপ্ন, জীবন্মৃত » ইত্যাদি।

- (১৮০) কতকগুলি কর্মধারয়-সমাসে পূর্ব-নিপাত হয়, অর্থাৎ পরে  
যে পদের বসি উচিত, সে পদ আগে বসে : যথা—« অধম  
রাজা = রাজাধম ; পুরুষ-ব্যাঘ্র ; ভরতশ্রেষ্ঠ ; পুরুষোত্তম ;  
বিপ্রগৌর ; আলু-সিদ্ধ, চাউল-ভাজা, তেল-পড়া, হলুদ-বাটা, »  
ইত্যাদি।

(২) মধ্যপদলোপী কর্মধারয়—যেখানে কর্মধারয়-সমাসে মধ্যপদের  
( ব্যাস-বাক্যের মধ্যস্থিত ব্যাখ্যান-মূলক পদের ) লোপ হয়, সেখানে এইরূপ  
সমাসকে « মধ্যপদলোপী কর্মধারয় » বলে ; যথা = « ঘি-মেশানো ভাত =  
ঘি-ভাত ; তেলধুতি ( = তেল মাখিবার ধুতি ) ; দইবড়া ; ঘৃতান্ন ( ঘৃত-মিশ্রিত  
অন্ন ) ; পলান্ন ( পল- বা মাংস-মিশ্রিত অন্ন ) ; সিংহাসন ( সিংহ-চিহ্নিত আসন ) ;  
অষ্টাদশ ( অষ্ট-অধিক দশ ) ; ছায়াতরু ( ছায়া-প্রধান তরু ) ; স্বর্ণাক্ষর ( স্বর্ণের  
ন্যায় উজ্জ্বল অক্ষর ) ; কীর্তিমন্দির ( কীর্তি-প্রকাশক মন্দির ) ; ভিক্ষান্ন  
( ভিক্ষালব্ধ অন্ন ) ; যম-যন্ত্রণা ( যমের প্রদত্ত যন্ত্রণা ) ; অশ্বসৈন্ত ( অশ্বারূঢ়  
সৈন্ত ) ; ষোড়শ ( ষট্ ষা ছয় অধিক দশ ) » ইত্যাদি। ভদ্রপ—« মনি-ব্যাগ  
( মনি' অর্থাৎ টাকা রাখিবার 'ব্যাগ' অর্থাৎ থলি ) ; সিন্দূর-কোটা ( সিঁদূর  
রাখিবার কোটা ) : ঘর-জামাই ; কেশ-তৈল ; ফাঁসী-কাঠ » ইত্যাদি।

দুইটী বস্তুর পরস্পরের সঙ্গে তুলনা বা উপমা করিয়া সমাস করিলেও  
কর্মধারয়-সমাস হয়। ( যাহা উপমিত হয় তাহাকে « উপমেয় » বলে ; যাহার  
সহিত উপমা করা হয়, তাহাকে « উপমান » বলে ]। এইরূপ কর্মধারয় তিন  
প্রকারের হয় ; যথা—

(৩) উপমান-কর্মধারয় [১] : যেখানে উপমান একটি গুণ-বাচক শব্দ,  
এবং উপমেয়ে সেই গুণ বর্তমান থাকে, সেখানে « উপমান-কর্মধারয় » হয় ;  
যথা—« শৈলোন্নত, দুর্বাদলশ্যাম, তুষারধবল ; মিশ-কালো ( = মিশির মত

কালো) ; তুষার-শীতল, তুষার-ধবল ; অরুণ-রাজা, সিঁদূর-রাজা বা সিঁদূর-লাল ; কুসুম-কোমল » ইত্যাদি ।

(৪) **রূপক-কর্মধারয়** : যেখানে একটি পদার্থকে, সম্পূর্ণ-রূপে অন্য প্রকারের অথবা অন্য শ্রেণীর আর একটি পদার্থের সহিত, উভয়ের মধ্যে অন্তর্নিহিত সাদৃশ্যের দিকে লক্ষ্য রাখিয়া তুলনা করিয়া, সমাস করা হয়, সেখানে « রূপক-কর্মধারয় » হয় । একরূপ ক্ষেত্রে বহুস্থলে উপমেয় ও উপমানের অভিন্নত্ব কল্পনা করা যাইতে পারে । যথা— « জ্ঞানালোক ( জ্ঞান-রূপ আলোক ), কমল-মুখ, শোক-সিন্ধু, সংসার-সাগর, ভব-নদী, বিরহ-সাগর, বিড়ালোক, বিড়া-রত্ন, কোপ-বহ্নি, শোকাগ্নি, বিচ্ছেদানল, বিড়া-ধন, আনন্দ-পীযুষ, দেহ-পিঞ্জর, কীর্তি-ধ্বজা, কীর্তি-মেখলা, মুখচন্দ্র ( মুখরূপ চন্দ্র ), জলপথ ; নয়ন-অমৃতনদী ; প্রাণপাখী, আত্মা-পুরুষ, ডাঙ্গা-পথ, আঁখি-পাখী, চিন্ত-চকোর ; চাঁদ-বদন, চাঁদ-মুখ ; বচনামৃত, চরিতামৃত ; ক্ষুধানল, শান্তিবারি, ভক্তিসুধা » ইত্যাদি ।

(৫) **উপমিত-কর্মধারয়** : যেখানে উপমান ও উপমেয়ের মধ্যে সাদৃশ্য স্পষ্ট নহে, উহাদের অন্তর্নিহিত কোনও গুণের কথা ভাবিয়া তবে উপমা করা হয়, সেখানে « উপমিত-কর্মধারয় » হয় ; যথা— « মুখচন্দ্র, নরসিংহ, পুরুষব্যাক্ত, রাজধি, নরপুঞ্জব, করপল্লব ; পদ্ম-আঁখি » ইত্যাদি ;

উপমানের ধর্ম উপমেয়-দ্বারা ছোঁতিত হইলে, « উপমান-সমাস » হয় ; উপমান ও উপমেয়ের মধ্যে সাদৃশ্য কোনও বিষয়ে স্পষ্ট হইলে, এবং উভয়কে অভিন্ন-রূপে কল্পনা করিলে, « রূপক-সমাস » হয় ; এবং উপমান ও উপমেয়ের মধ্যে সাদৃশ্য কল্পনা করিয়া লইলে, বা উহাদের মধ্যে কোনও সমান ধর্ম প্রচ্ছন্ন থাকিলে, « উপমিত-সমাস » হয় ।

[ গ ] **দ্বিগু** : যে সমাসে প্রথম পদটি সংখ্যা-বাচক হয়, এবং সমস্ত-পদটির দ্বারা সংযোগ বা সমষ্টি বুঝায়, তাহাকে দ্বিগু সমাস বলে । সংস্কৃতে, « দুইটি গো বা গোরুর সমষ্টি » অর্থে « দ্বি-গু » শব্দের ব্যবহার হয়—তাহা হইতে এই প্রকার সমাসের নামকরণ হইয়াছে । উদাহরণ : « নবরত্ন, ত্রিজগৎ, ত্রিমূর্তি, ত্রিভুবন,

পঞ্চভূত, দশচক্র, অষ্টধাতু, সপ্তাহ, ষড়্ঋতু; তেমাথা; চৌমুহানী; দুয়ানী ( < দুই + আনা + ঈ ); পশুরী ( < পনসেরী, পাচসেরী ); পাঁচ-জন, চার-হাত, চার-চোখ, তিন-ঠেং » ইত্যাদি।

সংস্কৃতে যেখানে দ্বিগু-সমাসে সমষ্টি বুঝাইতে শেষের পদে প্রত্যয়ের লোপ, বা যোগ হয়, বা অন্ত পরিবর্তন আইসে, সেখানে সমাছার-দ্বিগু বলা হয়, যথা—« দ্বিগু ( গৌ-শব্দের বিকারে 'গু' ), ত্রিলোকী ( লোক-শব্দের বিকারে 'লোকী' ), পঞ্চবটী ( < বট ), ত্রিপদী ( < পদ ), চতুস্পদী ( < পদ ), শতাকী ( < অক্ষ ), পঞ্চনদ ( < নদী ), পঞ্চাঙ্গুল ( < অঙ্গুলি ) » ইত্যাদি।

সমষ্টি না বুঝাইয়া গুণ-বাচক হইয়া দাঁড়াইলে, দ্বিগু-সমাস-যুক্ত পদ সহজেই বর্ণনাত্মক সমাস বহুব্রীহিতে পরিণত হয়।

### বর্ণনা-মূলক সমাস

এই পর্যায়ের সমাসে, সমাসস্থ পদগুলির একটীও প্রধান থাকে না, ইহাদের মিলিত অর্থ অন্ত একটী পদার্থকেই বর্ণন করে, অন্ত পদার্থ-সম্বন্ধে প্রযুক্ত হয়। এইরূপ সমাসের ব্যাস-বাক্যে, সর্বনাম « যে »-শব্দের « যে, যাহার, যাহাকে, যাহাতে » প্রভৃতি বিভিন্ন রূপের প্রয়োগ হয়; যেমন—« বহু ত্রীহি ( অর্থাৎ অনেক ধাতু ) যাহার, সে 'বহুব্রীহি'; নীল বরণ বা বর্ণ যাহার, সে ব্যক্তি 'নীলবরণ' » ইত্যাদি।

বহুব্রীহি-সমাসে প্রথম পদটী বহুবলে বিশেষণ হয়, কিন্তু বিশেষ্য বা অন্ত নাম-পদও হইতে পারে, এবং অব্যয় বা সংখ্যা-বাচক পদও হইতে পারে। আবার সমাসে ব্যাস-বাক্যের বিরোধী পূর্ব বা পর নিপাতও হয়। এতদ্ভিন্ন, কোনও-কোনও স্থলে, অন্ত পদে প্রত্যয়-যোগ হয়, পদের পরিবর্তনও ঘটে। সংস্কৃত বহুব্রীহি-সমাসের উত্তর « -ক », « -ই », « -অ » -প্রত্যয় হয়, এবং খাঁটী বাঙ্গালা বহুব্রীহি-সমাসে « -আ », « -ইয়া », « -ঈ », ও « -উয়া » -প্রত্যয় যুক্ত হয়।

বহুব্রীহি-সমাসের কতকগুলি প্রকার-ভেদ আছে; যথা—

(ক) ব্যাধিকরণ-বহুব্রীহি—পূর্বপদ বিশেষণ না হইলে, তাহাকে « ব্যাধিকরণ-বহুব্রীহি বলে » যথা—« শূলপাণি ( শূল পানিতে বা হস্তে যাহার = শিব ), বজ্রনখ ( বজ্রের ন্যায় নখ যাহার ), কমলমুখ ( কমলের ন্যায় মুখ যাহার ), পদ্মনাভ ( পদ্ম নাভিতে যাহার = বিষ্ণু ); সোনামুখ ( সোনার মত মুখ যাহার » )।

(খ) সমানাধিকরণ-বহুব্রীহি—পূর্বপদ বিশেষণ ও পরপদ বিশেষ্য হইলে, « সমানাধিকরণ-বহুব্রীহি » বলে ; যথা—« পীতাম্বর (পীত অম্বর যাহার = শ্রীকৃষ্ণ), রক্তনেত্র ( রক্ত নেত্র যাহার ) ; কালোবরণ ( কালো-বরণ যাহার ) » ।

(গ) ব্যতিহার-বহুব্রীহি—পরস্পর-সাপেক্ষ ক্রিয়া বুঝাইলে, একই শব্দের পুনরুক্তি দ্বারা যে বহুব্রীহি হয়, তাহাকে « ব্যতিহার-বহুব্রীহি » বলে ; যথা—« দণ্ডাদণ্ডি ( = দণ্ডে দণ্ডে যুদ্ধ যেখানে তাহা ) ; নথানথি ; লাঠালাঠি ( লাঠিতে লাঠিতে লড়াই যেখানে ) ; কানাকানি ( কানে কানে কথা যেখানে ) ; কাঁকাকাঁকি » ইত্যাদি ।

(ঘ) মধ্যপদলোপী বহুব্রীহি—যেখানে ব্যাস-বাক্যে আগত পদের লোপ হয় । যথা—« চাঁদের মত সুন্দর মুখ যার সে 'চাঁদমুখ' ; দশ বছর বয়স যার সে 'দশ-বছরিয়া' ( বা 'দশ-ব'ছুরে' ) ; পাঁচ হাত পরিমাণ যাহার এমন ধুতি 'পাঁচহাতী' ; চন্দ্রবদন, যুগনয়ন! » ইত্যাদি ।

### বহুব্রীহির দৃষ্টান্ত—

বাস্কলা ও মিশ্র : « সোনামুখা ( সোনার মত মুখ যাহার—আ-প্রত্যয় ), দেড়-হাতী গামছা ( দেড় হাত পরিমাণ যাহার—ঈ-প্রত্যয় ) ; হতভাগা ( হত ভাগ অর্থাৎ ভাগ্য যাহার—আ-প্রত্যয় ) ; লাল-পাগড়ী ; লাল-পাড়িয়া বা লালপেড়ে' ( লাল পাড় যাহার—ইয়া-প্রত্যয় ) ; বিশ-মনী ; তিন-নম্বর বাড়ী ( তিন নম্বর অর্থাৎ সংখ্যা যাহার ) ; স্ববুদ্ধি ; পিছপা ; বদগন্ধ ; স-বুট পদাঘাত ( বুটের সহিত বিদ্যমান ) ; মতিচ্ছন্ন ; নাক-কাটা ; বেহেড ( বে অর্থাৎ বিগত বা নষ্ট হেড অর্থাৎ মাথা বা বুদ্ধি যাহার ) ; বিড়াল-চোখুয়া বা বেরাল-চোখে ( উয়া-প্রত্যয় ) ; নাম-কাটা ; এক-গুয়ে ( এক গৌ বা দৃঢ় প্রতিজ্ঞা যাহার—এক+গৌ+ইয়া-প্রত্যয় ) ; নেয়াই-আঁকড়িয়া বা নেই-আঁকড়ে' ( নেয়াই অর্থাৎ স্থায় বা তর্কে আঁকড় বা আগ্রহ যাহার—স্থায়+আঁকড়+ইয়া ) ; সাত-নহরিয়া হার বা মালা ; শুচিবাইয়া > শুচিবেয়ে, ( শুচি বাই বা বায়ু যাহার—ইয়া-প্রত্যয় ) ; বিশবাণ জল ( বিশ বাণ বা ব্যাম মাপ যাহার, এমন গভীর জল ) ; বরাখুরিয়া বা বরাখুরে' ( বরাহের মত খুর বা পা যাহার ) ; হীরা-বসানো ; বাস্ক-বন্দী ; গঙ্গাজলিয়া বা গঙ্গাজলে' ; চড়া-মেজাজ ; উন-পাঁজুরিয়া বা উন-পাঁজুরে' ( উন অর্থাৎ একখানা কম পাঁজুর বা পঞ্জরাহি যাহার ) ; সোনালী-পাড় ধুতি ; ছয়-নলা ; দেখন-হাসি ( দেখন মাত্র হাসি যাহার ) ; গোঁপ-ধেজুরে' ; লক্ষীছাড়া ; অলক্ষণিয়া ( অলক্ষণে' ;



[ওলুক্ধনে]); উট-কপালী; চিকন-দাঁতী; ডাকা-বুকা; মুখপোড়া; মণিহারা; জলপানি-পাওয়া পাস-করা; লুচি-ভাজা বামুন (লুচি ভাজে যে); লুচি-ভাজা খোলা (লুচি ভাজে যাহাতে); মড়াপোড়া; ফুলম্পেড়ে; মা-মরা; মন-মরা; পল-তোলা; ফুল-তোলা; কড়ি-প্যাটান' হার; ডায়মণ্ড-কাটা বালা; দিল-দরিয়া; নিখাউস্তি; নির্জলা; নিনাই (নি- অর্থাৎ নাই, না অর্থাৎ নৌকা যার সে নিনাই); অকাজুয়া, অকেজো; আভাগিয়া, আবাগে'; হাভাতিয়া, হাবাতে'; দুখ-দিয়নিয়া; সুখ-জাগানিয়া; মিছ-কহনিয়া, মিছকউনে'; ছা-পোষা (ছা বা সন্তান পোষে বা পালন করে, এমন লোক); ট্যাক-সর্বস্ব, পেট-সর্বস্ব; অবুধ; না-ছোড়; পেঁচা-মুখা » ইত্যাদি।

বাঙ্গালা ব্যতিহার-বহুব্রীহি—« কোলাকুলি, ঘুমাঘুঘি, দলাদলি, রক্তারক্তি, খুনাখুনি, টানাটানি > টানাটুনি » ইত্যাদি।

বিভক্তি লোপ না করিয়া, অলুক্-বহুব্রীহিও বাঙ্গালায় মিলে; যথা—« ছড়ি-হাতে, কৌচা-হাতে বাবু; পাঞ্জাবী-গায়ে ছোকরা; জুতা-পায়ে; যাড়ে-পড়া, গায়ে-পড়া; গায়ে-হলুদ (গায়ে হলুদ দেয় যে অস্থানে); 'সব-পেয়েছি'র দেশ; যাচ্ছেতাই; 'আপ-কা-ওয়াল্তে' লোক; মাথায়-ছাতি বাবু » ইত্যাদি।

সংস্কৃত বহুব্রীহি: « ধৃতরাষ্ট্র; এক-চক্রা; কলসকক্ষা (স্ত্রী); দ্বিচক্র (যান); বাক্-সর্বস্ব; বৃহদ্রথ; ক্ষুধিত-হৃদয়; গৌর-তনু; চিত্রাঘ; সূর্যতেজাঃ; অশ্রমুখী; জিতেন্দ্রিয়; ক্ষীণ-হৃদয় প্রবল-প্রতাপ, কৃদন্তু স্ববন্ত, তিঙন্তু, গিজন্তু; ইন্দ্রাদি; দীর্ঘকার; মহাশয় (কিন্তু মহাদাশয় = মহতের আশয়); ত্রিনয়ন; কৃতকার্য; তীক্ষ্ণধী; রুদ্ধবায়ু কক্ষ; হতশ্রী; স্থিরমতি; সূক্ষ্ম; সূদর্শন; সূমনম্, সূমনাঃ; নির্জন; অমূল্য; অনন্ত; অনাদি; অধৈর্য; অবোধ; নিলোভ; নির্দোষ; অজ্ঞাবধি; সগোত্র » ইত্যাদি।

সংস্কৃত বহুব্রীহির অস্তে প্রত্যয়ের উদাহরণ—« দৃঢ়প্রতিজ্ঞ; গতনিদ্র; সত্যসন্ধ; বীতস্পৃহ; হৃতাশ; ছিন্নশাখ; কৃতবিদ্ব; হেমাভ; স্থিরপ্রজ্ঞ; বীতশ্রদ্ধ; নিলজ্জ; লক্ষপ্রতিষ্ঠ; নিষ্প'ণ; ব্রাহ্মণীভাৰ্য্য; নিষ্করণ; ক্ষীণজ্যোত্স গগন; প্রাপ্তভিক্ষ; অপুত্র, অপুত্রক; বহুসংখ্য, বহুসংখ্যক; সমার্থ, সমার্থক; অনর্থ, অনর্থক (অর্থ বা উপকার নাই যাহাতে; বাঙ্গালায় এই দুই সমার্থক শব্দে অর্থের পার্থক্য আসিয়া গিয়াছে,—'অনর্থক' শব্দ ক্রিয়া-বিশেষণ-রূপে ব্যবহৃত হয়, এবং 'অনর্থ' শব্দ 'সর্বনাশ'-অর্থে প্রযুক্ত হয়); অল্পবয়ঃ, অল্পবয়স্ক; অন্তমনাঃ, অন্তমনস্ক; প্রোষিত-ভতৃ'কা; সস্ত্রীক; বিপত্নীক; একপত্নীক, বহুপত্নীক; নির্ভীক; সুলতনুক; সমাতৃক, নদীমাতৃক, দেবমাতৃক; পদ্মনাভ (পদ্ম নাভিতে আছে যাহার—বিষ্ণু—'নাভি' শব্দের স্থলে 'নাভ'; তদ্রূপে 'উর্গনাভ'); বিশালাক্ষ, পুণ্ডরীকাক্ষ ('অক্ষি' স্থলে 'অক্ষ'); বিধম' (বিগত ধর্ম' যার—বিধম'ন্ শব্দ); সপত্নী (সমান পতি যাহার); সূধবা, পুষ্পধবা

(‘ধনু’ শব্দের ‘ধন্বন্’ রূপে পরিবর্তন); যুবজানি ( যুবতী জানি অর্থাৎ জায়া যাহার; তদ্রূপ ‘সীতাজানি, প্রিয়জানি’—জায়া-শব্দের পরিবর্তে’ প্রাচীন সংস্কৃতে ও বাঙ্গালায় অপ্রচলিত শব্দ ‘জানি’র প্রয়োগ); একপদ, দ্বিপদ, ত্রিপদ, চতুষ্পদ (‘পাদ’ শব্দের ‘পদ’ রূপ); সোদর (‘সহ’ স্থানে ‘সো’); কদাচার (‘কু’-স্থলে ‘কৎ’); ষাপদ (যন্+পদ—বিশেষ নিয়মে সিদ্ধ); অষ্টাবক্র (বিশেষ নিয়মে); স্নগন্ধি দ্রব্য (‘গন্ধ’ স্থলে ‘গন্ধি’; কিন্তু ‘স্নগন্ধ বায়ু’—ই-প্রত্যয় হইল না, গন্ধ বায়ুর নিজের নহে, এই জন্ত); তদ্রূপ ‘পুতিগন্ধি ও পুতিগন্ধ, পদ্মগন্ধি ও পদ্মগন্ধ’); দ্বীপ (দুই দিকে জল যাহার; তদ্রূপ ‘অন্তরীপ’;—এই দুই শব্দে, ‘অপ্’ স্থলে ‘ঈপ’ ) » ইত্যাদি।

### সংস্কৃত পদের সমাস

দুইটী বা তদধিক সংস্কৃত পদ মিলিয়া একটী সমস্ত-পদ সৃষ্টি করিলে, সংস্কৃত ব্যাকরণের নিয়ম-অনুসারে পূর্বপদের যে প্রকার পরিবর্তন হইয়া থাকে, তদ্বিষয়ে অবহিত হওয়া উচিত; যথা—« পিতৃপুরুষ, উপনিষৎপাঠ, বাগ্ যজ্ঞ, তৎসম, তদ্ভব, রাজসভা, গুণিগণ, মনোবিজ্ঞান, মাতৃবিয়োগ, ঈষদ্ধাস্ত্র, চলচ্ছিত্তিরহিত » ইত্যাদি।

কিচিৎ সংস্কৃত পদ, বাঙ্গালায় সমধিক প্রচলিত থাকা হেতু, বাঙ্গালা পদের স্তায় ব্যবহৃত হইয়া থাকে, এবং সেইরূপ পদ সমাসে আসিলে, সমাসটীকে বাঙ্গালা রীতি-অনুসারে সমস্ত-পদ বলিয়া ধরিতে পারা যায়, এবং এইরূপ করিলে সংস্কৃত নিয়ম-অনুসারে যে ভুল বা ত্রুটি হয় তাহার একটা ব্যাখ্যা দেয়া যায়; যথা—

« মনমোহন ( সংস্কৃতে মনোমোহন ), ছন্দ-পতন ( ছন্দঃপতন ), ছন্দবিচার ( ছন্দোবিচার ), মন-আগুন ( মনোহগ্নি ), সন্ন্যাসী-দল ( সন্ন্যাসি-দল ), বিধাতা-দত্ত ( বিধাতৃদত্ত ), তেজ-চন্দ্র ( তেজশ্চন্দ্র ) » ইত্যাদি। « তেজেশ-চন্দ্র, জ্যোতীশ্চন্দ্র » প্রভৃতি অশুদ্ধ সংস্কৃত সমাস বাঙ্গালায় এখনও বহুল প্রচলিত হয় নাই—এরূপ সমাস গ্রহণ না করাই উচিত। সংযোজক-চিহ্ন ( - )-দ্বারা সমস্ত-পদের অঙ্গগুলিকে পৃথক্ করিয়া দেখাইতে পারা যায়। কিন্তু ছাত্রদের পক্ষে সংস্কৃতির নিয়মই অনুসরণ করিবার চেষ্টা করা উচিত।

সমস্ত-পদের সহিত অন্ত পদের অন্বেষণের অভাব বহু স্থলে লক্ষিত হয়; যথা—

« তোমার মুখদর্শন বা নামগ্রহণ করিব না ( ‘তোমার’ পদের অন্বেষণ ‘মুখ’ ও

‘নাম’ এই দুই সমস্ত-পদের অংশের সহিত ) ; আপনার পরিশ্রম-জনিত সাফল্য » ইত্যাদি ।

### সংস্কৃত সমাস সম্বন্ধে কতকগুলি বিধি ও দৃষ্টান্ত

[১] সমাসের পূর্বপদের শেষে « ন্ » থাকিলে, তাহা লুপ্ত হয় । যেমন—  
« ধনিদিগের গণ = ধনিন্ + গণ = ধনিগণ ; রাজার কার্য = রাজন্ + কার্য = রাজকার্য ; শশী শেখর যাহার = শশিন্ + শেখর = শশিশেখর » । বাঙ্গালায় এই নিয়মের ব্যতিক্রমত কিছু কিছু দেখা যায় ; যেমন, « যুবা-ই পুরুষ = যুবন্ + পুরুষ = যু্বাপুরুষ ( ‘যুবপুরুষ’ স্থলে ) ; মহাত্মার গণ = মহাত্মন্ + গণ = মহাত্মাগণ ( মহাত্মগণ ) » ; তদ্রূপ « আত্মা-পুরুষ » ।

[২] কর্মধারয় ও বহুব্রীহি সমাসে পূর্বপদে ‘মহৎ’ শব্দ ‘মহা’ হয় । যেমন—  
« মহান্ ( মহৎ ) দেশ = মহাদেশ ; মহান্ ( মহৎ ) আশয় যাহার = মহাশয় ; মহান্ ভারত = মহাভারত » । কিন্তু তৎপুরুষ ইত্যাদি হইলে, এরূপ হইবে না ; যেমন—« মহতের রূপা = মহৎরূপা » ।

[৩] তৎপুরুষ ও কর্মধারয় সমাসে পর-পদ-স্থিত ‘রাজন্’ শব্দ ‘রাজ’, এবং ‘অহন্’ শব্দ ‘অহ’ হয় । যেমন—« মহান্ ( মহৎ ) রাজা = মহারাজ ( বাঙ্গালায় ‘মহারাজা’-ও চলে ) ; পূর্ব অহন্ = পূর্বাহ ( ‘পূর্বদিন’ অর্থে ) » ।

কিন্তু দিবসের অংশ মাত্র বুঝাইলে, ‘অহন্’ শব্দের স্থানে ‘অহু বা অহু’ হয় । যেমন—« মধ্য অহন্ = মধ্যাহু ( দিনের মধ্যভাগ ), পূর্ব অহন্ = পূর্বাহু ( দিনের পূর্বভাগ ), অপর অহন্ = অপরাহু ( দিনের অপর ভাগ ) » ।

তৎপুরুষ ও বহুব্রীহি সমাসে পর-পদের আদিতে স্বরবর্ণ থাকিলে, কুৎ-সিতার্থক ‘কু’ শব্দের স্থানে ‘কদ্’ হয় । যেমন—« কুৎসিত ( কু ) অন্ন = কদন্ন ; কুৎসিত ( কু ) আচার = কদাচার ; কুৎসিত ( কু ) আকার যাহার = কদাকার ; কদর্থ ; কদর্থ্য ( < অর্থ্য = স্তম্ভ ) » ।

[৫] বহুব্রীহি সমাসে, পূর্বপদের 'সহ, সহিত, সমান' শব্দের স্থানে সাধারণতঃ 'স' হইয়া থাকে। যেমন—« শিষ্যের সহিত বর্তমান = সশিষ্য ; সমান উদর ( মাতৃগর্ভ ) যাহার = সোদর, সহোদর ; সমান জাতি-যাহার = সজাতি ; সমান বর্ণ যাহার = সবর্ণ ; সমান গোত্র যাহার = সগোত্র » ।

[৬] দ্বিতীয় পদ ঙ্গ-কারান্ত, ঞ্গ-কারান্ত, অথবা স-কারান্ত হইলে, বহুব্রীহি সমাসে 'ক'-প্রত্যয় হইয়া থাকে। যেমন—« বি ( বিগতা ) পত্নী যাহার = বিপত্নীক ; স্ত্রীর সহিত বর্তমান = সস্ত্রীক ; নদী মাতা ( মাতৃ ) যে দেশের = নদীমাতৃক ; প্রোষিত ( অর্থাৎ বিদেশে গত ) ভর্তা ( ভর্তৃ ) যাহার = প্রোষিত-ভর্তৃকা নারী ; অন্ন বয়ঃ যাহার = অন্নবয়স্ক ( সংস্কৃতে অন্নবয়াঃ-ও হয় ) ; অন্ত মন ( মনস্ ) যাহার = অন্তমনস্ক ( সংস্কৃতে অন্তমনাঃ-ও হয় ) » । স-কারান্ত শব্দে 'ক'-প্রত্যয় না হইলে, বাঙ্গালায় প্রায়ই বিসর্গের লোপ হয়—যেমন, « তিনি অনন্তমনা ( = নাই অন্ত মন যাহার ) হইয়া চিন্তা করিতে লাগিলেন » ।

[৭] অন্ত কতকগুলি শব্দের পরেও কখনও-কখনও 'ক'-প্রত্যয় হইয়া থাকে। যেমন—« প্রণাম পূর্ব যাহাতে = প্রণামপূর্বক ; নাই ( অন্- ) অর্থ যাহাতে = অনর্থক » ।

[৮] বহুব্রীহি ও অবায়ীভাব সমাসে 'অক্ষি' শব্দ 'অক্ষ' হইয়া যায়। যেমন—« কমলের মত অক্ষি যাহার = কমলাক্ষ ; পদ্মের পলাশের মত অক্ষি যাহার = পদ্মপলাশাক্ষ , অক্ষির সমুখে = সমাক্ষ . অক্ষির পশ্চাতে = পরোক্ষ » ।

[৯] বহুব্রীহি সমাসে, স্বাভাবিক গন্ধ বুঝাইলে 'সু, পৃতি, সুরভি' শব্দের পর-স্থিত 'গন্ধ' শব্দ, 'গন্ধি' হয়। যেমন—« সুগন্ধ যাহার = সুগন্ধি ( পুষ্প ), কিন্তু সুগন্ধ ( জল ) ; পৃতি গন্ধ যাহার = পৃতিগন্ধি ; সুরভি গন্ধ যাহার = সুরভিগন্ধি » । বাঙ্গালায় অনেক সময়ে এই নিয়ম রক্ষিত হয় না ; যেমন— « সুগন্ধ ফুল ; সুগন্ধি কেশতৈল » ।

## শব্দদ্বৈত

( Reduplication of Words )

বাঙ্গালা ভাষায় বিশেষ্য, বিশেষণ, সর্বনাম, ক্রিয়া প্রভৃতি সকল প্রকার পদের দ্বিত্ব বা দুইবার অবস্থান একটা লক্ষণীয় বৈশিষ্ট্য। এই দ্বিত্ব করার পদ্ধতিকে অনেক স্থলে সমাসের অন্তর্ভুক্ত করিয়া ধরা যায়; এতদ্বিন্ন, দ্বিত্ব করার অন্ত প্রয়োগও আছে। শব্দদ্বৈত বাঙ্গালায় তিন প্রকারের হইয়া থাকে :—

[১] একই শব্দের পুনরাবৃত্তির দ্বারা; যথা—« ভালয়-ভালয়, শঠে-শঠে, বছর-বছর, বাটি-বাটি, হাসি-হাসি মুখ, চোর-চোর খেলা » ইত্যাদি।

[২] একটা শব্দের সঙ্গে সমার্থক বা অনুরূপ-অর্থ-যুক্ত আর একটা শব্দ সংযোগ করিয়া; যথা—« কাপড়-চোপড়, হাট-হদ্দ, হাঁড়ি-কুঁড়ি, খাওয়া-দাওয়া, রান্না-বাড়া » ইত্যাদি।

[৩] অনুরূপ-অথবা বিকার-জাত শব্দ-যোগে, যথা—« জল-টল, সাক-সোক, আঁট-সাঁট, জোগাড়-জাগাড়, হপ-হাপ, দার-দোর, অলি-গলি, আশে-পাশে, বকা-ঝকা » ইত্যাদি।

## দ্বিরুক্ত শব্দের প্রয়োগ

নিম্ন-লিখিত উদ্দেশ্যে দ্বিরুক্ত শব্দের প্রয়োগ হয় :—

[১] পৌনঃপুণ্য বা পুনরাবৃত্তি অর্থে। এতদ্বিন্ন সম্পূর্ণতা, প্রকর্ষ ও সংযোগ অর্থে, এবং বিশেষ্য অথবা বিশেষণকে দ্বিরুক্ত করিয়া বিশেষ্যের বহুবচন অর্থে, দ্বিরুক্ত শব্দের প্রয়োগ করা হয়; যথা—« বাড়ী-বাড়ী, গলি-গলি, বছর-বছর, দেশ-দেশ, পর-পর; পাঁতি-পাঁতি করিয়া খোঁজা; পিছু-পিছু, দিন-দিন, গরম-গরম বা গরমাগরম, ঠাণ্ডা-ঠাণ্ডা, হাঁড়ি-হাঁড়ি সন্দেশ, মুঠা-মুঠা টাকা, থাবা-থাবা চিনি, গাড়ী-গাড়ী ইট, ধামা-ধামা মুড়ি, লাল-লাল ফুল (অর্থাৎ অনেকগুলি ফুল, সেগুলির মধ্যে প্রত্যেকটাই লাল), লাল-লাল

ঘোড়া, বড়-বড় বান্দর, ইয়া-ইয়া বাঘ ( অর্থাৎ এই রিকম বৃহৎ আকারের অনেকগুলি বাঘ ); ব'লে-ব'লে হা'র মানলুম, দেখে-দেখে, ফিরিয়া-ফিরিয়া, আশায়-আশায়, বৃকে-বৃকে, চোখে-চোখে, কাঠে-কাঠে, মাহুষে-মাহুষে, নিজ-নিজে, হাতে-হাতে, সকাল-সকাল, দিনে-দিনে, রাতে-রাতে » ইত্যাদি ।

[২] বিভিন্ন শব্দ-যোগে সৃষ্ট শব্দদ্বৈত-সম্পূর্ণতা-ছোঁতক ।  
« ভাবিয়া-চিন্তিয়া বা ভেবে-চিন্তে, করিয়া-কর্মিয়া বা ক'রে-ক'ন্নে, বাঁচিয়া-বর্তিয়া বা বেঁচে-ব'ন্তে, রাঁধা-বাড়া, পেয়ে-দেয়ে নিশ্চিন্ত হ'য়ে আছো, মাগিয়া-পাতিয়া, গা-গতর, ঘর-গৃহস্থালী, লোক-লক্ষর, মাথা-মুণ্ডু, হিসাব-কেতাব, শোর-গোল, বিদেশ-বিভূ'ই, লজ্জা-সরম, বন্ধু-বান্ধব, কাগজ-পত্র, জন-মানব, আঙা-বাচ্ছা » ইত্যাদি ।

এইকপ শব্দদ্বৈত-দ্বারা দ্বন্দ্ব-সমাসের কার্যও প্রকাশিত হয় । পূর্বে দ্রষ্টব্য ।

[৩] সাদৃশ্য বা ঈষদ্বাব অর্থে । দ্বিবা, ঈষদল্লতা, মৃদুতা, অসম্পূর্ণতা প্রভৃতি ভাবেও শব্দের দ্বিক্রম হয় ; যথা—« জর-জর ভাব, ঠাণ্ডা-ঠাণ্ডা হাওয়া, ভাল-মাহুষ-ভাল-মাহুষ চেহারা, কাদা-কাদা ভাত, হাসি-হাসি মুখ, ঢুলু-ঢুলু আঁখি, রাগো-রাগো ভাব, শীত-শীত, শিহর-শিহর > শির-শির ( গা শির-শির করা ), মানে-মানে, ভাগো-ভাগো, ঘোড়া-ঘোড়া খেলা, চোর-চোর খেলা » ইত্যাদি ।

কর্-ধাতু-যোগে, এই প্রকার শব্দদ্বৈত, আগ্রহ বা ইচ্ছার ভাবও প্রকাশ করে ; যথা—« মন বাড়ী-বাড়ী করে, দাদা-দাদা করিয়া সে পাগল হইয়াছে, যাই-মাই করা, যাবো-যাবো করা, উঠি-উঠি করা » ইত্যাদি ।

[৪] ক্রিয়া সম্পূর্ণ হয় নাই, এই অর্থে « -ইত »-প্রত্যয়ান্ত শব্দ-পদ বাঙ্গালায় দ্বিত্ব করিয়াই ব্যবহৃত হয় । « চলিতে-চলিতে, খাইতে-খাইতে, বলিতে-বলিতে » । এই শব্দ-পদের, ক্রিয়া-বিশেষণেও প্রয়োগ হয় ; যথা—« দেখতে-দেখতে, পহুঁছিতে-পহুঁছিতে » ইত্যাদি । « -ইয়া »-প্রত্যয়ান্ত

অসমাপিকা ক্রিয়াও এইরূপ ক্রিয়া-বিশেষণ-রূপে প্রযুক্ত হয় ; যথা—« হাসিয়া-হাসিয়া, নাচিয়া-নাচিয়া » ।

[৫] ব্যতিহার বা পারস্পরিক ভাব, তাহা হইতে পৌনঃপুন্ত, প্রকর্ষ বা সম্পূর্ণতা। ব্যতিহার ভাব-প্রকাশের জন্ত শব্দটাকে দ্বিত্ব করিবার পূর্বে, মধ্যে « আ » ও অন্তে « ই »-প্রত্যয় যুক্ত হয়। এইরূপ শব্দদ্বৈত বহুব্রীহি-সমাসের মধ্যে পড়ে ; যথা—« মারামারি, কাটাকাটি, খাওয়া-খায়ি বা খেওখেই, মুখামুখি, হাতাহাতি, কোলাকুলি, হাটাইটি, পাশাপাশি, সোজাসুজি, মাঝামাঝি, গোড়াগুড়ি, ধাক্কাধুক্কি, পিঠাপিঠি, নড়ানড়ি, হাঁকাহাঁকি, চলাচলি, চালাচালি, গড়াগড়ি, ধরাধরি, চোঁচাচোঁচি, দেখাদেখি, বাধাবাধি, পারাপারি » ইত্যাদি ।

[৬] ইত্যাদি অর্থে। সহচর, অসুচর, প্রতিচর, ও বিকারজ শব্দের সাহায্যে সৃষ্ট শব্দদ্বৈতের প্রয়োগ হয়। [ পূর্বে « ইত্যাদি অর্থে দ্বন্দ্ব-সমাস » পর্য্যায় দ্রষ্টব্য । ]

[৭] অনুকার-ধ্বনিতে শব্দদ্বৈত বাঙ্গালায় খুবই সাধারণ। « টুকটুক্, কচ্ কচ্, কচ্ মচ্, গশ্ গশ্, কিল্ বিল্, কচর-মচর » । কতকগুলি ধ্বন্যাত্মক শব্দ আবার ধ্বনির ভাব ব্যক্তীত, অন্ত-ইন্দ্রিয়-গ্রাহ্য ভাবের প্রকাশক হইয়া থাকে ; যথা—« ব্যথায় টনটন ( কনকন, কটকট্ ) করে, জালায় করু-করু করে ; হাত নিশ্-পিশ্ করে ; লাল টুক্-টুক্ ক'রছে ; টুক্-টকে' লাল, ঢাব্-ঢেবে লাল » ইত্যাদি । কতকগুলি ধ্বন্যাত্মক দ্বিরুক্ত শব্দের দ্বারা বিশেষ গুণ বর্ণিত হয়, যে গুণ বস্তুতে বহুক্ষণ ব্যাপিয়া থাকে ; যথা—« ধু-ধু, খাঁ-খাঁ, ধক্-ধক্, টুক্-টুক্ » ইত্যাদি । এইরূপ ধ্বনি-ছোতক শব্দদ্বৈতের মাঝে আ-কার যোগ করিলে, ধ্বনি-প্রকাশের মূলে যে ক্রিয়া তাহার মধ্যে ক্ষণিক বিরতির ভাব, অথবা প্রত্যন্তরের ভাব, প্রকাশ করে ; যথা—« টুক্-টুক্, বনাবন, ধড়াধড়, ঠকাঠক্, সনাসন, টপাটপ্ » ইত্যাদি । ব্যঞ্জন-ধ্বনির দীর্ঘীকরণ বা দ্বিত্ব করিলে, ক্রিয়ার ক্ষণ-বিরত ভাবের প্রসারণ ইঙ্গিত করে ; যথা—« কলকল চলচল টলটল তরঙ্গ » ।

## অনুকার-বিকারময় শব্দদ্বৈতে ভাষার ইঙ্গিত

বাঙ্গালা ভাষায় অনুকার- বা বিকার-জাত শব্দ, মূল শব্দের প্রতিধ্বনি-স্বরূপ, ইহার অর্থের সঙ্কোচ, প্রসারণ ইত্যাদি নানাপ্রকার পরিবর্তনের ইঙ্গিত করে ; যথা—

### [১] মূল শব্দের স্বরধ্বনির পরিবর্তন করিয়া ।

(ক) ধ্বনি-বাচক শব্দে—ঈষৎ পরিবর্তিত ধ্বনির ভাব আনয়ন করে ; যথা—« টুপ্-টুপ্ ও টুপ্-টাপ ; কুপ্-কাপ্ ; টুপুর-টাপুর ; ছপ্-হাপ্ ; ছপ্-দাপ্ ; ছড়্-দাড় > ছুদাড় ; চিপ-চাপ » ইত্যাদি ।

(খ) অন্ত শব্দে—হয় ভাবের প্রকর্ষ বা সম্পূর্ণতা প্রকাশ করে ; যথা—« চুপ-চাপ, ছিম-ছাম, ঘুঘ-ঘাঘ, তুক্-তাক্, ফির্ট্-ফাট্ » ; না হয়, স্বার্থে, অথবা অর্থের প্রসারণে ব্যবহৃত হয় ; যথা—« দাগ-দোগ, ডাক-ডোক, বাছ-বোছ, চাল-চুল, ধার-ধোর, ভিড-ভাড়, মিট-মাট, যোগে-যাগে, হুকুম-হাকাম, দোকান-দাকান, ঠাকুর-ঠুকুর টুকুরো-টাকুরা, শুখনা-শাখনা, গোছ-গাছ, মোট-মাট, ফিট্-ফাট্, কালো-কোলো, ভুজং-ভাজং, খাঁচ-খাঁচ, গাঁটো-গোঁটো, জোগাড়-জাগাড় » ইত্যাদি । ক্রিয়াতেও ঐ-সকল ভাব পাওয়া যায়—« ফুটা-ফাটা, ঠাসা-ঠোসা ; দাগা-দোগা » ইত্যাদি ।

[২] মূল শব্দের ব্যঞ্জন-ধ্বনির পরিবর্তন করিয়া, « ইত্যাদি » অর্থে শব্দের প্রসার হয় । চলিত-ভাষাতেই এইরূপ অনুকার-শব্দের ব্যবহার সমধিক দৃষ্ট হয় ; যথা—

(ক) ট-বর্ণ-যোগে, সাধারণ-ভাবে শব্দের প্রসার—‘অনুরূপ বস্তু’ অর্থে । ( বাঙ্গালা ভাষায় ট-বর্ণই এইরূপ অনুকার-শব্দদ্বৈতের বৈশিষ্ট্য । ) উদাহরণ—« হাত-টাত, জল-টল, ঘোড়া-টোড়া, বই-টই, বাড়ী-টাড়ী » ইত্যাদি । ক্রিয়ায়—« গিয়ে-টিয়ে, ব’ল্লে-ট’ল্লে » ।

(খ) ক-যোগে—অবজ্ঞায় । « কাজ-কাজ, লুচি-ফুচি, টাকা-কাকা, মুড়ি-



ফুড়ি, কাঠ-কাঠ, তাস-কাস » ; বহুল প্রযুক্ত নহে। ক্রিয়ায়—« সেখানে গিয়ে-ফিরে কাজ নেই » ।

(গ) স-যোগে—সাধারণ-ভাবে, একটু আদর বা কোমলতার আভাস ; যথা—« মুড়ি-সুড়ি, জড়-সড়, মোটা-সোটা, রকম-সকম, নরম-সরম, বোকা-সোকা, জো-সো, বুড়ো-সুড়ো, আঁট-সাঁট ; গুটিয়ে'-সুটিয়ে' » ।

(ঘ) ম-যোগে—অপ্ৰীতি বা রক্ষণভাব ; খুব কম ব্যবহৃত ; যথা—« লুচি-মুচি, ঘুষো-মুষো, তেল-মেল \* ।

(ঙ) অন্ত বর্ণ ( স্বর ভূ ব্যঞ্জন—উভয় ) পরিবর্তন করিয়া যে শব্দদ্বৈত হয়, তাহাতে বহু স্থলে অনুকার-শব্দ মৌলিক শব্দ ছিল ; যথা—« কাপড়-চোপড় (=চপড়ী), আশ-পাশ (=সংস্কৃতে 'অশ্বে পার্শ্বে'), রস-কষ, তাড়া-ছড়া, চোট-পাট, হাড়ি-কুঁড়ি, আলাপ-সালাপ (=আলাপ ও সালাপ), ছুতা-নাতা (=সূত্র ও নক্তক = 'কাপড়ের টুকরা'), খাবার-দাবার ( খাওয়া-দাওয়া দ্রষ্টব্য ), আঁক-জোখ, সাজ-গোজ, চুকে'-বুকে', জুটে'-পুটে', লুটে'-পুটে', ব'কে-ঝ'কে, মিল-জুল, মাপা-জোখা, বাছা-গোছা » ইত্যাদি। এই শ্রেণীর শব্দদ্বৈত, « কাজ-কর্ম, লোক-জন, গরীব-দুঃখী, আলাপ-পরিচয়, হাঁক-ডাক, হাসি-খুশী » প্রভৃতি সমার্থক বা সদৃশার্থক শব্দের ( অথবা অনুবাদাত্মক-দ্বন্দ্ব ) সমাসের অনুরূপ ।

(চ) কোনও-কোনও স্থলে অন্য বা অন্য শব্দটী, পরে অথবা পূর্বে স্থিত মূল শব্দের নিরর্থক প্রতিধ্বনি-মাত্র, এবং মূল শব্দটীও বহু স্থলে ধ্বনি-ছোতক, বিশেষ-অর্থ-হীন শব্দমাত্র ; যথা—« উস-খুস, উসকা-খুসকা, ( < খুস্ = কারসী ... শব্দ = 'খুস' ), নজ-গজ, হাঁস-ফাঁস, আই-টাই, কাচু-মাচু, নিশ-পিশ, আবোল-তাবোল, আগড়ম-বাগড়ম, আবুড়া-খাবুড়া > এবড়ো-খেবড়ো, ছট-কট, তড়-বড়, হিজি-বিজি, কষ্ট-নষ্ট ( 'নষ্ট' মূল শব্দ ), আঁকু-পাঁকু বা হাঁকু-বাঁকু, হাব্-জা-গোব্-জা, লট-খটে', তড়-ব'ড়ে » ইত্যাদি ।

## অনুশীলনী

- ১। 'সমাস' কাহাকে বলে? 'সমাস' মুখ্যতঃ কয় প্রকারের হয়, এবং কি কি? উদাহরণ দাও।
- ২। উদাহরণ দিয়া ব্যাখ্যা কর :—  
সমাহার দ্বন্দ্ব ( C. U. 1944 ) ; দ্বন্দ্ব সমাস ( C. U. 1943 ) ; নিত্য সমাস ( C. U. 1944 ) ; বহুব্রীহি ( C. U. 1942 )।
- ৩। তিনটি পদের সমাস ভাঙ্গিয়া লিখ ও সমাসের নাম উল্লেখ কর :—কাগজপত্র, বিলাত-ফেরত, সপ্তাহ, ছায়াতরু, মনোরমা, ঘর-জামাই। ( C. U. 1942 )
- ৪। 'উপমিত' ও 'রূপক' সমাসের পার্থক্য কি, দৃষ্টান্ত দিয়া বুঝাইয়া দাও।
- ৫। নিম্নলিখিত পদগুলি সমাস করিয়া বল, এবং সমাসের নাম ও নিয়ম বল :—  
হৃন্দর গন্ধ যাহাতে, বিশ গজ লম্বা বাহা, সমান গোত্র বাহার, পুত্রের সহিত বতমান, অনু গ্রাম, নদী মাতা যে দেশের, কুৎসিত আচার, কেবল দুষ্ক, জাতার পুত্র, এক চোখ বাহার, কোসল দেশের রাজা, রাজার অনুগ্রহ, মহৎ লোকের কৃপা, পুত্রের দিন, মুখ্য দিন, দিন দিন, ঠিক কালে।
- ৬। নিম্নলিখিত সমাসগুলির ব্যাস-বাক্য কর ও সমাসের নাম বল :—  
সুহৃৎ, ঋপদ, আজীবন, গায়ে-হলুদ, শশিশেখর, ফণিভূষণ, মহাশয়, অপরাহ্ন, কদর্যা, সজাতি, অন্তমনস্ক, ইচ্ছাপূর্বক, প্রত্যাষ, কামড়াকামড়ি।
- ৭। নিম্নলিখিত পদগুলি পরপদ-রূপে প্রয়োগ করিয়া সমস্ত-পদ প্রস্তুত কর :—  
উচিত, অক্ষি, ক্ষমা, প্রতিজ্ঞা, কর, কায়, প্রায়, রাজন।
- ৮। নিম্নলিখিত পদগুলি পূর্বপদ-রূপে প্রয়োগ করিয়া সমস্ত-পদ প্রস্তুত কর :—  
অবশ্য, বাঁত, কু, হীন, পাদ, সভা, অহন, রাত্রি, আ, অ, বে, গর, হেড, ফুল।
- ৯। 'শব্দ-দ্বৈত' কাহাকে বলে? 'শব্দ-দ্বৈত' বাঙ্গালায় কয় প্রকারের হইয়া থাকে?


## শব্দ-রূপ

### নাম-পর্যায়

### বিশেষ্যের শ্রেণীবিভাগ

যে পদ বা শব্দ, কোনও বস্তু, সংজ্ঞা, জাতি, ভাব বা গুণ, কার্য অথবা সমষ্টি বুঝায়, তাহাকে নাম বা বিশেষ্য বলে। বিশেষ্য পদের দ্বারা সাধারণতঃ কোনও কিছুই নাম প্রকাশিত হইয়া থাকে।

ইংরেজী ব্যাকরণে সাধারণতঃ বিশেষ্য-শব্দের শ্রেণী- বা জাতি-বিভাগ এইরূপে করা হয় :—



বাঙ্গালায় এই প্রকারের শ্রেণী-বিভাগের বিশেষ সার্থকতা নাই।

## লিঙ্গ

জগতে বস্তু-সমূহ, পুরুষ, স্ত্রী, ও ক্লীব—এই তিন শ্রেণীতে পড়ে। পুরুষ-জাতীয় বস্তুর নামকে **পুংলিঙ্গ**, স্ত্রী-জাতীয় বস্তুর নামকে **স্ত্রীলিঙ্গ**, এবং ক্লীব-জাতীয় বস্তুর নামকে **ক্লীবলিঙ্গ**, বলা হয়।

বাঙ্গালা ভাষায় তিনটি লিঙ্গ স্বীকৃত হয় : পুংলিঙ্গ, স্ত্রীলিঙ্গ ও ক্লীবলিঙ্গ। কিন্তু কতকগুলি বিশেষ শব্দ ভিন্ন, সাধারণতঃ প্রত্যয়- বা বিভক্তি-দ্বারা লিঙ্গের এই পার্থক্য বাঙ্গালায় জানানো হয় না। (কোথায়-কোথায় বাঙ্গালা বিশেষ্য-শব্দে লিঙ্গের পার্থক্য প্রত্যয়-দ্বারা দেখানো হইয়া থাকে, তাহা নিম্নে প্রদর্শিত হইতেছে।) সংস্কৃত ভাষায় কিন্তু সর্বত্রই লিঙ্গ-বিভেদ-প্রদর্শনের জন্য বিশেষ-বিশেষ প্রত্যয় ও বিভক্তির প্রয়োগ বিद्यমান।

বাক্যলা ভাষায় প্রাকৃতিক অবস্থান-অনুসারে লিঙ্গ-বিচার. হইয়া থাকে—ইংরেজীতেও এইরূপ রীতি। প্রাণীদিগের মধ্যে পুরুষগণের নাম পুংলিঙ্গ বলিয়া ধরা হয়, স্ত্রীদিগের নাম স্ত্রীলিঙ্গ বলিয়া ধরা হয়; এবং প্রাণহীন বা সংজ্ঞাহীন অথবা স্বভাবতঃ গমন-শক্তি-হীন বস্তু, অথবা ক্রিয়া বা ভাবের নাম, ক্রীবলিঙ্গ বলিয়া ধরা হয়; যথা—« বালক, ঘাঁড়, পুরুষ (boy, bull, male) », এগুলি পুংলিঙ্গ শব্দ; « বালিকা, গাই বা গাভী, স্ত্রী (girl, cow, woman) », এগুলি স্ত্রীলিঙ্গ শব্দ; « পাথর, গাছ, আকাশ, জল, পর্বত, রোদ, ছুরী, সমুদ্র, ঘুম, বই, সরম, রাগ, গাঙ্ (stone, tree, sky, water, mountain, sunshine, knife, sea, sleep, book, shame, passion, river) », এগুলি ক্রীবলিঙ্গ শব্দ। সংস্কৃতে কিন্তু এরূপ হয় না—কেবল প্রকৃতিকেই অনুসরণ করিয়া ব্যাকরণের লিঙ্গ-বিভাগ করে না; শব্দের প্রত্যয়-অনুসারে নামের লিঙ্গ নির্ণীত হয়—পুরুষ-বাচক ও স্ত্রী-বাচক বিশেষণও ব্যাকরণে ক্রীবলিঙ্গ-রূপে ব্যবহৃত হয়; যেমন—সংস্কৃতে « বৃক্ষঃ, প্রস্তরঃ, আকাশঃ, পর্বতঃ, সমুদ্রঃ, রাগঃ »—এগুলি পুংলিঙ্গ শব্দ; « জলম্, মিত্রম্ (= বন্ধু), রৌদ্রম্, কলত্রম্ (= স্ত্রী) »—এগুলি ক্রীবলিঙ্গ শব্দ; এবং « নিদ্রা, ছুরিকা, পুস্তিকা, লজ্জা, গঙ্গা »—এগুলি স্ত্রীলিঙ্গ শব্দ। যে সমস্ত ভাষায় প্রকৃতির বিরোধী অথচ ব্যাকরণানুযায়ী লিঙ্গ-বিভাগ বিদ্যমান, সেই সকল ভাষায়, স্ত্রীলিঙ্গ বা পুংলিঙ্গ বিশেষণের পূর্বে যে বিশেষণ বসে, সেই বিশেষণের পরিবর্তন হয়; যেমন—সংস্কৃতে « সুন্দরঃ পুরুষঃ, সুন্দরী নারী, মহান্ পর্বতঃ, বিশালঃ সাগরঃ, সুখদঃ সমীরঃ, সুখদা গঙ্গা, শীতলং জলম্ »; হিন্দুস্থানীতে, « अच्छা ভাত, अच्छী দাল; মীঠা বাত, মীঠা পানী; বড়া বেটা, বড়ী বহু; নয়্যা কাগজ, নয়্যে কিতাব »।

বাক্যলা ভাষায়—বিশেষ করিয়া চলিত-ভাষায়—উপর্যুক্ত প্রকারের লিঙ্গ-বিচার বা প্রয়োগ এক্ষণে প্রায় পাওয়া যায় না। আমরা বলি—« ভাল ছেলে, সুন্দর ছেলে, ভালো বা সুন্দর মেয়ে; লক্ষ্মী মেয়ে, লক্ষ্মী ছেলে; বড় ছেলে, বড় বউ, বড় গাছ, বড় ফুল » ইত্যাদি। কিন্তু সাধু-ভাষায় আগত সংস্কৃত শব্দে, সংস্কৃত প্রয়োগের অনুকরণে, বহু স্থলে স্ত্রীলিঙ্গবৎ প্রয়োগ হইয়া থাকে, অর্থাৎ শব্দের বিশেষণে স্ত্রী-প্রত্যয় সংযুক্ত হয়। রচনাশৈলী যখন গুরুগম্ভীর ও সংস্কৃতির অনুকারী করা হয়, তখন এই প্রকার স্ত্রী-প্রত্যয়ের প্রয়োগ অধিক করিয়া ঘটে। যথা—« সুন্দরী দুহিতা, কণ্ঠা, রমণী; বিদ্বান্ পুরুষ, বিদ্বাণী নারী; মহান্ জনসমাগম, মহতী সভা; মহীয়সী মহিলা; রোক্তমানা বালিকা; যুগ্ম গৃহ,

মৃন্ময়ী মৃতি ; সুশীল বালক, সুশীলা কন্যা ; স্নেহময়ী মাতা ; সস্তাপহারিণী নিদ্রা ; সুখময়ী উষা ; প্রধানা নায়িকা ; বিরহবিধুরা রাধা ; একাকিনী শোকাকুলা সীতা ; রত্নগর্ভা জননী ; কোকিল-কণ্ঠী গায়িকা ; মুখরা, প্রগল্ভা স্ত্রী ; সাধ্বী, পতিব্রতা নারী » ইত্যাদি । আ-কারান্ত, ঙ্গ-কারান্ত ও তি-প্রত্যয়ান্ত বহু বস্তু- ও ভাব-ব্যঞ্জক বিশেষ্য-শব্দ সংস্কৃতে স্ত্রীলিঙ্গ—বাঙ্গালাতেও তাহার অনুকরণ হয় ; যথা—« অর্থকরী বিদ্যা, পরা বিদ্যা, সর্বসহা ধরিত্রী, ধৈর্য্যশীলা নারী, স্বর্ণময়ী কাশী, তমিস্রা রজনী, যামিনী জ্যোৎস্না-মত্তা, ঘোরা যামিনী, ঐকান্তিকী নিষ্ঠা ( সেবা, প্রীতি, ভক্তি ), অচলা ভক্তি ; স্ত্রীবুদ্ধি প্রলয়ঙ্করী ; পুষ্পময়ী লতা ; বেগবতী নদী, কুলকুলুনাদিনী শ্রোতস্বতী ; পরস্বিনী ধেছু (গাভী), সবৎসা গাভী ; পঞ্চমবার্ষিকী জয়ন্তী, বার্ষিকী সভা ; চঞ্চলা ক্ষণপ্রভা, মনোহারিণী জ্যোৎস্না ; কিবা শোভা মনোলোভা, মায়াবিনী মরীচিকা, আশা কুহকিনী » ইত্যাদি ।

বাঙ্গালা ভাষায় কতকগুলি প্রত্যয় যোগ করিয়া পুং-বাচক শব্দের স্ত্রী-রূপ গঠিত হইয়া থাকে । এতদ্বিন্ন, কোনও-কোনও স্থলে পৃথক্ শব্দ-দ্বারা পুং-বাচক শব্দের স্ত্রী-রূপ ছোতিত হয় । উভয়লিঙ্গ-বাচক সাধারণ শব্দে পুং-বাচক ও স্ত্রী-বাচক শব্দ যোগ করিয়াও লিঙ্গ-নির্দেশ হইয়া থাকে ।

পুংলিঙ্গ শব্দের স্ত্রী-রূপ দুই প্রকারের হয় : (১) সেই শ্রেণীর বা জাতির স্ত্রীলোক বুঝাইবার জন্ত, এক (২) কোনও শ্রেণী বা জাতির পুরুষের পত্নীকে বুঝাইবার জন্ত ; যেমন—« ভাই » এই শ্রেণী বা পর্যায়ের স্ত্রী-রূপ হইতেছে « বোন » বা « ভগ্নী, ভগিনী », কিন্তু ভাইয়ের পত্নী অর্থে « ভাজ » শব্দ আছে । তদ্রূপ « নাতী—(১) নাতিনী, নাতনী—(২) নাত-বউ ; ভাগিনের বা ভাগিনা, ভাগনে—(১) ভাগিনেরী, ভাগনী—(২) ভাগিনের-বধূ, ভাগনে-বউ » ।

বাঙ্গালা ভাষায় স্ত্রী-বাচক শব্দ তিনটি উপায়ে গঠিত হয় :—

[১] পৃথক্ শব্দ-দ্বারা পুংলিঙ্গ-ও স্ত্রীলিঙ্গ-প্রদর্শন

(ক) বাঙ্গালা শব্দ

পুং	স্ত্রী ( পত্নী অর্থে )	স্ত্রী ( জাতি অর্থে )
বাপ, বাবা	মা	
বেটা, ছেলে, পো	বউ ( পুত্রবধু )	মেয়ে, ঝী ( বিয়ারী )
ভাই	ভাজ ( ভ্রাতৃবধু )	বোন, ভগিনী
জামাই	ঝী, মেয়ে	
ভাণ্ডর, দেওর	জা ( যা )	ননদ
দাদা	বউদিদি	দিদি
শুণ্ডর	শাণ্ডী	
তালুই, তাউই, তাঐ	মাউই, মারৈ, আবুই, আবুই-মা	
দাদামহাশয়	দিদিমা	
ঠাকুরদাদা	ঠাকুর(র)মা, ঠানদিদি	
মিনুসা, মিনুসে ( নিন্দায় )		মাগী
রাজা, রায়	রানী ( রাণী )	রানী
ঘাঁড়		গাই, গাভী

(খ) সংস্কৃত শব্দ

পুং	স্ত্রী	পুং	স্ত্রী
পিতা	মাতা	নর	নারী
জনক	জননী	পুত্র	কস্তা ( পুত্রের স্ত্রী অর্থে 'স্বা' বা 'পুত্রবধু' )
স্বামী	স্ত্রী, জায়া, সহধর্মিনী, ভার্য্যা, গৃহিণী,	শুণ্ডর	শশ্র
পতি	পত্নী	রাজা	রাজ্ঞী
বর	বধু, কস্তা, ক'নে	পুরুষ	প্রকৃতি, নারী, মহিলা
যুবা, যুবক	যুবতী, যুবতি	সখা	সখী

পুং	স্ত্রী	( 'শুক' অর্থে 'টিয়া', 'সারি' অর্থে 'সালিক' বা 'ময়না-জাতীয় পক্ষী'—বিভিন্ন জাতীয়; কিন্তু বাঙ্গালায় শব্দ দুইটা অজ্ঞ সাধারণের বিচারে পুং-ও স্ত্রী-বাচক হইয়া গিয়াছে। )
কর্তা	গৃহিণী, কর্ত্রী	
বিপত্নীক	বিধবা	
ভূত (প্রেত)	প্রেতিনী ( অধর্তৎসম 'পেত্নী' )	
বৃষ, ষণ্ড	গাবী ( প্রাকৃতজ 'গাভী' )	
শুক	সারি, সারিকা	

## (গ) বিদেশী শব্দ

পুং	স্ত্রী
নওশাহ, ছুলহা ( = বর )	ছুলহিন্ ( = বধু, ক'নে )
ভাই, দাদা	ভাবী ( = বউদিদি )
পাতিশাহ, বাদশাহ, নবাব	বেগম
সাহেব	সাহেবা, বিবি ; খানুম, খাতুন (পদবী)
সাহেব, গোরু	বিবি, মেম্ ( = ma'am, madam )
লর্ড, লাট	লেডী
মিষ্টান্ন ( = শ্রীযুক্ত )	মিস্ ( = কুমারী ), মিসেস্ ( = বিবাহিতা )
গোলাম	বাদী
চাকর ( কারসী শব্দ )	দাসী ; কী ( প্রাকৃতজ ),
খানসামা, খিদমৎগার	আয়া ( পোতু'গীজ শব্দ ) ।

## [২] সাধারণ শব্দে পুরুষ- অথবা স্ত্রী-বাচক

## শব্দ-যোগে লিঙ্গ-নির্দেশ

« বেটা, পুরুষ—মেয়ে, নারী, স্ত্রী, মহিলা ; মদ', মদা, নর—মাদী ; পুত্র—কন্যা »—প্রভৃতি কতকগুলি শব্দ-যোগে, বিশেষের লিঙ্গ-নির্দেশ হয়। « বউ, পত্নী » প্রভৃতি শব্দও স্ত্রীলিঙ্গে যুক্ত হয় ; যথা—« বেটা-ছেলে—মেয়ে-

ছেলে ; পুরুষ-মাতৃব—মেয়ে-মাতৃব, (কচিং মেয়ে-লোক) ; কবি (= পুরুষ-কবি) —  
মেয়ে-কবি, স্ত্রী-কবি, মহিলা-কবি, ('কবয়িত্রী') ; (পুরুষ) যাত্রী—মেয়ে-যাত্রী,  
স্ত্রী-যাত্রী ; গোসাই—মা-গোসাই ; (পুরুষ) সৈন্ত—মেয়ে-সৈন্ত, স্ত্রী-সৈন্ত,  
মেয়ে-কৌজ ; (পুরুষ) প্রতিনিধি—মহিলা-প্রতিনিধি ; নর-হাতী—মাদী-হাতী ;  
মদা- বা নর-চিল—মাদী-চিল, স্ত্রী-চিল ; নর-উট, মদা-উট—মাদী-উট,  
উটনী ; বৃষ, ষাঁড়, বলদ, ষাঁড়-গোরু—গাই-গোরু ; আড়িয়া বা এঁড়ে-বাছুর—  
নই-বাছুর, বকনা ( -বাছুর ) » ইত্যাদি ।

বহু স্থলে উভয়-লিঙ্গ-বাচক একটীমাত্র শব্দ-দ্বারা কার্য্য চলে, বাক্যের অর্থ  
ধরিয়৷ লিঙ্গ-নির্ণয় করিতে হয় ; যথা—« গোরুতে গাড়ী টানে ( এখানে গোরু =  
বলদ বা বৃষ ), গোরু দুধ দেয় ( গোরু = গাড়ী ) » ; তদ্রূপ « মহিষ » শব্দ—  
« মহিষে গাড়ী টানে, মহিষে দুধ দেয় » ; « পয়সায় বাঘের দুধ মিলে ; মধ্য-  
এশিয়ায় তুর্কীরা ঘোড়ার দুধ খায় » ইত্যাদি ।

[৩] পুং-বাচক নামের অন্তে প্রত্যয়-যোগে স্ত্রী-বাচক নাম-গঠন

(ক) বাঙ্গালা প্রত্যয়

[১] « -ঈ ( -ই ) » ( সংস্কৃত « ঈ »-প্রত্যয়ও আছে ; নিম্নে দ্রষ্টব্য ),  
তৎপত্নী বা তজ্জাতীয়া অর্থে পুংলিঙ্গকে স্ত্রীলিঙ্গে পরিণত করে ; যথা—  
« মামা—মামী ( মামী-মা ) ; কাকা—কাকী ( কাকী-মা ) ; খুড়া—খুড়ী  
( খুড়ী-মা ) ; জেঠা—জেঠী, জেঠাই ( জেঠাই-মা, জেঠা-মা ) ; সন্ত > সত,  
সং—সতী ; বামুন—বামনী ; বুড়া—বুড়ী ; ঘোড়া—ঘুড়ী ( <ঘোড়ী ) » ।  
স্ত্রীলিঙ্গার্থে « -ঈ ( -ই ) »-প্রত্যয় আজকাল বাঙ্গালার অনেকটা কমিয়া  
আসিয়াছে। « পাগল, পাগলা—পাগলী ; পেটুক—পেটুকী ; মুসলমান—মুসল-  
মানী ; ভাগিনা—ভাগিনী, ভাগ্নী ; বেঙ্গমা ( 'বিহঙ্গম' শব্দজাত )—বেঙ্গমী ;  
মোরগ—মুরগী ; ভেড়া—ভেড়ী ; ডাহুক—ডাহুকী ইত্যাদি » । « রূপসী,  
সজনী, ধনী »—এই তিনটি স্ত্রীলিঙ্গ শব্দের পুংরূপ বাঙ্গালায় প্রচলিত নাই ।



[২] «-ন্», প্রসারে «-নী, -নি, -অনী, -ইনি, -উনি, -ঊন্» ইত্যাদি। ( «-অনী, -ইনী» সংস্কৃতেও আছে )। «বেহাই—বেহাইন্, বেয়ান; নাভী—নাভিন্, নাভিনী, নাভনী; কামার—কামারনী; কুমার—কুমারনী; গোয়লা (গয়লা)—গোয়ালিনী (গয়লানী); ভিখারী—ভিখারিনী; নাপিত—নাপিতানি, নাপিতিনী; পণ্ডিত—(কাশ্মীরী) পণ্ডিতানী, পণ্ডিতা; ওস্তাদ—ওস্তাদনী; ডোম—ডোমনী,» ইত্যাদি। কতকগুলি শব্দে দুইপ্রস্থ স্ত্রী-প্রত্যয় প্রযুক্ত হইয়াছে; যথা—«সতীন (‘সপত্নী’ হইতে ‘সৎ’ বা ‘সতা’ শব্দ, যেমন ‘সৎ-মা’; ‘সৎ+ঈনী, ঈন্=সতীনী, সতীন’); ননদ (মূলে স্ত্রীলিঙ্গ শব্দ—তাহাতে স্ত্রী-প্রত্যয় ‘ইনী’ যোগ করিয়া)—‘ননদিনী’» ইত্যাদি।

### (খ) সংস্কৃত প্রত্যয়

[১] «-আ»; যথা—«বৈবাহিকা, দ্বিজা; আৰ্যা; কুশা; স্থলা; প্রাচীনা; মহাশয়া; সদাশয়া; মাতুলা; বলাকা; প্রবীণা; নবীনা; সরলা; কোকিলা; অশ্বা (অশ্বী); চটকা; ক্রৌঞ্চা; কুটীলা; নিবেদিতা; মৃত্তা; জীবিতা; পণ্ডিতা; মূৰ্খা; সেবকা» ইত্যাদি।

[২] «-অনী»; পত্নী অর্থে—«ভবানী (ভব); ব্রহ্মাণী (ব্রহ্মা); ইন্দ্রাণী, মহেন্দ্রাণী; বরুণাণী (‘বারুণী’—বরুণের স্ত্রী অর্থে—উপরন্তু বাঙ্গালার পাওয়া যায়); মাতুলানী (মাতুলা, মাতুলী); উপাধ্যায়ানী, উপাধ্যায়ী (পত্নার্থে; স্ত্রী-জাতীয় উপাধ্যায়-অর্থে ‘উপাধ্যায়’ বা ‘উপাধ্যায়ী’); শূদ্রাণী (বা শূদ্রী); ক্ষত্রিয়াণী (বা ক্ষত্রিয়ী); বৈশ্যানী (পত্নার্থে; তত্তৎজাতীয়া স্ত্রী-অর্থে—‘শূদ্রা, ক্ষত্রিয়া, বৈশ্যা’); আচার্যানী (স্ত্রী-আচার্য = আচার্যা)»। «হিম্যানী, অরণ্যানী (বরানী)»—এখানে ধরা যায়; এগুলি কিন্তু ‘নিপাতনে সিদ্ধ’ (অর্থাৎ রীতি-বর্হিত্ত)।

[৩] «-ইকা»; «-অক»-প্রত্যয়ান্ত শব্দের উত্তর স্ত্রীলিঙ্গে «ইকা» হয়; যথা—«লেখিকা, পাচিকা, প্রচারিকা, সংস্কারিকা, বালিকা, বাহিকা, চালিকা, ভক্ষিকা, প্রেরিকা»। নব-নৃষ্ট শব্দ—«ব্রাহ্ম—ব্রাহ্মিকা»। কিন্তু

« রজক—রজকী (রজকিনী), নত'ক—নত'কী »। স্ত্রী-জাতীয় সেবক অর্থে বাঙ্গালায় « সেবিকা » চলে। 'ক্ষুদ্র' অর্থেও এই স্ত্রী-বাচক «-ইকা»-প্রত্যয় হয়—« পুস্তক—পুস্তিকা; মালা—মালিকা; চয়ন—চয়নিকা » ইত্যাদি।

[৪] «-ঈ» ; « কুমারী, কিশোরী, পুত্রী, নত'কী, স্নন্দরী, নটী, ব্রাহ্মণী, দৌহিত্রী, ভাগিনেয়ী, গোপী, পিতামহী, পাত্রী, ময়ূরী, উষ্ট্রী, হংসী, অশ্বী (অশ্বা), মৎসী, ভূজঙ্গী (ভূজঙ্গিনী), কুরঙ্গী, ব্যাঘ্রী, গদ'ভী, কুকুরী, বিড়ালী, শূকরী, সারমেয়ী, হরিনী, শাদুলী, ঘোটকী, ভল্লুকী, মৃগী, সিংহী, বিহঙ্গী, কপোতী, হেমান্দী, তন্বী (তনু), কিঙ্করী, পিশাচী, গুর্বা (গুরু), লঘ্বী (লঘু), বৈষ্ণবী, দেবী, মানবী, ঈশ্বরী, শঙ্করী, নারায়ণী » ইত্যাদি। « নর—নারী »—এখানে «-ঈ» প্রত্যয়ের সাধন, রীতি-বর্হিভূত। « নদ—নদী »—এখানে হ্রস্বার্থে এই প্রত্যয়ের ব্যবহার। অন্ত «-ঈ»-প্রত্যয়ান্ত স্ত্রীলিঙ্গ শব্দ, যথা—« অমুচরী; অর্থকরী বিদ্যা; স্ত্রীবুদ্ধি প্রলয়ঙ্করী, শুভঙ্করী, কিঙ্করী; সহচরী; মাদৃশী, ঈদৃশী, সদৃশী, যাদৃশী; স্বর্গময়ী, মৃন্ময়ী, জলময়ী; চতুর্থী, পঞ্চমী, ষষ্ঠী, সপ্তমী, অষ্টমী, নবমী, দশমী, একাদশী, দ্বাদশী, ত্রয়োদশী, চতুর্দশী, পঞ্চদশী, ষোড়শী, সপ্তদশী, অষ্টাদশী »;—« চতুর্দশী » পর্য্যন্ত এই ক্রম-বাচক শব্দগুলি, ক্রম জানাইতে ও তিথি জানাইতে প্রযুক্ত হয়; কিন্তু « প্রথমা, দ্বিতীয়া, তৃতীয়া »—এইগুলির বেলায় «-আ»-প্রত্যয় হয়; এবং এই শব্দগুলির মধ্যে « ষোড়শী » ইত্যাদি কতকগুলি শব্দ, তত্তদ্বর্ষ-বয়স্কা কন্তা-অর্থে বহুশঃ ব্যবহৃত হইয়া থাকে।

**মন্তব্য**—জাতি-বা শ্রেণী-বাচক অ-কারান্ত সংস্কৃত শব্দ (মানব ও ইতর-প্রাণী, উভয়-শ্লোক) «-ঈ»-প্রত্যয় সাধারণ নিয়ম (« মানব—মানবী, হংস—হংসী » ইত্যাদি); কিন্তু কচিং «-আ»-প্রত্যয়ও হয়; যথা—« শূদ্র—শূদ্রা, কোকিল—কোকিলা, অশ্ব—অশ্বা, অজ—অজা »। কতকগুলি «-ক»-বা «-অক»-প্রত্যয়ান্ত পুংলিঙ্গ শব্দের স্ত্রী-রূপে «-ইকা»-প্রত্যয়ের পরিবর্তে «-কী» বা «-অকী» হয়; যথা—« রজক—রজকী, নত'ক—নত'কী, খনক—খনকী »।

[৪ক] «-ইনী» ; «ইনু»-প্রত্যয়ান্ত নামের উত্তর স্ত্রী-লিঙ্গে «-ইনী» (-ইন+ঈ) হয় ; অতএব এই প্রত্যয় «-ঈ»-প্রত্যয়েরই অন্তর্গত। «পক্ষিণী, হস্তিনী, করিণী, বিদেশিনী, তরঙ্গিনী, বিনোদিনী, কামিনী, ধারিণী, গামিনী, দুঃখিনী ( অর্থতৎসম 'দুঃখিনী' ), ধনশালিনী, মালিনী ( অর্থ—'যে স্ত্রীলোকের মালা আছে' ; 'মালী' শব্দের স্ত্রীলিঙ্গে যে 'মালিনী' তাহা হইতেছে 'মালী+বাঙ্গালা প্রত্যয় -নী' ) ; সন্ন্যাসিনী, নিবাসিনী, বিলাসিনী, আলাপিনী, কল্লোলিনী » ইত্যাদি। বাঙ্গালায় বহুশঃ ন-কার-যুক্ত এই প্রত্যয়, শুদ্ধ «-ঈ»-প্রত্যয়ের স্থান গ্রহণ করিয়াছে। প্রাচীন বাঙ্গালায়, «-ইনী»-প্রত্যয়ের প্রতি লোকের একটা আসক্তি পাওয়া যায়, তজ্জন্য সংস্কৃত ব্যাকরণ-মতে অসিদ্ধ বহু «-ইনী»-যুক্ত স্ত্রী-লিঙ্গ শব্দ বাঙ্গালায় গঠিত হয় ; যথা— «কুরঙ্গিনী, চাতকিনী, হেমাঙ্গিনী, মাতঙ্গিনী, পাগলিনী, চণ্ডালিনী, রজকিনী, ভূঙ্গিনী, গোয়ালিনী, সাপিনী, বাঘিনী, সিংহিনী, বিহঙ্গিনী, কাঙ্গালিনী, ভিখারিনী, শ্বেতাঙ্গিনী, হংসিনী, গৃধিনী ( <গৃধ ) » ইত্যাদি। «অদীন» শব্দের স্ত্রীলিঙ্গে «অদীনা», কচিৎ ভ্রমক্রমে ইহা «অদীনী» বা «অদিনী» রূপেও লিখিত হয় ( যেন «-ইনী»-প্রত্যয়ান্ত রূপ )।

[৪খ] «-বিন্+ঈ=-বিনী» : «যশস্বিনী, তেজস্বিনী, পয়স্বিনী, মারাবিনী, মেধাবিনী, ওজস্বিনী, শ্রোতস্বিনী» ।

[৪গ] «তৃ (প্রথমায় -তা)»-প্রত্যয়ান্ত বিশেষ্যের স্ত্রীলিঙ্গে «তৃ=ত্+ঈ=-ত্ৰী» হয় ; যথা—«কর্তা=(কতৃ)—কর্ত্রী ; দাতা=(দাতৃ)—দাত্ৰী ; ধাত্ৰী, জগদ্ধাত্ৰী ; জনয়িত্ৰী ; পাত্ৰী ( <'পাতা'=পালনকারী ; 'পাত্ৰ' হইতেও «ঈ»-প্রত্যয় যোগে «পাত্ৰী» ) ; প্রসবিত্ৰী, গম্ভী » ।

«তৃ»-প্রত্যয়ান্ত কতকগুলি নিত্য স্ত্রীলিঙ্গ শব্দের উত্তর «-ঈ (ত্ৰী)» হয় না ; যেমন—«মাতা (মাতৃ), স্বসা (স্বসৃ), ননন্দা (ননন্দৃ), যাতা (যাতৃ—'জা'—স্বামীর ভ্রাতার স্ত্রী অর্থে)» ।

[৪ঘ] শত্ (অৎ বা অন্ত)-প্রত্যয়ান্ত শব্দের উত্তর «অৎ+ঈ=-অতী

( কচিং -অস্তী ) » প্রত্যয় হয় ; যথা—« সং—সতী ( সংস্কৃত শব্দ রূপে ) ; বৃহৎ—বৃহতী ; মহান্, মহৎ—মহতী ; সুদন্ত- সুদন্তী ( সুদন্তী, সুদন্তা ) ; ভবিষ্যৎ—ভবিষ্যতী বা ভবিষ্যন্তী » ।

[৪৬] « বৎ, মৎ, ঈয়স্ »-প্রত্যয়ান্ত শব্দে পুংলিঙ্গে « বান্, মান্, ঈয়ান্ » হয়, স্ত্রীলিঙ্গে « -বতী, -মতী, -ঈয়সী » হয় ; যথা—« ধনবান্—ধনবতী ; রূপবান্—রূপবতী ; গুণবান্—গুণবতী ; শ্রীমান্—শ্রীমতী ; আয়ুমান্—আয়ুস্বতী ; সরস্বতী ; বিদ্বাবান্—বিদ্বাবতী ( বিদ্বান্ < বিদ্বস্—বিদ্বসী ) ; বিলাসবতী ; ভগবান্—ভগবতী ; গরীয়ান্—গরীয়সী ; মহীয়ান্—মহীয়সী ; প্রেয়ান্ ( প্রেয়ঃ )—প্রেয়সী ; শ্রেয়ান্ ( শ্রেয়ঃ )—শ্রেয়সী ; ভূয়ান্ ( ভূয়ঃ )—ভূয়সী » ।

[৪৭] « রাজন্ ( রাজা )+ঈ = রাজ্ঞী ; খ্যাতনামা ( খ্যাতনামন্ )+ঈ = খ্যাতনাম্নী ; নর+ঈ = নারী » ।

[৫] কতকগুলি শব্দে বিকল্পে « -আ » বা « -ঈ » হয় : « বিশাল—বিশালা, বিশালী ; চণ্ড—চণ্ডা, চণ্ডী ; রূপণ—রূপণা, রূপণী ; ভাবুক—ভাবুকা, ভাবুকী » ।

[৬] বহুব্রীহি-সমাসের পরবর্তী, অঙ্গ-বাচক শব্দে বিকল্পে « -ঈ » বা « -আ » হয় ; যথা—« সুকেশ—সুকেশা, সুকেশী ; চন্দ্রমুখা, চন্দ্রমুখী ; সুমুখা, সুমুখী ; কুশোদরা, কুশোদরী ; সুকণ্ঠা, সুকণ্ঠী ; তাম্রনখা, তাম্রনখী ; সুদন্তা, সুদন্তী, সুদন্তী » ( বাঙ্গালায় « -ঈ »-কারান্ত রূপই অধিক প্রচলিত ) ।

কিন্তু « নেত্র » ও « ভূজ » প্রভৃতি কতকগুলি শব্দ, এবং « নাসিকা » ও « উদর » ভিন্ন দুইয়ের-অধিক-স্বর-বিশিষ্ট অঙ্গ-বাচক শব্দের উত্তর « -ঈ » হয় না । যথা—« দশভূজা, ত্রিনেত্রা, দ্বিভূজা, শশিবদনা, মৃগনয়না » ( কিন্তু « শশিবদনী, মৃগনয়নী » বাঙ্গালা কবিতায় ব্যবহৃত হয় ) ।

[গ] স্ত্রীলিঙ্গ হইতে পুংলিঙ্গ : কতকগুলি পুংলিঙ্গ শব্দ স্ত্রীলিঙ্গের আধারের উপর প্রস্তুত হইয়াছে ; যথা—« নন্দাই ( = ননন্দপতি ), বোনাই ( = ভগিনীপতি ), পিসা ( = পিউসা < পিউসী বা পিসী ), মেসো ( = মাসুয়া, মাউসা < মাসী বা মাউসী ) » ।

[ঘ] দুই-একটি শব্দ নিত্য পুং, বা নিত্য স্ত্রী : « বিপত্নীক, সভাপতি ( সংস্কৃতে পুং ও স্ত্রী, বাঙ্গালার কেবল পুং ) ; অঙ্গনা, সজনী, রূপসী » ।

[ঙ] বিদেশী স্ত্রী-প্রত্যয়—[১] তুর্কী « -অম্ » : « বেগ্—বেগম্ ; খান—খানম্, পাহুম্ » ; [২] আরবী ও ফারসী « অহ্ = আ » : « সুলতান—সুলতানা, মালিক—মালিকা, ওয়ালিদ ( = পিতা )—ওয়ালিদা ( = মাতা ) » ; তদ্রূপ, মুসলমান মেয়েদের নামে—« হালিমা, জরীনা, কাতিমা, নাদিরা, সাকিনা, লায়লা, জোহরা » প্রভৃতি ।

### বচন

যাহার দ্বারা পদার্থের সংখ্যার বিষয়ে আমাদের বোধ জন্মে, তাহাকে **বচন** (Number) বলে । একটা বস্তু বুঝাইলে **এক-বচন** বলে ; যেমন— « মানুষ, গাছ, পাখী, ধ্বনি, ধর্ম » । একাধিক বস্তু বুঝাইলে **বহু-বচন** বলে, যেমন— « মানুষেরা, গাছগুলি, পাখীসব, ধ্বনিসমূহ, ধর্মসকল » । বাঙ্গালা-ভাষায় এক-বচন ও বহুবচন-মাত্র স্বীকৃত হয় ।

কোনও-কোনও ভাষায় একবচন ব্যতীত একটা দ্বিবচনও স্বীকৃত হয় ; যেমন—সংস্কৃতে, « অখঃ ( = একটা ঘোড়া )—অখৌ ( = দুইটা ঘোড়া )—অখাঃ ( = ঘোড়া-সকল ) » ; সাঁওতালীতে « সাদম্—সাদম্‌কিন্—সাদম্‌কো » । কিন্তু সাধারণতঃ আধুনিক ভাষাগুলিতে দুইটা বচনই স্বীকৃত হয় ।

বাঙ্গালা ভাষায় এক-বচনের জন্ত বিশেষ কোনও প্রত্যয় নাই—নাম বা শব্দ স্বয়ংই এক-বচনে ব্যবহৃত হয় । বহু-বচনের জন্ত শব্দের উত্তর কতকগুলি প্রত্যয় যুক্ত হয়, এবং সমষ্টি-বাচক কতকগুলি শব্দও সংযোজিত হয় ।

**প্রত্যয়** : « রা, এরা, দিগ, দিগের; দেয়, গুলি, গুলা » ;

**সমষ্টি-বাচক শব্দ** : « গণ ; কুল ; বৃন্দ ; জন ; আদি, আদিক ; লোক ; সকল ; সব ; সভা ; বর্গ ; রাশি ; সমূহ ; সমুচয় ; নিচয় ; মালা ; আবলী » ইত্যাদি ।

বাঙ্গালা ভাষায় কখনও-কখনও বহু-বচনের জন্ত কোনও প্রত্যয় অথবা সমষ্টি-বাচক শব্দ যুক্ত হয় না, এক-বচনের রূপের দ্বারাই বহু-বচন ছোঁতিত হইয়া থাকে ।

এরূপ ক্ষেত্রে, ব্যাক্যের অর্থ ধরিয়। এক-বচন অথবা বহু-বচন বুঝিতে হয় । শব্দের পূর্বে সংখ্যা-বাচক বিশেষণ বসিলে, বহু-বচনের চিহ্ন যুক্ত হয় না ; যথা—« পাঁচজন মানুষ (‘পাঁচজন মানুষেরা’ নহে), দুইটা ঘোড়া, তিনটা মনোবৃত্তি » ইত্যাদি । কখনও-কখনও সংখ্যা- বা সমষ্টি-বাচক শব্দ, নাম-শব্দের পরে বসে—তাহাতে নামটা বিশেষিত হয় ; যথা—« মানুষ পাঁচজন, মেয়ে তিনটা ( = বিশেষ পাঁচজন মানুষ, বিশেষ তিনটা মেয়ে ) » ।

সর্বনাম-পদ নাম-শব্দের বিশেষণ-রূপে বসিলে, সমষ্টি-বাচক শব্দগুলি সর্বনামের সঙ্গে যুক্ত হইয়া থাকে ; যথা—« যে-সকল মানুষ (‘যে মানুষ-সকল’ নহে) ; সে-সব কথা ; যত-সব ছুঁষ্ট ছেলের কাজ » ইত্যাদি ।

### বহুবচন-স্তোপক প্রত্যয়ের প্রয়োগ

[১] « -রা, -এরা » : এই দুইটা মূপাতঃ চলিত-ভাষার প্রয়োগ, সাধু-ভাষাতেও ব্যবহৃত হয় ; কিন্তু সাধু-ভাষায় « গণ, সমূহ, বর্গ, বৃন্দ » প্রভৃতি সংস্কৃত সমষ্টি-বাচক শব্দই সমধিক প্রযুক্ত হয় । যেমন—« আমরা, তোমরা, এরা, তাহারা, দেবতারা, গন্ধর্বেরা, মূনিরা, ব্রাহ্মণেরা, শিশুরা, পীরেরা, কেরেশ্বারা, ইউরোপীয়েরা, পণ্ডিতেরা » ইত্যাদি । তদ্রূপ, « পাখীরা, পশুরা » । অপ্ৰাণি-বাচক শব্দে « রা »-প্রত্যয় হয় না ; « গাছেরা, পাতারা » অপপ্রয়োগ-জাত । তবে অপ্ৰাণি-বাচক বস্তুতে প্রাণ বা চেতনা-শক্তি কল্পনা করিয়া, « রা »-প্রত্যয় চলিতে পারে : « আকাশের তারারা অতুল নয়নে চাহিয়া আছে » । অনেক সময়ে « -রা, -এরা »-প্রত্যয়ের সহিত « সব » এই শব্দটা ব্যবহৃত হয়— « পণ্ডিতেরা সব, তাহারা সব, পশুরা সব » ।

শব্দটা উচ্চারণে ব্যঞ্জনাস্ত হইলে, « -এরা » প্রযুক্ত হয় ; স্বরাস্ত হইলে, « -রা » যুক্ত হয় । কিন্তু « অ »-কারাস্ত পদে বিকল্পে « -এরা » যুক্ত হয় ; এবং কচিৎ ব্যঞ্জনাস্ত শব্দে « -এরা » না হইয়া « -রা » দেখা যায়, কিন্তু তাহা বিরল ; যথা—« রাখাল—রাখালেরা ; পণ্ডিত—পণ্ডিতেরা ; রাজা—রাজারা ; মূনিরা ; স্থধীরা ; সাধুরা ; বধুরা ; গোরারা ; মন্দরা, মন্দেরা ; মদ'রা, মদেরা ; অন্ধরা, অন্ধেরা ; ( কিন্তু « ভালরা, কালরা »—উচ্চারণে [ ভালো, কালো ]—« ভালেরা, কালেরা »

হইবে না); গাড়োয়ানবা, গাড়োয়ানেরা; মুসলমানরা, মুসলমানেরা »। লক্ষণীয়—« মা—মায়েরা » ( « মারা » নহে—প্রাচীন বাঙ্গালার 'মা'-শব্দের পূর্ণ রূপ ছিল « মাঅ » বা « মায় », তাহা হইতে « মায়েরা » ); নেপাই—সেপাইরা সেপাইয়েরা ( অর্থাৎ সেপায়+এরা ) » ।

« -রা, -এরা » কেবল কর্তৃকারকে প্রযুক্ত হয়। কর্তা ব্যতীত অন্য কারকে—

[২] « দিগ, দিগের, দিগে, দিকে, দে, এদের, দেয় »—এই প্রত্যয়গুলি ব্যবহৃত হয়। সাধারণতঃ যেখানে কর্তায় « রা, এরা » আইসে, সেখানে অন্য কারকে এই প্রত্যয়গুলি ব্যবহৃত হয়। যথা—« বালক-দিগকে, শিক্ষক-দিগের, তোমাদিকে, ভদ্রলোকেদের বা ভদ্রলোকদের, ব্রাহ্মণদের » ইত্যাদি।

[৩] « গুলা, গুলি »—প্রাণিবাচক ও অপ্ৰাণি-বাচক, উভয় প্রকার নামের সঙ্গে এই প্রত্যয় যুক্ত হয়। অনাদরে—« গুলা » ( চলিত ভাষায় « গুলা »-র পরিবর্তন « গুলো »—স্বর-সঙ্গতির নিয়ম-অনুসারে ), আদরে « গুলি » ; যথা—« গোরুগুলি, শূয়ারগুলি, বদমাইশগুলি, ফুলগুলি, লক্ষ্মী মেয়েগুলি, পাজী ছেলেগুলি; পাহাড়গুলি, ঝরনাগুলি » ইত্যাদি। উচ্চশ্রেণীর বা সম্মানার্থ ব্যক্তিগণের নামবাচক শব্দে « গুলা » বা « গুলি » প্রযুক্ত হয় না; যথা—« দেবতাগণ, ঋষিগণ, শিক্ষকগণ »—« গুলা » বা « গুলি » নহে।

« গুলা, গুলি », কর্তা ও অন্য সমস্ত কারকেই ব্যবহৃত হয়।

### বহুবচন-জ্ঞাপক শব্দাবলী

বাঙ্গালার নামের সহিত যুক্ত বহুবচন-জ্ঞাপক শব্দাবলী সাধারণতঃ সংস্কৃত হইতে গৃহীত, এবং এগুলি সংস্কৃত বা তৎসম শব্দের সহিতই প্রযুক্ত হয়, প্রাকৃতজ শব্দের সহিত হয় না; যেমন—« বালকবৃন্দ » ( « ছেলেবৃন্দ » নহে—« ছেলেরা » বা « ছেলেগুলি » ); « আম্রসমূহ » ( কিন্তু « আমগুলি, আমগুলি » )। কিন্তু বহু-বচনের এই-সব সংস্কৃত শব্দ বিদেশীয় শব্দের সহিত প্রযুক্ত হয়; যথা—« নবাবগণ, ইউরোপীয়গণ, মুরীদ-সমূহ »; « মুসলমানগণ », কিন্তু « গোরাগণ » নহে।

« গণ, সকল, সমূহ, নিচয়, বৃন্দ » প্রভৃতি শব্দগুলির মধ্যে অনেকগুলি সাধারণ-ভাবে সমস্ত প্রকার বিশেষ্যের সহিত ব্যবহৃত হইতে পারে, আবার কতকগুলি কেবল বিশেষ-বিশেষ অর্থের বিশেষ্য-পদের সহিতই যুক্ত হয়। এগুলির কোনটী কি প্রকারের মূল-শব্দের সহিত ব্যবহৃত

হইবে, তাহা অনেকটা সংস্কৃতের রীতি-অনুসারেই নির্দিষ্ট হইয়া ; যেমন—« নক্ষত্রমালা » ( কিন্তু « অধ্যাপক-মালা » নহে ; অপব, « নক্ষত্রসমূহ, অধ্যাপক-সমূহ » ) । নিম্নে এইরূপ বহুবচন-ছোটক শব্দ-সম্বন্ধে সাধারণ রীতি নির্দিষ্ট হইতেছে ।

- (১) « আবলী »—অপ্রাণি-বাচক ; « চরিতাবলী, রত্নাবলী, চিত্রাবলী, নামাবলী, নক্ষত্রাবলী » ; কচিৎ প্রাণি-বাচক—« পদ্মাবলী » ।
- (২) « কুল »—প্রাণি-বাচক « অলিকুল, ধেমুকুল » ।
- (৩) « গণ »—প্রাণি-বাচক, বিশেষতঃ মনুষ্য-ও দেবতা-বাচক ।
- (৪) « গ্রাম »—অপ্রাণি-বাচক : « ইন্দ্রিয়গ্রাম » ।
- (৫) « চয় »—অপ্রাণি-বাচক ।
- (৬) « জন »—প্রাণি-বাচক : « বিদ্বজ্জন, বিবুধজন, পণ্ডিতজন » ।
- (৭) « দাম »—অপ্রাণি-বাচক : « লতাদাম, বিদ্বাদাম » ।
- (৮) « নিকর »—অপ্রাণি-বাচক ।
- (৯) « নিচয় »—অপ্রাণি-বাচক ।
- (১০) « মণ্ডল »—অপ্রাণি-বাচক : « মেঘ-মণ্ডল » । « মণ্ডলী »—প্রাণি-বাচক : « ভদ্র-মণ্ডলী, কৃষক-মণ্ডলী, বিবুধ-মণ্ডলী » ।
- (১১) « মালা »—অপ্রাণি-বাচক ।
- (১২) « রাজি »—অপ্রাণি-বাচক : « বৃক্ষরাজি, রত্নরাজি » ।
- (১৩) « লোক »—প্রাণি-বাচক ; বাঙ্গালায় বিশেষ ব্যবহৃত হয় না ; « পণ্ডিতলোক » ।
- (১৪) « বর্গ »—প্রাণি-বাচক : « নেতৃবর্গ, রাজশূবর্গ » ।
- (১৫) « বৃন্দ »—প্রাণি-বাচক : « সভ্যবৃন্দ » ।
- (১৬) « সকল »—সাধারণ ।
- (১৭) « সব »—সাধারণ ।
- (১৮) « সভা »—প্রাণি-বাচক : « পণ্ডিতসভা, যুবতীসভা » ।
- (১৯) « সমুচয় »—সাধারণ :
- (২০) « সমূহ »—সাধারণ ।
- (২১) « মহল » ( আরবী শব্দ )—প্রাণি-বাচক : « রাজনৈতিক-মহলে, বহু-মহলে » ( সাধারণতঃ সপ্তমীতে প্রযুক্ত—« -দিগের মধ্যে », এই অর্থে ) ।



সমাস-বন্ধ হইয়া সমস্ত-পদের আদিতে বসিলে, সংস্কৃত শব্দ বহুবলে যে রূপ (প্রাতিপদিক রূপ) গ্রহণ করে, তাহা সেই শব্দের প্রথমা বিভক্তি বা কর্তৃকারকের এক-বচনের রূপ হইতে কখনও-কখনও একটু ভিন্ন হইয়া থাকে ; যেমন—« ইন্ »-প্রত্যয়ান্ত « গুণিন্ » শব্দ ; সংস্কৃতে ইহার কর্তৃকারকের (প্রথমা বিভক্তির) এক-বচনের রূপ হইতেছে « গুণী » ; কিন্তু সমাসে « গুণী » হইবে না, « গুণি- » হইবে—« গুণিগণ » ( « গুণীগণ » নহে ) ; তদ্রূপ « গুণিসমূহ » । বাঙ্গালায় কিন্তু কর্তৃকারকের এক-বচনে দীর্ঘ-ঈকারান্ত রূপ « গুণী »-ই সংস্কৃত হইতে গৃহীত হইয়াছে, সংস্কৃতির প্রাতিপদিক রূপ « গুণি- » অজ্ঞাত । সংস্কৃতির ব্যাকরণ অনুসারে « গুণিগণ » সিদ্ধ, « গুণীগণ » অসিদ্ধ ও ভুল । তদ্রূপ সংস্কৃত « পিতৃ » শব্দের কর্তৃকারকে এক-বচনের রূপ « পিতা » বাঙ্গালায় গৃহীত, সংস্কৃত সমাসাগত প্রাতিপদিক রূপ « পিতৃ » বাঙ্গালায় অপ্রযুক্ত । কিন্তু সংস্কৃত-নিয়মানুসারে « পিতৃগণ » লিখিতে হইবে, « পিতাগণ » ভুল । বাঙ্গালায় « গুণি, পিতৃ » প্রভৃতি রূপের ব্যবহার না থাকায়, কেহ-কেহ বলেন যে বাঙ্গালায় প্রচলিত « গুণী, পিতা » প্রভৃতি শব্দের সঙ্গে, « গণ » প্রভৃতি শব্দকে « গুলা, দিগ » প্রভৃতি বাঙ্গালা বহুবচন-ছোটক শব্দের সহিত সম-পর্যায়ের ধরিয়া লইয়া, ইহাদের জুড়িয়া দিতে পারা যায় ; যেমন—« ধনীরা, পিতারা, গুণীদিগের », তদ্রূপ খাটী বাঙ্গালা ব্যাকরণ ধরিয়া « গুণী-গণ, পিতা-গণ, ভ্রতা-গণ, ধনী-সমূহ, প্রাণী-বর্গ »-ও চলিতে পারে ।

দুই মতে পক্ষে যৌক্তিকতা আছে ; তবে এ ক্ষেত্রে সংস্কৃত নিয়ম অনুসরণ করিয়া চলিলেই ভাল হয় । তবে ইহাও স্বীকার্য যে, « নেতা-গণ গুণী-গণ, বুদ্ধিমান-গণ » ইত্যাদি লিখিলে বা বলিলে, খাটী বা প্রাকৃত বাঙ্গালা ভাষার দিক্ দিয়া বিচার করিলে, ভুল বলিয়া নাও ধরা যাইতে পারে ; পদ-দ্বয়ের মধ্যে একটী সংযোগ চিহ্ন দিয়া রাখিলে চলিতে পারে ।

নিম্নে কতকগুলি শব্দের মূল রূপ, প্রথমার রূপ ও সমাস-গত প্রাতিপদিক রূপ প্রদর্শিত হইল ।

মূল শব্দ	প্রথমার একবচন	সমাস-গত রূপ
(১) -অন্ রাজন্, যুবন্, কর্মন্	-আ ( পুং ), অ ( স্ত্রী ) রাজা, যুবা, কর্ম	অ রাজগণ, যুবগণ, কর্মসমূহ
(২) -অন্ত্, -বন্ত্ শ্রীমন্ত্	অন্ ( পুং ), অৎ ( স্ত্রী ), অন্তী অতী, ( স্ত্রী ) শ্রীমান্, শ্রীমতী, শ্রীমৎ	-অৎ, অদ্, -অন্ শ্রীমন্তরপতি-সকাশে শ্রীমন্তাগবত-পুরাণ, শ্রীমদ্ভগবদ্-গীতা, শ্রীমৎসঙ্জন-প্রতিপালক
(৩) -ইন্ গুণিন্	-ঈ ( পুং ), -ইনী ( স্ত্রী ), -ই ( স্ত্রী ) ই গুণী, গুণিনী	গুণিগণ
(৪) -বিন্ তপস্বিন্	-বী, -বনী তপস্বী, তপস্বিনী	বি তপস্বিগণ
(৫) -অস্ অপ্সরস্	অঃ ( বাস্কলায় অ্য ) অপ্সরাঃ, অপ্সরা	অঃ, ও অপ্সরোগণ
(৬) -বস্ বিদ্বস্	বান্, উষী বিদ্বান্, বিদ্বষী	বৎ, বদ্, বন্ বিদ্বদ্বর্গ, বিদ্বদ্বগুণী
(৭) -রাজ্ সম্রাজ্	রাট্, রাজ্ঞী সম্রাট্, সম্রাজ্ঞী	-রাট্, রাড্ সম্রাটসমহ, সম্রাড বর্গ ইত্যাদি।

### বিদেশী বহুবচন-প্রত্যয়

বহু-বচনে ফারসী « দিগর ( < দীগর ) »-ও পাওয়া যায় ; যথা—« গোপাল দত্ত দিগর ( = গোপাল  
দত্তেরা, গোপাল দত্ত ও তাহার সহযোগীরা ) জাহির করিতেছে যে » ইত্যাদি।

### দ্বিরুক্তি-দ্বারা বহুবচন-প্রকাশ

শব্দকে দুইবার প্রয়োগ করিয়া, বহুবচনের ভাব প্রকাশিত হয়। যেমন—

(১) বিশেষ্য শব্দ « বনে বনে ( = নানা বনে ) ; ভাই ভাই, ঠাই ঠাই ; জিজ্ঞাসিব জনে জনে » ।

(২) বিশেষণকে দ্বিরুক্ত করিয়া ; যথা—« লাল লাল ফুল ; বড় বড় গাছ ; উচু উচু পাহাড় »

ইত্যাদি।

## পদাশ্রিত-নির্দেশক

( Enclitic Definitives, Articles )

« টা, টী, টুকু, টুক, খানা, খানী ( খানি ), জন » প্রভৃতি কতকগুলি শব্দ বা শব্দাংশ আছে, যেগুলি বিশেষ্যের সহিত ( অথবা বিশেষ্যের পূর্বে ব্যবহৃত সংখ্যা-বাচক বিশেষণের সহিত ) সংযুক্ত হইয়া যায়, বিশেষ্য বা সংখ্যাবাচক শব্দকে বিশেষভাবে নির্দেশ করে। এইরূপ শব্দ বা শব্দাংশকে পদাশ্রিত-নির্দেশক বলা যাইতে পারে। বিশেষ্য-শব্দ অথবা সংখ্যা-বাচক বিশেষণের সহিত যুক্ত হইয়া গেলে, বিভক্তি-সূচক প্রত্যয়, সমগ্র সংযুক্ত পদটির পরে আসিয়া বসে ; যথা—« বাড়ী-খানা-র, মানুষ-টা-কে, মানুষ-দুই-টা-র-জন্ত, হাঁড়ী-টা-থেকে ; চৌকীদার পাঁচ-জনের » ইত্যাদি। কিন্তু যেখানে এই প্রকার নির্দেশক, সংখ্যা বা পরিমাণ-বাচক বিশেষণ-দ্বারা যুক্ত হয়, এবং সমগ্র পদটি বিশেষণ-পদ-রূপে বিশেষ্যটির পূর্বে বসে, সেখানে নির্দেশক শব্দে বা শব্দাংশে বিভক্তি যুক্ত হয় না, বিভক্তি-যোগ পরবর্তী বিশেষ্যেই হইয়া থাকে, যথা—« এতটা দুধের দাম এক আনা ? একজন মানুষকে ডাকিয়া আন ; পাঁচজন ঘাত্রীর ভাড়া » ইত্যাদি।

বিশেষ্যের পরে কেবল এক-বচনে এই সকল নির্দেশক প্রযুক্ত হয় ; এবং তখন বিশেষ করিয়া উক্ত বিশেষ্যের গুণ বা রূপ ব্যতীত তাহার প্রকৃতি বা অবস্থানকে নির্দেশ করে ; যথা—« লোকটা, বা লোকটী ; বই-খানা, বই-খানি ; লাঠি-গাছ, লাঠি-গাছা » - এখানে « লোক, বই, লাঠি »—এই তিনটি বিশেষ্যের পরে « টা, টী ; খানা, খানি ; গাছ, গাছা » বসিয়া, ইহাদের আকার- বা প্রকৃতি-সম্বন্ধে বক্তার ধারণার নির্দেশ করিয়া দিতেছে ; এবং সম্বন্ধে-সম্বন্ধে ইহাও সুনির্দিষ্ট করিয়া দেওয়া হইতেছে যে, উক্ত « লোক, বই, লাঠি », যে-কোনও লোক, বই বা লাঠি নহে,—তাহাদের বিশেষ করিয়া দেওয়া হইতেছে, তাহাদের সম্বন্ধে পূর্বেই যেন কিছু বলা হইয়াছে, অথবা শ্রোতা যেন তাহাদের সম্বন্ধে কিছু জানে।

সংখ্যা-বাচক বিশেষণ প্রযুক্ত হইলে, বিশেষ্যের পরে এই সংখ্যা-বাচক শব্দ বসিলেই এইরূপ সুনির্দিষ্ট-ভাব প্রকটিত হয়; যথা—« তিন-খানা বই = যে কোনও অনির্দিষ্ট তিন খানা বই », কিন্তু « বই তিন-খানা = সুনির্দিষ্ট বা সুপরিজ্ঞাত তিন-খানা বই »; তদ্রূপ « তিনটা ছেলে—ছেলে তিনটা; পাঁচজন প্রজা ( অনির্দিষ্ট ), প্রজা পাঁচজন ( নির্দিষ্ট ) »। একবচনে সুনির্দিষ্ট-করিবার জন্ত « এক » শব্দের প্রয়োগ হয় না, সংখ্যা-বাচক শব্দ যোগ না করিয়াই একবচনে সুস্পষ্টতা আসিয়া যায়; যথা—« লোকটা ( সুনির্দিষ্ট ), একটা লোক বা লোক একটা ( অনির্দিষ্ট ) »।

অনির্দিষ্ট ভাব জানাইবার আর একটা উপায় আছে—সংখ্যা-বাচক বিশেষণের পূর্বে কতকগুলি নির্দেশক-শব্দ বা শব্দাংশ, ব্যবহার করা ( কেবল « টা, টী, খানা, খানি, গাছা, গাছি » শব্দাংশ সংখ্যা-বাচক শব্দের পূর্বে কখনও ব্যবহৃত হয় না ); যথা—« জন-দুই মানুষ, খান-চার কাপড়, গাছ-কতক লাঠি » ( কিন্তু « টা-দুই মানুষ, খানা-চার কাপড়, গাছ-কতক লাঠি »—এরূপ প্রয়োগ হয় না; « আ » বা « ই (ঐ) »-কারান্ত শব্দাংশ কতকটা সুনির্দিষ্টতার ইঙ্গিত করে )। এরূপ ক্ষেত্রে, অনির্দেশ-ভাবে আরও ভাল করিয়া প্রকাশ করিবার জন্ত, সংখ্যা-বাচক শব্দে অনিশ্চয়-বোধক প্রত্যয় « এক » যুক্ত করা যাইতে পারে; যথা—« জন-দুইয়েক মানুষ খান-চারেক কাপড়, গাছ-পাঁচেক লাঠি, খান-আষ্টেক রুটী » ইত্যাদি।

পরিমাণ-বাচক বিশেষণের সঙ্গেও এরূপ নির্দেশক প্রযুক্ত হয়; যথা—« এতটা জল, এতখানি বেলা, এইটুকু দুধ, দুধ-টুকু » ইত্যাদি।

« টা, টী, টুকু, খানা » প্রভৃতির দ্বারা বস্তুর আকার- বা প্রকৃতি-সম্বন্ধে কিঞ্চিৎ ইঙ্গিত থাকে। « টা, খানি, গাছি »—এই প্রকার ই-ঐ-কারান্ত রূপের দ্বারা বস্তুর হ্রস্ব-ভাব ( বা ইহার প্রতি বক্তার আদর ) জ্ঞাপন করা হয়।

## শব্দ-বিভক্তি ও বিভক্তিবৎ ব্যবহৃত পদ

বাক্যে ক্রিয়া-পদের সহিত বিশেষ্য অথবা সর্বনাম পদের যে বিশেষ সম্বন্ধ থাকে তাহাকে কারক (Case) বলে।

« রাম কাগজে তুলি দিয়া ছবি আঁকিতেছে » এই বাক্যে বিশেষ্য পদ চারিটি—‘কাগজে’, ‘তুলি’, ‘ছবি’। ‘আঁকিতেছে’ পদটি ক্রিয়া, ক্রিয়ার সহিত বিশেষ্যগুলির সম্বন্ধ—

কে আঁকিতেছে?—রাম (ক্রিয়ার সহিত বিশেষ্যের কর্তা সম্বন্ধ, ) কর্তৃকারক।

কি আঁকিতেছে?—ছবি (ক্রিয়ার সহিত কর্ম সম্বন্ধ, কর্মকারক)

কি উপায়ে বা কিসের দ্বারা?— তুলি (উপায় বা করণের সম্বন্ধ, করণকারক)

কোন খানে বা কিসে?—কাগজে (ক্রিয়ার স্থান বা আধার বুঝাইতেছে, আধার বা অধিকরণ সম্বন্ধ)

« রাম ঘর হইতে বাহির হইতেছে »—এখানে ‘ঘর’ এই বিশেষ্য দ্বারা ‘বাহির হইতেছে’ ক্রিয়ার স্থান-পরিবর্তন বুঝাইতেছে, সুতরাং ইহার ইহার সহিত ক্রিয়ার স্থানচ্যুতি বা অপাদান সম্বন্ধ (অপাদান কারক)। « দরিদ্রকে ভিক্ষা দাও »—এখানে ‘দরিদ্রকে’ এই বিশেষ্য পদটি, ‘দাও’ দান-ক্রিয়ার পাত্রকে বুঝাইতেছে, সুতরাং ইহার সহিত ক্রিয়ার দান-পাত্র বা সম্প্রদান সম্বন্ধ।

বাক্যের মধ্যে ক্রিয়াপদের সহিত বিশেষ্য বা সর্বনাম পদের মোটামুটি এই ছয় রকম সম্বন্ধ হইতে পারে—কর্তা, কর্ম, করণ, সম্প্রদান, অপাদান, অধিকরণ।

ক্রিয়া-পদ ভিন্ন অন্যান্য পদের সহিত বিশেষ্যের বা সর্বনামের যে সম্বন্ধ, তাহা ষথার্থ কারক-পদ-বাচ্য নহে;—এই প্রকারের সম্বন্ধও, কারকের স্থায় বিভক্তি বা বিশেষ বিশেষ্য- অথবা ক্রিয়া-পদ সহযোগে নির্দিষ্ট হইয়া থাকে যেমন—« রামের হাত » ; এখানে « হাত » এই বিশেষ্যের সঙ্গে « রাম » এই শব্দের অস্থয় বা সম্বন্ধ « -এর » এই বিভক্তির দ্বারা দেখানো হইয়াছে ; « রাম » ও « হাত » উভয় শব্দের মধ্যে কোনও কার্য বা ক্রিয়ার স্থান নাই, এখানে « রামের » হইতেছে সম্বন্ধ পদ আমরা মোটামুটি-ভাবে এই দ্বিতীয় প্রকারের সম্বন্ধ বা অস্থয়কেও কারক পর্যায়েই অন্তর্গত করিয়া ধরিয়া লইতে পারি।

• বাঙ্গালা ভাষায় নানা বিভক্তি দ্বারা এবং কতকগুলি বিশেষ বিশেষ্য ও

ক্রিয়াপদের সহযোগে কারক নির্দিষ্ট হয়। বাঙ্গালা ভাষার বিভক্তি দুই প্রকারের—

[১] যথার্থ বিভক্তি (খাঁটি বাঙ্গালা 'সুপ্') : এগুলি পদের অংশ-রূপে যুক্ত হয়, ভাষায় এগুলির স্বতন্ত্র অস্তিত্ব নাই। যেমন—« -এ, -কে, -রে, -তে » । শব্দের বিভক্তি বাঙ্গালায় এই কয়টি—

কর্তৃকারকে—« ০ ( শূন্য ) ; -এ ( -য়ে, -য় ) , -তে ( -এতে ) » ;

কর্মকারকে ও সম্প্রদানে—« -এ ( -য়ে, -য় ) ; -কে, -রে ( -এরে ) » ;

করণকারকে ও অধিকরণে—« -এ ( -য়ে, -য় ) ; -তে ( -এতে ) » ;

সম্বন্ধে—« -র, -এর ( -য়ের ) » ।

[২] বিভক্তি-রূপে ব্যবহৃত পদ ( Post-positional Words ) :

ভাষায় এগুলির পৃথক অবস্থান দেখা যায়। এগুলির অর্থ আছে, এবং অন্য পদের মত ভাষায় এগুলি স্বাধীন-পদ-রূপে ব্যবহৃত হইয়া থাকে ; কিন্তু বিশেষ্যের পরে আসিয়া, বিশেষ্যকে কোনও বিশিষ্ট কারকে আনয়ন করে। বিশেষ্যের পরে আসে বলিয়া, এইরূপ পদকে ইংরেজীতে Post-position বলা হয় ; বাঙ্গালায় এগুলিকে কর্মপ্রবচনীয়, সম্বন্ধীয়, পরসর্গ বা অনুসর্গ, এই প্রকারের নাম দেওয়া যায়। সংক্ষেপে আমরা এগুলিকে অনুসর্গ বলিতে পারি ; যথা—« বাড়ী হইতে ; কলম দিয়া লিখ ; তাহাকে দিয়া ; দেশ থাকিয়া ( >থেকে ) » প্রভৃতি ।

বাঙ্গালায় নিম্ন-লিখিত পদগুলি কর্মপ্রবচনীয় অনুসর্গ-রূপে ব্যবহৃত হয়—  
এগুলি বিভক্তির মত শুদ্ধ শব্দের অথবা সুবস্ত পদের বা বিভক্তি-যুক্ত শব্দের পরে, অবিকৃত-রূপে, অথবা স্বয়ং বিভক্তি-যুক্ত হইয়া, ব্যবহৃত হয় ; যথা—

করণে—« দিয়া ; দ্বারা ; কর্তৃক ; করিয়া » ;

সম্প্রদানে—« তরে ; জন্য ; লাগিয়া . কারণ ; হেতু » ;

অপাদানে—« হইতে ; থাকিয়া, থেকে, কাছ থেকে, নিকট হইতে » ;

অধিকরণে—« কাছে, নিকটে, মধ্যে » ।

এইগুলিই বিশেষ প্রচলিত কর্ম-প্রবচনীয় অল্পসর্গ; এতদ্ভিন্ন, ইংরেজী Preposition-এর মত বিশেষ-বিশেষ অর্থে আরও কতকগুলি এই প্রকারের শব্দ বাঙ্গালায় ব্যবহৃত হয়, সেগুলি পরে উল্লিখিত হইবে।

বিভক্তির প্রয়োগ-অনুসারে, সংস্কৃতে সাতটী কারক ধরা হইয়াছে—  
« কৰ্তা, কর্ম, করণ, সম্প্রদান, অপাদান, সম্বন্ধ, অধিকরণ »। এতদ্ভিন্ন, সম্বোধনের একটী বিশেষ রূপও ধরা হয়। আবার ক্রিয়ার সহিত সাংগাৎ যোগ নাই বলিয়া, সংস্কৃত ব্যাকরণে, সম্বন্ধ, কারক-পদ-বাচ্য নহে। কারকগুলি যে ক্রমে নির্দিষ্ট হইল, সেই ক্রম সংস্কৃত ব্যাকরণে পাওয়া যায়; এবং এই ক্রম ধরিয়া সংস্কৃতে—

কর্তৃকারকের	বিভক্তিকে—	প্রথম	বিভক্তি,
কর্মকারকের	„	—দ্বিতীয়	বিভক্তি,
করণকারকের	„	—তৃতীয়	বিভক্তি,
সম্প্রদানের	„	—চতুর্থী	বিভক্তি,
অপাদানের	„	—পঞ্চমী	বিভক্তি,
সম্বন্ধ-পদের	„	—ষষ্ঠী	বিভক্তি,
এবং অধিকরণের	„	—সপ্তমী	বিভক্তি

বলা হয়। সংস্কৃতির ব্যাকরণকে আদর্শ করিয়া বাঙ্গালার ব্যাকরণ প্রায়শঃ লিখিত ও আলোচিত হয় বলিয়া, বাঙ্গালাতেও সংস্কৃতির অল্পরূপ সাতটী ( অথবা সম্বোধন লইয়া আটটী ) কারক ধরা হয়; তদনুসারেই বাঙ্গালা ব্যাকরণে বিশেষ্য-শব্দের রূপ, নির্দিষ্ট বা প্রদর্শিত হইয়া থাকে।

কিন্তু প্রকৃত-পক্ষে বাঙ্গালা শব্দ-রূপ, সংস্কৃতির শব্দ-রূপ হইতে নানা বিষয়ে পৃথক্। বাঙ্গালায় কর্ম-কারক ও সম্প্রদান-কারকের মধ্যে সাধারণতঃ পার্থক্য দেখা যায় না, এবং কর্তৃ-কারক, করণ-কারক ও অধিকরণ-কারকের রূপ অনেক সময়ে এক হইয়া থাকে।

## বাঙ্গালী শব্দ-রূপের বিভক্তি ইত্যাদি

নিম্নে, চলিত-ভাষায় বিশেষ-ভাবে প্রযুক্ত ও সাধু-ভাষায় অব্যবহৃত বিভক্তি ও বিভক্তি-স্থানীয় শব্দগুলি, \* তারকা-চিহ্নিত করিয়া দেখানো হইল।

কারক	এক-বচন	বহু-বচন
কর্তা ( = প্রথমা বিভক্তি )	<p>[১] মূল শব্দ—কোনও বিভক্তি-যুক্ত হয় না।</p> <p>[২] « -এ, -য়ে, -য় » ( মূলতঃ এই বিভক্তির রূপ হইতেছে « -এ », কিন্তু ইহা « -য়ে »-রূপে, এবং « -অ, -আ, -ও »-কারান্ত শব্দের পরে সাধারণতঃ « -য় »-রূপে, লিখিত হয়। অনির্দিষ্ট কর্তা হইলে এই বিভক্তি ব্যবহৃত হয় )।</p> <p>[৩] « -এতে » ( ব্যঞ্জনান্ত শব্দ এবং « -অ, -আ, -ও »-কারান্ত শব্দের উত্তর ), « -তে » ( « -ই, -ঈ, -উ, -ঊ »-কারান্ত শব্দের উত্তর )।</p>	<p>[১] মূল শব্দ—অপরিবর্তিত।</p> <p>[২] « -রা » ( স্বরান্ত শব্দের পরে ), « -এরা » ( ব্যঞ্জনান্ত শব্দের পরে, কচিং স্বরান্ত—অ-কারান্ত শব্দেরও পরে ); এই প্রত্যয়টির প্রয়োগ, প্রাণি-বাচক এবং অপ্রাণি-বাচক অথচ প্রাণি-ধর্ম-বিশিষ্ট শব্দে হইয়া থাকে। « -গুলি, -গুলি, *-গুলো, -গুলান »।</p> <p>[৩] « সকল, সমূহ, সমস্ত, গণ, কুল, নিকর, নিচয় » প্রভৃতি শব্দ-যোগ।</p> <p>[৪] « গুলায়, -গুলোতে, -গুলিতে, সকায়ে » ([২] ও [৩]-এর প্রত্যয় ও শব্দ + « -এ, -তে »-প্রত্যয়-যোগ)।</p> <p>[৫] কতকগুলি শব্দে « -এ »।</p> <p>☞ যদি কোনও পরিমাণ- বা সংখ্যা-বাচক বিশেষণ পূর্বে থাকে, তাহা হইলে বহু-বচনের বিভক্তি, শব্দে সংযুক্ত হয় না; বহু-বচনান্ত</p>



কারক	এক-বচন	বহু-বচন
কর্তা ( = প্রথম বিভক্তি		সর্বনাম-জাত বিশেষণ থাকিলেও, বহু-বচনের বিভক্তি বিশেষ্যে যুক্ত হয় না।
✓ কর্ম ( = দ্বিতীয় )	<p>[১] বিভক্তি-হীন রূপ ( অপ্রাণি- বাচক তথা ক্রীবলিঙ্গের শব্দে, এবং অনির্দিষ্ট প্রাণি- বাচক শব্দে, কর্মকারকে বিভক্তি যুক্ত হয় না )।</p> <p>[২] « -কে » — সাধারণ বিভক্তি ( স্থনির্দিষ্ট বিশেষ্যে যুক্ত হয় )।</p> <p>[৩] « -রে, -এরে » ( পড়ে সমধিক ব্যবহৃত, উচ্চ- ভাবের গদ্যেও মিলে ; চলিত-ভাষা ব্যতীত অল্প কথ্য ভাষাতেও পাওয়া যায় )।</p> <p>[৪] « -এ, -রে, -য় » ( কবিতায় )।</p>	<p>[১] « -দিগকে, -দিগে, * -দিকে » ।</p> <p>[২] « -দের, -দেরে, -দেরকে » ।</p> <p>[৩] « -গুলো, -গুলি, * -গুলো', -সকল, -সমূহ » ইত্যাদি + « -কে, -রে, -এরে » ।</p>
✓ করণ ( = তৃতীয় )	<p>[১] « -এ », স্বরাস্ত শব্দে « -য় » ।</p> <p>[২] « -তে, -এতে » ।</p> <p>[৩] বিভক্তি-স্থানীয় শব্দ « দিয়া, * দিয়ে, * -দে » — মূল শব্দে, বা তাহার দ্বিতীয়ার</p>	<p>[১] « -দিগ-দ্বারা, -দিগের দ্বারা, -দিগ-কর্তৃক, -দের দ্বারা, -দের দ্বারা, * দেব দিয়ে » ।</p> <p>[২] « -গুলো, -গুলি, * -গুলো, -সকল, -সমূহ » ইত্যাদি + « দ্বারা, কর্তৃক » ; বর্জ্যস্ত « -গুলার,</p>

কারক	এক-বচন	বহু-বচন
<p>করণ (= তৃতীয়া)</p>	<p>বা চতুর্থীর বিভক্তি « -কে -রে, -এরে » যোগান্তে প্রযুক্ত হয়।</p> <p>[৪] বিভক্তি-স্থানীয় শব্দ « করিয়া, * ক'রে »;—অপ্রাণি-বাচক শব্দে « -এ » বিভক্তি বা « -তে, -এতে » বিভক্তি যোগান্তে « করিয়া, * ক'রে » প্রযুক্ত হয়।</p> <p>[৫] বিভক্তি-স্থানীয় শব্দ « হইতে, * হ'তে »—অশ্ম-বিভক্তি- হীন মূল শব্দে যোগ করিয়া।</p> <p>[৬] সংস্কৃত বিভক্তি-স্থানীয় শব্দ « দ্বারা » ও « কর্তৃক » —মূল শব্দে অথবা, তাহার ষষ্ঠীর রূপে যুক্ত করিয়া।</p>	<p>-গুলির, সকলের » ইত্যাদি+ « দ্বারা, দিয়া, « দ্বিগে »; « -গুলোকে, -গুলোরে, -গুলিকে, -গুলিরে, সকলেরে, সকলকে » ইত্যাদি ( দ্বিতীয়ান্ত বা চতুর্থান্ত রূপ ) + « দিয়া, * দ্বিগে »।</p> <p>অপ্রাণি-বাচক বিশেষ্য হইলে, মূল শব্দে কেবল « দ্বারা, দিয়া, * দ্বিগে »-যোগে, বহু-বচনে করণ- কারক নির্দিষ্ট হইতে পারে।</p>
<p>সম্প্রদান (= চতুর্থী)</p>	<p>[১] « -কে », [২] « -রে, -এরে », [৩] « -এ, -য় » —কর্মকারকবৎ।</p> <p>[৪] ষষ্ঠীর রূপের উত্তর « তরে, জন্ম, *জন্মে, ( কবিতায় লাগিয়া, লাগি' ) » পদ যোগ করিয়া।</p>	<p>[১] « -দিগকে, -দিগে, * -দিকে »; [২] « -দের, * -দেরকে »; [৩] « -গুলো, -গুলি, * -গুলো, সকল, -সমূহ » ইত্যাদি+ « -কে, -রে, -এরে » ( কর্মকারকবৎ )।</p> <p>[৪] বহুবচন ষষ্ঠীর রূপে « তরে, জন্ম, *জন্মে, ( লাগিয়া, লাগি' ) » পদ যোগ করিয়া।</p>

কারক	এক-বচন	বহু-বচন
<p>অপাদান (= পঞ্চমী)</p>	<p>[১] বিভক্তি-স্থানীয় প্রত্যয় « থাকিয়া, থেকে, হইতে, *হ'তে », মূল শব্দে অথবা সপ্তীর রূপে যোগ করিয়া ।</p> <p>[২] ষষ্ঠ্যস্ত রূপ + « কাছ হইতে, নিকট হইতে, *কাছ থেকে » ।</p> <p>[৩] তারতম্য বা তুলনা-বাচক অপাদানে অধিকন্তু বিশেষ্যের বিভক্তি-হীন রূপ + « অপেক্ষা » ; অথবা ষষ্ঠ্যস্ত একবচনের রূপ + « চাহিয়া, *চেয়ে » ।</p>	<p>[১] « -দিগ, -গুলি, গুলি, *-গুলো, সকল » ইত্যাদি ( অথবা ষষ্ঠ্যস্ত « দিগের, *-দের, -গুলির, গুলার *-গুলোর, সকলের « ইত্যাদি ) + বিভক্তি-স্থানীয় পদ « থাকিয়া, *থেকে, হইতে, *হ'তে » ।</p> <p>[২] ষষ্ঠ্যস্ত বহু-বচনের রূপ + « কাছ বা নিকট হইতে, *কাছ থেকে » ।</p> <p>[৩] তারতম্য বা তুলনা-বাচক অপাদানে, ষষ্ঠ্যস্ত বহুবচন + « চাহিয়া, *চেয়ে, অপেক্ষা » ।</p>
<p>সম্বন্ধ-পদ ( = ষষ্ঠী )</p>	<p>[১] « -এর ( -য়ের ), -র « ( সাধারণতঃ স্বরাস্ত শব্দের উত্তর « -র » হয় : কচিং অ-কারাস্ত শব্দের উত্তর বিকল্পে বা অধিকন্তু « -এর ( -য়ের ) » বিভক্তি যুক্ত হয় ।</p> <p>[২] « -কার, -কের » ( কতক- গুলি বিশেষ শব্দে ) ।</p>	<p>[১] « -দিগের, *-দের -এদের, -য়েদের » ।</p> <p>[২] « -গুলার, -গুলির, *-গুলোর সকলের, সবার, -সমূহের » ইত্যাদি ।</p>

কারক	এক-বচন	বহু-বচন
<p>অধিকরণ ( = সপ্তমী )</p>	<p>[১] « -এ ( -রে ), -য় » । [২] « -তে, -এতে ( = -এ + -তে ) » ( ব্যঞ্জনান্ত শব্দে « -এ, -য় »-র পরিবর্তে বিকল্পে « -এতে », স্বরান্ত শব্দে « -তে » ) । [৩] ষষ্ঠান্ত রূপ + « কাছে, নিকটে, মধ্যে, নামে, উপরে » ইত্যাদি ।</p>	<p>[১] « -দিগতে, -দিগেতে ( ::দেরতে ) » । [২] « -গুল, -গুলি, *-গুলো, সকল, -সমূহ » ইত্যাদি + « -এ ( -য় ), -তে, -এতে » । [৩] বহু-বচন ষষ্ঠান্ত রূপ + « কাছে নিকটে, মধ্যে, উপরে » ইত্যাদি ।</p>
<p>সম্বোধন-পদ</p>	<p>[১] মূল শব্দ-পূর্বে ( বা পরে ) « হে, ওহে, রে, ওরে, ওগো, গো » প্রভৃতি সম্বোধন-সূচক অব্যয় প্রযুক্ত হয় ( নিম্নে দ্রষ্টব্য—অব্যয়-পর্যায় ) । [২] বহু স্থলে, সাধু-ভাষায় সংস্কৃত শব্দে মূল সংস্কৃতে প্রযুক্ত সম্বোধন-পদের রূপ ব্যবহৃত হয় ( এ সম্বন্ধে পরে দ্রষ্টব্য ) ।</p>	<p>[১] প্রথমাব্যয় ; শব্দের পূর্বে অথবা পরে সম্বোধন-সূচক অব্যয় ব্যবহৃত হয় ।</p>

« -দিগ, -দিগের, -দের » প্রভৃতি বিভক্তির মূল রূপ « আদিক, আদি »-শব্দ, প্রাচীন বাঙ্গালার কতৃকারকের বহু-বচনেও ব্যবহৃত হইত ।

ষষ্ঠীতে ও সপ্তমীতে স্বরান্ত শব্দের উত্তর যেখানে « -এর ( -য়ের ) » ও « -এ ( -য়ে ) » বিভক্তি প্রযুক্ত হয়—যেমন, অ-ক্রান্ত একাক্ষর শব্দে (যথা—এ, যা, পা, যা, জা, দা, ছা, তা ) এবং ই-কার, উ-কার,

ঐ-কার, ঔ-কার-অন্ত শব্দে) সেখানে «-য়ের, -য়ে» লেখাই ভাল, «য়» না দিয়া কেবল «-এর, -এ» লিখিলে, বিভক্তিকে যেন পৃথক্ করিয়া দেওয়া হয়; যথা—«মায়ের, ভাইয়ের, বোম্বাইয়ে, লখনউয়ে (লখনৌয়ে), ঢেউয়ে»। যেখানে বিশেষ্য শব্দটিকে উদ্ধার-চিহ্ন দিয়া পৃথক্ করিয়া দেখানো হয় (যেমন দেশী বা বিদেশী নামের বা পদের বেলায়), সেখানে হাইফেন বা শব্দ-বিচ্ছেদ-চিহ্ন (-) দিয়া, বিশেষ্য ও বিভক্তি উভয়ের মধ্যে বিশেষ দেখানো উচিত; যেমন—«রেনেসাঁস্-এর (রেনেসাঁসের নহে) নান্‌কিঙ্-এ, হনোলুলু-তে, ভারত্-এ, প্রাগ্-এর, সোভিয়েট্-এর; 'রামচরিত-মানস'-এ, 'অভিজ্ঞান-শকুন্তলা'-র, 'শাহ-নামা'-তে, 'প্লাতোন্-এর, অল্-হল্লাজ-এর» ইত্যাদি।

## বাঙ্গালা শব্দ-রূপের উদাহরণ

### «মানুষ» শব্দ

কারক	এক-বচন	বহু-বচন
কর্তা	[১] মানুষ। [২] মানুষ+ -এ = মানুষে। [৩] মানুষ+ -এ-তে = মানুষেতে।	[১] মানুষ+ -এরা = মানুষেরা। [২] মানুষগুলা, মানুষগুলি, *মানুষগুলো। [৩] মানুষ-সকল, মানুষ-সব, মানুষ-সমূহ, মানুষ-গণ (ইত্যাদি)। [৪] মানুষগুলায় (সুপ্রচলিত নহে); মানুষেরা-সব। [৫] লোকে বলে; দশে মিলি' করি কাজ; সবে মিলি' ভারত-সন্তান। [৬] অনেক মানুষ, সব মানুষ, চারজন মানুষ, একশত মানুষ; যত মানুষ, অত মানুষ।

কারক	এক-বচন	বহু-বচন
কর্ম	<p>[১] মানুষ (বাঘে মানুষ মারে)।</p> <p>[২] মানুষকে।</p> <p>[৬] মানুষেরে।</p> <p>[৪] মানুষে (যথা—জিজ্ঞাসিব জনে জনে)।</p>	<p>[১] মানুষদিগকে, *মানুষদিগে, *মানুষদিকে।</p> <p>[২] মানুষদের, *মানুষদেরে, *মানুষদেরকে।</p> <p>[৩] মানুষগুলোকে, মানুষগুলোরে, মানুষ-সকলকে, -সমূহেরে (ইত্যাদি)।</p>
করণ	<p>[১] মানুষে।</p> <p>[২] মানুষেতে।</p> <p>[৩] মানুষ দিয়া, *মানুষ দিয়ে; *মানুষকে দিয়ে; মামেতুরে দিয়া।</p> <p>[৪] *হাতে করে, ছুরীতে করিয়া।</p> <p>[৫] মানুষ হইতে, *মানুষ হতে।</p> <p>[৬] মানুষ-দ্বারা, মানুষের দ্বারা; মানুষ-কর্তৃক, মানুষের কর্তৃক।</p>	<p>[১] মানুষ-দিগ-দ্বারা, মানুষ-দিগ-কর্তৃক, মানুষদিগের দ্বারা, মানুষদের দ্বারা, মানুষদের দিয়া, *মানুষদের দিয়ে।</p> <p>[২] মানুষগুলি-দ্বারা, মানুষ-গুলির দ্বারা, মানুষগুলি(র)-কর্তৃক; মানুষ -সকল-দ্বারা, মানুষ-সকলের দ্বারা; মানুষগুলিকে দিয়া, *মানুষগুলোকে দিয়ে' মানুষ-গুলোরে দিয়া, মানুষ-সকলেরে দিয়ে।</p>
সম্প্রদান	<p>[১] মানুষকে। [২] মানুষেরে।</p> <p>[৩] মানুষে।</p> <p>[৪] মানুষের জন্ত, *মানুষের জন্তে, মানুষের তরে; মানুষের লাগিয়া।</p>	<p>[১], [২], [৩]—কর্মবৎ।</p> <p>[৪] মানুষগুলার তরে, *মানুষ-গুলার তরে, মানুষ -সকলের জন্ত, মানুষ-সকলের লাগিয়া।</p>

কারক	এক-বচন	বহু-বচন
অপাদান	<p>[১] মানুষ হইতে, *হ'তে : মানুষ থেকে, মানুষের থেকে ।</p> <p>[২] মানুষের কাছ হইতে, *কাছ থেকে, নিকট হইতে ।</p> <p>[৩] *মানুষের চেয়ে; মানুষ অপেক্ষা ।</p>	<p>[১] মানুষ-দিগ হইতে, *মানুষ- গুলো থেকে, *মানুষ-দিগ হ'তে, মানুষ -সকলের থেকে, মানুষ- দিগের থেকে ( ইত্যাদি ) ।</p> <p>[২] মানুষদিগের নিকট হইতে, *মানুষদের কাছ থেকে ( ইত্যাদি ) ।</p> <p>[৩] মানুষগুলি অপেক্ষা, *মানুষ সকলের চেয়ে ।</p>
সম্বন্ধ-পদ	<p>[১] মানুষের । ( [২] সত্যকার, সকলকার, আজিকার, কালিকার ; কতকের, কালকের । )</p>	<p>[১] মানুষদিগের, মানুষদের । [২] মানুষগুলির, মানুষ-সমূহের ( ইত্যাদি ) ।</p>
অধিকরণ	<p>[১] মানুষে । [২] মানুষেতে । [৩] মানুষের কাছে, মধ্যে ( ইত্যাদি ) ।</p>	<p>[১] মানুষদিগেতে, মানুষদিগেতে, *মানুষদেরতে । [২] মানুষগুলোয়, মানুষগুলিতে, মানুষ সকলেতে । [৩] মানুষদিগের মধ্যে, *মানুষদের মাঝে ।</p>
সম্বোধন-পদ	<p>হে মানুষ, ওহে মানুষ, ওরে মানুষ, মানুষ রে ( ইত্যাদি ) ।</p>	<p>হে মানুষেরা, ওগো মানুষেরা, ওরে মানুষগুলো, ওগো মানুষ- গুলি, হে মানুষ-সকল ( ইত্যাদি ) ।</p>

অত্যান্ত যাবতীয় বাঙ্গালা শব্দের রূপ, উপরে প্রদর্শিত « মাহুষ » শব্দের মতই সাধিত হয় । কি প্রকারের বিভক্তি বা বিভক্তি-স্থানীয় শব্দ বহু-বচনে ব্যবহৃত হইবে, তাহা মূল শব্দটির প্রকৃতির উপরে নির্ভর করে ; যথা—অপ্রাণি-বাচক শব্দে « -রা, -এরা » বিভক্তি যুক্ত হইবে না ; সংস্কৃত শব্দ হইলে, বহুবচন-গোতক বিশেষ সংস্কৃত শব্দ সংযুক্ত হইবে ; ইত্যাদি ।

বাঙ্গালা শব্দ-রূপের নিদর্শন—

অ-কারান্ত শব্দ—« ধর্ম—ধর্মে, ধর্মেতে, ধর্মে'র, ধর্মকে, ধর্মে'রে. ধর্ম'-সকল, ধর্ম'-সমূহের ; চল্লি -চল্লি, চল্লিতে, চল্লির, চল্লিকে, চল্লিবে ; মন্দ—মন্দের, মন্দে, মন্দেতে » ( ও-কারান্ত শব্দ-সম্বন্ধে নিয়মও নিম্নে দ্রষ্টব্য ) ।

আ-কারান্ত শব্দ— « লতা—লতায়, লতাতে, লতান, লতাকে, লতারে, লতাগুলি, লতাগুলির ; মা—ম'য়ে, মা'য়েতে বা মাতে, মা'য়ের বা মার, মা'য়েরা, মাতে বা মা'য়েতে, মা'কে, মা'য়ে'রে, মা'য়ে'দের ; মাথা—মাথায়, মাথাতে, মাথার, মাথা'গুলার ; দাদা—দাদা'য়, দাদা'তে, দাদা'কে, দাদার » ইত্যাদি ।

ই, ঈ-কারান্ত শব্দ—« ভাই—ভাই'য়ে, ভাই'য়ের, ভাই'কে, ভাই'য়ে'রে, ভাই'-সকল, ভাই'য়ে'রা ; ছবি—ছবি'তে, ছবি'ব, ছবি'কে ; নদী—নদী'র, নদী'তে, নদী'কে ; হাতী—হাতী'তে, হাতী'র, হাতী'কে ; রানী—রানী'র, রানী'রা, রানী'-সকল, রানী'কে ; দই—দই'য়ে'র, দই'য়ে, দই'য়ে'তে, দই'তে ; বই—বই'য়ে, বই'গুলি, বই'তে, বই'য়ে'তে ; উই—উই'য়ে'র, উই'-সকল, উই'য়ে, উই'কে । »

উ, ঊ-কারান্ত শব্দ—« বাবু—বাবু'তে, বাবুর, বাবু'কে, বাবু'বা, বাবু'-সকল, বাবু'দের ; গোরু—গোরু'তে, গোরু'র, গোরু'কে, গোরু'গুলা, গোরু'গুলি ; সাধু—সাধু'তে, সাধুর, সাধু'কে, সাধুরে, সাধুরা, সাধুগণ, সাধুদিগ হইতে ; চেউ—চেউ'য়ে'র, চেউ'তে, চেউ'য়ে'তে, চেউ'কে ; বউ—বউ'য়ে'র, বউ'কে, বউ'রা, বউ'য়ে'রা । »

এ-কারান্ত শব্দ—« মেয়ে—মেয়ে'র, মেয়ে'কে, মেয়ে'তে, মেয়ে'রা ; ছেলে ; নেয়ে » ।

ও-কারান্ত শব্দ—« সেথো—সেথো'র, সেথো'কে, সেথো'তে, সেথো'রা ; প'টো—প'টো'র, প'টো'র, প'টো'কে ; আলো—আলো'র, আলো'তে, আলো হইতে » ।

বাঙ্গালা ভাষায় বিস্তর অসংস্কৃত অ-কারান্ত শব্দ, লিখনে অ-কারান্ত, উচ্চারণে কিন্তু ও-কারান্ত : এই সব শব্দে ষষ্ঠিতে ( সম্বন্ধে ) « -র » যুক্ত হয়, « -এর » নহে ; এতদৃশ অসংস্কৃত শব্দ,



ও-কার-যুক্ত করিয়া লিখিলে ভাল হয়; যথা—« ভাল (=ভালো)—ভালর ('ভালের' নহে); বড় (=বড়ো)—বড়র ('বড়ের' নহে); ছোট (=ছোটো)—ছোটর ('ছোটের' নহে); দেখান (=দেখানো)—দেখানর ('দেখানের' নহে) »। কতকগুলি অ-কারান্ত সংস্কৃত শব্দও, ও-কারান্ত-বৎ উচ্চারিত হয়, এবং বিকল্পে ষষ্ঠীতে « -এর » স্থানে « -র » বিভক্তি গ্রহণ করে; যথা—« তৃণ (=তৃণো)—তৃণের, তৃণর; মন্দ—মন্দের, মন্দর।

ব্যঞ্জনান্ত শব্দ—ষষ্ঠীতে ও অশ্লি বিভক্তিতে « -এর, -এরে, -এতে » গ্রহণ করে। যথা—« বক, অভিভাবক, নায়ক, ফাঁক, শাঁখ, স্মখ, সখ বা শখ ( আরবী 'শৌক্' হইতে ), রাগ, রগ, বাঘ, রঙ; ছাঁচ, মাছ, গাছ, রোজ, বীজ, তেজ, কাজ, সাঁঝ, মাঝ; পাট, কপাট, কাঠ, হাড়, রাঢ়, বাণ; ছাত, মত, হাত, রথ, পথ, বলদ, অবসাদ, নাদ, সাধ, কান, দান, ধান; সাপ, অভিশাপ, গোঁফ, লাফ, আব, ভাব, লাভ, লোভ, নাম, আম; উদয় ( বাস্তবিক পক্ষে উচ্চারণ একরান্ত—'উদএ' ), কার, বর, শর, কর, কল, মাকাল, রাখাল; দেশ, শেষ, ইঁস » ইত্যাদি।

## বাঙ্গালায় আগত সংস্কৃত শব্দের প্রাতিপদিক ও সম্বোধনের রূপ

তৎসম বা মূল সংস্কৃত রূপে সংস্কৃত শব্দ যখন বাঙ্গালা ভাষায় গৃহীত হয়, তখন সেগুলির প্রথমার একবচনের রূপটিকেই বাঙ্গালায় স্বীকার করা হয়, এবং তাহাতেই বাঙ্গালার বিভক্তি প্রভৃতি সংযুক্ত হয়; যেমন—« শ্রীমৎ » শব্দ; সংস্কৃতের প্রথমার একবচনে পুংলিঙ্গে ইহার রূপ হয় « শ্রীমান্ », স্ত্রীলিঙ্গে « শ্রীমতী » এবং বাঙ্গালায় এই « শ্রীমান্, শ্রীমতী » রূপ দুইটা গৃহীত হইয়াছে ( যথা—« শ্রীমানের, শ্রীমান্কে, শ্রীমতীকে, শ্রীমতীদের, শ্রীমানেরা » ); সংস্কৃতের অশ্লি রূপ, যেমন « শ্রীমন্তঃ ( প্রথমার বহুবচন ), শ্রীমতা ( তৃতীয়ার একবচন ), শ্রীমন্তিঃ ( তৃতীয়ার বহুবচন ) » —এ সব বাঙ্গালার অজ্ঞাত। তদ্রূপ « রাজন্ » শব্দের, মাত্র « রাজা », স্ত্রীলিঙ্গে « রাজ্ঞী », প্রথমার একবচনের এই রূপ দুইটা বাঙ্গালা শব্দ-রূপে ব্যবহৃত হয়, « রাজানঃ, রাজ্ঞঃ, রাজ্ঞা » প্রভৃতি অজ্ঞাত। তদ্রূপ—« আত্মন্—আত্মা; সখি—সখা; পিতৃ—পিতা; যুবন্—যুবা; আশিস্—আশীঃ বা আশীষ্; গুণিন্—গুণী; চন্দ্রমন্—চন্দ্রমাঃ, চন্দ্রমা; তপস্বিন্—তপস্বী, তপস্বিনী; গরিমন্—গরিমা; দিশ্—দিক্; ভৃচ্—ভৃক্; বাচ্—বাক্; সম্রাজ্—সম্রাট্; অনুষ্টুভ্—অনুষ্টুপ্; ব্রহ্মন্—[ পুংলিঙ্গে ] ব্রহ্মা ( দেবতা ), [ স্ত্রীলিঙ্গে ] ব্রহ্ম ( পরব্রহ্ম ); একাকিন্—একাকী, একাকিনী » ইত্যাদি। বাঙ্গালা ভাষায় « আত্মা, সখা, পিতা, রাজা, যুবা, চন্দ্রমা, গরিমা, ব্রহ্মা » —আ-কারান্ত শব্দ; « রাজ্ঞী, গুণী,

যুবতী, শ্রীমতী, তপস্বী, তপস্বিনী, সম্রাজ্ঞী, একাকী, একাকিনী, —ঐ-কারাস্ত শব্দ ; « ব্রহ্ম » —অ-কারাস্ত শব্দ ; এবং « শ্রীমান্, অশীম্, দিক্, ত্বক্, বাক্, সম্রাট্ » —ব্যঞ্জনাস্ত শব্দ ।

বাক্সালায় আগত কতকগুলি সংস্কৃত শব্দে আবার সংস্কৃত শব্দ-রূপের প্রভাবে একটু পরিবর্তন আসিয়া যায় । কতকগুলি শব্দে বিভক্তি-যুক্ত অবস্থায় « ত্ ( ৭ ) » পরিবর্তিত হইয়া « দ্ » হইয়া যায় ; যথা—« উপনিষৎ ( প্রথমা ; 'উপনিষদ্' -ও মিলে )—কিন্তু উপনিষদে, উপনিষদের ; পরিষৎ—পরিষদের ; সংসৎ—সংসদের ; সম্পদ, সম্পৎ—সম্পদের, ধন-সম্পদের ; বেদবিৎ—বেদবিদের ; সূত্রং—সূত্রদের » ইত্যাদি । সাধারণতঃ সংস্কৃত শব্দের মূল-রূপে « দ্ » থাকিলেই এইরূপ হয় ; উপযুক্ত শব্দগুলির ধাতুতে বা মূল রূপে « দ্ » আছে—« সদ, পদ, বিদ, হৃদ » । কিন্তু « উস্তিদ্ » শব্দের কর্তৃকারকে বাক্সালায় « উস্তিৎ » হয় না, « উস্তিদ, উস্তিদের » । « শরৎ—শরতের ( 'শরদের' নহে ) »—এখানে এই নিয়মের ব্যত্যয় দেখা যাইতেছে ; সংস্কৃত শব্দটী হইতেছে « শরদ্ » । « ইন্দ্রজিৎ—ইন্দ্রজিতের, পথিকৃৎ—পথিকৃতের » —মূল রূপে « ৎ » থাকায়, বিভক্ত্যাস্ত রূপে বাক্সালায় « দ্ » আসিল না ।

সংস্কৃতের « অস্ » -প্রত্যয়- অথবা অশ্ব-প্রত্যয়-জাত বিসর্গ, সাধারণ প্রচলিত বাক্সালা শব্দে লুপ্ত হয় : « ছন্দ, বপু, স্রোত, চক্ষু, ধনু, যশ, জ্যোতি » ইত্যাদি । কিন্তু যে শব্দগুলি তাদৃশ প্রচলিত নহে, সেগুলিতে ক্লীবলিঙ্গে ও বিকল্পে পুংলিঙ্গে প্রথমায় বিসর্গ থাকে, এবং পুংলিঙ্গে হইলে শব্দটীতে আ-কারাস্ত-বৎ ও ক্লীবলিঙ্গে অ-কারাস্ত-বৎ ধরা হয় ; যথা—« শ্রেয়ঃ, শ্রেয়ঃ, রজঃ, তমঃ, সরঃ, চেতঃ, শিরঃ, স্তমনাঃ ( স্তমনা ), লঘুচেতাঃ, উন্নতচেতাঃ, দীর্ঘতমাঃ, ( দীর্ঘতমা ), উচ্চৈঃশ্রবাঃ, বাজশ্রবাঃ, ভূরিশ্রবাঃ ( ভূরিশ্রবা ) » ইত্যাদি । লক্ষণায়—« বয়ঃ=বয়স্ > বাক্সালা বয়স » ।

সাধু-ভাষায় যেখানে ভাষাকে একটু বেশী করিয়া সংস্কৃতের অনুকারী করা হয়, সেখানে অনেক সময়ে সম্বোধন-পদে একবচনে সংস্কৃতের সম্বোধন পদের রূপই বাক্সালাতে ব্যবহৃত হয় ; যথা—« হে পিতা »-স্থলে « হে পিতঃ ! » ; তদ্রূপ « হে মুনি »-স্থলে হে মুনে ! » ; « হে রাজা »-স্থলে « রাজন্ ! » ; « লতা »-স্থলে « লতে », « নদী »-স্থলে « নদি » ইত্যাদি । এ সম্বন্ধে এই নিয়মগুলি দ্রষ্টব্য :—

(১) সংস্কৃত অ-কারাস্ত শব্দে ( বাক্সালায় ব্যঞ্জনাস্ত করিয়া উচ্চারণ করিলেও ), সম্বোধনে ও প্রথমায় কোনও পার্থক্য নাই ; যথা—« মনুষ্য, চন্দ্র, সূর্য্য, বালক, রাম, দেব, শিব শিব মহাদেব, কৃষ্ণ, নারায়ণ » ইত্যাদি ।

(২) সংস্কৃত আ-কারাস্ত ক্লীবলিঙ্গ শব্দে, সম্বোধনে « আ »-স্থলে « এ » হয় ; যথা—« লতা—লতে, রাধা—রাধে, সীতা—সীতে, ললিতা—ললিতে,

গঙ্গা—গঙ্গে (‘পতিতোক্কারিণি গঙ্গে’), যমুনে (‘যমুনে, এই কি তুমি সেই যমুনা প্রবাহিনী’), সক্ষ্যা—সক্ষ্যো (‘অয়ি সক্ষ্যো!’) » ইত্যাদি।

(৩) পুংলিঙ্গ « ই »-কারান্ত শব্দে, সংস্কৃতে সম্বোধনে « ই »-স্থলে « এ » হয়; যথা—« হরি—হরে ( হরে কৃষ্ণ, হরে রাম ), সখি বা সখা—সখে, যত্নপতি—যত্নপতে, মুনি—মুনে » ইত্যাদি।

(৪) পুংলিঙ্গ « উ »-কারান্ত শব্দে, « উ »-স্থলে « ও » ; যথা—« সাধু—সাধো, মনু—মনো, বন্ধু—বন্ধো, প্রভু—প্রভো, বিভু—বিভো, শম্ভু—শম্ভো » ইত্যাদি।

(৫) স্ত্রীলিঙ্গ « ঈ »-কারান্ত শব্দে, « ঈ »-স্থলে « ই » : « নদী—নদি, উর্বশী—উর্বশি, দয়াময়ী—দয়াময়ি, জননী—জননি » ইত্যাদি।

(৬) স্ত্রীলিঙ্গ « উ »-কারান্ত শব্দে, « উ »-স্থলে « উ » : « বধু—বধু »।

(৭) সংস্কৃত পুংলিঙ্গ ও স্ত্রীলিঙ্গ « ঋ »-কারান্ত শব্দে, সম্বোধনে « অঃ » হয়; যথা—« পিতৃ, পিতা—পিতঃ; মাতৃ, মাতা—মাতঃ; ভ্রাতৃ, ভ্রাতা—ভ্রাতঃ; বিধাতৃ, বিধাতা—বিধাতঃ » ইত্যাদি।

(৮) সংস্কৃত « অন্ »-অস্ত শব্দে সম্বোধনে « অন্ » হয়; যথা—« রাজন্, রাজা—রাজন্ » ইত্যাদি।

(৯) « মৎ, বৎ (বা যন্ত্, বন্ত্) »-প্রত্যয়-যুক্ত শব্দে, « মন্, বন্ » ( পুংলিঙ্গে ), « মতি, বতি » ( স্ত্রীলিঙ্গে ) : « শ্রীমৎ, শ্রীমন্ত্—প্রথমায় শ্রীমান্, শ্রীমতী—সম্বোধনে শ্রীমন্, শ্রীমতি; ভগবৎ, ভগবন্ত্ ( ভগবান্, ভগবতী )—ভগবন্, ভগবতি; আয়ুঃ, আয়ুঃ ( আয়ুমান্, আয়ুয়তী )—আয়ু আয়ুয়তি » ইত্যাদি।

(১০) « বস্ »-প্রত্যয়ান্ত শব্দে—« বন্ » : « বিদ্বস্ ( বিদ্বান্ )—বিদ্বন্ »।

(১১) « ঈয়স্ »-প্রত্যয়ান্ত শব্দে, « ঈয়ন্ » : « মহীয়স্ ( মহীয়ান্ )—মহীয়ন্ » ইত্যাদি।

(১২) « ইন্, বিন্ » -প্রত্যয়ান্ত শব্দে, « ইন্ » : « ধনিন্ ( ধনী )—  
ধনিন্, মেধাবিন্ (মেধাবী) —মেধাবিন্, যশস্বিন্ ( যশস্বী )—যশস্বিন্ »

### বাক্সালায় প্রযুক্ত সংস্কৃত বিভক্তি

সংস্কৃতের দুইটা বিভক্তি বাক্সালায় সাধারণতঃ পত্রাদি লিখন-কালে ব্যবহৃত হয় :

(১) সপ্তমী বা অধিকরণের বহুবচনে, পুংলিঙ্গে « এষু », স্ত্রীলিঙ্গে « -আসু, । » ( বাঞ্জনাঙ্ক শব্দে « স্ত্রু » ), পত্রের শিবোনামায নামেব সন্ধে, এবং পত্রাবশ্তে শিষ্টতা সূচক শব্দেব সন্ধে প্রযুক্ত হয়। 'সমীপে' বা 'নিকটে'—মোটামুটি এই অর্থে, এই প্রকাব প্রয়োগ হয়, যথা—« মহামহিম শ্রীযুক্ত দেবকুমার রায় মহিমাণবেষু, শ্রীচরণেষু, শ্রীচরণকমলেষু, সমীপেষু, মহাশবেষু, স্নেহাস্পদেষু, প্রিষবরেষু, ধর্মাবতাবেষু, প্রতিপালকববেষু, সূচবিতাসু, মাননীয়াসু, স্নেহাস্পদাসু, সার্বভৌমসমানাসু, পূতশীলাসু, ভগবৎসু » ইত্যাদি। কচিং আববী ও ফাবসী শব্দেও এই « এষু, আসু » প্রত্যয়েব প্রয়োগ হয়, যথা— « শ্রীযুক্ত জোনাব মৌলবী আব্দুল কাদেব চৌধুবী সাহেব ববাববেষু, হুজুরেষু, জোনাবেষু, বেগম সাহেবাসু, ওয়ালিদা সাহেবাসু ( = মাতৃদেবীষু ) » ইত্যাদি।

(২) পত্রের আরম্ভে বা শেষে, « নিবেদন » এই শব্দ অথবা অনুরূপ শব্দের সহিত সঙ্গতি বক্ষার জন্য, লেখকের পদবী সংস্কৃত নিয়মে ষষ্ঠী-বিভক্তিতে লেখাব রীতি বাক্সালায় আছে, যথা—পত্রের আবশ্তে : « যথাবিহিত-সম্মানপূর্বঃসব-  
দনমিদম্ » অথবা « নমস্কারান্তে নিবেদন », বা পত্রের শেষে « ইতি  
বদন », এইকপ উক্তি যে পত্রলেখকেব উক্তি, তাহা পত্রলেখক নাম সহি করিবাব কালে নিজ নাম সংস্কৃত রীতিতে ষষ্ঠী-বিভক্তিব করিষা লিখিষা প্রকাশ করেন ; যথ—« (নিবেদন) শ্রীগৌরীশঙ্কর শর্মণঃ, দেবশর্মণঃ ( 'শর্মণী', 'দেবশর্মণী' শব্দেব ষষ্ঠীর একবচন ), দেবশু, মিত্রশু, বহুজশু, ঘোষশু, দাসশু, ঘোষ-  
দাসশু, গুপ্তশু ; ব্রহ্মণঃ » ইত্যাদি, স্ত্রীলিঙ্গে—« শ্রীমত্যাঃ, দেব্যাঃ, দাস্যাঃ » ।

কর্মপ্রবচনীয় শব্দ, সম্বন্ধনীয়,অনুসর্গ বা পরসর্গ ( Post-positons )

বাঙ্গালা শব্দ-রূপে যে কতকগুলি পদ, কর্মপ্রবচনীয় বিভক্তি বা প্রত্যয়ের স্থানীয় হইয়া গিয়াছে, তদ্বিষয়ে পূর্বে উল্লেখ করা হইয়াছে। সেগুলি ভিন্ন, অতিরিক্ত প্রদত্ত পদগুলিও বাঙ্গালা সাধু- ও চলিত-ভাষায় পূর্বোক্ত রূপে, ইংরেজী Preposition-এর অর্থে, শব্দের পরে প্রযুক্ত হয়।

(১) « আগে, আগেতে » : কবিতার ভাষায় অধিক পাওয়া যায়। 'সমক্ষে' অর্থে—অধিকরণ-কারকে প্রযুক্ত হয়; মূল অথবা সঠ্যস্ত পদের সঙ্গে বসে; যথা— « রাজার আগে করিব গোহারী » (চণ্ডীদাস)।

(২) « উপর, উপরে » : ষষ্ঠ্যস্ত পদের সহিত, অধিকরণে।

(৩) « ঘরে » : বহুবচনে, কর্ম, সম্প্রদান অথবা অধিকরণ-কারকে চলিত-ভাষায় কচিৎ প্রযুক্ত হয়; যথা— « ইংরেজদের ঘরে = ইংরেজদের মধ্যে »।

(৪) « ছাড়া » : 'ব্যতীত' অর্থে, মূল অবিকৃত শব্দে প্রযুক্ত হয়; যথা— « হঁকা-ছাড়া, আমি-ছাড়া, আমা-ছাড়া (যথা—আমি-ছাড়া আর কেহ জানে না; আমা-ছাড়া আর কাহাকেও সে জানে না) »।

(৫) « নিমিত্ত » : চতুর্থাতে বা সম্প্রদানে, « জন্তু » বা « হেতু » শব্দের অতিশব্দ-রূপে ব্যবহৃত হয়।

(৬) « নীচে » : ষষ্ঠ্যস্ত পদের সহিত, অধিকরণে।

(৭) « পাছে, পিছে » : ষষ্ঠ্যস্ত পদে, অধিকরণে।

(৮) « পানে » : 'দিকে' অর্থে; মূল অথবা ষষ্ঠ্যস্ত শব্দের উত্তর ব্যবহৃত হয়। « আমা-পানে, আমার পানে; ঘর-পানে, ঘরের পানে »।

(৯) « পাশে » : ষষ্ঠ্যস্ত পদের সহিত।

(১০) « বই » (প্রাচীন বাঙ্গালার « বহী, বহি ») : 'ব্যতীত' বা 'বাহির' অর্থে, মূল শব্দের সহিত বস্তু হয়।

(১১) « প্রতি » : কর্ম- বা সম্প্রদান-কারকে, ষষ্ঠ্যস্ত শব্দের উত্তর বসে।

(১২) « বিনা » (কবিতায় « বিনে, বিনি ») : সংস্কৃত অব্যয় শব্দ, 'ব্যতিরেক' অর্থে। শব্দের পরে ও শব্দের পূর্বে, উভয় প্রকারেই এই কর্মপ্রবচনীয়ের উপযোগ হইয়া থাকে। শব্দের পূর্বে

আসিলে শব্দটিকে বিভক্ত্যন্ত করা হয় ; যথা— « হকুম বিনা, অনুমতি বিনা ; বিনা হকুমে, বিনা অনুমতিতে ; বিনা জানা-শোনার, জানা-শোনা বিনা » ।

(১৩) « বাহির, বাহিরে, \*বার, \*বের, \*বাহিরে » : ষষ্ঠ্যন্ত পদের সহিত ।

(১৪) « বিহনে » : কবিতার ভাষায়, অভাব বা অনবস্থান জানাইতে, মূল অথবা ষষ্ঠ্যন্ত শব্দের সহিত ব্যবহৃত হয় ।

(১৫) « ভিতর, ভিতরে » : ষষ্ঠ্যন্ত পদের সহিত ।

(১৬) « মাঝ, মাঝে », কবিতার কচিৎ « মাঝারে » : মূল বা ষষ্ঠ্যন্ত শব্দের সহিত প্রযুক্ত হব ; « বৃন্দাবন-মাঝে, মথুরাপুরের মাঝে, বন-মাঝে কি মন-মাঝে ; হৃদি-মাঝারে ( 'হৃদ-মাঝারে'-স্থলে ) » ।

(১৭) « সঙ্গে » : ষষ্ঠী-বিভক্তির সহিত ।

(১৮) « সাথে » : ষষ্ঠী-বিভক্ত্যন্ত পদের সহিত, « সঙ্গে » শব্দের সম-পর্যায়ের । « সাথে » শব্দ বাঙ্গালা সাধু-ভাষার গণ্ডে এবং চলিত-ভাষায় তেমন প্রচলিত নহে, কিন্তু কবিতায় বিশেষ-রূপে ব্যবহৃত হয়, এবং আঙ্গকাল কবিতার প্রভাবে সাধু-ও চলিত-গণ্ডে কেহ-কেহ ব্যবহার করিতেছেন । এই অনুসর্গ চলিত-ভাষার প্রকৃতির বিরুদ্ধ—চলিত-ভাষায় « সঙ্গে » ব্যবহার কবাই উচিত ।

(১৯) « সনে » : « সঙ্গে » ও « সাথে »-র সহিত সম-পর্যায়ের শব্দ, মূল বা ষষ্ঠ্যন্ত রূপের সহিত প্রযুক্ত হয় , কেবল কবিতায় মিলে ।

## কারক-বিভক্তির প্রয়োগ

### [১] কতৃকারক

যে বিশেষ্য বা সর্বনাম পদ বাক্যস্থিত ক্রিয়া সম্পন্ন করে বা করায়, তাহাকে বাক্যের 'কর্তা' বলা হয় । 'কর্তা', বাক্য-স্থিত অন্য পদ হইতে পৃথক্ বা নির্লিপ্ত থাকিয়া, মাত্র ক্রিয়ার সহিত মিলিত-ভাবে সম্পূর্ণ অর্থের প্রকাশ করে । বাক্য-স্থিত ক্রিয়া-পদের পূর্বে, 'কে' অথবা 'কি' ( অর্থাৎ 'কোন বস্তু' ) যোগ করিয়া প্রশ্ন করিলেই, উত্তর-দ্বারা কর্তা নির্ধারিত হইয়া থাকে ; যথা— « পাখী ডাকিতেছে » ; প্রশ্ন— « কে বা কি ডাকিতেছে ? » ; উত্তর— « পাখী » : « পাখী » শব্দ এখানে কর্তা । « খোকা ঘুমাইল » ; « কে ঘুমাইল ? »— « খোকা » : « খোকা » শব্দ এই বাক্যের কর্তা । « তাহার

খুড়া পঞ্চদশ-প্রাপ্ত হইয়াছেন » — « পঞ্চদশ-প্রাপ্ত হওয়া » এই ক্রিয়ার কর্তা « খুড়া » শব্দ ।

যে অপরকে দিয়া কার্য্য করার তাহাকে « প্রয়োজক কর্তা » বলে ; যথা— « শিক্ষক মহাশয় বালকদিগকে পড়াইতেছেন » : « শিক্ষক মহাশয় »-প্রয়োজক কর্তা । « মা ছেলেকে দুধ খাওয়াইতেছেন » — « মা » প্রয়োজক কর্তা ।

সমাপিকা-ক্রিয়া ব্যতিরেকে, অসমাপিকা-ক্রিয়ারও কত্ব-রূপে বিশেষ্য বা সর্বনাম পাওয়া যায় ; যথা— « রাম আসিলে ষড়্ ঘাইবে ; আমি যাইতে-যাইতে ব্যাপারটা হইয়া গেল » ।

### কত্বকারকের বিভক্তির প্রয়োগ

পুরাতন বাঙ্গালার কত্বকারকে বিভক্তি-হীন রূপ, এবং বিকল্পে « -এ » বিভক্তির প্রয়োগ হইত । আধুনিক বাঙ্গালার « -এ »-কারকের প্রয়োগ কম হইয়া আসিতেছে ; যথা—আধুনিক বাঙ্গালার « মা বলেন » ; কিন্তু প্রাচীন বাঙ্গালার ও আধুনিক কথ্য ভাষার— « মায়ে বলে » । আধুনিক বাঙ্গালার প্রথমতে « তে »-বিভক্তির যোগও পাওয়া যায় ; যথা—« ঘোড়া ঘাস খায়, ঘোড়ায় ( =ঘোড়াএ ) বা ঘোড়াতে ঘাস খায় ; গোরু ( গোরুতে ) লাঙ্গল টানে ; বাঘ ( বাঘে, কচিং বাঘেতে ) মানুষ মারে , মূর্খে ( মূর্খেতে ) কি না বলে » ইত্যাদি ।

প্রবাদাত্মক বাক্যে বহু সময়ে কত্বকারকে « -এ »-কার পাওয়া যায় ; যথা—« রামে মারিলেও মরিবে, রাবণে মারিলেও মরিবে ; 'গাধার খায় পাকা কলা, শূরুরে খায় পান' ; মানুষে ভাবে এক, হয় আর ; বাঘে-গোরুতে এক ঘাটে জল খায় ; পাগলে কি না বলে, ছাগলে কি না খায় ; মারে-স্বীয়ে আসিবে » ইত্যাদি ।

যেখানে কর্তা স্থনির্দিষ্ট নহে, এবং ক্রিয়ার নিত্যতা অথবা সম্ভাবনা বুঝায়, সেখানে « -এ » ( « -তে » ) প্রত্যয় প্রায়ই পাওয়া যায় ; যথা—« শাস্ত্রে বলে ;

চোরে চুরি করে ; গাধায় ধোবার বোঝা বয় ; শ্রোতে নৌকাখানিকে উল্টাইয়া দিল ; ঘোড়ায় গাড়ী টানে ; চাষায় চাষ করে » ইত্যাদি ।

কর্তার বহুত্বের আভাস বা স্পষ্ট নির্দেশ হইলে, কতকগুলি শব্দে « -এ » আসে : « লোকে বলে ; 'দশে মিলি' করি কাজ, হারি জিতি নাহি লাজ' ; 'সবে মিলি ভারত সন্তান' ; অনেকেই এ রকম করে ; বিপদে পড়িলে সকলেই ঈশ্বর-স্মরণ করে ( বা ঈশ্বরকে স্মরণ করে ) » ইত্যাদি ।

অন্যান্য অর্থে, এবং সহযোগিতা-স্থলে, দুই কর্তার প্রয়োগ হইলে, « -এ » বিভক্তি ( বা « -তে » বিভক্তি ) সাধারণতঃ উভয় কর্তাতেই আইসে ; তবে কোনও-কোনও ক্ষেত্রে প্রথম কর্তার বিভক্তি না দিলেও চলে ; যথা—« বাঁড়ে বাঁড়ে লড়াই করে ; উকীলে ব্যারিষ্টারে বহস করিতেছে ; ভাইয়ে ভাইয়ে ঝগড়া করে না ; ছেলের বুড়োর ( অথবা ছেলে বুড়োর ) দোড়া'ল ; পিতাপুত্রে ( বা বাপ-বেটার ) ছটিয়া আসিল » । কচিং ব্যক্তি-বাচক নাম কর্তৃরূপে আসিলে, « -এ »-বিভক্তির প্রয়োগ হয় না ; যথা—« রাম আর শ্যাম মুখ দেখাদেখি করে না ; কাদের আর কেদার খাতা দেখাদেখি করিতেছে ; লর্ড আরউইন ও মহাত্মা গান্ধী পরম্পর ( পরম্পরে ) এ বিষয়ে পত্রালাপ করিয়াছেন » ইত্যাদি ।

সূত্র-বাচক শব্দ-দ্বারা বিশেষিত কর্তার « -এ » বিভক্তি যুক্ত হইলে, কর্তার সম্মিলিতত্বের ও সুপরিচিতত্বের ভাব প্রকাশ করে ; যথা—« তাহারা দুই জন চলিয়া গেল—তাহারা দুইজনে চলিয়া গেল ; পাঁচ জন খাইবে—পাঁচ জনে খাইবে » ইত্যাদি ।

## [২] কর্মকারক

যে বস্তুকে অবলম্বন করিয়া কিম্বা কর্ম হয়, অথবা যদ্বারা কিম্বা সম্পূর্ণতা লাভ করে, তাহাকে কর্মকারক বলে । কিম্বাপদের উত্তরে, « কি ? » বা « কাহাকে ? » এইরূপ প্রশ্ন করিয়া কর্মপদকে জানা যায় ; যথা—« রাম



ভাত খাইতেছে : কি খাইতেছে ?—ভাত »—« ভাত » কর্মকারক ; « রামকে ডাক ; গোপাল গল্প বলিবে ; ঘহু বইখানি পড়ে নাই ; আমার দুইটা টাকা দাও ; মুটিয়া আরও বেশী মজুরী চাহিতেছে ; বাবা আমার জন্ত কমলালেবু আনিবেন ; নিউটন মাধ্যাকর্ষণ-সূত্র আবিষ্কার করেন ; আলেক্সান্দর দিঘিজয় করিয়াছিলেন ; গাই দুধ দেয় » ইত্যাদি ।

কতকগুলি অবস্থা-বাচক ক্রিয়ার উত্তর কর্ম মিলে না—এগুলি অকর্মক-ক্রিয়া ; যথা—« খোকা ঘুমাইতেছে ; একথা শুনিলে লোকে খুব হাসিবে ; সে আসিল না » । অকর্মক-ক্রিয়ার ভাবকে ভাবিয়া, « করু » বা অন্ত্র ধাতু-যোগে, বাক্যটিকে সকর্মক করা যাইতে পারে ; যথা—« খোকা, ঘুম কর ; এত হাস্য করা উচিত নহে » । গমন, ভ্রমণ প্রভৃতি অর্থযুক্ত কতকগুলি অকর্মক ধাতুর উত্তর স্থান-, কাল- বা পরিমাণ-বাচক শব্দকে, আপাত-দর্শনে কর্মরূপে পাওয়া যায় ; যথা— « তিন দিন পথ চলিল ; সারারাত জাগিয়া কাটাইয়াছি ; যুদ্ধ সমস্ত দিন চলিল ; এক ক্রোশ ঘুরিয়া তবে বাড়ী পছঁছিলাম ; সে উঁচু তিন হাত লাফাইয়াছে » ইত্যাদি । বহুক্ষেত্রে অকর্মক ক্রিয়ার সম-ধাতুজ কর্ম (Cognate Object) হইয়া থাকে । এইরূপ সম-ধাতুজ কর্ম প্রায়ই বিশেষণ-যুক্ত হইয়া থাকে, এবং এই কর্ম-দ্বারা ক্রিয়ার কার্যের আতিশয্য, বা গভীরতা, অথবা অন্ত্র বিশেষ গুণ বুঝানো হইয়া থাকে ; যথা—« কি মারুটাই তাহাকে মারিল ; খুব ঠকানু ঠকাইয়াছে ; সে কেবল একটু দৈতো ( < দাঁতুরা ) হাসি হাসিল ; ছেলটার মা বুক-কাটা কালা কাঁদিল ; আর তোমার মায়া-কালা কাঁদিতে হইবে না ; তুরকী-নাচন নাচিল ; কাষ্ঠ-হাসি হাসিল ; আমি গভীর ঘুম ঘুমাইলাম ; চারিদিক্ জাজল্যমান রাখিয়া বুড়ী খুব মর্যাই মরিয়াছে ; এমন চোরের মত থাকা থাকিতে চাই না » ইত্যাদি ।

সকর্মক ক্রিয়ার সহিতও সম-ধাতুজ-কর্ম ব্যবহৃত হয় ; যথা—« বয়স হ'ল তিন কুড়ি দশ, চের দেখা দেখেছি ; তাঁহার বাড়ীতে বহু ভোজে অনেক খাওয়া খাইয়াছি » ইত্যাদি ।

কখনও-কখনও সমার্থক ক্রিয়ার দুইটি কর্ম থাকে, উহাদের মধ্যে একটিকে উদ্দেশ্য বা লক্ষ্য ক্রিয়া অপরাটীর দ্বারা কিছু বলা হয়, বা অপরাটিকে প্রথমটির উপরে আরোপ করা হয়; যথা—  
 « হিন্দুগ্না বুদ্ধদেবকে পরমেশ্বরের অবতার বলিয়া সম্মান করে; পাথরকে সংস্কৃত ভাষার প্রস্তর বা অগ্নি বলে; মাতাপিতাকে সাক্ষাৎ দেবতা ভাবিয়া পূজা করিবে; দিনকে রাত, রাতকে দিন করিয়াছে; অর্থকেই অনর্থের মূল জানিবে; ‘ঘর কৈনু (= করিলাম) বাহির, বাহির কৈনু ঘর—পর কৈনু আপন, আপন কৈনু পর’; ক্ষিতি-অপ্-তেজঃ-মরৎ-বোম-কে পঞ্চভূত বলে »—এই বাক্যগুলিতে, « বুদ্ধদেব, পাথর, মাতাপিতা, দিন, রাত, অর্থ, ঘর, বাহির, পর, আপন, ক্ষিতি-অপ্-তেজঃ-মরৎ-বোম » এই পদগুলিকে উদ্দেশ্য ক্রিয়া অস্ত শব্দগুলি প্রযুক্ত হইয়াছে; এইরূপ কর্ম-পদকে উদ্দেশ্য-কর্ম বলে; এবং আরোপিত অস্ত কর্মকে বিধেয়-কর্ম বলে। উদ্দেশ্য-কর্ম বিভক্তি-যুক্ত হইয়া থাকে, বিধেয়-কর্ম জরূপ হয় না। উদ্দেশ্য-কর্মের বিভক্তি যোগ না করিলে উহা প্রকৃতিতে কতৃকারক হইয়া দাঁড়ায়, এবং বিধেয়-কর্ম উহার বিধেয়-বিশেষণ হইয়া পড়ে; যথা—« অর্থকে অনর্থের মূল জানিবে » = « অর্থ (হইতেছে) অনর্থের মূল, (ইহা) জানিবে »।

« দেওয়া, বলা, প্রশ্ন করা » প্রভৃতি অর্থ যুক্ত সকর্মক ক্রিয়ার কোনও কোনও স্থলে দুইটি কর্ম থাকে; নিজস্ব বা প্রয়োজক ক্রিয়াও তরূপ। এই দুইটি কর্মের একটিকে মুখ্যকর্ম (Direct Object) ও অন্যটিকে গৌণকর্ম (Indirect Object) বলে। মুখ্য-কর্ম না থাকিলে, ক্রিয়ার কার্য পূর্ণতা প্রাপ্ত হয় না; গৌণ-কর্মের উপর দিয়া অথবা ইহার সহায়তায় ক্রিয়ার কার্য নিষ্পন্ন হয়, কিন্তু গৌণ-কর্ম না থাকিলে ক্রিয়ার কার্য সম্পূর্ণ হইতে বাধা থাকে না। « কি? » এই প্রশ্নের উত্তরে মুখ্য-কর্ম, এবং « কাহাকে? কাহার জন্য? » এই প্রশ্নের উত্তরে গৌণ-কর্ম মিলে; যথা—« লক্ষণ চিত্রপট প্রসারিত করিয়া রামচন্দ্রকে দেখাইলেন; ছাত্রটিকে শিক্ষক মহাশয় এই কথা জিজ্ঞাসা করিলেন; আমাকে একটি গান শোনাও; গোকটিকে জাব দাও; মা ছেলেকে দুধ খাওয়াইতেছেন; ‘জিজ্ঞাসিব এই কথা জনে জনে’; ‘অন্ধ-জনে দেহ আলো, মুকে দেহ ভাষা’ (সম্প্রদান-রূপেও ধরা যায়) » ইত্যাদি।

মুখ্য-কর্ম কোনও বিভক্তি যুক্ত হয় না। গৌণ-কর্ম « -এ (-য়), -কে, -রে » বিভক্তি যুক্ত হয়; বহুস্থলে গৌণ-কর্ম সম্প্রদান-কারক হইতে অভিন্ন।

## কর্মকারকের বিভক্তির প্রয়োগ

(১) দ্বিকর্মক ক্রিয়ার মুখ্য- ও বিধেয়-কর্মে বিভক্তি যুক্ত হয় না, গৌণ- ও উদ্দেশ্য-কর্মে ই হয়;—ইহা পূর্বে বলা হইয়াছে। এক-বচন ও বহু-বচন, উভয়েই এক নিয়ম।

(২) অপ্রাণিবাচক বা অচেতন পদার্থে, তথা ক্ষুদ্র-প্রাণিবাচক শব্দে, সাধারণতঃ বিভক্তি যুক্ত হয় না; যথা—« বই আনিয়াছ? ফুল তুলিতেছে: হাত ধোও; পিঁপড়ে দেখ্ছ বুঝি? আল্কাৎরা দিয়া উইপোকা নিবারণ করে; বইখানা ধরো; ও ফুলটা তুলিও না; হাত দুটা ধোও গিয়ে; পিপিডাগুলি মারিয়া না; জলটুকু খাইয়া ফেলো; মশা মারিয়া হাত কালি করা, সাগর শুষ্কিয়া ফেলিল; কি মাছ কুটিতেছ? পাহাড় নড়ায় সাধ্য কার? » ইত্যাদি।

কিন্তু বিশেষ-ভাবে কর্মকে নির্দেশ করিতে হইতে হইলে, « -কে » বা « -রে » বিভক্তি ব্যবহৃত হয়; যথা—« আগে বেশ ক'রে হাতটিকে ধুয়ে এস', তার পরে ওষুধ লাগাবে; মাছটিকে বেশ ছোট-ছোট করিয়া কুটিবে; এই দুধটুকুকে মেরে ক্ষীর ক'রে রেখো; জগন্নাথ ( = জগন্নাথ মূর্তি ) দেখ ( কিন্তু, জগন্নাথকে ডাকো = শক্তিশালী দেবতা জগন্নাথকে, অথবা জগন্নাথ-নামক ব্যক্তিকে ), কলটাকে ঠাকুরের জন্ত তুলিয়া রাখ » ইত্যাদি।

(৩) প্রাণিবাচক শব্দ হইলে, কর্ম যদি অনির্দিষ্ট থাকে, অথবা যদি কেবল জ্ঞাতি নির্দেশ করে, কিংবা কোনও বিশেষণ-দ্বারা যদি নির্দিষ্ট হয়, তাহা হইলে সেখানে বিভক্তির যোগ হয় না। কিন্তু কর্মপদকে যেখানে সূনির্দিষ্ট করিবার আবশ্যক হয়, কিংবা কর্মপদ কোনও ব্যক্তি-বিশেষের নাম বলিয়া যেখানে সূনির্দিষ্ট, সেখানে কর্ম-বিভক্তি যুক্ত হয়। পূর্বে উল্লিখিত গৌণ- ও উদ্দেশ্য-কর্ম কতকটা নির্দেশাত্মক বলিয়া, এগুলিতেও কর্মকারকের বিভক্তি আইসে। বহু-বচনে কর্মকারকে সর্বত্রই বিভক্তি যুক্ত হইয়া থাকে।

কর্মকারকের বিভক্তিগুলির মধ্যে, « -কে » সাধু-ভাষার ও চলিত-ভাষার সাধারণ; « -রে » কবিতার বেশী প্রযুক্ত হয়, ক্চিৎ চলিত-ভাষার এবং সংস্কৃত-

বহুল সাধু-ভাষায় মিলে ; এবং « -এ, (-র ) » গণ্ডে ও পণ্ডে সর্বনাম শব্দে, এবং কবিতায়, তথা প্রাচীন প্রবাদাদি উক্তিভে বিশেষ-শব্দে ব্যবহৃত হয় ।

উদাহরণ—« শীঘ্র একজন ডাক্তার ডাকো—এসন্ন-ডাক্তারকে ডাকিয়া আনো ; এমন মানুষ ( এমন অদ্ভুত মানুষ, ভালো মানুষ ) কখনও দেখি নাই—মানুষটাকে ডাকো ; মুটে ডাকো (=যে কোনও একজন অনির্দিষ্ট মুটে)—মুটেকে ( মুটেদের ) পরমা দাও (=যে মুটে উপস্থিত আছে ) ; রাখাল গোরু চরায় (=সাধারণ-ভাবে)—গোরুটাকে গোহালের ভিতরে লইয়া আইস ; রামকে দেখিতেছি না ? ছেলে নাও—ছেলেকে (=এই ছেলেটাকে ) নাও ; আমি কখনও গঙ্গা দেখি নাই (=অপ্রাণিবাচক গঙ্গা নদী)—গঙ্গাকে (=গঙ্গানদীর অধিষ্ঠাত্রী বিশিষ্ট দেবীকে ) প্রণাম করো ; হিমালয় দেখিয়া আসিলাম ; তাহারে ডাকিয়া আনো ; রাজকুমার সসঙ্কম-প্রণিপাত-পূর্বক ঋগিরে আহ্বান করিলেন ; ‘আমারে করহ তোমার বীণা’ ; ‘অবনত ভারত চাহে তোমারে, এস’ হৃদর্শনধারী মুরারে’ ; আমার মাবুছ কেন ? তোমায় দেখলেও পাপ » ইত্যাদি ।

কবিতায় « -এ » বা « -র » বিভক্তি-যুক্ত কৃমিপদের উদাহরণ—« মানুষ হইয়া তুমি জিনিলে রাবণে ; কৃষ্ণে ভাবি মনে ; দেহ মোরে সরস বচনে ; বৃথা গল্প দশাননে ; যোল উপচার দিয়া, ছাগল মহিষে ; ভজো মন নন্দঘোষের নন্দনে » ইত্যাদি ।

« লোহা পিটিয়া হাতে কড়া পড়িয়া গিয়াছে—লোহাকে পরিবর্তিত করিয়া ইম্পাত প্রস্তুত করে ; সোনা গলাইয়া গহনা করে—সোনা বা সোনাকে পিটিলে সোনার পাত প্রস্তুত হয় » —এরূপ ক্ষেত্রে বিকল্পে বিভক্তির ব্যবহার চলে ।

### [৩] করণকারক

কর্তা যাহার সাহায্যে কার্য সম্পাদন করে, তাহাকে করণ-কারক বলে । কর্তা কার্য করে ; কিন্তু যেখানে কোনও পদার্থ এই কার্যে সাধন বা উপায়-রূপে ব্যবহৃত হয়, তাহাই করণ-পদ-বাচ্য । জিয়ার পূর্বে « কিসের, বা কাহার দ্বারা », অথবা « কিসের, বা কাহার সাহায্যে », কিংবা « কিসে » ইত্যাদি যোগ করিয়া প্রশ্ন করিলে, তাহার উত্তরে করণ-কারক পাওয়া যাইবে ; যথা—« হাতে মাথা কাটে » : « কিসে কাটে ?—হাতে » — « হাতে » করণ-

কারক, তদ্রূপ, « কলম দিয়া লিখিয়াছি : কিসে, বা কিসের সাহায্যে, লিখিয়াছি ?—কলম দিয়া » ।

করণ-কারক নানা অর্থে হয়, যথা—

[১] সাধন বা যন্ত্রাঙ্ক করণ : « ছুরী দিয়া পেন্সিল কাটো, বুঠার-দ্বারা কাষ্ঠচ্ছেদন কবে, কুড়ুল দিয়া কাঠ কাটে, পা দিয়া সরাইয়া দিল, চোখে দেখ না ? আমরা কানে শুনি, জাহাজে করিয়া সাগর পার হয়, কাঁটা দিয়া কাঁটা তোলে ; 'হট্টমালার দেশে, তারা গাই-বলদে চষে', আলোর আঁধার কাটিয়া যায়, হাওয়ার মেঘ উড়িয়া যায় ; মন দিয়া ( = মনের সাহায্যে ) পড়ো, কড়িতে ( বা টাকায় ) বাঘের দুধ মিলে, সোজা পথে চলো না কেন ? এক ঘায়ে শেষ করিয়া দিল, এই পথ দিয়া আসিব, কলিকাতা দিয়া আসিব, হাতে ( গোরুতে, বাস্পে ) কল চালানো হয়, 'দেব-আরাধনে ভারত-উদ্ধার হবে না, হবে না', ঘিয়ে ভাজা » ইত্যাদি ।

[২] উপায়াত্মক করণ : বাস্তব বা পার্থিব, বাহেজ্রিয়-গ্রাহ্য বস্তু যেখানে কার্যের সাধন হয় না, সেখানে উপায়াত্মক করণ হয়, যথা—« 'ভয়ে ভুলে যাই দেবতার নাম', পরিশ্রম-দ্বারা জীবনযাত্রা নির্বাহ কর, ব্যায়ামে শরীর ভাল থাকে, আনন্দে তাহার চক্ষু দিয়া জল পড়িতে লাগিল ; সময়ে সবই হয়, কালে মাহুষ পুত্রশোকও ভুলিয়া যায় » ইত্যাদি ।

[৩] হেতুময় করণ, ইহা উপায়াত্মক করণেরই পর্যায়ভুক্ত ; যথা—« তোমার হুঃখে শিয়াল-কুকুর কাঁদবে, বড় হুঃখে এতগুলি কথা বলিলাম, গোলমালে ( গোলেমালে ) তাহার টাকা কয়টা চুরি গেল, তোমার সুখে সুখী, ব্যথায় ব্যথী, সেবার তুষ্ট » ইত্যাদি ।

[৪] কালাত্মক করণ : « তিন দিনে ব্যাপারটা মিটিয়া গেল, 'হুই দণ্ডে চ'লে যায় হুই দিনের পথ' » ।

[৫] উপলক্ষণ বা লক্ষণাত্মক করণ : « রাম নামে একটা ছেলে ; হুঃখের বেশে এসেছ ব'লে, তোমারে নাহি ডরিব হে', শিকারী বিড়াল গৌকে

চেনা যায় ; ব্যবহারেই ইতর-ভদ্র বুঝা যায় ; জাতিতে ব্রাহ্মণ বটে, কিন্তু কাজে অতি পাষাণ ; বিদ্যায় বৃহস্পতি, ক্ষমায় বা ধৈর্য্যে পৃথিবীসম ; বীর্য্যে অর্জুন, শক্তিতে ভীম » ইত্যাদি ।

কোনও-কোনও বাক্যে একাধিক করণ থাকে ;—যথা—« মা নিজ হাতে ঝিনুক দিয়া ( ঝিনুকে করিয়া ) ছেলেকে দুধ খাওয়াইতেছেন ; সে একমনে তুলি দিয়া ছবি আঁকিতেছে ; সে চোখে-মুখে কথা কহিতেছে » ইত্যাদি ।

যেখানে অপরের পরিচালনায় কোনও কার্য্য করা হয়, সেখানে করণ-কারকে « কর্তৃক » প্রত্যয় ব্যবহার হয় না, « দিয়া ( \*দিয়ে ) » প্রত্যয়ই সেখানে চলে ।

### করণকারকের বিভক্তির প্রয়োগ

(১) করণে তৃতীয়া বিভক্তিতে « -এ, -য় -তে » প্রত্যয় যুক্ত হয় ; যথা—  
« আঙনে সিদ্ধ কর, কলমে লিখ ; মইয়ে নাগাল পায় ; খইয়ে পেট ভরে না ;  
টাকায় ( টাকাতে ) সব হয় ; এ রকম ছেলের চেয়ে মেয়েয় ( মেয়েতে ) বংশের  
মুখ রক্ষা হয় » ।

(২) প্রায় তাবৎ শব্দে « দ্বারা » যোগ হয় । « দ্বারা », সম্বন্ধের বিভক্তির পরেও আসিয়া প্রযুক্ত হইয়া থাকে ; যথা—« মূর্খ-দ্বারাই ( মূর্খের দ্বারাই ) এ কাজ সম্ভবে ; বুদ্ধি-দ্বারা ( বুদ্ধির দ্বারা ) অসাধ্য-সাধন করা যায় ; সেবা-দ্বারা মাতাপিতাকে তুষ্ট করিবে ; পুষ্প-দ্বারা দেব-পূজা হয় ; মৌলবী-সাহেব-দ্বারা আর বেশী ক্লাস করানো চলিবে না » ইত্যাদি । তদ্রূপ— « পণ্ডিতদিগের দ্বারা, পণ্ডিতদিগ-দ্বারা, পুষ্পসমূহ-দ্বারা » । সাধারণতঃ শুদ্ধ সংস্কৃত শব্দের উত্তর « দ্বারা »-প্রত্যয়ের প্রয়োগ হয়, কিন্তু অল্প শব্দে প্রযুক্ত হইতেও বাধ্য নাই ।

(৩) সাধারণতঃ ব্যক্তি-বাচক সংস্কৃত শব্দের সহিত « কর্তৃক » পদ প্রযুক্ত হয় । « কর্তৃক » মূল অবিকৃত শব্দেই যুক্ত হয়, যষ্ঠ্যন্ত রূপে নহে । « দেবতা-কর্তৃক, পণ্ডিতগণ-কর্তৃক, রাম-কর্তৃক ; বক্রিমচন্দ্র চট্টোপাধ্যায়-কর্তৃক প্রণীত » ইত্যাদি ।

(৪) «দিয়া» : একবচনে সর্ব শ্রেণীর বিশেষ্যের উত্তর করণ-কারকে «দিয়া (\*দিয়ে)» প্রযুক্ত হয় ; যথা— «নিজের লোক দিয়া কাজটা করাইয়া লইবে ; তেঁতুল দিয়া অম্বল (অম্র) রাঁধে ; এ বুদ্ধি দিয়া কিছু হইবে না » ইত্যাদি ।

কেবল ব্যক্তি-বাচক শব্দে, «কে (রে)» প্রত্যয়ান্ত কর-বা সম্প্রদানকারক-যুক্ত রূপের উত্তর, «দিয়া (\*দিয়ে)» ব্যবহৃত হয় ; যথা— «চাকরকে দিয়া ; ভ্রাঙ্গণকে দিয়া জল তুলাইবে না ; উকিলকে দিয়া মোকদ্দমা চালাইবে » ইত্যাদি ।

ব্যক্তি-বাচক ব্যতীত অত্র বিশেষ্যে বহুবচনে «কে (রে)»-প্রত্যয়-যুক্ত না করিয়াই «দিয়া (\*দিয়ে)» ব্যবহৃত হয় ; যথা— «ফুলগুলি দিয়া কি হইবে ? » । কিন্তু ব্যক্তি-বাচক শব্দে «কে» যোগ করিয়া, অথবা অত্র উপায়ে শব্দটিকে দ্বিতীয়ান্ত বা চতুর্থান্ত করিয়া, তবে «দিয়া (\*দিয়ে)» যোগ হইয়া থাকে ; যথা— «চাকরদিগকে দিয়া (\*চাকরদের দিয়ে) কোনও কার্য হইবার নহে » ।

সাধারণতঃ অসংস্কৃত শব্দের সঙ্গেই «দিয়া (\*দিয়ে)»-প্রত্যয় ব্যবহৃত হয় ; সাধু-ভাষায় সংস্কৃত শব্দের সহিত সংস্কৃত-পদ «দ্বারা, কর্তৃক»-ব্যবহারই প্রশস্ত ।

(৫) করণ-বিভক্তির লোপ :

ক ও প্রহারার্থক ধাতুর যোগে করণ-কারকে বহুঃ বিভক্তি ব্যবহৃত হয় না—করণ-কারকে আকারে বিভক্তি-বিহীন কর্ম-কারকবৎ দেখায় ; যথা— «বেত মারিল ; লাঠি মারিল ; বেতের, লাঠির, ছাতার, বাড়ি (—ঘটি) মারিল ; ঠেলা মারিল ; বাড়ি মারিল » ( কিন্তু «খড়্গে বা খাঁড়ার কাটিল » ) । প্রসারে— «ইটের বাড়ি মাথা ভাঙ্গিয়া দিব ; পাশা খেলে ; তাস, ফুটবল খেলে » । ক্রীড়ার্থক বা প্রহারার্থক ধাতুর প্রয়োগ না হইলে, বিভক্তি আসে ; যথা— «পাশায় সে হারে না ; তরবারি-খেলায় সে চতুর » ।

(৬) পুঙ্খগী ও বর্ণীর বিভক্তি-দ্বারা কৃচিং করণ-কারকের ভাব প্রকাশিত

হয় ; যথা—« অঙ্গের আঘাত ; জলের লেখা , কালির দাগ ; নখের আঁচড় ; তাসের খেলা ; পুত্র হইতে ( =পুত্র দ্বারা ) যেন বংশ উজ্জল হয় ; ‘আমা-হ’তে ( আমার দ্বারা ) এ কার্য্য হবে না সাধন’ » ইত্যাদি ।

কখনও-কখনও করণ- ও অধিকরণ-কারকের মধ্যে পার্থক্য-নির্ণয় করা কঠিন হইয়া থাকে ; এই হেতু, অধিকরণের বিশিষ্ট বিভক্তি « তে », করণ-কারকেও সম্প্রসারিত হয় ; যথা— « আকাশ মেঘে ঢাকা ; গীড়ায় দুর্বল ; এই কাহিনী ইতিহাসের পত্রে স্বর্ণাঙ্করে লিখিত হইবার যোগ্য ; তোমার মহিমা যেন জলন্ত অঙ্করে লেখা , নৌকাতে নদী পার হয় ; দুঃখে ( দুঃখেতে ) চিন্তা যাহার বিচলিত হয় না » ইত্যাদি ।

#### [৪] সম্প্রদানকারক

স্বত্বত্যাগ করিয়া যাহাকে কিছু দান করা যায়, অথবা যাহার জন্ত বা যাহার উদ্দেশ্যে কিছু করা যায়, তাহাকে সম্প্রদান-কারক বলে । « কাহাকে, কাহার জন্ত, কাহার তরে » ইত্যাদি প্রশ্নের উত্তরে সম্প্রদান-কারক পাওয়া যায় ।

সংস্কৃতে সম্প্রদান-কারকে বিশেষ বিভক্তি আছে, বাঙ্গালায় কিন্তু « এ, কে, রে »-বিভক্তি-যুক্ত কর্ম-কারক ও সম্প্রদান অভিন্ন । তবে বিশেষ কতকগুলি কর্ম-প্রবচনীর অনুসর্গ-দ্বারা সম্প্রদান-কারক দ্ব্যোতীত হয় । কেহ-কেহ বাঙ্গালায় সম্প্রদান-কারক পৃথক স্বীকার না করিয়া, ইহাকে কর্ম-কারকের অন্তর্গত করিয়া দেখেন । ইহা এক হিসাবে সমীচীন ; তবে সংস্কৃত ব্যাকরণের সহিত সঙ্গতি রাখিবার জন্ত, এবং « তরে, জন্ত, নিমিত্ত » প্রভৃতি অনুসর্গ-যোগে উদ্দেশ্য-দ্ব্যোতক সম্প্রদান বাঙ্গালায় ধরা যায় বলিয়া, বাঙ্গালা ভাষায় সম্প্রদান-কারক পৃথক ধরা হয় ; কিন্তু বাঙ্গালায় ইহাকে গৌণ-কর্মেরই প্রকার-ভেদ বলিলে ক্ষতি হয় না ।

সম্প্রদান, যথা— « ক্ষুধাত কে অন্নদান করা মহাপুণ্য ; সৎপাত্রে কস্তাদান করা উচিত ; তাঁহাকে আমার নমস্কার জানাইবো ( কিন্তু ‘তোমার করি নমস্কার’ —এখানে কর্ম-কারক-রূপেই ধরিতে হয় ) ; আমার জন্ত এই কাপড় আনা হইয়াছে ; দুঃখীর তরে যার প্রাণ কাঁদে, সেই মহাশয় ব্যক্তি » ইত্যাদি ।

যেখানে বেচ্ছার স্বত্বত্যাগ করিয়া দান করা হয় না—স্বত্ব রাখিয়া, ভয়ে, বলে, অথবা দেয় বস্তু বলিয়া যেখানে অর্পণ হইতেছে, সেখানে কেহ-কেহ সম্প্রদান-কারক স্বীকার করেন না, সেখানে ক্রিয়া-



বা অনুসর্গ-যোগে চতুর্থী হয় মাত্র; যথা— « ডাকাতকে সর্ব্ব দিল; দরওয়ানকে কিছু ঘুষ দিয়া জিতরে প্রবেশ করিল; রাজাকে কর দিতেছে; চাকরকে মাহিনা দাও; ধোপাকে কাপড় দাও » ইত্যাদি। « গুরু শিষ্যকে পাঠ দিতেছেন; তাহাকে অর্ধচন্দ্র দিয়া বিদায় দিল »—এরূপ স্থলেও সম্প্রদান নহে, এইরূপ বাক্যে যে « দে » খাতু আসিয়া গিয়াছে, তাহা কেবল বাঙ্গালার প্রচলিত idiom বা বাক্যভঙ্গী-হেতু।

কখনও-কখনও সম্প্রদানে সপ্তমীর বিভক্তি «-এ, তে »-ও প্রযুক্ত হয়; যথা— « আমাদের সমিতিতে (সভায়) তিনি অনেক টাকা দেন; 'অন্ধজনে দেহ আলো' » ইত্যাদি।

নিমিত্তার্থে— « কিসের সন্ধানে ঘুরিতেছ? »। উপভাষায় ও কবিতায় « কে »-যুক্ত উদ্দেশ্য-মূলক সম্প্রদান-কারকের বিশেষ প্রয়োগ আছে; যথা— « জলকে (=জলের জন্ত) চল; ঘরকে যাও (=ঘরে, ঘরের উদ্দেশে) যাও; ছাতাকে ছাতা, লাঠিকে লাঠি » ইত্যাদি।

### [৫] অপাদান-কারক

যে স্থান-বাচক, আধার-বাচক বা কাল-বাচক বিশেষ্য বা সর্বনাম-পদ হইতে ব্যাক্যস্থিত ক্রিয়া-পদের দ্বারা অপসরণ বা সরিয়া যাওয়া বুঝায়, তাহাকে অপাদান-কারক বলে। « কি বা কাহা হইতে, কিসের থেকে » ইত্যাদি প্রশ্নের উত্তরে অপাদান-কারক পাওয়া যাইবে; যথা— « তিল অথবা সরিষা হইতে তৈল হয়; সে ঘর হইতে বাহিরে আসিল; গাছ থেকে ফল পড়িল; হিমালয় হইতে গঙ্গা প্রবাহিত; কূপ হইতে জল তোলে; বাঘ হইতে মৃত্যু ঘটিল; বই থেকে বলিতেছি; পাপ হইতে দূরে থাকিবে; বেহালা হইতে সুন্দর ধনি বাহির হয়; সাগর হইতে মুক্তা পাওয়া যায় » ইত্যাদি।

অপাদান-কারকে পঞ্চমী বিভক্তি, অর্থাৎ পঞ্চমী বিভক্তির (বা অপাদান-কারকের) কয় প্রবচনীয় বিশেষ্য অথবা ক্রিয়াপদের বিশেষ অনুসর্গের (« হইতে, হতে, থেকে, চেয়ে; কাছে, অপেক্ষা » ইত্যাদি) ব্যবহার হয়।

তৃতীয়া ও সপ্তমীর « এ » বা « তে » বিভক্তি এবং যতীয় « এর, র » বিভক্তি-যোগেও

অপাদান-কারক হয়; যথা—« গুরুমুখে এ শিক্ষা পাইয়াছ; তিলে বা তিল হইতে তেল হয়; খনিতে সোনা পাওয়া যায়; সে বাঘের (ভূতের) ভয়ে রাত্রিতে ঘরের বাহির হয় না; পড়ায় বিরত হইয়ো না; এ মেঘে বৃষ্টি হয় না; চক্ষু দিয়া (=তৃতীয়) যেন অগ্নি-স্কুলিন্দ বাহির হইতে লাগিল; তাঁহার মুখ দিয়া এমন কথা বাহির হইবার নহে; চোখ দিয়ে জল পড়ল; 'ভয়ে ভুলে' যাই দেবতার নাম'; কি স্থখে এ কথা বলিব » ইত্যাদি।

বিভিন্ন প্রকারের অপাদান-কারক আছে; যথা—

[১] **আধার- বা স্থান-বাচক অপাদান**— « কলিকাতা হইতে সপ্তাহে দুই বার জাহাজ রেঙ্গুন-যাত্রা করে; আসন হইতে উঠিবে না; পরিষৎ হইতে প্রেরিত প্রতিনিধি; ছাত থেকে পড়িয়া গেল; রাজার নিকট হইতে এই সম্মান লাভ করিলেন »। স্থান- বা আধার-বাচক অপাদানে কচিং « হইতে » পদের লোপ হয়; যথা— « রাজার নিকট হইতে, অথবা রাজার নিকটে, রাজার নিকট; মহাজনের ঠাইয়ে, ঠাই (অথবা ঠাই হইতে, স্থান হইতে, নিকট হইতে) কর্জ মিলিল না »।

[২] **অবস্থাত্মক অপাদান**— « আমার ঘর থেকে মন্দিরের চূড়া দেখা যায়; আমাদের বাড়ী হইতে আজানের ধ্বনি শুনা যায়; গাছ থেকে টানিতে লাগিল; জাহাজ হইতে কথা কহিতে লাগিল »।

[৩] **কাল-বাচক অপাদান**— « ১৭৬৫ সাল হইতে বাঙ্গালা-দেশে ব্রিটিশ অধিকারের আরম্ভ; চারি দিন হইতে আমার জ্বর হইয়াছে »।

[৪] **দূরত্ব-বাচক অপাদান**— « কলিকাতা হইতে কাশী ২০০ ক্রোশের অধিক »।

[৫] **ভারতম্য-বাচক অপাদান**— « রামের চেয়ে শ্রাম বয়সে ছোট; স্বর্গ অপেক্ষা জন্মভূমির গৌরব অধিক; প্রাণের অপেক্ষা প্রিয় » ইত্যাদি।

### [৬] **সম্বন্ধ-পদ**

যাহার অধিকারে কোনও পদার্থ বিद्यমান থাকে, বা যাহার সহিত কোনও পদার্থের সম্পর্ক বা সম্বন্ধ থাকে, এবং উক্ত পদার্থকে যাহা বিশিষ্ট করিয়া দেয়,

তাহাকে **সম্বন্ধ-পদীয়** বা **সম্বন্ধ-পদ** ( বা ইংরেজী মতে Genitive Case সম্বন্ধ-কারক ) বলা হয় ।

‘কাহার’ বা ‘কিসের’—এই প্রশ্নের উত্তরে আমরা সম্বন্ধ-পদ পাই । প্রকৃত পক্ষে, সম্বন্ধ-পদ বিশেষ্যের পক্ষে বিশেষণের কার্যই করিয়া থাকে ; এই জন্ত ইহাকে Adjective Case বা ‘বিশেষণাত্মক কারক’ বলা যাইতে পারে ।

সম্বন্ধ-পদ বিশেষণ-প্রকৃতিক বলিয়া, বাঙ্গালা ভাষার বহুল পরিমাণে বিশেষণ-অর্থে সম্বন্ধের বিভক্তি যুক্ত পদের প্রয়োগ হয় ( এ বিষয়ে নিম্নে দ্রষ্টব্য ) ; যথা—« সোনার খাল » । আবার, সম্বন্ধ-পদের পরিবর্তে কোনও স্থলে বিশেষণ-পদও ব্যবহৃত হইতে পারে ; যথা—« পিতার সম্পত্তি = পৈতৃক সম্পত্তি ; আপনার বন্ধু = ভবদীয় বন্ধু ; সূর্য্যের জগৎ = সৌর জগৎ » ।

বাঙ্গালায় সম্বন্ধ-অর্থে ষষ্ঠী বিভক্তি « র, এর » প্রযুক্ত হয় ।

বিভিন্ন অর্থে সম্বন্ধ-পদের প্রয়োগ হয় ; যথা—

(১) সাধারণ সংযোগ, সামীপ্য বা সামান্য সম্বন্ধ : « নদীর তীর, পুখুরের পাড়, পাহাড়ের চূড়া » ।

(২) অধিকার বা স্বামিত্ব : « রাজার রাজ্য, মামার বাড়ী, রামের বই, আমার দেশ, গোপালের মা » ।

(৩) অংশ বা অঙ্গ : « পাহাড়ের গা, গাছের ছাল, হাতীর দাঁত, শিশুর মুখ » ।

(৪) অধিকরণ সম্বন্ধ : « জলের মাছ, গহীন পানির মীন, ঘরের মাছুষ, টোলের ছাত্র, শীতের হাওয়া, গাঁয়ের মোড়ল, পালের গোদা, হাটের পসারী » ।

(৫) নিমিত্ত সম্বন্ধ : « বিয়ের বাজনা, রাধিবার কাঠ, জপের মালা, ভিকার চাঁল ( অধিকরণেও হয় ), ঘোড়ার দানা, দেশের ডাক ( অপাদানেও হয় ), পড়িবার ঘর, টাকার শোক, পরের হুঃখে কাতর, শাঁখের করাত » ।

(৬) অপাদান সম্বন্ধ : « সাপের ভয়, বাঘের ভয়, কাশীর দক্ষিণে, গঙ্গার পশ্চিমে » ।

(৭) করণ সম্বন্ধ : « লাঠির দ্বারা তুলির টান, কলমের আঁচড় » ।

(৮) উপাদান সম্বন্ধ : « সোনার গহনা, ছানার মুড়কী, ক্ষীরের পিঠা, যবের ছাতু, তেলের খাবার, সরিষার তেল, দুধের সর » ।

(৯) ব্যাপ্তি সম্বন্ধ : « এক দিনের পথ, তিন ক্রোশের পাড়ী, দুই সপ্তাহের ছুটি » ।

(১০) যোগ্যতা- বা শুণ-বাচক সম্বন্ধ : « খাইবার ঔষধ, মানুষের কোশল, জমীর দাম, স্নানের বেলা, মূর্খের অববেচনা » ।

(১১) গতি সম্বন্ধ : « কলের গাড়ী, গোরুর গাড়ী » ।

(১২) পূর্ব-পর বা ক্রম সম্বন্ধ : « পাঁচের পৃষ্ঠা, দুইয়ের ( = দ্বিতীয় দিনের ) হাট » ।

(১৩) কার্য-করণ সম্বন্ধ : « অগ্নির উত্তাপ, প্রদীপের আলো, ধোঁয়ার অঁধার » ।

(১৪) অভেদ বা উপমা সম্বন্ধ : « জ্ঞানের আলো, দিনের খেলা, শোকের ঝড়, মূগের ডাইল » ।

(১৫) কর্ম সম্বন্ধ : « বিচার চর্চা, রোগীর চিকিৎসা, পরের নিন্দা, ঈশ্বরের উপাসনা, দরিদ্রের সেবা ছজুরের খেদমৎ » ।

(১৬) জন্তু-জনক সম্বন্ধ : « রামের পিতা, জমীদারের পুত্র, গাছের কল, শাঁখের ধ্বনি » ।

(১৭) কর্তা সম্বন্ধ : « আমার পড়া বই, সকলের পূজা বা পূজিত » ।

(১৮) বিশেষণ সম্বন্ধ : « গুণের ছেলে, দুঃখের ভাত, দুঃলের কুঁড়ি, নিন্দার কথা, চল্লিশের কোঠা, সোনার চাঁদ, চারের নম্বর, দুধের বাছা, লোহার কার্তিক, হাড়ীর হাল, সোনার গৌরাক, সাতের সংখ্যা, বজ্জাতের ধাড়ী » ।

(১৯) তারতম্য-মূলক সম্বন্ধ : « মধ্যে, অপেক্ষা, চেয়ে » ইত্যাদি পদ-যোগে তারতম্য জানাইবার জন্তু ষষ্ঠী বিভক্তির প্রয়োগ হয় ; যথা— « রামের চেয়ে, রামের অপেক্ষা ( রাম-অপেক্ষা ), দুই জনের মধ্যে » ইত্যাদি । কচিং এইরূপ তারতম্য-স্বাতক পদ-ব্যবহার না করিয়াও, কেবল ষষ্ঠী-প্রয়োগ-দ্বারা এই

সম্বন্ধ প্রকাশিত হয়, যথা—« আমার বড়, তাহার ছোট, ইহার অধিক, তাহার কম » ।

(২০) অব্যয়-যোগে ষষ্ঠী : সহার্থক, নৈকট্যার্থক, তুল্যার্থক, হেতু- বা নিমিত্তার্থক, বিরুদ্ধার্থক ও দিগ্বাচক শব্দ-যোগে ষষ্ঠী হয়, যথা—« চন্দ্রের সহিত, বাঘের সঙ্গে, জোয়ের সঙ্গে, পণ্ডিতের কাছে, গৃহের নিকটে, লক্ষণের মতন, পিতার তুল্য, তাহার নিমিত্ত, ইচ্ছার বিরুদ্ধে, গহনার জন্ত, শত্রুতার দরুন, ঘরের উত্তরে, এশিয়ার অগ্নি-কোণে, রুশ-দেশের পশ্চিমে » ।

(২১) বাক্য-বিবক্ষায় : « তিনি যে বিশেষ সম্বন্ধে তাহার (—তাহাতে) আর সন্দেহ নাই » ।

(২২) Principal sentence অর্থাৎ প্রধান বা মৌলিক বাক্যে, « ইলে » -প্রত্যয়ান্ত অসমাপিকা-ক্রিয়া যদি বিশেষের ভাব প্রকাশ করে, তাহা হইলে কতৃপদের পরিবর্তে ষষ্ঠীর ব্যবহার চলে, যথা—« রাম গেলে হয়—শ্যামের গেলে চলিবে না » । অকর্মক ধাতুতেই এইরূপ প্রয়োগ হয় । তদ্রূপ, বিশেষ্য-ভাবগ্রন্থ « ইতে » ও « ইয়া » -প্রত্যয়ান্ত অসমাপিকা-ক্রিয়ার সহিত বিকল্পে ষষ্ঠী-বিভক্তি-যুক্ত কতৃপের ব্যবহার হয়, যথা—« তোমার ( তোমায়, তোমাকে ) যাইতে হইবে না, রামেব ( রাম ) গিয়া কোনও ফল নাই ; দরিদ্রের সেবা সকলেরই করিয়া যাওয়া উচিত ; সকলেরই ( সকলকেই ) দরিদ্রের সেবা করিতে আছে » ।

বহুস্থলে ষষ্ঠীর বিভক্তির লোপ হয়—কেবল পাশাপাশি দুইটা শব্দ বসাইলেই, প্রথমটির দ্বারা ষষ্ঠীর অর্থ প্রকাশিত হয় । এইরূপ অবস্থানকে “আলগা” বা “অসংলগ্ন সমাস” বলা যাইতে পারে । ( পূর্বে সমাস পর্যায় জড়িয়া ), যথা—« তোমার অপেক্ষা—তোমা অপেক্ষা ( কচিং তোমাপেক্ষা ) ; তোমার দ্বারা—তোমাদ্বারা, শ্রীতির নিমিত্ত—শ্রীতি নিমিত্ত, শ্রীতি-নিমিত্ত, খাজনার বাবত—খাজনা বাবত, খাজনা-বাবত » ইত্যাদি ।

সম্বন্ধে « কার » প্রত্যয় :

সময়, দিক, অবস্থান এবং সমষ্টি-বাচক কতকগুলি শব্দের উত্তর « কার » প্রত্যয় ব্যবহৃত হয় । এই প্রত্যয়ের শক্তি কতকটা বিশেষণের মত । চলিত-

ভাষায় কচিৎ « কার »-এর পরিবর্তে « -কের » রূপে মিলে। কতকগুলি শব্দে সপ্তম্যান্ত রূপের পরে ষষ্ঠী-বিভক্তির «-কার » বসে; যথা—

« পূর্বকার (পূর্বেকার); আগেকার; আজিকার—আজকের, আজকার; কালিকার—কালকের, কালকার; পরশুকার, তরশুকার; শেষকার, শেষেকার; প্রথমকার; ছেলেবেলাকার; সে-দিনকার; বছরকার দিন, সে বছরকার কথা; উপরকার, উপরেরকার; নীচুকার, নীচেকার; ভিতরকার, ভিতরেরকার; বাহিরকার, বাইরেরকার; এখানকার, এখানকের; যেখানকার, যেখানেকার (\* যেখনেকার); সেখানকার; কখনকার, কবেকার; যবেকার; যথাকার, তথাকার; কোথাকার, হেথাকার, হোথাকার, সেথাকার; কোনখানকার; তলাকার; পিছেকার, পিছুকার; উত্তরকার; বাঁ-দিক্কার, দক্ষিণকার, দক্ষিণ-দিক্কার, পূর্বদিক্কার; সকলকার, সবাকার, সবাইকার, সবাইকার; দৌতাকার; কতকের; আপনকার »।

কতকগুলি শব্দে « কার »-প্রত্যয়ের পরিবর্তে সাধারণ ষষ্ঠীর বিভক্তি «-এর, -র, » ব্যবহৃত হইতে পারে; কিন্তু সাধারণতঃ « আজিকার, কালিকার, এখানকার, তখনকার, কখনকার, যখনকার »-এর বিকল্পে «-এর, -র »-প্রত্যয়-যোগে গঠিত রূপ মিলে না। লক্ষণীয়—« পাঁচজনকার—পাঁচজনের », প্রায়ই একই অর্থে ব্যবহৃত হয়।

এতদ্ভিন্ন, « সত্য » শব্দের উত্তর « সত্যকার » (চলিত-ভাষায় « সত্যিকার »—সত্য > সত্যি, পথ্য > পথি, যজ্ঞ = যর্গ্য > যজ্ঞি) এইরূপ পরিবর্তন-অনুসাবে) রূপটি বাঙ্গালায় প্রচলিত; সাধু-ভাষায় « সত্যিকার » ব্যবহার করা ঠিক নহে, « সত্যকার » ব্যবহার করা উচিত।

### [৭] অধিকরণ-কারক

যে বিশেষ্য বা সর্বনাম পদ, বাক্যস্থিত ক্রিয়ার আধার বা স্থান, অথবা কাল বুঝায় তাকে অধিকরণ কারক বলে। “কোথায়, কিসে, কাহাতে, কখন, কবে”—এই প্রকার পদ-যুক্ত প্রশ্নের উত্তরে অধিকরণ-কারক পাওয়া যায়। বাঙ্গালার অধিকরণে সপ্তমী-বিভক্তির প্রয়োগ হয়।

অধিকরণ তিন প্রকার—[১] আধার-অধিকরণ, [২] কাল-অধিকরণ, ও

[৩] ভাব-অধিকরণ।

[১] আধার-অধিকরণ—যেখানে স্থান বা দেশ বুঝায় :—

/// (ক) দেশ- স্থান-বাচক : « ভারতবর্ষে গঙ্গানদী প্রবাহিত ; বইখানি ঘরেই ছিল ; মাছ জলে থাকে ; জলে কুমীর, ডাঙ্গায় বাঘ ; হিমালয়ে কস্তুরী মৃগ দেখিতে পাওয়া যায় ; পৃথিবীতে প্রায় সব দেশেই প্রজাতন্ত্র প্রতিষ্ঠিত » ।

(খ) ব্যাপ্ত্যধিকরণ : « সমুদ্রে লবণ আছে ; দুগ্ধে মাখন আছে ; আখের মধ্যে গুড়, সরিষার মধ্যে তেল ; সারাদেহে, সর্বাস্থে ব্যাধা » ।

(গ) অবস্থা ও বিষয়াধিকরণ : « ধর্মে মতি ; সর্বশাস্ত্রে ব্যুৎপন্ন ; এক টাকায় পাঁচটা ; গণিতে বিদ্বান্ ; পাঠে বা লেখায় নিবিষ্ট-চিত্ত » ।

(ঘ) সামীপ্যাধিকরণ : « কাশীতে গঙ্গা ; খিড়কীতে পুখুর ; দরজায় হাতী-বাঁধা ; গঙ্গাসাগরে মেলা বসে » ।

## [২] কাল্যাধিকরণ—

(ক) মুহূর্তাধিকরণ—« ভোরে সূর্য উঠে ; গত রাত্রিতে গোরুর বাছুর হইয়াছে ; তিনটা বাজিয়া নয় মিনিটে ট্রেন ছাড়িবে » ।

(খ) ব্যাপ্ত্যধিকরণ—« গ্রীষ্মকালে সূর্য অত্যন্ত প্রখর হয় ; তিন রাত্রি ঘুম হয় নাই ; এই বৎসরে প্রজাদের বড়ই অশান্তি যাইতেছে » ।

[৩] ভাবাধিকরণ—« সে বড়ই দুঃখে পড়িয়াছে ; সূর্যোদয়ে অন্ধকার গেল ; আনন্দে নিমগ্ন ; শোক-সাগরে নিমজ্জমান ; কোলাহলে পর্যবসিত ; আনন্দ-সাগরে সম্ভরণ » ইত্যাদি ।

## সপ্তমী-বিভক্তির লোপ:—

কাল-বাচক শব্দে, এবং সাধারণতঃ গমনার্থক ক্রিয়ার সহিত ব্যবহৃত স্থান-বাচক শব্দে, সপ্তমী বিভক্তি ( « এ, তে » ) বহুস্থলে ব্যবহৃত হয় না—কেবল অবিভক্তিক শব্দটী সপ্তমী বা অধিকরণ-রূপে ব্যবহৃত হয় ; যথা—« এ বৎসর ( = বৎসরে ) বড়ই বিপদ ; এ সময় = ( সময়ে ) তার দেখা মেলা ভার ; আজ হবে না, কাল এসো ; শনিবার ইস্কুল বন্ধ থাকে না ; বাড়ী যাও ; কলিকাতা পড়ছিল ; কাশী, ঢাকা, বৃন্দাবন, বিলাত, মক্কা গেল ; 'বিষ্টি পড়ে টাপুর-টাপুর, নদী ( = নদীতে ) এল' বান' » ।

পার্থক্য লক্ষণীয়—« এক দিন যাবো—এক দিনে যাবো ( তৃতীয়া ) ; সময়ে এসো—কোন সময় আসবো ? ; বাড়ী যাও—বাড়ীতে ( = বাড়ীর লোকেদের কাছে ) থবর দাও » ।

বীপ্সায় সপ্তমী।—বীপ্সা অর্থাৎ ‘প্রত্যেক’ অর্থে সপ্তমী-বিভক্তি-যুক্ত পদের দ্বিরুক্তি হয়। এই প্রকার দ্বিরুক্তিতে, প্রথম পদটি অপাদানের ও দ্বিতীয় পদটি অবিকরণের কাজ করে; যথা—« হাতে হাতে ( = প্রত্যেক হাতে, এক হাত হইতে অন্য হাতে ) ঘুরিতে লাগিল; কোণে কোণে = প্রত্যেক কোণে; ঘরে ঘরে, ঘর ঘর ( ঘর ঘর পাঁতি পাঁতি খুঁজিয়া বেড়াইল ); বনে বনে, গাছে গাছে, লতায় লতায়, ফুলে ফুলে, কুঞ্জে কুঞ্জে, ডালে ডালে, পাতায় পাতায়; দোরে দোরে, দোর দোর, দ্বারে দ্বারে »। কখনও-কখনও অত্যন্ত ঘনিষ্ঠতা অথবা অন্তরঙ্গ ভাব জানাইবার জন্য এইরূপ দ্বিরুক্তির প্রয়; যথা—« মনে মনে = আপন নিভৃত মনে; কানে কানে = কানে মুখ লইয়া গিয়া; প্রাণে প্রাণে; তাকে চোখে চোখে রাখ্বে; নয়নে নয়নে; হাতে হাতে শোধ দিলে ( = সঙ্গ সঙ্গ ); সাথে সাথে, সঙ্গ সঙ্গ; কানায় কানায় কলসীটা ভরিয়া গিয়াছে » ইত্যাদি।

### [৮] সম্বোধন-পদ

বাক্যের গতি ভঙ্গ করিয়া, যাহাকে বিশেষ-ভাবে আহ্বান করা হয়, তাহাকে সম্বোধন-পদ বলে।

খাটী বাঙ্গালা শব্দে সম্বোধনে মূল শব্দের কোনও পরিবর্তন হয় না, কতকগুলি বিশেষ অব্যয়-পদের দ্বারা সম্বোধন-পদকে স্ফুট করিয়া দেওয়া হয় মাত্র। « রা » বা « গুলো »-প্রত্যয়-যুক্ত বহুবচনের পদ সম্বোধনে কচিৎ প্রযুক্ত হয়; যেমন—« ওগো মায়েরা, কোথায় সব গেলে গো?; কি বাবুরা, ব'সে ব'সে কি হ'চ্ছে?; ওরে ছোঁড়াগুলো ( বা ছোঁড়ারা ), অত চোঁচাচ্ছিস্ কেন? »। যেমন প্রথমা বিভক্তি বা কর্তায়, তেমন সম্বোধনেও বহুবচনের « -দিগ »- প্রত্যয় ব্যবহৃত হয় না—« গণ, সমূহ, সকল » প্রভৃতি বহুবচন-বাচক শব্দ সম্বোধনে ব্যবহৃত হয়।

সাধু-ভাষায় ও কবিতায় সংস্কৃত শব্দ, সম্বোধন-পদে অনেক স্থলে সংস্কৃত শব্দ-রূপের নিয়ম-অনুসারে পরিবর্তিত হয়। এ সম্বন্ধে পূর্বে দ্রষ্টব্য।



নিম্নলিখিত অব্যয়-পদগুলি সম্বোধন-পদের সহিত ব্যবহৃত হয়। সাধারণতঃ এই সকল অব্যয় পূর্বেই বসে ; কতকগুলি কিন্তু পূর্বে ও পরে উভয়ত্রই বসে।

« অ ; অয়ি ; অরে ; অহে ; আমার ( পরেও বসে ) ; আরে ; আলো ; এই ; এই যে ; ও ; ও আমার ; ওগো ; ওরে ; ওরে আমার ; ওলো ; ওহে ; গা, গো ( স্বতন্ত্র—তুমি কি করছ গা বা গো ) ; গো ( পরে ) ; রে ( পূর্বে ও পরে ) ; লো ( পূর্বে ও পরে ) ; হে ( পূর্বে ও পরে ) ; হাঁ, হ্যাঁ ; হাঁগা, হাঁগো, হ্যাঁগা, হ্যাঁগো ; হাঁরা, হাঁরে, হ্যাঁরা, হ্যাঁরে ; হাঁলা, হ্যাঁলা ; হাঁহে, হ্যাঁহে ; হে ; হেদে, হেদে গো » ইত্যাদি।

এগুলি মানুষকে আহ্বান করিতে ব্যবহৃত হয়। এতদ্ভিন্ন নানা পশু ও পক্ষীকে আহ্বানের জন্ত বিশেষ অব্যয় আছে, সেগুলি স্বতন্ত্র-ভাবে ( অর্থাৎ কোনও বিশেষ্য না থাকিলেও ) ব্যবহৃত হয়। ( পরে দ্রষ্টব্য—অব্যয় পর্যায় )।

## অনুশীলনী

১। বিশেষ্য কাহাকে বলে ? উদাহরণ দিয়া বুঝাইয়া দাও।

২। নিম্নলিখিত পুংলিঙ্গ শব্দগুলিকে স্ত্রীলিঙ্গে এবং স্ত্রীলিঙ্গ শব্দগুলিকে পুংলিঙ্গে পরিবর্তিত কর :—

(ক) গায়ক, রজক, পেচক, মৎস্য, মাধুরী, মনুষ্য, মুদ্র, মনোহর, প্রেমসী, মগ্নী, বিধাতা, কালী, সৎ, দেবরাজ, জনক, সর্গ, দুষ্কর, পুত্র, অশ্রুমনা, অরণ্যানী, পরাধীন, চারু, নাবিক, সখা, অপরাধী, নিরপরাধ, ভূজঙ্গ, গৃধ্র, চৌধুরী, গিন্নী, শত্রু, গাবী, শিখিনী, সরস্বতী, যামিনী, তাদৃশী, যজ্ঞী, সাধারণ, বক্তা, ভাবুক, দ্রষ্টা, বিষয়ী, সভাপতি, বন্ধু, ঔপন্যাসিক, কবি, মেছো।

(খ) যুবা, কতর্, গুর, বিদ্বান, সখী, স্বশ্র, কামিনী, রাজ্ঞী।

(গ) অশ্ব, সম্রাট, সাধু, বাদশাহ, গোপীলা, খোঁড়া, ছোট।

৩। জায়া ও জাতি অর্থে, নিম্নলিখিত শব্দগুলির স্ত্রীলিঙ্গে কি কি রূপ হইবে ?—ব্রাহ্মণ, বৈষ্ণব, বৈজ্ঞ, নাপিত, পুত্র, আচার্য্য গোপ, উপাধ্যায়, ঋষি।

৪। নিম্নলিখিত শব্দগুলির মধ্যে অর্থগত কোন পার্থক্য থাকিলে বল :—আচার্য্য ও আচার্য্যানী, চণ্ডী ও চণ্ডা, ঘট ও ঘটী, স্থল ও স্থলী, হিম ও হিমালী।

- ৫। (ক) কয়েকটি ঙ্কারান্ত ও কয়েকটি অকারান্ত পুংলিঙ্গ শব্দের নাম উল্লেখ কর।
- (খ) কয়েকটি নিত্য স্ত্রীলিঙ্গ ও কয়েকটি নিত্য পুংলিঙ্গ শব্দের উদাহরণ দাও।
- ৬। বচন কাহাকে বলে? বাঙ্গালায় কি কি ভাবে বহু-বচন সৃষ্টি হয়, দৃষ্টান্ত-সহ বল।
- ৭। কারক কাহাকে বলে? কারক কয় প্রকার? সব প্রকার কারকবিশিষ্ট একটা বাক্য রচনা করিয়া, ক্রিয়ার সহিত বিবিধ কারকের পদগুলির কি সম্বন্ধ, বুঝাইয়া দাও।
- ৮। অপাদান-কারকের বিবিধ উদাহরণ দিয়া এক-একটি বাক্য গঠন কর। (C. U. 1944)
- ৯। সম্প্রদান-কারক কর বিবিধ উদাহরণ দিয়া এক-একটি বাক্য গঠন কর। (C.U. 1943)
- ১০। অণু কারকের সহিত সম্বন্ধ-পদের পার্থক্য কি তাহা বল?

## বিশেষণ

যে পদ-দ্বারা কোনও বিশেষ্য বা অণু পদের বিশেষ গুণ, ধর্ম, অবস্থা বা সংখ্যা প্রকাশ করা হয়, তাহাকে বিশেষণ-পদ বলে; যথা—« ভাল ছেলে », এখানে « ছেলে » এই বিশেষ্য-পদটির একটি বিশেষ গুণ, « ভাল » এই পদটির দ্বারা প্রকাশিত হইতেছে; « ছেলে » এই বিশেষ্য-পদের বিশেষণ হইতেছে, « ভাল » এই পদটি।

« বড় ভাল ছেলে »—এখানে « বড় » এই পদটি, বিশেষণ-পদ « ভাল »-র একটি বিশেষ অবস্থা প্রকাশ করিতেছে, অতএব « বড় » এই বিশেষণ-পদ, « ভাল » এই বিশেষণ-পদের বিশেষণ। এ ক্ষেত্রে ইহাকে বিশেষণের বিশেষণ বা বিশেষণীয়-বিশেষণ বলা হয়।

« ভালয়-ভালয় ঘরে পৌছাও »—এখানে « ভালয়-ভালয় » এই পদদ্বয় « পৌছাও » ক্রিয়া-পদের বিশেষ অবস্থার পরিচায়ক; অতএব « ভালয়-ভালয় », ক্রিয়ার বিশেষণ বা ক্রিয়া-বিশেষণ।

« তোমা-হেন পণ্ডিতের পাশে মূর্খ আমি কি দাঁড়াইতে পারি? »—এখানে « মূর্খ » পদটি, « আমি » এই সর্বনামের বিশেষণ।

অতএব দেখা যাইতেছে যে, গুণাদি-বাচক বিশেষণ-পদ, বিশেষ্য, বিশেষণ, সর্বনাম ও ক্রিয়া, এই সকল প্রকারের পদের সঙ্গে যুক্ত হইতে পারে। যে

প্রকারের পদের সহিত প্রযুক্ত হয় তাহার বিচার করিয়া দুই শ্রেণীর বিশেষণ ধরা যায় : (ক) নাম-বিশেষণ—যাহা নাম-পদ, সর্বনাম-পদ ও বিশেষণ-পদের সহিত যুক্ত হয় ( Adjective Proper ) ; এবং (খ) ক্রিয়ার বিশেষণ বা ক্রিয়া-বিশেষণ—যাহা ক্রিয়া-পদের সহিত ব্যবহৃত হয় ( Adverb ) ।

### উদ্দেশ্য ও বিধেয় (Subject and Predicate)

যাহার সম্বন্ধে কিছু বলা যায়, তাহা **উদ্দেশ্য** বা **কর্তা** (Subject) ; এবং প্রথমে উদ্দেশ্যের উল্লেখ করিয়া পরে উদ্দেশ্য-সম্বন্ধে যে কথা বলা যায়, তাহা **বিধেয়** (Predicate) ; যথা—« ঈশ্বর মঙ্গলময় »—এখানে « ঈশ্বর » উদ্দেশ্য, এবং « মঙ্গলময় » বিধেয় । তদ্রূপ « পরোপকার আমাদের প্রধান কর্তব্য »—এখানে « পরোপকার » উদ্দেশ্য, ও « কর্তব্য » বিধেয় । এই বিধেয়-পদ ক্রিয়াও হইতে পারে ; কিন্তু ইহা উদ্দেশ্য-পদের সম্পর্কিত কোন গুণ, ধর্ম বা অবস্থা প্রকাশ করে বলিয়া, ইহা এক প্রকারের বিশেষণ ব্যতীত আর কিছুই নহে । অবস্থা- বা গুণ-বাচক বিধেয়কে এই জন্ত **বিধেয় বিশেষণ** (Predicative Adjective) বলা হয় । বিশেষ্য-পদও বিধেয়-বিশেষণ হইয়া থাকে ; যথা—« ঈশ্বর আমাদের আশ্রয়-স্থল » ।

« কেমন, কত, কোন্, কি, কি কি, কিরূপ, কিরূপে, কেমন করিয়া » ইত্যাদি পদের দ্বারা প্রশ্ন করিলে, তদুত্তরে বিশেষণ নির্ণীত হয় ; যথা—« এই লাল বেনারসী সাড়ীটা অনেক কষ্টে পঞ্চাশ টাকায় কিনিয়াছি » ;—« কেমন সাড়ী », « কোন্ সাড়ী », « কত টাকা », « কি রূপে বা কেমন করিয়া কিনিয়াছ »—এই সমস্ত প্রশ্নের উত্তরে বিশেষণ ও ক্রিয়া-বিশেষণ মিলিত : « লাল, বেনারসী », « এই », « পঞ্চাশ » ও « অনেক কষ্টে » ।

### নাম-বিশেষণ

অর্থ-বিচার করিলে, নাম-বিশেষণ এই কয়টা মুখ্য শ্রেণীতে পড়ে :

[১] গুণ- বা অবস্থা-বাচক : « লাল ফুল ; বড় গাছ ; ঠাণ্ডা জল ; উঁচু পাহাড় ; গরম চা ; তিক্ত ঔষধ ; সব লোক ; সমস্ত পৃথিবী ; মনোহর

দৃশ্য ; মধুর বচন ; উজ্জ্বল নক্ষত্র ; যৎপরোনাস্তি লাঞ্ছনা ; অলৌকিক শক্তি ; উদার প্রকৃতি ; লঘুহস্ত ভৃত্য ; ক্ষিপ্রগতি দূত ; পরাদীন জীবন ; ধার্মিক ব্যক্তি ; ঘেয়ো কুকুর ; দ'য়ে কাদা ; দেনো জিনিস ; মেছো হাটা ; গেঁয়ো লোক, শহুরে' লোক, নগরিয়্যা জন » ইত্যাদি ।

[২] উপাদান-বাচক ; « স্বর্ণময় পাত্র ; মৃন্ময় মূর্তি ; মাটিয়া বা মেটে' কলসী » ।

[৩] সংখ্যা-বা পরিমাণ-বাচক : « লাখ টাকা ; পাঁচ হাত ; দশ জন » । « পাঁচ-জন মানুষ ; তিরিশ-খানা কাপড় »—এরূপ ক্ষেত্রে, « এক, দুই, তিন » প্রভৃতি সংখ্যা-বাচক শব্দের উত্তর « টা, টী, খানা, খানি, জন » প্রভৃতি পদাশ্রিত নির্দেশক প্রযুক্ত হয় (পূর্বে দ্রষ্টব্য) । পরিমাণ-বাচক নাম-শব্দ, সংখ্যা-বাচক শব্দের সহিত মিলিত হইয়া, পরিমাণ-বাচক বিশেষণ-রূপে অস্ত্র বিশেষ্যের পূর্বে বসে ; যথা—« এক বিঘা জমি ; তিন বাটি দুধ : পাঁচ হাত লম্বা ; দুই শত গজ »—এরূপ স্থলে « এক-বিঘা, পাঁচ-হাত, দুই-শত » প্রভৃতি পদ মিলিয়া বিশেষণ হইয়াছে । ( ইংরেজীতে প্রয়োগ অস্ত্র রূপ ; যথা—three cups of milk, ইহার আক্ষরিক বঙ্গানুবাদ হইবে—« দুধের তিন বাটি » ) ।

« বহু, অনেক, অল্প, কম, বড়, ছোট » ইত্যাদি বিশেষণ, পরিমাণ-ছোতক ।

[৪] পূরণ-বা ক্রম-বাচক : « প্রথম, দ্বিতীয়, তৃতীয়, চতুর্থ, বিংশ, অশীতিতম ; পয়লা, সাতই, তিরিশে' » ইত্যাদি ।

[৫] সর্বনামীয় বা সর্বনাম-জ্যেষ্ঠ বিশেষণ : « এই ব্যক্তি ; যে জন ; সে মানুষ ; কোন্ ভাবুক » ইত্যাদি ।

রূপ বা ব্যুৎপত্তি বিচার করিলে, সাধারণ বিশেষণ—(১) একপদময়, (২) যৌগিক ও (৩) বহুপদময় বা বাক্যময়—এই তিন প্রকারের হইয়া থাকে ।

[৬] একপদময় বিশেষণ-পদে একটির অধিক শব্দ থাকে না ; যথা—« বড়, ভাল, ছোট, মন্দ, সুন্দর, মুক্ত, অলৌকিক, চলতি, এক, পাঁচ, এ, এই, ওই বা ঐ, সে » ইত্যাদি ।

একপদময় বিশেষণগুলিকে আবার তিনটা শ্রেণীতে ফেলা যায় ; যথা—

(ক) মৌলিক—যে বিশেষণগুলির বিশেষণ আধুনিক বাঙ্গালায় সম্ভব হয় না—যেগুলিকে মূল

ও অবিকৃত অর্থাৎ প্রত্যয়াদি-বিহীন শব্দ বলিয়া বাঙ্গালায় ধরিতে হয়; যথা-- « বড়, ছোট, নোতুন, পুরানো, ভাল, উঁচু, নীচু, লম্বা, চওড়া » ইত্যাদি। কতকগুলি সর্বনাম-জাত বিশেষণ এই শ্রেণীতে পড়ে: « এ, ও, সে, যে » ইত্যাদি। কতকগুলি সংস্কৃত ও বিদেশী শব্দকে বাঙ্গালায় এই পর্যায়েই ফেলিতে হয়; যথা-- « তুচ্ছ, মন্দ, হাজির, কম, বেশী, গায়েবী, জাহির, চালাক, চতুর »।

(খ) ক্রদন্ত—খাঁটি বাঙ্গালা, যথা-- « পড়তি বেলা, উঠতি বয়স, বহতা নদী, পড়ন্ত রোদদূর, ঘুমন্ত খোকা, করা কাঁড়, দেখা লোক, হাঁটা পথ »; সংস্কৃত, যথা-- « যুক্ত, গৃহীত, ক্রিয়মাণ, নীযমান, আহত, করণীয়, দাতব্য, ধর্তব্য »।

(গ) তদ্ধিতাস্ত: খাঁটি বাঙ্গালা-- « নগরিয়া > নগরে', বুদ্ধিমন্ত, দেশী, ঢাকাই, কটকী, বর্ধমানিয়া > বর্ধমেনে', হিন্দুস্থানী, জাপানী, বাঙ্গালা, সাতই, চকিশে' » ইত্যাদি; সংস্কৃত-- « শক্তিমান, ধার্মিক, শান্ত, পৈতৃক, বাস্পীয়, বৈদ্যাতিক, বঙ্গীয়, দেশীয়, ধনবান, শ্রীমান, বুদ্ধিমান, সাম্প্রদায়িক » ইত্যাদি। কতকগুলি বিদেশী বিশেষণ, ও বিদেশী প্রত্যয়-যুক্ত তজ্জাত বিশেষণ, উভয়ই বাঙ্গালায় প্রচলিত; এইরূপ বিশেষণকে « বিদেশী তদ্ধিতাস্ত » শ্রেণীর বলা যায়; যথা-- « হ'শ -- হ'শিয়ার; আক্কেল -- আক্কেলমন্ত; কেতাব -- কেতাবী; গ্রেপ্তার -- গ্রেপ্তারী » ইত্যাদি। « কত, যত, হেন, যেন, এমত, এমন, যেমন, কেমন » প্রভৃতি কতকগুলি সর্বনাম-জাত বিশেষণ এই শ্রেণীর অন্তর্গত। মিশ্র: « নিকাহিতা বিবি; রেজেস্ট্রীকৃত দলিল »।

(ঘ) বিভক্তি-যুক্ত-ষষ্ঠী-বিভক্তি যোগ করিয়া, বিশেষ্য শব্দ হইতে বিশেষণ-পদ গঠিত হয়; যেমন-- « ব্রাহ্মণের বৃত্তি, পাথরের বাট, সূতির কাপড়, ফুলের মধু, ফুলের শরীর, হাতের কাজ, সোনার অঙ্গ, প্রাণের বন্ধু, তিনের পৃষ্ঠা, রক্তমাংসের শরীর, পুণ্যের শরীর » ইত্যাদি।

(ঙ) উপসর্গ-যুক্ত--খাঁটি বাঙ্গালা, সংস্কৃত, বিদেশী ও মিশ্র: « নি-কামাইয়ে, বিবস্ত্র, বেহায়া, বেগুমার »।

[২] যৌগিক বিশেষণ--বহুব্রীহি ও অস্থ সমাস-দ্বারা সমস্ত-পদ এইরূপ যৌগিক বিশেষণ-রূপে ব্যবহৃত হয়।

(ক) খাঁটি বাঙ্গালা যৌগিক বিশেষণ-শব্দ-- « মা-মরা ছেলে, মন-মরা মানুষ, বুক-ভাঙ্গা হুংথ, বুক-জোড়া ভাল-বাসা, আধ-মরা মানুষ, হাত-কাটা জামা, হাতে-কাটা পুতা, কলম-কাটা ছুরী, ঘর-ভাঙ্গানো কথা, তিন-শ' কথা » ইত্যাদি।

(খ) সংস্কৃত শব্দ-- « বজ্রনির্বোধ ধ্বনি, জীবমুক্ত মহাপুরুষ, কুসুম-কোমল করপল্লব, দেবপ্রতিম মানব, অনলসম্মিত জ্যোতিঃ, অনলপ্রাবী গিরি; কলাকুশল, গতিশীল; বীরভোগ্যা বসুন্ধরা;

কতব্যপরায়ণ পুত্র; মাংসভুক, পতনোন্মুখ, রৌপ্যময়, পদ্মপলাশনয়ন, উত্তালতরঙ্গময়ী, অমৃত-নিঃশ্রুদ্দিনী; দিনগত পাপক্ষয়; সর্ববাদিসম্মত; শয়নোত্তত, তরঙ্গসমাকুল » ইত্যাদি।

কতকগুলি বিশেষণ, বিশেষ-শব্দ-যুক্ত সমাসের দ্বারা গঠিত। এইরূপ বহু যৌগিক বিশেষণ সংস্কৃত হইতে বাঙ্গালায় গৃহীত হইয়াছে; যথা—« তৈলাক্ত (+ অক্ত), গুণাঙ্কিত (+ অঙ্কিত), গন্ধাকুল ( আকুল ), জনাকীর্ণ ( আকীর্ণ ), ক্ষুধাতুর ( আতুর ), পণ্ডিতোচিত ( উচিত ), সুখকর ( কর ), বিপদাপন্ন ( আপন্ন ), দয়াপরায়ণ, ক্রোধপূর্ণ, সেবাপর, শ্রীতিভাজন, বন্ধুবৎসল, গৃহশৃঙ্গ, পণ্ডিতজন-মূলভ, শ্রীসম্পন্ন, শ্রীহীন, গ্রহণযোগ্য » ইত্যাদি।

(গ) বিদেশী—« কম-জোর, দিল-দরিয়া, জবর-দস্ত »।

(ঘ) মিশ্র—« পুঁথি-গত বিদ্যা, লেন-স্থ বাড়ী, রত্ন-ভরা তরী; প্রাণ-জুড়ানো, দিল-খোলা, ছায়া-ঢাকা, বিশ-গজী »।

[৩] বহু-পদময় বা বাক্যময় বিশেষণ—« যার-পর-নাই পাজী; যৎপরোনাস্তি পরিশ্রম; সব-পেয়েছি-র দেশ; সাত-রাজার-ধন মাণিক; কুড়িয়ে-পাওয়া; জো-হকুম; আপ-কা-ওয়াস্তে; প'ড়ে-পাওয়া; পাঁচ-ক্রোশের পথ; তিরিশ-দিনের দিন; ঘর-জালানে'-পর-ভালানে' ছেলে; আপন-কাজে-আপনিই-বাস্তু মানুষ » ইত্যাদি।

বহু শব্দ, বিশেষ্য ও বিশেষণ উভয় প্রকারেই ব্যবহৃত হয়; যথা—« পুণ্য, পাপ, শুভ, মঙ্গল, কল্যাণ, বিশেষ, পরিষ্কার, সাধু, সত্য, মিথ্যা, আশ্চর্য্য, লাল, নীল, শীত, অর্থ, অর্ধেক, কম, বেশী, ভাল, মন্দ » ইত্যাদি।

## ক্রিয়া-বিশেষণ

ক্রিয়া-বিশেষণের কতকগুলি বিশিষ্ট রীতি বাঙ্গালায় বিদ্যমান।

(১) কেবল বিভক্তি-হীন পদের প্রয়োগের দ্বারা ক্রিয়া-বিশেষণ সৃচিত হয়; যথা—« শৌত্র ( তর ) যাও; নিশ্চয় আসিব; অবশ্য বলিব; কখন বলিবে? ঠিক বল; খালি বকে; ক্রমাগত চলিতেছে; ভাল আছে; আজ আসিব, কা'ল যাইব, আজকাল দেখা যায় না »।

(২) তৃতীয়া বা সপ্তমীর « এ »-বিভক্তি-যোগে, ক্রিয়া-বিশেষণ হয়; যথা—« বেগে, ধীরে, স্বচ্ছন্দে, সুখে, কুশলে; সঙ্গে, সমভিব্যাহারে; উপরে, নীচে; সামনে, সম্মুখে; পরে, দূরে, কাছে; ওখানে, এখানে; আগে, ভিতরে, বাহিরে; »

‘রসাল কহিল উচ্ছে স্বর্ণলতিকারে’; ‘গরজে গভীরে হনু স্বর্ণরথচূড়ে’; ‘নাদিল কাতরে শিবা, কুকুর কাঁদিল কোলাহলে, শূন্যমার্গে গর্জিল ভীষণে শকুনি-গৃধিনী-পাল’; উত্তম-রূপে, যোগ্যতা-সহকারে » ইত্যাদি।

সংস্কৃত শব্দ—« সহসা ( সহঃ বা সহস্ শব্দ, তৃতীয়া বিভক্তি ), হঠাৎ ( হঠ শব্দ, পঞ্চমী ) » ।

(৩) « করিয়া »—এই অসমাপিকা-ক্রিয়া-পদ যোগে, অথবা « ইয়া »-প্রত্যয়ান্ত অসমাপিকা-ক্রিয়া-দ্বারা, ক্রিয়ার বিশেষণ হয়; যথা—« ভাল করিয়া; হা হা (হো হো) করিয়া বেড়ানো; জল্জল্ করিয়া তারা জলিতেছে; ঠক্ঠকিয়ে’; হনুহনিয়ে’; কচ মচিয়ে’; জেনে-শুনে; নাচিয়া-নাচিয়া » ইত্যাদি।

(৪) « মাত্র » শব্দ-যোগে—« চলিবা-মাত্র, দিবা-মাত্র » ।

(৫) « সহিত, পূর্বক, পুরঃসর » প্রভৃতি পদ-দ্বারা সমাস করিয়া—« প্রণাম-পূর্বক, সম্মান-পুরঃসর বলিলেন » ।

(৬) « তঃ, থা, বা, শঃ, বৎ, ত্র; মত, মতন »-প্রত্যয়ান্ত পদ-দ্বারা—« সাধারণতঃ, সম্ভবতঃ, স্মার্যতঃ, ধর্মতঃ; শতধা, সর্বথা; ক্রমশঃ; স্তম্ভবৎ; একত্র, সর্বত্র, যত্র, তত্র; ঠিক-মত, ভাল-মতন, এমত, যেমত » ।

(২) বীপ্সায় শব্দদ্বৈত করিয়া—« বিন্দু-বিন্দু, মুহুমূহঃ, কখনো-কখনো, শনৈঃশনৈঃ, বারবার ( বারে বারে ), ধীরে ধীরে, আন্তে আন্তে; নাচিয়া নাচিয়া, দেখিতে দেখিতে » ইত্যাদি। « যেখানে-সেখানে, যত্র-তত্র, যেথা-সেথা, যেমন-তেমন করিয়া » প্রভৃতি পরস্পর-সাপেক্ষ শব্দ-প্রয়োগে গঠিত ক্রিয়া-বিশেষণ এই পর্যায়ে পড়ে।

## বিশেষণের লিঙ্গ-বিচার

সাধারণতঃ খাটা বাঙ্গালা বিশেষণ-পদ সর্বত্র অবিকৃত থাকে ( পূর্বে বিশেষণের লিঙ্গ-পর্যায় দ্রষ্টব্য ); কিন্তু কোনও-কোনও ক্ষেত্রে বিকল্পে স্ত্রীলিঙ্গে « ঈ »-প্রত্যয় যুক্ত হয়; যথ—« অভাগা পুরুষ—অভাগী বা অভাগী নারী;

রাক্ষসী মা ; পাগলা ছেলে—পাগলী মেয়ে ; এলোকেশী কালী » ইত্যাদি । সাধু-ভাষায় অনেক সময়ে সংস্কৃতের অনুকরণে স্ত্রীলিঙ্গে « আ » বা « ঈ »-প্রত্যয়-যুক্ত রূপ ব্যবহৃত হয় ; যথা—« অবলা জাতি, সর্বগুণাধিতা নায়িকা ; ধনবতী মহিলা ; বুদ্ধিমতী, রূপসী, সুন্দরী, মহীয়সী, মানিনী নারী » ইত্যাদি । « নিকাহিতা স্ত্রী, তাল্লাকিতা ভার্যা »-ও পাওয়া যায় । সাধু-ভাষায় অপ্ৰাণি-বাচক শব্দের বিশেষণে, সংস্কৃতের দেখাদেখি, স্ত্রী-প্রত্যয় হয় ; দৃষ্টান্ত পূর্বে দেওয়া হইয়াছে ( বিশেষ্যের লিঙ্গ-পর্যায় ) । তিথি-বাচক হইলে, সংস্কৃত ক্রম-সংখ্যা-বাচক বিশেষণ-পদ « দ্বিতীয়া, তৃতীয়া, চতুর্থী, পঞ্চমী, ষষ্ঠী...চতুর্দশী », এবং বিভক্তি-বাচক ক্রম-সংখ্যা « প্রথমা, দ্বিতীয়া.....সপ্তমী », স্ত্রী-প্রত্যয়-যুক্ত হইয়া বাঙ্গালায় ব্যবহৃত হয় ।

## তারতম্য অথবা বিশেষণের তুলনা

(Comparison of Adjectives)

দুইটি ( অথবা দুইয়ের অধিক ) ব্যক্তি বা পদার্থের মধ্যে একটির সহিত অন্যটির ( অথবা অপরগুলির ) তুলনা করিতে হইলে—একটি যে অন্যটির অপেক্ষা ( বা অপরগুলির অপেক্ষা ) কোনও বিষয়ে উৎকৃষ্ট বা অপকৃষ্ট ইহা জানাইতে হইলে—সংস্কৃত, কারসী, ইংরেজী প্রভৃতি বহু ভাষায় এইরূপ নিয়ম আছে যে, বিশেষণে বিশেষ প্রত্যয় যুক্ত করিয়া, ইহার রূপে কিছু পরিবর্তন-সাধন-পূর্বক, বিশেষণ ব্যবহৃত হয় ; কিন্তু খাঁটি বাঙ্গালা শব্দে এরূপ কিছু হয় না, বিশেষণটি অবিকৃত-রূপেই থাকে । যে পদার্থের সহিত তুলনা করা হয়, তাহাকে « উপমান » বলে, এবং যাহার তুলনা করা হয় তাহাকে « উপমেয় » বলে । বাঙ্গালা ভাষায় দুইটি ব্যক্তি, বস্তু বা পদার্থের মধ্যে তুলনা করিবার নিয়ম এই—

(১) উপমানকে অপাদান-কারকে ( পঞ্চমী-বিভক্তিতে ) আনা হয়, এবং বিশেষণটি উপমেয়ের বিধেয়-রূপে পরে বসে ; যেমন—« মেঘ অপেক্ষা ( মেঘ হইতে, ভেড়ার চেয়ে, ভেড়ার থেকে, ভেড়া হ'তে ) গোকু বড় ; রূপার চেয়ে



সোনা দামী; সোনার চেয়ে রূপা কম-দামী » ; কিংবা পঞ্চমী-বিভক্তির পরিবর্তে, নিম্নলিখিত ব্যাখ্যান-মূলক উপায়েও তুলনা জানাইতে পারা যায়; যথা—« মেঘ ও গোকু এই দুইয়ের মধ্যে গোকু বড় ( বা গোকুই বড়, বা বেশী বড় ); রাম আর শ্যাম দুইজনের মধ্যে শ্যামই পরিশ্রমী ( বা শ্যাম অধিক পরিশ্রমী ) » ।

(২) উৎকর্ষ বা অপকর্ষের আদিক্য বিশেষ করিয়া জানাইতে হইলে, বা তুলনায় পার্থক্য বা অন্তর অধিক হইলে, বিধেয়-রূপে ব্যবহৃত বিশেষণের পূর্বে অর্থানুসারে « অধিক, অনেক, অত্যন্ত, বেশী, খুব, অল্প, কম, একটু, একটুখানি, অনেকখানি, অনেকটা » প্রভৃতি বিশেষণ শব্দ বসে; যথা— « ভেড়ার চেয়ে হাতী অনেক ( খুব ) বড়; অথ অপেক্ষা গর্দভ অল্প ক্ষুদ্র—ঘোড়ার চেয়ে গাধা একটু ছোট; রামের চেয়ে শ্যাম বেশী বুদ্ধিমান »

অনেক পদার্থের মধ্যে তুলনায় একটীর উৎকর্ষ বা অপকর্ষ জানাইতে হইলে, সকল- বা সমস্ত-বাচক শব্দ অপাদান-কারকে ব্যবহৃত হয় ( কিংবা সাধু-ভাষায় « সর্বাপেক্ষা » এই সমস্ত-পদ ব্যবহৃত হয় ), এবং উপমানের উল্লেখ থাকিলে উপমানকে অধিকরণ-কারকে ( সপ্তমী-বিভক্তিতে ) আনা হয়; অথবা অর্থানুসারে, উহার বহু-বচনের অপাদান-কারক প্রযুক্ত হয়; যথা—« এ কথা সব চেয়ে ( সব থেকে ) ভাল; সব চেয়ে ভাল কথা এই; স্থলচর জন্তুদের মধ্যে হাতী সব চেয়ে বড়, পশুগণ-মধ্যে হস্তী সর্বাপেক্ষা বৃহৎ; রাম, শ্যাম, যত্ন, এই তিন জনের মধ্যে যত্ন-ই সব চেয়ে বুদ্ধিমান; গৌরীশঙ্কর-শৃঙ্গ হিমালয়ের সব চেয়ে উঁচু শৃঙ্গ; সে সকলের চেয়ে পাজী » ইত্যাদি ।

তুলনা করিবার কালে, বাঙ্গালা ভাষার রীতি-অনুসারে, বিশেষণে কোনও প্রত্যয়-যোগ হয় না। কিন্তু সংস্কৃতে প্রত্যয়-যোগ করিয়া বিশেষণের পরিবর্ধন করা হয়, এবং এই পরিবর্ধিত রূপ-দ্বারা এক বা বহুর সহিত তুলনা করা হয়। দুইটা বস্তুর মধ্যে তুলনা হইলে সাধারণতঃ সংস্কৃতে বিশেষণের উত্তর « তর »-প্রত্যয় যুক্ত হয়, এবং দুইয়ের অধিক বস্তুর মধ্যে হইলে সাধারণতঃ « তম »-প্রত্যয়

আইসে। ( এই « তর, তম »-প্রত্যয়দ্বয় হইতে « তারতম্য » শব্দের উৎপত্তি, যাহার অর্থ—তুলনা-দ্বারা উৎকর্ষ বা অপকর্ষ নির্দেশ করা। ) সংস্কৃত হইতে গৃহীত « তর, তম »-যুক্ত বহু বিশেষণ-পদ বাঙ্গালা ভাষায় ( বিশেষ করিয়া সাধু-ভাষায় ) ব্যবহৃত হইয়া থাকে। « তর, তম »-প্রত্যয়দ্বয় মূল বা অবিকৃত বিশেষণের উত্তর প্রযুক্ত হয় ; যথা—« মেঘ অপেক্ষা হস্তী বৃহত্তর ; হিমালয় বিক্রা অপেক্ষা উচ্চতর » ; « তম »-প্রত্যয়-যুক্ত বিশেষণ-দ্বারা বহুর সহিত তুলনা বুঝাইলে, « সর্বাপেক্ষা, সকলের চেয়ে » প্রভৃতি অপাদান-কারকের পদ বা বাক্য প্রযুক্ত না করিলেও চলে ; যথা—« পশুগণ-মধ্যে ( বা পশুর মধ্যে ) হস্তী বৃহত্তম » ( ক্বচিৎ এইরূপ প্রয়োগও মিলে—« পশুর মধ্যে হস্তী সর্বাপেক্ষা বৃহত্তম » ) ; « রাম রাম, শ্যাম ও বহু, এই তিন জনের মধ্যে বহু-ই বৃদ্ধিমত্তম ; হিমালয়ের সমস্ত শৃঙ্গের মধ্যে গৌরীশঙ্কর-ই উচ্চতম » ।

« তর, তম » -প্রত্যয়দ্বয়ের উদাহরণ : « গুরু—গুরুতর—গুরুতম ; প্রিয়—প্রিয়তর—প্রিয়তম ; কৃশ—কৃশতর—কৃশতম ; মিষ্ট—মিষ্টতর—মিষ্টতম ; তিক্ত—তিক্ততর—তিক্ততম » ।

খাঁটি বাঙ্গালা, ( প্রাকৃতজ ) ও বিদেশী শব্দে « তর, তম »-প্রত্যয় কদাপি প্রযুক্ত হয় না—এই প্রত্যয়দ্বয় কেবল শুদ্ধ সংস্কৃত শব্দেই নিবন্ধ থাকে ; « ভাল—ভালতর—ভালতম, বড়তর—বড়তম, চলাকতর—চলাকতম » এই প্রকার রূপ বাঙ্গলার চলে না।

কখনও-কখনও বাঙ্গালায় আগত « তর, তম »-যুক্ত সংস্কৃত বিশেষণ-পদ হইতে তুলনার ভাব অন্তর্হিত হইয়া থাকে—এই প্রত্যয়-দ্বারা তুলনা না বুঝাইয়া, কেবল গুণের আধিক্য বুঝায় ; যথা—« তিনি ঘোরতর ( = অত্যন্ত ঘোর বা কঠিন ) বিপদে পড়িয়াছেন ; গুরুতর সমস্যা ( = অত্যন্ত গুরু ) ; উত্তম ( = খুব ভাল ) » ইত্যাদি।

« -তর, -তম » ভিন্ন, সংস্কৃতে « -ঈয়ন্ » ( প্রথমার একবচনে পুংলিঙ্গে « ঈয়ান্ », স্ত্রীলিঙ্গে « ঈয়সী », ক্লীবলিঙ্গে « ঈয়ঃ » ) ও « -ইষ্ঠ » প্রত্যয়-দ্বয়ও কতকগুলি বিশেষণের উত্তরে মিলে। এই প্রত্যয়গুলির যোগে, কখনও-কখনও

মূল বিশেষণের রূপে কিছু আভ্যন্তর পরিবর্তন ঘটয়া থাকে ; যথা—« স্বাদু—  
 স্বাদীয়ঃ—স্বাদিষ্ঠ ( তুলনীয়, ইংরেজী sweet—sweeter—sweetest) ; লঘু—  
 লঘীয়ান্—লঘিষ্ঠ ; গুরু—গরীয়ান্ ( গরীয়সী )—গরিষ্ঠ ; বহু—ভূয়ান্ ( ভূয়সী )  
 —ভূয়িষ্ঠ ; বলী—বলীয়ান্ ( বলীয়সী )—বলিষ্ঠ ; প্রিয়—প্রেয়ান্ ( প্রেয়সী )—  
 প্রেষ্ঠ ; প্রশস্ত ( বা শ্রী বা শ্রীমৎ )—শ্রেয়ঃ ( শ্রেয়সী )—শ্রেষ্ঠ ; অল্প—কনীয়ান্  
 ( কনীয়সী )—কনিষ্ঠ ; উরু—বরীয়ান্ ( বরীয়সী )—বরিষ্ঠ ; মহৎ—মহীয়ান্  
 ( মহীয়সী )—মহিষ্ঠ » । তারতম্য জানাইতে « ঐয়স্, ইষ্ঠ »-প্রত্যয়-যুক্ত পদ  
 বাঙ্গালায় তাদৃশ ব্যবহৃত হয় না—তারতম্যের জন্ত এগুলিকে অপ্রচলিতই বলা  
 যায় ; এখন এগুলি প্রায়ই সাধারণ বিশেষণের মত ব্যবহৃত হয় ; যথা—« স্বাদিষ্ঠ  
 = সুন্দর স্বাদযুক্ত ; ভূয়সী ( = প্রভূত ) প্রশংসা ; বলিষ্ঠ ( = বলশালী ) ব্যক্তি ;  
 জ্যেষ্ঠ ( = অগ্রজ ) ; প্রেয়সী ( = প্রিয়া স্ত্রী ) ; মহীয়সী ( = মহদগুণ-যুক্তা )  
 নারী » ইত্যাদি । « জননী জন্মভূমিঞ্চ স্বর্গাদপি গরীয়সী »—‘জননী ও জন্মভূমি  
 স্বর্গের চেয়েও গুরু’—এখানে তারতম্যের ভাব মূল সংস্কৃতে পাওয়া যায়, কিন্তু  
 বাঙ্গালায় « গরীয়সী » শব্দ কেবল সাধারণ ভাব-ই প্রকাশ করে । « শ্রেষ্ঠ »  
 শব্দ বাঙ্গালায় কেবল « উৎকৃষ্ট » অর্থেই সাধারণ-ভাবে ব্যবহৃত হয় ; মূলে এই  
 শব্দ যে বহুর সহিত তুলনায় উৎকর্ষ প্রকাশ করিত, সে বোধ চলিয়া যাওয়ায়,  
 বাঙ্গালায় ইহার উত্তর আবার « তর, তম »-প্রত্যয় যোগ করিয়া, « শ্রেষ্ঠতর,  
 শ্রেষ্ঠতম » এই দুইটি নূতন পদ সৃষ্ট হইয়াছে । তদ্বৎ, « কনিষ্ঠ—কনিষ্ঠতম ;  
 জ্যেষ্ঠ—জ্যেষ্ঠতম » ।

সাদৃশ্য বা সমান ভাব জানাইবার জন্তও বিশেষণের তুলনা হয় ; তখন প্রথমা-  
 বিভক্তি-যুক্ত উপমানের সহিত ( সর্বনাম হইলে বিকল্পে প্রাতিপদিক রূপের  
 সহিত—নিম্নে দ্রষ্টব্য ) « হেন » এই শব্দ জুড়িয়া, ( সাধারণতঃ পদে ও চলিত-  
 ভাষায় ) কিংবা ষষ্ঠ্যন্ত উপমানের সঙ্গে « মত, মতন, ছায় » এই শব্দগুলির কোন  
 একটি যোগ করিয়া, এই সাম্য বা সাদৃশ্য প্রকটিত হয় ; যথা—« রাবণহেন বীর ;  
 আমি হেন ভাল মানুষ ; মহাভারত হেন বই ; তুমি হেন বীর ( বা তোমা হেন

বীর ) ; সে-হেন, বা তার মত ( মতন ) সাদাসিধা মানুষ ; রামের মত স্বামী, লক্ষ্মণের মত দেওর ; ভীমের জায় বীর » ইত্যাদি ।

### সংখ্যা-বাচক বিশেষণ

বাঙ্গালায় সংখ্যা-বাচক শব্দগুলি বিশেষণ-রূপে ব্যবহৃত হইলে অবিকৃত থাকে । **ক্রম-সংখ্যা** জানাইতে হইলে, চলিত বাঙ্গালায় গণনার সংখ্যাকে কোনও কোনও স্থলে ষষ্ঠী-বিভক্তি-যুক্ত করা হয় ; যেমন « একের পৃষ্ঠা, সাতের ঘর, তেরর পরিচ্ছেদ » ; কিংবা, প্রথমতঃ সংখ্যা-বাচক শব্দ, তৎপরে ষষ্ঠী-বিভক্তি-যুক্ত উদ্দেশ্য শব্দ, এবং তদনন্তর পুনরায় উদ্দেশ্য শব্দটী—এই ভাবে ক্রম প্রকাশিত হয় ; যথা—« তিন বারের বার ; পাঁচ দিনের দিন ; সাত ভাগের ভাগ ; এক শ' দিনের দিন ; প্রত্যেক আট জনের জন » । কিন্তু সর্বত্র এইরূপ নিয়ম খাটে না । চলিত-বাঙ্গালায় ক্রম-বাচক সংখ্যা প্রকাশ করা কঠিন ব্যাপার । বাঙ্গালায় ক্রম-বাচক সংখ্যার অভাব, সংস্কৃতের ক্রম-বাচক শব্দ ব্যবহার করিয়া পূরণ করা হয় । তারিখ জানাইবার জন্ত « এক » হইতে « বত্রিশ » পর্যন্ত সংখ্যার বিশেষ ক্রম-বাচক রূপ আছে । নিম্নে বাঙ্গালার ও সংস্কৃতের **গণনা-সংখ্যা** ও বন্ধনীর মধ্যে **ক্রম-বাচক-সংখ্যা** দেওয়া হইতেছে ; তারিখের জন্ত « পহেলা » হইতে « বত্রিশে' » পর্যন্ত ক্রম-বাচক সংখ্যাগুলি ব্যবহৃত হয় ।

	বাঙ্গালা সংখ্যা	সংস্কৃত সংখ্যা
১, এক	( উচ্চারণে [ অ্যাক্ ] ) ( পহেলা, *পয়লা )	এক ( প্রথম, প্রথমা )
২, দুই, দু'	( দোসরা )	দ্বি ( দ্বিতীয়, দ্বিতীয়া )
৩, তিন	( তেসরা )	ত্রি ( তৃতীয়, তৃতীয়া )
৪, চারি, চাব	( চৌঠা, *চৌঠো )	চতুঃ ( চতুর্থ, চতুর্থা ; তুরীয় )
৫, পাঁচ	( পাঁচই, *পাঁচুই )	পঞ্চ ( পঞ্চম, পঞ্চমী )
৬, ছয়, ছ'	( ছ'উই )	ষট্, ষষ্ ( ষষ্ঠ, ষষ্ঠী )
৭, সাত	( সাতই, *সাতুই )	সপ্ত ( সপ্তম, সপ্তমী )

বাঙ্গালা সংখ্যা	সংস্কৃত সংখ্যা
৮, আট ( আটই, *আটুই )	অষ্ট ( অষ্টম, অষ্টমী )
৯, নয়, ন' ( নই, নই )	নব ( নবম, নবমী )
১০, দশ ( দশই )	দশ ( দশম, দশমী )
১১, এগার, এগারো ( এগারই )	একাদশ ( একাদশ, একাদশী )
১২, বার, বারো ( বারই )	দ্বাদশ ( দ্বাদশ, দ্বাদশী )
১৩, তের, তেরো ( তেরই )	ত্রয়োদশ ( ত্রয়োদশ, ত্রয়োদশী )
১৪, চৌদ্দ, চৌদ্দ ( চৌদ্দই )	চতুর্দশ ( চতুর্দশ, চতুর্দশী )
১৫, পনের, পনের, পনেরো ( পনেরই, পনেরই )	পঞ্চদশ ( পঞ্চদশ, পঞ্চদশী )
১৬, ষোল, ষোলো ( ষোলই )	ষোড়শ ( ষোড়শ, ষোড়শী )
১৭, সতের, সতেরো ( সতেরই, সতেরই )	সপ্তদশ ( সপ্তদশ, সপ্তদশী )
১৮, আঠার, আঠারো ( আঠারই )	অষ্টাদশ ( অষ্টাদশ, অষ্টাদশী )
*১৯, উনিশ ( উনিশিয়া, উনিশে' )	*উনবিংশতি ( উনবিংশ. -তিতম )
২০, কুড়ি, বিশ ( বিশে' )	বিংশতি ( বিংশ, -তিতম )
২১, একুশ ( একুশে' )	একবিংশতি ( একবিংশ, -তিতম )
২২, বাইশ ( বাইশে' )	দ্বাবিংশতি ( দ্বাবিংশ, -তিতম )
২৩, তেইশ ( তেইশে' )	ত্রয়োবিংশতি ( ত্রয়োবিংশ, -তিতম )
২৪, চব্বিশ ( চব্বিশে' )	চতুর্বিংশতি ( চতুর্বিংশ, -তিতম )
২৫, পঁচিশ ( পঁচিশে' )	পঞ্চবিংশতি ( পঞ্চবিংশ, -তিতম )
২৬, ছাব্বিশ ( ছাব্বিশে' )	ষড়্ বিংশতি ( ষড়্ বিংশ, -তিতম )
২৭, সাতাইশ, সাতাশ (সাতাশে')	সপ্তবিংশতি ( সপ্তবিংশ, -তিতম )
২৮, আঠাইশ, আটাশ (আঠাশে', আটাশে' )	অষ্টাবিংশতি ( অষ্টাবিংশ, -তিতম )

\* ১৯, ২৯, ৩৯.....৯৯ প্রভৃতি স্থলে সংস্কৃত সংখ্যাবাচক শব্দে, « উন- » বা « একোন- » ( অর্থাৎ 'এক কম' ), উভয় শব্দই সংখ্যাটির পূর্বে ব্যবহৃত হয় ; যথা—« উনবিংশতি, একোনবিংশতি; উনচত্রিংশ ( উনচত্রিংশতম ), একোনচত্রিংশ ( একোনচত্রিংশতম ) » ইত্যাদি ।

বাঙ্গালা সংখ্যা	সংস্কৃত সংখ্যা
২৯, উনত্রিশ, উনত্রিশ ( উনত্রিশে' )	উনত্রিশৎ ( উনত্রিশ, উনত্রিশতম )
৩০, ত্রিশ, ত্রিশ ( ত্রিশে' )	ত্রিশৎ ( ত্রিশ, ত্রিশতম )
৩১, একত্রিশ ( একত্রিশে' )	একত্রিশৎ ( একত্রিশ, -তম )
৩২, বত্রিশ ( বত্রিশে' )	ষাটত্রিশৎ ( ষাটত্রিশ, -তম )
৩৩, তেত্রিশ	ত্রয়স্ত্রিশৎ ( ত্রয়স্ত্রিশ, -তম )
৩৪, চোত্রিশ ( আর্চান--চৌতীশ )	চতুস্ত্রিশৎ ( চতুস্ত্রিশ -তম )
৩৫, পঁয়ত্রিশ	পঞ্চত্রিশৎ ( পঞ্চত্রিশ, -তম )
৩৬, ছত্রিশ	ষট্‌ত্রিশৎ ( ষট্‌ত্রিশ, -তম )
৩৭, সাত্ত্রিশ	সপ্তত্রিশৎ ( সপ্তত্রিশ, -তম )
৩৮, আটত্রিশ	অষ্টাত্রিশৎ ( অষ্টাত্রিশ, -তম )
৩৯, উনচত্রিশ, উনচত্রিশ	উনচত্রিশৎ ( উনচত্রিশ, -তম )
৪০, চল্লিশ, চল্লিশ	চত্বারিংশৎ ( চত্বারিংশ, -তম )
৪১, একচত্রিশ, একচত্রিশ	একচত্রিশৎ ( একচত্রিশ, -তম )
৪২, বিয়াল্লিশ	দ্বিচত্রিশৎ ( দ্বিচত্রিশ, -তম )
৪৩, তেত্রাল্লিশ	ত্রিচত্রিশৎ ( ত্রিচত্রিশ, -তম )
৪৪, চয়াল্লিশ	চত্বাশচত্রিশৎ ( চত্বাশচত্রিশ, -তম )
৪৫, পঁয়ত্রাল্লিশ	পঞ্চাশচত্রিশৎ ( পঞ্চাশচত্রিশ, -তম )
৪৬, ছেচত্রিশ, ছেচত্রিশ	ষট্‌চত্রিশৎ ( ষট্‌চত্রিশ, -তম )
৪৭, সাতচত্রিশ	সপ্তাশচত্রিশৎ ( সপ্তাশচত্রিশ, -তম )
৪৮, আটচত্রিশ	অষ্টাশচত্রিশৎ, অষ্টাশচত্রিশৎ ( অষ্টাশচত্রিশ, -তম )
৪৯, উনপঞ্চাশ	উনপঞ্চাশৎ ( উনপঞ্চাশতম )
৫০, পঞ্চাশ	পঞ্চাশৎ ( পঞ্চাশতম )
৫১, একাশ	একপঞ্চাশৎ ( ...শতম )
৫২, বাহাশ	দ্বিপঞ্চাশৎ, দ্বাপঞ্চাশৎ ( ...শতম )
৫৩, ত্রিাশ	ত্রিপঞ্চাশৎ, ত্রিপঞ্চাশৎ ( ...শতম )
৫৪, চ্যাশ	চতুঃপঞ্চাশৎ ( ...শতম )

বাঙ্গালা সংখ্যা	সংস্কৃত সংখ্যা
৫৫, পঞ্চান্ন	পঞ্চপঞ্চাশৎ ( ...শতম )
৫৬, ছাপ্পান্ন	ষট্‌পঞ্চাশৎ ( ...শতম )
৫৭, সাত্তান্ন	সপ্তপঞ্চাশৎ ( ...শতম )
৫৮, আটান্ন, আঠান্ন	অষ্টপঞ্চাশৎ, অষ্টাপঞ্চাশৎ ( ...শতম )
৫৯, উনষাঠ	উনষষ্টি ( উনষষ্টিতন )
৬০, ষাঠি, ষাটি, ষা'ঠ ষা'ট, ষাট	ষষ্টি ( -তম )
৬১, একষষ্টি	একষষ্টি ( -তম )
৬২, বাষষ্টি	দ্বিষষ্টি, দ্বাষষ্টি ( -তম )
৬৩, ত্রেষষ্টি	ত্রিষষ্টি, ত্রেয়ঃষষ্টি ( -তম )
৬৪, চৌষষ্টি	চতুষষ্টি ( -তম )
৬৫, পঞ্চষষ্টি	পঞ্চষষ্টি ( -তম )
৬৬, ছেষষ্টি	ষট্‌ষষ্টি ( -তম )
৬৭, সাতষষ্টি	সপ্তষষ্টি ( -তম )
৬৮, আটষষ্টি	অষ্টষষ্টি, অষ্টাষষ্টি ( -তম )
৬৯, উনসত্তর	উনসপ্ততি ( -তম )
৭০, সত্তর	সপ্ততি ( -তম )
৭১, একাত্তর	একসপ্ততি ( -তম )
৭২, বাহাত্তর	দ্বিজপ্ততি, দ্বাসপ্ততি ( -তম )
৭৩, ত্রিযাত্তর	ত্রিসপ্ততি, ত্রেয়ঃসপ্ততি ( -তম )
৭৪, চুয়াত্তর	চতুঃসপ্ততি ( -তম )
৭৫, পঁচাত্তর	পঞ্চসপ্ততি ( -তম )
৭৬, ছিযাত্তর	ষট্‌সপ্ততি ( -তম )
৭৭, সাতাত্তর	সপ্তসপ্ততি ( -তম )
৭৮, আঠাত্তর, আটাত্তর	অষ্টসপ্ততি, অষ্টাসপ্ততি ( -তম )
৭৯, উনআশী	উনান্বীতি ( -তম )
৮০, আশী	অন্বীতি ( -তম )
৮১, একাশী	একান্বীতি ( -তম )

বাঙ্গালা সংখ্যা

- ৮২, বিরালী  
 ৮৩, তিরালী  
 ৮৪, চুরালী  
 ৮৫, পঁচালী  
 ৮৬, ছিয়ালী  
 ৮৭, সাতালী  
 ৮৮, আঠালী, আটালী, অষ্টালী  
 ৮৯, উননই, উননকই  
 ৯০, নই, নকই  
 ৯১, একানই, একানকই  
 ৯২, বিরানই, বিরানকই,  
 ৯৩, তিরানই, তিরানকই  
 ৯৪, চুরানই, চুরানকই  
 ৯৫, পঁচানই, পঁচানকই  
 ৯৬, ছিয়ানই, ছিয়ানকই  
 ৯৭, সাতানই, সাতানকই  
 ৯৮, আঠানই, আটানই, আটানকই  
 ৯৯, নিরানই, নিরানকই  
 ১০০, শ', শো, এক শ', এক শো  
 ১০১, এক শ' এক  
 ২০০, দুই শ', দুশো  
 ১,০০০, হাজার, দশ শ'

১,০২৫ (এক) হাজার পঁচিশ,

দশ শ' পঁচিশ

১, ৯৩৬, এক হাজার নয় শ' ছত্রিশ,

বা উনিশ শ' ছত্রিশ

১০,০০০, দশ হাজার

সংস্কৃত সংখ্যা

- দ্বালীতি [ -তম ]  
 ত্রালীতি [ -তম ]  
 চতুরালীতি [ -তম ]  
 পঞ্চালীতি [ -তম ]  
 ষড়ালীতি [ -তম ]  
 সপ্তালীতি [ -তম ]  
 অষ্টালীতি [ -তম ]  
 উননবতি [ -তম ]  
 নবতি [ -তম ]  
 একনবতি [ -তম ]  
 দ্বিনবতি, দ্বানবতি [ -তম ]  
 ত্রিনবতি, ত্রয়োনবতি [ -তম ]  
 চতুর্নবতি [ -তম ]  
 পঞ্চনবতি [ -তম ]  
 ষণ্মবতি [ -তম ]  
 সপ্তনবতি [ -তম ]  
 অষ্টানবতি [ -তম ]  
 নবনবতি, উনশত [ -তম ]  
 শত [ শততম ]  
 একাধিকশত [ একাধিকশততম ]  
 দুই শত, দ্বিশত [ দ্বিশততম ]  
 সহস্র [ সহস্রতম ]

পঞ্চবিংশত্যধিক-সহস্র

( পঞ্চ-বিংশত্যধিক-সহস্রতম )

অযুত



১,০০,০০০, (এক লাখ)	লক্ষ
১০,০০,০০০, দশ লাখ ( মিলিয়ন )	নিযুত
১,০০,০০,০০০, (এক ক্রোড়, ক্রোর ( দশ মিলিয়ন )	কোটি

ক্রম-সংখ্যা ব্যতীত, গণন-সংখ্যা হইতে সৃষ্ট অন্য প্রকারের পরিমাণ-বোধক সংখ্যার জন্ম এই পদগুলি বিশেষণ-রূপে ব্যবহৃত হয় ; যথা—

[ক] **শুণিত-সংখ্যা-বাচক**—« একগুণ ; দ্বিগুণ, দুইগুণ, দুগুণ, দুনা, \*দুনো ; চতুগুণ, চৌগুণা ; পাঁচগুণ » ইত্যাদি।

[খ] **ভগ্ন-সংখ্যা-বাচক**—«  $\frac{১}{২}$  = পোয়া, পাদ ;  $\frac{১}{৩}$  = তেহাই, তিন ভাগের এক ভাগ ;  $\frac{১}{৪}$  = আধ, অর্ধ, অর্ধেক, আন্ধেক, আধেক ;  $\frac{১}{৫}$  কম = পৌনে, পাদোন ;  $\frac{১}{৬}$  অধিক = সওয়া, সপাদ ;  $\frac{১}{৭}$  অধিক = সাড়ে, সাধ' ;  $১\frac{১}{২}$ ,  $\frac{১}{২}$  কম ২ = দেড়, দ্বাধ' ;  $২\frac{১}{২}$ ,  $\frac{১}{২}$  কম ৩ = আড়াই, অর্ধতৃতীয় ;  $২\frac{১}{৩}$  = সওয়া-দুই,  $২\frac{২}{৩}$  = পৌনে-তিন,  $৪\frac{১}{৩}$  = সওয়া-চার » ইত্যাদি।

[গ] **ভগ্নাংশ-সংখ্যা**— $\frac{১}{৩}$ ,  $\frac{২}{৩}$ ,  $\frac{১}{৪}$ ,  $\frac{৩}{৪}$  প্রভৃতি ভগ্ন-সংখ্যা-বাচক পদ, « তিনের এক, তিনের দুই, পাঁচের চার, সাতের ছয় » ( অর্থাৎ « তিন ভাগের এক ভাগ, তিন ভাগের দুই ভাগ, পাঁচ ভাগের চার ভাগ, সাত ভাগের ছয় ভাগ » ) এইরূপে, অথবা « এক তৃতীয়, দুই তৃতীয়, চার পঞ্চম, ছয় সপ্তম » এইরূপে পড়া উচিত ; কিন্তু সাধারণতঃ যে ক্রমে সংখ্যাগুলি লিখিত হয় সেই ক্রম অবলম্বন করিয়া, এবং ইংরেজীর one-third, two-thirds, four-fifths, six-sevenths প্রভৃতির অনুকরণে « একের তিন, দুইয়ের তিন, চারের পাঁচ, ছয়ের সাত » রূপে অনেক পাঠ করেন ;—এইরূপ পাঠে কোনও অর্থ হয় না। « তিনের এক » প্রভৃতি পাঠে অস্ববিধার সম্ভাবনা আছে ; « এক তিনের, দুই তিনের, চার পাঁচের, ছয় সাতের »—এইরূপে পাঠ করাই সমীচীন।

## অনুশীলনী

- ১। বিশেষণ পদ কাহাকে বলে ? বাঙ্গালার বিশেষণ পদ কয় শ্রেণীর ?
- ২। বিশেষণ কয়প্রকার এবং কি কি ? দৃষ্টান্তসহ বুঝাইয়া দাও।

## সর্বনাম

যে পদ কোন বিশেষ্য পদের স্থানে ব্যবহৃত হয়, তাহাকে **সর্বনাম** বলে। সর্ব অর্থাৎ সর্ব-প্রকার নামের স্থলে ব্যবহৃত হয় বলিয়া, « সর্বনাম » এই নাম-করণ হইয়াছে ; সর্বনাম-পদের ব্যবহার-দ্বারা, একই পদের পুনরাবৃত্তি নিবারিত হয় ; যেমন—« রামের বাড়ী গিয়াছিলাম, তাহার সঙ্গে দেখা হইল না, তাহার পিতা বলিলেন যে সে কলিকাতায় গিয়াছে »—এখানে « তাহার » ও « সে » প্রয়োগ করায়, « রামের » ও « রাম » পদের পুনরুল্লেখ নিবারিত হইল।

লিঙ্গানুসারে বাঙ্গালার সর্বনামের রূপ-ভেদ হয় না ; কেবল কতকগুলি সর্বনামের ক্লীবলিঙ্গে বিশেষ রূপ বিद्यমান আছে।

সর্বনাম নানা প্রকারের হয় ; যথা—

- [১] ব্যক্তি-বাচক বা পুরুষ-বাচক (Personal) ;
- [২] উল্লেখ-সূচক বা নির্ণয়-সূচক (Demonstrative)—
  - (ক) প্রত্যক্ষ- বা অস্তিক-নির্ণয়-সূচক (Near Demonstrative) ;
  - (খ) পরোক্ষ- বা দূরত্ব-নির্ণয়-সূচক (Far Demonstrative) ;
- [৩] সাকল্য-বাচক (Inclusive) ;
- [৪] সম্বন্ধ, সংযোগ- বা সঙ্গতি-বাচক (Relative) ;
- [৫] প্রশ্ন-সূচক (Interrogative) ;
- [৬] অনিশ্চয়-সূচক (Indefinite) ;
- [৭] আত্মবাচক (Reflexive) ;
- [৮] ব্যাতিহারিক (Reciprocal) ।

বাঙ্গালা সর্বনামের 'শব্দ-রূপ', বিশেষ্য-পদের রূপেরই মত হইয়া থাকে—বিশেষ্যের উত্তর যে-সকল প্রত্যয় ( কম-প্রবচনীয় প্রভৃতি ) ব্যবহৃত হয়, সর্বনামেও সেই সকল আইসে ; কিন্তু সর্বনাম-শব্দের রূপে একটু বৈশিষ্ট্য আছে। প্রায় তাবৎ সর্বনামের দুইটি করিয়া রূপ বিद्यমান—একটি, কর্তৃ-কারকের বা অবিভক্তিক অথবা বিভক্তি-হীন রূপ (nominalive form), এবং অশ্রুটি, প্রাতিপদিক রূপ (stem form), বা তিধাক্ রূপ (oblique form), অথবা সবিভক্তিক বা বিভক্তি-গ্রাহী রূপ (base form)। বিভক্তি যোগ করিতে হইলে, এই প্রাতিপদিক রূপেই করিতে হয়।

## ✓[১] ব্যক্তি-বাচক বা পুরুষ-বাচক সর্বনাম

( Personal Pronouns )

## [ক] উত্তম-পুরুষের সর্বনাম (First Person)

রূপ	এক-বচন	বহু-বচন
মূল বা অবিভক্তিক রূপ	আমি [ মুই—গ্রাম্য ]	আমরা, আমরা-সব, আমরা-সকলে ; মোরা ( কবিতায় )
সবিভক্তিক বা ত্রিযাক্ অথবা প্রাতিপদিক রূপ	আমা- ; মো- (কবিতায়)	আমাদিগ-, আমাদের ; মোদের, মো-সবা- (কবিতায়) ।

« আমি »—সাধারণ রূপ ; সকলেই নিজের সম্বন্ধে এই সর্বনাম ব্যবহার করে। « মুই »—বঙ্গদেশে বহু অংশে অশিক্ষিত লোকে এখনও ব্যবহার করে ; আধুনিক সাহিত্যে বা ভদ্রসমাজে এখন আর ব্যবহৃত হয় না, কিন্তু প্রাচীন সাহিত্যে « মুই » পদ মিলে— « মুই, মুঞি, মুই » প্রভৃতি ইহার নানা বানান দৃষ্ট হয়। প্রাচীন-বাঙ্গালায় « মুই » ছিল এক-বচনের, এবং « আমি » বহু-বচনের ; তুলনীয়—আসামী « মই—আমি », উড়িয়া « মু—আন্তে », হিন্দী « মৈ—হম » ।

« মো- »—এই পদটি আধুনিক কবিতার ভাষায় মিলে, এবং বঙ্গদেশের বহু স্থলে অশিক্ষিত ব্যক্তিগণ প্রাদেশিক ভাষায় এখনও এই রূপটির প্রয়োগ করে ।

## বাঙ্গালা সর্বনাম « আমি » শব্দের রূপ—

কারক	এক-বচন	বহু-বচন
কর্তা	আমি ( মুই—গ্রাম্য )	আমরা, আমরা-সব, আমরা-সকলে (কবিতায়—মোরা, মোরা-সব)
কর্ম ও সম্প্রদান	আমাকে, আমারে, আমার	আমাদিগকে, আমাদের, আমা- দিগে ; আমাদের, আমাদেরকে ; ( কবিতায়—মোদের, মোদিগে, মো-সবে ইত্যাদি )

কারক	এক-বচন	বহু-বচন
করণ	আমা-হইতে, *আমা-হ'তে ; আমাদ্বারা, আমার দ্বারা ; আমা-দিয়া, আমাকে দিয়া ; * আমায় দিযে ; আমা- কর্তৃক ;	আমাদিগ- ( আমাদিগের ) + দ্বারা, কর্তৃক বা দিয়া ; আমাদের দিয়া ; * আমাদের দিযে ; ( কবিতায়— মোদের দ্বারা, মোদের দিয়া )
অপাদান	আমা-হইতে, *আমা-হ'তে, আমা-থেকে, আমার কাছ থেকে ; আমার নিকট ( হইতে ) ;	আমাদিগ-হইতে, আমাদিগের নিকট হইতে ; আমাদিগের কাছ থেকে ; আমাদের থেকে ; * আমাদের হ'তে ; * আমাদের কাছ থেকে
সম্বন্ধ	আমার ( কবিতায়—মোর, মম )	আমাদিগের, আমাদের, আমা-সবার ( কবিতায়—মোদের, মো-সবার )
অধিকরণ	আমাতে, আমায়	আমাদিগতে, আমাদিগেতে, আমাদের মধ্যে, আমাদের মাঝে ।

### কতকগুলি বিশিষ্ট রূপ—

/// 'আমি'-অর্থে বহু-বচনের « আমরা » পদ সংবাদ-পত্রের সম্পাদক অথবা প্রবন্ধলেখকের ভাষায় ব্যবহৃত হইয়া থাকে ।

/// ষষ্ঠীতে ( সম্বন্ধে ) এক-বচনে সংস্কৃত ষষ্ঠীর পদ « মম » বাঙ্গালায় কেবল কবিতায় ব্যবহৃত হয়—  
গল্পে বা কথ্য ভাষায় কদাচ হয় না ।

/// সংস্কৃত বিশেষ্য-পদের সহিত সমাসে, এক-বচনে সংস্কৃত প্রাতিপদিক রূপ « মৎ » বা « মদ্ » এবং বহু-বচনে « অস্মৎ » বা « অস্মদ্ » ব্যবহৃত হয় ; যথা—« মদগৃহে ( অস্মদ্ গৃহে ) পদার্থপূর্ণ পূর্বক অধীনকে অস্মৃগৃহীত করিবেন ; মদাশ্রয়ে স্থখে অবস্থান কর ; মৎসদৃশ ( বা অস্মৎসদৃশ ) অকিঞ্চনের নিবেদন কি শুনিবেন না ? » ইত্যাদি ।

« আমাদিগের, আমাদের » প্রভৃতি পদের উৎপত্তি এইরূপে হইয়াছে ; « আনা + আদিক + এর,

আমা+আদি+র »। « আমাদিগ-, আমাদের » কতৃকারকে কদাচ ব্যবহৃত হয় না—কেবল কতৃবাতীত তিথ্যক্-রূপেই এগুলির প্রয়োগ হয়।

নিজের অতিরিক্ত বিনয়, অথবা স্বাধার সহিত কথোপকথন করা হইতেছে তাঁহার প্রতি বিশেষ শ্রদ্ধা, ভক্তি অথবা সম্মান দেখাইবার জন্ত, « আমি » এই সর্বনাম-পদ ব্যবহার না করিয়া « দাস, সেবক, অধম, দীন, গরীব, অকিঞ্চন, বান্দা, গোলাম, ফিদ্বী, অধীন » প্রভৃতি শব্দ অনেক স্থলে ব্যবহৃত হয় ; যথা—« দাস আপনার ত্রিচরণেই পড়িয়া আছে ; দীনের কুটীরে প্রভুর (= আপনার) পদধূলি কি পড়িবে না ? নিরুপায় হ'য়ে এসেছি, গরীবকে পাঁচান ; গোলামের গোস্বামী মাক্ হয় . বান্দা হুজুরের খেদমতের জন্তই হামেশা হাজির রহিয়াছে ; ত্রিচরণে অধম একটা নিবেদন করিতে চাহে », ইত্যাদি। এই সকল শব্দ প্রথম পুরুষে ব্যবহৃত হয়।

### [খ] মধ্যম পুরুষের সর্বনাম (Second Person)—

বাঙ্গালা মধ্যম পুরুষের সর্বনামে তিনটা রূপ আছে—সম্মানের তারতম্য অনুসারে এই তিনটা বিভিন্ন রূপ ব্যবহৃত হয়। মধ্যম পুরুষেও উত্তম পুরুষের স্থায় বিভক্তিক ও অবিভক্তিক রূপ আছে।

#### ( ১ ) « তুই » শব্দ—

« তুই » অনাদরে ও তুচ্ছার্থে প্রযুক্ত হয় ; নিজের পরিবারস্থ শিশুদের সম্বন্ধে, কনিষ্ঠ ভ্রাতা বা ভগিনী, পুত্র-কন্যা প্রভৃতি স্নেহের সম্পর্কের ব্যক্তি-সম্বন্ধে, অত্যন্ত ঘনিষ্ঠ সম-বয়স্ক মিত্র অথবা ভ্রাতৃস্থানীয় ব্যক্তির সম্বন্ধে, সাধারণতঃ এই সর্বনাম প্রযুক্ত হয় ; এতদ্ভিন্ন, পুরাতন ভৃত্য এবং নিম্নশ্রেণীর শ্রমিক-সম্বন্ধেও ব্যবহৃত হইয়া থাকে। নিকট আত্মীয়, বহুদিনের পরিচিত মিত্র, অথবা অত্যন্ত ঘনিষ্ঠ না হইলে, নিম্নশ্রেণীর লোক-সম্বন্ধেও « তুই »-য়ের প্রয়োগ ভদ্রসমাজে বিরল হইয়া আসিতেছে। অত্যন্ত আদরে বা নৈকট্য-কল্পনায় ( সাধারণতঃ মাতৃ-মূর্তিতে দৃষ্ট ) দেব-শক্তির সম্বন্ধেও « তুই »-য়ের প্রয়োগ বাঙ্গালার দেখা যায়—বিশেষতঃ কবিতায় ; যেমন—« তুই না মোদের জগৎ-আলো ; পাই বেন তোর চরণ-দুটা »।

এক-বচন

বহু-বচন

অবিভক্তিক

তুই

তোরা ( তোরা-সব, -সকলে )

বিভক্তিক

তো-

তোদিগ-, তোদের।

উত্তম পুরুষের « মুই, মো »-র মত « তুই » শব্দের রূপ হয় ; যথা—« তুই, তোকে, তোরে, তোর, তোতে ; তোরা, তোদিগকে, তোদের তোদেরকে, তোদিগ-স্বারা, তোদিগ-দিয়া, « তোদের দিয়ে, তোদিগতে » ইত্যাদি ।

( ২ ) « তুমি » শব্দ—

যাহাদের সঙ্গে বক্তার ঘনিষ্ঠতা আছে, তাহাদের সম্বন্ধে, বয়ঃকনিষ্ঠদের সম্বন্ধে, ও পদ-মর্যাদায় যাহারা বক্তা অপেক্ষা বহুগুণে হীন, তাহাদের সম্বন্ধে « তুমি » ব্যবহৃত হয় । বয়ঃকনিষ্ঠ স্নেহের পাত্রদের সম্বন্ধে ও অশিক্ষিত শ্রমজীবীদের সম্বন্ধেও « তুমি » প্রযুক্ত হয় । ঈশ্বর- ও দেবতা-সম্বন্ধেও « তুমি » ব্যবহার্য্য ।

	এক-বচন	বহু-বচন
অবিভক্তিক	তুমি	তোমরা ( তোমরা-সব, -সকলে )
সবিভক্তিক	তো	তোমাদিগ-, তোমাদের ।

« তুমি, তোমা- » শব্দের রূপ, « আমি, আমা- » শব্দের মত হয় ।

( ৩ ) « আপনি » শব্দ—

মধ্যম পুরুষের সর্বনামগুলির মধ্যে, ভদ্রসমাজে সম্মান ও গৌরব এবং সৌজন্য-পূর্ণ সম্বোধনে « আপনি » শব্দ ব্যবহৃত হয় । অপরিচিত ভদ্র ব্যক্তি এবং ভদ্রবেশী মাত্রই এই সম্মাননার অধিকারী ।

	এক-বচন	বহু-বচন
অবিভক্তিক	আপনি	আপনারা
সবিভক্তিক	আপনা-	আপনাদিগ-, আপনাদের ।

মধ্যম পুরুষের কতকগুলি বিশিষ্ট রূপ—

« আপনি, আপনা » শব্দের রূপ « আমি, আমা- »-র মত হয় ।

কবিতায় সংস্কৃত ষষ্ঠীর এক-বচনের পদ « তব » ব্যৱহৃত হইয়া থাকে ।

সমস্ত-পদে, মধ্যম পুরুষের সংস্কৃত প্রতিক্রম, এক-বচনে « তৎ ( তদ্ ) » ও কচিং বহু-বচনে « যুস্মৎ ( যুস্মদ্ ) » রূপদ্বয় সংস্কৃত বিশেষ্য প্রভৃতির সহিত যুক্ত হয় ; যথা—« তৎসদৃশ, তদনুগ্রহ » । কখনও-

কখনও « আপনি » -র মত সম্মান দেখাইবার জন্য « ভবৎ ( ভবদ্ ) » শব্দ ঐরূপে ব্যবহৃত হয় ;  
যথা—« ভবৎসমীপে, ভবচ্চরণে, ভবৎ-প্রসাদাৎ » ।

অত্যধিক সম্মান দেখাইবার জন্য এখনও কখনও « আপনি » -র পরিবর্তে কতকগুলি বিশেষ্য ব্যবহৃত হয় : যথা « মহাশয় বা মশায়, প্রভু, মহারাজ, হুজুর, জনাব » প্রভৃতি ।

« তুই, তুমি, আপনি » —এগুলির লিঙ্গ-ভেদ নাই ।

### [গ] প্রথম পুরুষের সর্বনাম ( Third Person )—

অনুপস্থিত ব্যক্তি-সম্বন্ধে প্রথম পুরুষের সর্বনাম ব্যবহৃত হয় ।

#### ( ১ ) « সে » শব্দ—সাধারণ প্রথম পুরুষের সর্বনাম—

	এক-বচন	বহু-বচন
অবিভক্তিক	সে	তাহা, তারা
সবিভক্তিক	তাহা-, তা-	তাহাদিগ-, তাদিগ-, তাহাদের, তাদের ।

বাহার সহিত সাক্ষাৎ আলাপে « তুমি » অথবা « তুই » শব্দ প্রযুক্ত হয়, তাহার সম্বন্ধে « সে » ব্যবহৃত হয় ; ঈশ্বর-সম্বন্ধে কিন্তু « সে » ব্যবহৃত হয় না । মানবেতর প্রাণীর সম্বন্ধে « সে » চলে । বিশেষণে « সেই সেই » অর্থে, সংস্কৃতের ক্লীবলিঙ্গ « তৎ তৎ ( তত্তৎ ) » শব্দদ্বয়সকল লিঙ্গে ব্যবহৃত হয় ।

#### ( ২ ) « তিনি » শব্দ—

ইহা গৌরব বা সম্মানের জন্য প্রযুক্ত হয়, « আপনি »-পদের অনুরূপ ।

	এক-বচন	বহু-বচন
অবিভক্তিক	তিনি	তাহারা, তাঁরা
সবিভক্তিক	তাহা-, তাঁ-	তাহাদিগ-, তাঁদিগ-, তাহাদের, তাঁদের ।

#### ( ৩ ) « তা » শব্দ—প্রথম পুরুষ, ক্লীবলিঙ্গ—

	এক-বচন	বহু-বচন
অবিভক্তিক	তাহা, তা, তাই ; সেটা, সেটী, সেথানা, সেথানি ইত্যাদি	সে-সব, সে-গুলো, সে-গুলি, সে-সকল ।
সবিভক্তিক	ঐ	ঐ

সবিভক্তিক রূপে কদাচিৎ ক্লীবলিঙ্গে « তাহাদিগ-, তাদিগ-, তাহাদের,

তাদের » পদগুলিও ব্যবহৃত হইয়া থাকে, কিন্তু ক্লীবলিঙ্গে « সে-সব, সে-গুলো » ইত্যাদিই সাধারণ।

« সে, তাহা, তা, »—এই সর্বনামের মূল রূপ হইতেছে সংস্কৃত « তদ্ » শব্দ। সমাসে « তৎ, তদ্ » রূপ ব্যবহৃত হয়; যথা— « তদ্বারা, তদাশ্রয়, তদাশ্রয়, তৎকর্তৃক, তন্নিবন্ধন, তৎপর, তৎপুল, তৎকন্তা » ইত্যাদি।

‘তাহাব’ অর্থে সংস্কৃত « তস্ত » শব্দ ( ষষ্ঠীর এক-বচন ), বাঙ্গালা বিশেষ্য শব্দের ষষ্ঠী বিভক্তির পবিবর্তে ব্যবহৃত হয়—« ভীমচন্দ্র নাগ তস্ত ভ্রাতা শ্রীনাথ নাগ = ভীমচন্দ্র নাগের ভ্রাতা »।

## [২] উল্লেখ-সূচক বা নির্ণয়-সূচক সর্বনাম

( Demonstrative Pronouns )

একাদিক পদার্থকে পৃথক করিয়া জানাইবার জন্য, এই শ্রেণীর সর্বনামের দ্বিত্ব হইতে পারে, যথা— « এই এই; ওই ওই বা এ ঐ »।

[ক] প্রত্যক্ষ- বা অন্তিক-নির্ণয়-সূচক—« এ, ইহা, ইনি »  
( Near বা Proximate Demonstrative )

### ( ১ ) প্রাণিবাচক সাধারণ রূপ—

	এক-বচন	বহু-বচন
অবিভক্তিক	এ, এই	ইহারা, এবা
সবিভক্তিক	ইহা-, এ-	ইহাদিগ-, এদিগ-, ইহাদের, এদের।

### ( ২ ) প্রাণিবাচক—গৌরবে, সম্মানে, সৌজন্ত্যে—

	এক-বচন	বহু-বচন
অবিভক্তিক	ইনি	ইঁহারা, এঁরা
সবিভক্তিক	ইঁহা-, এঁ-	ইঁহাদিগ-, এঁদিগ-, ইঁহাদের, এঁদের

### ( ৩ ) অপ্ৰাণিবাচক—ক্লীবলিঙ্গে—

	এক-বচন	বহু-বচন
অবিভক্তিক	ইহা, এই, এটা এটা, এ-খানা, এখানি	ইহা-সব, এ-সব,
ও		এ-সকল, এগুলো, এগুলি, এ-সবগু
সবিভক্তিক	}	প্রভৃতি।



সংস্কৃত শব্দের সহিত সমাস-দ্বারা গ্রথিত হইলে, এই সর্বনাম « এতৎ, এতদ্ » রূপ গ্রহণ করে।  
যথা—« এতৎসম্পর্কে, এতদবস্থায়, এতদ্বারা, এতদ্বাক্যে » ইত্যাদি।

বিশেষ্যের মত—অথবা « আমি » শব্দের মত—বিভক্তি, প্রত্যয় ও কম-প্রবচনীয় পদ যুক্ত করিয়া, এই সর্বনামের রূপ হয়।

(খ) পরোক্ষ- বা দূরত্ব-নির্গম-সূচক—« ও, উহা, উনি »  
(Far বা Remote Demonstrative)

### (১) প্রাণিবাচক সাধারণ রূপ—

	এক-বচন	বহু-বচন
অবিভক্তিক	ও, ওই	উহারা, ওরা
সবিভক্তিক	উহা-, ও-	উহাদিগ-, ওদিগ-, উহাদের, ওদের।

### (২) প্রাণিবাচক—গৌরবে—

	এক-বচন	বহু-বচন
অবিভক্তিক	উনি	উহারা, উঁরা,
সবিভক্তিক	উঁহা-, উঁ-	উঁহাদিগ-, উঁদিগ-, উঁহাদের, উঁদের।

### (৩) অপ্রাণিবাচক—ক্লীবলিঙ্গ—

	এক-বচন	বহু-বচন
অবিভক্তিক	উহা, ওই, অই, ই,	ও বা ওই বা ই+সব, সকল, সমস্ত,
ও		
সবিভক্তিক	ওটা ওটা, ওথানা, ওথানি	গুলি, গুলি প্রভৃতি।

এই সর্বনাম « এ, উহা, উনি »-র অনুরূপ বিভিন্ন কারক ও বচনের প্রত্যয়াদি গ্রহণ করিয়া থাকে।

### [৩] সাকল্য-বাচক সর্বনাম

(Inclusive Pronouns)

« উভয়, সকল, সব » শব্দ। এগুলির মধ্যে, « উভয় » ও « সকল » শব্দদ্বয়ের রূপ বিশেষ্যের স্থায় মাত্র একবচনেই হইয়া থাকে ; কেবল « সকল »

শব্দের ষষ্ঠীতে « সকলের » ও « সকলকার » হয় । « সব » শব্দের কিছু বৈশিষ্ট্য আছে—

প্রথম—সব, সবাই, সবে ; \* সকাই ।

দ্বিতীয়—সবাকে, সবাইকে, সবগুলিকে, সবগুলোকে ; সবারে, সবগুলিরে, সবগুলারে ।

তৃতীয়—সবার দ্বারা, সবাইকে দিয়া ; সবে ।

চতুর্থ—দ্বিতীয়াবৎ ।

পঞ্চম—সব-হইতে, সব-হ'তে, সবার থেকে, সব-চেয়ে, সবার চেয়ে, সবার থেকে, চেয়ে ।

ষষ্ঠী—সবের, সবার, সবাইয়ের ; সবাকার ।

সপ্তম—সবে, সবেতে ; সবার মাঝে, সবার মাঝে ।

### [৪] সম্বন্ধ, সংযোগ বা সম্প্রতি-বাচক সর্বনাম ( Relative Pronouns )

এই সর্বনাম, « সে, তিনি, তাহা »-র অনুরূপ । পৃথক্ করিয়া জানাইবার জন্য, এই সর্বনামের দ্বিত্ব হয় : « যে-যে, যার-যার » ।

#### [ক] « যে » শব্দ—সাধারণ প্রাণিবাচক—

	এক-বচন	বহু-বচন
অবিভক্তিক	যে	যাহারা, যারা
সবিভক্তিক	যাহা-, যা-	যাহাদিগ-, যাদিগ-, যাহাদের, যাদের ।

#### (খ) « যিনি » শব্দ—গৌরবে—

	এক-বচন	বহু-বচন
অবিভক্তিক	যিনি	যাঁহারা, যাঁরা
সবিভক্তিক	যাঁহা- ( যাঁহাঁ- ), যাঁ-	যাঁহাদিগ-, যাঁদিগ-, যাঁহাদের, যাঁদের ।

#### (গ) « যাহা » শব্দ—ক্লীবলিঙ্গে অপ্রাণিবাচক—

	এক-বচন	বহু-বচন
অবিভক্তিক	}	যেগুলি, যেগুলো, যে-সব, যে-সকল, যে সমস্ত ।
ও		
সবিভক্তিক		

সংস্কৃত সমস্ত-পদে এই সর্বনামের রূপ হয় « যৎ, যদ্, যজ্ » ; যথা—« যদ্বারা, যজ্ঞস্থ, যদ্বৈতু-  
ষৎপরোনাস্তি » ইত্যাদি ।

\* পারস্পরিক-সঙ্গতি-মূলক সর্বনাম (Correlatives)—« যে, সে »  
এই দুইটা সর্বনাম এবং এই দুইটা হইতে উৎপন্ন বিশেষণাদি বিভিন্ন শব্দ, বাক্যের  
মধ্যস্থিত দুই খণ্ড-বাক্যের পরস্পর সঙ্গতি রক্ষা করে ; যথা—« যে জ্ঞানী, সেই  
সুখী ; যাহার যেমন সাধনা, তাহার তেমনই সিদ্ধি ; যতক্ষণ শ্বাস, ততক্ষণ আশ »  
ইত্যাদি ।

### [৫] প্রশ্ন-সূচক সর্বনাম

( Interrogative Pronouns )

পৃথক করিয়া জানাইবার জন্ত এই সর্বনামের দ্বিত্ব হয় : « কে-কে, কাঁহার-  
কাঁহার, কোন্-কোন্, কি-কি, » ।

[ ক ] সাধারণ রূপ—« কে »—

	এক-বচন	বহু-বচন
অবিভক্তিক	কে	কাঁহার, কারা
সবিভক্তিক	কাঁহা, কা-	কাঁহাদিগ-, কাঁদিগ-, কাঁহাদের, কাঁদের ।

[ খ ] গৌরবে—

অবিভক্তিক একবচনের রূপ-হিসাবে « কে » পদেরই প্রয়োগ হইয়া থাকে ;  
« তিনি, ইনি, যিনি »-র মত « কিনি » রূপ মাঝে-মাঝে মৌখিক চলিত-ভাষায়  
প্রযুক্ত হইলেও, ইহা সাহিত্যে প্রায় অপ্রচলিত । অবিভক্তিক বহু-বচনে এবং  
সবিভক্তিক উভয় বচনে, চন্দ্রবিন্দু-যুক্ত « কাঁহার, কাঁরা » এবং « কাঁহা- (কাঁহা-),  
কাঁ-, কাঁহাদিগ- ( কাঁহাদিগ- ), কাঁদের » প্রভৃতি প্রচলিত আছে ।

বিশেষণ-রূপে ব্যবহৃত হইলে, « কে » পরিবর্তিত হইয়া « কোন্ » রূপ ধরে ;  
যথা—« কাল একজন মন্ত পণ্ডিত আসছেন ; কে ? অথবা, কোন্

পণ্ডিত ? » । বহুর মধ্যে একটাকে বাছিয়া লইতে হইলে, « কোন্ » শব্দ ব্যবহৃত হয় ।

আদালতের ভাষায় 'কস্ত' = 'কাহার' শব্দ, কখনও-কখনও দিলিলেব' প্রথমে ব্যবহৃত হয় ।

[ গ ] « কি » শব্দ—ক্লীবলিঙ্গ, অপ্ৰাণিবাচক—

	এক-বচন	বহু-বচন
অবিভক্তিক	কি, কোন্, কোন্টা, কোন্টী, কোন্খানা, কোন্খানি প্রভৃতি	কি-সব, কি-সমস্ত ; কোন্+সব, সকল, গুলা, গুলি ।
সবিভক্তিক	কাহা-, কা-, বিসে কোন্টী, -টী, -খানা, -খানি ।	"

ক্লীবলিঙ্গের অপ্ৰাণিবাচক প্রশ্ন-সূচক সর্বনাম, বিশেষ জোর দিবার জন্ত « কী » রূপেও লিখিত হয় । যথা—« তুমি কি খাইবে ? » (=তুমি খাইবে কি ?—« কি » এখানে প্রশ্নসূচক অব্যয় )—« তুমি কী খাইবে ? » (=তুমি কোন্ বস্তু খাইবে ? ) » ।

সপ্তমীতে প্রশ্ন-সূচক, « কই » = 'কোথায় ?' । « কই » শব্দ সাধু-ও চলিত-ভাষায় কেবল জিজ্ঞাসায় একক প্রযুক্ত হয়—বাক্যের মধ্যে « কই » ব্যবহৃত হয় না ; পূর্ব-বঙ্গের কথ্য ভাষায় কিন্তু « কই » বাক্যের মধ্যেও চলে ; যথা—« ঐ তোমার হারানো বই »—« কই ? » ; « আমার হারানো বইখানা কোথায় ? ( এখানে 'কই' নহে ) » ।

সংখ্যা-জিজ্ঞাসায়, বহু-বচনে—« কয় ( \* ক' ) » = « কতগুলি » ; « কয় জন, কয়টা, কয়টি ( \*ক-জন, \*ক-টা, \*ক-টি ) » ।

[ ৬ ] অনিশ্চয়-সূচক সর্বনাম

( Indefinite Pronouns )

[ ক ] « কেহ, \* কেউ, —উভয় লিঙ্গে, সাধারণ ও গৌরব-সূচক :

অবিভক্তিক রূপের বহু-বচনে, এবং সবিভক্তিক রূপের উভয় বচনে, গৌরবে

চন্দ্রবিন্দু-যুক্ত রূপ « কাঁ- »-ও প্রযুক্ত হয়। বস্তুতঃ এই সর্বনাম, প্রশ্ন-সূচক সর্বনামের উত্তর অব্যয়-শব্দ « ও » যোগ করিয়া গঠিত হইয়াছে।

	এক-বচন	বহু-বচন
অবিভক্তিক ( কতর্ )	কেহ -কেউ	কাহারো, কারো।
ষষ্ঠী ( সম্বন্ধ )	কাহারও, কাহারো, কারো, * কার, *কার	কাহাদিগেরও, কাহেরো।
অবিভক্তিক ( অশ্চকারক )	কাহা, কা-, + বিভক্তি + ও	কাহাদিগ- + ও, কাহিগ- + ও, কাহেরো।

বহুবচনার্থে এই সর্বনামের ও দ্বিত্ব হইয়া থাকে ; « কেহ-কেহ, \* কেউ-কেউ ; কাহারো-কাহারো, কারো-কারো » । বিশেষণ-রূপ—« কোনও, কোনো » ।

### (খ) « কিছু » শব্দ—অপ্রাণিবাচক—

এক-বচনে ও বহুবচনে অবিভক্তিক ও সবিভক্তিক রূপ একই—« কিছু » । বিশেষণ-রূপে « কিছু », অল্প-সংখ্যক অর্থে, বিশেষ্যের পূর্বে বসে ; যথা—« কিছু দিন, কিছু সৈন্ত, কিছু গুড় » ; দ্বিত্ব « কিছু-কিছু », অর্থ—‘অল্প-সংখ্যক’ বা ‘অল্প-পরিমাণ’ ।

### (গ) মিশ্র বা যৌগিক অনিশ্চয়ার্থক সর্বনাম (Compound Indefinite Pronouns) :

বিভিন্ন বিশেষণ বা অব্যয়ের সহিত, অথবা অন্ত কতকগুলি সর্বনামের সহিত যুক্ত হইয়া, অনিশ্চয়ার্থক সর্বনাম « কেহ, \*কেউ, কিছু », অনিশ্চয়-ছোতক বিভিন্ন প্রকারের মিশ্র-সর্বনাম গঠিত করে ; যথা—

« কেহ-কেহ ; আর-কেহ, \*আর-কেউ ; আর-কিছু ; অন্ত কেহ, অন্ত কিছু ; অপর কেহ, অপর কিছু ; কেহ-না-কেহ, \*কেউ-না-কেউ, কিছু-না-কিছু ; কেহ বা ; কেই বা ; কোনও-কিছু ; কোনও এক ( বিশেষণরূপে ব্যবহৃত ) ; যে-কেহ, \*যে-কেউ, যে-কোনও ; যাহা-কিছু, যা-কিছু ; যে-সে, যা-তা » ।

[৭] নিজ- বা আত্ম-বাচক সর্বনাম  
(Reflexive Pronouns)

বাক্যের কোনও উদ্দেশ্য-সম্বন্ধে বিশেষ করিয়া জোর দিয়া বলিবার জন্য, অথবা 'কাহারও সহায়তায় নহে' ইহা বুঝাইবার জন্য, বিশেষের অথবা সর্বনামের সহিত « নিজ, আপনি, স্বয়ং ( স্বয়ম্ ) » প্রভৃতি কতকগুলি আত্মবাচক সর্বনাম শব্দ প্রযুক্ত হয়। এগুলি এক ও বহু, উভয় বচনেই ব্যবহৃত হয়। এগুলির মধ্যে « স্বয়ং ( স্বয়ম্ ) » পদ কেবল কর্তৃকারকেই মিলে ; « নিজ, আপনি » শব্দদ্বয় সমস্ত কারকে প্রযুক্ত হয়।

৪ ' « আপনি » শব্দ

কর্তৃকারক—( আমি, তুমি, সে + ) আপনি—( আমরা, তোমরা, তাহারা + ) আপনারা।

কর্ম ও সম্প্রদান—আপনাকে, আপনারে—আপনাদিগকে, আপনাদের, আপনাদেরকে।

করণ—আপনি, আপনার দ্বারা, আপনাকে দিয়া—আপনাদিগ-দ্বারা, আপনাদের দিয়া ; ( উভয় বচনে ) আপনা-আপনি।

অপাদান—আপনার থেকে, আপনা-হইতে—আপনাদিগ-হইতে, আপনাদের থেকে।

সম্বন্ধ—আপন, আপনার, আপনকার—আপন-আপন, আপনার-আপনার, আপনাদিগের, আপনাদের।

অধিকরণ—আপনাতে, আপনার মধ্যে বা মাঝে—আপনাদিগতে, আপনাদিগের বা আপনাদের মধ্যে বা মাঝে, আপনাদেরতে।

৫ ' « নিজ » শব্দ

( সাধু- ও চলিত-ভাষায় উচ্চারণে স্বরাস্ত [ নিজো ] )

কর্তা—নিজে—নিজেরা, নিজে-নিজে।

কর্ম ও সম্প্রদান—নিজেকে, নিজেরে, নিজকে—নিজদিগকে, নিজদের, নিজদেরকে।

করণ—নিজের দ্বারা, নিজেকে দিয়া, নিজ-দ্বারা—নিজদের দিয়া, নিজদিগ-দ্বারা।

অপাদান—নিজ-হইতে, নিজের থেকে—নিজদিগ-হইতে, নিজদের থেকে।

সম্বন্ধ—নিজ, নিজের—নিজ-নিজ, নিজের-নিজের, নিজদিগের, নিজদের, নিজদের।

অধিকরণ—নিজতে, নিজতে, নিজের মধ্যে বা মাঝে—নিজদিগতে, নিজদের মধ্যে বা মাঝে, নিজদেরতে।

## [৮] ব্যতিহারিক বা পারস্পরিক সর্বনাম

( Reciprocal Pronouns )

পরস্পর অর্থে, অথবা স্বেচ্ছায় ( 'অপরের প্ররোচনা বিনা' ) অর্থে, « আপনা-আপনি » এই দ্বিত্ব রূপ ব্যবহৃত হয়।

« আপস »—'পরস্পর' -অর্থে এই শব্দের প্রয়োগ আছে। « আপস » শব্দের কর্মকারকে 'মিলন, বিনা কলহে নিষ্পত্তি' এই অর্থ হয়—« তাহারা এই মামলার আপস করিয়াছে »। « আপসে »—'আপনার মধ্যে, আদালতের বা অস্ত্রের সাহায্য না লইয়া' : « তাহারা আপসে মিটমাট করিয়াছে। » « আপসের » -« আপসের মধ্যে ( =পরস্পর ) বগড়া করা উচিত নহে। »

« অমুক » শব্দ—অনির্দিষ্ট-নামক। ব্যক্তির সম্বন্ধে « অমুক » শব্দ ব্যবহৃত হয়। কখনও-কখনও এই অর্থে আরবী শব্দ « ফলানা » -ও প্রযুক্ত হইয়া থাকে।

## সর্বনামের বিশেষণ-রূপে প্রয়োগ

উত্তম ও মধ্যম পুরুষ ভিন্ন, অন্ত সর্বনামগুলি বিশেষণবৎ ব্যবহৃত হইতে পারে। বিশেষণ-রূপে ব্যবহৃত সর্বনাম, মাত্র এক-বচনে সাধারণ রূপে প্রযুক্ত হয়, অন্ত কোনও রূপ ব্যবহারে আসে না। বিশেষিত পদ বহু-বচনের হইলে, এই অবিভক্তিক এক-বচনের সর্বনামের উত্তর « সকল, সব, সমস্ত » প্রভৃতি যোগ করা হয়। বিভিন্ন কারকের বিভক্তি প্রভৃতির চিহ্ন আর সর্বনামের সঙ্গে যুক্ত হয় না, বিশেষিত পদের পরেই বসে; যথা—« সেই মানুষ ; যে জন ; কোন্ জনা ; সে নারী ; সে-সমস্ত কথা ; সে-সব লোক ; এ ব্যক্তির ; এ-সকল কথা মিথ্যা ; এ-সমস্ত দুর্বৃত্তকে দমন করা উচিত ; সে-সমস্ত ব্যাপারের কি কল হইল জানা যায় নাই ; যে ছেলে ; যে-সব মেয়ে কলেজে পড়ে ; কোন্ ছেলে ; কোন্-সব ছেলে, কি-সব কাগজ হারাইয়াছে ? কোনও পণ্ডিত, কোনও-কোনও পণ্ডিত ; কোনও-কোনও খবরের কাগজে কথাটা প্রকাশ পাইয়াছে » ইত্যাদি।

## সর্বনাম-জাত বিশেষণ ও ক্রিয়া-বিশেষণ ( Pronominal Adjectives and Adverbs )

সর্বনামের মূল অংশের সহিত কতকগুলি বিশেষ প্রত্যয় যোগ করিয়া গঠিত বিশেষণ ও ক্রিয়া-বিশেষণ, বাঙ্গালা ভাষায় দেশ, কাল, পরিমাণ ও সাদৃশ্য প্রকাশ করিয়া থাকে ; যথা—

মূল	দেশ-বাচক— « - থা, -থায় ; -থান, -থানে » ( ক্রিয়া-বিশেষণ )	কাল-বাচক— « খন, ক্ষণ ; বে » ; ( ক্রিয়া-বিশেষণ )	পরিমাণ-বাচক— « -ত » উচ্চারণে [তো] ( বিশেষণ )	সাদৃশ্য বাচক— « মন, মত [= মৎ], -মত [ = মতো ] » ( বিশেষণ )
সে-, তা- তে-	সেথা, সেথায় ; সেগান, সেখানে	তখন, সেইক্ষণ, তবে	তত [ = ততো ]	তেমন, তেমত [ = ত্যামৎ ] -সেইমত
এ-, হে-	হেথা, হেথায় ; এখান, এখানে, এইখানে	এখন, এইক্ষণ, এক্ষণে ( এবে — কবিতায় )	এত [ = অ্যাতো ]	এমন, এমত এইমত ( এমনে = এ-দিকে )
ও-, হো, ওই, অ-	হোথা, হোথায় ; ওখান, ওখানে, ওইখানে	( তখন ) ওইক্ষণ, ঐক্ষণ	অত [ = অতো ]	অমন ; ঐ-মত ( অম্নে = ও দিকে )
য-, যে-	যেথা, যেথায় ; যেখান, যেখানে	যখন, যেইক্ষণ, যবে	যত [ = জতো ]	যমন, যেমত ; যেই-মত
ক-, কে-, কো-	কোথা, কোথায় ; কোন্খানে ; কই	কখন, কোন্ক্ষণ, কবে	কত [ = কতো ]	কেমন, কেমত ; কোন্-মত, কি-মত ( কেম্নে = কোন্ দিকে )
ক-, কো- +ও	কোথাও, কোনোখানে	কখনও, কখনো	কতক	কোনো-, কোনও, কোনো- + মতে,



এই ক্রিয়া-বিশেষণগুলিকে অংশতঃ বিশেষ্যের মতও ব্যবহার করা যায়, এবং যষ্টি প্রভৃতি বিভক্তিও এগুলিতে যুক্ত করা যায়।

প্রাচীন বাঙ্গালার সাদৃশ্য-বাচক বিশেষণ সৃষ্টি করিবার জন্ত আর একটা প্রত্যয় ছিল—« হেন » ;—« তেহেণ, এহেণ, যেহেণ, কেহেণ » এই রূপগুলি প্রচলিত ছিল। এগুলি পরে পরিবর্তিত হইয়া « তেন, হেন, যেন, কেন » হইয়া দাঁড়াইল। এগুলির মধ্যে, « হেন [= ছানো ] » শব্দটা, সাদৃশ্য বা বর্ণনা জানাইতে আধুনিক বাঙ্গালাতেও বিদ্যমান আছে—« হেন কালে, হেন রূপে » ইত্যাদি। « কেন [= ক্যানো ] » এক্ষণে ‘কি কারণে?’ এই অর্থে প্রযুক্ত হয়; এবং « যেন [= জানো ] » লক্ষ্য-নির্দেশ-সূচক ক্রিয়া-বিশেষণ-রূপে আধুনিক বাঙ্গালায় জীবন্ত শব্দ।

সংস্কৃত তৃতীয়াস্ত « তেন, যেন, কেন » পদগুলির সহিত, খাঁটা বাঙ্গালা « যেন কেন তেন » পদগুলির একটু মিশ্রণ ঘটিয়াছে; যথা, « \* যেন তেন উপায়েন তাকে রাজী করাবে » ।

এতদ্ভিন্ন, কতকগুলি সংস্কৃত-সর্বনাম-জাত বিশেষণ ও ক্রিয়া-বিশেষণ পদও বাঙ্গালায় প্রচলিত আছে; যথা—« মদীয়, অমদীয়, তদীয় ( যুমদীয়—অপ্রচলিত ); ভবদীয় ( = আপনার ); স্বীয়, স্বকীয়; তত্র, অত্র, যত্র, কুত্র ( স্থান-বাচক ক্রিয়া-বিশেষণ; কিন্তু « অত্র বিদ্যালয়ে, অত্র ইষ্টেটে »—বিশেষণ); তদা, যদা, কদা ( কাল-বাচক ক্রিয়া-বিশেষণ ) » ।

সংস্কৃত « যদাহি, তদাহি » এই দুই ক্রিয়া-বিশেষণের বিকারে, বাঙ্গালা কাল-বাচক ও সঙ্গতি-ছোতক ক্রিয়া-বিশেষণ « যাই, তাই » ।

## অনুশীলনী

- ১। সর্বনাম কাহাকে বলে? সর্বনাম কয় প্রকারের?
- ২। নিম্নলিখিত সর্বনামগুলি কি অর্থে কোন স্থলে প্রযোজ্য, দৃষ্টান্তসহ বল :—তুই, আপন, অত্র, তস্ত।
- ৩। ‘আমরা’ কোন্ সময় ‘আমি’ অর্থে প্রযোজ্য হয়? কেবল পাছেই ব্যবহৃত হয়, এরূপ কয়েকটা সর্বনামের উল্লেখ কর।

- ৪। সব নাম 'আমি' শব্দের পূর্ণ রূপ লিখ (C. U., 1943)।
- ৫। সব নাম 'তুমি' শব্দের পূর্ণ রূপ লিখ। (C. U. 1944)।
- ৬। নিম্নলিখিত সব নামগুলি দ্বারা এক-একটি বাক্য রচনা কর :—ইনি, উনি, সেটা, কি-কি, কারা, কাহারা, কেহ, কী, এ, ও, তা, যা, ইঁহারা, যথা, অমুক, কিসের।

## ক্রিয়া-পর্ষায়

### ক্রিয়া-পদ

সাধারণতঃ কোনও বাক্যের মধ্যে দুইটি অঙ্গ থাকে—**উদ্দেশ্য** ও **বিধেয়**। যাহার সম্পর্কে কিছু বলা হয়, তাহা **উদ্দেশ্য** (Subject), এবং উদ্দেশ্য-সম্বন্ধে যাহা বলা হয় তাহা **বিধেয়** (Predicate)। বিধেয় যখন কোনও গুণ বা অবস্থা প্রকাশ করে, এবং বিধেয়-বাচক শব্দটি যখন বিশেষণ হয়, তখন তাহাকে **বিধেয় বিশেষণ**-বলা যায়; যেমন—« ঈশ্বর পরম দয়ালু » কিন্তু বিধেয়-দ্বারা যখন ইহা জানানো হয় যে, বাক্যের উদ্দেশ্য কোনও বিশেষ অবস্থায় রহিয়াছে, বা কোনও কার্য করিতেছে, করিয়াছে বা করিবে, তখন সেই বিধেয়কে **ক্রিয়া-পদ** বলে; যেমন—« গোপাল যায়; তাহার পিতা আসিবেন; শিক্ষক-মহাশয় সেদিন অসুস্থ ছিলেন » ইত্যাদি। এই উদাহরণগুলিতে উদ্দেশ্য শব্দ—« গোপাল, পিতা, শিক্ষক-মহাশয় », বিধেয় ক্রিয়া-পদ « যায়, আসিবেন, ছিলেন »। বিশেষ্য-পদও বিধেয়-রূপে ব্যবহৃত হয়; সে অবস্থায়, 'হওয়া' বা 'থাকা' অর্থে একই ক্রিয়া-পদ, বাক্যের উদ্দেশ্য এবং বিধেয়-বিশেষ্য—এই উভয়ের মধ্যে **সংযোজক** (Cupola)-স্বরূপ ব্যবহৃত হয়; যথা—« রাম-বাবু হ'চ্ছেন গোপালের মামা », বা « রাম-বাবু গোপালের মামা হন »; এখানে, « রাম-বাবু » উদ্দেশ্য, « গোপালের মামা » বিধেয়-বিশেষ্য অথবা বাক্যের পূরণ-কারক (Complement), এবং « হ'চ্ছেন » বা « হন », সংযোজক ক্রিয়া। তদ্রূপ, « তিনি আমাদের শিক্ষক ছিলেন; রাজা ছিলেন অপুত্রক; এক ছিল বামুন; সে মস্ত পণ্ডিত হবে » ইত্যাদি। কখনও-কখনও এই সংযোজক ক্রিয়া

বাঙ্গালার অল্পলিখিত বা উহ্য থাকে ; যথা—« রাম-বাবু গোপালের মামা ; তিনি ভাল লোক ; সে বড় দুঃখী » ইত্যাদি ।

ক্রিয়া-পদকে বিশ্লেষ করিলে যে অবিভাজ্য মৌলিক অংশ পাওয়া যায়, যাহার দ্বারা ক্রিয়া-পদের অন্তর্নিহিত ভাবটি মাত্র ছোঁতিত হয়, তাহাকে ক্রিয়া-প্রকৃতি বা ধাতু বলে ; যথা—« করে, করিয়া, করিল, করিতে, করিবে » ইত্যাদির মূল অংশ হইতেছে « কর » ধাতু । ধাতুর উত্তর প্রত্যয় ও বিভক্তি যোগ করিয়া এবং উহার বিকার বা পূর্তি ঘটাইয়া, ক্রিয়া-পদ সৃষ্টি করা হয়, এবং এই ক্রিয়া-পদ বাক্যে ব্যবহৃত হয় ।

আধুনিক বাঙ্গালা ভাষায় অল্পজ্ঞান মধ্যম পুরুষে অনাদরে যে রূপ হয়, তাহাই ক্রিয়ার নগ্ন বা বিভক্তি-হীন রূপ, এবং সেই রূপকে আমরা ক্রিয়ার ধাতু বলিয়া ধরিতে পারি ; যথা—« তুই কর ; তুই খা ; তুই চল ; দেখ, শো, নে, দে, রহ, ( র ) » ইত্যাদি ।

### ধাতু

বাঙ্গালার ধাতুগুলির উৎপত্তি ও প্রকৃতি বিচার করিলে, সেগুলিকে তিনটি শ্রেণীতে ফেলা যায় ; যথা—[১] সিদ্ধ ধাতু (Primary Roots), [২] সাধিত ধাতু (Derivative বা Secondary Roots), এবং [৩] সংযোগ-মূলক ধাতু (Compounded Roots) ।

#### [১] সিদ্ধ ধাতু—

যে-সকল ধাতু স্বয়ংসিদ্ধ, ভাষায় যেগুলির কোন বিশ্লেষণ হয় না, সে-সকল ধাতুকে সিদ্ধ ধাতু বলে ; যেমন—« চল, দেখ, শুন, খা, দহ, দে, গর্জ, কম্ » ইত্যাদি ।

#### [২] সাধিত ধাতু—

যে-সকল ধাতুর বিশ্লেষণ করিলে, অল্প একটা ধাতু এবং এক বা একাধিক প্রত্যয় পাওয়া যায়, সেগুলিকে সাধিত ধাতু বলে । এতদ্বিন্ন, যেখানে

সংস্কৃত ও অন্তর্ বিশেষ্য-পদ, কোনও প্রত্যয় গ্রহণ না করিয়াও একেবারে ধাতুর স্তায় ব্যবহৃত হয়—সেইরূপ নাম-ধাতুকেও সাধিত ধাতু বলা যায়; যথা—  
« করা ( √ কর্ + -আ প্রত্যয় ), হাতা ( হাত শব্দ + -আ ), হাতড়া ( হাত শব্দ + -ড় + -আ ), অগ্রসর ( সংস্কৃত বিশেষ্য-পদ 'অগ্রসর', ধাতু-রূপে বাঙ্গালায় ব্যবহৃত ) » ।

সাধিত ধাতুগুলিকে এই কয় শ্রেণীতে ফেলা যায় :

( ক ) শিভস্ত বা প্রয়োজক ধাতু—মূল বা সিদ্ধ ধাতুতে « -আ » বা « -ওয়া » -প্রত্যয় যোগ করিয়া, এই প্রকার ধাতু সাধিত হয়; যথা—« কব্—করা; খা—খাওয়া > খাওয়া; ( ব-শ্রুতির আগম, পূর্বে দ্রষ্টব্য ); দে—দেওয়া > দেওয়া; যা—যাওয়া > যাওয়া; দেখ্—দেখা » ইত্যাদি ।

( খ ) কর্ম-বাচ্যের ধাতু—« -আ » -প্রত্যয়-যোগে : « শুন্—শুনা, শোনা, ( যথা—কথাটা ভাল শোনায় না ); বিধ-বেঁধা ( যথা—ছল পরিবার জন্ত কান বেঁধায় ) » ইত্যাদি ।

( গ ) নাম-ধাতু—

( /০ ) সাধারণ বিশেষ্য বা বিশেষণে « -আ » -প্রত্যয় যোগ করিয়া; যথা—« লাঠি বা লাঠা -লাঠা; আঙু—আঙুআ, ::এগো; বাহির--বাহিরা, ::বেরো; দুখ--দুখা; বিষ--বিষা; জুতা—জুতা; রঙ্গ—রঙ্গা, রাঙা » ইত্যাদি ।

( ৮০ ) « ক » -প্রত্যয়ান্ত বিশেষ্য হইতে : « থমক --থমকা, ধমক—ধমকা, থক্—থকা, থাক্—থাকা; মোচক—মুচকা, হড়ক—হড়কা » ।

( ৯০ ) « ড় » বা « ট » -প্রত্যয়ান্ত বিশেষ্য হইতে : « দাবড়া, আঁকড়া, আঁচড়া, দাঁদড়া, চুমড়া, ঘনটা, কচটা, ঘনড়া, মুচড়া, হাতড়া » ।

( ১০ ) « ল » বা « র » -প্রত্যয়ান্ত বিশেষ্য হইতে : « আগলা, চুমরা বা চোমরা, পিকলা, ডুকরা, ছোবলা, হাঁকরা » ।

( ১১ ) « স » বা « চ » -প্রত্যয়ান্ত বিশেষ্য হইতে—« চকসা, ঝলসা, লেঙ্গচা, ধামসা, ভাপসা, ভাঙ্গচা বা ভেঙ্গচা » ।

## (ঘ) ধ্বন্যাত্মক বা অনুকার-ধ্বনিজ ধাতু—

(১০) ধাতু-রূপে ব্যবহৃত অনুকার-ধ্বনি—« হাঁচ, ফুক, ধুক » ।

(১১) অভ্যাস বা দ্বিভ না করিয়া, অনুকার ধ্বনিতে « আ » যোগ করিয়া—« চিলা, চুঁয়া, টুসা, টসা, ফোঁসা, হাঁকা » ।

(১২) অভ্যস্ত বা দ্বিভ করিয়া লিখিত অনুকার-ধ্বনিতে, অপবা ধাতুকে দ্বিভ করিয়া অনুকার-ধ্বনিতে রূপান্তরিত করিয়া, « আ » -যোগ-পূর্বক— « চোঁচা, গোঁগা, গোঁগা &gt; গোঁগা, চড়চড়া &gt; চচ্চড়া, মচমচা, হড়হড়া, কনকনা, পিলপিলা; জলজলা, টলটলা, গলগলা, সড়সড়া, চুলবুলা, টলবলা, দলমলা » । সাধারণতঃ এইরূপ ধাতুতে কেবল অসমাপিকা-প্রত্যয় « -ইয়া » যোগকরিয়া, ক্রিয়া-বিশেষণ-রূপে এগুলির প্রয়োগ হয় ।

(৬) এতদ্ভিন্ন কতকগুলি « -আ » -প্রত্যয়াস্ত ধাতু আছে, সেগুলির উৎপত্তি অজ্ঞাত ; যথা—« কাঁচা ; গজা ; গুটা ; গুড়া ; গুঁড়া ; জিরা ; জুড়া ; বিলা ; হেদা ; লেলা » ইত্যাদি ।

## [৩] সংযোগ-মূলক ধাতু—

« কর, হ, দে, পা » প্রভৃতি কতকগুলি ধাতুর সহিত নানা বিশেষ্য, বিশেষণ অথবা ধ্বন্যাত্মক শব্দ ব্যবহার করিয়া, বাঙ্গালার সংযোগ-মূলক ধাতু বা ক্রিয়া সৃষ্ট হয় ; যেমন—সিদ্ধ ধাতু « পুছ্ » প্রাচীন সাহিত্যে ও আধুনিক কবিতায় এবং প্রাদেশিক বাঙ্গালার মিলে, কিন্তু এখন শিক্ষিত-সমাজে কথা-বার্তার ও গল্প-লেখায় আর চলে না ; সাধিত ধাতু « সুধা » বা « শুধা » (‘শুদ্ধ’ বা ‘পরিষ্কার করা’, ‘জিজ্ঞাসা করিয়া জানিয়া লওয়া’, ‘জিজ্ঞাসা করা’ অর্থে) এখন কথা ভাষায় কিয়ৎ পরিমাণে ব্যবহৃত হয়, এবং সাহিত্যেও প্রযুক্ত হয় ; কিন্তু « পুছ্ » ও « শুধা » উভয়-স্থলে, সংযোগ-মূলক « জিজ্ঞাসা করা » ( চলিত-ভাষায় « জিগুর্গেস বা জিগেস করা » ) আজকাল সমধিক প্রচলিত, « কর »-ধাতুর সহিত সংস্কৃত বিশেষ্য « জিজ্ঞাসা » -কে সংযুক্ত করিয়া এই ধাতু সৃষ্ট হইয়াছে ।

বাঙ্গালার অকর্মক ও সকর্মক উভয় প্রকারেরই ক্রিয়া এই সকল সংযোগ-মূলক ধাতু-দ্বারা স্ফোতিত হয়—অকর্মক-স্থলে আত্মনিষ্ঠ ভাবই বিद्यমান থাকে—যথা—« মুড়ি দেওয়া, গুঁড়ি মারা, হাবুড়ু খাওয়া » ইত্যাদি ।

উদাহরণ—

(১) « হ » ধাতু-যোগে—« সমর্থ হ, একমত হ, রাজী হ, প্রত্যক্ষ হ, ঘর্মীক্ত হ (= √ঘাম্), ধাবিত, প্রবাহিত, উদয় বা উদিত হ » ইত্যাদি।

(২) « যা » ধাতু-যোগে—« অস্ত যা »।

(৩) « দে » ধাতু-যোগে—« উত্তর দে, জবাব, শাস্তি, দণ্ড, সাজা, ধাক্কা, তালিম, শিক্ষা, দোল, ভোট দে » প্রভৃতি।

(৪) « পা » ধাতু-যোগে—« বৃদ্ধি পা, লজ্জা পা, কষ্ট পা, দুঃখ পা, যন্ত্রণা পা »।

(৫) « খা » ধাতু-যোগে—« হাবুড়ু খা, ঘুরপাক খা, চকর খা »।

(৬) « বাস্ » ধাতু-যোগে—« ভাল বাস্, মন্দ বাস্ » (প্রাচীন বাঙ্গালার « সুখ বাস্; ভয়, ঘৃণা, লজ্জা, লাজ ইত্যাদি + বাস্ » ধাতু)।

(৭) « বাড্ » ধাতু-যোগে—« আগ বাডা »।

(৮) « কর্ » ধাতু-যোগে—প্রচুর উদাহরণ আছে: « লাভ, যোগ, স্বীকার, আরোহণ, ঘেউ-ঘেউ, স্নান, প্রহার, শুরু, আরম্ভ, অবরোধ, ঘেরাও সাক্ষাৎ, পরিবর্তন, বদল, আদায়, অভিযোগ, নালিশ, সৃজন, সৃষ্টি, পাক, আরাম, নিশ্চয়, দেৱী, শীঘ্র, জলদি, ইচ্ছা, অভিলাষ, ভাগ, সন্দেহ, সোবে, আকর্ষণ, ব্যাখ্যা, পূরা, পূর্ণ, অনুসরণ, ঘৃণা, শ্রবণ, গোপন, আঘাত, ঠাট্টা মস্করা, তামাশা, রসিকতা, শিক্ষা, প্রাণ-ধারণ, তৈয়ারী, প্রস্তুত, অঙ্কিত, অঙ্কন, মিশ্রণ, মিশ্রিত, রক্ষা, গুলি, নিষ্ক্ষেপ, ভ্রমণ, অভ্যর্থনা, প্রণাম, নমস্কার, সেলাম, সম্মান, খাতির, আশঙ্কা, হুকুম, তামিল, বরখাস্ত, বাহাল » ইত্যাদি, ইত্যাদি। বাঙ্গালার প্রায় যে কোনও বিশেষ্য পদকে « কর্ » ধাতুর সহিত ব্যবহার করিয়া সংযোগ-মূলক ধাতু বা ক্রিয়া গঠন করা যায়।

« দর্শন কর, আহার কর, বৃদ্ধি পা, দোল খা, দোল দে, জিজ্ঞাসা কর » প্রভৃতি সংযোগ-মূলক ধাতু, বাস্তবিক পক্ষ « দেখ্, খা, বাড্, ছল্, দোলা, পুছ্ » প্রভৃতি ধাতুর প্রতিশব্দ। ব্যাকরণের নিয়ম-অনুসারে, « দর্শন, আহার, বৃদ্ধি, দোল » প্রভৃতি বিশেষ্য শব্দ, « কর্, পা, খা, দে » প্রভৃতি

ধাতুর কর্ম; কিন্তু বাবহারিক ভাবে, « দর্শন-কর, আহার-কর, বৃদ্ধি-পা, দোল-খা, দোল-দে » প্রভৃতি, এক-একটি সরল-ভাব-দ্রোতক ক্রিয়া—এগুলিকে মিশ্রিত বা মিলিত বা সংযোগ-মূলক ধাতু বলাই সঙ্গত। এই প্রকারের সংযোগ-মূলক ধাতুর বিশেষ্য ( বা বিশেষণ ) এবং ধাতু, এই উভয়ের মধ্যে লিখিবার কালে হাইফেন বা পদ-সংযোগ চিহ্ন দেওয়া উচিত; « আমরা অন্ন আহার করি »—এখানে বস্তুতঃ « আহার-করি », 'খাই'-অর্থে প্রযুক্ত সংযোগ-মূলক ধাতু, বিশেষ্য পদ « অন্ন », এই « আহার-করি » ক্রিয়ার কর্ম; কিন্তু « আমরা অন্নাহার করি »—এখানে « অন্নাহার » সমস্ত-পদ, « করি » ক্রিয়ার কর্ম। « আমরা রাজাকে দর্শন করিলাম »—এখানে « দর্শন-করিলাম » এই সংযোগ-মূলক ধাতুই ক্রিয়া, « রাজাকে » উহার কর্ম; কিন্তু « আমরা রাজদর্শন করিলাম »—এখানে সমস্ত-পদ « রাজদর্শন », সিদ্ধ-ধাতুজ ক্রিয়া « করিলাম »-এর কর্ম। এইরূপ সংযোগ-মূলক ক্রিয়ার বিশেষ্যকে বক্তার বা লেখকের ইচ্ছা-মত ক্রিয়া হইতে বিচ্ছিন্ন বা অসংলগ্ন করিয়া, পূর্বস্থিত অশ্রু একটা বিশেষ্যের সঙ্গে সমাস-বন্ধ করিয়া লওয়া যায়; কিন্তু সমাস না করিয়া, বিশেষ্য ও ধাতু মিলাইয়া সংযোগ-মূলক ক্রিয়া-রূপে ধরাই বাঙ্গালার পক্ষে স্বাভাবিক; যথা—« সে মিষ্টান্ন ভোজন-করিয়াছে, অথবা সে মিষ্টান্ন-ভোজন করিয়াছে; সে পাঁচটা ব্রাহ্মণকে ভোজন-করাইয়াছে, সে ব্রাহ্মণ-ভোজন করাইয়াছে; তিনি বউখানি আমায় দান-করিলেন; দরিদ্রকে অন্ন দান-করিবে, বা অন্ন-দান করিবে; রাজা গো-দান করিলেন; এ বিষয়টা তাঁহার কর্ণ-গোচর ( কর্ম ) করিব; তিনি টাকা খরচ-করিলেন, আদায়-করিতে পারিলেন না; কিন্তু—তিনি টাকা-খরচ করিলেন, পুত্রকে বাঁচাইতে পারিলেন না; তিনি সভায় যোগ-দান করিলেন »। অর্থাৎ সময়ে অর্থ ধরিয়া, এবং অর্থ-অনুসারে শব্দের উপরে খাসাখাত ধরিয়া, বাক্যটিতে সংযোগ-মূলক ধাতু আছে, অথবা সমাস-যুক্ত বিশেষ্য-পদ আছে, তাহা নির্ণয় করিয়া লইতে হইবে; যথা—« তিনি মিষ্টান্ন 'ভোজন-করিলেন ( ছাঁদা বাঁধিয়া বাড়ীতে লইয়া গেলেন না! ), তিনি 'মিষ্টান্ন-ভোজন ( অশ্রু কোনও খাচ-ভোজন নহে ) করিলেন; দেবতাকে 'দর্শন-করিলেন, 'দেব-দর্শন করিলেন; তাহার চাঁদ-মুখ কবে 'দর্শন-করিব, তাহার 'মুখ-দর্শন করিব না; তিনি টাকা 'উপার্জন-করিতে জানেন, 'খরচ-করিতে জানেন না—তিনি 'টাকা-উপার্জন করিয়াছেন বটে, কিন্তু 'আস্ব-নশ্বান-জ্ঞান হারাইয়াছেন; দরিদ্রকে 'অন্ন ও বস্ত্র 'দান-কর, আমায় 'অন্ন-দান কর; কদাচ 'মিথ্যা-নাশি করিও না, মিথ্যা (= অনর্থক ) 'নাশি-করিও না » ইত্যাদি।

**দ্রষ্টব্য**—সংযোগ-মূলক ক্রিয়ার প্রথম অংশ বিশেষ্য হয়। সংযোগ মূলক ধাতু ভিন্ন, বাঙ্গালায় যৌগিক-ক্রিয়া (Compound Verbs) আছে, এগুলিতে দুইটা ধাতু মিলিয়া একটা ক্রিয়ার ভাব প্রকাশ করে। যৌগিক-ক্রিয়া-সম্বন্ধে পরে আলোচনা করা হইবে।

## সমাপিকা- ও অসমাপিকা-ক্রিয়া

(Finite and Infinite Verbs)

ক্রিয়া দুই প্রকারের—সমাপিকা ও অসমাপিকা। কে ক্রিয়াপদ-দ্বারা অর্থের সমাপন হয় অর্থাৎ উদ্দেশ্য সম্বন্ধে বক্তব্য সম্পূর্ণ-রূপে প্রকাশিত হয়, সেই ক্রিয়া-পদকে **সমাপিকা-ক্রিয়া** বলে; যেমন—« আমি যাই; সে বলিল; তাহারা গান গাহিতেছে; তুমি আগে রোজ-রোজ আসিতে, এখন আস না » ইত্যাদি। এই সকল দৃষ্টান্তে, উদ্দেশ্য-সম্বন্ধে বক্তব্যটিকে ক্রিয়া-পদ-দ্বারা সম্পূর্ণ করা হইয়াছে; অতএব « যাই, বলিল, গাহিতেছে, আসিতে, আস »—এগুলি সমাপিকা-ক্রিয়া।

কিন্তু যেখানে কোনও ক্রিয়া-পদ, উদ্দেশ্যের বিধেয় হইয়াও সম্পূর্ণ-ভাবে উদ্দেশ্য-সম্বন্ধে বলে না, বাক্যটির অর্থ পূরা করিয়া দেয় না,—বাক্যটি শেষ করিতে হইলে যেখানে অল্প ক্রিয়া-পদের অপেক্ষা থাকে, সেখানে তদ্রূপ ক্রিয়া-পদকে **অসমাপিকা-ক্রিয়া** বলে; যেমন—« আমি ভাত খাইয়া ( বা গাড়ী করিয়া ) [যাইব]; সে **চোঁচাইয়া** [ বলিল, উঠিল, কাঁদিতেছে, ডাকিবে, ইত্যাদি ]; তাহারা **নাচিতে নাচিতে** [ আসিতেছে, গান গাহিবে, জয়ধ্বনি করিল, ইত্যাদি ]; তুমি আমার বাড়ী **হইয়া** [ যাইবে ]; তুমি **বলিলে** [ তবে আমি বলিব ] » ইত্যাদি।

এই প্রকারের অসমাপিকা-ক্রিয়া ভিন্ন, **ক্রিয়া-মূলক বিশেষ্য ও বিশেষণ** ( Verbal Nouns and Adjectives ) আছে, ধাতুর উত্তর কৃৎ-প্রত্যয় করিয়া এগুলি গঠিত হয়; এগুলিকে **কৃদন্তু-পদ** বলে। যেমন—« √ দেখ্—দেখা ( = দৃষ্ট, দর্শন-কার্য ); দেখন্ত; দেখিতে-দেখিতে; দেখিবার জন্ত, দেখিবা-মাত্র; দেখন » ইত্যাদি। এই সমস্ত কৃদন্তু-পদ ঠিক ক্রিয়া-পদ নহে।



## অকর্মক ও সকর্মক ক্রিয়া— মুখ্য, গৌণ ও সমধাতুক কর্ম

যে ক্রিয়া কেবলমাত্র কর্তাকে অবলম্বন করিয়া ঘটে, যাহার কর্ম নাই, তাহাকে, সকর্মক-ক্রিয়া বলে ; যেমন—« আমি আছি ; রাম গেল ; গোপাল আসিবে ; গাছ বাড়িতেছে ; আম পাকিল » ইত্যাদি ।

কিন্তু যেখানে ক্রিয়া-পদের দ্বারা বর্ণিত ব্যাপার, কোনও কর্মকে অবলম্বন করিয়া তবে সম্পূর্ণ হয়, সেখানে উহাকে সকর্মক-ক্রিয়া বলে ; যেমন—« আমি বই পড়ি ; সে কথা শুনিবে ; মা ভাত রাঁধিতেছেন »—এখানে « পড়ি, শুনিবে, রাঁধিতেছেন » এই ক্রিয়াপদ-ত্রয় কেবল কর্তাকেই অবলম্বন করিয়া নহে, এগুলি, « বই », « কথা », « ভাত » এই তিনটি কর্মকে আশ্রয় করিয়া সার্থক হইয়াছে । সকর্মক-ক্রিয়া-সম্বন্ধে « কি » বা « কাহাকে » এই সর্বনাম-পদ-দ্বারা প্রশ্ন করা যাইতে পারে ; অকর্মক-ক্রিয়া-সম্বন্ধে সাধারণতঃ এরূপ প্রশ্ন উঠিতেই পারে না ।

সকর্মক-ক্রিয়া একাধিক কর্মকে অবলম্বন করিয়া হইতে পারে ; যেমন—« আমি তোমায় বইখানি দেখাইব ; যোগেশ সুবোধকে রাম-বাবুর বাড়ী দেখাইতে লইয়া গিয়াছে ; মাষ্টার-মহাশয়কে এ বিষয়ে প্রশ্ন করিও ; আমি মাকে চিঠি লিখিব , শত্রুকেও মিষ্ট কথা বলিবে » ইত্যাদি । এই দুই কর্মের মধ্যে, একটিকে মুখ্য কর্ম ও অন্যটিকে গৌণ কর্ম বলে । যাহার সুবিধার বা অসুবিধার জন্ত, অথবা ভালর বা মন্দর জন্ত, কিংবা যাহাকে উদ্দেশ্য করিয়া ক্রিয়া-পদের কার্য করা হয়, তাহা গৌণ কর্ম (Indirect Object) ; এবং যে বস্তুকে অবলম্বন করিয়া কার্য ঘটে, তাহা মুখ্য কর্ম (Direct Object) । অর্থাৎ ব্যক্তিব্যচক কর্মকে গৌণকর্ম ও বস্তুব্যচক কর্মকে মুখ্যকর্ম বলা যাইতে পারে । উপরের দৃষ্টান্ত গুলিতে « তোমায়, সুবোধকে, মাষ্টার-মহাশয়কে, মাকে, শত্রুকে »—এগুলি গৌণ কর্ম ; « বইখানি, বাড়ী, প্রশ্ন, চিঠি, কথা »—এগুলি মুখ্য কর্ম ।

অকর্মক-ক্রিয়াকেও সকর্মক করিয়া ব্যবহার করা যায় ; ক্রিয়া-ঘটিত ব্যাপার বা কার্যকে আশ্রয় করিয়াই ক্রিয়ার সম্পূর্ণতা, এইভাবে চিন্তা করিয়া, ক্রিয়ার সহিত সমধাতুক ভাব-বিশেষ বা ক্রিয়া-শ্লোক বিশেষ্যপদকে (Verbal Noun-কে) কর্মরূপে ধরিয়া লইয়া, অকর্মক-ক্রিয়াকে সকর্মক করিয়া দেখানো যায় ; যথা—« খুব ঘুম ঘুমাইয়াছ (=খুব গভীর ভাবে ঘুমাইয়াছ) ; কি বসাই বসিয়াছেন, মরি মরি ! খুব চমৎকার নাচ নাচিল ; আর মায়াকান্না কাঁদিতে হইবে না ; এগন মরণ মরিতে পারা ভাগ্যের কথা ; কি মিষ্টি হাসি হাসল ! » ইত্যাদি । এইরূপ কর্মকে সমধাতুক কর্ম (Cognate Object) বলে । সাধু-ভাষায় সমধাতুক কর্মের প্রয়োগ বিরল, চলিত ভাষাতেই ইহা খুব সাধারণ ।

### ক্রিয়ার প্রকার (Mood)

যে উপায়ে ক্রিয়া-পদের বর্ণিত কার্য ঘটবার প্রকার অথবা রীতির বোধ বা শ্লোকনা হয়, তাহাকে ক্রিয়ার ভাব-প্রদর্শক প্রকার (Mood) বলে ; যথা— « সে যায় » ; এখানে « যায় » এই ক্রিয়া-পদ, কেবল যাওয়া-রূপ ঘটনা যে ঘটয়া থাকে, মাত্র ইহা উল্লেখ করিয়া ক্ষান্ত হইল, কেবল সাধারণ-ভাবে ঘটনাটি ঘটবার অবধারণ অথবা নির্দেশ করিল ; « সে যাউক »—এখানে বক্তার আজ্ঞা, অল্পমোদন, বা প্রার্থনা জানানো হইল যে, যাওয়া-ঘটনা ঘটুক ; « যদি সে যায় »—এক্ষেত্রে যাওয়া-ঘটনার অনিশ্চয়তা শ্লোকিত হইতেছে ; « আমরা বলিলে আমি যাইতাম »—এখানে যাওয়ার সম্ভাব্যতা সূচিত হইতেছে । সংস্কৃত ভাষায় ক্রিয়ায় এইরূপ বিভিন্ন প্রকার থাকা সত্ত্বেও, ক্রিয়ার এই প্রকার লইয়া সংস্কৃত ব্যাকরণে পৃথক আলোচনা নাই । ইংরেজী Mood শব্দের প্রতিশব্দ-স্বরূপ রাজা রামমোহন রায় শতাধিক বৎসর পূর্বে তাঁহার বাঙ্গালা ব্যাকরণে প্রকার শব্দ ব্যবহার করেন ।

ক্রিয়ার এইরূপ বিবিধ প্রকার (Mood) আছে ; যথা—

[১] অবধারণক বা নির্দেশক প্রকার (Indicative Mood) ;

[২] আজ্ঞা-ছোভক বা নিয়োজক প্রকার, অথবা অনুজ্ঞা (Imperative Mood);

[৩] ঘটনাস্তুরাপেক্ষিত প্রকার বা সংযোজক প্রকার (Subjunctive Mood)।

বাঙ্গালা ক্রিয়ায় ধাতু-রূপে বিভিন্ন প্রকারের প্রদর্শনের স্থান নাই—কেবল নির্দেশক ও অনুজ্ঞা প্রকারের বিশিষ্ট বিভক্তি আছে।

### বাচ্য (Voice)

ক্রিয়ার যে রূপ-ভেদের দ্বারা জানা যায় যে, ক্রিয়ার অঙ্কন বা সম্বন্ধ বিশেষ করিয়া কর্তার সহিত বা কর্মের সহিত, কিংবা কর্তা ও কর্ম ইহাদের দুইয়ের কাহারও সহিত না হইয়া, কেবল ক্রিয়ার কার্য্য-মাত্র সূচিত হয়, সেই রূপ-ভেদকে ক্রিয়ার বাচ্য বলে; যথা—« আমি বই পড়ি, বই আমাকর্তৃক পড়া হয়; এ বই আমার পড়া হয় নাই »।

বাচ্য চারি প্রকারের: [১] কর্তৃবাচ্য, [২] কর্মবাচ্য, [৩] ভাববাচ্য, ও [৪] কর্মকর্তৃবাচ্য।

[১] কর্তৃবাচ্য (Active Voice)—যেখানে ক্রিয়ার কার্য্য কর্তা-ই করে, কর্তা-ই বাক্যের মধ্যে প্রধান রূপে প্রতীয়মান হয়, সেখানে ক্রিয়াকে কর্তৃবাচ্যের ক্রিয়া বলে; যথা—« সে আসে; আমি গিয়াছিলাম; রামকে আমি ডাকিব; তাহাকে খাইতে বলিয়াছি (কর্তা 'আমি' উহ) »। কর্তৃবাচ্যে কর্তা প্রথমা বিভক্তির হয়, এবং ক্রিয়া সকর্মক হইলে, কর্ম দ্বিতীয়া-বিভক্তির হয়। কর্তাকে অনুসরণ করিয়া ক্রিয়ার রূপ উত্তম, মধ্যম অথবা প্রথম পুরুষের হয়।

[২] কর্মবাচ্য (Passive Voice)—যেখানে কর্মই মুখ্য-রূপে প্রতীয়মান হয়, কর্তা অপেক্ষা যেন কর্মের সহিতই ক্রিয়ার ঘটনার প্রধান যোগ কল্পিত হয়, সেখানে ক্রিয়াকে কর্মবাচ্যের ক্রিয়া বলা হয়; যথা—« আমার দ্বারা এ কার্য্য হইয়াছে; তুমি রামকর্তৃক দৃষ্ট হইয়াছ; চোর পাহারাওয়ালার দ্বারা ধরা পড়িয়াছে; দূর হইতে চন্দ্র ছোট দেখায়; দুল পরিবার জন্ত কান বেঁধায় »

ইত্যাদি। কর্মবাচ্যে মূল বা সত্যকার কর্তা তৃতীয়া বিভক্তিতে আনীত হয়, মূল কর্ম প্রথমা বিভক্তিতে পড়ে এবং ইহাই ক্রিয়ার কর্তা বলিয়া কল্পিত হয় ; ইহাতে ক্রিয়ার সাধারণ রূপেও পরিবর্তন ঘটে। কখনও-কখনও মূল কর্তা অনুল্লিখিত বা উহ থাকে ; এবং মূল কর্ম, ব্যক্তি-বাচক বা বিশিষ্ট-প্রাণি-বাচক হইলে, কর্তৃকারকে নীত না হইয়া, দ্বিতীয়া ( বা চতুর্থী ) বিভক্তিতে নীত হয় ; যথা—« আমাকে দেখা যায় ; আমায় দেখা হয় ; রামকে বলা হয় ; তাহাকে ডাকা হইবে ( = সে আহূত হইবে ) » ইত্যাদি। দ্বিকর্মক ক্রিয়ার কর্মবাচ্যে মুখ্য কর্ম কর্তা হইয়া দাঁড়ায় এবং গৌণ কর্ম পূর্বের মত দ্বিতীয়া বা চতুর্থী বিভক্তি যুক্তই থাকে ; যথা—« ভিখারীকে আমি একটা পয়সা দিলাম—আমার দ্বারা ভিখারীকে একটা পয়সা দেওয়া হইল ; শিক্ষক-মহাশয় বালকদিগকে এই কথা বুঝাইয়া দিলেন—শিক্ষক-মহাশয়-কর্তৃক ( বা শিক্ষক-মহাশয়কে দিয়া ) বালকদিগকে এই কথা বুঝাইয়া দেওয়া হইল » ইত্যাদি।

[৩] যেখানে ক্রিয়াই বাক্যের মধ্যে প্রধান বক্তব্য বলিয়া প্রতীত হয়, বক্তব্য নিকটে ক্রিয়ার ঘটনাই প্রধান, কর্তা বা কর্ম প্রধান নহে, সেখানে **ভাববাচ্য** (Neuter, Intransitive, Passive বা Impersonal Voice) হয় ; যথা—« তোমার ঘুমানো হইয়াছে ? আমার আসা হইবে না ; খোকার শোওয়া হয় নাই ; আমাকে যাইতে হইবে » ইত্যাদি।

[৪] **কর্মকর্তৃবাচ্য** (Middle Voice, Quasi-Passive Voice) কতকগুলি ক্রিয়ায় কর্তা কে, তাহা নির্ধারণ করা কঠিন, কর্মই যেন নিজের উপরে ক্রিয়া করে ; এইরূপ ক্রিয়ায় কর্মকর্তৃবাচ্য বিद्यমান ; যথা—« কলসী ভরে ; কল পাকে ; বাঁশ ভাঙ্গিতেছে ; নীত করিতেছে ; তাঁহার বইখানি বাজারে বেশ কাটিতেছে ; কাপড় ছিঁড়ে ; গ্রামে আর শাঁখ বাজে না » ইত্যাদি। সাধারণতঃ প্রাকৃতিক-ঘটনাত্মক ক্রিয়াতেই এই বাচ্যের প্রয়োগ হয় ; এখনকার বাঙ্গালায় কর্মকর্তৃবাচ্যের রূপ হইতে এই কর্মকর্তৃবাচ্যের রূপ অভিন্ন, কেবল অর্থে ইহাদের পার্থক্যটুকু বুঝা যায়।

প্রয়োজক ( প্রেরণার্থক, অথবা গিজন্ত ) ক্রিয়া  
( Causative Verb )

যে ক্রিয়ার কার্য একজনের প্রেরণ বা চালনার দ্বারা অন্তর্জন-কর্তৃক সংঘটিত হয়, সেই ক্রিয়াকে প্রয়োজক বা প্রেরণার্থক ক্রিয়া বলে। সংস্কৃত ব্যাকরণে ক্রিয়াকে প্রেরণার্থক করিবার জন্ত যে প্রত্যয় ব্যবহৃত হয় তাহাকে « গিচ্ » বলা হয়; এই জন্ত « গিচ্ » বা প্রেরণার্থক-প্রত্যয়-যুক্ত ক্রিয়াকে গিজন্ত ক্রিয়াও বলে ( গিচ্ + অস্ত = গিজন্ত )।

প্রয়োজক বা প্রেরণার্থক ক্রিয়ায় প্রেরক বা চালক এই ক্রিয়ার কর্তা হয়, তাহার দ্বিতীয়া ( বা চতুর্থী ) অথবা তৃতীয়া বিভক্তি হয়। যেখানে মূল ক্রিয়া অকর্মক থাকে, সেখানে প্রয়োজক ক্রিয়া সকর্মক হয়; এবং ক্রিয়ার কার্য যাহার দ্বারা অনুষ্ঠিত হয়, তাহাকে কর্ম-কারকে ( ক্রটিং বা করণে ) আনা হয়; মূল ক্রিয়া সকর্মক থাকিলে, অনুষ্ঠাতা করণ-কারকে নীত হয়; মূল ক্রিয়া দ্বিকর্মক হইলে, মূল কর্ম-দ্বয় কর্ম-রূপেই অবিকৃত থাকে, এবং অনুষ্ঠাতা করণ-রূপে পরিবর্তিত হয়; যথা—

[১] অকর্মক মূল ক্রিয়া—« খোকা হাসে »; প্রয়োজক রূপ—« ( মা ) খোকাকে হাসায় »; « সে নাচিবে », প্রয়োজক—« ( বা আর কেহ ) আমি তাহাকে ( বা তাহাকে দিয়া ) নাচাইব ( বা নাচাইবে ) »।

[২] সকর্মক মূল ক্রিয়া—« খোকা দুধ খায় », প্রয়োজক—« ( মা ) খোকাকে দুধ খাওয়ায় »; « চাকর ঘর ধুইতেছে », প্রয়োজক—« ( মনিব ) চাকরকে দিয়া ঘর ধোয়াইতেছেন »।

[৩] দ্বিকর্মক ক্রিয়া—« রাম গোপালকে গালি দিল », প্রয়োজক—« শ্রাম ( বা অন্য কেহ ) রামকে দিয়া ( রামের দ্বারা ) গোপালকে গালি দেওয়াইল »।

« রাম শ্রামকে বইখানি দিল »—প্রয়োজক (১) « রাম ( যত্ন দ্বারা ) শ্রামকে বইখানি দেওয়াইল »। (২) « রামের দ্বারা ( যত্ন বা আর কেহ ) শ্রামকে বইখানি দেওয়াইল । » দ্বিকর্মক ক্রিয়ার কর্তা ভিন্ন, করণায়ক অন্ত কোনও ব্যক্তির যদি উল্লেখ থাকে, তাহা হইলে মূল ক্রিয়ার কর্তা, অর্থাৎসারে কর্ম- বা করণ-কারকে নীত হয়; যথা—« রাম শ্রামের নিকটে বই

পড়িতেছে », প্রয়োজক রূপ—(১) « শ্যাম রামকে বই পড়াইতেছে », (২) « যহু রামকে ( বা রামকে দিয়া ) শ্যামের নিকটে বই পড়াইতেছে », (৩) « শ্যাম রামের দ্বারা ( বা রামকে দিয়া ) বই পড়াইতেছে » ।

উপর্যুক্ত বাক্যগুলি হইতে দেখা যায় যে, প্রয়োজক-ক্রিয়া দুই প্রকারের হয়; এক প্রকারের প্রয়োজক-ক্রিয়ায় এক জন, দ্বিতীয় কোনও জনকে কোনও কার্যে চালিত করে; এবং দ্বিতীয় প্রকারের প্রয়োজক-ক্রিয়ায় প্রথম ব্যক্তি, দ্বিতীয় কোনও ব্যক্তির সাহায্যে বা দ্বারায়, তৃতীয় কাহাকেও কোনও কার্যে চালিত করে; এই দ্বিতীয় প্রকারের প্রয়োজক-ক্রিয়াকে « পরিচালিত » বা « আরোপিত প্রয়োজক » বলা যায় ।

বাঙ্গালা ভাষায় মূল ধাতুতে « -আ » -প্রত্যয় যোগ করিয়া প্রয়োজক ধাতু গঠিত হয়। স্বরাস্ত্র ধাতু হইলে, অন্তঃস্থ-র-শ্রুতি মতে (পূর্বে দ্রষ্টব্য) এই « আ -> -কে « ওয়া » ( অর্থাৎ বা ) রূপে পাওয়া যায়; যথা—« কর্—করা; চল্—চলা; নাচ্—নাচা; দেখ্—দেখা; যা—যাআ > যাওয়া [ = জায়া ]; খা—খাআ > খাওয়া; দে—দেআ > দেওয়া; হ—হওয়া » ইত্যাদি ।

কতকগুলি বাঙ্গালা মৌলিক ধাতুর উৎপত্তি, সংস্কৃতের প্রয়োজক রূপ হইতে ঘটিয়াছে। এগুলিতে বাঙ্গালা প্রয়োজকের « -আ » -প্রত্যয় পাওয়া যায় না। বাঙ্গালায় এগুলির প্রয়োজক প্রকৃতি অনেকটা বজায় আছে; তথাপি, « -আ » -প্রত্যয়-যোগে এগুলি হইতে আবার নূতন প্রয়োজক ক্রিয়া নিম্পন্ন হয়; যথা—« চল্—চাল্—চালা; বহ্—বাহ্—বাহা; মর্—মার্—মারা » ইত্যাদি। কার্যতঃ এগুলিকে বাঙ্গালা ভাষায় আর প্রয়োজক-ক্রিয়া বলা চলে না।

চলিত-ভাষায়, ধাতুর স্বর-ধ্বনি « ই, উ, ও » এবং ক্চিৎ « এ » থাকিলে, বিভিন্ন-কাল-ছোতকরূপে গিজন্ত প্রত্যয় « -আ », পরিবর্তিত হইয়া « ও » ( অথবা উহার বিকার « উ » ) -রূপে মিলে; যথা—« করাইতেছে—করাচ্ছে; ঘুরাইল—ঘুরালো, ঘুরোলো, ঘুরুলো; লুকাইবে—লুকাবে, লুকোবে, লুকুবে » ।

### নামধাতু (Denominative Verbs)

নাম, অর্থাৎ বিশেষ্য, বিশেষণ এবং ( প্রসারে ) অব্যয় শব্দ, ক্রিয়া-রূপে ব্যবহৃত হইয়া থাকে। কোনও-কোনও স্থলে, প্রত্যয়-যোগ না করিয়া নাম-শব্দটি

ধাতু-রূপে ব্যবহৃত হয় ; যথা— « কম—কমে ; তাত—তাতিল ; জম—জমিবে ; পাক—পাকিবে ; ঘাম—ঘামে ; পাত—পাতে ; মাত—মাতে, » ইত্যাদি । কবিতার ভাষায় সংস্কৃত বিশেষ্য-পদকে এই রূপে প্রত্যয়-যুক্ত না করিয়া ক্রিয়া-রূপে ব্যবহার করা অত্যন্ত সাধারণ ব্যাপার ; যথা—« দান—দানিলা ; প্রকাশ—প্রকাশিয়া ; প্রভাতিল, প্রলোভিয়া, বিনোদিয়া, প্রবেশিতে, রোপিল, মুকুলিল, প্রতিবিধিসিতে » ইত্যাদি । কখনও-কখনও বাঙ্গালার ধাতুটী, প্রত্যয়-হীন শব্দ হইতে জাত নাম-ধাতু, কিংবা মৌলিক সংস্কৃত ধাতু,—ইহা স্থির করা কঠিন হইয়া পড়ে ; যথা—« দোষ » শব্দ হইতে « দোষিবে », কিন্তু চলিত ভাষায় « দুষ্বে » ; « দোষ » শব্দ-জাত নাম-ধাতু-রূপে, অথবা সংস্কৃত « দুষ্- »-ধাতু, উভয় প্রকারেই ইহার ব্যাখ্যা হইতে পারে । তদ্রূপ—« রোষিল—রুষল ; রোষিল—রুষলে » ।

কিন্তু সাধারণতঃ শব্দকে « -আ »-প্রত্যয়ান্ত করিয়া নাম-ধাতু সৃষ্ট হয় ; এবং « -আ »- প্রত্যয়ান্ত নাম-ধাতু, প্রয়োজক ধাতুর স্থায় রূপ ধারণ করে ; যথা— « চাবুক—চাবুকা > চাবুকা ; লতা—লতা + আ = লতায় ; চড়—চড়া ; কামড়—কামড়া ; লাথি—লাথ + আ = লাথা ; পিছল—পিছলা ; তল—তলাইল ; জড়—জড়ায় ; ছোব—ছোবানো » ।

অনুকার-সূচক অব্যয়-পদের উত্তর « আ » যোগ করিয়া, এইরূপ নাম-ধাতু সৃষ্ট হয় ; যথা—« মড়মড়—মড়মড়াইয়া ; বনবনা, সনসনা, মস্মসা, ঠনঠনা, তড়বড়া » ইত্যাদি । এই রূপ নাম-ধাতুজ অসমাপিকা ক্রিয়া বহুশঃ ক্রিয়ার বিশেষণ-রূপে ব্যবহৃত হয় ।

চলিত-ভাষায় প্রয়োজক-ক্রিয়ার স্থায় নাম-ধাতুতেও « আ »- স্থানে « ও »- প্রত্যয় আইসে ।

বিভিন্ন কাল-অনুসারে প্রয়োজক-ক্রিয়ার ও নাম-ধাতুতে যে সকল প্রত্যয় ও বিভক্তি যুক্ত হয়, সেগুলি সাধারণ ক্রিয়ারই মতন—সাধু-ভাষায় এই « -আ »- প্রত্যয়-যুক্ত প্রয়োজক-ক্রিয়ার এক প্রকারেরই ধাতুরূপ হয় । চলিত-

ভাষায় স্বর-সঙ্গতি- ও অভিশ্রুতি-অনুসারে, ধাতুর রূপে পরিবর্তন ঘটয়া থাকে।

### অসমাপিকা ক্রিয়া ( Conjunctions )

অসমাপিকা ক্রিয়া বাক্যলায় দুইটী—ধাতুর উত্তর যথাক্রমে « -ইয়া » -প্রত্যয় এবং «-ইলে » -প্রত্যয় যোগে নিম্পন্ন হয়; যথা—« করিয়া, চলিয়া, রাখিয়া, দেখিয়া, শুনিয়া, গাহিয়া ; করিলে, চলিলে, রাখিলে, দেখিলে, শুনিলে, গাহিলে » ইত্যাদি।

চলিত ভাষায় « ইয়া »-প্রত্যয় « এ » হয় এবং তৎপর অভিশ্রুতি হেতু ধাতুর স্বরের পরিবর্তন হয়—« করিয়া > ক'রে, চলিয়া > চ'লে, রাখিয়া > রেখে » ইত্যাদি। চলিত ভাষায় অভিশ্রুতির ফলে « ইলে »-প্রত্যয় « লে » হয়,— « করিলে > ক'রলে ; দেখিলে > দেখ'লে, চলিলে > চ'ললে » ইত্যাদি।

এই দুই প্রত্যয়ের মধ্যে, « ইয়া » কতৃ নিষ্ঠ, এবং « -ইলে » অগ্ৰাশ্রয়ী **অসমাপিকা** ক্রিয়ার প্রকাশক ; অর্থাৎ « -ইয়া » -প্রত্যয়ান্ত অসমাপিকা ক্রিয়ার কর্তা, বাক্যের সমাপিকা ক্রিয়ার কর্তার সহিত অভিন্ন ; এবং ইহার দ্বারা মাত্র এমন অসমাপ্ত ঘটনার উল্লেখ হয়, যাহা বাক্যের সমাপিকা-ক্রিয়া-বর্ণিত ঘটনার পূর্বে আরম্ভ হইয়াছে ; যথা—« আমি দেখিয়া বলিব ; তুমি আসিয়া দেখিলে » ইত্যাদি। কিন্তু « -ইলে »-প্রত্যয়ান্ত অসমাপিকা ক্রিয়ার কর্তা, বাক্যের সমাপিকা ক্রিয়া হইতে পৃথক হইতে পারে, এবং ইহার দ্বারা সূচিত ঘটনার পূর্বে সূচিত হয় ; এতদ্বিন্ন, ইহার উপর সমাপিকা ক্রিয়ার ঘটনও নির্ভর করে ; যথা—« আমি ফিরিয়া আসিলে, তুমি ঘাইবে ; আমি সময়-মত ফিরিলে পরে, ঘাইতে পারি ; আমি আসিলে ( পরে ), তুমি ঘাইও » ইত্যাদি। তুলনীয়—« টাকা ধার করিয়া ( = 'আমি প্রথম টাকা ধার করিব, পরে' ) তোমায় দিব » এবং « টাকা ধার করিলে ( = 'যদি আমি টাকা ধার করি, তাহা হইলে' ), তোমায় দিব »—« -ইলে »-প্রত্যয়ান্ত অসমাপিকা ক্রিয়ার দ্বারা সম্ভাব্যতা বুঝায়।



«-ইলে»-প্রত্যয়ান্ত অসমাপিকা ক্রিয়া কর্তার সহিত ভাবার্থে অর্থাৎ পৃথক্ প্রস্তাব-রূপে ব্যবহৃত হইতে পারে, কিন্তু সেরূপ অর্থে «-ইয়া»-প্রত্যয় প্রযুক্ত হয় না; যথা—«রামে মারিলেও মরিবে, রাবণে মারিলেও মরিবে; আমি তাহাকে দিলে, তবে সে বাঁচে» ইত্যাদি।

«-ইয়া»-প্রত্যয় কবিতায় সংক্ষিপ্ত হইয়া «-ই'»-রূপে অবস্থান করে; যথা—«করি', ধরি', চলি', লই', হই', মারি'» ইত্যাদি।

দুইটা বা দুইয়ের অধিক ঘটনা একই কর্তার দ্বারা পর পর সাধিত হইলে, বাঙ্গালা ভাষায় যতগুলি পৃথক্ ঘটনা ততগুলি সমাপিকা ক্রিয়া ব্যবহৃত হয় না—সাধারণতঃ পর পর «-ইয়া»-প্রত্যয়-যুক্ত অসমাপিকা ক্রিয়া ব্যবহার করিয়া, মাত্র শেষের ক্রিয়াটিকে সমাপিকা-রূপে প্রয়োগ করা হয়। ইংরেজীর সঙ্গে তুলনা করিলে, ইহাকে বাঙ্গালা ভাষার একটি বিশিষ্ট রীতি বলা যায়; যথা—ইংরেজীতে Go home, take your bath, finish your meal, and come back soon, কিন্তু বাঙ্গালায় «বাড়ী গিয়ে নেয়ে ভাত খেয়ে শীগ্গির ফিরে এসো» («বাড়ী যাও, নাও, ভাত খাও এবং শীঘ্র ফিরিয়া আইস»-এরূপ নহে)।

«-ইয়া»-প্রত্যয়ান্ত অসমাপিকা ক্রিয়া কখনও-কখনও কর্তার অথবা ক্রিয়ার বিশেষণের মত ব্যবহৃত হয়; যথা—«কন্দিয়া কান্দিয়া রাণী আইল বাহিরে; \*নেচে নেচে আয় গা শ্যামা; শিব নাচি' নাচি' যায়; ধরিয়া ধরিয়া লিখ» ইত্যাদি।

«-ইয়া»-প্রত্যয়ান্ত অসমাপিকা ক্রিয়া বহুশঃ বাক্যস্থ সমাপিকা ক্রিয়ায় বিশেষণ-রূপে ব্যবহৃত হয়; যথা, «কষিয়া বাঁধা, চাপিয়া ধরা, ভাল করিয়া পড়া» ইত্যাদি। (এ সম্বন্ধে পরে «যৌগিক ক্রিয়া» দ্রষ্টব্য।)

«-ইলে»-যুক্ত অসমাপিকা ক্রিয়ার সহিত, «পরে» এই ক্রিয়ার বিশেষণ বাঙ্গালায় বিশেষ-ভাবে ব্যবহৃত হইয়া থাকে; যথা—«আমি করিলে পরে; তুমি আসিলে পরে; সে চিঠি লিখিলে পরে» ইত্যাদি। এইরূপ স্থলে, «আমি করিয়াছি বা করিয়াছিলাম পরে; তুমি আসিয়াছ বা আসিয়াছিলে পরে; সে চিঠি লিখিয়াছে বা লিখিয়াছিল পরে», এইরূপ পুরাঘটিত বর্তমান বা পুরাঘটিত অতীতের প্রয়োগ, বাঙ্গালা সাধু-ও চলিত-ভাষা উভয়েরই প্রকৃতির বিরোধী, অতএব বর্জনীয়।

ক্রিয়া-বাচক বিশেষণ (Verbal Adjectives, Participles)—  
কর্তৃবাচ্যে «-ইতে» ও কর্মবাচ্যে «-আ, -আনো»

[ক] ধাতুর উত্তর কৃত-প্রত্যয় «-ইতে» (চলিত ভাষায় «-তে», সঙ্গে সঙ্গে অভিশ্রুতি-জাত ধ্বনি-পরিবর্তন ঘটে) যোগ করিয়া, কর্তৃবাচ্যে ক্রিয়া-দ্ব্যাতক বিশেষণের সৃষ্টি হয়। এইরূপ ক্রিয়া-বাচক বিশেষণের দুই প্রকার প্রয়োগ হয়—[১] একক প্রয়োগ, [২] দ্বিরুক্ত প্রয়োগ।

[১] যখন কোনও পদার্থের কর্তৃরূপে পৃথক্ অস্তিত্ব জানানো হয়, তখন এই কর্তৃবাচ্যের বিশেষণের একক প্রয়োগ হয়। ক্রিয়া-বাচক বিশেষণের সহিত কর্তৃরূপে যে পদ সংশ্লিষ্ট, তাহা প্রথমা, দ্বিতীয়া বা চতুর্থী অথবা ষষ্ঠী বিভক্তি-যুক্ত হইতে পারে; এইরূপ প্রয়োগকে **ভাবে প্রয়োগ** (Absolute Use) বলে; তদনুসারে সেই পদকে «ভাবে প্রথমা, ভাবে চতুর্থী বা ভাবে ষষ্ঠী» বলা চলে; যথা—«ঘর থাকিতে, বাবুই ভিজ্জে; দাঁত থাকিতে, দাঁতের মর্যাদা কেহ বুঝে না; রাম না হইতে (বা রাম না জন্মিতে) রামায়ণ; সে হাসিতেই আমি তাহাকে চিনিয়া ফেলিলাম; কেহও কখনও তাহাকে রাগ করিতে দেখে নাই, আমি চাহিতেই রামবাবু আমায় বইখানি দিলেন; জ্বর হইলে (কাহাকেও) ভাত খাইতে নাই; ঈশ্বর থাকিতে এ পাপের সাজা না হইয়া যায় না; আমি তাহাকে যাইতে দেখিলাম (তুলনীয়—অমি তাহাকে যাইতে-যাইতে দেখিলাম); সকলেই বলিবে, জ্বর-অবস্থায় কাহাকেও (বা কাহারও) স্নান করিতে নাই; গোপালকে আম পাড়িতে দেখিলাম; দুধে মাখন থাকিতেও কেহ তাহা পৃথক্ করিয়া দেখিতে পায় না; শেষটার তাহাকে এই কাজ করিতে হইল (পূর্বে দ্রষ্টব্য—«কারক-বিভক্তির প্রয়োগ—(১) কর্তৃকারক)» ইত্যাদি।

[২] যখন কর্তা অন্ত ব্যাপারে লিপ্ত থাকিবার অবস্থায় কোনও কিছু করে, তখন এই কর্তৃবাচ্যের বিশেষণকে দ্বিরুক্ত করিয়া প্রয়োগ করা হয়—ইহা একক অবস্থান করে না। বাক্যস্থ অসমাপিকা ক্রিয়ার কর্তা কার্যাস্তর-সাধন

করিলে, অসমাপিকা ক্রিয়ারও দ্বিত্ব হয়; যথা—« সে নাচিতে-নাচিতে আসিল; সমস্ত পথ চমৎকার দৃশ্য দেখিতে-দেখিতে আমরা যাইতে লাগিলাম; ঘুমাইতে-ঘুমাইতে কোনও কাজ করা যায় না; আমি থাকিতে-থাকিতে কাজটুকু চুকাইয়া লইয়ো » ইত্যাদি।

এই «-ইতে»-প্রত্যয়, সংস্কৃতের শত্-প্রত্যয় «-অন্ত্» হইতে উদ্ভূত, এবং উৎপত্তির দিক্ ধরিলে, ইহাকে শত্-পদের «ভাবে সপ্তমী» হইতে জাত বলা চলে।

অনেকগুলি মৌলিক ধাতুর উত্তর «-অন্ত্»-প্রত্যয় যোগ করিয়া, 'সেই কার্যে নিযুক্ত' এইরূপ অর্থ-ছোতক কর্ম-বাচ্যের বিশেষণ গঠিত হয়। বাঙ্গালা ভাষায় এই সব «-অন্ত্»-প্রত্যয়ান্ত বিশেষণ, অন্য সকল বিশেষণের মত, বিশেষ্যের পূর্বেই বসে; যথা—« চলন্ত গাড়ী, ঘুমন্ত ছেলে, জীয়ান্ত (জ্যাঁন্ত) মানুষ, নাচন্ত খোকা, ডুবন্ত সূর্য্য, উঠন্ত বয়স, পড়ন্ত রোদ »। কিচিং এই বিশেষণের বিধের-রূপে প্রয়োগও হয়; যথা—« বাড়ীতে চা'ল বাড়ন্ত (= 'চাউল বৃদ্ধির অবস্থায় আছে, চাউলের প্রাচুর্য্য'—অভাব-জনিত অমঙ্গল উল্লেখ না করিবার ইচ্ছায়, চাউল না থাকিলে এইরূপ বলিয়া থাকে); সূর্য্য তখন ডুবন্ত (= একেবারে ডুবে নাই) » ইত্যাদি।

[খ] ধাতুর উত্তর «-আ» এবং «-আনো (-আন)» প্রত্যয়-যোগে, কর্ম-বাচ্যে বিশেষণ গঠিত হয়। মৌলিক ধাতুর উত্তর «-আনো» হয়। স্ব-শ্রুতি, মতে, আ-কারান্ত ধাতুর পরে «-আ, -আনো» আসিলে, «ওয়া, ওয়ানো» হয়; যথা—« খা + আ = খাওয়া, খাওয়া + আনো = খাওয়ানো »। যখন কোনও ক্রিয়ার ফল বা প্রভাব কোনও পদার্থের উপর কার্যকর হইয়া থাকে, অথবা কেবল প্রভাব পড়িয়া থাকে, তখন এই কর্ম-বাচ্যের বিশেষণের প্রয়োগ হয়; যথা—« রাঁধা ভাত, করা কাজ, চষা জমী—ভাত রাঁধা হইয়াছে, কাজ করা হইল, জমী চষা হয়; হারানো ছেলে, জমানো দুধ, কাচা কাপড়; ধোপার বাড়ী থেকে কাচানো কাপড়, কাপড় কাচানো হয় নাই » ইত্যাদি।

## উদ্দেশ্যার্থক বা নিমিত্তার্থক অসমাপিকা ক্রিয়া

( Gerundial Infinitive )

ধাতুর উত্তর «-ইতে» ( চলিত-ভাষায় «-তে» )-প্রত্যয় যোগ করিয়া, উদ্দেশ্য-বা নিমিত্ত-বাচক অসমাপিকা ক্রিয়া গঠিত হয়; যথা—« আমি তোমাকে দেখিতে (=দেখিবার উদ্দেশ্যে বা নিমিত্ত) আসিয়াছি; সে টাকা উপায় করিতে চায়; মশা মারিতে কামান পাতা; \* নিতে তার বাধে না, কিন্তু কাকেও কিছু দিতেই তার সর্বনাশ; মেয়েরা নাহিতে ও জল আনিতে নদীতে যায় » ইত্যাদি।

«ইতে»-প্রত্যয়ান্ত অসমাপিকা ক্রিয়া, ইচ্ছা, বিধি, আবশ্যকতা, শক্তি, আদেশ, আরম্ভ প্রভৃতি জ্ঞাপন করিতে ব্যবহৃত হয়; যথা— « আমার খাইতে ইচ্ছা নাই—খাইতে আমার ইচ্ছা নাই; আমি খাইতে ইচ্ছুক—খাইতে আমি অনিচ্ছুক; এ কাজ করিতে মানা আছে; কাহারও হানি করিতে নাই; সর্বজীবে দয়া করিতে হয়; আমি বলিতে পারি না; আমি লিখিতে অসমর্থ; ভোজন করিতে সে বিশেষ পটু; তাহাকে যাইতে দাও; আশা করি তাহারা তোমাকে খাইতে, ঘুমাইতে ও কথা কহিতে দিয়াছিল; সে যাইতে লাগিল; বলিতে আরম্ভ করিলে তাহাকে থামানো কঠিন হয়; গল্প করিতে শুরু করিয়া দিল; আমাকে যাইতেই হইবে; তোমাকে এ বিষয়ে নিশ্চয়ই মত দিতে হইবে » ইত্যাদি।

## ভাব-বচন, বা ক্রিয়া-বাচক বিশেষ্য-পদ

( Verbal Nouns )

ক্রিয়ার ভাব বা কার্য জানাইবার জন্ত, কতকগুলি প্রত্যয় ধাতুর সহিত যুক্ত হয়; যথা—

[১] «-অন বা অণ (-ওন), অনা, -অনী, -উনী, -নী, -নি:» : যথা, « দেখন (=দেখার কার্য), চলন, করণ, ধরণ, রহন, সহন, খাণন, রাখন; আনা

( < আগমন- ), গোনা ( < গমন- ), কাঁদনা > কাঁদা, রাঁধনা > রাঁধা, বাটনা, বাড়না ; খানা-পিনা—হিন্দী হইতে ; কাঁদনী—কাঁতুনি ; জলনী—\* জলুনী ; পোড়নী » ইত্যাদি । « -অন » -প্রত্যয় পূর্ব-বন্ধের ভাষায় বিশেষ প্রচলিত ; চলিত-ভাষায় বহুশঃ ইহাব স্থানে [৪] « -আ, -ওয়া » ব্যবহৃত হয় ।

[২] « -অ » প্রত্যয় : সাধারণতঃ এই « -অ »-প্রত্যয় অবলুপ্ত—উচ্চারণে ইহা শোনা যায় না ; যথা—« বোল, চাল, নড়-চড়, রহ-সহ » ইত্যাদি ।

[৩] « -ঈ, -ই » প্রত্যয় : « বুলি, হাসি, মুড়ি, ফেরী বা ফিরি » ইত্যাদি ।

[৪] « -আ, -ওয়া » প্রত্যয় : ইহা, পূর্বে বর্ণিত আ-কারান্ত ক্রিয়া-বাচক বিশেষণ হইতে অভিন্ন ; যথা—« করা, খাওয়া, দেখা, যাওয়া, নেওয়া, লওয়া » ইত্যাদি ।

[৫] « -আন, -আনো » : ইহা কর্ম-বাচ্যের বিশেষণের অন্তর্গত « -আনো » -প্রত্যয়ান্ত ক্রিয়া-বাচক বিশেষণ হইতে অভিন্ন ; যথা—« খাওয়ানো, জিয়ানো, দেখানো » ইত্যাদি । প্রসারে « -আনী, -আনি, -অনি, -উনি »—যথা, « কাঁখানি, দেখানি, শুনানী, জলানী > জলনি ; মেলানি ( বিদায় ) » ।

[৬] « -আই » : « বাছাই, যাচাই, লড়াই, বড়াই, ঢালাই, বাঁধাই » ইত্যাদি । ( হিন্দী হইতে গৃহীত—« চড়াই, উতরাই, ধোলাই, সেলাই, চোলাই, বনাঈ > বানী ( = সেকরার মজুরী ) » । )

[৭] « -আও » : কতকগুলি শব্দে পাওয়া যায়—হিন্দীর প্রভাব-জাত : « পাকড়াও, ছাড়াও, বনি-বনাও, উধাও, ফালাও, ঢালাও » ।

[৮] « -ইবা » -প্রত্যয় ( চলিত-ভাষায় « -বা » ) : আধুনিক বাঙ্গালায় ইহা « মাত্র » শব্দ-যোগে এবং যষ্ঠী ও চতুর্থী বিভক্তিতে ব্যবহৃত হয় ; যথা—« দিবা-মাত্র, করিবার জন্ত ; ধরিবার, খাইবার ; আসিবারে » ।

এই প্রত্যয়ের চলিত-ভাষার রূপ « -বা » -তে « -ই » লোপ হইলেও, ধাতুতে অভিশ্রুতি-জাত ধ্বনি-পরিবর্তন হয় না : যথা—« করবার জন্ত » ( উচ্চারণে [ করবার ], « ক'রবার জন্ত [ = কোরবার জন্ত ] » নহে ) ।

## কাল ও পুরুষ

( Tense and Person )

প্রত্যয়- ও বিভক্তি-যোগে যে রূপান্তর ঘটিলে, ক্রিয়ার ব্যাপারটী সাধারণতঃ ঘটিয়া থাকে, বা এখনও ঘটতেছে, বা অতীতে সমাপ্ত হইয়া গিয়াছে, অথবা ভবিষ্যতে ঘটিবে, এবং প্রকার সময়ের বোধ হয়, তাহাকে ক্রিয়ার কাল বলে।

ক্রিয়ার ব্যাপারটির কাল, ঘটিয়া থাকে বা ঘটতেছে বোধ হইলে, তাহাকে বর্তমানকাল বলে; সমাপ্ত হইয়া গিয়াছে বোধ হইলে, অতীতকাল বলা হয়; এবং ভবিষ্যতে ঘটিবে বোধ হইলে, ভবিষ্যৎকাল বলা হয়।

বর্তমানকাল বাঙ্গালায় চারিটি—

(১) সাধারণ বা নিত্য বর্তমান—« সে করে » ; (২) ঘটনার বর্তমান—  
« সে করিতেছে » ; (৩) পুরাঘটিত বর্তমান—« সে করিতেছে » ; (৪) বর্তমান  
অনুজ্ঞা—« সে করুক » ।

অতীতকাল বাঙ্গালায় চারিটি—

(১) সাধারণ অতীত—« সে করিল » ; (২) ঘটমান অতীত—« সে  
করিতেছিল » ; (৩) পুরাঘটিত অতীত—« সে করিয়াছিল » ; (৪) নিত্যবৃত্ত  
অতীত—« সে করিত » ।

ভবিষ্যৎকাল বাঙ্গালায় চারিটি—(১) সাধারণ ভবিষ্যৎ—« সে করিবে » ;  
(২) ঘটমান ভবিষ্যৎ—« সে করিতে থাকিবে » ; (৩) পুরাঘটিত ভবিষ্যৎ—« সে  
করিয়া থাকিবে » ; (৪) ভবিষ্যৎ বা অনুরোধাত্মক অনুজ্ঞা—« করিও » ।

এই সকল কালকে রূপ- ও অর্থ-অনুসারে দুইটি প্রধান ভাগে বিভক্ত করা  
যায়—[ক] সরল বা মৌলিক কাল ( Simple Tenses ), এবং

[খ] মিশ্র বা যৌগিক কাল ( Compound Tenses ) ।

সরল কালের জন্ত ক্রিয়ার ধাতুর উত্তর কতকগুলি বিশেষ প্রত্যয় ও

বিভক্তি যুক্ত হয়; ইহাতে অল্প ধাতুর সহায়তা আবশ্যিক করে না। সরল কাল বাঙ্গালায় চারিটি : [১] সাধারণ বা নিত্য বা অনির্দিষ্ট বর্তমান ( Simple or Indefinite Present ), [২] সাধারণ বা নিত্য অতীত ( Simple or Indefinite Past ), [৩] নিত্যবৃত্ত অতীত ( Habitual Past ), এবং [৪] সাধারণ ভবিষ্যৎ ( Simple Future ) : যথা— « করে, করিল, করিত, করিবে » ।

মিশ্র বা ষৌগিক কাল, ক্রিয়ার রূদন্ত « -ইতে » ( চলিত-ভাষায় মূল ধাতুর স্বরধ্বনির পরিবর্তনসহ ) অথবা অসমাপিকা « -ইয়া » ( চলিত-ভাষায় « -এ » ) প্রত্যয়ান্ত রূপের পশ্চাৎ, অবস্থান-বাচক « আচ্ » ধাতুর মৌলিক রূপ যুক্ত করিয়া, গঠিত হয়; যথা—« করিতে + আছে = করিতেছে ( \*ক'রছে ), করিতে + আছিল = করিতেছিল + ( \*ক'রছিল ), করিয়া + আছে = করিয়াছে ( \*ক'রেছে ), করিয়া + আছিল = করিয়াছিল ( \*ক'রেছিল ), করিতে থাকিবে, করিয়া থাকিবে » ।

মৌলিক-কাল-গঠনে, সাধারণ বর্তমানে ধাতুর উত্তর বিভিন্ন কতকগুলি তিঙ্ বা ক্রিয়া-বিভক্তি-চিহ্ন ব্যবহৃত হয়; অল্প মৌলিক কালে, ধাতুর পরে কাল-বাচক প্রত্যয় ( « -ইল-, -ইত-, -ইব- » ) সংযুক্ত হয়, ও তদনন্তর পুরুষ-বাচক বিভক্তি বসে।

ক্রিয়ার যে বক্তা, অর্থাৎ যে নিজের সম্বন্ধে বলে, সে উত্তম পুরুষ ( First Person ); যাহার প্রতি, অথবা উপস্থিত যাহাকে ডাকিয়া বলা হয়, সে মধ্যম পুরুষ ( Second Person ); এবং অল্পস্থিত যাহার সম্বন্ধে কিছু বলা যায়, তাহাকে প্রথম পুরুষ ( Third Person ) বলে। « আমি, আমরা » অর্থে উত্তম পুরুষ; « তুমি, তুই, আপনি, তোমরা, তোরা, আপনারা » অর্থে মধ্যম পুরুষ; এবং « সে, তাহারা, তিনি, তাঁহারা, এ, ও, ইহারা, উহারা, ইনি, উনি, ইঁহারা, উঁহারা » অর্থে প্রথম পুরুষ। সাধারণ বিশেষ্যও প্রথম পুরুষের।

সংক্ষেপে আলোচনার জন্ত, ইংরেজীর First Person, Second Person, Third Person এইরূপ সংখ্যা-দ্বারা তিন পুরুষকে নির্দিষ্ট করিবার নজীর ধরিয়া, « উত্তম-পুরুষ, মধ্যম-পুরুষ ও প্রথম-পুরুষ »-এর জন্ত যথাক্রমে « ১, ২, ৩ » ব্যবহার করিতে পারা যায়। মধ্যম-পুরুষের সামান্ত রূপ, তুচ্ছ রূপ ও সন্ত্রম-সূচক রূপকে যথাক্রমে « ২ক, ২খ, ২গ » রূপে, এবং প্রথম-পুরুষের সামান্ত ও সন্ত্রমার্থক রূপকে « ৩ক, ৩খ » রূপে জানানো যায়। « ১, ২, ৩ » এর পরিবর্তে, এই তিনটি শব্দের আদ্য অক্ষর « উ, ম, প্র »-ও ব্যবহার করিতে পারা যায়।

নিম্নে বিভিন্ন-পুরুষ-বাচক বিভক্তির দৃষ্টান্ত দেওয়া যাইতেছে। « আপনি, আপনারা » মধ্যম পুরুষকে উল্লেখ করিলেও, এগুলির জন্ত যে বিভক্তি ক্রিয়ায় প্রযুক্ত হয়, সে বিভক্তি গৌরব-বোধক প্রথম পুরুষের বিভক্তি হইতে অভিন্ন ; যথা—« আপনি চলেন—তিনি চলেন » ।

« √ কর্ + উত্তম-পুরুষে -ই = করি » ( সাধারণ বর্তমান ) ;

« √ কর্ + মধ্যম-পুরুষে -অহ, -অ বা -ও = করহ, কর, করো »  
( সাধারণ বর্তমান ) ;

« √ কর্ + অতীতার্থক প্রত্যয় -ইল- + উত্তম-পুরুষের বিভক্তি -আম = করিলাম » ( সাধারণ অতীত ) ;

« √ কর্ + নিত্যবৃত্ত অতীতার্থক -ইত- + উত্তম-পুরুষের বিভক্তি -আম = করিতাম » ;

« √ কর্ + ভবিষ্যদ্বাচক -ইব- + উত্তম-পুরুষের বিভক্তি -অ = করিব » ;  
ইত্যাদি ।

বাক্সালায় ক্রিয়ার পুরুষ-বাচক বিভক্তিতে এক-বচনে ও বহু-বচনে কোনও পার্থক্য নাই—একই বিভক্তি-দ্বারা বাক্সালায় এক-বচন ও বহু-বচন উভয়বিধ পুরুষ গোতিত হয় ; যথা—« তুই করিস্, তোরা করিস্ ; আপনি করিলেন, আপনারা করিলেন » ।

বাক্সালা ক্রিয়ার কাল-বাচক রূপগুলি নিম্নে প্রদত্ত হইতেছে। সঙ্গে-সঙ্গে প্রথম « কর্ » ধাতুর সাধুভাষায় প্রযুক্ত সমগ্র রূপগুলি, পরে প্রত্যয় ও বিভক্তিগুলি পৃথক্ প্রদর্শিত হইতেছে। কতকগুলি কাল-বাচক শব্দ বা নাম যথারীতি সংস্কৃত হইতে বাক্সালায় গৃহীত হইয়াছে ; কিন্তু বাক্সালা কাল-বাচক



রূপগুলির উৎপত্তি ও প্রকৃতি এখন সংস্কৃত হইতে সম্পূর্ণ-রূপে পৃথক হইয়া দাঁড়ানোর কারণ, এবং ইংরেজী প্রভৃতি কতকগুলি ভাষার কাল-রূপের সহিত ইহার সাদৃশ্য অধিক বলিয়া, বাঙ্গালার জন্ত নুতন নামের আবশ্যকতা আছে।

[ক] সরল কাল-সমূহ (Simple Tenses) :

[১] সাধারণ বা সামান্য বা মৌলিক অথবা নিত্য বর্তমান (Simple Present) :

« (১) আমি, আমরা করি ; (২ক) তুমি, তোমরা করহ, কর, করো—  
(২খ) তুই, তোরা করিস্—(২গ) আপনি, আপনারা করেন ; (৩ক) সে,  
তাহারা করে—(৩খ) তিনি, তাঁহারা করেন » ।

[২] সাধারণ বা নিত্য অতীত (Simple Past) :

« (১) আমি, আমরা করিলাম ; (২ক) তুমি, তোমরা করিলে—  
(২খ) তুই, তোরা করিলি—(২গ) আপনি, আপনারা করিলেন ; (৩ক) সে,  
তাহারা করিল—(৩খ) তিনি, তাঁহারা করিলেন » ।

[৩] নিত্যবৃত্ত বা পুরা-নিত্যবৃত্ত অতীত (Habitual Past) :

(১) করিতাম ; (২ক) করিত্তে, (২খ) করিতিস্, (২গ) করিতেন ;  
(৩ক) করিত, (৩খ) করিতেন » ।

« যদি » এই অব্যয়-যোগে, নিত্যবৃত্ত অতীত, পরাশ্রয়ী খণ্ড-বাক্যে  
« কারণাত্মক অতীত » (Past Conditional) এবং পরাশ্রয়ী মূল বাক্যে  
« সম্ভাব্য অতীত » (Past Potential) অর্থে প্রযুক্ত হয় ; যথা—« যদি সে  
আসিত ( কারণাত্মক অতীত, Past Conditional ), তাহা হইলে আমি  
ঘাইতাম ( সম্ভাব্য অতীত, Past Potential ) » ।

[৪] সাধারণ ভবিষ্যৎ (Simple Future) :

« (১) করিব ; (২ক) করিবা, করিবে, (২খ) করিবি, (২গ) করিবেন ; (৩ক)  
করিবে, করিবেক, (৩খ) করিবেন » ।

[খ] মিশ্র বা যৌগিক কালসমূহ (Compound Tenses) :

[খ(অ)] ঘটমান কালসমূহ (Progressive Tenses) :—

[৫] ঘটমান বর্তমান (Present Progressive) :

« (১) করিতেছি ; (২ক) করিতেছ, (২খ) করিতেছিস্ (২গ) করিতেছেন ; (৩ক) করিতেছে, (৩খ) করিতেছেন » ।

[৬] ঘটমান অতীত (Past Progressive) :

« (১) করিতেছিলাম ; (২ক) করিতেছিলে, (২খ) করিতেছিলি, (২গ) করিতেছিলেন ; (৩ক) করিতেছিল, (৩খ) করিতেছিলেন » ।

[৭] ঘটমান ভবিষ্যৎ (Future Progressive) :

« (১) করিতে থাকিব ; (২ক) করিতে থাকিবে, (২খ) করিতে থাকিবি, (২গ) করিতে থাকিবেন ; (৩ক) করিতে থাকিবে, (৩গ) করিতে থাকিবেন » ।

[খ(আ)] পুরাঘটিত কালসমূহ (Perfect Tenses) :—

[৮] পুরাঘটিত বর্তমান (Present Perfect) :

« (১) করিয়াছি ; (২ক) করিয়াছ, (২খ) করিয়াছিস্, (২গ) করিয়াছেন ; (৩ক) করিয়াছে, (৩খ) করিয়াছেন » ।

[৯] পুরাঘটিত অতীত (Past Perfect) :

« (১) করিয়াছিলাম ; (২ক) করিয়াছিলে, (২খ) করিয়াছিলি, (২গ) করিয়াছিলেন ; (৩ক) করিয়াছিল, (৩খ) করিয়াছিলেন » ।

[১০] পুরাঘটিত ভবিষ্যৎ, অর্থাৎ ভবিষ্যতে পুরাঘটিত ভাব (Future Perfect) :

« (১) করিয়া থাকিব ; (২ক) করিয়া থাকিবে, (২খ) করিয়া থাকিবি, (২গ) করিয়া থাকিবেন ; (৩ক) করিয়া থাকিবে, (৩খ) করিয়া থাকিবেন » ।

এতদ্ভিন্ন, কাল-রূপ বলিয়া সাধারণতঃ স্বীকৃত না হইলেও, সামঞ্জস্যের দিক্ ধরিয়া বিচার করিয়া আরও দুইটা কাল-রূপকে উপযুক্ত পর্যায় বা ক্রম-মধ্যে ধরা যায় :—

[খ(ই)] ঘটমান (Progressive) কালগুলির মধ্যে, ঘটমান পুরানিত্য-বৃত্ত (Progressive Habitual) এবং পুরাঘটমান নিত্যবৃত্ত অথবা পুরাসম্ভাব্য নিত্যবৃত্ত (Perfect বা Potential Habitual) ; যথা—

[১১] ঘটমান পুরানিত্যবৃত্ত (Progressive Habitual) :

«(১) করিতে থাকিতাম; (২ক) করিতে থাকিতে, (২খ) করিতে থাকিতিস্, (২গ) করিতে থাকিতেন; (৩ক) করিতে থাকিত, (৩খ) করিতে থাকিতেন » ।

[১২] পুরাঘটিত নিত্যবৃত্ত, বা পুরাসম্ভাব্য নিত্যবৃত্ত (Perfect Conditional, Potential বা Habitual) :

«(১) করিয়া থাকিতাম; (২ক) করিয়া থাকিতে, (২খ) করিয়া থাকিতিস্, (২গ) করিয়া থাকিতেন; (৩ক) করিয়া থাকিত, (৩খ) করিয়া থাকিতেন » ।

আলোচনার সুবিধার জন্ম, অনুজ্ঞা (Imperative Mood) ক্রিয়ার বিশেষ একটা « প্রকার » (পূর্বে দ্রষ্টব্য) হইলেও, অনুজ্ঞার রূপগুলিকে ক্রিয়ার কাল-নির্দেশক রূপের মধ্যেই ধরা যাইতে পারে—

[গ] অনুজ্ঞা (Imperative)

[গ(অ)] সামান্য বা বর্তমান অনুজ্ঞা (Simple Imperative) :

(২ক) তুমি, তোমরা করহ, কর, করো, (২খ) তুই, তোরা কর, (২গ) আপনি, আপনারা করুন; (৩ক) সে, তাহারা করুক, (৩খ) তিনি, তাঁহারা করুন » ।

[গ(আ)] ভবিষ্যৎ বা অনুরোধাত্মক অনুজ্ঞা (Future Imperative বা Precative) :

«(২ক) করিয়ো বা করিও ( চলিত-ভাষায় \*ক'রো ) ; (২খ) করিস্ » ।  
অন্য পুরুষে ( এবং মধ্যম-পুরুষেও ) সাধারণ-ভবিষ্যৎ ব্যবহৃত হয় ।

## বিভিন্ন কালের প্রয়োগ

### [১] সাধারণ বা নিত্য বর্তমান—

স্বভাবতঃ অথবা সচরাচর কোনও ক্রিয়ার ব্যাপার ঘটতে থাকিলে, নিত্যবর্তমান হয়—যেমন, « আমরা ভাত খাই ; রাজা প্রজাপালন করেন » ।

(ক) উত্তম-পুরুষে অমুজ্জার ভাব প্রকাশ করিতেও, নিত্যবর্তমান ব্যবহৃত হয় ; যেমন—« তবে আমরা বাড়ী যাই ; আইস, আমরা আহায়ে প্রবৃত্ত হই » ।

(খ) কোনও অতীত ঘটনা অথবা ঐতিহাসিক ঘটনা জানাইবার জন্য, অতীত কালের ক্রিয়ার পরিবর্তে নিত্যবর্তমান ব্যবহৃত হয় ; যেমন— « প্রাণাপেক্ষা প্রিয় পুত্র রামচন্দ্রের অদর্শনে রাজা দশরথ প্রাণত্যাগ করেন (= করিয়াছিলেন ) ; আকবর বাদশাহ ১৫৫৪ খ্রীষ্টাব্দে সম্রাট হইলেন ; বুদ্ধদেব চরিত্র শুদ্ধ রাখিতে উপদেশ দেন ; হুণেরা গুপ্তরাজগণ-কর্তৃক ভারতবর্ষ হইতে বিতাড়িত হয় ; তুর্কীরা দ্বাদশ শতকের প্রারম্ভে বঙ্গদেশে আইসে » ইত্যাদি ।

(গ) নঞ-অর্থক অব্যয়যোগে অতীতকালে নিত্যবৃত্ত বর্তমানের ব্যবহার দেখা যায় । যেমন—« তিনি একথা আমায় বলেন নাই ; পোর্্তুগীসদের সাম্রাজ্য স্থায়ী হয় নাই ; তুমি আমায় আসিতে বলো নাই » ।

(ঘ) « যখন, যতক্ষণ, যেন » প্রভৃতির যোগে এখনও কখনও অতীত ও ভবিষ্যৎ কালে নিত্যবৃত্ত বর্তমানের ব্যবহার দেখা যায় । যেমন—« যখন তিনি আসেন, তখন আমি বাড়ী ছিলাম না ; যতক্ষণ বৃষ্টি পড়ে, ততক্ষণ ঘরে ছিলাম ; আশীর্বাদ করুন, যেন এযাত্রা রক্ষা পাই » ।

### [২] সাধারণ বা নিত্য অতীত—

যে ঘটনা কোনও অনির্দিষ্ট অতীত কালে হইয়াছে, তাহার জন্য এই « -ইল- »-প্রত্যয়-যুক্ত সাধারণ অতীত প্রযুক্ত হয় । উদাহরণ, যথা—« রাম

বনগমন করিলেন ; অর্জুন তখন শরসন্ধান করিলেন ; আলেক্সান্দর পারশু-সম্রাট দারয়বহুৎকে যুদ্ধে পরাজিত করিলেন » । কোনও ঘটনার সাক্ষ বা সম্পূর্ণ হইয়া যাওয়ার কথা এই অতীত প্রকাশ করে বলিয়া, ইহাকে ইংরেজীর Historical Past-এর অনুরূপে « ঐতিহাসিক অতীত » -ও বলা হয় । কখনও-কখনও নিত্য-অতীত ক্রিয়া, 'এইমাত্র ঘটিল' এই ভাব প্রকাশ করে । যেমন—« সে আসিল ; আমি দেখিলাম » ।

### [৩] নিত্যবৃত্ত অতীত—

অতীত কালে কোনও কার্য সর্বদা অথবা নিয়মিতভাবে ঘটিত, এইরূপ অর্থে ইহার প্রয়োগ ; যথা—« তিনি প্রত্যহ গঙ্গাস্নান করিতেন ; আগে খুব খাইতাম, এখন আর পারি না ; মোগল বাদশাহেরা প্রত্যহ প্রাতে দর্শন-অরোখায় প্রজাবর্গকে দর্শন দিতেন » ইত্যাদি ।

### [৪] সাধারণ ভবিষ্যৎ—

যে ক্রিয়া এখনও ঘটে নাই, কিন্তু ভবিষ্যতে ঘটিবে, তাহা সাধারণ ভবিষ্যৎ দ্বারা জ্ঞেয় হইতে পারে ; যথা,—« আমি এখনি যাইব ; আমি আগামী বৎসর যাইব ; তুমি কাল তাহাকে টাকা দিবে ; শতজন্মেও তাহার মুক্তি হইবে না » ।

### [৫] ঘটমান বর্তমান—

যে ক্রিয়া চলিতেছে, এখনও যাহার সমাপ্তি হয় নাই, তাহা ঘটমান বর্তমান । যথা—« আমি ভাত খাইতেছি ; সে বই পড়িতেছে ; বৃষ্টি এখনও থামে নাই, বেশ জোরে পড়িতেছে » ।

### [৬] ঘটমান অতীত—

অতীত কালে যে ক্রিয়া চলিতেছিল, অথবা অসম্পূর্ণ ছিল, তাহা ঘটমান অতীতের ক্রিয়া ; যথা—« কাল সকালে যখন তাঁহার সঙ্গে দেখা করি, তখন তিনি চিঠি লিখিতেছিলেন ; গভীর রাত্ৰিতে যখন শ্রীমন্ত পুরবাসিগণ নিশ্চিন্ত-ভাবে ঘুমাইতেছিল, তখন শক্রসৈন্য অকস্মাৎ নগর আক্রমণ করিল » ।

[৭] ঘটমান ভবিষ্যৎ—

ভবিষ্যতে যে কার্য ঘটতে থাকিবে, তাহা ঘটমান ভবিষ্যতের ক্রিয়া ; যথা—  
« কাল এমন সময়ে আমি ট্রেনে করিয়া যাইতে থাকিব » ।

[৮] পুরাঘটিত বর্তমান—

যে কার্য কিছুকাল পূর্বে ঘটিয়াছে কিন্তু যাহার জের, ফল বা প্রভাব এখনও বর্তমান, তাহা পুরাঘটিত বর্তমান ; যথা—« আমি কালই তাহাকে দেপিয়াছি ; কলিকাতায় আসিয়াছি চারি বৎসর হইল ; বুষ্টির দরুন রাস্তায় কাদা হইয়াছে » ।

[৯] পুরাঘটিত অতীত—

এইরূপ ক্রিয়ার ব্যাপার, বহু পূর্বে, অথবা বাক্যে বর্ণিত অন্ত ঘটনার পূর্বে হইয়া গিয়াছে, এইরূপ ভাবে প্রকাশ করে। যথা—« অতি শিশুকালে আমি একবার খাট হইতে পড়িয়া গিয়াছিলাম ; সেবার বারোয়ারী পূজায় যত টাকা খরচ হইয়াছিল, তাহার অর্ধেক তিনি দিয়াছিলেন » ইত্যাদি। ঐতিহাসিক ঘটনা-বর্ণনায়, এই পুরাঘটিত অতীতের স্থানে, অতীতার্থে বর্তমানের প্রয়োগ বাঙ্গালায় খুবই হইয়া থাকে।

[১০] পুরাঘটিত ভবিষ্যৎ—

অতীত কালে কোনও ক্রিয়া হয় তো ঘটিয়াছিল, অথবা ঘটিয়া থাকিতে পারে, এই অর্থে এই কালের প্রয়োগ হয় ; যথা—« তোমাকে এই কথা বলিয়াছিলাম ? আমার মনে নাই, তবে বলিয়া থাকিব ( = বলিয়া থাকিতে পারি ) ; এ কথা আমার নিষেধ সত্ত্বেও রাম-বাবুই প্রচার করিয়া থাকিবেন ; তুমি দিয়া থাকিবে, কিন্তু আমার অমতে » ইত্যাদি।

[১১] ঘটমান পুরানিত্যবৃত্ত—

অতীতের কোনও কাজ বহুরূপ বা কিয়ৎকাল ধরিয়া চলিতেছে, এই ভাবে, ঘটমান পুরানিত্যবৃত্ত কালরূপ দ্বারা প্রকাশিত হয় ; যথা—« সে দিতে

থাকিলে, আমরাও খাইতে থাকিতাম; ঠিক অতক্ষণ ধরিয়া চলিতে থাকিতাম » ।

### [১২] পুরাঘটিত নিত্যবৃত্ত অথবা পুরাসম্ভাব্য নিত্যবৃত্ত—

অতীতে কোনও কাজ সম্পন্ন করিয়া কর্তার অবস্থান অথবা অবস্থানের সম্ভাব্যতা বুঝায়; যথা—« তাহার অসুখের সময় সারা রাত জাগিয়া থাকিতাম; এ কথা সে যদিই বা বলিয়া থাকিত, তাহা হইলে কি অপরাধ হইত? ভাল মনে করিয়া সে হয়তো এই কাজ করিয়া থাকিত, কিন্তু সুখের বিষয়, করে নাই » ।

## বাঙ্গালা সাধু-ভাষার

### কাল-ও পুরুষ-বাচক বিভক্তি

বাঙ্গালা সাধু-ভাষায় একই শ্রেণীর প্রত্যয়-ও বিভক্তি-যোগে ক্রিয়ার রূপ গঠিত হইয়া থাকে । ধাতু-বিশেষে প্রত্যয়াদির পার্থক্য বাঙ্গালায় নাই ।

বিভক্তি-যোগ হইলে, স্বরসঙ্গতির নিয়ম-অনুসারে ( পূর্বে দ্রষ্টব্য ), বাঙ্গালা ধাতুর স্বরবর্ণের উচ্চারণ বদলাইয়া যায় । ই-কার উ-কার স্থলে এ-কার ও-কার প্রভৃতি উচ্চারণের পরিবর্তন সাধু-ভাষায় অনেক সময়ে দেখানো হয়, অনেক সময়ে হয় না; যেমন—« উঠি—ওঠা; শুনে—শোনে; শুনা—শোনা; তুলে—তোলে; দেই—দিই; মিলা মিশা—মেলা মেশা; বুঝা পড়া—বোঝা পড়া » ইত্যাদি ।

যোগিক-কাল-সংগঠনে « আছ্ » ধাতুর সহায়তা আবশ্যিক হয়, এই জন্য প্রথমতঃ « আছ্ » ধাতুর রূপ প্রদর্শিত হইতেছে । « আছ্ » ধাতু বাঙ্গালায় অসম্পূর্ণ—ইহার কতকগুলি রূপ এখন লুপ্ত হইয়া গিয়াছে । অতীত কালে, আধুনিক সাধু-ও চলিত-ভাষায় এই ধাতুর আশ্রয়নি « আ » লোপ পায়; প্রাচীন বাঙ্গালায় « আ » কিন্তু দেখা যায়, এবং দুই-একটি

আধুনিক প্রাদেশিক ভাষাতেও মিলে ( « আছিল, আছিলাম » ইত্যাদি ) । ভবিষ্যতে, নিত্যবৃত্ত অতীতে, এবং অসমাপিকা ক্রিয়ায়, তথা ক্রিয়া-বাচক বিশেষ্যা দিতে, « আছ্ » ধাতুর প্রয়োগ নাই, তৎস্থানে এই ধাতুর পরিপূরক « থাক্ » ধাতুর রূপ ব্যবহৃত হয় ।

পুরুষ	নিত্য বর্তমান	নিত্য অতীত	নিত্যবৃত্ত অতীত	ভবিষ্যৎ
১	আছি	ছিলাম ( কবিতায় আছিলাম, ছিলেম, ছিলু )	থাকিতাম	থাকিব
২ ক	আছ, আছো	ছিলে	থাকিতে	থাকিবে
২ খ	আছিঁস্	ছিলি	থাকিতিস্	থাকিবি
২ গ	আছেন	ছিলেন	থাকিতেন	থাকিবেন
৩ খ	ঐ	ঐ	ঐ	ঐ
৩ ক	আছে	ছিল ( কবিতায় আছিল )	থাকিত	থাকিবে

সাধারণ অনুজ্ঞা—« (২ক) থাক, থাকো ( কবিতায়—থাকহ ), (২খ) থাক্, (২গ) থাকুন ;  
(৩ক) থাক্, থাকুক, (৩খ) থাকুন » ;

ভবিষ্যৎ অনুজ্ঞা—« (২ক) থাকিও, (২খ) থাকিস্ ( থাকিবি ) » ( অন্তান্ত পুরুষে ও পুরুষের  
বিভিন্ন রূপে, সাধারণ ভবিষ্যৎ প্রযুক্ত হয় ) ;

অসমাপিকা ক্রিয়া—« থাকিয়া ( কত্‌নিষ্ঠ ; কবিতায়—থাকি' ) ; থাকিলে ( অন্তনিষ্ঠ ) » ;

ক্রিয়া-বাচক বিশেষণ—« থাকিতে ; থাকিতে-থাকিতে ( কত্‌বাচ্যে ) ; থাকা ( কৰ্‌বাচ্যে ) » ;

নিমিত্তার্থক অসমাপিকা—« থাকিতে » ;

ক্রিয়া-বাচক বিশেষ্য—« থাকা, থাকন, থাকিবা- » ইত্যাদি ।



## [ক] মৌলিক কাল—

পুরুষ	(১) নিত্য বর্তমান	(২) নিত্য অতীত	(৩) নিত্যবৃত্ত অতীত	(৪) ভবিষ্যৎ
১	-ই	-ইলাম ( কবিতায় -ইলেম, -ইমু )	-ইতাম ( কবিতায় -ইতেম )	-ইব
২ ক	অ=ও ( কবি- তায় -অহ )	-ইলে ( কবিতায় -ইলা )	-ইতে	-ইবে
২	-ইস্, স্	-ইলি	-ইতিস্	-ইবি
২ গ	-এন্, -ন	-ইলে	-ইতেন	-ইবেন
৩ ক	-এ, -য়	-ইল ( কবিতায় -ইলা )	-ইত	-ইবে
৩ খ	-এন, -ন	-ইলেন	-ইতেন	-ইবেন

## [খ] ষৌগিক কাল—

## (অ) ঘটমান—

পুরুষ	(৫) ঘটমান বর্তমান	(৬) ঘটমান অতীত	(৭) ঘটমান ভবিষ্যৎ
১	-ইতেছি	-ইতেছিলাম	-ইতে থাকিস
২ ক	-ইতেছ ( কবিতায় -ইছ )	-ইতেছিলে	-ইতে থাকিবে
২ খ	-ইতেছিস্	-ইতেছিলি	-ইতে থাকিবি
২ গ	-ইতেছেন ( কবিতায় -ইছেন )	-ইতেছিলেন	-ইতে থাকিবেন
৩			
৩ খ			
৩ ক	-ইতেছে ( কবিতায় -ইছে )	-ইতেছিল	-ইতে থাকিবে

(আ) পুরাঘটিত—

পুরুষ	(৮) পুরাঘটিত বর্তমান	(৯) পুরাঘটিত অতীত	(১০) ভবিষ্যৎ সম্ভাব্য
১	-ইয়াছি	-ইয়াছিলাম	-ইয়া থাকিব
২ ক	-ইয়াছ	-ইয়াছিলে	-ইয়া থাকিব
২ খ	-ইয়াছিস্	-ইয়াছিলি	-ইয়া থাকিবি
২ গ	-ইয়াছেন	-ইয়াছিলেন	-ইয়া থাকিবেন
৩			
৩ খ			
৩ ক	-ইয়াছে	-ইয়াছিল	-ইয়া থাকিবে

«-ইতে» ও «-ইয়া»-প্রত্যয়-যুক্ত ঘটমান ও পুরাঘটিত কালগুলিতে «আছ্» ধাতুর «আ» লোপ পায়। «আছ্» ধাতুকে পৃথক রাখিলে অর্থ বদলাইয়া যায়; যথা—«বসিয়া আছি» (সাধু-ভাষায় ঋসাম্বাত «বসিয়া আছি», চলিত-ভাষায় \*«বসে আছি») এবং «বসিয়াছি» («বসিয়াছি», \*«বসেছি»); «কিখাইয়াছিলে?» (=‘কোন্ বস্তু আহাৰ করিয়াছিলে?’ চলিত-ভাষায় \*«কি খেয়েছিলে?») এবং «কি খাইয়া ছিলে» (=‘কোন্ বস্তু আহাৰ করিয়া জীবন-ধারণ করিয়াছিলে?’, চলিত-ভাষায়—\*«কি-খেয়ে ছিলে?»)।

পুরাঘটিত—কাল-রূপ সম্বন্ধে লক্ষণীয়—

পুরাঘটিত কালগুলিতে, «ইয়া»-যুক্ত অসমাপিকা ক্রিয়া এবং «আছ্»-ধাতুজ সমাপিকা ক্রিয়া, উভয়ের মিলন কচিৎ অসম্পূর্ণ থাকে—«ই» এবং «ও» এই দুই অব্যয়-পদ দুইয়ের মধ্যে আসিয়া বসিতে পারে, ও দুইটা পদাংশকে পৃথক করিয়া দিতে পারে; এই-রূপ পৃথক-করণ বা বিশ্লেষণ, বিশেষ করিয়া চলিত-ভাষায় দৃষ্ট হয়; যথা—\* «ক’রেছি তো ক’রেইছি (ক’রে-ই-ছি);

তাহার ইচ্ছা ছিল যে সমস্ত টাকাটা ক্রমে-ক্রমে দান করে, কিছু টাকা দান করিয়াও ছিল, কিন্তু শেষে তাহার মত বদলাইয়া যায়; না হয় বলিয়াইছে, তাহাতে এত রাগ কেন? » ইত্যাদি।

[গ] অনুজ্ঞা—

পুরুষ	( অ ) সাধারণ	( আ ) ভবিষ্যৎ
১	-ই ( বর্তমানবৎ )	-ইব
২ ক	-অ, -ও ( কবিতায় -অহ )	-ইও, -ইয়ো; -ইবে
২ খ	কেবল ধাতু	-ইস্; -ইবি
২ গ	-উন্	-ইবেন
৩		
৩ খ		
৩ ক	-উক্	-ইবে

**দ্রষ্টব্য**—পূর্ব-বঙ্গের বহু অঞ্চলের কথ্য ভাষায়, মধ্যম-পুরুষ ও উত্তম-পুরুষে গৌরবার্ধক রূপের উত্তর সাধারণ অনুজ্ঞায় « -উন্ »-প্রত্যয় স্থলে নিত্য-বর্তমানের « -এন্ »-প্রত্যয় ব্যবহৃত হয়; সাধু-ও চলিত-ভাষায় তাহা করা উচিত নহে—অনুজ্ঞায় যে প্রত্যয় ভাষায় আছে, তাহা বর্জন করা অনুচিত; যথা—« আপনারা দয়া করিয়া বহন ( 'বসেন' নহে ) »; « দেখুন মহাশয় ( 'দেখেন মহাশয়' নহে ) » ইত্যাদি।

অসমাপিকা ক্রিয়া এবং ক্রিয়া-বাচক বিশেষ্য ও বিশেষণ প্রভৃতির প্রত্যয়, পূর্বে আলোচিত হইয়াছে

**কয়েকটা ক্রিয়ার সাধুভাষানুমোদিত রূপ—**

ধাতুস্থিত স্বর-ধ্বনির পূর্বে, স্বর-সঙ্গতির নিয়ম-অনুসারে পরিবর্তন হইয়া থাকে। ধাতুর অভ্যন্তরস্থ হ-কারও বহুশঃ লোপ পাইয়া থাকে।

স্বরবর্ণের পরে, বিশেষতঃ অ-কারের পরে, « ই » এবং « এ » বহুশঃ লুপ্ত হইয়া থাকে ।

পুরুষ	চল্ ধাতু	বহ্ ধাতু	থা ধাতু	শিথ্ ধাতু	শুন্ ধাতু	করা ধাতু	
[১] নিত্য বর্তমান	১	চলি	বহি (বই)	থাই	শিথি	শুনি	করাই
	২ ক	চলহ, চল,	বহ, বহো	থাও	শিথহ, শিথ,	শুনহ, শুন,	করাই,
		চলো	(বও)		শেথো	শোনো	করাও
	২ খ	চলিস্	বহিস্ (বইস্)	থাইল্	শিথিস্	শুনিস্	করাইস্,
				থাস্			করাস্
	২ গ } ৩ } ৩ খ } ৩ ক	চলেন	বহেস্ (ব'ন)	থায়েন, থান	শিথেন (শেথেন)	শুনেন্ (শোনেন)	করান্
	চলে	বহে, বয়	থায়	শিথে (শেথে)	শুনে (শোনে)	করায়	

পুরুষ	চল্	বহ্	থা	শিথ্	শুন্	করা	
[২] নিত্য অতীত	১	চলিলাম	বহিলাম, বইলাম	থাইলাম	শিথিলাম	শুনিলাম	করাইলাম
	২ ক	২ ক	বহিলে, বইলে	থাইলে	শিথিলে	শুনিলে	করাইলে
	২ খ	চলিলি	বহিলি, বইলি	থাইলি	শিথিলি	শুনিলি	করাইলি
	২ গ } ৩ } ৩ খ } ৩ ক	চলিলেন	বহিলেন, বইলেন	থাইলেন	শিথিলেন	শুনিলেন	করাইলেন
		চলিল	বহিল, বইল	থাইল	শিথিল	শুনিল	করাইল

[৩] নিত্যবৃত্ত অতীত	১	চলিতাম	বহিতাম, বইতাম	খাইতাম	শিখিতাম	শুনিতাম	করাইতাম
	২ ক	চলিতে	বহিতে, বইতে	খাইতে	শিখিতে	শুনিতে	করাইতে
	২ খ	চলিতিস্	বহিতিস্, বইতিস্	খাইতিস্	শিখিতিস্	শুনিতিস্	করাইতিস্
	২ গ } ও ৩খ }	চলিতেন	বহিতেন, বইতেন	খাইতেন	শিখিতেন	শুনিতেন	করাইতেন
	৩ ক	চলিত	বহিত, বইত	খাইত	শিখিত	শুনিত	করাইত

[৪] সাধারণ ভবিষ্যৎ	১	চলিব	বহিব, বইব	খাইব	শিখিব	শুনিব	করাইব
	২ ক	চলিবে	বহিবে, বইবে	খাইবে	শিখিবে	শুনিবে	করাইবে
	২ খ	চলিবি	বহিবি, বইবি	খাইবি	শিখিবি	শুনিবি	করাইবি
	২ গ } ও ৩খ }	চলিবেন	বহিবেন, বইবেন	খাইবেন	শিখিবেন	শুনিবেন	করাইবেন
	৩ ক	চলিবে	বইবে, বইবে	খাইবে	শিখিবে	শুনিবে	করাইবে

[৫] ঘটমান বর্তমান	চলিতে, বহিতে ( বইতে ), খাইতে, শিখিতে, শুনিতে, করাইতে + (১) -ছি ; (২ক) -ছ, (২খ) -ছিস্, ( ২গ ও ৩খ ) -ছেন ; (৩ক) -ছে
----------------------	--

[৬] ঘটমান অতীত	চলিতে, বহিতে ( বইতে ), খাইতে, শিখিতে, শুনিতে করাইতে + (১) -ছিলাম ; (২ক) -ছিলে, (২খ) -ছিলি, ( ২গ ও ৩খ ) -ছিলেন, (৩ক) -ছিল
-------------------	---

[৭] ঘটমান ভবিষ্যৎ	চলিতে, বহিতে (বইতে), খাইতে, শিখিতে, গুনিতে, করাইতে +(১) থাকিব, (২ক) থাকিবে, (২খ) থাকিবি, (২গ ও ৩খ) থাকিবেন, (৩ক) থাকিবে
----------------------	---

[৮] পুরাঘটিত বর্তমান	চলিয়া, বহিয়া (বইয়া), খাইয়া, শিখিয়া, গুনিয়া, করাইয়া +(১) -ছি, (২ক) -ছ, (২খ) -ছিস্, (২গ ও ৩ক) -ছেন, (৩ক) -ছে
-------------------------	--

[৯] পুরাঘটিত অতীত	চলিয়া, বহিয়া (বইয়া), খাইয়া, শিখিয়া, গুনিয়া, করাইয়া +(১) -ছিলাম, (২ক) -ছিলে, (২খ) -ছিলি, (২গ ও ৩খ) -ছিলেন, (৩ক) -ছিল
----------------------	--

[১০] সম্ভাব্য ভবিষ্যৎ	চলিয়া, বহিয়া (বইয়া), খাইয়া, শিখিয়া, গুনিয়া, করাইয়া +(১) থাকিব, (২ক) থাকিবে, (২খ) থাকিবি, (২গ ও ৩খ) থাকিবেন, (৩ক) থাকিবে
--------------------------	--

সাধারণ অনুষ্ঠান	১	চলি	বহি, বই	খাই	শিখি	গুনি	করাই
	২ ক	চল (চলহ), চলো	বহ, বও	খাও	শিখ, শেখ, (শিখহ)	গুন, শোনে (গুনহ)	করাও
	২ খ	চল, চ'	বহ, ব'	খা	শেখ	শোন্	করা
	২ গ ও ৩গ	চলুন্	বহন, ব'ন্	খান্ (খাউন)	শিখুন্	গুহুন্	করান্
	৩ ক	চলুক্	বহক, ব'ক্	খাউক, খাক্	শিখুক্	গুহুক্	করাক্

ভবিষ্যৎ অন্তর্ভুক্ত	২ ক	চলিও, চলিয়া, (চলিহ)	বহিও, বহিয়ো, বাঁয়ো	খাইও	শিখিও	শুনিও	করাইও
	২ খ	চলিস্	বহিস্, বইস্ ব'স্	খাইস্, খাস্	শিখিস্	শুনিস্	করাস্

অনুজ্ঞায় স্বরবর্ণের পরে « অ »-প্রত্যয় সর্বত্রই « ও » হয়।

অসমাপিকা ক্রিয়া—[১] কতৃনিষ্ঠ—« চলিয়া, বহিয়া, খাইয়া, শিখিয়া, শুনিয়া, করাইয়া »।

[২] আয়নিষ্ঠ—« চলিলে, বহিলে ( বইলে ), খাইলে, শিখিলে, শুনিলে, করাইলে »।

ক্রিয়া-বাচক বিশেষণ কতৃবাচ্যে—« চলিতে, বহিতে ( বইতে ), খাইতে, শিখিতে, শুনিতে, করাইতে » ; « চলন্ত, চল্তী ; বহতা ; খাঅন্ত, খাউন্তী »।

কর্মবাচ্যে—« চলা, বহা বা বওয়া, পাওয়া, শিখা বা শেখা, শুনা বা শোনা, করানো »।

উদ্দেশ্য-মূলক অসমাপিকা—« চলিতে, বহিতে ( বইতে ), খাইতে, শিখিতে, শুনিতে, করাইতে »।

ক্রিয়াবাচক বিশেষ্য—« চলা, চলন, চলিবা- ; বহা ( বওয়া ), বহন, বহিবা- ( বইবা- ) ; খাওয়া, খাওন, খাইবা- ; শিখা ( শেখা ), শিখন, শিখিবা- ; শুনা ( শোনা ), শুনন, শুনিবা- ; করানো, করাইবা- »।

### সাধুভাষায় « হ » বা « হো » ধাতু—

[ক] মৌলিক কাল—

[১] নিত্য বর্তমান—« হই ; হও, হইস্ বা হ'স, হয়েন বা হন ; হয় »।

[২] নিত্য অতীত—« হইলাম ; হইলে, হইলি, হইলেন ; হইল »।

[৩] পুরানিত্যবৃত্ত—« হইতাম ; হইতে, হইতিস্ হইতেন ; হইত »।

[৪] সাধারণ ভবিষ্যৎ—« হইব ; হইবে, হইবি, হইবেন ; হইবে »।

[খ] যৌগিক কাল—

[৫] ঘটমান বর্তমান—« হইতেছি ; হইতেছ, হইতেছিস্, হইতেছেন ; হইতেছে » ।

[৬] ঘটমান অতীত—« হইতেছিলাম, হইতেছিলে » ইত্যাদি ।

[৭] ঘটমান ভবিষ্যৎ—« হইতে থাকিব » ইত্যাদি ।

[৮] পুরাঘটিত বর্তমান—« হইয়াছি, হইয়াছ » ইত্যাদি ।

[৯] পুরাঘটিত অতীত—« হইয়াছিল, হইয়াছিলে » ইত্যাদি ।

[১০] সম্ভাব্য ভবিষ্যৎ—« হইয়া থাকিব » ইত্যাদি ।

[গ] অনুজ্ঞা—

সাধারণ—« হও, হ, হউন্, হউক্ » ।

ভবিষ্যৎ—« হইও বা হইয়ো, হইস্ বা হ'স্ » ।

অসমাপিকা ইত্যাদি—« হইয়া, হইলে ; হইতে ; হওয়া ; হওন, হইবা- ( হবা- ) » ।

সাধুভাষায় « লহ্ » বা « ল » ধাতু—

[ক] [১] « লই ; লহ বা লও, লইস্, লয়েন বা লন ; লয় » ; [২] « লইলাম ; লইলে, লইলি, লইলেন ; লইল » ; [৩] « লইতাম ; লইতে, লইতিস্, লইতেন ; লইত » ; [৪] « লইব ; লইবে, লইবি, লইবেন ; লইবে » ।

[খ] [৫] « লইতেছি, লইতেছে » ইত্যাদি ; [৬] « লইতেছিলাম, লইতেছিল » ইত্যাদি ; [৭] « লইতে থাকিব » ইত্যাদি ; [৮] « লইয়াছি » ইত্যাদি ; [৯] « লইয়াছিলাম » ইত্যাদি ; [১০] « লইয়া থাকিব » ইত্যাদি ।

[গ] সাধারণ অনুজ্ঞা—« লহ লহো বা লও, ল, লউন্, লউক্ ।

ভবিষ্যৎ অনুজ্ঞা—« লইও, লইস্ » ।

অসমাপিকা ইত্যাদি—« লইয়া, লইতে, লওয়া, লওন, লইবা- ( লবা- ) » ।

সাধুভাষায় « দে » ধাতু—

[ক] [১] « দেই বা দিই ; দেও বা দাও, দিস্, দিন্ দেয় » ।

[২] « দিলাম ; দিলে, দিলি, দিলেন ; দিল » ।

[৩] « দিতাম ; দিতে, দিতিস্, দিতেন ; দিত » ।

[৪] « দিব ( বা দেবো ) ; দিবে ( দেবে ), দিবি, দিবেন ( দেবেন ) ; দিবে ( দেবে ) »

[খ] [৫] « দিতেছি ; দিতেছ, দিতেছিস্, দিতেছেন ; দিতেছে » ।



- [৬] « দিতেছিলাম ; দিতেছিলে, দিতেছিলি, দিতেছিলেন, দিতেছিল » ।  
 [৭] « দিতে থাকিব » ইত্যাদি ।  
 [৮] « দিয়াছি ; দিয়াছ, দিয়াহিস, দিয়াছেন ; দিয়াছে » ।  
 [৯] « দিয়াছিলাম ; দিয়াছিলে, দিয়াছিলি, দিয়াছিলেন ; দিয়াছিল » ।  
 [১০] « দিয়া থাকিব »-ইত্যাদি ।

[গ] সাধারণ অনুজ্ঞা—« দেহ বা দাও, দে, দিউন্ বা দিন্, দিউক্ বা দিক্ » ।

ভবিষ্যৎ অনুজ্ঞা—« দিয়ো বা দিও, দিস্ » ।

অসমাপিকা ইত্যাদি—« দিয়া, দিলে ; দিতে ; দেওয়া, দেওন, দিবা- ( দেবা- ) » ।

« নে » ধাতু, সাধু-ভাষায় সাধারণতঃ ব্যবহৃত হয় না—ইহার স্থানে « লহ্ ( বা ল ) » ধাতুই প্রযুক্ত হয় । « নে » ধাতুর রূপ « দে »-রই অনুগামী ।

### অসম্পূর্ণ ধাতু

কতকগুলি ধাতুর সমস্ত রূপ মিলে না, এগুলিকে অন্য ধাতুর রূপ-দ্বারা নিজ অভাব মিটাইতে হয় । এই-রূপ ধাতুকে অসম্পূর্ণ ধাতু বলা চলে ।

[১] « আছ্ » ধাতু—« থাক্ » ধাতু দ্বারায় ইহার পূরণ করা হয় ( পূর্বে দ্রষ্টব্য, পৃঃ ২৯১ ) ।

[২] « যা » ধাতু—কতকগুলি কাল-রূপে অসম্পূর্ণ « গ » ধাতুর সহায়তা গ্রহণ করিয়া থাকে । বাঙ্গালা « যা » ( উচ্চারণ, [ জা ] ) ধাতু সংস্কৃতের « যা » ( উচ্চারণ, [ য়া ] ) হইতে উৎপন্ন ; বাঙ্গালা « গ » ধাতুর মূল সংস্কৃতের « গম্ » ধাতু ; যথা—

[ক] [১] « যাই ; যাও, যাইস্ বা যাস্, যাহেন বা যান ; যায় » ।

[২] « গেলাম, যাইলাম ; গেলে যাইলে, গেলি যাইলি, গেলেন যাইলেন ; গেল, যাইল » ।

( অতীতে চলিত-ভাষায় « যাইলাম » ইত্যাদি যা-ধাতু হইতে উৎপন্ন রূপ ব্যবহৃত হয় না ; সাধু-ভাষার্থেও « গেলাম, গেল » ইত্যাদি রূপই অধিকতর প্রচলিত ) ।

[৩] « যাইতাম ; যাইতে, যাইতিস্ যাইতেন ; যাইত » ।

[৪] « যাইব ; যাইবে, যাইবি ( যাবি ), যাইবেন ; যাইবে » ।

- [খ] [৫] « যাইতেছি ; যাইতেছ, যাইতেছিস্, যাইতেছেন ; যাইতেছে » ।  
 [৬] « যাইতেছিলাম ; যাইতেছিলে, যাইতেছিলি, যাইতেছিলেন ; যাইতেছিল » ।  
 [৭] « যাইতে + থাকিব » ইত্যাদি ।  
 [৮] « গিয়াছে ; গিয়াছ, গিয়াছিস্, গিয়াছেন ; গিয়াছে » । ( « যাইয়াছি » ইত্যাদি রূপ একেবারেই হয় না ) ।  
 [৯] « গিয়াছিলাম ; গিয়াছিলে, গিয়াছিলি, গিয়াছিলেন ; গিয়াছিল » ।  
 [১০] « গিয়া + থাকিব » ইত্যাদি ।

[গ] সাধারণ অনুজ্ঞা—« যাও, যা, যাউন্ বা যান্, যাউক্ বা যাক্ » ।

ভবিষ্যৎ অনুজ্ঞা—« যাইও, যাইস্ বা যাস্ » ।

অসমাপিকা ইত্যাদি—« গিয়া, যাইয়া ; গেলে, যাইলে ; যাইতে ; যাওয়া, যাওন, যাইবা- » ।

[৩] « আ » ও « আইস্ » বা « আস্ » ধাতু—« আইস্ » ধাতু « আ » ধাতু অপেক্ষা পূর্ণতর ; এই দুই ধাতু পরস্পরকে পূরণ করে । « আ » ধাতুর মূল সংস্কৃতের উপসর্গ « আ » + « যা [ -য়া ] » ধাতু, ও « আইস্ » ধাতুর মূল সংস্কৃতের উপসর্গ « আ » + « বিশ্ » ধাতু । নিম্নে বন্ধনীর মধ্যে প্রদত্ত রূপগুলি আজকাল তত প্রচলিত নহে ।

[ক] [১] « আইসে বা আসে ; আইস, আইসিস্ বা আসিস্, আইসেন বা আসেন ; আইসে বা আসে » ।

[২] « আসিল বা আইল ; আসিলে ( কচিং আইলে ), আসিলি ( আইলি ), আসিলেন ( আইলেন ) ; আসিল ( আইল—চলিত ভাষায় «এল' ) » ।

[৩] « আসিতাম ; আসিতে, আসিতিস্, আসিতেন ; আসিত » ।

[৪] « আসিব ; আসিবে, আসিবি, আসিবেন ; আসিবে » ।

[খ] [৫] « আসিতেছি ; আসিতেছ, আসিতেছিস্, আসিতেছেন ; আসিতেছে » ।

[৬] « আসিতেছিল » ইত্যাদি ।

[৭] « আসিতে + থাকিব » ইত্যাদি ।

[৮] « আসিয়াছি ; আসিয়াছ, আসিয়াছিস্ » ইত্যাদি ।

[৯] « আসিয়াছিলাম » ইত্যাদি ।

[১০] « আসিয়া + থাকিব » ইত্যাদি ।

[গ] সাধারণ অনুজ্ঞা—« (২ক) আইস ( আইস্ ধাতু ); (২খ) আ ( ইতর-প্রাণীকে আহ্বান করিতে ), আয়্ ( আ ধাতু ); (২গ ও ৩খ) আয়ন ( আইস্ ধাতু ), (৩ক) আয়ক্ ( আইস্ ধাতু ) » ।

ভবিষ্যৎ অনুজ্ঞা—« আইসিও, আসিও, আসিয়ো ; আসিস্ » ।

অসমাপিকা ইত্যাদি—« আসিয়া ; আসিলে ( আইলে—অপ্রচল, = চলিত ভাষায় 'এলে' ); আসিতে ; আসা ; ( আইসন—আইসন-যাওন = আসা-যাওয়া ); আসিবা- » ।

এই ধাতুর চলিত-ভাষার রূপ পরে দ্রষ্টব্য ।

### [৪] « বট্ » ধাতু—

এই ধাতু ( সংস্কৃত « বৃৎ—বত্ » হইতে জাত ) বিশেষ-রূপেই অসম্পূর্ণ, কেবল নিত্য বর্তমানে মিলে ; যথা—[ক] [১] « বটি ; বট ( বটো ), বটিস্, বটেন ; বটে » ।

অস্থায়ী কাল-বাচক এবং অপর রূপে ইহার পুরক হইতেছে « হ » ধাতু । নিত্য বর্তমানেও অধুনা ইহা অপ্রচলিত হইয়া পড়িতেছে । উদাহরণ—« যদিও আমি রাজার পুত্র বটি : 'তোমায চিনি চিনি করি, চিনিতে না পারি—কে বট ডুমি হে' ; তিনি ভাল মানুষ বটেন, কিন্তু জোর করিয়া নিজের মত বলিতে পারেন না » ।

[৫] « কল্প » ধাতু—সাধারণ অর্থে কতকগুলি বিশেষ রূপ মিলে, সেগুলি কেবল কবিতায় ব্যবহৃত হয় ; যথা—« কৈলাম ( কৈল্ ), কৈম্ ; কৈলে, কৈলি ; কৈল, কৈলা » ।

প্রাচীন বাঙ্গালা কাব্যে « হইল, মরিল, মারিল, পড়িল » স্থলে, বিকল্পে « ভেল বা ভৈল, মৈল বা ম'ল ( চলিত ভাষাতেও ম'ল [=মোলো] প্রচলিত ), মাইল বা মাইলে, পইল বা প'ল » রূপ পাওয়া যায় ।

### কর্মবাচ্যে ক্রিয়ার রূপ—

কতকগুলি লৌকিক বা বিশেষ রীতি-সিদ্ধ কর্মবাচ্যের রূপ ভিন্ন, সাধারণ কর্মবাচ্যে ক্রিয়ার রূপে কোনও গোলমাল নাই ; « আ »-প্রত্যয়ান্ত বিশেষণ-ক্রিয়ার ( অথবা « -ত, -ইত »-প্রত্যয়ান্ত ঐ বিশেষণ-ক্রিয়ার সংস্কৃত প্রতিক্রমের ) সহিত « হ » ধাতুর রূপ করিলে, কর্মবাচ্যের বিভিন্ন কালরূপ পাওয়া যাইবে ; যথা—

« ( বই ) পড়া বা ( পঠিত ) হয় ; পড়া ( পঠিত ) হইল, হইত, হইবে ; পড়া

(পঠিত) হইতেছে, হইতেছিল, হইতে থাকিবে; পড়া (পঠিত) হইয়াছে, হইয়াছিল, হইবে, থাকিবে; পড়া হউক, পড়া হইবে; পড়া হইতে, পড়া হইয়া, পড়া হইলে, পড়া হইবা » ইত্যাদি।

### চলিত-ভাষায় ক্রিয়ার রূপ

চলিত-ভাষার ক্রিয়ার রূপগুলিকে, সাধারণ-ভাবে, সাধু-ভাষায় ব্যবহৃত পূর্ণ রূপের সংক্ষেপ বা বিকার বলা যাইতে পারে। আধুনিক বাঙ্গালা ভাষার স্বকীয়-উচ্চারণ-বৈশিষ্ট্য-হেতু—পূর্বে নির্দিষ্ট স্বর-সঙ্গতি, অপিনিহিতি ও অভিশ্রুতি এবং মধ্যস্থিত হ-কারের লোপ-সাধন—এই সমস্ত রীতি-অনুসারে, অনেকাংশে সাধু-ভাষায় সুরক্ষিত প্রাচীন বাঙ্গালার পূর্ণতর রূপের পরিবর্তন ঘটিয়া, চলিত-ভাষার ক্রিয়া-পদের উদ্ভব হয়। নিম্নে চলিত-ভাষার ক্রিয়ার বিভক্তির রূপ দেওয়া যাইতেছে; যেখানে-যেখানে ই-কার লুপ্ত হয়, সেখানে-সেখানে শ্রায়ণঃ পূর্বের স্বরের পরিবর্তন ঘটিয়া থাকে বুঝিতে হইবে।

#### [ক] মৌলিক কাল—

পুরুষ	নিত্য বর্তমান	নিত্য অতীত	পুরানিত্যবৃত্ত	ভবিষ্যৎ
১	-ই	২-লাম, -লুম, -লেম	-বো ( -ব )	-তাম, -তুম, -তেম
২ ক	-অ, -ও	-লে	-বে	-তে
২ খ	-ইস্	-লি	-বি	-তিস্
২ গ	-এন্, -ন্	-লেন	-বেন	-তেন
৩				
৩ খ				
৩ ক	-এ, -য়	-ল, -লো; -লেও	-বে	-ত, -তো

১—স্বরাস্ত্র ধাতুর উত্তর এই বিভক্তি হয়। ২—উত্তম পুরুষে «-লাম» সাধারণ রূপ, «-লুম» কলিকাতা-অঞ্চলের মৌখিক ভাষার রূপ, সাহিত্যের চলিত-ভাষায় বহুল প্রচলিত, এবং «-লেম» কবিতায় ও নাটকে সমধিক প্রচলিত। ৩—সকর্মক ধাতু হইলে, প্রথম পুরুষে «-লে» বিভক্তি হয়; অকর্মকে কদাচ হয় না; এই «-লে»-বিভক্তি সাধু-ভাষায় প্রযুক্ত হয় না; «-ল (-লো)» বিভক্তি সকর্মক ধাতুতেও হইতে পারে, তবে চলিত-ভাষায় «-লে»-ই সকর্মকে সমধিক প্রচলিত।

[খ] যৌগিক কাল—

(অ) ঘটমান—

পুরুষ	ঘটমান বর্তমান	ঘটমান অতীত	ঘটমান ভবিষ্যৎ
১	-ছি, -ছি	-ছিলাম, -ছিলুম, ছিলেম -ছিলাম, -ছিলুম, -ছিলেম	-তে + { থাকবো থাকবে থাকবি থাকবেন থাকবে
২ ক	-ছ, -ছো, -চ্ছ	-ছিলে, -ছিলে	
২ খ	-ছিস্, -ছিস্	-ছিলি, -ছিলি	
২ গ	-ছেন, -চ্ছেন	-ছিলেন, -ছিলেন	
৩			
৩ খ			
৩ ক	-ছে, -চ্ছে	-ছিল, -ছিল	

(আ) পুরাঘটিত

পুরুষ	পুরাঘটিত বর্তমান	পুরাঘটিত অতীত	ভবিষ্যৎ সম্ভাব্য
১	-এছি ( -য়েছি )	-এছিলাম, -এছিলুম, -এছিলেম	-এ + { থাকবো থাকবে থাকবি থাকবেন থাকবে
২ ক	-এছ, -এছো	-এছিলে	
২ খ	-এছিস্	-এছিলি	
২ গ	-এছেন	-এছিলেন, -ইছিলেন	
৩			
৩ খ			
৩ ক	-এছে, -য়েছে	-এছিল	

দ্রষ্টব্য—ঘটমান বর্তমান ও অতীতে স্বরাস্ত্র ধাতুর উত্তর « -ছ » স্থানে « -চ্ছ » হয় ; যেমন—  
« চ'লছে, দিচ্ছে, হ'ছিল, খাচ্ছিলেন, ক'হিছে > ক'ইছে > ক'চ্ছে, হ'ইছে > হ'চ্ছে ; চ'লছিল, দিচ্ছিল » । কলিকাতা-অঞ্চলের প্রচলিত উচ্চারণ ধরিয়া, ঘটমান ও পুরাঘটিত বর্তমানে কেহ-কেহ  
« চ » স্থানে « চ » এবং « চ্ছ » স্থানে « চ্চ » লেখেন ; যথা— « দিয়েছে » স্থলে « দিয়েচে » ,

« হ'চ্ছে » স্থলে « হ'ছে », « ক'রছে » বা « ক'চ্ছে » স্থলে « ক'রচে » বা « ক'ছে » ইত্যাদি।  
কিন্তু চলিত-ভাষার শুদ্ধ রূপ « ছ, চ্ছ » লেখাই উচিত।

বিভক্তির « ছ, ত, ল »-এর পূর্বে, ধাতুতে « র » থাকিলে, চলিত-ভাষার দ্রুত উচ্চারণে « র+ছ, র+ত, র+ল »-এর অন্তঃসন্ধি হয়, « র » লুপ্ত হয়, পরবর্তী « ছ, ত, ল »-কে দ্বিৰুক্ত করিয়া দেয় : অনেকে এই অন্তঃসন্ধি ধরিয়া বানান লেখেন ; যথা—« ক'রছে » স্থলে « ক'চ্ছে », « ক'রত » স্থলে « ক'ত্ত », « ধ'বলে » স্থলে « ধ'ল্লে, ধ'ল্লে », « ম বলে » স্থলে « মাল্লে »। « ক'রছে, ক'রত, ক'রলে » প্রভৃতি পূর্ণতর রূপই লেখা উচিত, কারণ তদ্বারা ধাতুর মূল রূপের ব্যঞ্জন ধ্বনি « র » ( « কব্, ধব্, মব্ » প্রভৃতি ) অবলুপ্ত বা লুপ্তায়িত হয় না ; বিশেষতঃ তদ্র উচ্চারণে যখন « র » সকলেই বর্জন করেন না।

### [গ] অনুষ্ঠা—

পুরুষ	সাধারণ	ভবিষ্যৎ
২ ক	« -অ -ও »	« -ও » ( পূর্বস্বরের পরিবর্তন-সহ )
২ খ	কেবল ধাতু	« -ইন্ »
ক ও ওখ	« -উন্, -ন্ »	[ ভবিষ্যতের রূপ ]
৩ ক	« -উক্, -ক্ »	[ ভবিষ্যতের রূপ ]
অসমাপিকা ক্রিয়া—কর্তৃনিষ্ঠ	« -এ »	( স্বরের পরিবর্তন-সহ )
	অন্তনিষ্ঠ	« -লে » ( " )
উদ্দেশ্য বা নিমিত্তার্থক অসমাপিকা—	« -তে »	( " )
ক্রিয়া-বাচক বিশেষণ—কর্তৃবাচ্যে,	« -অন্ত ; -তে »	( " )
	কর্মবাচ্যে	« -আ, -আনো » ।

ক্রিয়া-বাচক বিশেষ্য—« -অন ( ওন ), -আ, -বা » ( « -ইবা »-প্রত্যয়ের সংক্ষিপ্ত রূপ « -বা »-প্রত্যয়, এখানে « ই » লোপ হইলেও ধাতুর স্বরের পরিবর্তন হয় না ) ।

### চলিত-ভাষার ক্রিয়ার রূপের নিদর্শন

#### [১] « আছ » ধাতু—

নিত্য-বর্তমান ও নিত্য-অতীতে সাধু-ভাষার রূপ হইতে অভিন্ন ( « আছে, ছিল » ইত্যাদি )—

কেবল নিত্য-অতীত উত্তম-পুরুষে « ছিলাম, ছিলুম, ছিলেম » তিনটি রূপই পাওয়া যায়, এবং প্রথম-পুরুষে « আছিল » রূপ নাই।

« থাক্ » ধাতুর রূপগুলি এইরূপ হয় : (৩) « থাক্তাম, থাক্তুম, থাক্তেম ; থাক্তে, থাক্তিস্ » ইত্যাদি ; (৪) « থাক্বো, থাক্বে, থাক্বি » ইত্যাদি। সাধারণ অনুজ্ঞায় সাধু-ভাষা হইতে অভিন্ন ; কেবল « থাকহ » পদ মিলে না। সাধারণ প্রথম পুরুষে « থাকুক, থাক্ » ; ভবিষ্যৎ অনুজ্ঞায় « (২ক) থেকো, (২খ) থাকিস্ » ।

অসমাপিকা ইত্যাদি—« থেকে, থাক্লে ; থাক্তে ; থাকা, থাক্বা- » ।

## [২] « চল্ » ধাতু—

[ক] [১] সাধু-ভাষার মত, কেবল « চলহ » রূপ অজ্ঞাত।

[২] « চল্লাম, চল্লাম, চল্লেম ; চল্লে, চল্লে, চল্লেম ; চল্লে » ।

[৩] « চল্লাম, চল্লাম, চল্লেম ; চল্লে, চল্লে, চল্লেম ; চল্লে » ।

[৪] « চল্লে ; চল্লে, চল্লে, চল্লে ; চল্লে » ।

[খ] [৫] « চল্ছি ; চল্ছি, চল্ছিস্, চল্ছেন ; চল্ছে » ।

[৬] « চল্ছিলাম, চল্ছিলুম, চল্ছিলেম ; চল্ছিলে, চল্ছিলি, চল্ছিলেন ; চল্ছিল » ।

[৭] « চল্লে থাক্বো » ইত্যাদি।

[৮] « চল্লেছি ; চল্লেছি, চল্লেছিস্ » ইত্যাদি।

[৯] « চল্লেছিলাম, চল্লেছিলুম, চল্লেছিলেম ; চল্লেছিলে » ইত্যাদি।

[১০] « চল্লে থাক্বো » ইত্যাদি।

[গ] সাধারণ অনুজ্ঞা - « চল ( চলো ), চল ( বা চ' ), চলুন, চলুক » ।

ভবিষ্যৎ অনুজ্ঞা - « চলো [= চলো ], চলিস্ » ।

অসমাপিকা ইত্যাদি—« চল্লে, চল্লে ; চল্লে ; চলস্ত, চল্লে, চলন, চল্বা- » ।

## [৩] « বহ্ » বা « ব » ধাতু—

[ক] [১] « বই ; বও, ব'স, ব'ন ; বন, বয় » ।

[২] « বইলাম, বইলাম, বইলেম ; বইলে, বইলি, বইলেন ; বইলে » ।

[৩] « বইতাম, -তুম, -তেম ; বইতে, বইতিস্, বইতেন ; বইত » ।

[৪] « বইবো ; বইবে, বইবি ( বা ব'বি ), বইবেন ( ববেন ), বইবে ( বেবে ) » ।

[খ] [৫] « বইছি ব'চ্ছি ; বইছি ব'চ্ছি, বইছিস্ ব'চ্ছিস্, বইছেন ব'চ্ছেন, বইছে ব'চ্ছে » ।

- [৬] « বইছিলাম ব'চ্ছিলাম ( -লুম, -লেম ) ; বইছিলে ব'চ্ছিলে, বইছিলি ব'চ্ছিলি, বইছিলেন ব'চ্ছিলেন, বইছিল ব'চ্ছিল » ।
- [৭] « বইতে থাকবো » ইত্যাদি ।
- [৮] « ব'য়েছি ; ব'য়েছ, ব'য়েছিস্, ব'য়েছেন ; ব'য়েছে » ।
- [৯] « ব'য়েছিলাম ( -লুম, -লেম ), ব'য়েছিলে, ব'য়েছিলি, ব'য়েছিলেন ; ব'য়েছিল » ।
- [১০] « ব'য়ে থাকবো » ইত্যাদি ।
- [গ] সাধারণ অনুজ্ঞা—« বও, ব', ব'ন ; ব'ক্ » ।  
 ভবিষ্যৎ অনুজ্ঞা—« ব'য়ো [ =বোয়'ও ], ব'স্ » ।  
 অসমাপিকা ইত্যাদি—« ব'য়ে, বইলে ; বইতে ; বওয়া, ( বওন ), ববা- » ।

### [৪] « খা » ধাতু—

- [ক] [১] সাধু-ভাষার মত—কেবল « খাইস্, খায়েন » রূপদ্বয় অপ্রযুক্ত ।
- [২] « খেলাম ( -লুম, -লেম ) ; খেলে, খেলি, খেলেন ; খেলে ( খেল' ) » ।
- [৩] « খেতাম ( -তুম্, -তেম ) ; খেতে, খেতিস্, খেতেন ; খেত' » ।
- [৪] « খাবো ; খাবে, খাবি, খাবেন ; খাবে » ।
- [খ] [৫] « খাচ্ছি ; খাচ্ছ, খাচ্ছিস্, খাচ্ছেন ; খাচ্ছে » ।
- [৬] « খাচ্ছিলাম ( -লুম, -লেম ) ; খাচ্ছিলে, খাচ্ছিলি, খাচ্ছিলেন খাচ্ছিলে » ।
- [৭] « খেতে থাকবো » ইত্যাদি ।
- [৮] « খেয়েছি ( খেইছি ) ; খেয়েছ, খেয়েছিস্ ( খেইছিস্ ), খেয়েছেন ; খেয়েছে » ।
- [৯] « খেয়েছিলাম ( খেইছিলাম ; -লুম, -লেম ) ; খেয়েছিলে, খেয়েছিলি, খেয়েছিলেন, — — খেয়েছিল ( খেইছিলে ইত্যাদি ) » ।
- [১০] « খেয়ে থাকবো » ইত্যাদি ।
- [গ] সাধারণ অনুজ্ঞা—« খাও, খা, খান্, খাক্ » ;  
 ভবিষ্যৎ অনুজ্ঞা—« খেয়ো, খাস্ » ।  
 অসমাপিকা ইত্যাদি—« খেয়ে', খেলে ; খেতে ; খাওস্ত ; খাওয়া, ( খাওন ), খাবা- » ।

### [৫] « শিখ্ » ধাতু—

- [ক] (১) « শিখি ; শেখো, শিখিস্, শেখেন ; শেখে » ।
- (২) « শিখ্লাম ( -লুম, -লেম ) ; শিখ্লে, শিখ্লি, শিখ্লেন ; শিখ্লে ( শিখ্লে ) » ।



- (৩) « শিখ্‌তাম ( -তুম, -তেম ) ; শিখ্‌তে, শিখ্‌তিস, শিখ্‌তেন ; শিখ্‌ত »  
 (৪) « শিখ্‌বো ; শিখ্‌বে » ইত্যাদি ।
- [খ] (৫) « শিখ্‌ছি, শিখ্‌ছে » ইত্যাদি ।  
 (৬) « শিখ্‌ছিলাম » ইত্যাদি ।  
 (৭) « শিখ্‌তে থাক্‌বো » ইত্যাদি ।  
 (৮) « শিখেছি, শিখেছ ( শিখেছো ) » ইত্যাদি ।  
 (৯) « শিখেছিলাম, শিখেছিল » ইত্যাদি ।  
 (১০) « শিখে থাক্‌বো » ইত্যাদি ।
- [গ] সাধারণ অনুজ্ঞা—« শেখো, শেখ্‌, শিখুন, শিখুক » ।  
 ভবিষ্যৎ অনুজ্ঞা—« শিখো, শিখিস্ » ।  
 অসমাপিকা ইত্যাদি—« শিখে, শিখ্‌লে ; শিখ্‌তে ; শেখা, শেখবা- » ।

### [৬] « শুন্ » ধাতু—

- [ক] (১) « শুনি ; শোনো, শুনিস্, শোনেন্ ; শোনে » ।  
 (২) « শুন্‌লাম ( -লুম, -লেম ), শুন্‌লে » ইত্যাদি ; প্রথম পুরুষে « শুন্‌লে » ।  
 (৩) « শুন্‌তাম, শুন্‌ত » ইত্যাদি ।  
 (৪) « শুন্‌বো, শুন্‌বে » ইত্যাদি ।
- [খ] (৫) « শুন্‌ছি, শুন্‌ছে » ইত্যাদি ।  
 (৬) « শুন্‌ছিলুম, শুন্‌ছিলে » ইত্যাদি ।  
 (৯) « শুনেছিলুম শুনছিলাম, শুনেছিল » ইত্যাদি ।  
 (১০) « শুনে থাক্‌বো » ইত্যাদি ।
- [গ] সাধারণ অনুজ্ঞা—« শোনো, শোন, শুন, শুনুক » ।  
 ভবিষ্যৎ অনুজ্ঞা—« শুনো, শুনিস্ » ।  
 অসমাপিকা ইত্যাদি—« শুনে, শুন্‌লে ; শুন্‌তে ; শোনা, শোন্‌বা- » ।

### [৭] « করা » ধাতু—

- [ক] (১) « করাই ; করাও, করাস্, করান ; করায় » ।  
 (২) « করালাম, করালুম, করালেম ; করালে, করালি, করালেন ; করালে » ।  
 (৩) « করাতাম, করাতুম, করাতে, করাত' » ইত্যাদি ।

- (৪) « করাবো, করাবেন, করাবে » ইত্যাদি ।
- [প] (৫) « করাচ্ছি ; করাচ্ছ, করাচ্ছিস্, করাচ্ছেন ; করাচ্ছে » ।
- (৬) « করাচ্ছিলাম, করাচ্ছিলুম, করাচ্ছিলে » ইত্যাদি ।
- (৭) « করাতে থাক্‌বো » ইত্যাদি ।
- (৮) « করিয়েছি, করিয়েছ, করিয়েছিস্ » ইত্যাদি ।
- (৯) « করিয়েছিলুম, করিয়েছিলাম, করিয়েছিলে » ইত্যাদি ।
- (১০) « করিয়ে' থাক্‌বো » ইত্যাদি ।
- [গ] সাধারণ অন্তজ্ঞা—« করাও, করা, করান, করা' » ইত্যাদি ।
- ভবিষ্যৎ অন্তজ্ঞা - « করিয়ে, করাস্ » ।
- অসমাপিকা « করিয়ে, করালে ; করাতে ; করানো, করাবা- » ।

বাঙ্গলা সাধু-ভাষার দাতু-রূপে শ্রেণী-বিভাগের অবকাশ নাই—তুই-এক জায়গায় চলিত-ভাষার প্রভাবের ফলে অল্প একটু-আধটু পরিবর্তন দেখা যায়, এই মাত্র। কিন্তু স্বর-সঙ্গতি, অপিনিহিতি, অভিশ্রুতি ইত্যাদির কার্যের ফলে, চলিত বাঙ্গলাব দাতু-রূপে যে সমস্ত পরিবর্তন ঘটে, সেগুলিকে বিচার করিয়া, চলিত-ভাষার দাতুগুলিকে কতকগুলি শ্রেণীতে ফেলা ঘাইতে পাবে। চলিত-ভাষার দাতু-রূপ, সাধু-ভাষার অপেক্ষা খুব বেশী জটিল ব্যাপার। নিয়ে চলিত-ভাষার দাতু-রূপের গণ বা শ্রেণী প্রদর্শিত হইল। বিভিন্ন কাল ও পুরুষ বিশেষ করিয়া এখানকার নির্দিষ্ট হইল না।

[১] প্রথম গণ—দাতুর স্বর-বর্ণ « অ », ব্যঞ্জনান্ত ; বিভক্তি-প্রত্যয়ের ই-কার লোপে বা ই-কার যোগে স্বর-পরিবর্তন—« অ » স্থলে « ও » ( ই-কার-লোপ-জাত ওকে « অ' » রূপে লেখা হয় ) ।

[১ক] শেষে « ত » -ভিন্ন অন্ত ব্যঞ্জন থাকিলে—

« চল্ » দাতু—পূর্বে দ্রষ্টব্য, পৃষ্ঠা ৩০৬ ।

অনুরূপ দাতু—« কর, কম্, পস্, গড্, ঘস্, চর, চস্, ছল্, জস্, জল্, কর, টল্, ডর, ঢল্, তর,

থক্, ধব্, ধ্বস্, নড়্, পড়্, পশ্, ফস্, বক্, বথ্, বন্, বল্, বস্, ভজ্, ভব্, মব্, মল্, লড়্, স'প্, সর, হট্ » ইত্যাদি।

[২ক] ধাতুর স্বর « অ », অন্ত্য ব্যঞ্জন « হ » ( এই « হ » লুপ্ত হয় )—« ই »-লোপে অ-কার সর্বত্র ও-কারে পরিবর্তিত হয় না।

« কহ্ বা ক' » ধাতু—« কই, কও ক'স [=কোস্], কন, কয়; কইলাম কইলুম, ( ২ক, ৩ক ) কইলে; কইতুম, কইত; কইবো, ( ২ক, ৩ক ) কইবে ( কবে ), ( ২খ ) কইবি ( ক'বি [=কোবি ] ), ( ২গ, ৩খ ) কইবেন; কইছি ক'ছি, কইছ ক'চ্ছ, কইছে, ক'চ্ছে; কইছিলাম ক'ছিলাম, কইছিল ক'ছিল; ক'য়েছি; ক'য়েছিলুম; কও, ক', ক'ন [=কোন্ ], ক'ক্ [=কোক্ ], ক'য়ো [=কোয়ো ], ক'স্ [=কোস্ ]; ক'য়ে, কইলে; কইতে; কওয়া (=কআ < কহা-- র-শ্রুতিতে 'কওয়া ), কইবা- ( কবা- ) »।

অনুরূপ ধাতু—« বহ্ ( ব' ), রহ্ ( র' ), সহ্ ( স' ), দহ্ ( দ' ), মহ্ ( ম' ). হ ( প্রাচীন \*অহ্, হো ), নহ্ ( ন', ন+অহ্ বা হ'—নঞর্থক ধাতু, পরে দ্রষ্টব্য )।

অন্ত্যর্থক হ-ধাতুর বৈশিষ্ট্য আছে--

« হই, হও, হ'স্ [=হোস্], হন, হয়; হ'লাম হ'লুম হ'লেম, হ'লে, হ'লি, হ'লেন, হ'ল [=হোলো ]; হ'তাম, হ'তে, হ'তিস, হ'তেন, হ'ত [=হাতো ]; হবো, হবে, হবি, হবেন, হবে ( 'হবি' ভিন্ন অন্ত্য উচ্চারণে [ হো ] নহে ); হ'ছি, হ'চ্ছে, ইত্যাদি; হ'ছিলাম, হ'ছিল ইত্যাদি; হ'য়েছি, হ'য়েছে ইত্যাদি; হ'য়েছিলাম, হ'য়েছিল ইত্যাদি; হও, হ, হ'ন, হ'ক্ ( হোন্, হোক্ ), হ'য়ো ( হোয়ো ), হ'স্; হ'য়ে, হ'লে; হ'তে; হওয়া, হওন, হবা- »।

« খ ( ক্ষ ) » ধাতু—'ক্ষয় প্রাপ্ত হওয়া'—পূর্বে ইহার অন্তে « হ » না থাকা সত্ত্বেও, ইহা এই গণের অন্তর্ভুক্ত হইয়া গিয়াছে; « খই, খও; খইলাম, খ'লাম, খইল'; খইত'; খইবো \*খবো, খইবে ( খবে ); খ'চ্ছে; খ'ছিল; খ'য়েছে, খ'য়েছিল; খও, খ'ক্; খ'য়ো, খ'স্; খ'য়ে ( ক্ষ'য়ে ), খইলে; খইতে; খওয়া, ( খওন ), খবা- »।

[২] দ্বিতীয় গণ—ধাতুর স্বর-ধ্বনির « আ »। ভবিষ্যতের রূপে ই-কার লোপেও অভিশ্রুতি হয় না; « খাইবে > খাবে »।

[২ ক] স্বরান্ত—

« আ » ধাতু—অসম্পূর্ণ, নিম্নে [ ২গ ]-এর অধীন « আস্ » ধাতু ইহাকে পূরণ করে, তাহা দ্রষ্টব্য ( পৃষ্ঠা ৩১২ )।

« যা [=জা] » ধাতু ( « গ » ধাতুর দ্বারা পুরিত )—« যাই, যাও, যা'স্, যান, যায় ; গেলাম, গেলুম, গেলেম, গেলে, গেলি, গেল ( উচ্চারণে [ গ্যালো ] ) »—অতীতে 'যাইলাম' প্রভৃতি রূপের বিকারে, 'যেলাম, যেলি, যেল' প্রভৃতি রূপ চলিত-ভাষায় অজ্ঞাত ; যেতাম, যেতুম ; যাবো ; যাচ্ছি ; যাচ্ছিলাম ; যেতে থাক্‌বো ; গিয়েছিলাম ( 'যেয়েছিলাম' প্রভৃতি অজ্ঞাত ) ; গিয়ে থাক্‌বো ( যেয়ে থাক্‌বো ) ; যাও, যা, যান্, যাক্ ; যেয়ো, যা'স্ ; গিয়ে ( কচিং 'যেয়ে' ), গেলে ( 'যেলে' চলিত-ভাষায় মিলে না ) ; যেতে ; যাওয়া, ( যাওন ), যাবা- » ।

অনুরূপ ধাতু—« দা ( পা-এর অনুরূপ বা প্রতিধ্বনি ধাতু—খাওয়া-দাওয়া ), পা, ধা ( = 'দৌড়ানো'—অতীতে 'ধাইল' হইবে ) -চলিত-ভাষায় সমস্ত রূপ মিলে না—[ ১ ] ( ৩ক ) « ধায় », আত্মনিষ্ঠ অসমাপিকা « ধেয়ে », ক্রিয়া-বাচক বিশেষ্য « ধাওয়া »—এই কয়টি রূপ মাত্র প্রচলিত ।

[ ২খ ] অন্ত্য হ-কারের লোপে, আধুনিক বাঙ্গালায় আকারান্ত, প্রাচীন বাঙ্গালায় হ-কারান্ত ;

যথা—« গা ( গাহ্ ধাতু ), চা ( চাহ্ ), বা ( বাহ্ ), না ( নাহ্ ) » । এই ধাতুগুলিতে নিত্য অতীতে ও পুরানিত্যবৃত্ত অতীতে এবং « ইলে »-প্রত্যয়-যুক্ত অসমাপিকা ক্রিয়ায়, « -ইতে »-প্রত্যয়-যুক্ত ক্রিয়া-বাচক বিশেষণে, তথা « -ইবা »-প্রত্যয়-যুক্ত ক্রিয়া-বাচক বিশেষ্যে, ই-কারের লোপ হয় না—লোপ যদিও-বা করা হয়, আ-কারের অভিশ্রুতি হয় না ; যথা—« ( ১ ) গাই, গাও, গা'স্ গান্, গায় ( < গাহি, গাহ, গাহিস্, গাহে ইত্যাদি ) ; ( ২ ) গাইলাম গাইলুম গাইলেম, গাইলে, গাইলি, গাইলেন, গাইলে ( < গাইলাম ইত্যাদি ; 'গেলুম, গেলে, গেলি' ইত্যাদি রূপ হয় না ) ; ( ৩ ) গাইতাম, গাইত ( 'গেতাম, গের্ত' ইত্যাদি নহে ) ; ( ৪ ) গাইবো, গাইবে ( 'গেবো, গেবে' নহে ) ; ( ৫ ) গাইছি বা গাচ্ছি, গাইছে বা গাচ্ছে . ( ৬ ) গাইছিলাম, গাচ্ছিলাম ইত্যাদি ; ( ৭ ) গাইতে + থাক্‌বো ইত্যাদি ; ( ৮ ) গেয়েছি, গেয়েছে ; ( ৯ ) গেয়েছিলাম, গেয়েছিল ; ( ১০ ) গেয়ে + থাক্‌বো ; ইত্যাদি ; অনুরূপ—গাও, গা, গান্, গাক্ ; গেয়ো, গা'স্ ; গেয়ে, গাইলে ( 'গেলে' নহে ) ; গাইতে ( 'গেতে' নহে ) ; গাওয়া, গাইবা- বা গাবা- » ।

« গেতে, চেতে, নেতে, গেলে ( 'গাইতে, যাইতে, নাইতে, গাইলে' স্থলে ) » চলিত-ভাষায় অনুরূপ রূপ । অন্ত্য কয়টি ধাতুতে এই রীতিতেই কাল প্রভৃতির রূপ হয় ।

« ছা » ধাতু ( আচ্ছাদন করা ) মূলে হ-কারান্ত না হইলেও, এই শ্রেণীর মধ্যে আদিয়াছে ।

[ ২গ ] ধাতুর স্বর « আ », শেষে কোনও ব্যঞ্জন—



ভাষায় ও কথ্য চলিত-ভাষায় অপ্রচল। এই ধাতু দুইটীতে স্বর-সঙ্গতি হয় না—  
ধাতুর স্বর-ধ্বনি ই-কারের এ-কারে পরিবর্তন হয় না।

« জী » ধাতু—‘প্রাণধারণ করা’—« জীই, জীয়ে; জীলাম, জীল’; জীবো জীবে; অনুজ্ঞা—জীও  
( কেহ ঠাটিলে, মধ্যম পুরুষের সাধারণ কপ ‘জীও’ স্থলে ‘জীবো’ বলে ) জীউন, জীউক; জীয়ে,  
জীলে; জীতে; ‘জীওন-কাঠি’; জীবা- »।

« পি » ধাতু—‘পান করা’—« পিই, পিযে; পিলে, পিল’; পিবো; অনুজ্ঞা—পি, পিও  
পিউন, পিউক; পিয়ে, পিলে; পিতে; পিবা- »।

[ ৩খ ] ব্যঞ্জনান্ত ই-ধ্বনি যুক্ত—

এই শ্রেণীর ধাতুর কপ পূর্বে প্রদর্শিত হইয়াছে: « শিগ » ধাতু ( পৃষ্ঠা ৩০৭—৩০৮ )।  
অনুরূপ ধাতু—« কিন, গিল, চিন, চিব, ছিঁড়, ডিত, টিক, টিপ, নিব, পিজ, পিট, পিষ, ফির,  
বিঁধ, ভিগ, ভিড, মিল, মিশ, মিথ »।

[ ৪ ] চতুর্থ গণ—ধাতুর স্বর-ধ্বনি « এ »—

স্বর-সঙ্গতি ও অভিশ্রুতি-দ্বারা « এ »-কারের « ই » ও « ঞা »-তে পরিবর্তন হয়।

[ ৪ক ] স্বরান্ত—দুইটী ধাতু, « দে » ও « নে »।

« দে » ধাতু—« দেই দিই, ( দেও > ছাও > , দাও, দিস্, দিন, দেয় [= দ্যায ]; দিলাম,  
দিলুম দিলেম, দিলে দিল দিলেন, দিলে; দিতাম দিতুম দিতেম, দিতে দিতিস্, দিতেন, দিত;  
দেবো, দেবে দিবি দেবেন, দেবে . দিচ্ছি, দিচ্ছ, দিচ্ছে; দিচ্ছিলাম দিচ্ছিলুম দিচ্ছিলেম, দিচ্ছিল;  
দিতে থাক্বো; দিয়েছি, দিয়েছে; দিয়েছিলুম, দিয়েছিল; দিয়ে থাক্বো; দাও, দে, দিন, দিক্;  
দিয়ে, দিস্; দিয়ে, দিলে; দিতে, দেওয়া, দেবা- »।

[ ৪খ ] ব্যঞ্জনান্ত—

« খেল » ধাতু—« খেলি, খেল [= খ্যালো ] খেলিস্ খেলেন, খেলে [= খ্যালে ]; খেললাম,  
খেললে খেল্লি, খেল্লে; খেলতুম, খেল্তিস্, খেল্ত; খেল্বো, খেল্বে; খেল্ছি, খেল্ছ  
খেল্ছে; খেল্ছিলাম, খেল্ছিল; খেল্তে থাক্বো; খেলেছি, খেলেছে; খেলেছিলুম, খেলেছিল;  
খেলে থাক্বো; খেল [= খ্যালো ], খেল্ [= খ্যাল্ ], খেলুন, খেলুক্; খেলো, খেলিস্; খেলে,  
খেলে; খেলতে; খেলা, খেলবা- »।

অনুরূপ ধাতু—« এড়, খেপ্ ( ক্ষেপ্ ), ঘেঁষ, ঠেল, লেপ, ফেলু. ষ্কে, বেড়, মেল, সেক,  
হেল »।

[৫] পঞ্চম গণ—ধাতুর স্বর-ধ্বনি « উ »—

[৫ক] স্বরান্ত—

একটি মাত্র ধাতু—« উ » (=‘উদ্ভিত হওয়া’,—কবিতার ভাষায় মিলে), অসম্পূর্ণ ধাতু, চলিত-ভাষায় অব্যবহৃত : « উয়ে ; উইল » ইত্যাদি ।

« চু » ধাতু ও « ছ ( < ছহ্ ) » ধাতু এই শ্রেণীতে পড়ে, কিন্তু এই দুইটির রূপ [৬ক]-র মত হয়—কাৰ্যতঃ এই দুইটীও ও-কার-যুক্ত ধাতু হইয়া দাঁড়াইয়াছে ।

[৫খ] ব্যঞ্জনান্ত—স্বরসঙ্গতি হেতু উ-কারের ও-কারে পরিবর্তন হয় ।

« শুন্ » ধাতুর রূপ স্রষ্টব্য ( পূর্বে, পৃষ্ঠা ৩০৮ ) ।

অনুরূপ ধাতু—« উঠ, উড়, উব, কুট, খুঁজ, খুল, গুণ, ঘুৰ, চুক, চুষ, ছুট, ছুঁড়, ঝুঁক, ঠুক, ডুঘ, ঢুক, তুল, দুল, ধুন, পুছ, পুত, পুর, ফুল, বুক, বন, মুড়, যুক, লুট, শুধ, শুঁক » ।

[৬] ষষ্ঠ গণ—ধাতুর স্বর ও-কার ; এই ও-কারের উ-কারে পরিবর্তন হয় ।

[৬ক] স্বরান্ত ধাতু—

ছোঁ, খো ( চলিত-ভাষায় তাদৃশ প্রচলিত নাহ ), ধো, রো, শো ; ধো, নো : চো ( সাধারণতঃ ব্যবহৃত হয় না ) » ।

ছুঁই, ছোঁও, ছুঁস, ছোঁন, ছোঁয় ; ছুঁলাম ছুঁলুম, ছুঁলে ; ছুঁতুম ছুঁতেম ছুঁতাম, ছুঁত' ; ছোঁবো, ছুঁবি, ছোঁবে : ছুঁচ্ছি ; ছুঁচ্ছিলাম ; ছুঁয়েছে : ছুঁয়েছিল ; ছোঁও, ছোঁ, ছুঁন, ছুঁক, ছুঁয়ো, ছুঁস্ ; ছুঁয়ে, ছুঁলে ; ছুঁতে ; ছোঁয়া, ছোঁবা- » ।

« রো, দো, নো, চো » এই কয়টি ধাতুতে, নিত্য অতীতে, সামান্য ভবিষ্যতে, « ইলে » -প্রত্যয়ান্ত ক্রিয়া-বাচক বিশেষণে, « ইবা »-প্রত্যয়ান্ত ক্রিয়া-বাচক বিশেষ্যে, প্রত্যয়ের ই-কাব সাধারণতঃ লুপ্ত হয় না : যথা—« রইলে, দুইত, দুইবে, দুইছে ( কচিং ‘দুচ্ছে’ ), দুইলে, চুইছে ( কচিং ‘চুচ্ছে’ ), দুইবার, দুইবা-মাত্র » ।

[৬খ] ব্যঞ্জনান্ত—

এই শ্রেণীর ধাতু এখন [৫খ]-এর সহিত অভিন্ন হইয়া গিয়াছে । কতকগুলি সংস্কৃত ধাতু ও নাম-ধাতু, যোগলিতে ও-কার পাওয়া যায়, বাঙ্গালার কাৰ্যতঃ উ-কার-যুক্ত ধাতু হইয়া দাঁড়াইয়াছে ; যথা—« রোষ > রুষ, রোধ > রুধ, রোখ > রুখ, জোঁথ > জুঁথ, রোপ > রুপ, দোষ > দুষ, জোত > জুত, ভোগ > ভুগ, ভোল > ভুল, ভোষ > ভুষ, পোঁছ > পুঁছ, পোষ > পুষ » ইত্যাদি ।

[৭] সপ্তম গণ—« -আ » প্রত্যয়ান্ত নিজন্ত ও নাম-ধাতু ।

[৭ক] মূল ধাতুর স্বর « অ » : স্বর-সঙ্গতি ও অভিশ্রুতি দ্বারা এই « অ », ঙ-কারে পরিবর্তিত হয় ।

[৭কা১] মূল ধাতুতে স্বর-বর্ণ অ + একটী ব্যঞ্জন :

পূর্বে « করা » ধাতুর রূপ দ্রষ্টব্য ( পৃষ্ঠা ৩০৮—৩০৯ ) ।

অনুরূপ ধাতু—« চলা, খসা, কষা, ধরা, মরা, গড়া, ঘষা, ঝরা, ফলা, যওয়া, সওয়া » ইত্যাদি ।

[৭কা২] মূল ধাতুতে স্বর-বর্ণ অ + দুইটী ব্যঞ্জন :

এই প্রকার ধাতুর রূপ [৭কা১]-এর অন্তর্গত ধাতুরই মত হয়, কেবল আকৃষ্টিত অসমাপিকায় « ইয়া » প্রত্যয়ের « ই », যাহা [৭কা১] শ্রেণীর ধাতুতে লুপ্ত হয় না, তাহা বিকল্পে এই শ্রেণীতে লুপ্ত হয়, এবং তদনুসারে পুরাঘটিত কালগুলিতেও ই-কার হয় না ; যথা—[৭কা১] শ্রেণীর « নড়া » ধাতু—« নড়িয়ে, নড়িয়েছে, নড়িয়েছিল, নড়িয়ে' থাকবে » ; « ফলা » ধাতু—« ফলিয়ে, ফলিয়েছে, ফলিয়েছিল, ফলিয়ে' থাকবে » ; কিন্তু এই [৭কা২] শ্রেণীর « ধম্কা » ধাতু—« ধমকিয়ে' বা ধ'ম্কে : ধমকিয়েছে বা ধ'ম্কেছে, ধমকিয়েছিল বা ধ'ম্কেছিল ; ধ'ম্কে থাকবে », ভবিষ্যৎ অনুক্তা—« ধ'ম'কিয়ে বা ধ'ম'কো » ইত্যাদি ।

অনুরূপ ধাতু—« অর্শা, কচ্টা, কড্কা, কব্লা, গর্জা ( গর্জা ), খণ্ডা, ঘষটা, চম্কা, চল্কা, ছট্কা, ঝল্কা, টপ্কা, তর্জা, খম্কা, দংশা, দর্শা, নর্মা, পস্তা ( পছতা ), বদলা, শুড্কা, মচকা, রগ্ড়া, সম্ঝা, হড্কা » ।

[৭খ] মূল ধাতুর স্বর « আ » । ধাতুতে « ওয়া [= রা, wā ] » থাকিলে, প্রত্যয়ের ই-কারের পূর্বে « ওয় [= র, w ] » ধ্বনির লোপ হয় । সর্বত্র ইহাই সাধারণ নিয়ম ।

[৭খা১] মূল ধাতুর আ-কারের পরে একটীমাত্র ব্যঞ্জন—

« আঁকা » ধাতু—« আঁকায় ; আঁকালে ; আঁকাবে ; আঁকাত' ; আঁকাচ্ছে ; আঁকাচ্ছিল ; আঁকাতে থাকবে ; আঁকিয়েছে ; আঁকিয়েছিল ; আঁকিয়ে' থাকবে ; আঁকাও, আঁকা, আঁকান্, আঁকাক্ ; আঁকিও, আঁকাস্ ; আঁকিয়ে, আঁকালে ; আঁকাবে, আঁকানো, আঁকাব:- » । •

অনুরূপ ধাতু—« আঁচা, আনা, কাচা, কাটা, কাড়া, কাঁদা, কাঁপা, কামা, খাটা, ঘাঁটা, ঘামা, চাপা, ছাড়া, ছাপা, জাগা, জানা, ঝাড়া, টাঙা, ডাকা, তাকা, ভাড়া, থামা, দাবা, নাচা, নামা, পাওয়া, পাঠা, পারা, ফাটা, বাজা, বাঁধা, ভাঙা, মাথা, মাগা, মাতা, রাগা, লাগা, লাফা, শানা, সাজা, হাঁফা » ।





ও প্রথম পুরুষে গৌরবে « শিখোন » এবং প্রথম পুরুষে « শিখোক্ » অতিরিক্ত): শিখিয়ে', শিখোলে ( শিখুলে ), শিখোতে ( শিখুতে ); শিখোনো ( শিখুনো ), শিখোবা- » ।

অনুরূপ ধাতু—« কিলা, গিলা, চিতা, ছিটা, জীয়া, জিরা, কিমা, টিপা, খিতা, নিকা, নিড়া, নিতা, পিছা, পিটা, ফিরা, বিকা, বিঁধা, বিনা, বিয়া, বিলা, বিয়া, ভিজা, ভিড়া, মিটা, মিষা, মিলা, মিশা, লিখা, সিখা » ।

[৭াগা২] মূল ধাতুর « ই, ঈ »-র পরে দুইটী ব্যঞ্জন—

« নিংড়া » ধাতু—প্রথম রূপ—« আ »-প্রত্যয় « নেংড়াই, নেংড়াষ : নেংড়ালুম, নেংড়ালে : নেংড়াত' ; নেংড়াবো ; নেংড়াছি ; নেংড়াছিল : নেংড়াতে থাক্‌বো ; নিংড়িয়েছি নিংড়েছি ; নিংড়িয়েছিলুম নিংড়েছিলুম ; নিংড়ে' থাক্‌বো ; নেংড়াও, নেংড়া, নেংড়ান্, নেংড়াক ; নিংড়িয়ে নিংড়ো, নেংড়ান্ ; নিংড়িয়ে' নিংড়ে', নেংড়ালে ; নেংড়াতে, নেংড়ানো, নেংড়াবা- » ।

দ্বিতীয় রূপ—বিজন্ত « ও (উ) » প্রত্যয়—« নিংড়োই (নিংড়ুই), নিংড়োয় ; নিংড়োলুম ( নিংড়ুলুম ); নিংড়োতিস্ ( নিংড়ুতিস্ ), নিংড়োত' ( নিংড়ুত' ); নিংড়োবে ( নিংড়ুবে ); নিংড়োছি ( নিংড়ুছি ), নিংড়োছে ( নিংড়ুছে ); নিংড়োছিলুম ( নিংড়ুছিলুম ); নিংড়োতে ( নিংড়ুতে ) থাক্‌বো ; নিংড়িয়েছি, নিংড়েছি ; নিংড়িয়েছিল, নিংড়েছিল ; নিংড়োতে ( নিংড়ুতে ), নিংড়োনো ( নিংড়ুনো ), নিংড়াবা- ( নিংড়ুবা- ) » ।

অনুরূপ ক্রিয়া—« চিপ্‌টা, চিম্‌টা, ছিট্‌কা, ঠিক্‌রা, পিছ্‌লা, তিষ্ঠা, বিগ্‌ড়া, শিউরা, সিঁট্‌কা » ।

[৭াঘ] মূল ধাতুর স্বর « উ, উ »—

ই-কার যুক্ত ধাতুর অনুরূপ—স্বর-সঙ্গতি « ই, এ » স্থলে « উ, ও » হয় ।

[৭াঘা১] মূল ধাতুতে স্বরবর্ণের পরে একটী ব্যঞ্জন—

প্রথম রূপ—« আ »-প্রত্যয়—« উঠা » ধাতু—« ওঠাই, ওঠায় ; ওঠালুম, ওঠালে : ওঠাত' ; ওঠাবো ; ওঠাছি ; ওঠাছিল ; ওঠাতে থাক্‌বে ; উঠিয়েছি উঠিয়েছিলেন ; উঠিয়ে' থাক্‌বে ; ওঠাও, ওঠা, ওঠান্, ওঠাক্ ; উঠিয়ে, ওঠান্ ; উঠিয়ে', ওঠালে ; ওঠাতে ; ওঠানো, ওঠাবা- » ।

সাধারণতঃ এই ধাতুকে « উঠায়, উঠান্, উঠাল' » ইত্যাদি উ-কারাদি রূপে লিখিত হয়—আজ « উ »-র স্বর-সঙ্গতি-জাত « ও »-কারে পরিবর্তন, সাধারণতঃ নির্দিষ্ট করা হয় না ।

দ্বিতীয় রূপ—« ও (উ) »-প্রত্যয়-যুক্ত : « উঠোই ( উঠুই ), উঠোয় ; উঠোলে ( উঠুলে ); উঠোতিস্ ( উঠুতিস্ ), উঠোত' ( উঠুত' ); উঠোবো ( উঠুবো ); উঠোছি ( উঠুছি ); উঠোছিলেন, ( উঠুছিলেন ); উঠোতে ( উঠুতে ) থাক্‌বো ; উঠিয়েছি ইত্যাদি ( পূর্বাঘটিত কালগুলি এই শ্রেণীর

প্রথম রূপের মত ) ; উঠাও, উঠা, উঠান, উঠাক্ ; উঠিয়ে, উঠাস্ ; উঠিয়ে', উঠালে ( উঠলে ) ; উঠাতে ( উঠতে ) ; উঠানো ( উঠানো ) ; উঠাবা- » ।

অনুরূপ ধাতু—« উড়া, কুটা, কুলা, গুহা, গুড়া, গুঁড়া, গুঁতা, ঘুটা, ঘুমা, ঘুরা, চুকা, চুবা, চুয়া, ছুটা, জুটা, জুড়া, জুতা, ঝুলা, ঝুকা, চুকা, ঢুলা, ঢুলা, পুড়া, পুরা, ফুটা, ফুলা, বুজা, ঝুঝা, বুড়া, ভুগা, মুহা, লুকা, শুখা, শুঁকা, শুধা, শুনা » ।

[৭৬] মূল ধাতুর পরে একাধিক ব্যঞ্জন—

« শুধ্ৰা » ধাতু—প্রথম রূপ ( « আ » )—« শোধ্ৰাই ( শুধরাই ), শোধ্ৰালুম শোধরাবো, শোধ্ৰাচ্ছি, শোধ্ৰাচ্ছিলুম ; শুধ্ৰিয়েছি বা শুধ্ৰেছি ; শুধ্ৰিয়ে' বা শুধ্ৰে', শোধ্ৰালে ; শোধ্ৰাও শোধ্ৰা, শোধ্ৰাক্, শুধ্ৰিয়ে বা শুধ্ৰো, শোধ্ৰাস্ ; শোধ্ৰাতে ; শোধ্ৰানো, শোধ্ৰাবা- » ।

দ্বিতীয় রূপ ( « ও (উ) » )—« শুধ্ৰোই ( শুধ্ৰুই ) ; শুধ্ৰোলুম ( শুধ্ৰুলুম ) ; শুধ্ৰোচ্ছে ( শুধ্ৰুচ্ছে ) ; শুধ্ৰোচ্ছিলুম ( শুধ্ৰুচ্ছিলুম ) ; শুধ্ৰোতে ( শুধ্ৰুতে ) থাকবো ; শুধ্ৰিয়েছি, শুধ্ৰেছি ; শুধ্ৰেছিলুম ; শুধ্ৰিয়ে' বা শুধ্ৰে' থাকবো ; শুধ্ৰোনো ( শুধ্ৰুনো ), শুধ্ৰোবা- » ।

অনুরূপ ধাতু—« উতরা, উগরা, উখলা, উপচা, উপড়া, উলটা, উমকা, গুজরা, গুমসা, চুপসা, চুলকা, জুবড়া, ডুকরা, তুবড়া, হুমড়া, ফুকরা, ফুসলা, মুচড়া » ।

[৭৬] মূল ধাতুর স্বর « এ »—

এই শ্রেণীর ধাতুতে « আ »-প্রত্যয়ই চলে—কেবল কতকগুলি মাত্র ধাতুতে সর্বদা « ও » হয়। ধাতুর « এ »-কারের উচ্চারণ, স্বর-সঙ্গতি-অনুসারে « অ্যা » হয়। এক-ব্যঞ্জনান্ত ও একাধিক-ব্যঞ্জনান্ত এই শ্রেণীর তাবৎ ধাতুরই রূপ এক প্রকার—কেবল আত্মনিষ্ঠ অসমাপিকা ক্রিয়ায়, একাধিক-ব্যঞ্জনান্ত ধাতুতে « ইয়া »-প্রত্যয়ের « ই »-ধ্বনি, বিকল্পে লুপ্ত হয় ; যথা — ৬

« এড়া » ধাতু—« এড়াই, এড়ায় ; এড়ালুম, এড়ালে ; এড়াতুম, এড়াত' ; এড়াবো ; এড়াচ্ছে ; এড়াচ্ছিল ; এড়াতে থাকবো ; এড়িয়েছে ; এড়িয়েছিল ; এড়িয়ে' থাকবে ; এড়াও, এড়া, এড়াক , এড়িয়ে, এড়াস্ ; এড়িয়ে', এড়ালে ; এড়াতে ; এড়ানো, এড়াবা- » ।

« পেঁতলা » ধাতু—« পেঁতলায় ; পেঁতলালে ; পেঁতলাতাম ; পেঁতলাবে ; পেঁতলাচ্ছে ; পেঁতলাচ্ছিল ; পেঁতলিয়েছে বা পেঁতলেছে, পেঁতলিয়েছিল বা পেঁতলেছিল ; পেঁতলাও ; পেঁতলিয়ে পেঁতলো ; পেঁতলিয়ে' পেঁতলে, পেঁতলালে ; পেঁতলানো, পেঁতলাবা- » ।

অনুরূপ ধাতু—« এলা, খেদা, খেপা, খেলা, গেঁড়া, চেঁচা, চেনা, চেরা, ঠেঁড়া, দেওয়া, নেওয়া, ফেটা, ফেনা, বেড়া, ভেঁড়া, ভেঁজা, লেলা, হেলা ; গেঁচকা, নেংচা, ভেঁচা, খেদড়া, ভেঁস্তা, লেপটা » । এই ধাতুগুলির মধ্যে আবার কতকটি « ও »-প্রত্যয়ের-ও ব্যবহার দেখা যায়, কিন্তু

তাহা অনুকরণ- বা প্রভাব-ক্রান্ত ; যেমন—« ভেজাচ্ছে ভিজোচ্ছে, ভিজুচ্ছে ; এলালে এলোলে, এলুলে ; চেতাচ্ছে চিতাচ্ছেচিতুচ্ছে ; হেদায় হেদোয় » ইত্যাদি । কিন্তু এই ধাতুগুলি বাস্তবিক « আ »-প্রত্যয়ই গ্রহণ করে ।

« এগা ( < আইগুয়া, আগুয়া ), এলা ( < আইলুয়া, আউলুয়া ), পেরা ( পার হাওয়া—পারা-র বিকারে ), বেরা ( < বাইরা, বাহিরা ) »—এই করণী ধাতুতে সমস্ত রূপে গিজন্ত প্রত্যয় « ও »-ই ব্যবহৃত হয় । « ও »-প্রত্যয়ে, ধাতুর এ-কারের আ-উচ্চারণ হয় না ; যথা—« এগোই ( এগুই ), এগোয় ; এগোল', এগুল' ( প্রথম পুরুষ ), এগোচ্ছে এগুচ্ছে, এগোতে এগুতে ( 'এগায়, এগাল', এগাচ্ছে এগাতে' প্রভৃতি নহে ) ; এলোয়, এলোলে ( 'এলালে'—কবিতায়, সাহিত্যিক ও মৌখিক রূপের মিশ্রণের ফল ) ; বেরোয়, বেরোল' ; পেরোয়, পেরিয়েছিল » ইত্যাদি ।

[ ৭৮ ] ধাতুতে স্বর-ধ্বনি « ও » —কার্যতঃ এই শ্রেণী [ ৭ঘ ]-এর সহিত অভিন্ন হইয়া গিয়াছে ।

গিজন্ত « আ » এবং « ও »-প্রত্যয়-ভেদে, দুই প্রকার রূপই হয় ।

[ ৭৮১ ] ধাতুর স্বরের পরে একটি ব্যঞ্জন—

« ঘোলা » ধাতু—

প্রথম রূপ—« ঘোলায়, ঘোলালে, ঘোলাবে, ঘোলাত', ঘোলাচ্ছে, ঘোলাচ্ছিল, ঘুলিয়েছে, ঘুলিয়েছিল ; ঘোলাও, ঘোলা, ঘোলাক্, ঘুলিয়ে, ঘোলাস্ ; ঘুলিয়ে', ঘোলালে ; ঘোলাতে ; ঘোলানো, ঘোলাবা- » ।

দ্বিতীয় রূপ —« ঘুলোই ( ঘুলুই ), ঘুলোয় ; ঘুলোলে ( ঘুলুলে ) ; ঘুলোরো ( ঘুলুবো ), ঘুলোচ্ছে ( ঘুলুচ্ছে ) ; ঘুলিয়েছে ; ঘুলোও ঘুলো, ঘুলোক্ ( ঘুলুক্ ), ঘুলিয়ে, ঘুলোস্ ( ঘুলুস্ ) ; ঘুলিয়ে', ঘুলোলে ( ঘুলুলে ) ; ঘুলোতে ( ঘুলুতে ) ; ঘুলোনো ( ঘুলুনো ), ঘুলোবা- ( ঘুলুবা- । » ।

অনুরূপ ধাতু — « দোলা, ঝোলা, কোঁচা, গোঁচা, শোঁকা, পোঁছা, চোকা » ইত্যাদি ।

[ ৭৮২ ] বহুব্যঞ্জনান্ত—

« ঠোকরা » ধাতু—

প্রথম রূপ—« ঠোকরায়, ঠোকরালে, ঠোকরাবে, ঠোকরাচ্ছে, ঠুক্‌রিষেছে বা ঠুক্‌রেছে ; ঠোকরাও ঠোকরা ঠুক্‌রিয়ে ; ঠুক্‌রিয়ে' বা ঠুক্‌রে', ঠোকরালে ; ঠোকরাতে ; ঠোকরানো, ঠোকরাবা- » ।

দ্বিতীয় রূপ—« ঠুক্‌রোই ( ঠুক্‌ক্‌ই ), ঠুক্‌রোয় ; ঠুক্‌রোলে ( ঠুক্‌ক্‌লে ), ঠুক্‌রোবে ( ঠুক্‌ক্‌বে ) ;

ঠুক্‌রোচ্ছে ( ঠুক্‌রুচ্ছে ), ঠুক্‌রিয়েছে ঠুক্‌রেছে ; ঠুক্‌রিয়ে' ঠুক্‌রে; ঠুক্‌রোলে ( ঠুক্‌রলে' ), ঠুক্‌রোতে ( ঠুক্‌রতে ); ঠুক্‌রোনো, ঠুক্‌রোবা » ।

অনুরূপ ধাতু—« জোব্‌ড়া, কোদ্‌না, মোচ্‌ড়া কোচ্‌ড়া, কোচ্‌কা, ছোব্‌লা » ।

[৭ছ] মূল ধাতুর স্বরধ্বনি « ঔ »—« দৌড়া, পৌছা »—

এই দুই ধাতু সাধারণতঃ অগিজন্ত অর্থে ব্যবহৃত হয়, যদিও এ দুইটির রূপ গিজন্ত : « পৌছা » ( সাধু-ভাষায় « পছঁছা » ) গিজন্ত অর্থেও ব্যবহৃত হয় । ( সাধু-ভাষায় অনুরূপ ধাতু « তোলা » - চলিত-ভাষায় তাদৃশ প্রচলিত নহে ) ।

প্রথম রূপ « আ »—« দৌড়ায়, দৌড়ালাম, দৌড়াত', দৌড়াবে ; দৌড়াচ্ছে, দৌড়াচ্ছিল, দৌড়েছে, দৌড়েছিল ; দৌড়াও, দৌড়া, দৌড়াক্ ; দৌড়িয়ে' বা দৌড়ে', দৌড়ালে ; দৌড়াতে, দৌড়ানো, দৌড়াবা- » । এই « আ »-যুক্ত রূপ, কথ্য চলিত-ভাষায় অধিক ব্যবহৃত হয় না ।

দ্বিতীয় রূপ—« ও, উ »—« দৌড়েই, দৌডই, দৌডুই ; দৌড়োলাম, দৌড়ুলুম ; দৌড়োতে দৌড়তে দৌড়ুতে ; দৌড়োবো দৌড়বো দৌড়ুবো ; দৌড়োচ্ছে দৌড়ুচ্ছে, দৌড়োচ্ছিল দৌড়ুচ্ছিল ; দৌড়িয়েছে, দৌড়েছে ; দৌড়িয়েছিল, দৌড়েছিল ; দৌড়াও, দৌড়া, দৌড়াক্ ; দৌড়িয়ে' দৌড়ে', দৌড়ালে ; দৌড়োতে ; দৌড়োনো দৌড়া'না, দৌড়া'বা- দৌড়োবা- » ।

## সাধু ও চলিত মিশ্র ধাতু-রূপ

চলিত-ভাষার প্রভাব সাধু-ভাষার উপরে, অর্থাৎ কথ্য ভাষার প্রভাব লিপিত ভাষার উপরে, সর্বদেশে সর্ব কালে ঘটিয়া থাকে । ইহার প্রভাবে, লেখকগণ অনবধান হইয়া, অথবা সুবিধা-জনক মনে করিয়া ( বিশেষতঃ কবিতায় ), সাধু- ও চলিত-ভাষার মিশ্রিত ক্রিয়া-পদ ব্যবহার করিয়া থাকেন । বাঙ্গালা ভাষাতে প্রাচীন কাল হইতেই এই রূপটী দেখা যায় । বস্তুতঃ, বাঙ্গালা সাধু-ভাষায় স্বর-সঙ্গতি ও অভিশ্রুতির ফল-স্বরূপ, বহু ক্রিয়ার ও অস্ত্রবিধ পদের রূপ, সাধু-ভাষার উপরে চলিত-ভাষার প্রভাবেই ঘটিয়াছে । ছাত্রগণের এ বিষয়ে অবহিত হওয়া উচিত ; শুদ্ধ-ভাবে, সাধু অথবা চলিত, একটী রীতি নিয়মিত রূপে অবলম্বন করা উচিত ; একই রচনার মধ্যে কোনও-কোনও পদ সাধু-ভাষার, আবার কোনও পদ নিছক চলিত-ভাষার হইলে, অসঙ্গতি-দোষ হয় । আবার গুণ ও পুণ উভয় প্রকার রচনায় এমন কতকগুলি রূপ পাওয়া যায়, যাহা না সাধু-ভাষার না চলিত-

ভাষার—উভয়ের মিশ্রণ-জাত; এগুলিকেও বর্জন করা উচিত। ছন্দের অমুরোধে, ভাষার ঝঙ্কারের অমুরোধে, কবিতায় এই প্রকার মিশ্র-রূপ চলিতে পারে, কিন্তু গণ্ডে কদাচ নহে। কতকগুলি উদাহরণ—

বর্তমান বতমান ও অতীত—« হইতেছে + হ'চ্ছে = হ'তেছে; করিতেছিল + ক'রছিল = ক'রতেছিল; পাইতেছে + পাচ্ছে + পেতে (< পাইতে) = পেতেছে; খাইতেছে + খেতে + খাচ্ছে = খেতেছে; আসিতেছিল + আসছিল = আসিতেছিল »; পুরাঘটিত বতমান ও অতীত— « আউলাইয়াছে + এলিয়েছে = এলায়েছে; গিয়াছে + যাইয়াছে + য়ে = য়েয়েছে; বাহিরিয়াছিল + বেরিয়েছিল = বারাইয়াছিল »।

কতকগুলি প্রয়োগ ( মিশ্রণের ফল ) যথা—« নিয়া আসিবার », শুদ্ধ রূপ « লইয়া আসিবার »; চলিত-ভাষায় « ল'য়ে এসো » শুদ্ধরূপ « নিয়ে এনো »; « আসলেন », শুদ্ধ চলিত রূপ « এলেন »; ইত্যাদি।

### নঞর্থক ধাতু (Negative Verbs)

অস্তিত্ব-বাচক, ( অর্থাৎ 'আছে' এই অর্থে ) « হ » ধাতুর পূর্বে নঞর্থক ( অর্থাৎ 'না' বা 'নাই' এই ভাব প্রকাশক ) « ন » শব্দের যোগে, « নহ্ » ধাতু ( চলিত-ভাষায় « ন' » ) হয়। এই ধাতুর রূপ—

সাধু-ভাষা	চলিত-ভাষা
নিত্য বতমানে—	
১। « নহি, নই »	« নই »
২ক। « নহও, নহো, নহ, নও »	« নও »
২খ। « নহিস্, নইস্ »	« ন'স্ »
২গ, ৩গ। « নহেন, নন্ »	« নন্ »
৩ক। « নহে, নয় »	« নয় »।

অন্য কালে ইহার প্রয়োগ নাই। অসমাপিকা—« নহিলে, নইলে »।

এতদ্ভিন্ন অব্যয়-শব্দ « নাই » আছে। ইহা তিন পুরুষেই প্রযুক্ত হয়। পুরাতন সাধু-ভাষার রচনায় ও কবিতায় « নাহি » এবং « নাহিক » রূপ পাওয়া যায়—ইহা « নাই »-এর পূর্ব রূপ। « নাই »-এর চলিত-ভাষার রূপ « নেই », এবং ক্রিয়ার পরে আসিলে চলিত-ভাষার এই

« নেই » আরও সংক্ষিপ্ত হইয়া « নি » আকার ধারণ করে; যেমন—  
 « সে আইসে নাই—(চলিত-ভাষায়) সে আসে নি; আমি করি নাই—  
 (চলিত-ভাষায়) আমি করি নি »। এই « নাই, নি » অব্যয়-পদ,  
 বর্তমান ক্রিয়ার পরে বসিয়া তাহাকে অতীতের ক্রিয়া করিয়া দেয়;  
 যথা—« আমি দেখি নাই (দেখি নি), তুমি দেখ নাই (দেখ নি),  
 সে দেখে নাই (দেখে নি) »। বর্তমান কাল জানাইবার জন্য « নাই »  
 -এর স্থানে « না » অব্যয় বসে, এবং এই « না » চলিত-ভাষায় স্বর-  
 সঙ্গতি-হেতু « নে » রূপ গ্রহণ করে; যথা—« আমি দেখি না (>দেখি  
 নে), তুমি দেখ না, সে দেখে না »; তুলনীয়—« আমি করি না, বা  
 করি নে (=আমি সাধারণতঃ করিয়া থাকি না—বর্তমানের ক্রিয়া),  
 আমি করি নাই, বা করি নি (=অতীতের ক্রিয়া) »।

এইরূপ নঞর্থক অতীত অর্থে নিত্য বর্তমানের ক্রিয়ার সঙ্গে « নাই  
 (নি) » ব্যবহার করাই বাঙ্গালা ভাষার পক্ষে প্রকৃতি-সিদ্ধ; সাধারণ  
 অতীতের সঙ্গে « নাই (নি) » যোগ হয় না, অব্যয় « না » যোগ হয়,  
 অতীত ক্রিয়া এবং « না »—ইহার অর্থ একটু পৃথক্ হইয়া দাঁড়ায়;  
 যেমন—« আমি দেখিলাম না »—‘দেখিতে পারিতাম, কিন্তু ইচ্ছা করিয়া  
 দেখিলাম না’, অথবা ‘দেখিবার চেষ্টা করিলাম, কিন্তু দৃষ্টিগোচর হইল না’;  
 কিন্তু « আমি দেখি নাই » বলিলে, মাত্র ঘটনাটির অঘটন বুঝায়; তদ্রূপ,  
 « সে করিল না »—‘ইচ্ছা করিয়া, উপদেশ বা অনুরোধ না মানিয়াই  
 করিল না’ (তুলনীয়—« সে করে নাই » বা « সে করে নি »); « তুমি  
 খাইলে না (খেলে না) », « তুমি খাও নাই (খাও নি) »।

« দেখি নাই (করে নাই, যায় নাই) » প্রভৃতির স্থলে « দেখিয়া-  
 ছিলাম না »—এরূপ প্রয়োগ, সাধু-ভাষা ও চলিত-ভাষা উভয়েরই অনুকূল  
 নহে।

কবিতার ভাষায় আর একটা নঞর্থক ধাতুর ব্যবহার আছে—

« নাব্ » ধাতু—« না বা 'ন' ও » √পাব্ » যোগে। এই রূপগুলি সাধারণতঃ পাওয়া যায় :

« নারি	নারিলাম, নারিহু	নারিতাম	নারিব
নার	নারিলে	নারিতে	নারিবে
নারিস্	নারিলি	নারিতিস্	নারিবি
নারে	নারিল, নারিলা	নারিত	নারিবে »

অসমাপিকা ইত্যাদি—« নারিয়া, নারিলে, নারিতে » ।

প্রাদেশিক ভাষায় কচিং « নারে, নাব্লে, নাবলাম, নাববো ( লাববো ), নাব্বে » প্রভৃতি রূপ মিলে ; কিন্তু সাধু গদ্যের ভাষায় ও চলিত-ভাষায় এই নঞর্থক ধাতুর চল নাই ।

## যৌগিক বা মিলিত ক্রিয়া

(Compound Verbs)

একটি অসমাপিকা ক্রিয়ার সহিত একটি সমাপিকা ক্রিয়ার যোগে যৌগিক ক্রিয়া গঠিত হয়। বাঙ্গালা ভাষায় « ইতে » এবং « ইয়া »-প্রত্যয়ান্ত অসমাপিকা ক্রিয়াপদ অল্প কতকগুলি ধাতুর সহিত ব্যবহৃত হয়, এবং উভয়ে মিলিয়া একটি অর্থ প্রকাশ করে। এইরূপ মিলিত বা যৌগিক ক্রিয়াতে প্রথম ক্রিয়া-পদের অর্থটাই প্রধান থাকে, এবং দ্বিতীয় ক্রিয়া প্রথম ক্রিয়াটির অর্থকে পূর্ণরূপে প্রকাশ করিতে সহায়তা করে। এইরূপ যৌগিক ক্রিয়ায়, দ্বিতীয় ক্রিয়াকে প্রথম বা **মৌলিক ক্রিয়ার সহকারী ক্রিয়া** বলা যাইতে পারে। সংস্কৃতের **উপসর্গ** ( « প্র, পরা, অভি, অহু » প্রভৃতি অব্যয়, যাহা ধাতুর পূর্বে বসে ), এবং ইংরেজীর Preposition ( ধাতুর পূর্বে যুক্ত হয়, অথবা ক্রিয়ার পরে ক্রিয়ার বিশেষণের মত আইসে )—ইহাদের যে কাজ, বাঙ্গালায় যৌগিক ক্রিয়ার মূল ধাতুর সম্পর্কে সহকারী ক্রিয়া সেই রকম কাজ করে, অর্থাৎ মূল অর্থকে কিঞ্চিৎ পরিবর্তিত করিয়া দেয় ; যথা—সংস্কৃত—« সদ্ » ধাতু, ইংরেজীর sit = বাঙ্গালা « বস্, বসা », কিন্তু সংস্কৃতের « নি + সদ্ », ইংরেজীর sit down = বাঙ্গালা « বসিয়া পড়্, বসিয়া পড়া » ।



যৌগিক ক্রিয়ায় সহকারী ধাতুতেই প্রত্যয়বিভক্তি যোগ করা হয় ; « ইতে, ইয়া »-প্রত্যয়ান্ত মৌলিক ক্রিয়া অবিকৃত থাকে। কেবল কতকগুলি বিশেষ ক্রিয়া বা ধাতু, সহকারী ক্রিয়া-রূপে ব্যবহৃত হয়, সকল ধাতু হয় না ; যেমন—« চাহ্, থাক্, দে, নে, পাব্, পড়্, ফেল্, যা, রহ্, লাগ্ » প্রভৃতি।

সহকারী ক্রিয়ার সাহায্যে মুখ্য ক্রিয়ার অর্থের বিশদ ব্যাখ্যা কি ভাবে হয়, তাহা পরবর্তী উদাহরণ-সমূহ হইতে বুঝা যাইবে।

### [১] « ইতে »-প্রত্যয়ান্ত ক্রিয়া-বাচক বিশেষণ-যোগে—

- (ক) প্রারম্ভিকতা-বোধক (Inceptives)—« খাইতে লাগ্, করিতে লাগ্ »।
- (খ) ইচ্ছা-বোধক (Desideratives)—« দিতে চাহ্, বসিতে চাহ্ »।
- (গ) অনুমতি- বা অনুমোদন-বোধক (Permissives)—« বসিতে দে, যাইতে দে »।
- (ঘ) শক্যতা-বোধক (Potential)—« চলিতে পাব্ »।
- (ঙ) সামর্থ্য-বোধক (Acquisitives)—« দেখিতে পা »।
- (চ) নিরন্তরতা- বা অবিচ্ছিন্নতা-বোধক (Continuatives)—« দিতে থাক্, হাসিতে থাক্ »।

### [২] « ইয়া »-প্রত্যয়ান্ত ক্রিয়া-পদ-যোগে—

- (ক) পূর্ণতা-বোধক (Compleatives)—« খাইয়া ফেল্, মুছিয়া ফেল্, মারিয়া ফেল্, দিয়া ফেল্, কাটিয়া ফেল্, করিয়া বস্, খাইয়া বস্, বলিয়া বস্ ; আসিয়া পড়্, বসিয়া পড়্, ভাগিয়া পড়্, মরিয়া পড়্, উড়িয়া পড়্ ; ভাঙ্গিয়া দে, দিয়া দে ; কাড়িয়া লহ্ (কেড়ে নে) ; করিয়া তুল্, গড়িয়া তুল্, মারিয়া তুল্ »।
- (খ) প্রারম্ভিকতা- বা আরম্ভ-বোধক (Inceptives)—« কাঁদিয়া উঠ্, লাগিয়া যা, বসিয়া যা, বলিয়া উঠ্ »।
- (গ) স্থায়িত্ব- বা নিত্যতা-দ্রোতক (Statics)—« বসিয়া থাক্, লাগিয়া থাক্, জাগিয়া রহ্, ধরিয়া রহ্, বা থাক্ »।
- (ঘ) নিরন্তরতা-বোধক (Continuatives)—« বকিয়া যা, খাইয়া যা, পড়িয়া যা »।
- (ঙ) অবধারণ, বিশদতা বা নিশ্চয়তা-বোধক (Intensives, Indicatives)—« ধুইয়া লহ্,

হইয়া দাঁড়া, বুঝিয়া লহ, ঘুশাইয়া লহ, দিয়া আস, খাইয়া লহ, পড়িয়া যা, চলিয়া যা, লাফাইয়া পড়, ধরিয়্যা যা, চলিয়া যা, লইয়া যা » ।

(গ) অভ্যাস-বোধক (Habituals)—« গিয়া থাক, খাইয়া থাক, দিয়া আস, খাইয়া, পাইয়া, লইয়া আস » ।

(ছ) পরীক্ষা- বা অনুমোদন-বোধক (Examinatives, Appreciatives)—« খাইয়া দেখ, চাখিয়া দেখ, চাহিয়া দেখ, বসিয়া দেখ » ইত্যাদি ।

এই প্রকার একটী প্রধান-ভাব-গোতক মৌলিক ক্রিয়া ও অপ্রধান-ভাব-গোতক সহকারী ক্রিয়া উভয়ে মিলিয়া একার্থে প্রযুক্ত হওয়া ভিন্ন, বাঙ্গালায় ভিন্নার্থক দুইটী ধাতু পাশাপাশি স্বতন্ত্র-ভাবে প্রযুক্ত হয়, কিন্তু উভয়ে মিলিয়া একটী অর্থেরই গোতনা করে ; যথা—« তাহাকে একটু দেখিবে শুনিবে, তাহার একটু দেখাশুনা করিবে ( = তত্ত্বাবধান করিবে ) ; বালকটী মন দিয়া পড়িত শুনিত ( = পাঠাদি করিত ) ; খাওয়া-দাওয়া = আহার-ক্রিয়া ) হইল ; রান্না-বান্না, রান্না-বাড়না, রাঁধ্লে-বাড়্লে ( = অন্নাদি প্রস্তুত করিয়া রাখা ) » ইত্যাদি । কিন্তু এক্ষেত্রে যৌগিক বা মিলিত ক্রিয়ার মত সর্বত্র একটী ধাতুর অর্থ আর একটীর পার্শ্বে গৌণ রূপে থাকে না—বহু স্থলে উভয় ধাতুর অর্থই বলবৎ থাকে ।

### সংস্কৃত ধাতু

কতকগুলি সংস্কৃত ধাতু বাঙ্গালা ভাষায় চলে । মুখ্যতঃ কবিতার ভাষায় এগুলি ব্যবহৃত হয়, এবং অল্প দুই-একটী কাল-রূপে ও পুরুষে, এবং অসমাপিকা ক্রিয়ায়, এই সংস্কৃত ধাতুগুলি মিলে ; যথা—« আ-হব্, কীৰ্ত, গৰ্জ, চুষ্, তিষ্ঠ্, ত্যজ্, ধ্যা, ধ্বন্, নির্মা, নির্গি, নিশ্চি, প্রণম্, বদ, বন্দ্, বর্জ্, বত, ভঞ্জ, ভৎস্, ভিদ্, মর্দ, যজ্, রাজ্, শোভয়্ ( শুভ ), সব্, স্মব্, হানয়্ ( হান ), হিংস্ » ইত্যাদি । কোনও কোনও ক্ষেত্রে এগুলিকে নাম-ধাতুই বলিতে হয়, আবার অগুত্র এগুলি সংস্কৃত ধাতু মাত্র ।

এতদ্ভিন্ন, আধুনিক কালে কবিতায় বহু সংস্কৃত বিশেষ্য ও বিশেষণ পদ, শুদ্ধ-তৎসম ও অর্ধ-তৎসম রূপে বাঙ্গালা ধাতুবৎ ব্যবহৃত হয় । এগুলি নাম-

ধাতু ভিন্ন আর কিছুই নহে, কিন্তু রূপে ও প্রয়োগে « আ »-প্রত্যয়ান্ত নাম ধাতুর মত নহে—মৌলিক ধাতুতে যেমন, তেমনি এগুলির সহিত « আ »-প্রত্যয় যুক্ত হয় না। এগুলির প্রয়োগও খুব সীমাবদ্ধ—মৌলিক কাল-রূপে, ঘটমান বর্তমানে, এবং আঅনিষ্ঠ অসমাপিকায়—এই কয়টা রূপেই সাধারণতঃ এগুলিকে পাওয়া যায় ; যথা—« তেয়াগ ( ত্যাগ ), বরণ ( বর্ণ ), দরশ ( দর্শ ), পরশ ( স্পর্শ ), অগ্রসর, আদর, আদেশ, আকুল, আঘাত, আনন্দ, আলাপ, আশিষ, উচ্ছেদ, উত্তাপ, উদ্ধার, উন্মেষ, উলঙ্গ, চিত্র, ত্রস্ত, ঘেষ, ঘন্দ, দান, দীপ, নাদ, নীরব, নিনাদ, নিশ্চয়, নিফল, নিস্তার, পরিহার, প্রদান, প্রণাম, প্রমোদ, প্রসার, প্রশম, পুরস্কর ( পুরস্কর ), প্রভাত, ভাব ( প্রভাব ), বিকাশ ( বিকাশ ), বিদ্বেষ, বিনাশ, বিস্তার, চেষ্টা, যাগ, লেপ, সংহর ( সংহার ), সন্তোষ, স্তুতি, প্রতিবিধিৎসা » ইত্যাদি।

উক্ত এবং অনুরূপ ধাতুগুলি বাঙ্গালায় তদ্ভব বা প্রাকৃতজ ধাতুর মতই প্রযুক্ত হয়। এগুলি ভিন্ন, সংস্কৃত ধাতু-জাত বহু ক্রিয়া-বাচক বিশেষ্য ও বিশেষণ বাঙ্গালায় ব্যবহৃত হয়, সেগুলির সাধন ও মূল ধাতুর রূপের সহিত পরিচয় আবশ্যিক—অন্তথা বাঙ্গালায় প্রবিষ্ট এবং অপরিহার্য্য বহু শব্দের সাধন বুঝিতে পারা যাইবে না।

পুস্তকের পরিশিষ্টে কতকগুলি প্রধান-প্রধান সংস্কৃত ধাতু এবং কৃৎ ও তদ্ধিত প্রত্যয়-যোগে এই ধাতুগুলি হইতে সৃষ্ট ও বাঙ্গালায় ব্যবহৃত তৎসম শব্দের তালিকা দেওয়া হইল। উপসর্গ-যোগে এই সকল শব্দের প্রসারণও বহুঃ বাঙ্গালায় পাওয়া যায়।

## অনুশীলনী

১। উদাহরণ-সহ সংজ্ঞা লিখ :—

উদ্দেশ্য, বিধেয়-বিশেষণ, ক্রিয়াপদ, সংযোজক, ক্রিয়াপ্রকৃতি।

২। ধাতু কয় প্রকার? বাঙ্গালা ধাতুগুলির শ্রেণীবিভাগ করিয়া দৃষ্টান্ত দাও।

৩। ক্রিয়ার শ্রেণী-বিভাগ কর। প্রত্যেক শ্রেণীর তিনটি করিয়া দৃষ্টান্ত দাও। অকর্মক ও সকর্মক ক্রিয়ার পার্থক্য স্পষ্ট করিয়া বুঝাইয়া দাও।

৪। নিম্নলিখিত সংজ্ঞাগুলির ব্যাখ্যা কর ও উদাহরণ দাও :—প্রয়োজক ক্রিয়া (C. U. 1942), মিশ্রক্রিয়া (C. U. 1943), কর্মকর্তৃবাচ্য (C. U. 1943), যৌগিক ক্রিয়া (C. U. 1944), ভাববাচ্য (C. U. 1944)।

৫। 'মুখ্য' ও 'গৌণ' কর্ম কাহাকে বলে? পাঁচটি দৃষ্টান্ত দাও। কোন স্থলে দুইটি কর্ম থাকিলেও ক্রিয়া দ্বিকর্মক হয় না? দৃষ্টান্ত দ্বারা বুঝাইয়া দাও।

৬। অকর্মক ধাতুনিপ্পন্ন ক্রিয়া কিরূপে সকর্মকের স্থায় ব্যবহৃত হইতে পারে, দৃষ্টান্ত দিয়া বুঝাইয়া দাও।

৭। সকর্মক ও অকর্মক উভয়রূপেই ব্যবহৃত হইতে পারে, এরূপ কয়েকটি ক্রিয়ার দৃষ্টান্ত দাও।

৮। প্রয়োজক ক্রিয়া সংস্কৃত ও বাঙ্গালা ধাতু হইতে কিরূপ উপায়ে প্রস্তুত হয়, উদাহরণ সহ লিখ প্রয়োজক কর্তা ও প্রযোজিত কর্তায় পার্থক্য কি? দৃষ্টান্ত সহ স্পষ্ট করিয়া বুঝাও।

৯। ক্রিয়ার 'প্রকার' বলিতে কি বুঝায়? বাঙ্গালা ক্রিয়ার কয়টি 'প্রকার' আছে? উদাহরণ দাও।

১০। 'বাচ্য' কাহাকে বলে? ক্রিয়ার 'বাচ্য' কয় প্রকারের? বিভিন্ন প্রকার বাচ্যের উদাহরণ দিয়া পার্থক্য নির্দেশ কর।

১১। ধ্বংসাত্মক ক্রিয়া, যৌগিক ক্রিয়া, দ্বিত্ব ক্রিয়াপদ, নামধাতু—ইহাদের মধ্যে পরস্পরের পার্থক্য কি, দৃষ্টান্ত সহ বল।

১২। অসমাপিকা ক্রিয়া কয় প্রকারের হয় তাহা বল। 'ইয়া' ও 'ইলে' প্রত্যয় দ্বয়ের পার্থক্য কি? 'ইতে' প্রত্যয়ান্ত পদ কোন্ কোন্ অর্থে একবার মাত্র প্রয়োগ করা যায়, উদাহরণ দিয়া বল।

১৩। নিম্নলিখিত প্রত্যয় সাহায্যে প্রস্তুত কয়েকটি ভাববচন ও ক্রিয়াবাচক বিশেষণ বল, এবং বাক্য রচনা করিয়া এগুলির প্রয়োগ দেখাও :—« ত, আ, অন, অনা, উনি »।

১৪। 'কাল' কাহাকে বলে? বাঙ্গালা ক্রিয়ার কাল-নির্দেশক রূপের শ্রেণী-বিভাগ কর।

১৫। মৌলিক ও যৌগিক কালের পার্থক্য দৃষ্টান্ত দ্বারা বুঝাইয়া দাও।

১৬। নিত্যবৃত্ত অতীত, সম্ভাব্য অতীত, ঘটমান ভবিষ্যৎ—উদাহরণ দিয়া ব্যাখ্যা কর।

১৭। মিশ্র বা যৌগিক কালের ঘটমান কাল-সমূহে 'কর্' ধাতুর রূপ লিখ। (C. U. 1942)

১৮। পুরুষ ও কালভেদে ক্রিয়ার রূপের পরিবর্তন হয়—দৃষ্টান্ত সহ বুঝাইয়া দাও।

১৯। ধাতুবিভক্তিগুলির নাম ও রূপ লিখ, এবং সম্বন্ধার্থে ও তুচ্ছার্থে উহাদের যেরূপ পরিবর্তন হয় তাহা নির্দেশ কর। পড়ে ও চলিত ভাষায় ধাতুবিশেষে ক্রিয়াপদের কিরূপ পার্থক্য হয়, উদাহরণ দিয়া দেখাইয়া দাও।

২০। কোন্ স্থলে অতীত কালের ক্রিয়ায় বর্তমানের বিভক্তি হয়? কোন্ স্থলে ভবিষ্যৎ কালের ক্রিয়ায় বর্তমানের বিভক্তি হয়?

২১। চলিত ভাষায় ধাতুগুলি কয়টি গণে পড়ে?

২২। « ঘট, আছ, আ, নহ »—এই কয়টি ধাতুর কি কি রূপ হয় বল।

২৩। নিম্নলিখিত ধাতুগুলির যে কোনওটির সাধু-ভাষায় ও চলিত-ভাষায় রূপ কর :—« চল, খা, দে শুন্ »। (C. U. 1943)

২৪। নিম্নলিখিত ধাতুগুলির যে কোনওটির সাধু-ভাষায় ও চলিত-ভাষায় রূপ কর :—« যা, কহ, পড়, লিখ »। (C. U. 1944)

## অব্যয়

( Indeclinables )

অব্যয়-সম্বন্ধে—অব্যয়ের সংজ্ঞা ও প্রয়োগ-বিষয়ে—পূর্বে বলা হইয়াছে।

অব্যয় শব্দ মুখ্যতঃ দুই প্রকারের—[১] সংযোগ-বাচক বা সম্বন্ধ-বাচক (Conjunctions বা Postpositions), এবং [২] আহ্বান, হর্ষ, বিস্ময়াদি মনোভাব-বাচক বা অন্তর্ভাবার্থক (Interjections)। ইংরেজী Preposition-এর অনুরূপ পদ বাঙ্গালা ভাষায়, নাই—« বিনা » ও « বেগর » এই দুইটি শব্দ ছাড়া। বিভক্তি এবং বিভক্তি স্থানীয় পরসর্গ বা অনুসর্গ এবং কর্মপ্রবচনীয় দ্বারা Preposition-এর কাজ বাঙ্গালায় চলে, এবং এগুলি শব্দের পরে বসে বলিয়া এগুলির ইংরেজী নাম-করণ হইয়াছে Postpositions (পূর্বে দ্রষ্টব্য, শব্দরূপ পর্যায়ে)।

[১] সম্বন্ধ- বা সংযোগ-বাচক অব্যয়—

« আর, ও, এবং » (« আর »—সাধারণতঃ চলিত ভাষায় প্রযুক্ত হয়, and অর্থাৎ 'এবং' অর্থে; সাধু ও চলিত উভয় ভাষায়—again অর্থাৎ 'আবার' বা 'পুনরায়' অর্থে; « ও, এবং » সাধুভাষায় ব্যবহৃত হয়; কেহ-কেহ

দুই পদের যোজনায় « ও », এবং দুই বাক্যের যোজনায় « এবং » ব্যবহার করেন, কিন্তু সাধারণতঃ একরূপ কোনও পার্থক্য দেখা যায় না )। কতকগুলি শুদ্ধ বাঙ্গালা ( বা প্রাকৃতজ ) মৌলিক অব্যয় আছে ; যেমন—« না, ই, বা, কি, আর, ও, তো » ;—এগুলির সংযোগও মিলে, যেমন « না-তো, না-কি » । কতকগুলি অব্যয় সংস্কৃত হইতে গৃহীত ; যথা—« বরং, এবং, যদি, তথা » । আবার একাধিক সংস্কৃত অব্যয়ের সমষ্টি ও বাঙ্গালাতে ব্যবহৃত হয় ; যথা—« নতুবা, তথাপি, কিন্তু, পরন্তু, পুনশ্চ, বরঞ্চ » । প্রাকৃতজ ও সংস্কৃত অব্যয় ভিন্ন অল্প পদ, পদ-সমষ্টি, অথবা বাক্যাংশ, বাঙ্গালা ভাষায় অব্যয়-রূপে ব্যবহৃত হয় ; যথা—« চাই, চাই-কি, কারণ, আবার, অপর, যাই, তাই, হইলে- পরে, না- হইলে, গতিকে, যে-হেতু » ইত্যাদি ।

[ক] সংযোজক (Connectives) ও বিযোজক বা বৈকল্পিক (Alternatives)—« আর, ও, এবং তথা (সমুচ্চয়ার্থক) ; ই ; কি ; যে ; বা ; কি ( = 'বা' অর্থে ) ; অথবা ; কিংবা ; না ; না—না ; চাই কি ; চাই কি—চাই কি ; এদিকে—ওদিকে ; যাই—তাই ; অর্থাৎ ; অনন্তর » ।

[খ] প্রতিষেধক বা প্রাতিপক্ষিক (Adversatives)—« কিন্তু, পরন্তু, বরঞ্চ, অপিচ, অপরন্তু, অধিকন্তু ; এদিকে, ওদিকে ; তো, নয় তো ; তবু, তবুও ; তথাপি, তথাপিও ; তত্রাচ ; পুনরায়, পুনশ্চ, আর, আবার ; বটে ( বাক্যের অন্তে ) » ।

[গ] ব্যতিরেকাত্মক (Exceptives)—« যদি না, না হইলে, নতুবা » ।

[ঘ] অবস্থাত্মক (Conditionals)—« যদি, যদিশ্চাৎ, যদি নাকি, যাই, হইলে, পরে, যদি না হয়, না হইলে » ।

[ঙ] ব্যবস্থাত্মক (Concessives)—« তবে, তাহা হইলে ( \*তা-হ'লে ), তাই, তবে না কি, তার জন্ত, সেই জন্ত, তদনন্তর, কখনও কখনও ( কাব্যের ভাষায়—তেঁই = 'সে জন্ত' ) » ।

[চ] কারণাত্মক (Causals)—« কারণ, কারণ কি, যে হেতু, যে কারণ, যে কারণে; বলিয়া ( দুই পদ অথবা বাক্য মধ্যে ) » ।

[ছ] অনুধাবনাত্মক (Conclusives)—« এই জন্ত, এই হেতু, এই কারণ, এদিকে; তাহাতে, তাই, তাইতে » ।

[জ] সমাপ্তি-বাচক (Finals)—« যাহাতে (lest), নিদান, শেষ » ।

[ঝ] অবধারণে, পাদপূরণে, বাক্যালঙ্কারে (Expletives)—« তো, না (যথা—‘তুমি না যাবে?’); সিন্, মেনে (অপ্রচল); বটি, বট বটে, বটেন » ।

[ঞ] প্রশ্নে (Interrogatives)—« অঁা? তাই না কি? না? না কি? কি? বটে? হাঁ? হ্যা? » ।

[ট] উপমাশ্চোতক (Comparatives)—« যেন, মতন, মত, যেমন, স্তায়, যথা—তথা » ।

[২] মনোভাব-বাচক বা অন্তর্ভাবার্থক অব্যয়—

শীৎকার-ধ্বনি দ্রষ্টব্য (‘ধ্বনি-তত্ত্ব’ পর্যায়ে) । স্বর-বিহীন ব্যঞ্জন-ধ্বনি « ম্ » বাঙ্গালায় ভাব-বাচক শব্দ-রূপে ব্যবহৃত হয় । উদাত্ত অমুদাত্ত আদি স্বর-অনুসারে, এই একাক্ষর অব্যয়ের অর্থ-বৈচিত্র্য ঘটে; যথা—

- « ম্ » ( উচ্চারোহী স্বরে ) = প্রশ্ন [ ম্ ? ] ;
- « ম্ » ( অবরোহী স্বরে ) = বটে [ ম্— ] ;
- « ম্/ » ( হঠাৎ সমাপ্ত ) = অস্বস্তি, বিরক্তি [ ম্ঃ ] ;
- « ৩ ম্ » ( অবরোহী এবং আরোহী ) = বিতর্কে ;
- « ১ ম্ » ( স্থনিম্ন-অবরোহী ) = ‘আচ্ছা, বেশ, দেখে নেবো !’

তদ্রূপ অব্যয় « হাঁ, হ্যা, হুঁ, না » স্বরবৈচিত্র্য-অনুসারে বিভিন্ন অর্থে প্রযুক্ত হয় ।

[ক] সম্মতি-জ্ঞাপক (Assertives)—« হাঁ, হ্যা, হুঁ ; আচ্ছা ; বটে ;

আজ্ঞে, আজ্ঞা, যে আজ্ঞে, যে আজ্ঞা, যথা-আজ্ঞা ; যে হুকুম ; যা বলেন ; তাই, তাই বটে » । হিন্দুস্থানীর অহুকরণে—« জী » ।

[খ] অসম্মতি-জ্ঞাপক (Negatives)—« না, একদম না, কখনই না, না তো, না বটে, মোটেই না, আদৌ না, আদৌয়ে (> আদৌবে, আদপে) না, কখনো না, ককখনো না » ।

[গ] অনুমোদন-জ্ঞাপক (Appreciatives)—« বাঃ বাঃ বাঃ, বাহবা, বা রে বাঃ, বেশ, বেশ বেশ, খুব, বহুৎ খুব, বেড়ে (>বাড়িয়া = হিন্দী বড়িয়া), শাবাশ (সাবাস), সাধু, সাধু সাধু, বলিহারি, বলিহারি যাই, ধন্ত, ধন্ত ধন্ত, চমৎকার, কি চমৎকার, কি সুন্দর, কি খাসা, আচ্ছা, বহুৎ আচ্ছা, মরি রে, মরি মরি, হায় হায় » ।

[ঘ] ঘৃণা-বা বিরক্তি-ব্যঞ্জক (Interjections of Disgust)—« ছি, ছিঃ, ছি ছি ; দূর দূর, দূর ; হুঁঃ ; থু, থুথু ; রাম, রামঃ, রাম রাম ; কি আপদ্ ; আ ম'লো ; কি বিভ্রাট ; ছাই ; ধেৎ, তুত্তোর ; কি জালা, কি মুঞ্চিল ; মা গেঃ ( = মা গে ), মা গো » ।

[ঙ] ভয়-, যন্ত্রণা-, বা মনঃকষ্ট-ব্যঞ্জক (Interjections of Fear and Suffering )—« ওমা, ওবাবা, ওরে বাবা ; ওরে, হায়, হায় হায়, আঃ, এঃ, ইঃ ( ইশ্ ), উঃ ( উক্ ), ওঃ ( ওক্ ), এঁ্যা, আঁ, আঁ আঁ, বাপ্, বাবা গো, গেলাম রে ( গেলুম্ রে ), ম'রে গেলুম, মা রে, মা গো ইত্যাদি » ।

[চ] বিশ্ময়-ছোতক ( Interjections of Surprise )—« আঁ, এঁ, ও বাবা, ওরে বাবা, ওঝাবা, বাপ রে বাপ, ওমা, বলে কি, ওমা কোথা যাবো, করে কি, তাই তো, হরি হরি » ইত্যাদি ।

[ছ] করুণা-ছোতক ( Interjections of Pity )—« আহা, আহা রে, আহা রে ; মরি, মরি রে, মরি মরি ; বাছা আমার, বাপ আমার, ধন আমার ; আহা হা ; হায় হায় » ।

[জ] আহ্বান- বা সম্বোধন-ছোতক ( Vocatives )—« এ, এই



এরে, এই যে ; ওহে, ওহো ; ওগো, ওলো, ওগো বাছা, . ও মেয়ে ; ও, ওরে, অরে ; অয়ি, হে ( হে ভগবন্ বা হে ভগবান্—সাধু-ভাষায় ) ; লো ; হেদে, হেদে রে, হেদে গো ( কাব্যে ) ; তুতু, চৈচৈ ( কুকুর, হাঁস প্রভৃতিকে আহ্বান করিতে ) ; আ আ, আয় আয় ; হাঁ গো, হাঁগা, হাঁগা, হাঁগো, হেঁগা » ইত্যাদি ( সম্বোধন দ্রষ্টব্য ) ।

[ঝ] **অনুকার-বাচক** ( Onomatopoeics )—এগুলি সাধারণতঃ « কব্ » বা অন্ত কোনও ধাতুর সঙ্গে, অথবা « শব্দ, রব, ধ্বনি » প্রভৃতি শব্দের সঙ্গে ব্যবহৃত হইয়া, ক্রিয়ার বিশেষণের ভাব প্রকাশ করে ; যথা—« কুহু কুহু করিতেছে ( কোকিল ) ; রোদ ঝাঁ ঝাঁ করিতেছে ; শৃঙ্গ বাড়ী খাঁ খাঁ করে ; প্রদীপ টিম্ টিম্ করিয়া জলে ; কলকল ছলছল টলটল তরঙ্গে গঙ্গা প্রবাহিত ; টকটক করিতেছে লাল ; কামানের গর্জন হইলে—গুড়ুম গুড়ুম ; মেঘ ডাকে গুরু গুরু ; কড় কড় শব্দে বাজ পড়িল ; অঅগ্নিশিখা জলে ধক্ ধক্ লক্ লক্ ; ছড়-দাড় ইট পড়ে » ইত্যাদি ।

### অনুশীলনী

- ১। 'অব্যয়' কাহাকে বলে ? উদাহরণ দিয়া ব্যাখ্যা কর । (C. U. 1943)
- ২। সংযোগ-বাচক ও মনোভাব-বাচক অব্যয়ের পাঁচটি করিয়া দৃষ্টান্ত দাও ।

## [৩] বাক্য-রীতি

যে পদ- বা শব্দ-সমষ্টির দ্বারা কোনও বিষয়ে সম্পূর্ণ-রূপে বক্তার মনোভাব প্রকটিত হয়, সেই পদ- বা শব্দ-সমষ্টিকে বাক্য ( Sentence ) বলে ।

সম্পূর্ণার্থক হইতে হইলে, বাক্যে অন্ততঃ কতী ও ক্রিয়া এই দুইটি পদ চাই— তাহা প্রকট-ভাবেই হউক, অথবা উহ-অর্থাৎ অমুল্লিখিত ভাবেই হউক । কতী ও ক্রিয়া উভয়ই প্রকট—যথা, « মেঘ ডাকে, জল পড়ে, পাতা নড়ে ; আমি আমি খাই, হরি বাশী বাজায় ; কাল তুমি বাড়ীতে থাকিও » ইত্যাদি । কতী বা ক্রিয়া, অথবা উভয়ই উহ ; যথা—« দেবে ? দেবো ( = 'তুমি', 'আমি'—উভয় কতীই উহ ) ; কে ওখানে ? আমি ( উভয় ক্রিয়া উহ ) ; তুমি খাইবে ?—না ( অর্থাৎ 'আমি খাইব না'—কতী ও ক্রিয়া উভয়ই উহ ) » ।

### উদ্দেশ্য ও বিধেয়

প্রত্যেক বাক্যে দুইটি বস্তু থাকা আবশ্যক—উদ্দেশ্য ( Subject ) এবং বিধেয় ( Predicate ) । যাহার উদ্দেশ্যে বা সম্বন্ধে কিছু বলা যায়, তাহা « উদ্দেশ্য », এবং যাহা বলা যায়, তাহা « বিধেয় », যেমন—« ছেলেটি পড়িতেছে »—এখানে « ছেলেটি » উদ্দেশ্য, « পড়িতেছে » বিধেয় ।

বাক্যলা বাক্যে সাধারণতঃ উদ্দেশ্য প্রথমে ও বিধেয় পরে বসে । সম্বন্ধ-পদ, বিশেষণ, ক্রদন্তু ইত্যাদির দ্বারা উদ্দেশ্যকে, এবং কর্ম, সম্প্রদান বা অন্ত কারকে প্রযুক্ত বিশেষ্য, বিশেষণ, সর্বনাম বা অব্যয়-দ্বারা বিধেয়কে পূর্ণতর করা যাইতে পারে ; যেমন—« গোপাল-বাবুর সেই বোকা ছোট ছেলেটি এখন বেশ মন দিয়া পড়াশুনা করিতেছে » ।

বিশেষণ-পদ উদ্দেশ্যের সঙ্গে প্রযুক্ত হইলে, তখন ইহা উদ্দেশ্যের সহিত মিলিয়া উদ্দেশ্যের অঙ্গীভূত হইয়া যায়, যথা—« কাল ঘোড়াটা বেশ দৌড়াইতেছে; ভাল ছেলে নিজের কাজে অবহেলা করে না »। আবার যখন বিশেষণ বিধেয়ের পূর্বে বসিয়া বিধেয়ের সহিত প্রযুক্ত হয়, তখন বিধেয়েরই অঙ্গীভূত হইয়া যায়; যথা—« যে ঘোড়াটা দৌড়াইতেছে সেটা হইতেছে কাল, ছেলেটা ভাল নয় »।

### বাক্য-রচনার লক্ষণীয় বিষয়

বাক্য-রচনায় দুইটি বিষয়ের প্রতি লক্ষ্য রাখিতে হয়—(১) বাক্যে প্রযুক্ত পদের ক্রম ( Order or Sequence of Words ), এবং (২) প্রযুক্ত পদসমূহের পারস্পরিক সঙ্গতি বা মিল ( Agreement of Words )। নিম্নলিখিত তিনটি বিষয়ের উপরে যথাক্রমে বাক্যে পদের অবস্থান, ইহাদের ক্রম, এবং ইহাদের পারস্পরিক সঙ্গতি নির্ভর করে।

[১] যোগ্যতা (Compatibility বা Propriety)—বাক্যের অর্থ, ভূয়োদর্শন অথবা অভিজ্ঞতা ও স্মৃতির অনুকূপ হওয়া চাই, অন্যথা তাহা মুর্খের বা পাগলের প্রলাপ হইয়া দাঁড়ায়। বাক্যের পদগুলির পরস্পরের সহিত অর্থ-গত বা ভাব-গত সঙ্গতি থাকা চাই। যেখানে অর্থ-গত বা ভাব-গত বাধা আছে, একরূপ পদ-রাশি ব্যাকরণানুসারে পরস্পরের সহিত সঙ্গত করিয়া বসাইলেই বাক্য হইবে না। « মাটিতে সাঁতার দিতেছে, জলের উপরে হাঁটিয়া চলিতেছে, রাত্রিতে রোদ্দ হয় »—এইরূপ পদ-সমাবেশ, ব্যাকরণ-সঙ্গত বাক্য হইলেও, অর্থ ও স্মৃতির বিচারে এগুলিকে বাক্য বলা যায় না। অবশ্য ক্ষেত্র-বিশেষে গভীর অর্থ বা উদ্দেশ্য লইয়া, অথবা ব্যঙ্গ বা প্লেষ করিবার জন্য, কিংবা অর্থালঙ্কার-স্বরূপ, এইরূপ অসঙ্গত-প্রলাপ বা অসঙ্গত বাক্য ব্যবহৃত হইতে পারে; যথা— « সুখের মত বেদনা, রোদ্দময়ী নিশা, গেকরা রঙ্গের সুরে দিবস-সঙ্গীতের অবসান হইল » ইত্যাদি। এইরূপ যোগ্যতা ধরিয়া বাল্লালা ভাষার বাক্যে পদের

ক্রম সাধারণতঃ নির্দিষ্ট হয় ; যথা—« গোপাল আম খায় »—এখানে অর্থগত যে যোগ্যতা, বাক্যস্থিত পদের ক্রম উল্টাইয়া দিয়া, « আম গোপাল খায় » বলিলে, শ্রুত-মাত্রেই যোগ্যতার অভাব আমরা বুঝিতে পারি।

[২] আকাঙ্ক্ষা (Expectancy)—কোনও বাক্য বা উক্তির পূর্ণ উদ্দেশ্য গ্রহণের জন্ত শ্রোতার আগ্রহ বা আকাঙ্ক্ষা যতক্ষণ পর্য্যন্ত না মিটে, বা যতক্ষণ পর্য্যন্ত অর্থ পূর্ণ না হয়, ততক্ষণ পর্য্যন্ত বাক্যে অন্য নূতন পদ আসিবার আবশ্যিকতা থাকে। আকাঙ্ক্ষা-অনুসারেই বাক্যে পদের অবস্থান হয়। কোনও-কোনও স্থলে পূর্বে উক্ত বাক্যের সহিত সংযোগ বা সঙ্গতি থাকায়, একটা পদের দ্বারাই পরবর্তী বাক্য সম্পূর্ণার্থক হয় ; কিন্তু সাধারণতঃ মাত্র উদ্দেশ্য অথবা বিধেয়ের দ্বারা, তাহাদের আংশিক পরিপূরণের দ্বারা, আকাঙ্ক্ষা পূর্ণ হয় না, অন্য পদেরও প্রয়োজন হয়, যথা—« সৈন্তেরা অস্ত্র-শস্ত্র লইয়া »—কেবল এইটুকু বলিলে আকাঙ্ক্ষা নিবৃত্তি হইল না—« যুদ্ধ করে » অথবা অনুকূপ অর্থের পদ বসাইলে, তবে অর্থ সম্পূর্ণ হয়। « কর্ণকে বধ করিয়া অর্জুন, বৃত্রাসুরকে বধ করিবার পরে ইন্দ্র যেমন, তেমনি শোভা পাইতে লাগিলেন »—এই বাক্যে কোন একটা পদকে বর্জন করিলেই বাক্যটা সাকাঙ্ক্ষ হইয়া পড়ে। অতএব, আকাঙ্ক্ষার উপরে বাক্য-স্থিত পদের আবশ্যিকতা ও অবস্থান নির্ভর করে।

[৩] আসক্তি বা নৈকট্য (Proximity)—বাক্যের অর্থবোধের জন্ত পদগুলিকে এমন ভাবে সাজাইতে হয়, যাহাতে পরস্পরের সহিত অস্থিত বা সম্বন্ধ-যুক্ত ( অথবা অর্থ-গত সঙ্গতি-যুক্ত ) পদ, ভাষার যে নিয়ম স্বাভাবিক সেই নিয়মে পর পর প্রযুক্ত হয়—তাহাদের 'আসক্তি' বা 'নৈকট্য' রক্ষিত হয় ; যথা—« আমি কাল আমার বাড়ী হইতে আসিয়াছি », এই বাক্যের পদগুলি যদি এইরূপে বলা যায়—« কাল হইতে আমার আসিয়াছি বাড়ী আমি » তাহা হইলে আসক্তি রক্ষিত না হওয়ায়, বাক্যটা নিরর্থক হইল। ( কবিতার ভাষায় ছন্দের অমুরোধে, এবং গণ্ডে বা কথিত ভাষায়, প্রচলিত ক্রমের ব্যত্যয় অবশ্য

অল্প-স্বল্প হইতে পারে—কিন্তু তদ্বিষয়েও বিশেষ নিয়মানুবর্তিতা আছে।) আসক্তি রক্ষাব জন্ত পদ-সমূহের মধ্যে ব্যাকরণানুমোদিত সঙ্গতি থাকা চাই: « আমি আসিষাছি », « তুমি আসিলেন », « সে খাইবি », « আমি দিবেক », « গাছ হইতে ফল পড়িল » স্থলে « গাছ দিয়া ফল পড়িল », « তাহাকে খাওয়াইল » স্থলে « তাহাকে খাইল »—এইরূপ ব্যাকরণ-গত বা অর্থ-গত অপপ্রয়োগ চলিবে না।

### বাক্যের উক্তি-ভেদ ( Forms of Narration )

কাহাব উক্তি, অর্থাৎ কে বলিতেছে, এই বিচার করিয়া, ভাষায় দুই প্রকারের উক্তি ( Narration ) ধরা যায়—[১] প্রত্যক্ষ, স্বকীয়, সরল বা অপরোক্ষ উক্তি ( Direct Narration ), এবং [২] পরোক্ষ বা পরকীয় অথবা বক্র উক্তি ( Indirect Narration )।

[১] বক্তা নিজে যে কথা বলিয়াছে, তাহাব যথাযথ অনুবৃত্তি হইলে, « প্রত্যক্ষ বা স্বকীয় » উক্তি হয়, যথা- « রাম বলিল, ‘আমি গোপালকে দেখি নাই’, তুমি বলিয়াছিলে, ‘আমি তোমাকে বিপদে ফেলিব না’ »। লিখন-কালে সাধারণতঃ স্বকীয় উক্তি, উদ্ধার-চিহ্নের দ্বারা নির্দিষ্ট হয়।

[২] বক্তাব নিজের কথাব যথাযথ অনুবৃত্তি না করিয়া, অন্য ব্যক্তির কথাব বক্তা যাহা বলিয়াছে তাহার আশয় প্রকাশিত হইলে, « পরোক্ষ বা পরকীয় উক্তি » হয়, যথা—« রাম বলিল যে সে গোপালকে দেখে নাই, তুমি বলিয়াছিলে যে তুমি আমাকে বিপদে ফেলিবে না »। পরোক্ষ লিখন-কালে উক্তিতে উদ্ধার-চিহ্ন ব্যবহৃত হয় না, এবং « যে » এই অব্যয়-দ্বারা সাধারণতঃ পরোক্ষ উক্তিটিকে বাক্য-মধ্যে প্রবিষ্ট করানো হয়। প্রত্যক্ষ উক্তির সর্বনাম, পুরুষ ও ক্রিয়া-পদ, পরোক্ষ উক্তিতে অর্থানুসারে পরিবর্তিত হয়। প্রত্যক্ষ উক্তির সম্বোধন-পদ, পরোক্ষ উক্তিতে দ্বিতীয়া বিভক্তিতে নীত হয়।

সাধারণতঃ পরোক্ষ উক্তি বাঙ্গালায় তেমন ব্যবহৃত হয় না—বাঙ্গালী ভাষায় প্রত্যক্ষ উক্তিরই অমুকুল। ইংরেজীর প্রভাবে আজকাল সাহিত্যের ভাষায় ইহার কিছু-কিছু প্রয়োগ দেখা যায়—এখনও ইহা ইংরেজীর মত পূর্ণ-ভাবে ভাষার উপযোগী হইয়া উঠে নাই।

## বাক্যের রচনার বিভেদ

( Kinds of Sentence )

বাক্য তিন প্রকারের হইয়া থাকে—

[১] সরল বা সাধারণ বাক্য (Simple Sentence) ;

[২] মিশ্র বা জটিল বাক্য ( Complex Sentence ) ;

[৩] যৌগিক বা সংযুক্ত বাক্য (Compound Sentence) ।

### সরল বাক্য

[১] যে বাক্যে একটা মাত্র উদ্দেশ্য ও একটা মাত্র বিধেয় (সমাপিকা ক্রিয়া) থাকে, তাহাকে সরল বাক্য বলে; যথা—  
« বৃষ্টি পড়ে ; ঘোড়ায় গাড়ী টানে ; সে প্রত্যহ বিছালয়ে যায় » ।

সরল বাক্যের উদ্দেশ্য ও বিধেয় নানা ভাবে প্রসারিত ও পূরিত হইতে পারে। সম্বন্ধ-পদ, বিশেষণ, সংখ্যা-বাচক শব্দ এবং বিশেষণ-রূপে ব্যবহৃত বাক্যাংশ, যাহাতে কোনও সমাপিকা বা অসমাপিকা ক্রিয়া থাকে না—এগুলি উদ্দেশ্যের প্রসারক ( Extension of the Subject ) ; ক্রিয়ার বিশেষণ, এবং ক্রিয়ার বিশেষণ-রূপে ব্যবহৃত বাক্যাংশ—বিধেয়ের প্রসারক ( Extension of the Predicate ) ; কর্ম-কারকের বিশেষ্য এবং ক্রিয়ার সহিত কর্মকারকে ও সম্প্রদানে প্রযুক্ত বিশেষ্য—এগুলি বিধেয়ের পূরক ( Complement of the Predicate ).

## মিশ্র বাক্য

[২] কোনও-কোনও বাক্যে, উদ্দেশ্য এবং বিধেয় (অর্থাৎ কর্তা ও সমাপিকা ক্রিয়া)-যুক্ত মুখ্য অংশ ব্যতীত, এক বা একাধিক অপ্রধান খণ্ড-বাক্য বা বাক্যাংশ থাকে। এই অপ্রধান অংশ, প্রধান বাক্যেরই অংশ- বা অঙ্গ-স্বরূপ হয়; হয় ইহাতে সমাপিকা ক্রিয়া থাকে না, না হয় ইহাতে সমাপিকা ক্রিয়া থাকিলেও, « যে, যে রূপ, যেমন » প্রভৃতি পদ বা অব্যয়ের মুখ-বন্ধে বা সহায়তায় ইহা উপস্থাপিত হয়—এবং এই হেতু সমাপিকা-ক্রিয়া সাকাজ্জ বা অসমাপ্তার্থ হয়, প্রধান বাক্যাংশেই অর্থ-পূর্তি ঘটে,—এইরূপ বাক্যকে মিশ্র বা জটিল বাক্য (Complex Sentence) বলে। হথা—« সে আসিলে আমি যাইব. হাত মুখ ধুইয়া খাইতে বসিবে; বাহাতে আমার নামে দোষ না পড়ে তাহা করিবে; বোধ হয় (যে) সে আজ আসিতে পারিল না » ইত্যাদি। এইরূপ বাক্যে, স্থল অক্ষরে মুদ্রিত বাক্যাংশগুলি অপ্রধান বা আশ্রিত বাক্যাংশ (Clause বা Dependent Clause).

মিশ্র-বাক্যে অপ্রধান বা আশ্রিত বাক্যাংশ অথবা খণ্ডবাক্যগুলি প্রধান বাক্যের সহিত প্রযুক্ত হয় বসিয়াই, সমগ্র বাক্যে সেগুলির সার্থকতা থাকে। অপ্রধান বাক্যাংশ, প্রধান বাক্যাংশের উদ্দেশ্যের বা বিধেয়ের পূরক বিশেষ্য, বিশেষণ বা ক্রিয়ার বিশেষণ রূপে, কার্য্য করে। এগুলিকে যথাক্রমে (ক) সংজ্ঞা- বা বিশেষ্য-ধর্মী আশ্রিত বাক্যাংশ (Noun Clause), (খ) বিশেষণ-ধর্মী বাক্যাংশ (Adjectival Clause), এবং (গ) ক্রিয়াবিশেষণ-ধর্মী বাক্যাংশ (Adverbial Clause) বলে।

(ক) বিশেষ্য-ধর্মী আশ্রিত বাক্যাংশ—সমগ্র বাক্যাংশটি কর্তা, কর্ম, সমানাধিকরণ বা ক্রিয়াপূরক—এইরূপ বিভিন্ন ভাব প্রকাশ করিয়া থাকে;

যথা—« বোধ হইতেছে (যে) বৃষ্টি হইবে (কর্তা); তাহার প্রতি এতটা অবিচার করিলে ভাল দেখাইবে না (কর্তা); তুমি যে ওখানে ছিলে না তাহা আমি জানি (কর্ম); তাহার প্রতি এতটা অশ্রায় করিলে সকলেই দোষ দিবে (কর্ম); তাহার বিশ্বাস যে তাহার ভাই সকালেই ফিরিবে, সত্য হইল (সমানাধিকরণ); আমার ইচ্ছা করে যে খুব দূর দেশে যাই (ক্রিয়াপূরক) »।

(খ) বিশেষণ-ধর্মী বাক্যাংশ; যথা—« যে গাড়ীখানি কাল কেনা হইয়াছিল আজ তাহা ভাঙ্গিয়া গিয়াছে; যে ব্যবস্থা তুমি করিয়াছ তাহাতে কলোদয় হইবে না; যে লোক সমাজের মঙ্গল বুঝে না সে নিজেরও মঙ্গল বুঝে না »।

(গ) ক্রিয়া-বিশেষণ-ধর্মী বাক্যাংশ; যথা—« শীঘ্র বাড়ী আসিবেন বলিয়া তিনি যথাসম্ভব সত্বর হাতের কাজগুলি শেষ করিলেন; দুই-দশ টাকা উপার্জন করিবে এই আশায় দোকান খুলিয়াছে »। « যখন—তখন; যথা—তথা, যেমন—তেমন; এইরূপ; এই; বলিয়া; যদি »—এই-সকল পদ, ক্রিয়াবিশেষণাত্মক বাক্যাংশে ব্যবহৃত হয়।

### যৌগিক বা সংযুক্ত বাক্য

[৩] দুইটা বা দুইয়ের অধিক সরল, মিশ্র, অথবা সরল ও মিশ্র বাক্যকে সংযোজক অথবা প্রতিষেধক অব্যয়ের সাহায্যে সংযুক্ত করিয়া, একটা দীর্ঘ প্রস্তাব বাক্যবৎ গঠিত করিয়া লইলে, যৌগিক বা সংযুক্ত বাক্য হয়; যথা—« রাম বনে যাইবেন ও লক্ষ্মণকে সঙ্গে লইবেন (দুই সরল বাক্য); সে না আসিলে তুমি যাইবে না, কিন্তু সে বলিয়া পাঠাইয়াছে যে তাহার আসিতে দেরী হইবে (দুইটা মিশ্র বাক্য); তাহারা দুইজনে খুব ঝগড়া করে বটে, কিন্তু একজন যদি কিছু খাবার জিনিস পায় দুইজনে ভাগ করিয়া খায় (সরল ও মিশ্র);



সে কাহারও দাসত্ব করিতে চায় না, এ দিকে টাকার অভাব হইলে যাহার তাহার কাছে হাত পাতে ( সরল ও মিশ্র ) » ইত্যাদি ।

সংযুক্ত বাক্যে অনেক সময়ে অব্যয়ের দ্বারাই অর্থ-গ্রহণ হয় বলিয়া, উদ্দেশ্য বা বিধেয়ের, অথবা ইহাদের প্রসারকের, পুনরুক্তির আবশ্যিকতা থাকে না ; কিন্তু বাক্যটী বিশ্লেষণ করিতে গেলে এইরূপ পুনরুক্তি করিতে হয় ; যথা—« রাম, লক্ষ্মণ ও সীতা বনগমন করিলেন ; সে বিদ্বান্ বটে, কিন্তু তাহার ভাই মোটেই তাহা নহে ; অপরের কাজ তো করিবেই না, নিজেরও না ; তুমি খাইতে পার, ঘুমাইতে পার, আর এই সামান্ত কাজটুকুর বেলায় না ? » ইত্যাদি ।

সরল, মিশ্র ও যৌগিক—এই তিন শ্রেণীর বাক্যের বিভাগ, বাক্যস্থ পদ ও বাক্যাংশের সমাবেশ, বিচার করিয়া করা হয় । এতদ্ভিন্ন, বাক্যের অর্থ-অনুসারে বাক্যকে সাতটি শ্রেণীতে ফেলা যায় ; যথা—

[১] নির্দেশ-সূচক বাক্য ( Indicative Sentence )—« গাই দুধ দেয় ; রাম ইস্কুলে যাইবে না » । নির্দেশ-সূচক বাক্য দুই প্রকারের—অস্ত্যর্থক ( Affirmative ) এবং নাস্ত্যর্থক ( Negative ) ।

[২] প্রশ্ন-বাচক বাক্য ( Interrogative Sentence )—« কি চাও ? সে কবে যাইবে ? কেন যাইতেছে না ? » ।

[৩] ইচ্ছা-সূচক বা প্রার্থনা-সূচক ( Optative, Precative )—« তুমি যেন পরীক্ষায় উত্তীর্ণ হইতে পার ; তুমি এখন যাও, কাল আসিও ; ঈশ্বর তোমার মঙ্গল করুন » ।

[৪] আজ্ঞা-সূচক ( Imperative )—আজ্ঞা, উপদেশ, অহুরোধ, নিষেধ প্রভৃতি প্রকাশ করে ; যথা—« আমার কথা শোনো ; গুরুজনের আজ্ঞা অমান্য করিও না ; আমি বলি কি তুমি তার সঙ্গে দেখা করো » ।

[৫] কার্য্যকারণাত্মক ( Conditional )—এইরূপ বাক্যে কোনও নিয়ম, স্বীকৃতি, শর্ত বা সংকেত জ্ঞোত হইতে হয় ; যথা—« টাকা পাইলে শোধ

করিয়া দিব ; মন দিয়া না পড়িলে কিছুই শিখা যায় না » । « যদি, যত্নপি » ইত্যাদি অব্যয়ের প্রয়োগ এইরূপ বাক্যে হইয়া থাকে—« যদি আমি আসিতে না পারি, তুমি গাড়ী করিয়া চলিয়া যাইও » ।

[৬] সন্দেহ-ছোতক ( Dubitative )—নির্দেশ-সূচক বাক্যে « হয় তো, বুঝি, বোধ হয়, সম্ভবতঃ, নিশ্চয় » প্রভৃতি ক্রিয়ার বিশেষণ যোগ করিয়া, সন্দেহ-ছোতক বাক্য গঠিত হয় : « হয় তো সে আসিবে না ; নিশ্চয়ই তাহার কত'ব্য সে করিয়া থাকে , বোধ হয় কাল তাহার দেখা পাইব ; নিশ্চয়ই সে বাহিরে দাঁড়াইয়া আছে » ।

[৭] বিস্ময়াদি-বোধক ( Interjective )—এই রূপ বাক্যে হর্ষ, শোক বিস্ময়, কাতরোক্তি ইত্যাদি ছোতিত হয় , যথা—« অ্যা, কি বলিলে ? উঃ, কি মারটাই মারিয়াছে ! ধন্য দেশভক্তি ! বেশ, খুব বলিয়াছ ! কি সুন্দর দৃশ্য ! মা গো, গেলাম । » ।

### বাক্য পদের ক্রম (Order of words in the Sentence)

[১] বাক্যের উদ্দেশ্য বা বিধেয় উহা থাকিতে পারে—« ( তুমি ) যাও ; ( আমি ) দেবো না ; চরিত্রহীন লোক পশুর সমান ( হয় ) ; ছেলেটা বড় ভাল ( হয় ) ; নোমার বাড়ী কোথায় ( আছে, হইতেছে ) ? উনি আমার মামা ( হন ) » । সাধারণতঃ সর্বনাম, এবং অস্তিত্ব-বাচক ক্রিয়া, যাহা উদ্দেশ্যের সহিত বিধেয়রূপে সম্পৃক্ত বিশেষ্য অথবা বিশেষণের সমতা বা সংযোগ প্রকাশ করে ( যোজক বা সমতা-বাচক ক্রিয়া—Copula বা Equational Verb),—এই দুইটা উহা থাকে ।

[২] উদ্দেশ্য বিধেয়ের পূর্বে, বসে ; যথা—« পাখী উড়ে ; খোকা হাসে ; সে কাল আসিবে ; আমার বন্ধু আমাকে এ কথা বলিয়াছিলেন » ।

কিন্তু পদে ও গড়-কাব্যে এবং প্রবাদে ইহার ব্যত্যয় হয় ; যথা—« ভাবিতে উচিত ছিল প্রতিজ্ঞা, বখন : তাঁর কত মত ছিল আয়োজন ; আছিল দেউল এক পর্বত-প্রমাণ » । « এক ছিল রাজা »—এই বাক্যটির বিশ্লেষণ এইরূপ—« এক ( এক জন বা এক ব্যক্তি ) ছিল, ( সেই ব্যক্তি ) রাজা » ।

[৩] উদ্দেশ্যের প্রসারক উদ্দেশ্যের পূর্বে বসে; যথা—« ব্রাহ্মণের কাল গোরুটা আর দুধ দেয় না » । পরিপূরক পরে বসে—« ধার্মিক লোক পৃথিবীর অলঙ্কার » ।

বিশেষণের মত সম্বন্ধ-পদও পূর্বে বসিয়া থাকে, কিন্তু কচিং ব্যতিক্রম হয়; যথা—প্রশ্নে, « ছুরী কার ? » ; নিশ্চয়ে, « ছুরী তোমার ; দোষ আমারই », এবং ভাবে বা আদরে, « মা আমার ! বাছা আমার » ।

[৪] বিধেয়ের প্রসারক ও পূরক, বিধেয়ের পূর্বে বসে; এবং বিধেয়-ক্রিয়া, বাক্যের সর্বশেষে আসে। কেবল নঞর্থক বাক্যে « না, নাই (\*নি) » প্রভৃতি অব্যয়, বিধেয়ের পরে আসে। যদি বিধেয়ের প্রসারক থাকে, তাহা হইলে বিধেয়ের পূরক, প্রসারকের পূর্বে বা পরে বসিতে পারে; যেখানে পূরকের প্রতি বিশেষ-ভাবে দৃষ্টি আকর্ষণ করা হয়, সেখানে ইহা পরে বসে। বিধেয়ের প্রসারক—ক্রিয়ার বিশেষণ ও ক্রিয়ার বিশেষণ-রূপে প্রযুক্ত নানা কারক এবং বাক্যাংশ । উদাহরণ—

« সে দ্রুত চলে ; তুমি বসিয়া বসিয়া কি করিতেছ ? মেঘ হইতে বৃষ্টি হয় ; গাছ হইতে কল পড়িল ; সে ছাতের উপর হইতে পড়িয়া গিয়াছে ; বাড়ীর ভিতরে যাও ; তাহাকে বেত দিয়া মারিল ( বেত দিয়া তাহাকে মারিল ) ; রাম দুধ দিয়া ভাত খাইতেছে ; গুরু-মহাশয় ছেলেদের অঙ্ক কষাইতেছেন ; মেঘে জল আছে ; হিংস্র জন্তু বনে থাকে » ইত্যাদি ।

কচিং বিশেষ শব্দের উপর ঝাঁক দিবার জন্তু এই নিয়মের ব্যত্যয় হয় : « শিক্ষকটা পড়ান ভাল, কিন্তু পরিশ্রম করিতে চাহেন না ; গুরুমহাশয় দেখিতেছেন ছেলেদের হাতের লেখা » ।

[৫] উদ্দেশ্য ও বিধেয়ের প্রসারক এবং পূরকের অবস্থান-ক্রম :

বিধেয়ের প্রসারক উদ্দেশ্যের পূর্বে বসিতে পারে, কিন্তু পূরক সর্বদা উদ্দেশ্যের পরেই বসে । বিধেয়ের প্রসারক-দ্বারা যদি কোনও প্রস্তাব উপস্থাপিত হয়, কিংবা তদ্বারা কোনও অভিপ্রায় প্রকট হয়, তাহা হইলে তাহা সাধারণতঃ উদ্দেশ্য বা কর্তার পূর্বে বসে; যথা—« সত্য-সত্যই তিনি আসিতে পারিবেন না ;

ছেলেটির উন্নতির জন্য তাহার শিক্ষক বিশেষ চেষ্টা করিতেছেন, তাহার পুত্রবিষোগ হইয়াছে, অধিকন্তু ব্যাধিতে তিনি শয্যাশায়ী হইয়া আছেন » ইত্যাদি।

ক্রিয়ার বিশেষণ সাধারণতঃ উদ্দেশ্যেব পরেই বসে ; কিন্তু ক্রিয়ার বিশেষণ-রূপে প্রযুক্ত বাক্যাংশ পূর্বে বসিতে পারে ; যথা—« রাম রাজপদে প্রতিষ্ঠিত হইয়া অপ্রতিহত-প্রভাবে রাজ্যশাসন ও অপত্য-নির্বিশেষে প্রজাপালন করিতে লাগিলেন »—এখানে « রাজপদে প্রতিষ্ঠিত হইয়া » এই বাক্যাংশ উদ্দেশ্য « বাম » পদের পূর্বেও বসিতে পারে।

কাল-বাচক ক্রিয়ার বিশেষণ সাধারণতঃ স্থান-বাচক ক্রিয়ার বিশেষণের পূর্বে বসে, « তুমি পবশু আমাদের বাড়ী আসিবে তো ? » ( « তুমি আমাদের বাড়ী পরশু আসিবে তো ? » —এ ক্ষেত্রে সময়ের প্রতি বিশেষভাবে লক্ষ্য করা হইতেছে )। কাল-ও স্থান-বাচক ক্রিয়ার বিশেষণ দিয়া বাক্যের আরম্ভ হইতে পারে—« পূর্বকালে অযোধ্যা-নগরীতে দশরথ নামে এক পরাক্রান্ত রাজা ছিলেন » ।

[৬] উদ্দেশ্য বা কর্তা এবং বিধেয় বা ক্রিয়ার পরস্পরের মধ্যে, পুরুষ-বিষয়ক এবং গুরু-লঘু-বিষয়ক সঙ্গতি থাকা চাই ; যথা—উত্তম-পুরুষের কর্তার সঙ্গে উত্তম-পুরুষের ক্রিয়া, মধ্যম-পুরুষের তুচ্ছতা-বোধক রূপের সঙ্গে অল্পরূপ ক্রিয়া ইত্যাদি।

কিন্তু যেখানে একাধিক কর্তার মধ্যে উত্তম-পুরুষের কর্তা থাকে, সেখানে উত্তম-পুরুষের ক্রিয়া প্রযুক্ত হয়, উত্তম-পুরুষ না থাকিয়া মধ্যম-পুরুষ থাকিলে, মধ্যম-পুরুষেরই ক্রিয়া হয়, যথা—« তুমি আর আমি যাইব, \* তুমি আর আমি হুজুমে যাবো, আমি, তুমি আর গোপাল তিন জনে এই কাজটা করিয়া ফেলিব ; হরি, সুলীল আর তুমি বলিয়াছিলে ; বসিয়া বসিয়া তুই আর রাম সময় নষ্ট করিতেছিস্ কেন ? » ।

ইংরেজীর অনুকরণে সংবাদ-পত্রের সম্পাদকগণ উত্তম-পুরুষে, এক-বচন উদ্দিষ্ট হইলেও, বহু-বচনের প্রয়োগ করেন ; সম্পাদকগণ দল-বিশেষের অথবা জনগণের মুখ-পাত্র-স্বরূপ এইরূপ লিখেন । « আমরা সরকারের অনুমোদিত প্রস্তাব সম্বন্ধে বিচার করিয়া দেখিতেছি ; এ বিষয়ে সম্পাদকীয় স্তরে আমরা আমাদের মতামত বহুবার বিবৃত করিয়াছি » ।

[৭] আশ্রিত ঋগু-বাক্য, মূল বাক্যের অগ্রে বসে ; « যদি আমি না আসি, তুমি তাহা হইলে একলা যাইও ; \*আমি না এলে তুমি যেও না » । উদ্দেশ্য-বা কারণ-সূচক আশ্রিত ঋগু-বাক্যের পরে, « বলিয়া » এই অব্যয়-রূপে প্রযুক্ত অসমাপিকা ক্রিয়া, যোজকের কার্য করে : « সে তোমার সঙ্গে দেখা করিবে বলিয়া আজ রাত্রে আসিতেছে ; রাগ হইয়াছিল বলিয়া বকিয়াছিলাম, মনে দুঃখ করিও না » । « রাম বলিয়া একটা ছেলে »—এ স্থলে « বলিয়া » পদ, 'নামে' এই অর্থে প্রযুক্ত ।

[৮] অনেকগুলি পদ উদ্দেশ্য-রূপে অথবা উদ্দেশ্যের প্রসারক-রূপে প্রযুক্ত হইল, শেষ পদটির পূর্বে সমুচ্চয়ার্থক বা বৈকল্পিক অব্যয়-পদ (যথা—« ও. এবং, বা, অথবা » ) বসিবে ; যথা—« রাম, শ্রাম, গোপাল ও সুবোধ বাড়ী আসিবে ; সাধুচেতা, দয়াশীল ও পরহিতব্রত ব্যক্তি সংসারে দুর্ভাগ » । এইরূপ অনেকগুলি পদ একই বাক্যে আসিলে, কখনও-কখনও সেগুলিকে কতকগুলি অর্থানুগত ক্ষুদ্র মণ্ডলীতে বিভক্ত করিয়া, একাধিক সংযোজকের দ্বারা যুক্ত করা যাইতে পারে ; যথা—« তাঁহার উচ্চ বংশ ও পদ-মর্যাদা, বিদ্যা ও বুদ্ধি, চারিত্র্য ও কর্তব্য-নিষ্ঠা, সকলের সহিত আন্তরিক সহানুভূতি ও অমায়িক ব্যবহার, সমস্ত মিলিয়া তাঁহাকে বিশেষ-ভাবে জনপ্রিয় করিয়া তুলিয়াছিল » ।

[৯] সংযোজক অব্যয় দ্বারা সংযুক্ত এইরূপ কতকগুলি পদের মধ্যে, অন্ত্য পদটিতেই বহু-বচন বা ষষ্ঠী প্রভৃতি বিভক্তির চিহ্ন সংযুক্ত হয়—সাধারণতঃ প্রত্যেক পদটিতে হয় না ; যথা—« গুরু ও শিষ্যের একই গতি ; আনন্দ (আনন্দে) ও কৃতজ্ঞতার তাহার নেত্র অশ্রুপূর্ণ হইল ; বন্ধু ও হিতৈষিগণ একে একে আসিয়া উপস্থিত হইলেন ; ভারত-বর্হিভূত অল্প জাতির তুলনায়, বাঙ্গালী ও পাঞ্জাবীর মধ্যে বৈষম্য অপেক্ষা সাম্যই অধিক ; হিন্দু ও মুসলমানগণ এ বিষয়ে একমত ; চাটুর্জ্যে আর মুখুর্জ্যেদের কর্তারা » । যদি বিশেষ করিয়া ইহা জানাইবার আবশ্যকতা থাকে যে আলোচ্য প্রস্তাবে পদ দুইটির মধ্যে পার্থক্য বা বৈষম্য আছে, তাহা হইলে পৃথক প্রত্যয় যুক্ত হইতে পারে ; যথা—« বরপক্ষের

এবং কত্ৰাপক্ষের পুরোহিতদ্বয় ; হিন্দুদিগের ও মুসলমানদিগের প্রতিনিধিগণ ; অন্ধদিগকে ও খঞ্জদিগকে যথাক্রমে দুই আনা ও এক আনা করিয়া ভিক্ষা দেওয়া হইল » ।

[১০] সংযোজক অব্যয়-দ্বারা যুক্ত না হইলে ( কিংবা যুক্ত হইয়াও বস্তু-গত পার্থক্য বিद्यমান থাকিলে ), প্রত্যেক পদে আবশ্যক বিভক্তি প্রত্যয়াদি বসিবে ; যথা—« সুখে দুঃখে পরস্পরের সাথী হও ; ধনে পুত্রে লক্ষ্মীলাভ হউক ; 'ভায়ের মায়ের এমন স্নেহ, কোথায় গেলে পাবে কেহ' ; হাতে পায়ে খিল ধরা ; চোখে মুখে কথা বলে ; দেশের ও দশের সেবা ; হিন্দুর ও মুসলমানের স্বতন্ত্র নির্বাচন ; ধনের ও মানের কাঙ্গাল » ইত্যাদি ।

সংযোজক অব্যয় না থাকিলে, বহুস্থলে সমাস হইয়াছে বুঝিতে হইবে, এবং তদনুসারে সমস্ত-পদের শেষেই বিভক্তি হইবার যে নিয়ম আছে সেই নিয়ম যেন প্রযুক্ত হইয়াছে বুঝিতে হইবে ; যথা—« ব্রাহ্মণ ক্ষত্রিয়ের শাসন ; হিন্দু মুসলমানের একতা ; রাজা প্রজার সম্বন্ধ ; অনাথ ছেলে মেয়েদের কি গতি হইবে ? »

[১১] একাধিক ক্রিয়া-পদের কাল-গত সঙ্গতি (Sequence of Tenses) বাঙ্গালায় নাই। পর পর কতকগুলি বাক্য আসিলে, প্রথম বাক্য বা প্রধান বাক্যের ক্রিয়া-পদের কাল অনুসরণ করিয়া, পরবর্তী অথবা অপ্রধান বাক্যের কাল নিয়ন্ত্রিত হয় না। এক্ষেত্রে ইংরেজীর এবং বাঙ্গালার বাক্য-রীতির মধ্যে একটা বড় প্রভেদ দেখা যায়। বাঙ্গালায় ঘটনাবলীর বর্ণনায়, সাধারণতঃ সব ঘটনাগুলি পর পর পরিদৃশ্যমান বা ক্রিয়মাণ রূপে কল্পিত হয়—তদনুসারে, ক্রিয়ার কাল, ক্রিয়ার সর্বাপেক্ষা লক্ষণীয় বা বিশিষ্ট অবস্থা ধরিয়া নির্দিষ্ট হয় ; যথা—« একটা কাচের পাত্রে ভিতরে একটা বাতী জালিয়া রাখ ; তাহার পর পাত্রটির মুখ আর একটা কাচের পাত্র দিয়া সম্পূর্ণ-রূপে ঢাকিয়া দাও ; খানিক পরে দেখিবে যে, বাতীটা নিবিয়া গেল » ; « কাল তাহার বাতী গিয়াছিলাম তাহার দেখা পাইলাম না ; তাহার ভাই বলিল যে সেদিন দেখা হইবে না, সে বলিয়া গিয়াছে যে দুই দিন পরে আসিবে » ।

[১২] পরকীয় বা পরোক্ষ উক্তি (Indirect Narration)—অর্থাৎ যখন বক্তার উক্তি প্রত্যক্ষ-ভাবে বা যথাযথ-ভাবে স্বকীয়োক্তি (Direct Narration)-রূপে উত্তম-পুরুষে প্রতিবেদিত না হইয়া, প্রথম-পুরুষে প্রতিবেদিত হয়, তখনও বিভিন্ন ক্রিয়ার কালের সঙ্গতি থাকে না; যথা—« সে বলিল যে সে আসিবে না ( পরোক্ষ উক্তি ); সে বলিল, ‘আমি আসিব না’ ( প্রত্যক্ষ উক্তি ) »; তুলনীয় ইংরেজী—He said, ‘I shall not go’, এবং He said he would not go.

[১৩] একই উদ্দেশ্যের অনেকগুলি বিধেয় বা ক্রিয়া-পদ পর পর আসিলে, বাঙ্গালায় সমুচ্চয়ার্থক অথবা সংযোজক অব্যয়-দ্বারা সংযুক্ত দুইয়ের অধিক সমাপিকা-ক্রিয়া সাধারণতঃ একই বাক্যে প্রযুক্ত হয় না—মাত্র শেষ ক্রিয়া-পদটিকে, অথবা মধ্যের একটা ক্রিয়া-পদ ও শেষ ক্রিয়া-পদ এই দুইটিকে, সমাপিকা রূপে আনয়ন করিয়া, অবশিষ্ট ক্রিয়াগুলিকে «-ইয়া»-প্রত্যয়ান্ত অসমাপিকা-ক্রিয়া-রূপে প্রয়োগ করা হয়, যথা—« সে বাড়ীর সদর দরজার কড়া নাড়িয়া কাহারও সাড়া না পাইয়া, ভিতরে প্রবেশ করিয়া দেখিল যে একটা ঘরে ভূমিতে ছেঁড়া মাদুর পাতিয়া, রুগ্ন শিশুকে কোলে লইয়া, জীর্ণবাস পরিধান করিয়া ছুভিক্ষ-পীড়িতা মাতা, অসহায় নৈরাশ্রের মূর্তিরূপে বসিয়া আছে; » « তাড়াতাড়ি বাড়ী গিয়া, চটপট স্নানাহার সারিয়া লইয়া, একখানি গাড়ী ডাকাইয়া আনিয়া তাহার উপরে মালু-পত্র চড়াইয়া দিয়া, গাড়ী জোরে হাঁকাইয়া, দশটার মধ্যেই স্টেশনে পৌঁছাবে » ।

[১৪] কতকগুলি পদ পরস্পরের সহিত নিত্য-সম্বন্ধ-যুক্ত Correlatives)—একটির প্রয়োগ হইলে আর একটির প্রয়োগ করা চাই, নহিলে বাক্য অসম্পূর্ণ থাকিবে; যথা—সর্বনাম—« যে, যিনি, যাহা—সে, তিনি, তাহা »; সর্বনাম-জাত ক্রিয়া-বিশেষণ—« যেখানে, যেথা, যেথায়, যবে, যত, যেমন ইত্যাদি—সেখানে, সেথা, সেথায়, তবে, তত, তেমন »; অব্যয়—« যদি—তবে, তাহা হইলে; বটে—কিন্তু; যাই—তাই; না—না; এদিকে—ওদিকে » ইত্যাদি ।

[১৫] সাধু-ও চলিত-ভাষায় নঞর্থক « না » অব্যয়, বাক্যের শেষে বসে;

« আমি দিব না ; তুমি ব'লো না ; সে আসিল না » । কবিতায় ইহার ব্যত্যয় ঘটিতে পারে ; « 'যেতে নাহি দিব' ; 'না ভজিলাম রাধাকৃষ্ণ চরণাবিন্দে' ; 'না যাইও না যাইও, বন্ধু, দূর দেশান্তর' ; 'আপন কাজে না করিয়ে হেলা' » ।

ইচ্ছাচ্যোতক বাক্যে, এবং « যদি, যতপি, যাহাতে » প্রভৃতি অব্যয় দ্বারা আরম্ভ বাক্যে, « না » ক্রিয়ার পূর্বে আসে ; যথা—« ঈশ্বর না করুন, যদি সে মারা যায় ! ; এমন ভাবে তাহাকে বলিয়ে, যাহাতে সে না আসে ; যদি সে রাজী না হয়, তাহাকে ভয় দেখাইয়ো » ।

[১৬] দূরাস্থয় যথাসম্ভব পরিহার্য্য ; « কৰ্তা—কৰ্ম—ক্রিয়া »—এই ক্রম যতদূর সম্ভব রক্ষণীয় । ক্রিয়া হইতে বহুদূরে কৰ্তা ও কৰ্মের অবস্থান, বাঙ্গালা বাক্য-রীতির অমুমোদিত নহে । সেই হেতু, ও বক্তব্যের সংক্ষেপের জন্য, অনেকগুলি বাক্য সম্মিলিত করিবার চেষ্টা সাহিত্যের গণ্ডে দেখা গেলেও, বাঙ্গালায় যতদূর সম্ভব ছোট-ছোট বাক্যই প্রশস্ত ।

## অনুশীলনী

১। 'বাক্য' কাহাকে বলে ? তিনটি বাক্য রচনা করিয়া সেগুলির উদ্দেশ্য ও বিধেয়াংশ দেখাইয়া দাও ।

২। 'প্রত্যক্ষ' ও 'পবোক্ষ' উক্তি কাহাকে বলে ? দৃষ্টান্ত-সহ বুঝাইয়া দাও ।

৩। 'সরল বাক্য', 'মিশ্র বাক্য' ও 'মৌগিক বাক্য'—উদাহরণ দিয়া ব্যাখ্যা কর ।

৪। উক্তি পরিবর্তন কর :—

(ক) জননী কুলকে কহিলেন, "ইহাব কথাষ কর্ণপাত কবিও না । ইনি মহাশয় হইলেও তোমার অমঙ্গলের কারণ ।"

(খ) কণ্ কহিলেন, "না বৎসে, ইহাদেব বিবাহ হয় নাই ; অতএব সে পর্যাস্ত যাওয়া ভাল দেখায় না ।"

(গ) ইন্দ্রনাথ বলিল, "আর ভয় নাই ; আমরা বড় গাঙে এসে পড়েছি ।"

(ঘ) মহেন্দ্র জিজ্ঞাসা করিলেন, "তুমি পথ হাঁটিতে পারিবে কি ? বেহারারা তো সব মরিয়া গিয়াছে, গোরু আছে গাড়োয়ান নাই, গাড়োয়ান আছে তো গোরু নাই ।"



(ঙ) রাম শ্রামকে বলিল, “নদীর ধারে বেড়াইতে যাইবে বলিয়া আসিয়াছ ? তুমি রুগ্ন, এখনও অতি দুর্বল, নদীর ধারে এই সন্ধ্যাকালে বেড়াইলে ঠাণ্ডা লাগিয়া তোমার অস্থখ বাড়িবে। আজ বাড়ী ফিরিয়া যাও।” ( C. U. 1915 )

৫। (ক) From one simple sentence joining the following :—তিনি হিমালয় পর্বতে আরোহণ করিলেন। তুষাররাশি সূধ্যকিরণে সমুচ্ছল হইয়াছিল। তিনি তাহা নিরীক্ষণ করিলেন। উহাতে তাঁহার আনন্দ হইল। ( C. U. 1913 )

(খ) Combine the following detached sentences into one or more simple sentences :—বঙ্গদেশে এক গ্রাম ছিল। তথায় এক ব্রাহ্মণ বাস করিতেন। তিনি অত্যন্ত দরিদ্র ছিলেন। তজ্জন্ত তিনি যতকাল জীবিত ছিলেন ততকাল দুঃখ যন্ত্রণা ভোগ করিয়া-ছিলেন। অনন্তর তিনি মৃত্যুকালে স্বীয় পুত্রকে আহ্বান করিলেন। তাহাকে যে সকল কথা বলিয়াছিলেন তাহা নিম্নে উদ্ধৃত হইল। ( C. U. 1914 )

(গ) Join the following sentences to form one simple sentence :—আমি ঘোড়ায় চড়িলাম। ঘোড়াটীকে ঘন ঘন কশাঘাত করিতে লাগিলাম। তখন সে উধ্বাসে ছুটিল। তাহার গতি ঠিক বিদ্রোহের মত দ্রুত হইল। ঘোড়া উত্তর দিক লক্ষ্য করিয়া চলিতে লাগিল। ( C. U. 1917 )

# পরিশিষ্ট [ক]

## বাঙ্গালা ছন্দ

(Bengali Metrics বা Prosody)

### সংজ্ঞা ও প্রকৃতি

বাক্য-স্থিত পদগুলিকে যে ভাবে সাজাইলে বাক্যটি শ্রুতি-মধুর হয় ও তাহার মধ্যে একটা কাল-গত ও ধ্বনি-গত সুধমা উপলব্ধ হয়, পদ সাজাইবার সেই পদ্ধতিকে **ছন্দ** ( বা **ছন্দঃ** ) বলে।

পদগুলির অবস্থান এমন ভাবে হওয়া চাই, যাহাতে ভাষার স্বাভাবিক উচ্চারণ-পদ্ধতির কোনও পরিবর্তন না হয়, এবং রচনার মধ্যে একটা সহজে লক্ষণীয় এবং সুসঙ্গত **পরিপাটী** বা **আদর্শ** (pattern) দেখিতে পাওয়া যায়।

বাঙ্গলা ছন্দের মুখ্য লক্ষণ—নির্দিষ্ট পরিপাটীতে গঠিত এবং নির্দিষ্ট কাল-মধ্যে উচ্চারিত কতকগুলি বিভিন্ন বাক্যাংশের পর পর অবস্থান।

সাধারণ ব্যাক্যালেপে শ্বাস গ্রহণের জন্ত (‘দম লইবার জন্ত’) আমরা মাঝে-মাঝে থামিয়া থাকি। সেইরূপ থামাকে **বিরাম** বা **ছেদ** বা **যতি** (Pause) বলে। সম্পূর্ণার্থক বাক্য বা বাক্যাংশের অবসানের সঙ্গে সঙ্গে সাধারণতঃ এই ছেদ পড়িয়া থাকে। সাধারণতঃ **ভাব-যতি** (Sense-pause) ও **ছন্দোযতি** (Breath-pause) একই স্থানে আসে। এই প্রকার ছেদের আধারে, কবিতার বাক্যে যে বিরাম হয়, তাহাকে বিশেষ করিয়া **যতি** (Metrical Pause) বলে। দৈর্ঘ্য ধরিয়া « যতি »-কে দুই প্রকারের বলা যায়—**অর্ধ-যতি** ও **পূর্ণযতি**। সাধারণতঃ বাক্যের « ছেদ » বা « বিরাম » ও কবিতার « যতি » একই স্থানে পড়ে; কথাবার্তার ভাষার একটা সুসঙ্গত বা নির্ধারিত পরিপাটী না থাকায়, কথাবার্তার ভাষার ও গণ্ডে; « ছেদ » পর পর

নিয়মিত স্থানে পড়ে না, কিন্তু সাধারণতঃ কবিতার ছন্দে এই ছন্দ, যতি-রূপে নির্ধারিত স্থানে পড়ে। এই জন্ত স্বাভাবিক গানের « ছন্দ » ও ছন্দের « যতি », এই উভয়ের মধ্যে কখনও-কখনও অমিল দেখা যায়। যেমন—

নমি আমি \* | কবিগুরু \* || তব পদাশুভে \* ||

এখানে ছন্দ ও যতি এক স্থানেই পড়িয়াছে। কিন্তু—

আর—ভাষাটাও তা | ছাড়া \* মোটে \* বেকে না | রয় | খাড়া ||

এই দ্বিতীয় উদাহরণে, \*চিহ্নদ্বারা নির্দিষ্ট ছন্দ, ও। -চিহ্নদ্বারা নির্দিষ্ট যতি, একই স্থানে পরে নাই।

ছন্দে যে বিভিন্ন বাক্যাংশের মধ্যে বা অন্তরালে যতি অবস্থান করে, সেই বাক্যাংশকে পর্ব (Measure বা Bar) বলে। পর্ব ও যতির উপরেই বাঙ্গলা ছন্দের বৈশিষ্ট্য নির্ভর করে।

প্রত্যেক ছন্দোগত বাক্যাংশ বা পর্বের মধ্যে দুইটি কি তিনটি শব্দ থাকে ; এই শব্দগুলি পর্ব-মধ্যে আবার পর্বীক (Beat) রূপে বিভক্ত হয় : যথা—

ঈশ্বরীয়ে জিজ্ঞাসিল | ঈশ্বরী পাটনী ||

একা দেখি কুলবধু | কে বট আপনি ||

এই পয়ার শ্লোকটিতে, এক দাঁড়ী | ও দুই দাঁড়ী || দ্বারা যথাক্রমে অধ-যতি ও পূর্ণ-যতি দেখানো হইয়াছে। « ঈশ্বরীয়ে জিজ্ঞাসিল » ও « একা দেখি কুলবধু »—এই দুইটি পর্ব ; ইহার মধ্যে দুইটি করিয়া পর্বীক—« ঈশ্বরীয়ে » ও « জিজ্ঞাসিল », এবং « একা দেখি » ও « কুলবধু » ।

পর্ব অপেক্ষা বৃহত্তর ছন্দোবিভাগের নাম চরণ। চরণের পরে পূর্ণ-যতি আসে। আজকাল এক-একটি পৃথক্ চরণ এক-একটি পঙ্ক্তিতে লিখিত ও মুদ্রিত হয় বলিয়া, চরণকে অনেক সময়ে পঙ্ক্তি বা ছন্দঃপঙ্ক্তি (Verse Line বা Line) বলা হয়। চরণ বা ছন্দঃপঙ্ক্তির মধ্যে একাধিক নির্দিষ্ট সংখ্যার পর্ব থাকে ; কখনও-কখনও মাত্র একটি পর্বে ছন্দঃপঙ্ক্তি গঠিত হইয়া থাকে।

সাধারণতঃ দুইটি চরণের শেষের অক্ষরে (Syllable)-এ স্বর- ও ব্যঞ্জন-

ধ্বনির সাম্য বা মিল দেখা যায়। ( কেবল স্বর অথবা কেবল ব্যঞ্জনের মিল, মিল নহে। ) এই মিলকে **অন্ত্যানুপ্রাস** বা **মিত্রাক্ষর** (Rime) বলা হয়।

অন্ত্যানুপ্রাস-দ্বারা সংযুক্ত দুইটি চরণ মিলিয়া একটি **শ্লোক** (Distich বা Couplet ) গঠিত হয়। দুইয়ের অধিক চরণ মিলিয়া **স্তবক** (Stanza) গঠিত করে। সাধারণতঃ পদের বা শ্লোকের দুইটি চরণের মধ্যেই অর্থ সমাপ্ত হইয়া থাকে ; যথা—

« প্রাচীরের ছিদ্রে এক | নাম-গোত্রহীন ||  
ফুটিয়াছে ছোট ফুল | অভিশয় দীন ||  
ধিক্ ধিক্ করে তারে | কাননে সবাই ||—  
সূর্য্য উঠি' বলে তারে | —“ভালো আছো ভাই ?” || »

প্রাচীন বাক্সালা ছন্দে প্রায় সর্বত্র এই অন্ত্যানুপ্রাস দেখা যায়। সংস্কৃতে সাধারণতঃ অন্ত্যানুপ্রাসের ব্যবহার হইত না। ইংরেজীতেও অন্ত্যানুপ্রাস-বিহীন ছন্দ আছে, তাহার অনুকরণে মহাকবি মাইকেল মধুসূদন দত্ত ( ও কালীপ্রসন্ন সিংহ ) বাক্সালায় অন্ত্যানুপ্রাস-বিহীন ছন্দ রচনা করেন। এইরূপ ছন্দকে **অমিত্রাক্ষর ছন্দ** (Blank Verse) বলে ; যথা—

« সম্মুখ-সমরে পড়ি' বীর-চুড়ামণি  
বীরবাহু চলি' যবে গেলা যমপুরে  
অকালে—কহ, হে দেবি অমৃতভাষিনি,  
কোন্ বীরবরে বরি' সেনাপতি-পদে,  
পাঠাইলা রণে পুনঃ রক্ষকুলনিধি  
রাঘবারি ?”

নির্দিষ্ট মাত্রা বা কাল-পরিমাণ ধরিয়া, বাক্সালা ছন্দ গঠিত হইয়া থাকে। বাক্সালা ছন্দের এক-একটি পর্বাঙ্ক, পর্ব, এবং চরণ, নির্ধারিত সময়ের মধ্যে উচ্চারিত হইবে। পর্ব ও পর্বাঙ্কের অন্তর্গত শব্দগুলির বিভিন্ন অক্ষরের উচ্চারণের উপরে এই কাল-পরিমাণ নির্ভর করে। একটি ব্রহ্ম অক্ষর উচ্চারণ করিতে যে পরিমাণ সময় লাগে, তাহাকে **এক মাত্রা** (mora, instant) বলে ; এবং দীর্ঘ

অক্ষরে দুই মাত্রা সময় লাগে বলিয়া ধরা হয়। কখনও-কখনও তিন মাত্রার অক্ষরও পাওয়া যায়।

বাঙ্গালার সাধারণতঃ ৪, ৬ ও ৮ মাত্রার পর্ব পাওয়া যায়। ১০ মাত্রার পর্বও কচিৎ মিলে। ৫ ও ৭ মাত্রারও পর্ব হয়। ৪ অপেক্ষা ক্ষুদ্র ও ১০ অপেক্ষা বৃহৎ পর্ব হয় না। পর্বের মধ্যস্থ পর্বাক্র ২+২, ৩+১, ১+৩, ৩+২, ২+৩, ৩+৩, ২+৪, ৪+২, ৪+৪ প্রভৃতি মাত্রা-সংখ্যায় বিভক্ত হইয়া থাকে, ও এইরূপে ৪, ৫, ৬, ৮ প্রভৃতি মাত্রার পর্ব সংপূর্ণ হয় :

« মনে পড়ে | হুম্মো রানী | হুম্মোরানীর | কথা || »

( ২+২ | ২+২ | ২+২ | ২ || )

পাখী সব | করে রব | রাতি | পোহাইল || «

( ৪+৪ | ২+৪ || )

সংস্কৃত, গ্রীক, ফারসী, আরবী ভাষায় কোন্ অক্ষরে কত মাত্রা হইবে, সে সম্বন্ধে নির্দিষ্ট নিয়ম আছে। « অ, ই, উ, ঋ, ঌ » এ কয়টি সংস্কৃতের হ্রস্ব স্বর, এগুলি সর্বত্রই হ্রস্ব হইবে। « আ, ঐ, ঊ, ঋ, ঌ, ঐ, ও, ঔ » এই কয়টি সংস্কৃতের দীর্ঘ স্বর; এবং তাহা ব্যতীত দুইটি ব্যঞ্জন-বর্ণের পূর্বে থাকিলে, অথবা পরে একটি হ্রস্ব-যুক্ত ব্যঞ্জন-বর্ণ থাকিলে, হ্রস্ব স্বর-বর্ণ « অ, ই, উ, ঋ, ঌ »-ও সংস্কৃতে দীর্ঘ অর্থাৎ দুই মাত্রার বলিয়া পরিগণিত; এই নিয়মের কোনও ব্যত্যয় হয় না। বাঙ্গালায় কিন্তু একরূপ বাঁধা-ধরা নিয়ম নাই। « অ, আ, ই, উ, এ, ও, ঐ, ঔ » এবং মিলিত দুইটি স্বর, অথবা দুইটি ব্যঞ্জন-বর্ণের পূর্বেকার হ্রস্ব বা দীর্ঘ স্বর ( অর্থাৎ ব্যঞ্জনান্ত স্বর,—শব্দ মধ্যে অবস্থিত হ্রস্ব স্বর ), বিভিন্ন অবস্থায় পড়িয়া বাঙ্গালায় হ্রস্ব বা দীর্ঘ হইতে পারে। সাধারণতঃ স্বরান্ত অক্ষর, বাঙ্গালায় হ্রস্ব উচ্চারিত হয় বলিয়া, একমাত্রার বলিয়া ধরা হয়; এবং হ্রস্ব অর্থাৎ ব্যঞ্জনান্ত অক্ষর শব্দের শেষে থাকিলে, দীর্ঘ বা দুই মাত্রার বলিয়া ধরা হয় ( অন্ততঃ, যেমন খাসাঘাত- বা বল-যুক্ত হইলে, ব্যঞ্জনান্ত অক্ষরকে হ্রস্ব রূপেই উচ্চারণ করা হয় )।

সাধারণতঃ বাঙ্গালা ছন্দের প্রতি পর্বে হ্রস্ব ও দীর্ঘ মিলিয়া নির্ধারিত সংখ্যার মাত্রা হওয়া আবশ্যিক। চরণের বিভিন্ন পর্বে এই হ্রস্ব ও দীর্ঘের

সমাবেশ কি ভাবে হইবে, তাহাও বান্ধালা ছন্দে সাধারণতঃ নিয়ন্ত্রিত বা নির্ধারিত থাকে ।

অক্ষরের এবং তদনুসারে পর্বের মাত্রার সহিত বান্ধালা উচ্চারণের আর একটা বস্তু—« বল » বা « কোঁক » « স্বাসাঘাত » (পূর্বে দ্রষ্টব্য, পৃষ্ঠা ৪৮-৪৯) —কোনও-কোনও ক্ষেত্রে বান্ধালা ছন্দের একটা লক্ষণীয় বৈশিষ্ট্য হইয়া থাকে ;—কোনও-কোনও বান্ধালা ছন্দে বিভিন্ন পর্বের আদিতে প্রবল কোঁক বা বল স্বাসাঘাত পড়িয়া থাকে ।

সাধারণতঃ বান্ধালা কবিতা পাঠ করিবার সময়ে, একটা টান বা সুর-ও আসে । ইংরেজীতে এই টান বা সুর-কে Vocal Drawl বলে । সংস্কৃতে ও তদনুসারে বান্ধালায় ইহাকে তান বলা যায় ।

### ছন্দের বিভাগ

পর্বের নির্দিষ্ট মাত্রা বা দৈর্ঘ্যের আধারের উপরে, [১] সমগ্র চরণের টান বা তান, [২] পর্বস্থিত অক্ষরের সুপরিষ্কৃত হ্রস্ব ও দীর্ঘ ধ্বনি, এবং [৩] পর্বের আদিতে অবস্থিত প্রবল স্বাসাঘাত ( কোঁক বা বল )—এই তিনটি বিষয় বিচার করিয়া, বান্ধালা ছন্দকে তিনটি শ্রেণীতে ফেলা যায়—

[১] তান-প্রধান ছন্দ বা সঙ্কোচ-প্রধান ছন্দ ( পয়ারাদি ) ;

[২] ধ্বনি-প্রধান বা বিস্তার-প্রধান ছন্দ অথবা বান্ধালা মাত্রাবৃত্ত ছন্দ ;

[৩] বল-প্রধান ছন্দ বা স্বাসাঘাত-প্রধান ছন্দ ।

উপর্যুক্ত তিন প্রকার ছন্দের পার্থক্য বুঝাইবার জন্ত, মাইকেল মধুসূদন দত্তের ‘মেঘনাদ-বধ’ কাব্য হইতে কয়েকটি ছত্র, মূলরচনায় ( তান-প্রধান পয়ারের আধারে গঠিত অমিত্রাক্ষর ছন্দে ), এবং ছত্রগুলির আশয় ধ্বনি-প্রধান ও বল-প্রধান ছন্দে নূতন করিয়া রচনা করিয়া দেওয়া হইল ।



নব শশধর,                      শোভা মনোহর,  
 কখনো গিরির শিরে ।  
 হরষিত হিয়া,                      বসিতাম গিণী  
 নাথের চরণ ঘিরে ॥  
 বসালেব মূলে                      লতা যেন ছলে,  
 পরম আদবে প্রভু  
 তুষিতেন মোরে ;                      সে কাহিনী তোরে  
 বলিতে নারিব কভু ॥ »

[২] ধ্বনি-প্রধান ছন্দ-

[২ক] সংস্কৃতের অম্লকারী মাত্রাবৃত্ত—সংস্কৃতের মত স্বরধ্বনির হ্রস্বতা ও দীর্ঘতা নির্দিষ্ট ( ৮+৮+১২ মাত্রা )—

॥ । । ॥ । ।                      ॥ । । । । । । ।                      ॥ । । ॥ । । । ॥ । । ।  
 « রে সখি রে সখি                      তোমায় বলিব কি                      মধুর সেই ইতিহাস ।  
 ॥ । । । । । । । ।                      ॥ । । । । । । ।                      ॥ । । । । । । । ॥ । । । । । । । ॥ । । । । । । ।  
 দুজনে পাশে পাশে                      অরণ নদীতে নূতন নভ                      পরকাশ ॥  
 উঠিয়া গিরি-শিরে                      প্রভুর পদতলে নীরবে বসিতাম লাজে ।  
 পেতেম শোভা, সখি !                      রসাল-পাদ-মূলে ব্রততী সতী যথা রাজে ॥  
 আদর করি স্বামী তুষিত অধিনীরে                      বরষি' বচন-সুখা কানে ।  
 কাহিনী পুরাতন স্মরণে করে অ'খি,                      বিষম ব্যথা বাজে প্রাণে ॥ »

[২খ] বিশুদ্ধ বাঙ্গালা পদ্ধতির মাত্রাবৃত্ত ছন্দ ( ৬+৬+৮ = ২০ মাত্রা )—

॥ । । ॥ । ।                      ॥ । । ॥ । ।                      ॥ । । ॥ । ।  
 « শোন্ সখি শোন্, আমরা ছ'জন্—নির্জন্ নদীতীৰ ;  
 ছল ছল জল্ ধায়্ অবিরল্—চঞ্চল্, অস্থির, —  
 তবু পেতে ফাঁদ বৃকে ধরে চাঁদ, তারা-হাব্ সাথে তাব  
 সুখে দেখিতাম্ ;                      কভু উঠিতাম্, পর্বত্ চূড়াকার ;  
 করিয়া যতন্ লতার্ মতন্ ও ছটী চরণ্ ঘিরে  
 বসিলে আদরে তুষি প্রভু মোরে বলিতেন্ ধীরে ধীরে  
 প্রেমের বচন্—লাজ্ মানে মন্ বলিতে সে-সব্ কথা !  
 সেদিন কোথায়্, আজ্ কোথা হায়্ ! স্মরণে বিষম্ বন্ধা । »



## [৩] বল-প্রধান বা স্বাসাঘাত-প্রধান ছন্দ—

« নদীর ধারে প্রভুর সনে বেড়াই ঘুরে ফিরে,  
 'টলমলিয়ে' উঠত আকাশ, 'তরল নদী- নীরে ॥  
 লক্ষ তারার মাঝে যেন ফুটত নোতুন চাঁদ ;  
 'গিরির শিরে রইত পাতা 'নোতুনতরো 'কাদ ॥  
 'কষ্টে উঠে চুপ্টি ক'রে 'প্রভুর পায়ে' কাছে ।—  
 'পেতেম শোভা লতা যেমন 'জড়িয়ে' থাকে 'গাছে ॥  
 'তুই মোরে 'ক'রত প্রভু, 'মিষ্ট বচন 'ক'য়ে ;  
 'কার' বা বলি, 'মনের' ছুংথে 'সকল' আছি 'স'য়ে' ॥ »

## [১] তান-প্রধান বা সঙ্কোচ-প্রধান ছন্দ ( পয়ারাদি ) ।

এই ছন্দই বাঙ্গালা সাহিত্যে বেশী করিয়া ব্যবহৃত হইয়াছে। ইহাতে syllable বা অক্ষরের ত্রুস্বতা বা দৈর্ঘ্য, সমগ্র পর্ব ও চরণের টানের প্রভাবের দ্বারা প্রভাবান্বিত। সমগ্র চরণের অন্তর্গত পর্বগুলি নির্দিষ্ট সময়ের মধ্যে উচ্চারিত হয়, এবং সাধারণতঃ পর্ব-মধ্যে যতগুলি মাত্রা থাকে, ততগুলি ত্রুস্ব syllable বা অক্ষর থাকে ; কেবল শব্দের শেষে ব্যঞ্জনান্ত অক্ষর কানে শোনা গেলে, সেই অক্ষর দীর্ঘ বা দুই মাত্রার হইয়া দাঁড়ায়, এবং ব্যঞ্জনান্ত না করিয়া স্বরান্ত করিয়া পড়িলেও, দুইটি অক্ষরে এক মাত্রা এক মাত্রা করিয়া দুই মাত্রা হয়। শব্দের মধ্যে সংযুক্ত-বর্ণের পূর্বেকার স্বর-ধ্বনিও এক মাত্রার বলিয়া ধরা হয় ; যেমন—

« সন্মুখ সমরে পড়ি' | বীর-চুড়ামণি »—

প্রত্যেক শব্দ স্বরান্ত করিয়া পড়িলে, এই ছন্দে চৌদ্দটি syllable বা অক্ষর, এক এক ত্রুস্ব মাত্রার ধরিয়া ১৪ মাত্রা। আবার হলন্ত করিয়া পড়িলে,

« সন্মুখ্ সমরে পড়ি' | বীর-চুড়ামণি »—

এখানে « মুখ্ অ » ও « বীর্ অ » স্থলে, « মুখ্ » ও « বীর্ », এই প্রকার দুইটি দীর্ঘ একাক্ষরের শব্দ-রূপে পড়িলে, এই দুইটির প্রত্যেকটিকে দুই মাত্রার

করিয়া ধরিতে হইবে, তাহা হইলেও চরণটির মাত্রা-সংখ্যা পূর্বের মতই ১৪ থাকে।

এই প্রকারের ছন্দের পাঠ কালে যে টান বা সুর আসে, তাহাতেই বিভিন্ন অক্ষরের হ্রস্ব-দীর্ঘ-ভাবের একটা সামঞ্জস্য হইয়া যায়; পরের অক্ষর বা স্বর-বর্ণের লোপের কলে ইচ্ছা করিয়া দীর্ঘ করিয়া না দিলে (যেমন উপরের দৃষ্টান্তে « মু-খ » এই দুই হ্রস্ব অক্ষরকে, খ-এর স্বরধ্বনি অ-কে লোপ করিয়া দিয়া দীর্ঘ একাক্ষর « মু--খ্ » রূপে পরিবর্তন), প্রত্যেক অক্ষরকে—স্বরাস্ত, অথবা যুক্ত-স্বরের পূর্বে হইলেও—হ্রস্ব-রূপেই ধরা হয়।

বান্ধালার পয়ার নামক দ্বিপঙ্ক্তিময় শ্লোক বা পদ এই তান-প্রধান ছন্দের মধ্যে প্রধান। স্বাসাঘাতের প্রাধান্য বা প্রাবল্য না থাকিলেও, স্বাসাঘাত ইহাতে অল্প পরিমাণে বিদ্যমান আছে—প্রতি পর্বের আদিতে এই স্বাসাঘাত শোনা যায়। চারি-পাঁচ শত বৎসর পূর্বের সাধারণ বান্ধালা কথা-বাতীর ভাষার আধারের উপরে, পয়ার প্রভৃতি তান-প্রধান ছন্দ প্রতিষ্ঠিত; বান্ধালা ভাষায় প্রায় তাবৎ গভীর ভাবের রচনা—কাব্য, মহাকাব্য, চিন্তাপূর্ণ কবিতা—এই ছন্দেই রচিত হইয়া থাকে।

[১ক] পয়ার—

প্রতি চরণে চৌদ্দ অক্ষর ও দুইটি যতি—চৌদ্দ অক্ষর, ৮+৬ এই দুই পর্ব বিভক্ত; চৌদ্দ অক্ষরে ( বা একটা অক্ষর অল্পচারিত হইলে তাহার পূর্ব অক্ষরকে দুই মাত্রার ধরিয়া ) চৌদ্দ মাত্রা। দুইটি চরণের মধ্যে অন্ত্যানুপ্রাসের দ্বারা মিল থাকে, এইরূপে দুইটি চরণ মিলিয়া একটা পয়ার হয়। প্রাচীন কবিদের পয়ারে দুই পঙ্ক্তির বাহিরে অর্থ যায় না, দুই পঙ্ক্তির মধ্যেই বাক্য সম্পূর্ণ হয়, যথা—

- « এদেশে নহিল বাস । যাবো কোন্ দেশে ॥ যার লাগি কাঁদে প্রাণ । তারে পাবো কিসে ॥ »  
 « মহাভারতের কথা । অমৃত-সমান ॥ কাশীরাম দাস কহে । শুনে পুণ্যবান্ ॥ »  
 « পাণী সব করে রব । রাত্তি পোহাইল ॥ কাননে কুম্ব-কলি । সকলি ফুটিল ॥ »  
 « তোমারে হেরিয়া তারা । হৈতেছে ব্যাকুল ॥ অকালে ফুটিতে চাহে । সকল মুকুল ॥ »

প্রাচীন বাঙ্গালা কাব্যে পয়ারের দুই ছত্রের শেষের অন্ত্যানুপ্রাস ভিন্ন, প্রতি ছত্রের মধ্যে চতুর্থ অক্ষরে ও অষ্টম অক্ষরে অতিরিক্ত অন্ত্যানুপ্রাস আনয়ন করিয়া, পয়ারের একটা রূপভেদ তরল পয়ার ছন্দ গঠিত হইত ; যথা—

« দেখে বিজ | মনসিজ | জিনিয়া মুরতি ॥

পদ্মপত্র | যুগ্মনেত্র | পরশয়ে শ্রীতি ॥ »

চতুর্থ ও অষ্টমের অতিরিক্ত দ্বাদশ অক্ষরে অন্ত্যানুপ্রাস থাকিলে, প্রাচীন বাঙ্গালা কাব্যে ব্যবহৃত ঝাল-ঝাঁপ পয়ার হয় ; যথা—

« কোতোয়াল | যেন কাল | খাঁড়া ঢাল | ঝাঁকে ॥

ধরি' বাণ | খর শাণ | হান্ হান্ | হাঁকে ॥ »

পয়ারের প্রথম চরণের অক্ষর কমাইয়া ( চৌদ্দ হইতে কেবল আট করিয়া ) বা বাড়াইয়া ( আট আট ষোল করিয়া ), যথাক্রমে পয়ারের বিকার-স্বরূপ হীন-পদ পয়ার এবং ভঙ্গ পয়ার হয়। বিচিত্রতার জন্ত কাব্যে এইরূপ পয়ার ব্যবহৃত হইত।

পয়ারের অন্ত্যানুপ্রাস উঠাইয়া দিয়া, নির্দিষ্ট যতি-স্থলে, ছত্র-মধ্যে যতি বা বিরামের বৈচিত্র্য আনিয়া, এবং দুইয়ের অধিক ছত্রে ভাবকে প্রসারিত বা সংক্রামিত করিয়া দিয়া, ইংরেজী Blank Verse-এর অনুল্লকরণে, পয়ারের আধারে, কালীপ্রসন্ন সিংহ ও মহাকবি মধুসূদন দত্ত বাঙ্গালার অমিত্রাক্ষর ছন্দ ( Blank Verse ) সৃষ্টি করেন। অমিত্রাক্ষরের দৃষ্টান্ত পূর্বে দেওয়া হইয়াছে।

আধুনিক কালে বহু কবি নূতন ধরণের পয়ার রচনা করেন, এই নূতন পয়ারে যতির বৈচিত্র্য থাকে,—যতি ইচ্ছামত ৪, ৬, ৮, ১০ অক্ষরের পরে রাখা হয়, কিন্তু অন্ত্যানুপ্রাস থাকে। এইরূপ পয়ারকে সঞ্চারিত পয়ার বলা যায় ; যথা—

« এত কহি' ঋষিপদে করিয়া অশতি,

গেলা চলি' সত্যকাম। যন অঙ্ককার

বন-বীথি দিয়া, পদব্রজে হ'য়ে পার  
ক্ষীণ স্বচ্ছ শাস্ত সরস্বতী, বালুতীরে  
সুপ্তি-মৌন গ্রাম-প্রান্তে জননী-কুটীরে  
করিল প্রবেশ । ঘরে সন্ধ্যা-দীপ জ্বালা,  
দাঁড়াষে' দুয়ার ধরি' জননী জ্বালা  
পুত্র-পথ চাহি' । »

এইরূপ পয়ারে এবং অমিত্রাক্ষর ছন্দে, একটী পয়ারের বা' শ্লোকের মধ্যেই অর্থ নিবন্ধ থাকে না ; সার্থক বাক্য অনেকগুলি পঙ্ক্তিতে সঞ্চারিত হইয়া থাকে ।

চৌদ্দ অক্ষরের দুইটী পঙ্ক্তিতে পয়ার হয় । এইরূপ চারিটী বা অধিক সংখ্যক পঙ্ক্তি লইয়া, অন্ত্য মিলের রকম-ফের করিয়া, আধুনিক বঙ্গলা কাব্যে পয়ারের আধারে বিভিন্ন প্রকারের স্তবক (Stanza) গঠিত হয় । « ক খ ক খ »—চারি পঙ্ক্তিতে পর পর এইরূপ মিল হইলে, পর্যায়-সম পয়ার হয় ; « ক খ খ ক »—এইরূপ মিল হইলে, মধ্য-সম পয়ার বলে ; যথা—

« কে পারে ছাড়িতে এই প্রফুল্ল অবনী—  
হৃন্দব রবির করে এ মহী মণ্ডিত ?  
মুর্বু পরাগী নরে কে আছে এমনি,  
পরানে না হয় যার বাসনা উদ্ভিত ? »  
« বিধাতার বর-পুত্র ধনী এ ধরাতে,  
দেবতা হইতে পারে ইচ্ছা যদি করে ;  
ইচ্ছা করে—যেতে পারে নরক-ভিতরে ;  
স্বর্গ-নরকের দ্বার তাহাদের হাতে । »

পয়ারের মত চৌদ্দ অক্ষরের চৌদ্দটী চরণ বা পঙ্ক্তি লইয়া যে কবিতা রচিত হয়, তাহাকে চতুর্দশপদী কবিতা বলে । ইহা ইউরোপীয় Sonnet সনেট কবিতার অল্পকরণে বঙ্গলা ভাষায় মধুসূদন দত্ত-কর্তৃক প্রথম প্রযুক্ত হয় । সনেট ইটালীয় কাব্যের সৃষ্টি, পরে ইংরেজীতে গৃহীত হয় । সনেটের মধ্যে অন্ত্যান্-

প্রাসের বিভিন্ন রকম-ফের থাকে। তদনুসারে বাঙ্গালাতেও সনেটের প্রকার-ভেদ আছে। অল্পের মধ্যে একটি পূর্ণ ভাব-প্রকাশের পক্ষে সনেট বিশেষ উপযোগী। সনেটে যতির বাঁধা-ধরা নিয়ম নাই,—ইচ্ছামত ৪, ৬, ৮, ১০ বা ১২ অক্ষরে হইতে পারে। সনেটে « কথকথ। কথকথ। গঘঘগ। উউ », « কথখক। কথখক। গঘঙ। গঘঙ » প্রভৃতি বিভিন্ন প্রকারের অন্ত্যাহুপ্রাস হইতে পারে।

### [১খ] ত্রিপদী বা লাছাড়ী—

ইহাতে প্রত্যেক চরণে তিনটি করিয়া যতি থাকে। প্রচলিত ত্রিপদী দুই প্রকারের—(১) লঘু ত্রিপদী ইহাতে প্রতি চরণে যে তিনটি করিয়া পর্ব থাকে, সেগুলিতে যথাক্রমে ৬+৬+৮ মাত্রা বা অক্ষর হয়; যথা—

« কৈলাস ভূধর | অতি মনোহর | কোটি শশী পরকাশ ||  
গন্ধর্ব কিন্নর | যক্ষ বিজ্ঞাধর | অপ্সরোগণের বাস || »  
« চণ্ডীদাস বলে | শুন সখাগণ | অপার যাহার লীলা ||  
রাখাল-মণ্ডলে | রাখালি করিয়া | করে নান্য মত খেলা || »

(২) দীর্ঘ ত্রিপদী বা লাছাড়ী—ইহার তিনটি পর্বের মাত্রা বা অক্ষর যথাক্রমে ৮+৮+১০; যথা—

« বড়ু চণ্ডীদাস কহে | সদাই অন্তর দহে | পাসরিলে না যায় পাসরা ||  
দেখিতে দেখিতে হরে | তমু মন চুরি করে | না চিনিয়ে কাল ক্রিবা গোরা || »  
« যশোর নগর ধাম | প্রতাপ-আদিত্য নাম | মহারাজ বঙ্গজ কারস্থ ||  
নাহি মানে পাতশায় | কেহ নাহি আঁটে ভায় | ভয়ে যত ভূপতি ধারস্থ || »  
« আখিনের মাঝমাঝি | উঠিল বাজনা বাজি | পূজার সময় এল কাহে ||  
মধু বিধু দুই ভাই | ছুটাছুটি করে ভাই, | আনন্দে দু হাত তুলি' নাচে || »

অন্য প্রকারের ত্রিপদীও হয়; যথা—৮+৮+৬:

« নদীতীরে বৃন্দাবনে | সনাতন এক মনে | জপিছেন নাম ||  
হেন কালে দীনবেশে | ব্রাহ্মণ চরণে এসে | করিল প্রণাম || »

ত্রিপদীর আধারে ভঙ্গ-ত্রিপদী ছন্দ আছে—

« ওরে বাছা ধুমকেতু | মা-বাপের পুণ্য-হেতু ||  
কেটে ফেল চোরে | ছাড়ি' দেহ মোরে | ধমের বান্ধহ সেতু || »

[১।গ] চৌপদী—

প্রতি চরণে চারিটা করিয়া যতি থাকে, এইজন্য এই নাম ( চতুপদী বা চৌপদী )। লঘু ও দীর্ঘ দুই প্রকারের চৌপদী হয়।

(১) লঘু চৌপদী—৬+৬+৬+৬, বা শেষ চরণে ছয়ের কম, এইরূপ অক্ষর-সমাবেশ থাকিলে, দুই চরণ সম্পূর্ণ হয়; যথা—

« চির স্থখী জন | ভ্রমে কি কখন | ব্যথিত-বেদন | বুঝিতে পারে || ( ৬+৬+৬+৫ )

কি যাতনা বিধে | বুঝিবে সে কিসে | কভু আশীবিধে | দংশেনি যারে ? || ( " ) »

« সাজিল সঘন | সেনা অগনন | করিবারে রণ | চলিল || ( ৬+৬+৬+৬ )

শিরে পরি' তাজ | যত তীরন্দাজ | সাজ সাজ সাজ | বলিল || » ( " )

(২) দীর্ঘ চৌপদী—৮+৮+৮+৮; শেষ চরণ ৭, ৬ বা ৫ অক্ষরেরও হয়; যথা—

« নিত্য তুমি খেল যাহা | নিত্য ভাল নহে তাহা | আমি যে খেলিতে কহি | সে খেলা খেলাও হে ||

তুমি যে চাহনি চাও | সে চাহনি কোথা পাও | ভারত যেমত চাহে | সেই মত চাও হে || »

চৌপদীর মত নানা প্রকার পর্বের সমাবেশে বিভিন্ন স্তবক (Stanza) গঠিত হইয়া থাকে।

[১।ঘ] একাবলী—

শেষে মিল-যুক্ত দুইটা ছত্র, প্রতি ছত্রে এগারটা করিয়া অক্ষর থাকে; যথা—

« এই কপ ধ্যান করি' মানসে ।

সমরে সকলে যায সাহসে ॥

ধন্য রে ধরমে রতি অপার ।

তা ভিন্ন এ ভবে আছে কি আর ? »







স্বর প্রসারিত বা দীর্ঘ হইয়া যাইতে পারে। স্বাসাঘাতের এই সঙ্কোচন-শক্তি, বল-প্রধান বা স্বাসাঘাত-প্রধান ছন্দের বিশেষ লক্ষণ। এই ছন্দের বৈচিত্র্য বেশী নহে, কারণ নির্দিষ্ট সময়ের মধ্যেই স্বাসাঘাতের পুনরাবৃত্তি হওয়া চাই। সাধারণতঃ এই ছন্দে চরণের প্রতি পর্বে চারি মাত্রা ও দুইটি পর্বাঙ্গ থাকে ; চরণে চারিটি করিয়া পর্ব থাকে, তাহার শেষ পর্বটি অপূর্ণ হয়।

« সাম্নেকে তুই | ভয় ক'রেছিস্ ? | 'পিছন তোর | 'ঘিরবে ?

'এমনি কি তুই | 'ভাগ্যহারা ? | 'ছিঁড়বে বাধন | 'ছিঁড়বে || »

« দিনের আলো | 'নিবে এলো | 'স্থিয়া ডোবে | 'ডোবে ||

'আকাশ ঘিরে | 'মেঘ জুটেছে | 'চাঁদের লোভে || 'লোভে || »

'মেঘের উপর | 'মেঘ ক'রেছে, | 'রঙের উপর | 'রঙ ||

'মন্দিরেতে | 'কাঁসর-ঘণ্টা | 'বাজল ঠঙ | 'ঠঙ || »

« 'আকাশ জুড়ে' | 'টল নেমেছে, | 'স্থিয়া ঢ'লে | 'ছে ||

চাঁচর চূলে | 'জলের গুঁড়ি, | 'মুক্তো ফ'লে || 'ছে || »

একই প্রকার ছন্দে রচিত বিভিন্ন দৈর্ঘ্যের পর্ব লইয়া গঠিত চরণের যোগে নানা প্রকার স্তবক (Stanza) আজকাল বাঙ্গালা কবিতায় খুবই প্রচলিত।

### কবিতার ভাষার কতকগুলি বৈশিষ্ট্য

[১] প্রায় সব ভাষাতেই দেখা যায়, কবিতার ভাষায় অনেক প্রাচীন শব্দ এবং রূপ সংরক্ষিত থাকে ; কারণ কবিতার ধারা প্রাচীন কাল হইতেই ভাষায় স্থিরীকৃত হইয়া যায়। সাধারণ কথোপকথনের ভাষায় অথবা লিখিত গল্প-ভাষায় অপ্রচলিত হইয়া গিয়াছে, এরূপ বহু প্রাচীন বাঙ্গালা শব্দ, বাঙ্গালা কবিতার ভাষায় এখনও ব্যবহৃত হইয়া থাকে ; যেমন —

« দিষ্টি ( দৃষ্টি ), নিঠুর ( নিষ্ঠুর ), অমিয়া ( অমুর ), হিয়া ( হৃদয় ), বয়ান ( বদন ), সায়র ( সাগর ), চিত ( চিত্ত ), পিয়াস ( পিপাসা ), নিদয় ( নিদ্র ), সরম ( লজ্জা—এটা ফারসী শব্দ, 'শরম' ), রাতা রাতুল ( রক্তবর্ণ ), ঝি ঝিয়ারী ( কন্যা ), দেউটী ( দীপবর্তিকা বা প্রদীপ ), হেরিস্ত ( মেখিলাম ), ভিত্তিল ( ভিজিল ), নারিব ( পারিব না ), ভণে ( বলে ), বাহুড়িল নেউটিল ( ফিরিয়া

আসিল), ঝুরে ( কাদে ), বুলে ( ঘুরে ), জিনিয়া ( জয় করিয়া ), পুছিল ( জিজ্ঞাসা করিল ), আছিল ( ছিল ), পর ( উপরে ), উরিল ( অবতীর্ণ হইল ), উয়ে ( উদ্ভিত হয় ), তেই ( সেইজন্ত ), হেদে ( = সম্বোধনে, এগো ) » ইত্যাদি ।

[২] কতকগুলি ব্যাকরণ-দুষ্ট পদ কবিতায় প্রযুক্ত হয় ; যেমন—

« নাচিছে নত'ক, গাহিছে গায়কী । »

« মুকেশিনী শিরশোভা কেশের ছেদনে

মুক্ক নহে, যদি তাহে হয় উপকার ॥ »

« যজ্ঞ-পালন-প্রভু তুমি নির্বিকার ॥ »

[৩] সংস্কৃত শব্দে উচ্চারণে কঠিন অথবা শ্রবণে কষ্ট সংযুক্ত বর্ণ থাকিলে, অনেক সময়ে « বিপ্রকর্ষ » অনুসারে সংযুক্ত বর্ণের মধ্যে নূতন স্বরধ্বনি আনয়ন করিয়া শব্দগুলিকে সহজে উচ্চার্য এবং শ্রুতি-মধুর করিয়া লওয়া হয়, যথা—

« তোমার পতাকা যাবে দাও, তারে বহিবাবে দাও শকতি । »

তদ্রূপ— « ভকতি, মুকতি, দরশন, পরশ ( = স্পর্শ ), গরজন, নিবদয়, ধবম, করম, পরাণ, পিরীতি ( = প্রীতি ), পরবাস, মরম, মুকুতা, বরণ, বেয়াকুল, তেয়াগ, বেয়াধি, মুগধ, পহুমিনী » ইত্যাদি ।

[৪] কবিগণ অনেক সময়ে ছন্দের খাতিরে সাধু-ভাষার সহিত চলিত-ভাষার মিশ্রণ করিয়া থাকেন—গত্রে একরূপ মিশ্রণ দোষের হয় ; যথা—

« আর কত দূরে নিয়ে যাবে ( = লটখা যাইবে ) মোবে, হে মুন্দরী ?

বলো কোন্ পাব ভিডিবে তোমার সোনার তবী ? »

« গান গেয়ে তরী বেয়ে কে আসে পাবে ?

দেখে যেন মনে হয় চিনি উহাবে ॥ »

[৫] শব্দ-রূপে, কর্মকারকে ও সম্প্রদান-কারকে « -কে » বিভক্তি-স্থলে « -রে » এবং « -এ » বিভক্তির প্রয়োগ, কাব্যের ভাষার একটা বৈশিষ্ট্য ; যথা—

« আমি তো তোমারে চাহিনি জীবনে, তুমি অভাগারে চেয়েছ » , « জিজ্ঞাসিব জনে জনে » ;

« কোন্ বীরবরে বরি' সেনাপতি-পদে

পাঠাইলা রণে পুনঃ রক্ষঃকুলনিধি

রাঘবারি ? »

[৬] কবিতায় বিশেষ্য ও সর্বনামের সহিত কতকগুলি বিশেষ শব্দ বিভক্তি-রূপে প্রযুক্ত হয় ; যথা—

« যাহার লাগিয়া, বন্ধুর লাগি » = যাহার জন্ত, বন্ধুর জন্ত ; মো-সনে = আমার সঙ্গে ; সখী-সনে ; তার সাথে = তাহার সঙ্গে » ( 'সাথে' গদ্য-সাহিত্যে ব্যবহৃত হয়, কিন্তু «সাথে» শব্দ চলিত-ভাষা উপযোগী নহে- চলিত-ভাষার গদ্যে «সঙ্গে» শব্দই ব্যবহৃত হয় ) ।

[৭] সর্বনাম-মধ্যে, উত্তম-পুরুষে « মো » ( বহুবচনে « মোরা » ), এবং « তথি = সেথায়, তাহাতে ; হেন = এইরূপ ; তেই = সেইজন্য » প্রভৃতি কতক-গুলি শব্দ ব্যবহৃত হইয়া থাকে ।

[৮] ধাতু-রূপ—

বিশেষ্য অথবা বিশেষণ শব্দ কাব্যে অনেক সময়ে ধাতু-রূপে ব্যবহৃত হয় ; যথা—« নীরবিলা ( = নীরব হইল ) রাক্ষস-রাজ ; বিকশি' উঠে প্রাণ ; দানিলা ; সমর্পিলা ; বিনোদিয়া » ।

তদ্রূপ—« বাহিরিব, স্বনিছে, ধনিল, প্রতিবিধিসিতে » ।

[৯] ক্রিয়ার অতীত কালের উত্তম- ও প্রথম-পুরুষের রূপে কতকগুলি বিশেষ বিভক্তি আছে—« -হু ( < মধ্য-যুগের বাঙ্গালা « -লু » ), -লেম », ও « -ইলা » ; যথা—« হেরিহু = দেখিলাম ; দিহু, ছিহু = দিলাম, ছিলাম ; করিলা, পাঠাইলা = করিল, পাঠাইল ; দিলেম, কিন্লেম = দিলাম, কিনিলাম » ; « করিল, মরিল » স্থলে « কৈল, মৈল » ।

ঘটমান বর্তমানের প্রথম- ও মধ্যম-পুরুষে বিশেষ বিভক্তি হয় ; যথা—« শোভিছে, করিছে = শোভিতেছে, করিতেছে ; কি ভাবিছ মনে = ভাবিতেছ » ।

« ইয়া »-প্রত্যয়ান্ত অসমাপিকা ক্রিয়া কবিতায় সংক্ষিপ্ত হইয়া « -ই' » প্রত্যয়ান্ত হয় ; যথা—« ধরি', করি', অবিতরি' = ধরিয়া, করিয়া, অবতরিয়া বা অবতরণ করিয়া » ।

## পরিশিষ্ট [খ]

### সংস্কৃত ধাতু ও তাহাইহিতে জাত বাঙ্গালা তৎসম শব্দ

[ শব্দের পূর্বে « - » হাইকেন বা সংযোজক-চিহ্নের অর্থ, এই শব্দগুলির  
উপসর্গ-যুক্ত রূপ-ভেদ বাঙ্গালায় বহুল প্রচলিত । ]

অচ্ অঞ্চ = বাকানো : অঙ্ক ।

অঞ্জ = অঞ্জন লাগানো : অঙ্গ, অঞ্জন, -অন্ত ( রক্তান্ত ) ।

অট্ = ভ্রমণ করা : অটন ( পর্যটন ), আটক ( পর্য্যাটক ) ।

অদ্ = খাওয়া : অদন, অন্ন, -আদ ( মৎস্যাদ ) ।

অন্ = খাস লওয়া : অনিল, আনন ।

অর্চ্ = স্তুতি করা, উজ্জ্বল হওয়া : অর্ক, অর্চ, অর্চন, ঋক্; অর্চিঃ, অর্চনীয় ।

অর্হ্ = যোগ্য হওয়া : অর্হ, অর্হৎ, -অর্হ ( মহর্হ ) ।

অস্ = হওয়া : সস্ত সৎ, সতী, অস্তিত্ব, নাস্তিক, স্বস্তি ।

আপ্ = পাওয়া : আপ্ত, আপনীয় ( প্রাপর্নীয় ); আপন, ঈপ্সা ।

আস্ = বসা : আসন ।

ই ( ঐ, অয় ) = যাওয়া : -অয় ( বায়, অবায় ), আয়, অয়ন, আয়ু, ইতি, -ইত ( অতীত ), -এয়,  
-এতন্য় ।

ইষ্, ইচ্ছ্ = ইচ্ছা করা : ইচ্ছা, ইচ্ছুক, এষা, এষণ, -এষণা ( গবেষণা ), -এষ্টবা ( অন্বেষ্টব্য ) ।

ঈক্ষ্ = দেখা : -ঈক্ষা ( পরীক্ষা, সমীক্ষা ), -ঈক্ষণ, -ঈক্ষক, ঈক্ষণীয় ।

ঈশ্ = প্রভু হওয়া : ঈশ, ঈশ্বর, ঈশান ।

ঋ, ঋচ্ছ্ = যাওয়া, পাঠানো : অরনি, অরিত্ব; অর্ণ, আর্ধ্য, ঋতু, ঋত, ঋণ, রথ, অর্পণ ।

কম্ = ভালবাসা : কম, কত্র, কাম, কাম্য, কমনীয়, কামুক, কামনিতব্য ।

কম্প্ = কাঁপা : কম্প, কম্পন, কম্প্র ।

কাশ্ = দীপ্তি পাওয়া : -কাশ[ন], -কাশনিতব্য ।

কুপ্ = ক্রুদ্ধ হওয়া : কোপ, কোপন ।

କୃ = କରା : କର, କରଣ, କରଣୀୟ, କର୍ତ୍ତବ୍ୟ, କର୍ତ୍ତା କର୍ତ୍ତ୍ରୀ କର୍ତ୍ତୂ-, କର୍ମ, କାର, କାରକ, କାରଣ, କାରୀ  
 କାର୍ଯ୍ୟିଣୀ କାର୍ଯ୍ୟ, କାରଣୀୟ, କାର, କୃତ୍ୟା, କୃତି, କୃତ୍ରିମ, କ୍ରତୁ, କ୍ରିୟା, ଚିକିତ୍ସା, ଚିକିତ୍ସୁ,  
 କାର୍ଯ୍ୟିତା ।

କୃଂ = କାଟା : କର୍ତ୍ତନ, କୃଷ୍ଣନ, କୃଷ୍ଣି ।

କୃଷ୍ = ଟାନା, ଲାଞ୍ଜଲ ଟାନା : କର୍ଷ, କର୍ଷଣ, କର୍ଷକ, କର୍ଷଣୀୟ, କୃଷି, କୃଷ୍ଟି ।

କଳ୍ପ = ଉପଯୋଗୀ ହେବା : କଳ୍ପ, କଳ୍ପନା, କଳ୍ପନୀୟ, କଳ୍ପିତବ୍ୟ ।

କ୍ରମ୍ = ପଦକ୍ରେମ କରା : -କ୍ରମଣ, କ୍ରମ, କ୍ରାନ୍ତ, ଚକ୍ରମ ।

କ୍ରୀ = କେନା : କ୍ରୟ, କ୍ରୟକ, କ୍ରୟା, କ୍ରେତବ୍ୟା, କ୍ରେତା କ୍ରେତ୍ରୀ, କ୍ରେୟ ।

କ୍ରିନ୍ = କ୍ରେଦୟୁକ୍ତ ହେବା : କ୍ରେଦ, କ୍ରିନ୍ନ ।

କ୍ଳମ୍ = ମହା କରା : କ୍ଳମା, କ୍ଳମ, କ୍ଳମ୍ବ୍ୟା ।

କ୍ଳି = ନଷ୍ଟ କରା, ନଷ୍ଟ ହେବା, ରାଜତ୍ୱ କରା : କ୍ଳୟ, କ୍ଳୟିତ୍ୱ, କ୍ଳିତି ।

କ୍ଳିପ୍ = ଛୋଡ଼ା : କ୍ଳିପ୍ତ, କ୍ଳେପ, କ୍ଳେପନ, କ୍ଳିପ୍ତ ।

କ୍ଳୁଭ୍ = କଲ୍ପିତ ହେବା : କ୍ଳୁକ୍, କ୍ଳୋଭ, -କ୍ଳୋଭନ ।

ଖନ୍ = ଖୋଜା : ଖନ, ଖନନ, ଖନି, ଖନିତ୍ୱ, ଖନକ, ଖାତ ।

ଖାନ୍ = ଚର୍ଚ୍ଚା କରା : ଖାନ୍ତ, ଖାନ୍ତନ, ଖାନ୍ତନୀୟ, ଖାନ୍ତ, ଖାନ୍ତିତବ୍ୟ ।

ଖିନ୍ = ଛୋଡ଼ା : ଖିନ୍ନ, ଖେଦ, ଖେଦନ ।

ଖ୍ୟା = ଦେଖା : -ଖ୍ୟା ( ଆଖ୍ୟା ), ଖ୍ୟାତି, ଖ୍ୟାତୀ, ଖ୍ୟାପକ, ଖ୍ୟାପନ ।

ଗମ୍ > ଗଚ୍ଛ = ଯାଉଣା : ଗଚ୍ଛ ( ସ୍ୱୟଂଗଚ୍ଛ ), -ଗମ, ଗମକ, -ଗମା, -ଗମନ, -ଗମନୀୟ, -ଗତି, -ଗତ, -ଗନ୍ତବ୍ୟା,  
 ଗନ୍ତା, -ଗାମୀ ଗାମିନୀ ଗାମି, ଗମ୍ଭିତବ୍ୟା, ଜଗତ୍, ଜଗ୍ଧମ, ଜିଗମିଷୁ ।

ଗୈ = ଗାନ କରା : ଗାୟକ, ଗାୟା, ଗାୟତ୍ରୀ, ଗାତବ୍ୟା, ଗାନ, ଗୀତି, ଗେୟ ।

ଗୁପ୍ = ରକ୍ଷା କରା, ଗୋପନ କରା : ଗୋପ୍ୟା, ଗୁପ୍ତ, ଗୁପ୍ତି, ଗୋପନ, ଗୋପନୀୟ, ଗୁପ୍ତମ୍ପା ।

ଗୁହ୍ = ଗୋପନ କରା : ଗୁହ, ଗୁହା, ଗୁହ ।

ଗୁ > ଜାଗ୍ = ଜାଗା : ଜାଗର, ଜାଗରକ, ଜାଗତ୍, ଜାଗରିତ ।

ଘ୍ର, ଘ୍ରତ୍ = ଘରା : ଘ୍ରହ, -ଘ୍ରହଣ, ଘ୍ରହଣୀୟ, -ଘ୍ରାହ, ଘ୍ରାହୀତବ୍ୟା, ଘ୍ରାହୀତ, ଘ୍ରାହୀତା, ଘ୍ରାହୀ, ଘ୍ରାହିଣୀ, ଘ୍ରାହକ,  
 ଘ୍ରାହ, ଘ୍ରାହ, ଘ୍ରାହ ।

ଘଟ୍ = ଘଟା, ଘଟଣା କରା : ଘଟ, ଘଟକ, ଘଟନ ଘଟଣା, -ଘାଟନ, ଘଟିତବ୍ୟା, ଘଟିତ ।

ଘୁଷ୍ = ଘୋଷଣା କରା : ଘୋଷ, ଘୋଷଣ ଘୋଷଣା ଘୋଷିତ, ଘୋଷଣୀୟ ।

ଚକ୍ = ଦେଖା : ଚକ୍ଷୁ, (ବି)ଚକ୍ଷଣ ।

চন্ = চরা : চর, চরক, চৰ্যা, চৰ্যা, চরণ, চরণীয়, চরিতব্য, চরিত্র, চরিক্, চৰ্ষণ, -চার, -চারী -চারিণী  
-চারি, চারণ, চারণীয়, চরাচর, চারনিতব্য ।

চন্ = চলা : চল, চলক, চলন, চলনীয়, চলিতব্য, চালী, -চালন, চালক ।

চি = সংগ্রহ করা : কায়, -চয়, চয়ন, চয়িতব্য, -চিতি, -চেয় ।

চিৎ = জানা : কেতন, কেতু, চিৎ, চিত্তি, চিত্ত, -চিত্র, চেতন, চেতঃ, চিকিৎসা, চিকিৎসক,  
চেতয়িতা, চেতয়িতব্য ।

চিস্ত্ = চিন্তা করা : চিন্তা, চিন্তক, চিন্তন, চিন্তনীয়, চিন্তয়িতব্য, চিন্তিত ।

চেষ্ট্ = নড়া, চলা : চেষ্টা, চেষ্টন, চেষ্টিতব্য, চেষ্টয়িতা, চেষ্টিত ।

চ্য = নড়া, চলা : চ্যবন, চ্যুতি ।

ছদ্ = আবৃত করা : -ছদ, -ছাদ, -ছদন, -ছাদন, -ছাদ, -ছাদী, ছাদক, ছত্র, ছন্ন, ছন্ন ।

ছিদ্ = ছিন্ন করা : ছিদ্, -ছিত্তি, -ছিত্র, ছেদক, ছেদী, ছেদ, -ছেদন, ছেদনীয়, -ছেদিতব্য,  
ছেদিতা, -ছিন্ন ।

জন্ > জা = জন্ম দেওয়া, জাত হওয়া : জন, জনঃ, জনক, জন্ম, জনন, জন্ত, জনিতব্য, জননিত্য  
জনয়িত্রী জনয়িতৃ-, জন্ম, জনন্যমান, জনয়িতব্য ; -জ, জাতি, -জানি, জায়া ।

জপ্ = জপ করা : জপ, জপী, জপ্য, জপন, জপনীয়, জাপ, জাপক, জাপ্য ।

জি = জয় করা : জয়, জয়ী-জয়িনী, -জিৎ, জিন, জিষ্, জয়িষ্, জেতব্য, জেতা, জেয়, -জিগীষা,  
জিগীষু ।

জীব্ = প্রাণধারণ করা : জীব, জীবক, জীবী জীবিনী জীবি-, -জীবা, -জীবন, জীবনীয়,  
জীবিতব্য, জিজীবিসা ।

জু, জুব্ = ক্ষয় প্রাপ্ত হওয়া ; জর, জরা, জারণ, জর্জর ।

জ্ঞা = জানা : জ্ঞান, জ্ঞাতি, জ্ঞাতব্য, জ্ঞাতা, জ্ঞাতৃ, জ্ঞেয়, জ্ঞাপন, জ্ঞাপ্তি, জ্ঞাপক, জ্ঞাপয়িতব্য,  
জিজ্ঞাসা, জিজ্ঞাসন, জিজ্ঞাসিতব্য, জিজ্ঞাস্ত ।

ভন্ = টানা : -তন, তনয়, তনু, তনু, তন্ত, তন্ত, -তান ।

ভপ্ = তপ্ত হওয়া : তপঃ, তপ্য, তপন, তপ্তব্য, -তাপ, -তাপক, -তাপী, -তাপন, তাপনিত্য ।

ভিজ্ = সহ করা, কঠোর হওয়া : ভিগ্ন, তেজঃ, ভীক্, -ভেজন, ভেজিষ্ঠ, ভেজীয়ান্, ভেজবী,  
ভিতিক্ষা, ভিতিক্ষু ।

ভুষ্ = আনন্দিত হওয়া : ভুষ্টি, ভুষ্কিষ্-, ভোষ, ভোষক, ভোষী, ভোষিণী, -ভোষ, -ভোষণ,  
-ভোষণীয়, -ভোষণ্য, ভোষনিতব্য, ভোষনিত্য ।

ত্ = পার হওয়া : তর, তরী, তরণ, তরণীয়, তরণি, তরণ, তর, ততব্য, তন্নিতব্য, তীর, তীর্থ,  
তার, তারক, তারী তারিণী, তারণ, তারণীয়, তারা, তিতীর্থা, তিতীর্ধু।

তৃপ্ = তৃপ্ত হওয়া : তৃপ্তি, তৃপ্ত, তর্পণ, তর্পণীয়, তর্পন্নিতব্য।

তাজ্ = ত্যাগ করা : ত্যজন, ত্যজনীয়, ত্যজ্যব্য, ত্যজ্ঞা, ত্যাগ, ত্যাগী, ত্যাজ্য।

ক্রট্ = ভগ্ন হওয়া, টুকরা-টুকরা হওয়া : ক্রটি, ক্রটিত, ক্রোটক।

দংশ্, দশ্ = কামড়ানো : দংশ, দংশক, দংশুক, দংশু, দশা, দশন।

দম্ = দমন করা, বশে রাখা : দম, দমন, দমনীয়, দাস্ত, দময়িতা।

দহ্ = পোড়ানো : দহ, দহব্য, দহা, দাহ ( দাঘ ), দাহক, দাহ, দহ, দাহন, দাহক, দিহক্ষু।

দা (> দদ্) = দেওয়া : দা, -দ, দাতব্য, দাতা দাতী দাতৃ, দান, দাম, দত্ত (< দদ্ + ত),  
দায়, দায়ক, দায়ী দায়িনী দায়ি, দেয়, দিৎসা, দিদিৎহ, দাপনীয়।

দা = উচ্ছল্যো : অবদান (= উচ্ছল চরিত্র)।

দিশ্ = দেখানো : দিশ্ দিক্, দিষ্ট, দিষ্টি, দেশ, দেশক, দেশী, দেশ্য, দেশন, দেশনা, দিদিক্ষু।

দুষ্ = দোষী করা : দুষ্ট, দুষক ( বিদুষক ), দুষ্য, দুষণ, দোষ, দোষ্য।

দুহ্ = দুধ দোহা : -ধুক্ ( কামধুক্ ), দুহিতা, দোহ, দোহক, দোহন, দোহব্য, দোহা দোহী।

দৃশ্ = দেখা : দর্শ, দর্শক, দর্শী দর্শিনী দর্শি-, দর্শন, দর্শনীয়, দৃক্, দৃশ, দৃশ্য, দৃষ্টি, দৃষ্ট, দ্রষ্টব্য, দ্রষ্টা,  
দিদৃক্ষা, দিদৃক্ষু।

দ্রাৎ = দীপ্তি পাওয়া : (বি)দ্রাৎ, দ্রাতি, -দ্রোত ( খেদ্রোত ), দ্রোতক, দ্রোতন, দ্রোতনা।

দ্র = দৌড়ানো : দ্রব, দ্রব্য, দ্রবণ, দ্রাব, দ্রাবণ, দ্রুত, দ্রুতি।

দ্বিব্ = হিংসা করা : দ্বিব্ দ্বেষ, দ্বেষক, দ্বেষী, দ্বেষণ, দ্বেষণীয়।

ধা (> দধ্) = রাখা করা : ধা, -ধান, ধানীয়, ধাতা ধাতী ধাতৃ, ধাম, ধায়ক, ধায়ী ধায়িনী, হিত্তি  
হিত্ত (< \*ধিত্তি, \*ধিত্ত), ধেয়।

ধৃ = ধরা : ধর, ধরণ, ধরণীয়, ধরণী, ধর্তা, ধরিত্রী, ধর্ম, ধার, ধারক, ধায়ী ধায়িনী ধায়ি, ধার্য্য,  
ধারণ, ধারণীয়, ধুর, ধৃতি, ধ্রুব, দিধীর্ধু, ধারয়িতা।

ধৃব্ = সাহস করা : ধর্ষ, ধর্ষণ, ধৃষ্ট, ধৃক্।

নশ্ = নষ্ট হওয়া : নষ্ট, নশর, নাশ, নাশক, নাশ্য, নাশন, নাশয়িতা।

নহ্ = বাধা : নহ, পিনহ।

নী = পথ দেখানো : -নী ( সেনানী ; গ্রামণী ), নয়, নয়ী, নয়ন, নায়ক, নীতি, নেতব্য, নন্নিতব্য,  
নেতা নেত্রী নেতৃ, নেত্র, নেয়।

নৃৎ = নাচা : নৃত্য, নর্তক, নর্তন, নৃত্ত ।

পচ্ = রঁধা : পচ, পচা, পচন, পাক, পক, পাচক, পাচন, পাচিত ।

পৎ = পড়া, উড়া : -পত, পতন, পত্র, পতত্র, পাত, পাতক, পাতী, পাতনীয় ।

পা = পান করা : -প, পান, পানীয়, পাতা, পাত্র, পায়ী, পিপাসা, পিপাস ।

পা = পালন করা : -প, পাতা, পাতব্য, পাল, পালন, পালনীয়, পালিত ।

পূ = পবিত্র করা : পবিত্র, পাবক ।

পূম্ = হুর্গন্ধ হওয়া : পূষ, পূতি ।

পূ, পূণ, পূব = পূর্ণ হওয়া : পূর্ব, পূর্তি, পূর, পূরক, পূরণ, পূরণীয়, পূরিত, পূরয়িতব্য ।

পৃ = পার হওয়া : পার, পারী, পারণ, পারণীয়, পারয়িত্য ।

পৃ = নিযুক্ত বা ব্যস্ত হওয়া : পার ( ব্যাপার ) ।

প্রচ্ছ = জিজ্ঞাসা করা : পৃচ্ছা, পৃচ্ছক, প্রষ্টব্য, প্রষ্টা, পৃষ্ট, প্রশ্ন ।

প্রথ্ = বিস্তৃত হওয়া : পৃথক্, পৃথু, পৃথ্বী, পৃথিবী, প্রথা ।

প্রী = প্রীত হওয়া : প্রিয়, প্রীতি, প্রেম, প্রেমঃ, প্রেষ্ঠ, প্রীণন, প্রীত ।

প্লু = ভাসা : প্লব, প্লুত, প্লুতি, প্লাবন, প্লাবিত ।

বন্ধ্ = বাঁধা : বন্ধ, বন্ধন, বন্ধনীয়, বন্ধু, বন্ধ ।

বাধ্ = পীড়া দেওয়া : বাধক, বাধা, বাধিতব্য, বাধৎস ।

বুধ্ = জানা, জাগা : বুধ, বুধা, বোধ, বোধক, বোধী বোধিনী বোধি-, বোধ্য, বোধন, বোধনীয়,

বোধি, বুদ্ধ, বুদ্ধি, বোদ্ধা, বোধিতব্য, বোদ্ধব্য, বোধয়িত্য ।

ভজ্ = ভাগ করা, অংশ-গ্রহণ করা : ভাজী, ভজ্য, ভজন, ভজনীয়, ভক্ত, ভক্তি, ভজিতব্য,

ভাগ, ভাগী ভাগিনী ভাগি, ভাগ্য, ভাজ, ভাজক, ভাজ্য, ভাজন ।

ভঞ্জ্ = ভাঙ্গা : ভঙ্গ, ভঙ্গি, ভঞ্জক, ভঞ্জন, ভঙ্গুর, ভঞ্জ ।

ভা = দীপ্তি পাওয়া : -ভা, -ভ, ভানু, ভাতি, -ভাত, ভাস, ভাসা, ভাস্কর, ভাস্কর ।

ভাষ্ = কথা কহা : ভাষ, ভাষা, ভাষক, ভাষী ভাষিণী ভাষি, ভাষণ, ভাষণীয়, ভাষ্য, ভাষিত,

ভাষিতব্য ।

ভিদ্ = ভেদ করা : ভিৎ, ভিদ, ভিচ্ছ, ভেদ, ভেদক, ভেদী, ভেদ্য, ভেদন, ভেদনীয়, ভিন্ন, ভিত্তি,

ভেত্তা ।

ভী = ভয় পাওয়া : ভী, ভয়, ভীতি, ভেতব্য, ভীম, ভীক, ভীষণ, ( বি )ভীষিকা, ভীষ ।

ভূজ্ = বাঁকা : ভূজ ।



ভূজ্ = ভোগ করা : -ভুক্, ভোজ, ভোজক, ভোজী, ভোজ্য, ভোগ, ভোগী ভোগিনী, ভোগ্য, ভোজন, ভোজনীয়, ভুক্তি, ভুক্ত, ভোক্তব্য, ভোক্তা, বভূক্ষা, বভূক্ষু, ভোজয়িতব্য, ভোজয়িতা।

ভূ = হওয়া : -ভূ, -ভূ, ভব, ভবক, ভবী, ভবা, ভবন, ভবনীয়, ভূবন, ভূতি, ভূত, ভবিতব্য, ভবিতা ভবিত্রী ভবিতৃ, ভূমা, ভূমি, ভূয়ঃ, ভূয়িষ্ঠ, ভূরি, ভবিষ্ক, ভাব, ভাবক, ভাবী ভাবিনী ভাবি, ভাবা, ভাবন, ভাবনীয়, ভাবুক, ভাবয়িতব্য, ভাবয়িতা।

ভৃ = ভরণ করা, ভরা বহা : ভর, ভরণ, ভরণীয়, ভরত, ভারত, ভর্তব্য, ভর্তা ভর্তী ভর্তৃ, ভ্রাতা, ভ্রণ, ভার, ভারী, ভার্যা, -ভৃৎ, ভৃত, ভৃতি, ভৃত্য, -ভৃথ।

ভ্রম্ = খোঁরা : ভূমি, ভ্রম, ভ্রম, ভ্রমী, ভ্রমণ, ভ্রমণীয়, ভ্রান্তি, ভ্রান্ত, ভ্রামক।

মদ, মাদ্ = উল্লসিত হওয়া, শ্রমন্ত হওয়া : মদ, মদী, মত্ত, মদন, মদিতব্য, মদির, মদিরা, মদ্র, মৎসর, মাদ, মাদক, -মাদী -মাদিনী মাদি-, মাত্ত, মাদন, -মাদনা, মদয়িতা মদয়িত্রী, মাদয়িতা মাদয়িত্রী, মন্দ, মন্দার, মন্দ্র।

মন্ = চিন্তা করা : মর্নঃ মন, মনীষা, মনু, মনন, মত্ত, মতি, মত্তব্য, মত্তা, মত্ত, মত্তী, মনু্য, মাতি, মান, মানক, মানী মানিনী মানি, মাণ্ড, মূনি, মণ্ড, মীমাংসা, মীমাংস।

মা = পরিমাপ করা : মান, মিতি, মিত, -মাতব্য, মাতা, মাত্র, মায়া, (চন্দ্র)-মাঃ, মেয়, মাপক, মাপ্য, মাপন।

মূচ্, মোক্ষ্ = মোচন করা : -মূক্, মূচ, -মোক, মোচ, মোচক, মোচন, মোচনীয়, মুক্ত, মুক্তি, মোক্তব্য, মোক্ষ, মোক্ষ্য, মোক্ষণ, -মোক্ষণীয়, মুমুকু।

মূহ্ = মুগ্ধ হওয়া : মোহ, মুগ্ধ, মূঢ়, মোহয়িতা, মোহী মোহিনী।

মৃ = মরা : মর, মরক, মরণ, মরু, মর্ত, মর্ত্য, মৃত, মর্তব্য, মৃত্যু, মম, মার, মারক, মারী, মারণ, মুমূর্ষু।

যজ্ = যজনা করা : যজ্, -যজ্, ইজ্যা, যজন, যজনীয়, যজুঃ, যষ্টব্য, যজ্ঞ, যাগ, যাজ, যাজক, যাজী যাজ্য, যাজন, যাজনীয়, যাজয়িতা, যাজয়িতব্য, যজমান।

যা = যাওয়া : যান, যাতব্য, যাতা, যাত্র, যাম, যায়ী, যাযাবর, যাপ্য, যাপক, যাপন।

যুজ্ = যোগ করা : যুজ, যুগ, যোগ, যোগ্য, যোগী যোগিনী, যোজক, যোজ্য, যোজন, যোজনীয়, যুক্ত, যুক্তি, যোক্তব্য, যোক্তা, যুগ্ম, যোজয়িতব্য, যোজয়িতা।

যুধ্ = যুদ্ধ করা : -যুধ্, যুধ্, যোধ্য, যোধন, যোধ্য যোধ্যী যোধ্, যুযুৎসু।

রজ্ রঞ্জ্ = রঞ্জিত হওয়া : রঙ্গ, রঞ্জক, রঞ্জন, রঞ্জনীয়, রজনী, রজঃ, রজত, রক্ত, রাগ, রাগিণী

রম্ = স্ত্রীত হওয়া বা করা : রম, রমণ, রমণীয়, রম্য, রত, রতি, রস্তব্য, রাম রামা, রিরংসা ।

রাজ্ = রাজার মত হওয়া : রাজ, -রাট, রাজা, -রাজ, রাজী, রাষ্ট্র ।

রিচ্ = পরিত্যাগ করা : রেচ, রেচক, রেচ্য, রেচন, রেচনীয়, রিক্খ ।

রুচ্ = দীপ্তি পাওয়া, ভাল লাগা : রুচি, রুচির, রুচ, রুচক, রোচ, রোচক, রোচনা, রুক্ম, রুক্ষিণী, রুক্ষ ।

রুহ্ = চড়া : রোহ, রোহণ, রুঢ়, রুঢ়ি, রোপ, রোপণ, রোপ্য, রোপণ, রোপণীয় ।

লভ্ = লাভ করা : লভ, লভ্য, লাভ, লাভী, লক্, -লক্, লক্খ্য, লভ, লিপ্সা, লিপ্সু ।

লিহ্ = চাটা : লিহ, লেহ, লেহক, লেহ্য, লীঢ়, লেহন, লেলিহান ।

বচ্ = বলা : বাক্, বীচ, উচ্য, বাক্, বাক্য, বাচক, বাচী, বাচ্য, বচন, বচনীয়, বচঃ, উক্ত, উক্তি, বস্তব্য, বস্ত্, উক্খ, বাগ্মী, বিবক্ষা, বাচয়িতা ।

বদ্ = বলা : -বদ, বদ, উদ, -উদিত, বাদ, বাদক, বাদী বাদিনী, বাদ, বাদন, বাদনীয়, বাদিতব্য

বপ্ = বপন করা : বাপ, বপন, বপনীয়, উপ, বপ্তা ।

বস্ = বাস করা : বস, বাস, বসন, বাসন, বাসী বাসিনী, বাসক, বাসনীয়, বসতি, বস্ত, বাস্ত, বস্তব্য, উষিত, উষিতব্য ।

বহ্ = বহা : বহ, বাহ, বাহ্য, বাহন, বহন, বহনীয়, বাহী বাহিনী বাহি, উঢ়, বোঢ়ব্য, বোঢ়া, বহিত্র, বহি, বক্ষঃ ।

বিচ্ = বিচার করা : (বি)বেক, (বি)বেচক, (বি)বেচন(ী), (বি)বিস্ত ।

বিদ্ = জানা : -বিৎ, বিদ, বেদ, বেদক, বেদী, বেদ, বেদন, বেদনীয়, বিত্তি, বেত্তা, বেদিতা, বেদিতব্য, বিদ্যা, বিদ্বয়, বিদ্বান্ বিদ্বধী, বেদয়িতা ।

বৃ = ঢাকা দেওয়া : বর, বরক, বরণ, বরণীয়, উৰ্, বৃৎ, -বৃত, -বৃতি, বৃত্ত, বর্ণ, বরণ, বর্ম, উৰ্গা, উর্মি, বরিষ্ঠ, বার, বারক, বৃত, বাৰ্য্য ।

বৃ = বরণ করা : বর, বৰ্য্য, বরণ্য, বরিষ্ঠ ।

বৃৎ = ফিরা : বৃৎ, বৃত, বর্ত, বর্তী, ব্রত, বর্তন, বর্তনীয়, বৃতি, বৃত্ত, বর্তব্য, বস্ম ।

বৃধ্ = বাড়া : বৃদ্ধ, বর্ধক, বর্ধন, বর্ধনীয়, বর্ধিষ্ণু, উধ্ব, বর্ধয়িতা, বর্ধপিন, বর্ধমান ।

শংস্ = প্রশংসা করা : (প্র)শস্ত, -শংসা, -শংসন, -শস্তি, শস্ত, -শস্তব্য ।

শক্ = সমর্থ হওয়া : -শক, শক্য, শক্ত, শক্তি, শক্র, শচী ; শিক্ষা, শিক্ষক, শিক্ষণ, শিক্ষণীয়, শিক্ষিতুকাম ।

শম্ = শাস্ত হওয়া : শম, শাম্য, শমনীয়, শাস্ত, শময়িতব্য ।

শস্ = আদেশ দেওয়া : শাসন, শাসক, শিষ্ণ, শস্ত, শান্তি, শাস্তা, শাস্ত্র ।

শী = শোওয়া : -শ, -শয়, শয্যা, শায়ী শায়িনী শায়ি, শয়ন, শয়নীয়, -শায়ন, শয়িতব্য ।

শুচ্ = দীপ্তি পাওয়া : শুক্, শুচ, শোচ, শোক, শোচন, শোচনীয়, শুচি, শুক্তি, শোচিতব্য,

শুক্, শুরু ।

শ্রি = আশ্রয় করা : -শ্রয়, -শ্রয়ী, শালা, শ্রয়ণীয়, শ্রিত, শ্রয়িতব্য, শরণ, শ্রেণি, শর্ম, শরীর ।

শ্র = শোনা : -শ্রব, শ্রব্য, শ্রবণ, শ্রবণীয়, শ্রাব্য, শ্রাবণ, শ্রবঃ, শ্লোক, শ্রুতি, শ্রুত, শ্রোতব্য ।

শ্রোতা শ্রোত্রী শ্রোতৃ, শ্রোত্রিয়, শুশ্রূষা, শুশ্রূষক, শ্রাবয়িতা, শ্রাবয়িতব্য ।

সজ্, সঞ্জ = বোলা : সজ্য, সঞ্জ, সঙ্গ, সঙ্গী সঙ্গিনী সঙ্গি, -সক্ত ।

সদ্ = বসা : সদ, সচ্ছ, সদঃ, সদশ্চ, সদন, -সন্ন (নিবন্ন), সক্ত, সন্ম, সাদয়িতব্য ; সংসদ, পরিষদ ।

সহ্ = শক্ত হওয়া, সহ্য করা : সহ, সহসা, সাহস, সহ্য, সহন, সহনীয়, সোঢ়ব্য, সহিতব্য ।

সিচ্ = সেচন করা, ঢালা : সেক, সেচন, সেচক, সেচনীয়, সিক্ত, সেক্তব্য ।

সীব্ = সেলাই করা : সীবন, সীবক, সেব, সেবিতব্য, সূত্র ।

সূ = প্রবাহিত হওয়া : সর, সার, সারক, সরণি, সরণ, -সরণীয়, সরঃ, সরিং, সূত, সূতি, সত'ব্য,

সলিল, সরল ।

সৃজ্ = পরিচালনা করা : সৃক্, সর্গ, সর্জ, সর্জন (বাঙ্গালায় 'সৃজন'), সৃষ্ট, সৃষ্টি, সৃষ্টা, সৃষ্টব্য,

সিসৃক্ষা ।

• সৃপ্ = বুকে হাঁটা : সর্প, সর্পী, সর্পিল, সর্পণ, সর্পিঃ, সরীসৃপ ।

স্তত্, স্তভ্ = ভার বহন করা : স্তম্ভ, স্তরু ।

স্ত = স্তব করা : স্তব, স্ততি, স্তত, স্তোতা স্তোত্রী, স্তবনীয়, স্তাবক, স্তোতব্য, স্তোত্র ।

স্থ = দাঁড়ানো, থাকা : -স্থ, স্থান, স্থেয়, স্থিত, স্থিতি, স্থাতব্য, স্থাতা, স্থাণ, স্থির, স্থাবর, তিষ্ঠ,

স্থাপক, স্থাপন, স্থাপনীয়, স্থাপয়িতা, স্থাপয়িতব্য ।

স্থপ্ = নিজা যাওয়া : স্থাপ, স্থপ্ত, স্থপ্তি, স্থপ্তব্য ।

হন্ = আঘাত করা : -হন্, -হ্ন, -ঘ, -হনন, হত্যা, হত, হন্তব্য, হস্তা হস্তী, হন্ত্, জিহাংসা, জিহাংস্থ,

ঘাত, ঘাতক, ঘাতী ঘাতিনী, ঘাতন, ঘাতুক ।

হ্ = হোম করা : -হব, হব্য, হবন, হবনীয়, হবিঃ, হত, হ্তি, হোতব্য, হোতা, হোত্র, হোম

হ্ = হরণ করা : হর, হার, হারী হারিণী হারি, হৃত, হত'ব্য, হত'র্বা, হারয়িতব্য ।